


Шиҳобиддин Муҳаммад ан-Насавий

**СУЛТОН ЖАЛОЛИДДИН
МАНГУБЕРДИ ҲАЁТИ
ТАФСИЛОТИ**



Сийрат ас-султон
Жалол ад-Дин
Мангбурни



УЗБЕКИСТОН РЕСПУБЛИКАСИ
ФАНЛАР АКАДЕМИЯСИ ТАРИХ ИНСТИТУТИ

Шиҳобиддин
Муҳаммад ан-Насавий
Султон
Жалолиддин Мангуберди
ҳаёти тафсилоти

Тошкент
“Узбекистон” изишрети,
“Каукил” изашрети

63.3 (5Y)

Ш67

Камол Матёқубов таржимаси

Шиҳобиддин Муҳаммад ан-Насавий.

Султон Жалолиддин Мангуберди ҳаёти /Матёқубов тарж.—Т.: “Ўзбекистон”—“Ёзувчи”, 1999.—432 б.

Сарл. олдида: Ўзбекистон Республикаси ФА тарих институти.

Инсон факат бугунги кун билангина яшамайди, унинг қалбиша эртанинг умиди ҳам бўй кўрсатиши табиий. Аслида бугун ҳам, эрта ҳам ўтмишдан андоза олади. Шундай экан, биз эртанинг умидида яшаётганлар оладиган андозаларимизнинг тарихини яхши биламиزمи? Бизларга ўрнак бўлувчи, бизларни улуғвор ишларга, яратувчиликларга ундовчи аждодларимизни яхши биламиzmи? Бу мангалик саволга ҳар бир авлод ўзича жавоб ахтармоғи аниқ.

Тарихда буюк ишлари, мардликлари, қаҳрамонлиги, юртпарварлиги, озодлик учун кураши билан лол қолдирган Жалолиддин Мангуберди тақдирини яхши билиш ҳам ана шу саволга изланаштган жавоблардан биридир. Биз шу пайтакча Жалолиддин Мангуберди ҳақида пималар билар эдик? Ниҳоятда оз нарса! Демак, қўлингиздаги ушбу китоб биз тақдирини, тарихини оз миқдорда биладиган юртдошимиз ҳақида ниҳоятда кўп маълумотлар бериши билан қимматлидир.

ББК 63.3 (5Y)

III 4702620201-27
M362(04)-99 қатъий буюртма -99

ISBN 5-8255-0626-8

© “Ўзбекистон” нашриёти,
“Ёзувчи” нашриёти, 1999 йил

Жалолиддин МАНГУБЕРДИ таваллудининг 800 йиллигига

СУЛТОН ТАРИХИННИНГ ТАДҚИҚИ

Мозийга қайтиб иш кўрмоқ хайрли, дейишади. Шу мъйнода истиқлолдан кейин мамлакатимизда кўплаб хайрли ишлар амалга оширилди. Аввало, тарихни, мозийни ўрганиш давлат аҳамиятига молик иш деб белгиланди. Шу асосда Имом Бухорий, Аҳмад ал-Фарғоний, Замахшарий, Ҳаким ат-Термизий, Амир Темур, Улуғбек, Нақшбандий, Бобур, Феруз сингари улуг аждодларимизнинг, алломаларимизнинг ўлмас мероси ўрганилди. Бухоро, Хива каби шаҳарларимизнинг икки ярим минг йилик тўйлари ўтказилди, тарихи тадқиқ этилди. Минг йилилик тарихга эга Маъмун академияси қайта тикланди ва фаолият кўрсата бошлади. Ўнлаб ноёб архитектура ёдгорликлари давлатимиз ҳомийлигига қайта тикланди.

Тарихга, мозийга нисбатан муносабат бутунлай ўзгарди, эндиликда уни яхши ва ёмонларга ажратмай, ҳар хил синфларга бўлмай, қандай мавжуд бўлса, шундай яхлит ҳолда холис, ҳаққоний, аниқ фактлар асосида дунё тарихи билан биргаликда ўрганиш талаб қилиб кўйилди.

Давлатнинг ўтмиш меросимизни тадқиқ этиш борасидаги хайрли ишлари изчил давом этмоқда. Юртимизда эндиликда “Алпомиш” достонининг тўйини, Камолиддин Беҳзод, Оғаҳий таваллуд саналарини ўтказишга тайёргарлик бормоқда.

Мамлакатимиз Президенти юртимиз тарихини ўрганиш, ҳалқимизни ўтмиш қадриятларидан баҳраманд этишда яна бир улуғвор ишни бошлаб берди. 1999 йилда Жалолиддин Мангуберди таваллудининг 800 йиллигини нишонлаш тўғрисида фармон чиқарди. Шу асосда Вазирлар Маҳкамасининг бу ҳақда қарори қабул қилинди. Фармон ва қарорда улуг юртдошимиз хотирасини абадийлаштириш борасида кўп ишлар қилиш белгиланган. Тўй баҳонасида Ватан озодлиги йўлида жонини Фидо қилган довюрак курашчи, миллий қаҳрамон, жаҳон ҳалқлари

тариҳида ўчмас из қолдирган буюк инсон, ватанпарварнинг ҳаёти, фаолияти, аждодлари тарихини тадқиқ этиш, у ҳақдаги тарихий ҳақиқатни тиклаш асосий мақсад қилиб кўйилди.

Мақсад улуғ, ният катта. Лекин тарихий ҳақиқатни, ўлмас меросимизни тиклаш осон эмас. Очигини айтиш керак, халқимиз Жалолиддин Мангубердининг қаҳрамонлиги, ватанпарварлигидан, босқинчиларга қарши курашидан қанчалик фахрланмасин, номини қанчалик улуғламасин, кейинги салкам 150 йил давомида ҳақиқий тарихидан бехабар бўлиб келди. Унинг ҳаёти ҳақидаги асарлар, битиклар ўтмишнинг узоқ йиллар қатламларида гоҳ унтилди, гоҳ ўрганиш тақиқланди. Тадқиқотлар қилинмади. Шунинг учун мамлакатимиз Президентининг Жалолиддин Мангубердининг 800 йиллигини нишонлаш ҳақидаги фармони унинг ҳаёти, фаолияти, юрт озодлиги учун кураши ҳақидаги тарихий ҳақиқатни халқимизга етказиш йўлидаги дастлабки энг катта тадбир бўлди, дейиш мумкин.

Бу ўринда ҳақли савол туғилади: хўш, бизда ахвол шундай кечган экан, эндиликда Жалолиддин тарихини ҳаққоний, холис ёритиш учун имкон борми? Унинг тақдирни ҳақида, Хоразмшоҳлар давлати тарихи тўғрисида манбалар, тадқиқотлар, маълумотлар мавжудми?

Не ажабки, тарихда ҳам ғалати, ғайритабии ҳолатлар учраб туради. Айтайлик, хоразмшоҳлар — заминимизда ҳукмронлик қилиб ўтган улуғ аждодларимиз, Жалолиддин — юртимиз фарзанди, халқимизнинг ардоқли қаҳрамони. Лекин улар тарихи ҳақида ўз тарихчиларимиздан кўра бошқа халқлар муаррихлари кўпроқ асарлар ёзib қолдирганлар. Бу ғайритабии ҳолат кейинги даврларда ҳам давом этган. Масалан, XIX—XX асрларда ўз таримида Жалолиддин ва унинг аждодлари — Хоразмшоҳлар салтанати ҳақида илмий-тадқиқот асарлари ниҳоятда кам, умуман йўқ даражада бўлса, худди шу давр Европа, араб, турк қадимшунослигига улар тўғрисида бир неча ўнлаб илмий-тадқиқот асарлари яратилган. Умуман, дунё қадимшунослигига назар ташлайдиган бўлсак, бу мард, Ватан озодлиги йўлида фидойи инсон ҳаёти, фаолияти ҳақида кўплаб асарлар борлигини кўрамиз. У ҳақдаги XIII асрдан то ҳозиргача яратилган асарларни санайдиган бўлсак, улар салкам 500 жилдга яқин китобни ташкил этади. Бу асарларни шартли равишда икки даврга: бирин-

чи даври – XIII–XVII асрларда ёзилган битикларга; иккинчи даври – XVIII–XX асрларда яратилган асарларга бўлиб ўрганиш мумкин.

Биринчи даврда яратилган асарларнинг аксарияти Шарқ тарихчиларининг, ижодкорларининг қаламига мансуб ҳисобланади. Уларда Жалолиддин ҳаёти, фаолияти, тақдирни ҳақида ҳикоя қилинади. Мўгулларга қарши олиб борган курашлари акс эттирилади. Бу асарлар муаллифларининг аксарияти Жалолиддинни кўрган, билган, у ҳақда эшитган, унинг ҳаётидан хабардор инсонлардир. Бу даврда яратилган асарлар ёдномалар, йилномалар, тарихий хужжатлар ва ҳар хил битиклардан иборат.

Ана шулар орасида ишончли, асосий тарихий манбалярдан бири Шиҳобиддин Муҳаммад ан-Насавийнинг “Султон Жалолиддин Мангуберди ҳаётининг тафсилоти” асаридир. Шиҳобиддин ан-Насавий Хуросоннинг Наса шахри яқинида туғилган. Шу вилоятдаги Хурандиз қальасининг волийси бўлган. У туркий, форсий, арабий тилларни мукаммал билган. Наса шахри ва вилояти Хоразмшоҳлар кўл остидаги мулклардан бири бўлган. Асарни ан-Насавий 1241 йилда Жалолиддин ўлимидан 10 йил кейин ёзишга киришган ва 1249 йилда вафотидан сал олдин тутгатади. Асарга 1218 йилдан 1231 йилгача Хоразм, Мовароуниҳр, Хуросон, Ҳиндистон, Эрон, Ироқ, Озарбайжон, Грузия каби давлатларда, аниқроғи, Жалолиддин кўл остида тўплаган салтанатда бўлиб ўтган воқеалар, Хоразмшоҳ Аловуддин Муҳаммад ва Жалолиддин Мангуберди фаолиятлари, Чингиз босқини даҳшатлари ҳаққоний тарзда ҳикоя қилинади. Ундаги воқеа-ҳодисалар, уларнинг иштирокчилари ҳақидаги маълумотларнинг ҳаққонийлигига шубҳа қилмаса ҳам бўлади. Чунки асар муаллифи ан-Насавий Жалолиддиннинг муншийси, шахсий котиби бўлган, у билан бирга кўп масалаларни ҳал қилишда иштирок этган. Ўзи кўрмаган, билмаган воқеаларни эса уни кўрган-билган ишончли одамларнинг ҳикоялари орқали келтиради. Ушбу асарнинг яна бир қимматли томони шундаки, агар ўша даврда хоразмшоҳлар ва мўгуллар ўртасидаги кураш воқеаларини кўпчилик тарихчилар мўгуллар томонида туриб ёритган-бўлсалар, бу асарда тарихга хоразмшоҳлар томонидан туриб нигоҳ ташланади. Аниқроқ қилиб айтадиган бўлсан, ўша даврнинг бошқа тарихчилари кўра олмаган теран ҳақиқатни ан-Насавий яхши билган ва асарида кўрсатиб бера олган. Ма-

салан, Хоразмшоҳлар давлатининг ички ҳаёти, Туркон хотуннинг мамлакат ҳаётида тутган ўрни, салтанатнинг ичдан емирила бошлиши, қипчоқларнинг Аловуддин Муҳаммадга нисбатан сотқинлиги, Бөғдод халифасининг хоразмшоҳларга нисбатан салбий муносабати, Жалолиддиннинг Грузияга юриши сабаблари, унинг аййубий, исмоилий султонлар билан ўзаро алоқаси, уларнинг сultonга хиёнаткорлиги каби масалалар борки, Насавий уларни янгича асосда ёритади. Шунинг учун ҳам ўша даврда ва ундан сал кейин яшаб ўтган тарихчилардан аксарияти, жумладан, ал-Мақдисий, Абул Фидо, ибн Халдун, ал-Фуватий, ал-Айний, ал-Хазражий, ибн Шаддод, аз-Заҳабий, ас-Сафадий тўпламларида ан-Насавийнинг бу асарига Жалолиддин Мангуберди ҳаётини акс эттирувчи бирламчи, ишончли манба деб баҳо берганлар ҳамда ундан иқтибослар олганлар.

Шиҳобиддин Муҳаммад ан-Насавийнинг “Султон Жалолиддин Мангуберди ҳаётининг тафсилоти”, (“Сират ас-султон Жалолиддин Манкбурни”) асари араб тилида ёзилган. Асарнинг иккита тўлиқ бўлмаган кўлёзмаси бугунги кунгача етиб келган. Улардан бири — 1260 йилда ёзилган кўлёзмаси Париж Миллий кутубхонасида, иккинчиси Британия музейида сакланади. Бу асар ҳақида гарб тарихига илк маълумотни XIX аср ўрталарида К.Д’ Оссон олиб киради. Унинг 1852 йилда Амстердамда нашр этилган “Мўгулларнинг Чингизхондан Амир Темургача бўлган тарихи” деб номланган асарида бу ҳақда муфассал маълумот берилган. Кейинчалик шарқшунос олим Октав Удас “Сират”ни француз тилига таржима қиласи ва нашр этиради. Бу асарнинг жаҳон тарихидаги ўрни ҳақида бир қанча мақолалар ёзади. Шундан кейин гарб тарихида Жалолиддин тўгрисида А.Мюллер, Ж.Бойль, В.Фишель, В. Аллен, Х.Хорст, Кл.Каен, Г.Готтшалк, Б.Шпuler каби олимларнинг илмий тадқиқотлари пайдо бўлади. Улар Насавий асари билан биргаликда Жалолиддин Мангубердининг тарихдаги ўрнига ҳам муносиб баҳо берадилар.

О.Удас таржимаси асосида Насавий асарини 1914-1916 йилларда Ю.Зиё ва А.Тавҳид турк тилига ўтириб, нашр қилдирадилар. 1934 йилда бу асар Нажиб Асим таржимасида яна бир бор турк тилида нашр қилдиради. Бунда аввалги таржимада йўл кўйилган камчиликлар тўлдирилади ва асар мукаммаллаштирилади. Кейинчалик О.Удас таржимасидаги асар Коҳирада нашр этилади. 1945 йилда

бу асар Мұхаммад Али Насих томонидан форс тилига ҳам ўғирилади. 1953 йилда Ҳофиз Аҳмад Ҳамдий уни О.Удас таржимаси асосида араб тилига таржима этиб, нашрдан чиқартиради. Кейинчалик Насавий асари бошқа тилларга ҳам таржима қилиниб, кўплаб илмий тадқиқотлар пайдо бўлди.

“Сират” рус тилига 1850 йилдан 1900 йилгача қис-қартирилган ҳолда бир неча бор таржима этилган. Унинг рус тарихида ўрганилишида Петербург университетининг профессори, шайх Мұхаммад Тантавийнинг хизматлари каттадир. Аввало, шайх Тантавий Париж Миллий кутубхонасидағи Насавий асари қўлёзмасини қайтадан кўчириб олади. Унинг йўқолган саҳифалари, ўчиб кетган жойларидаги сўзларни асар руҳидан келиб чиқсан ҳолда тўлдиради. Баъзи жойларига аниқлик киритади. Шу тарика ан-Насавий асарининг шайх Тантавий тайёрлаган нусхаси О.Удас нашр эттирган нусхасидан кўра тўлароқ ва мукаммалроқ чиқади.

Ушбу асар устидаги ишни кейинчалик озарбойжонлик тарихчи, шарқшунос олим Зиё Бунёдов давом эттиради. У ан-Насавий асарининг араб, француз, форс тилларидаги ва шайх Тантавийнинг нусхалари асосида танқидий матнини тайёрлади. Аммо бу иш 60-йиллардан бери нашр қилинмасдан қолиб келмоқда. Айни пайтда, олим асарнинг тўлиқ нусхасини, танқидий матн асосида рус тилига таржима қилиб, 1973 йилда Бокуда нашр эттирган.

Афсуски, ан-Насавийнинг Жалолиддин Мангуберди ҳақидаги энг ишончли маңба бўлган бу асари ҳам, уни тадқиқ қилиш асосида хорижлик қадимшунослар томонидан яратилган бошқа ўнлаб асарлар, мақолалар ҳам ўзбек тилига ўтирилмаган.

Жалолиддин Мангуберди ҳақида ёзилган асарлардан яна бири Нуриддин Зайдарийнинг форс тилидаги “Нафсат ал-масдур фи футур заман ас-судур ва заман ас-судур ал-футур” йилномасидир. Нуриддин Зайдарий ҳам Жалолиддиннинг муншийси, котиби бўлган. Тарихчилардан айримлалири Зайдарийнинг бу асарини ан-Насавийнинг “Сират”идан таржима деб баҳоласа, баъзилари алоҳида мустақил асар деб қарайдилар. Зиё Бунёдов иккала асарни — “Сират”ни ҳам, “Нафсат ал-масдур”ни ҳам ўрганиб, бир шахс, бир воқеа-ҳодисалар, бир тарих ҳақидаги икки асар деб ёзади. Нима бўлмасин, бу асарнинг борлиги, унда Жалолиддин

Мангуберди ҳақида маълумотлар берилиши тарихимизни ўрганиш учун катта аҳамиятга эгадир.

Жалолиддин Хоразмшоҳ ҳаёти ва фаолияти тўғрисида маълумотлар берувчи тарихий битиклардан бири Йиззиддин ибн ал-Асирнинг ўн икки жилдан иборат “ал-Комил фит-тарих” (“Муқаммал тарих”) асариdir. Жаҳон тарихига оид воқеалар хронологик тарзда қайд этилган бу асарда Хоразмшоҳлар давлати фаолиятига алоҳида ўрин берилган. Асар муаллифи китобида келтирган воқеаларни кўрмаган, шоҳиди бўлмаган бўлса ҳам, эшитганлари асосида яратган. Шиҳобиддин ан-Насавий Ибн ал-Асирнинг бу китобига юқори баҳо бериб, бундай деб ёзди: “У асарида баъзи ўринларда ҳақиқатдан бир оз чекинган бўлса-да, энг муҳим ва асосий воқеалардан бирортасини эътибордан четда қолдирмаган”. Шунингдек, Насавий унинг бу китобидан таъсиранганини, ўз асарини яратиша ундан фойдаланганини ҳам эслатади. Шундан келиб чиқиб айтиш мумкинки, Ибн ал-Асирнинг бу асари Насавий асаридан ўн йиллар илгари ёзиб туталланган. Ўтмиш тарихимиз тўғрисида бой манбаларга эга бўлган, жаҳоннинг кўплаб тилларига ўтирилган бу асар ҳам ўзбекчага таржима қилинмаган.

Таниқли тарихчилар Жувайнний “Тарихи жаҳонгуша”, Рашидиддин “Жами ат-таворих”, Жузжоний “Табақати Носирий” асарларида ҳам Жалолиддин хусусида маълумотлар берганлар. Мўғул хонлари хизматида бўлган бу тарихчилар сulton ҳаёти, фаолиятини раҳнамолари талаби билан бир ёқлама ёритишга мажбур бўлганлар. Аммо цунга қарамай, улар ҳам сultonнинг мардликлари, қаҳрамонликларидан кўз юмолмайдилар. У ҳақдаги тарихий ҳақиқатни эътироф этадилар. Бундай эътирофлар мўғуллар тарихи “Муқаддас битиклар”да ҳам, Чингиз хизматида бўлган хитойлик тарихчилар Елюй Чу-Цай ва Сун Цзи-чженъ асарларида ҳам учрайди. Уларда Хоразмшоҳларнинг ҳаёти, мамлакати тегралари, халқлар фаолияти қаламга олинади. Жалолиддиннинг қаҳрамонликлари, кураш йўллари, кўшинлари тўғрисида маълумотлар берилади.

XIII–XVI асрлар оралиғида Шарқда яшаган бирорта тарихчи йўқки, Хоразмшоҳлар тарихини, хусусан, Жалолиддин Мангуберди ҳаёти, фаолиятини қаламга олмаган ёки улар тақдиридан мисоллар келтирмаган бўлсин. Ана шундай асарлар жумласига Ёкут Ҳамавийнинг “Мўъжам ал-булдан”, Сибт ибн ал-Жавзийнинг “Миъ-

рат аз-Заман”, Ёсин ал-Умарийнинг “Ал-асар ал-Жалийя”, Закариё ал-Қазванийнинг “Асар ал-билад”, Ал-Калкашондийнинг “Субҳ ал-ашъё”, Ибн ат-Тиктаканинг “Ал-фаҳри фил адағ ас-султонийя”, Ибн Тагрибердининг “Ан-нужум...”, Ибн Ҳаликоннинг “Вафайат ал-аяйан”, Ибн Қосирнинг “Ал-бидайа ван-ниҳайя”, Ибн ал-Ибройининг “Тарих мұхтасар ад-дувал”, Ибн ал-Вардининг “Тарих”, Ибн ал-Амиднинг “Тарих ал-мұслимин”, Фози Аҳмад Faффорийнинг “Жаҳоноро”, Бойҳақийнинг “Тарихи Бойҳақий”, Абул Фаражнинг “Абул Фараж тарихи”, арманлар, грузинлар, албанлар ва бошқа халқларнинг тарих ҳақидағи асарлари киради.

Тұғри, бу асарлардаги тарихий фактлар, Жалолиддин ҳаётiga оид маълумотларнинг ҳамmasини ҳаққоний деб бўлмайди. Баъзан фикрларда ҳам чалкашликтар учрайди. Лекин шунга қарамай уларда биз учун қимматли бўлган бир нарса бор — бу тарихимизнинг ҳали кўпчиликка маълум бўлмаган манбалари, хоразмликлар тақдирига оид маълумотлардир. Биз учун Жалолиддин тарихини ўрганишнинг бириңчи даврида яратилган асарларнинг қадр-қиммати ҳам ана шунда.

Жалолиддин Мангуберди тарихини ўрганишнинг иккичи даври XVIII—XX асрларни қамраб олади. Бу даврда яратилган асарлар, асосан, Жалолиддиннинг ҳаёти, фаолияти ҳақида XIII—XVII асрлар оралиғида ёзилган тарихий битиклар, ёдномаларни илмий табдил қилиш, тадқиқ этишдан иборат. Тадқиқотчилар доираси ҳам ниҳоятда кенгайган. Агар Жалолиддин ҳаёти, фаолияти ҳақида фақат шарқ тарихчилари, солномачилари ёзган бўлсалар, уларни тадқиқ этишга гарб тарихшунослари, рус, араб, турк, эрон, грузин, озарбайжон олимлари ҳам кўшилдилар. Дунё қадимшуносларининг Жалолиддин тарихига қизиқиши аввалидан мавжуд эди. Бу қизиқиши Шиҳобиддин Мұхаммад ан-Насавийнинг “Султон Жалолиддин Мангубердининг ҳаёти тафсилоти” асари француз, немис, инглиз тилларига таржима қилинганидан кейин янада кучайди. Ана шу муносабат билан ёзилган асарлар сирасига С.Лэн-Пулнинг “Мусулмонлар сулоласи”, А.Мюллernerнинг “Ислом тарихи”, Е.Давидовичнинг “Мұхаммад Хоразмшоҳнинг танга саройи”, В.Розеннинг “Ан-Насавийнинг “Султон Жалолиддин Манқбурнининг ҳаёти тафсилоти” асарига сўз”, Е.Томаснинг “Хроника”, М.Кейманнинг “Манбалар”, К.Виттфогелнинг “Қорахи-

тойлар”, С.Босвортнинг “Тарих”, А.Иқболнинг “Эрон тарихига доир”, И.Қафасўлининг “Хоразмшоҳлар давлати тарихи”, М.Кўпалининг “Хоразмшоҳлар”, О.Танерининг “Жалолиддин Хоразмшоҳ ва унинг замони”, В.Минорскийнинг “Табриз”, О.Туроннинг “Туркон хотун эмас, Теркен хотун дейиш керак”, А. ал-Аззавийнинг “Ат-тарих” каби асарлари киради. Бундай асарлар рўйхатини яна ҳам давом эттириш мумкин. Булардан ху-лоса қилиб ўшуни айтиш мумкинки, тарихнинг Ўрта аср қисмида жалолиддиншунослик бўлими юзага келган. Тарихчи олимлар бу мавзуга доимий равишда мурожаат қилиб, уни янги-янги тадқиқотлар билан бойитиб бормоқдалар. Афсуски, ҳалқимиз Жалолиддин Мангуберди ҳақидағи асарларни ўқишидан бенасиб бўлгани каби, бу асарлар тўғрисидаги талқиқотлар билан танишишдан ҳам бебахра қолмоқда.

Шу ўринда ҳақли савол туғилади: дунё тарихчилари-нинг Хоразмшоҳлар тақдирига, Жалолиддин Мангуберди ҳаёти, фаолиятига қизиқиши сабаби нимада? Нега муаррихлар, ижодкорлар, шарқшунослар улар меросига қайта-қайта мурожаат қилмоқдалар, унинг янги-янги қирраларини топишга интилоқдалар? Бунинг маълум сабаблари бор. Аввало, Ўрта асрлар тарихида Хоразмшоҳлар давлати катта ўрин тутади. Бу салтанатнинг ташкил топиши, кучайиши, жуда катта теграни қамраб олиши, унда маънавиятнинг юксалиши йирик шаҳарларнинг барпо этилиши, бошқа соҳаларнинг ривожланиши тарих тараққиётида муҳим аҳамиятга эга. Иккинчидан, таназзулга юз тутган бу давлат бошқа бир салтанат — мўғуллар хукмронлигига йўл очиб берди. Айни пайтда унга, бу янги кудратли давлатга кучли зарба ҳам бера олди. Тарихда хукмронликнинг янгиланиш жараёни юз берди. Учинчидан, тарих ўз майдонига Хоразмшоҳлар давлати намояндаси — мард, ватанпарвар, фидойи, Ўрта аср йўлбарси, рицари деб танилган қаҳрамон Жалолиддинни олиб чиқди. Уни озодлик учун курашчига айлантирди. Қолаверса, Хоразмшоҳлар салтанати фақат Хоразмнинг ўзидағина хукмронлик қилмади. Бу салтанат ўз доирасига Моваро-уннаҳр, Хурросон, Ирок, Аррон, Мозандарон, Озарбай-жон, Грузия, Афғонистон, Покистон, Ҳиндистон теграларини ҳам бирлаштириб олганди. Демак, бу давлатнинг тарихи ана шу теградаги ҳалқларнинг ҳам тарихи эди. Ана шу сабабларга кўра муаррихлар, қадимшунос-

лар, ижодкорлар Ўрта асрларда юксак мавқега эга бўлган бу давлат тарихига қайта-қайта мурожаат қилаётганлари табиий эди.

Собиқ шўролар империяси даврида собиқ иттифоқда ҳам Жалолиддин, Хоразмшоҳлар давлати тарихини тадқиқ этишга баъзи интилишлар бўлди. Тарихчилар, олимлар, ижодкорлар асарларида бу давр тарихи ҳақида тўла бўлмаса ҳам айрим маълумотларни ёзисб қолдирдилар. В.Бартольд “Туркистон мўғул босқини даврида” асарида Хоразмшоҳлар давлатига ҳам, сўнгти хоразмшоҳ Жалолиддин фаолиятига ҳам юксак баҳо берди. Аммо бу асар ҳам ўзбек тилига таржима қилинмади. Олим С.Толстов “Қадимги Хоразм маданиятини излаб” асарида ҳам бу давр тарихига тўхталиб ўтган. Илмий тилда ёзилган бу асар ниҳоятда кам нусхада нашр этилган.

Жалолиддин Мангуберди ҳақида асар ёзганлардан бири атоқли шоир Мақсад Шайхзода бўлди. Унинг уруш йилларида яратган “Жалолиддин Мангуберди” тарихий драмаси саҳналаштирилди. Аммо асарнинг асл нусхаси ҳеч қаерда нашр қилинмади. Мўгуллар ҳақида тарихий асарлари билан танилган В.Ян ҳам уруш йилларида Жалолиддин тўғрисида қисса ёзган. Қисса Москвада бир гуруҳ олимлар томонидан муҳокама қилинган. Муҳокамада сталинпраст олимлар Жалолиддиннинг Грузияга юришини қоралаганлар. Муаллифни Хоразмнинг қудратини ошириб кўрсатишда, Грузиянинг мавқеини пасайтириб акс эттиришда айблаганлар. Ана шу сабабларга кўра асар нашр этилмаган. Туркманистон ва Озарбайжонда ёзувчилар Жалолиддин Мангуберди ҳақида роман ва қисса ёзганлари, улар нашр этилгани ҳақида маълумотлар бор. Грузин адаби Г. Абашидзенинг “Лашарела”, “Ялдо туни”, “Цотнэ” трилогиясида ҳам Жалолиддин образи яратилган. Озарбайжонлик олим Зиё Бунёдовнинг “Ануштегинлар — Хоразмшоҳлар давлати” китоби кейинги йилларда бу мавзудаги жiddий ишлардан бири бўлди. Аммо буларнинг ҳаммаси ўтмиш меросимиз, улуғ ватандошимиз тарихини ўрганиш борасида денгиздан томчи, холос.

Юқоридагилардан англашилиб турибдики, Жалолиддин Мангуберди ҳаёти, фаолияти, тарихини ўрганиш, тадқиқ этишнинг ўзи ҳам бир тарих. Бу жараёнда улуғ ватандошимиз, буюк аждодимиз, миллий қаҳрамонимиз тақдирини яхши билмайдиган ҳалқимиз бир томонда турса, иккинчи томонда Жалолиддин ҳаётини ёритган, ме-

росини тадқиқ этган дунё тарихчиларининг асарлари турди. Бундай ҳолатдан келиб чиқадиган холоса битта, бизнинг олимларимиз ҳам тарихимизнинг ўша даврини, Жалолиддин Мангуберди ҳаёти ва фаолиятини жиҳдий, холис ўрганишлари, ҳалқимизни бу борадаги мавжуд меросдан баҳраманд этишлари керак. Хорижлик олимлар томонидан яратилган Жалолиддин ҳақидаги асарларни тилимизга таржима этишлари зарур. Бу тарихнинг эгала-ри сифатида хорижлик олимларнинг асарларига холис-лик билан муносабатларини билдиришлари керак. Зоро, Жалолиддин Мангуберди таваллудининг 800 йиллигини нишонлашдан мақсад ҳам ана шундан иборат. Ана шунда Президентимиз айтганидек, “Тарих хотираси, ҳалқнинг, жонажон ўлканинг, давлатимиз ҳудудининг холис ва ҳаққоний тарихини тиклаш миллий ўзликин англашда, миўлий ифтихорни тиклаш ҳамдә ўстириш жараёнида ғоят муҳим ўрин тутади, тарих миллатнинг ҳақиқий тарбия-чисига айланади”.

Эътиборингизга ҳавола этилаётган Шиҳобиддин Му-ҳаммад ан-Насавийнинг “Султон Жалолиддин Мангубердининг ҳаёти тафсилоти” асари шарқшунос олим Зиё Бун-ёдовнинг рус тилига таржимаси асосида амалга оширилди. Чунки 1973 йилда Бокуда нашр этилган бу асар бошқа нашрларига нисбатан мукаммаллиги билан ажralиб туради. Таржима жараёнида олимнинг маслаҳатларига амал қилдим, у томонидан тайёрланган асарнинг танқидий матнининг кўлёзмасидан фойдаландим. (Ҳалқимиз учун улуғ ишни қилиб кетган Зиё аканинг охирати обод бўлсин.) Асарнинг изоҳ қисмига бъязи ўринларда ўз муносабатимни ҳам билдириб ўтдим. Шунингдек, таржима жараёнида асарнинг француз, араб тилидаги нашрлари-ни ҳам солиштириб кўрдим.

Маълумки, асар XIII асрда классик усулда, саж асосида ёзилган. Бугунги китобхонни назарда тутиб уни эр-кинроқ таржима йўлини танладим. Албатта, бунда асар руҳи, Насавийнинг у ёки бу воқеаларга муносабати ва бошқа жиҳатларини сақлаб қолишга ҳаракат қилдим.

Юртимиз озодлиги учун курашган улуғ инсон Жалолиддин Мангуберди ҳақидаги ушбу мерос, ёдгорлик асарнинг ҳалқимиз қўлига ўз тилида 750 йилдан кейин етиб келганлиги ҳам биз учун баҳтдир.

Камол МУҲАММАД ЕҚУБ

Султон
Жалолиддин Мангуберди
ҳаёти тафсилоти

Бу Султон Мұҳаммад ибн Тасиш ибн Эл-Арслон ибн Отсиз ибн Мұҳаммад ибн Акуштегин ўғли — Султон Жалолиддин Мангуберди ҳәётининг тафсилоти ва унинг Чингизхон билан ораларида бўлиб ўтган гаройиб, ҳайратомуз тарихи ҳақида мукаммал ҳикоятаар.

Шунингдек, тоторлар ҳукмдори Чингизхон нинг ҳәёти тафсилоти.

Улар томонидан Ҳиндистон, Ажам мамлакатларининг босиб олиниши ва Шарқ мамлакатларининг батамом бўйсундирилиши баёни.

*Кимки ўтмиш битикларин менсимас экан,
Уни олим дея айтма, дема одам ҳам.*

*Ким бу илмни дил-дилига жойлаб олди гар,
Ўз умрига безак бермиш олий, муҳташам.*

МУҚАДДИМА

*Бисмиллоҳир раҳмонир раҳим!
Алҳамду-иллоҳи рабби оламин!*

Еру самодаги барча жонзотларни яратган, уларнинг яшаашлари учун маълум муддат белгилаган, авлодлари пайдо бўлишини, кўпайишини таъминлаган ва буларнинг ҳаммасини яна ўзига қайтишини жорий қилган Оллоҳга ҳамду санолар бўлсин. Унинг учун жонзотларни биттадан яратиш ҳам, нарсаларнинг ҳаммасини бирданига ёки битта-биттадан пайдо қилиш ҳам қийин иш эмас. Унинг ҳукмронлиги улуғворлик билан чулғангандир, бошқа ҳеч ким бундай улуғвор ҳукмронликка эга бўлолмайди. Ожизлик унга ёт нарса. Асрлар ҳам уни ўзгартира олмайди, ойлар, йиллар ҳам унга дахл қилолмайди. Оламнинг яратувчиси бўлган қурдатли, улуғ бу Ижодкорга ҳамду санолар бўлсин. Бу ишда Унга “коф” ва “нун” бир восита бўлиб хизмат этади. Дарҳақиқат, буларнинг ҳаммаси ёлғиз Унинг ишидир! “У бирор ишни ҳукм қиласа, унга фаттина “Бўл!” дейди, холос. Бас, у иш бўлади”*.

Ундан кейин олқишиларимиз ва барча дуоларимизни бизни янгиш йўлларга тушиб қолищдан ҳимоялаган, тўғри ишларга бошлаган, Яратганинг буюрган ҳамма амалларини тарғиб этган Муҳаммад пайғамбаримизга (Оллоҳ уни ҳамда унинг муборак хонадонидатиларни у дунёда ўзи қўлласин ва тақдирласин), унинг машҳур, олийҳиммат сафдошларига бағишиладик! Ахир Куръони Карим ва Суннани қўлларига түғ қилиб олиб, зулмат

* Асадаги бу ўринда ва бундан кейинги барча урингаторида Куръони Каримдан келтириладиган сўнглар маъно таржиматарини шундай белгиладик.

кўйнидаги йўлларимизни шам каби ёритган улар эмасмиди! Шунингдек, гўзал амаллари мушкнинг ёқимли ҳидлари сингари дилларга роҳат бағишлаган ва имон йўлида “Тўхтантглар! Товоң тўлаймиз!” дея ҳақ сўзни айтиб ҳайқирганларни ҳам Яратган дуоларимиздан баҳраманд этсин¹.

Бу сўзларни сизларга Оллоҳнинг марҳаматидан умидвор, ўзининг аламларга тўла умр косасини сипқорган, давр эпкинлари туфайли камбағаллик балосига гирифтор бўлган, ҳукмдорларнинг биридан иккинчисининг қўлига ўтиб яшаб мусофирилик азобларини тортган Муҳаммад ибн Аҳмад ибн Али ибн Муҳаммад ал-мунший ал-Насавий (Оллоҳ унинг ишларини ўнгидан келтирсинг ва ўзини балоқазолардан асрасин!) айтмоқда.

Мен ўтмища яшаб ўтган халқлар тарихига оид асарларни ўқиганимда улардан кўплаб маълумотларни олдим. Уларда инсониятнинг отаси бўлган Одам Отадан ва унинг авлодларининг (улар ҳақига ўқиган дуоларимиз ижобат бўлсин!) турли томонларга тарқалиб кетиш давридан бошлаб то бизнинг шу кунларгача (яъни, фитррамазон ҳайитини ўтказиш тақиқлаб қўйилган пайтларгача) бўлган воқеалар қамраб олинганди.² Шунда бир нарсани англадимки, ҳар бир тарихчининг асосий мақсади, аввало, ўзидан олдингиларнинг айтганларини такрорлаш, сўнг уларнинг гапларига ниманидир қўшиш ёки олиб ташлаш ва ниҳоят, ўз давридаги воқеаларни ҳикоя қилиб беришдан иборат экан. Баъзан шундай бўладики, тарихчи ўтмиш ҳақида батафсил баён қилиб беради, аммо унинг сўзлари бошқаларни тўла ишонтирмайди. Нима учун? Бунинг сабаби бор, айрим ҳолларда асарларда ҳаққоний маълумотларга нисбатан миш-мишлар етакчилик қиласи. Шунинг учун ҳам минг марта эшигтандан кўра, бир марта кўрган афзал дейишади!

Мен Ибн ал-Асир номи билан танилган Али ибн Муҳаммад ибн Абдулкарим иншо қилган “ал-Комил” асарини ўқиганман³. Унда турли халқлар тақдири ҳақида кўплаб воқеалар ҳикоя қилинади. Шунингдек, унда факат ажамликларга хос бўлган ғаройиб маълумотлар ҳам ўрин олганки, бундай маълумотлар бошқа бирорта ижодкор асарида учрамайди. У ўз асарини, онт ичиб айтаман-

ки; “ал-Комил фит-тарих” (“Мукаммал тарих”) деб атаганида тұла ҳақ. Ҳеч шубҳа йүқки, у ажамликлар тарихига оид асарини улар тилида яратганида бу халқларнинг қандайдыр эңг муҳим тарихий манбасига асосланғанлыги аниқ. Агар у асарини бирор тарихий манбага муқояса қилиб ёзмаганида бу даражада муваффакиятта эриша олмаган бўларди. Чунки асарда одамлар ҳикоя қилиб берган воқеаларга нисбатан аниқ маълумотлар кўпроқ қамраб олинган.

Унинг асарини ўқиши асносида улуг Султон Аловуддинё-вад-дин Абул Фатҳ Мұхаммад ибн Тасишибн Эл-Арслон ибн Отсиз ибн Ануштегин ва унинг хушбаҳт ўғли, дини исломни мустаҳкамлаш йўлида беҳад азият чеккан Жалолиддин Мангуберди хусусидаги (Оллоҳ иккаласининг ҳам қабрини нурга тўлдирсинг ва жойлари жаннатда бўлсин!), тақдир бевафоликлари туфайли улар бошига тушган ташвишлар, бахтсизликлар тўғрисидаги маълумотларга ҳам дуч келдим⁴. Шу ўринда бир нарсани айтиш керакки, у (Ибн ал-Асир) асарида баъзи ўринларда ҳақиқатдан бир оз чекинган бўлса ҳам, эңг муҳим ва асосий воқеалардан бирортасини зътибордан четда қолдирмаган. Шундан кейин ўзимча бундай хulosага келдим: ҳақиқатан ҳам, аш-Шом мамлакатида яшайдиган одамнинг Ҳиндистоннинг энг узоқ чеккаларида, Хитойнинг инсон қадами етиши қийин бўлган жойларида юз берагеттан воқеаларни бировларнинг ҳикоялари орқали ёзиб олишга қарор қилиши гаройиб иш эмасми! Ахир дунёда ўтмиш воқеа-ходисаларини ёзиш орқали уларни абадийлаштиришдан, аждодлар тажрибаларидан хulosалар чиқаришдан, ибраторуз меросидан авлодларни манфаатдор қилишдан кўра муҳимроқ ҳамда улутворроқ иш бормикан!

Тақдир Жалолиддиннинг бошига не ташвишларни гирифтор қилмади: у йиқилди ва яна турди, қалбидаги умид учкунни сўнди, аммо бу учкун яна пайдо бўлди. Яратганинг марҳамати билан бу учкун оловга айланди. У бу оловнинг куч-кудрати нималарга қодирлигини кўрсатди. Босқинлар остида топталган ва қулаётган давлатни асраб қолди, уни улкан мамлакатга, ўзи эса улуг ҳукмдорга айланди. Ўлим билан неча бор юзма-юз келди. Сизга маъ-

лумки, у ўз мақсадига эришиш йўлида ниҳоятда оғир синовлардан ўтди. Унинг ҳәётига назар ташласангиз тақдирниң ғалати ўйинларини кўрасиз. Фақат қадимги афсоналардагина учрайдиган қандайдир мўъжизавий куч борлигини англайсиз. Унинг бошидан кечирган саргузаштлар ҳам адоксиз, кўрқинчли, айни пайтда ғаройибдир. Бунинг учун унинг ўн бир йил давомида ўн тўрт марта оғир ва даҳнатли, ҳал қилувчи жангларга бошчилик қилганини эслашнинг ўзи кифоя! Шу вақт ичida у тақдир тақозосига кўра гоҳ туркийлар мамлакатларидан кетиб Ҳиндистоннинг чекка ўлкаларига бориб ҳукмронлик қилса, гоҳ Ҳиндистоннинг олис жойларидан ар-Рум мамлакатларининг марказига қайтиб келиб ҳукмдорлик қилишта улгурди. У гоҳида қудратли ҳукмдорга айланса, гоҳида ҳимоясиз ҳолда саргардан кезишга мажбур бўлди.

Мен эса эндиликда сизларга ўзим гувоҳи бўлган ёки кўрганлардан эшигтганларим ўша воқеаларни баъзилар куш кўрмайдиган ва таъбга ўтиришмайдиган лавҳалардан холи қилган ҳолда сўзлаб бермоқчиман. Айтишадики:

Гапирсам ё иншо айласам агар,
Ажамча аталмиш киноя сўзлар.
Қўлимга, тилимга бўлмасайди гов,
Албатта, мен сўзлар водийси аро
Нутқларимга бериб минг безак, оро,
Баёнга киришиб кетардим дарров.
Сўзлар водийсига кириб келган пайт,
Тилингни боғлама, гапир, қани айт!

Машриқнинг энг улуғ алломаларидан айримлари — ёзувчилик ва нотиклик (илми ҳол ва илми қол) санъатларида ўзини мукаммал намоён қила олганлари хоразмшоҳлар ҳақида турфа маълумотлар ёзиб қолдиришга, шу тариқа уларнинг ҳаётлари, ишлари, фаолиятларини тарих бағрида муҳрлашга интилганлар. Улар асарларида хоразмшоҳларнинг куч-кудрати ва шон-шуҳрати юксалган кунлардан бошлаб то улуғ султон Муҳаммад ибн Такиш ҳукмронлигигача бўлган даврни акс эттирганлар.

Унинг амалга оширган ишлари ниҳоятда улуғ эди: отаси унга Хурросон ва Хоразм ҳукмдорлигини мерос қилиб қолдирди, у бунга Ироқ ва Мозандаронни ҳам бирлаштириди. Шу билан бирга кўл остига Кирмон, Микрон, Кеш,

Сижистон, Фур, Фазна, Бомиён мамлакатларини, Хиндистоннинг водийларига қадар масканларни қўшиб олди. Бу ишларнинг ҳаммаси қиличлар қиндан чиқаришмасдан, ҳатто қинлар елкаларга осилмасдан амалга оширилди: у бу мамлакатларни ортиқча кучсиз, қурашсиз, зўравонлик ва вайронагарчиликларсиз, фақат таҳдид, қўрқитиш билан босиб олди.

У ал-Хитой⁵ ерларини, Мовароуннахр акобирлари ва бошқа туркий хукмдорлар мулкларини ҳам қўрқитиш йўли билан эталлади. Ўзига бўйсунмаганларни йўқ қилдирди ёки уларни Хитойнинг энг чекка ўлкаларидан ўзига бошпана ахтаришга мажбур этди. У ўз кўл остига тўрг юзга яқин шаҳарларни бирлаштириди. Бошқа бирор бўлганда бу даражада муваффақиятга эришиши қийин кечарди, у эса бир оғиз сўз билан кўл остига шунча миқдордаги мулкни тўплади. Унинг номи билан Форс, Арон, Озарбайжондан то Ширвоннинг Дарбандига қадар бўлган мамлакатларнинг минбарларида хутбалар ўқилди. Ўша йилларда у Ҳамадонда икки отабек — Форс хумдори Саъд ибн Зангига ва Озарбайжонни бошқараётган Ўзбек ибн Муҳаммад устига тўsatдан бостириб борди⁶.

У Саъдни асир олди. Ўзбек эса қочиб қутулди. Аммо Ўзбекнинг ишончли таянчлари бўлган Нусратиддин Муҳаммад ибн Пиштегин ва унинг Дандон номи билан танилган вазири Робибиддин Абулқосим ибн Али ҳам кўлга олинди⁷. Натижада Ўзбекнинг аҳволи тант бўлди. У бир шарт билан отабек Саъдни озод қилди, отабек Ўзбек мамлакатига эса хужум қилмаслик тўғрисида ваъда берди. Бу шартга кўра улар унинг номини мамлакатларида хутбага қўшиб ўқитадиган, ҳар йили султон хазинасига маълум миқдорда товоң тўлайдиган бўлдилар. Шундан кейин ҳам у бошқа мамлакатларга юрищни давом эттириди, хукмдорлик чегараларини кенгайтириди.

Бироқ тоторларнинг кутилмаганда бостириб кириши, оғир кулфатларни келтириб чиқарди. Ушбу асар муалифини ҳам битикларидан, бойликларидан, яқинларидан ажратди. Кулфат домига тушганлар Оллоҳнинг иродаси билан осойишталик ўрнатилганидан кейин омонлик қирғоғига етишдилар. Кулфат доми барчани қамраб олди. Ҳаёт қийинчилклари, тақдир ўйинлари ушбу асар муали-

фини ҳам умрининг охирги кунларига қадар синовдан ўтказди.

Акс ҳолда мен котиблик ишида орттирганим жуда кам билим, шикаста қалб, дардли фикрлар билан ўзимга алоқаси бўлмаган бу ишга киришмаган бўлардим. Аммо булар ҳақида батафсил ёзишдан аввал гапни тоторлар ватани ва уларнинг у ерларга кўчиб келиши тафсилотлари ни битишдан бошламоқ керак. Бу ишда эса Оллоҳнинг ўзи мададкор бўлгай!

¹ “Тўхтанглар! Товоң тўлаймиз!” мисраси исломгача бўлган давр адабиётининг назм султони деб танилган Имру ал-Қайснинг (500-540 йиллар) асарининг дастлабки сатрларидан олинган.

² Бу ўринда гап мўгулларнинг бостириб келиши ҳақида бормоқда. Улар Мовароуннаҳр, Хоразм, Ҳурсонни босиб олгач, бу ердаги ҳалқларнинг миллий байрамларини, жумладан, ийд ал-фитр-рамазон ҳайитини ўтказишни тақиқлаб кўйган. Ан-Насавий шунга ишора қилмоқда.

³ Иззиддин Абул Ҳасан Али ибн Муҳаммад ибн ал-Асири (1160—1233-йиллар)нинг “ал-Комил фит-тарих” (“Мукаммал тарих”) асари ҳақида сўз бормоқда. Бу асар ўн икки жилдан иборат қилиб Қоҳирада нашр этилган. Унда жаҳон тарихига оид воқеалар хронологик тарзда қаламга олинган. Кейинчалик бу асар 14 жилдан иборат ҳолда инглиз тилида 1851—1876-йиллар оралиғида нашр этилган.

⁴ Бу ўринда Жалолиддин Мангуберди ва унинг отаси хоразмшоҳ Аловуддин Муҳаммад ибн Такиши ибн Эл-Арслон ибн Отсиз ибн Ануштегин ҳақида сўз бормоқда. У 1200-1220 йилларда ҳукмронлик қилган. Чингизхоннинг Хоразм давлатига юриши унинг ҳукмронлиги даврида бошланган.

Манкбурни (баъзи ҳолларда Манкбурний тарзида ҳам ёзиши) — султон Жалолиддиннинг лақаби. Бу ном, лақаб турли манбаларда ҳар хил ёзилади ва шу асосда тадқиқотчилар ҳам уни турлича тадқиқ этишга уринганлар. Жалолиддиннинг замондошлири бўлган ва ундан кейин яшаб ўтган тарихчиларнинг араб, форс тилларидаги асарларида бу ном Манкбурни ҳолида ёзилган. XVI асрда яшаган Фози Аҳмад Faффорий “Жаҳоноро” асарида ўзидан олдин ўтган тарихчиларнинг фикрларини жамлаб, бундай изоҳ беради: “Султон Жалолиддин ибн Султон Кутбииддин Муҳаммад бурнида ҳоли бўлган, Манкбурни номи билан танилган машхур одам эди”. Маҳмуд ал-Кошға-

рий “Девону лугатит-турк” асарида “манк” сўзини “юздаги хол” тарзида изоҳлайди. Жалолиддиннинг лақабининг “Манкбурни” ҳолида ёзилиши султоннинг Ҳиндистонда пайтида зарб қилдирган тангларида ҳам яққол кўзга ташланади.

Фарб тадқиқотчиси К. д’Оссон “Чингизхондан Амир Темургача бўлган мўгуллар тарихи” асарида унинг лақабини “Мангуберди” тарзида ўқишини тавсия қиласди. Бунда “мангу” — авадийлик, худо ато қилган мангалик маъносида келади. Яъни, унинг лақабидан “уни худо мангалик қилиб берди” деган маънони келтириб чиқарган. Тарихчиларнинг аксарияти унинг бу фикрини инкор қилишади.

Лекин д’Оссоннинг бу фикри қаердан келиб чиққан? У асарида Аловуддин Отамалик Жувайнининг асаридағи фикрларга суюнади. Жалолиддиннинг лақаби ҳақиқатан Манкбурни бўлган. Бироқ кейинчалик унинг бу лақабини айтиш бир оз қийин кечгани учун Мангубердига айланган бўлса керак. Бунда Султон Жалолиддиннинг ўлимидан кейин ҳам унинг ўлмаганилиги, дарвеш сифатида юрт кезиб юриб, ҳалқ озодлиги учун курашларга бош бўлаётганлиги ҳақидаги гапларнинг, унинг мангалигига ишоранинг таъсири бўлиши мумкин. Бошқача айтганда, Жалолиддинга ҳалқ орасида берилган лақаб Жувайний орқали д’Оссонга етиб борган ва у уни “Мангуберди” ҳолида талқин қилган.

³ Ал-Хитойи (Марко Поло уни Катай деб атайди) — XII-XIII асрларда Шимолий Хитойнинг номи шундай аталган. Кейинчалик бу ном бутун Хитойга нисбатан ишлатилган.

⁴ Иzzиддин Саъд I ибн Занги (Рашидиддин унинг номини “Музаффариддин” деб ёзади) — салғарийлар (салғурийлар) сулоласидан бўлган отабек. У 1195-1226 йилларда ҳукмронлик қилган. Отабек Саъд кўшини Хоразмшоҳ томонидан Райга яқин Хайли-Бузург деган жойда 614 (1217) йилда мағлуб этилади ва унинг ўзи асир олинади.

Музаффариддин Ўзбек ибн Мұхаммад (1210—1225-йиллар) — элдегизлар сулоласидан бўлган отабек. У Озарбойжонда ҳукмдор бўлган.

⁵ Нусратиддин Мұхаммад ибн Пиштегин (1210—1231-йиллар) — Ахар (малиги) ҳукмдори бўлган. Бу ҳақда 8-бобда ҳам маълумот берилган.

Отабек Ўзбекнинг вазирининг тўлиқ номи Робибиддин Абул Қосим Хорун ибн Али ибн Зафир Дандон. У 624 (1227) йилда вафот этган.

I-БОБ

ЛАЪНАТИ ТОТОРЛАР, УЛАР ВАТАНИ ВА ИШЛАРИНИНГ ИЛК БАЁНИ

Сўзни улуг деб билувчилар ва қадрловчилардан бир қанчасининг ҳикояларидан эшитишимча, Хитой ниҳојатда катта давлат бўлиб, унинг теграсини олти ойда айланиб чиқиши мумкин экан. Айтишларича, унинг теграси яхлит девор билан ўралган бўлиб, бу девор одам ўтломайдиган тоғлар, катта дарёлардагина узиларкан. Хитой қадим замонларда ёқ олти қисмга бўлинган бўлиб, ҳар бир қисмининг теграси бир ойлик йўл ҳисобланаркан. Ҳар бир қисмни хон бошқараркан, хонлар эса улуг хоқонга, улар таъбири билан айтганда, подшоҳга бўйсунар экан. Уларнинг султон Муҳаммадга замондош бўлган улуг хоқони Олтинхон эди¹. Хитойда хонлик биридан-иккинчи сига — улугидан буюгига, ёмонидан яхшисига мерос бўлиб ўтарди. Хоқон одатда Тамғажда, Хитойнинг маркази бўлган маконда яшарди². Улар ёз давомида бир жойдан иккинчисига кўчиб ўтишар, шу тариқа то қиши бошлангунча бир вилоятдан иккинчи вилоятга ўтиб яшашар эди. Кишининг аёзли, оғир кунларида Ганг соҳилларига, Кашмир яқинига кўчиб боришарди. Улар қишлийдиган соҳилбўйи маскани гўзал водийлар ва баланд тепаликлар билан ўралган бўлиб, бундай гаройиб жойлар бошқа ўлкаларда йўқ эди.

Подшоҳ ўзидан кейин ҳамма нарсанинг ҳимоясини Хитой теграсида яшовчи олтига хон зиммасига юкларди. Юқорида эслатиб ўтилган хонлар орасида Душихон ҳам бор эди³. У лаънати Чингизхоннинг аммасига уйланганди. Бу лаънати урганинг номи ат-Темурчи бўлиб, бу саҳронинг хўжайини деган маънони билдиради⁴. Улар қишлоғини Арғун деб аталган жойда ўтказишган⁵. Бу уруғ туркӣ қабилалар ўртасида босқинчилиги билан ном қозонганди. Хитой ҳуқмдорлари уларни буйруққа итоат этмаслиги сабабли куч-кудратини камайтириш имконига ҳам эга эмасди.

Шундай бўлдики, қонхўр Чингизхон аммасининг эри Душихон вафот этганда Олтинхон йўқ эди. Чингизхон аммасининг хузурига бориб, унга ҳамдардлик билдириб,

кўнглини кўтарди. Шундан кейин у (амма) бўлиб ўтган воқеаларни вафот этган эрининг кўл остидаги заминга икки томондан чегарадош бўлган вилоятлар ҳукмдорла-ри Кушлухон ва Чингизхонга (“3” ҳарфидан кейин нуқта билан ёзилади) етказишга буйруқ берди⁶.

Улар иккаласини ҳам эрининг ўлганлигидан огоҳ этди. Шу билан бирга хондан ўғил фарзанд қолмаганигини, унинг ўрнига ўз жияни Чингизхон тахтга ўтиришини, у эса ўлган хоннинг ишларини давом эттириб, қўшилар (икки хон) билан ҳамкорликда, улар амрига бўйсуниб фаолият кўрсатишини маълум қилди.

Ўшанда ҳар иккала хон мактуб юборган беванинг фик-рини маъкуллашди. Унинг Душихон вафотидан кейин юзага келган бўшлиқни тўлдириб тўғри қилганини, ҳоки-миятни бошқаришда ўзларига маслаҳат солишини мақсадга мувофиқ деб ҳисоблаганини оқилона иш деб баҳолади. Улар Олтинхон ўз қароргоҳига қайтганидан кейин у ва унинг яқинлари хузурида беванинг тутган йўлини қўллаб-кувватлашга сўз бердилар⁷. Шу тариқа Чингизхон Душихон кўл остида бўлган жойни бошқара бошлади. Орадан кўп ўтмай унинг ёнига қабиласидан ва уруғидан ёвуз ниятли кимсалар, муттаҳамлиги билан ном қозонган жанжалкашлар келиб қўшила бошладилар. Ларьнат тошини бўйнига олган бу кимсалар туфайли уруш оловлари ўчгани йўқ, шамширлар ҳамон қонга ботища давом этмоқда.

Олтинхон ўз шаҳри — Тамғажга қайтиб келди. Ҳожиблар, одатдагидай, унга ҳар куни у бу ерда йўқ пайтида амалга оширилган ишлардан бир қанчаси билан таниширига бошладилар. Хузурига Чингизхон совғалари олиб кирилганда у икки хоннинг уни ўзига тавсия қилганини эшитиб ҳайрат аралаш газабга минди. У совғага юборилган отларнинг думини кесиб, ҳайдаб юборишни буюрди. Ҳожиблар хон хузуридан уни (Чингизхонни) қўллаб-кувватлаган икки хонни ларьнатлай-ларьнатлай чиқдилар⁸. Ўзлари ҳам зулмни шунчалик ошириб-тоширдиларки, Чингизхон ва унинг икки дўсти қатл қиличи бўйинлари узра хавф солиб турганлигини англадилар. Шунда улар хонга узроҳликни йиғиштирдилар ва Олтинхонга қарши ўзаро кураш иттифоқини туздилар.

¹ Олтинхон — Шимолий Хитойда 1115—1234 йилларда ҳукмронлик қилган Цзинь авлодининг бешинчи императори, у 1160—1189 йилларда император бўлган.

² Тамғаж (Тамғач, Табғач) — туркийлар ёки мўгулларга қадар яшаган халқлар билан биргаликда хитойликларнинг Веи шажараси (436—557 йиллар) пайдо бўлган маскан. Бу Шимолий Хитой учун умумий ном бўлиб қолган. Баъзи манбаларда Тамғач шаҳар деб юритилади.

³ Душихон (Жувайний ва Жузжоний уни Туши деб атайди, Плано Карпини уни Тоссук ёки Тоссукхон дейди). Эҳтимол, бу Жучи, Жочи номининг туркийча шаклидир. Шундай ҳолда у Чингизхен аммасининг эри ҳисобланади. Бу ном бошқа манбаларда учрамайди. Рашидиддин бу шахсни Чингизхон билан иттифоқдош бўлган Тайжигут қабиласи йўлбошчиси ёки Чингизхон аждодларининг тўртингчи сулоласи вакили, яъни Тўмбинахон ўели Жаксу, унинг ўели Бурука ва унинг катта ўғли билан адаштиради.

⁴ Бу ўринда ан-Насавий Чингизхоннинг исмини — Темурчин (Темучин)ни қабиласининг номи сифатида келтиради. Чингизхоннинг отаси Есугей Қиёт уруғидан, онаси Озлун ака Ол-кунут уруғидан эди.

⁵ Далай нор кўлидан оқиб чиқувчи Аргун дарёси бўйидаги водий кўзда тутилган.

⁶ Кушлухон — Чингизхон замондоши, найманлар ҳукмдори. Унинг номи манбаларда ҳар хил учрайди. Ибн ал-асир — Кашиби, Рашидиддин — Кушлу, Муқаддас битикларда — Қишилик, Раверти — Кожлак деб ёзишади.

“З” ҳарфидан кейин нуқта билан ёзиладиган Чингизхон номи аслида шу Темучин Чингизхонга алоқадор. Бу ерда Темурчин Чингизхон билан ҳамкорлик қилган бошқа Чингизхонни аниқлаб бўлмади. Умуман, ан-Насавийнинг бу ўринда беряётган маълумотлари чалкаш ва нотўғри.

⁷ Ан-Насавий бу воқеани Олтинхон номи билан боғлайди. Аслида бу ўринда гап керантлар хони Ўнгхон (Ванхон) ҳақида бормоқда.

⁸ Ўнгхон ва унинг сафдошлари Чингизхоннинг кучайиб бораётганлигини кўргач, уни йўқ қилиш ҳаракатига тушадилар. Лекин Чингизхон бу режадан оғоҳ бўлади. Унга Ўнгхоннинг амирларидан бири Экс Чэрэннинг икки хизматкори Бадай ва Қишилик тайёрланаётган сунқасд ҳақида хабар етказадилар.

2-БОБ

ЧИНГИЗХОН ВА УНИНГ ИККИ ДЎСТИ ҚЎЗГОЛОН КЎТАРГАНИДАН КЕЙИН БУНИНГ ОҚИБАТИ НИМАЛАРГА ОЛИБ КЕЛГАНИ БАЁНИ

Улар хон қароргоҳини ташлаб чиққанларидан кейин иттифоқдош сифатида бир-бирларига ёрдам бериш тўғрисида қасамёд қиласидар, кўзларида қаҳр-ғазаб алангала-нади, дилларидаги ёвузлик юзларига чиқади. Чингизхон қабиласидан ҳузурига келгандарнинг ҳаммасини ёрдамга чақиради.

Олтинхон уларнинг айбларига икрор бўлган ҳолда ҳузурига келиши учун гоҳ огоҳлантирувчи талаблар кўйилган, гоҳ қаҳр-ғазаб ифодаланган бир қанча мактублар йўллади. Аммо унинг бу мурожаатлари уларнинг нафратини кучайтиради. У уларни ҳар тал ҳузурига чорлаганда “улар бармоқларини қулоқларига тиқиб, кийимларини ўраб-чирмаб олдилар ва оёқ тираб турдилар ҳамда кибру ҳаво қиласидар”.*

У уларни муросага келтириш учун умиди қолмагач, қўшин йигиб, куч тўплай бошлади. Аммо жангда улар уни шармандаларча мағлуб этди. Унинг қўшин таркибиға кирган хитойликларни, туркийларнинг бошқа қабилалари, уруғлари одамларини қирғин қилди. Олтинхон қўшинларининг қолдиқлари билан улардан қочиб, мамлакатни ташлаб Гантнинг нариги тарафиға ўтди. Улар бу ерга жойлашиб, уни ўзига қарам қилди. Туркий қабилалардан кўплаб одамлар ўлжани қўлга киритиш мақсадида улар сафига қўшилдилар.

Олтинхоннинг аҳволи кучсизлиги сабабли янада мураккаблашди. Мағлубият натижасида кучи камайди, аҳвол шу даражага етди, у уларни осойишта ҳамкорликда яшашга даъват этиб, мактуб ёзди. Мактубдан мақсад мулкнинг кўп қисмидан ажралиш ҳисобига бўлса ҳам кўл остидаги озгина жойни сақлаб қолиш эди. Улар унинг таклифига кўнди ва орадаги ўзаро ҳамкорлик асосидаги муносабатлар то Чингизхон ўлимига қадар давом этди¹. Шундан кейин мамлакат ҳукмдорлигини иккови қўлга олди ва уни биргаликда бошқара бошлади. Улар Олтинхон билан осойишта яшашга келишиб, бу томондан хавф-

ни бартараф этгандаридан кейин Болосоғунга юриш қилдилар ва уни босиб олдилар². Шу билан бирга улар Болосоғунга чегарадош бўлган мамлакатни ҳам босиб олиб, ўзларига қарам қилдилар.

Бу вақтга келиб Кушлухон ҳам вафот этди ва унинг ўрнига худди отаси каби Кушлухон унвониға эга бўлган ўғли ҳукмдорликни кўлга олди³. Чингизхон уни ёш, ҳали ҳеч нарсага ақли етмайди ва кучсиз деб ўйлади, ўзи билан унинг отаси ўртасида тузилган мамлакатни бошқариш, мулклардан олинадиган фойдани бўлиш борасида адолат ҳамда тенглик билан иш юритиш хусусида тузилган битимнинг асосини бузди. Оқибатда улар ўртасида бир-бирларига таъна тошлари отилган ёзишма бошланди. Натижада улар бир-бирларидан ажралдилар. Ҳазил билан бошланган гап жиддий тус олди ва душманлик олови алан-галанди. Кушлухон ундан ажралиб кетди.

¹ Кўлёзмадаги варакнинг чеккасида Чингизхон ўрнига Олтинхон ўлди, деб ёзилган. Лекин ундан кейинги ўринда сўз учта иттифоқдош ҳақида эмас, иккитаси ҳақида боради. Бу тузатишдан кейин бирон нарсани аниқлаш — ким ўлганини билиш қийин кечади. Ҳар қалай бу ерда Чингизхоннинг ҳамкори Чингизхон ўлими ҳақида гап боради.

² Болосоғун харобалари Чу дарёси соҳилида жойлашган. Бу ҳозирги Қозогистон теграсида.

³ Ота Кушлухон (Таянхон) Чингизхонга қарши уруща 1204 йилнинг майида ҳалок бўлади. Ўғил Кушлухон дастлаб тогаси Буйруқхон, унинг ўлимидан кейин қора Хитойлар ҳукмдори Гурхон ҳузурига қочади. Гурхон қароргоҳи Чу дарёси соҳилидағи водийда, Болосоғун шаҳри яқинида жойлашганди.

З-БОБ

КУШЛУХОННИНГ ЧИНГИЗХОНДАН АЖРАЛГАНИДАН КЕЙИНГИ ТАҚДИРИ БАЁНИ

Кушлухон Чингизхондан ажралганидан кейин кўшинини Қоялиқ ва Олмалиқ чегаралари томон бошлаб борди. Бу ернинг ҳукмдори Мамдухон ибн Арслонхон эди¹. У бу ҳукмдор билан ўзаро тинч-тотув яшаш, ҳамкорлик қилиш, бир-бирига ёрдам бериш борасида аҳдлашди.

Кушлухоннинг бу мамлакатга келиши Хитой давлатининг ҳукмдори, хонлар хони бўлган Гурхоннинг султон (Муҳаммад) билан жанг қилиши ва ундан мағлуб бўлиб дочиши пайтига тўғри келди. Бу улар ўртасидаги охирги жанг эди ва Гурхон қочиб Кошгар чегараларига қадар этиб борди². Мамдухон Кушлухонни Кошгарга ҳужум қилиш ва Гурхонни асир олиш учун қайрай бошлади. У унга бундай деди: “Агар сен уни енгсанг ва мамлакат таҳтига ўтқазсанг, бевафо тақдир ва бехуда умидлар оғушидаги бирорта туркийлар ҳумкдори сенга қарши туролмайди”. У (Мамдухон) бу давлат — мамлакатнинг кунлари саноқли эканлигини, уларнинг одамларининг жасадларини ва бош суюкларини санайдиган вақт яқинлигини билмас эди. Кушлухон бу амалга ошмайдиган иш деб ҳисобларди. Негаки унинг фикрича, Гурхоннинг мавқеи юксак, қаҳри бошқаларда кўркув уйғотадиган, шон-шуҳрат ва куч-кудрати ниҳоятда улуғвор эди. Кушлухон ўзидан талаб қилинаётган ишга рози бўлмагунча Мамдухон отлиқ ва пиёда қўшинларининг куч-кудратини мақташдан, уни бу ишга ундашдан тўхтамади. Кейин улар иккаласи Қояликдан тушиб, Кошгар чегаралари яқинида унга куттилмагандা ҳужум қилди. Уни ушлаб олишди ва мамлакат таҳтига ўтқазишди³. Кушлухон саройда унинг олдида катта-катта ишларда маслаҳатлар берувчи ҳожибга айланди. Лекин унинг ўзи буюрилган ишни камдан-кам ҳолларда бажаарди.

Султон (Муҳаммад) унинг Гурхонни асир туширганини ва у билан бирга дунёнинг турли жойларидан асрлар давомида қўл остига тўплаган энг сара бойликлар ва қимматбаҳо тошларини ҳам ўзиники қилиб олганини эшилди. Шундан кейин унга (Кушлухонга) чопар йўллаб, бундай деди: “Хонлар хони менинг илкимдан, тўримдан ҳалос бўлди. Мен уни ҳар қандай талончи учун ўлжа, ҳар қандай босқинчи учун курбонлик сифатида кўйиб юбормадим. Сенинг кўнглини унга давлати қудратли бўлган ва куч-куvvати тўлиб-тошган пайтда нима учун ҳужум қилишни тиламади?

Эндиликда мен уни мамлакати ва шаҳарларидан суриб чиқардим. Уни ўзининг собиқ тарафдорлар ҳамда ҳамкорлари қиличи тифига рўпара қилдим. У қизи Тугаж хо-

тунни унга тегишли бўлган барча бойликлар ва қиммат-баҳо буюмлар билан бирга менга келтириб бериш розилиги эвазига муросага эришганди. Бунинг эвазига мен бизнинг қиличимиз тифидан омон қолган оз сонли ахолисига тегмаслигим ва унга қарам бўлган мамлакатнинг қолган қисмини тортиб олмаслигим келишилган эди. Хўш, бундай пайтда мағлуб бўлганин асир олиш инсофданми эди? Агар сен ўзинг ва одамларинг учун хавфсизликни истасант менинг ҳузуримга Гурхон ҳамда унинг қизини атрофидаги одамлари, мол-мулки, ҳазинаси билан жўнатасан. Жўнатмайдиган бўлсанг, бошингта шундай кун соламанки, бундан сени қатъиятинг ҳам, ўткир қиличинг ҳам асраб қололмайди”.

Бунга Кушлухон тавба-тазарру билан бўйсунган ҳолда жавоб қайтарди. У унга мамлакатидаги ноёб буюмлардан иборат совға жўнатди. Бу буюмлар рўйхат қилинганда бир неча устунлардан иборат бўлган бўларди.

Шу билан бирга Гурхонни унинг ҳузурига олиб борласлигини билдириб, узр сўради. Гурхон эса унинг ҳузурида доимо тобелигини тан олар, илтифот кўрсатишни ўтиниб сўраб, бундай дерди: “Бу султон ва унинг отаси менга тўлов тўлаб, содиклигини изҳор қилишарди. Мен уларга кўплаб душманларига қарши курашда ёрдам бердим. Улар иккисининг менга қандай хизмат қилганини ҳамкорларим ҳам, рақибларим ҳам, шу ерликлар ҳам, мусофиirlар ҳам яхши билишади. Эндиликда унга омад кулиб бокқанда у менга шундай зарба бериш ниятидаки, бу ҳақда ўйлашнинг ўзи даҳшатли. Мен у билан қизимни унга бериш шарти билан муросага эришдим. Қизим эса Оллоҳнинг менга инъом қилган буюк неъматидир. Мен ўлимдан кутулиб қолиш учун қўл остимдаги давлатдан ҳам кечдим. Уларнинг кўп шартларига кўнишга мажбур бўлдим. Чунки бусиз меҳр-шафқат ва имконият ҳам, ҳаёт ва ҳимоя ҳам бўлмаслиги аён эди. У менга ҳеч қандай жавоб бермади. Аксинча, қўркув ва таҳлика остига тушиб қолган мамлакатнинг қўл остимда қолган қисмидан ҳам мени маҳрум қилишни истарди. Эндиликда у шундай нарсаларни талаб этмоқдаки, буларнинг ҳаммаси мени йўқ қилишга қаратилгандир ва шундай ҳақорат ёрликлари билан хўрламоқдаки, бундан кўра ўлим афзалдир”.

Кушлухон қалбида унга нисбатан меҳр-шафқат пайдо бўлди. Шу билан бирга у уни (Гурхонни) унинг кўлига топширса, туркийлар кўз ўнгига бир умр уятта қолишидан, бу уят ва шармандалик додини юзидан осонлик билан сидириб ташлай олмаслигидан ҳам хаефсиради.

Шу тариқа у уни, султон то бу иш чўзилганидан, овора-гарчиликлар бошланишидан воқиф бўлганга қадар, бир қанча вақт мобайнича кунба-кун ҳимоя қилинча давом этди.

Султон томонидан Кушлухон хузурига бу иш юзасидан юборилган сўнгги элчи амир Мұҳаммад ибн Қора Қосим ан-Насавий менга баъзи воқеаларни айтиб берганди. У султон топшириғига кўра Кушлухонга ҳақоратомуз гапларни айтади. Кушлухон уни занжирбанд қилишга буюради. Фақат султон қўшинларидан бири билан Кушлухон ўртасида бўлган жанг натижасида, Оллоҳ марҳмати ила асирликдан қутулади. Асирликдан халос бўлгач, султон саройига боради, азоб-уқубатларга, ҳақоратларга гирифтор бўлганини айтади. Султонга унинг сўзлари ҳақ эканлигини, буюрилган хизматни сидқидилдан бажарганигини етказишади. Султон унга марҳамат кўрсатишга вазда қиласи ва шунга мувофиқ ўзи хоҳлаган мақсадни, истакни айтишга изн беради.

У унга ўз ниятини билдириб Хурросондаги барча вилоятлар раислари устидан раҳбарлик лавозимини фармон билан тасдиқлаб беришини илтимос қиласи. Унинг бу илтимоси қондирилади⁴. Кейинчалик кўплаб раислар унинг оғир тазыйиқига учрайдилар ва ҳақоратланадилар.

Олти юз ўн олтинчи (1219 йил мартдан — 1220 йил март) йил ана шундай бошланави. Бу ҳалқ томонидан баҳтсизлик деб аталаған йил эди. Юқсида эслатганимиз амир Хурросон теграсини кентайтириш учун ўз айёрликларини янала кучайтиради.

Яхшиликларнинг ҳаммаси ёмонликлар билан алмашинади. Султон қўшинидан 60 минг отлиқ лашкарларини танлаб олиб, уни Кушлухонни мағлуб қилиш ва ундан хонлар хонини тортиб олиш учун отлантиради. Бу иш султон унга қарши бир неча марта қўшинлар юбориб, Кошғар ва бошқа жойларда турли жанглар бўлиб ўтганидан кейин рўй беради. Бу жангларнинг аскарияти Кушлухоннинг мағлубияти билан яқунланади.

¹ Қоялик ва Олмалиқ — Или дарёси соҳилидаги водийда жойлашган шаҳарлар. Қоялик, Олмалиқ, Фуладнинг ҳукмдори Арслонхон эди. Бироқ бу исм эмас, унинг унвони. Хоннинг тўлиқ исми Абу-л Футух Мұхаммад III ибн Юсуф. Ибн Ходдун уни Арслонхон Мұхаммад ибн Сулаймон деб атайди. В. Бартольд фикрича унинг исми Арслонхон Абул Фатҳ Мұхаммад.

² Хоразмшоҳ Мұхаммаднинг қора хитойлар билан охириг жанги 1210 йилнинг август-сентябрь ойларида бўлиб ўтади. Гурхон қўшинлари мағлуб этилади ва Гурхоннинг ўзи Кошгарга қочади. Унинг қўшинининг бошлиғи Шомур Тайланку асир олинади. Хоразмшоҳлар салтанати Ўзкандга қадар кенгаяди.

³ Гурхоннинг Кушлухон ва Арслонхон (ан-Насавий уни Мамдухон деб атайди) томонидан асир олиниши 1211 йилда юз беради. Гурхон вағотидан (1213—1214 йиллар) кейин унинг мулки Кушлухон қўл остига ўтади.

⁴ Раис лавозими ҳар бир қальъа, шаҳар ва туманда бўлган. Бу лавозим эгаси маҳаллий аҳоли томонидан сайланган. Раислар вилоят волийсига бўйсунган. Бу ўринда раислар раҳбарини тайинлаш Хоразмшоҳлар давлати миқёсида амалга оширилган фавқулодда ҳол деб қарааш мумкин.

4-БОБ

КУШЛУХОННИНГ ЧИНГИЗХОН ЎГЛИ ДУШИХОН ҚЎЛИДА ОЛТИ ЮЗ ЙИГИРМАНЧИ ЙИЛДА (1215 ЙИЛ МАЙДАН – 1216 ЙИЛ МАЙГАЧА) ЎЛИМ ТОПИШИ БАЁНИ

(Ибн ал-Асир бу воқеани олти юз ўн олтинчи йилда бўлиб ўтди деб нотўри белгилайди)¹.

Чингизхон Кушлухоннинг Кошгар ва Болосогунни босиб олганини эшитгач ҳамда унга Гурхоннинг асир тушганини билгач, ўели Душихон (Жўчи)ни 20 минг, балким, ундан ҳам кўпроқ лашкарга бош қилиб унга қарши отлантирди. Шу орқали у (Кушлухон) билан ораларида пайдо бўлган нифоқни якунига етказишни ният қилди.

Бу пайтда бошқа тарафдан Кушлухонга қарши 60 минг лашкардан иборат бўлган султон қўшинлари ҳам келарди. Султон қўшини Иргиз дарёси бўйига келди, лекин дарё музлагани сабабли ундан кечиб ўтиш имкони бўлмади. Шунда у бу ердан ўтиш учун кулай пайт бўлишини кутиб

дарё бўйига жойлашди. Имконият туғилганда дарёдан ке-чиб ўтди ва Кушлухон изини излаб тезлик билан йўяга тушди.

У бир неча кун юрганидан кейин кўшинининг илгор қисмидан чопар келиб, қарама-қарши томондан қандай-дир отлиқ лашкарлар келаётгани ҳақида маълумот етказди. Бу Душихон эди. У Кушлухон устидан зафар кучиб, унинг кўшинини мағлуб этиб, бошини танасидан жудо қилиб, калласини олиб қайтаётганди². У унга ва у билан бирга бўлган хитойларга ҳам ҳужум қилган, улар гўшти-ни ўткир қиличлари тифи билан нимталаб ярадор калхатларга емиш ҳозирлаганди. Ўзи билан бирга еру кўкка сиғмайдиган миқдорда бойлик, ўлжа олиб қайтаётганди.

Шу куни мардлар аёвсиз олишдилар, отлиқ лашкарлар жанг қилдилар. Нихоят, Душихон султон ҳузурига чопар юбориб, унинг олдида ер ўпишга тайёрганини, бу юртга у душманлик мақсадида келмаганилигини, унга итоат этиш, ҳатто хизмат қилиш учун ташриф буюрганилигини билдириди. У унинг чегараларига алдоқчи ҳис-туйғулар ва ушалмайдиган орзу-умидлар билан келганлар фаолиятига барҳам бериш ҳамда султонни Кушлухон билан юзмаюз бўлишдек ортиқча заруратдан халос қилиш ниятида келганини етказди. Шу сабабли ҳам Душихон Кушлухонга ва унинг ёнида туриб султонга қарши бўлганларга ҳужум қилганилигини, уларни бир-биридан ажратиб ташлаганилигини, хотинлари ва болаларини асир олиб келаётганлигини айтди.

У ўзи билан олиб келаётган ўлжани султон кўлига топшириш ниятини, у қандай истаса шундай тақсимот қилиши мумкинлигини билдириди. Хоҳласа, уни ўзи учун жанг қилганлар кўлида қолдирсан, хоҳласа одам юбориб ўлжани қароргоҳига олдирсан.

Нихоят, отаси унга бу томонда султон кўшиларидан бирортасини учратиб қолгудек бўлса, уларга одоб доирасида муносабатда бўлиш ҳақида буйруқ берганлигини ва ўзаро ҳурмат-эҳтиромга зид бўлган ёки уни бартараф этувчи бирор сўз айтишдан сақланиш зарурлиги хусусида огохлантирганилигини ҳам эслатиб ўтди.

Бирок унинг бундай ёқимли сўzlари фойда бермади, бу гаплардан кейин ҳам султон жаҳл отидан туш-

мади. Султон қўшини Душихон қўшинига нисбатан икки баравар кўп эди. Шунингдек, жанг қилиш ва хужум уошибтиришини яхши биладиган саркардалари, лашкарбошлиари ҳам кўпчиликни ташкил этарди. У қўшинимдан бир қисмини унга қарши қўйсам, бас, уларни бир ҳовуч кулга айлантиради, дайди шамоллар эса бу кулни шимол ва жанубга қадар тўзғитиб йўқ қиласди, деган фикрда эди.

Ва султон унга бундай жавоб юборди: “Агар Чингизхон сенга мен билан жанг қилишни буюргмаган бўлса, Оллоҳ-таоло менга сен билан жанг қилишни буюради ва бу жанг учун менга яхшилик инъом этади. Мен учун сен ҳам, Кушлухон ҳам бир, ораларингда фарқ йўқ. Чунки сизларнинг ҳаммаларингиз бутпарастликда ҳамкордирсизлар. Шундай қилиб, сени уруш майдонига чорлайман, қиличларимиз баданларингни нимта-нимта тилишга, наизаларимиз бўғизларингта ботишга тайёр”.

Шундан кейин Душихон агар жангта кирмаса орзуумидлари саробга айланишини англади. У жанг майдонига келди ва ундан қандай чиқиши йўлларини излай бошлади. Иккала қўшин ҳам юзма-юз бўлиб саф тортдилар. Душихоннинг ўзи султон қўшинининг чап қанотига хужумга ўтди, бу қанотни бошдан-оёқ яксон этди. Лашкарларни тартибсизлик билан турли тарафга қочишга мажбур қилди. Агар қўшиннинг ўнг қаноти лаънатиларнинг чап қаноти устига хужум уошибтиргмаганда ва аҳволни ўнгламаганда султон лашкарларининг мағлуб бўлишига оз қолганди. Шундай қилиб, яқинлашаётган кулфат бартараф этилди, қасос ўчи олинди, чап қанотнинг мағлубият қарзи қайтарилди. Лекин, ғолиб қаердау мағлуб кимлигини, таловчи киму таланган қаердалигини ҳеч ким билмади.

Ўша куни иккала томон ҳам жангни эртасига давом эттириш учун бир-бирларидан ажралдилар.

Кофирлар тунда кўплаб оловлар ёқдилар. Бу оловлар уларнинг қароргоҳларида мустаҳкам ўрнашиб, эртаги кунги жангта жиддий тайёргарлик кўраёттанини кўрсатувчи ҳийласи эди. Аслида улар тун қоронгулигига отларига миниб қочган, бир кечада икки кунлик йўлни босиб ўтгандилар³.

Султон қалбан уларнинг мард эканликлариға тан берди ва кўнглини кўркув туйғуси қамраб олди. Айтишларича, у ўз даврасида қилич ва найзани моҳирлик билан ишлатишга, жант майдонида матонат, мардлик кўрсатишда уларга тенг келадиган, ўхшаш одамларни учратмаганман, дебди.

Султон Самарқандга қайтгач, ворислик хукуқига эга бўлган амирларни тақдирлади, уларга икто қилиб беришган мулкларни кўпайтирди, мансабларини оширди. Бужи Паҳлавонга Кутлугхон, Ўғил ҳожибга Инонжон узвонини берди¹. Уларнинг ҳар бирига мардлик ва матонати учун турли совғалар улашди.

Биз юқорида султон Мұҳаммад ҳаётидан айрим воқеаларни келтиришимизга сабаб тоторларнинг пайдо бўлишини тушунтиришдан иборат эди. У ҳақдаги бошқа маълумотларни эса ҳикоя қилишда давом этамиш ва бу ҳикоямиз Яраттанинг унга инъом қилган, ўлчаб берган ҳаёти якуни билан адо бўлади. Шундан кейин, агар Оллоҳ изн берса, Жалолиддин ҳақидаги маълумотлар тафсилоти билан таниширамиз.

¹ Мўгул қўшинлари томонидан Кушлухон лашкарлари 1216 йил баҳорида маглуб этилади. Мўгул қўшинига Чингизхоннинг ўели Жўчи ва Жэбе нўён бошчилик қиласди. Ибн ал-Асир бу воқеани 617 йилда бўлиб ўтди деб ёзди. Ан-Насавий бу воқеани Ибн ал-Асир 616 йилда бўлиб ўтган деб ёзган дея нотўри маълумот берган.

² Кушлухоннинг мўгуллардан маглубияти ҳақида Рашидиддин тўла маълумот беради.

³ Кушлухонни маглуб этган мўгул қўшинлари вакиллари билан султон Аловуддин Мұҳаммад ўртасидаги мuloқотларда ва бу ерда Хоразмшоҳ лашкарлари билан мўгуллар ўртасида бўлиб ўтган илк жангда Рашидиддин ва Жувайнининг ёзишича, Жалолиддин Мангуберди ҳам иштирок этган.

⁴ Амир Бужи Паҳлавон Кутлугхон Хоразмшоҳнинг ўели Ўзлогшоҳнинг товаси бўлган. Хоразмшоҳ Мұҳаммаднинг Жанд ва Ёркентдаги ноиби ҳисобланган.

Ўгул ҳожиб Бадриддин Инонжон — Хоразмшоҳ амирларидан бири.

**СУЛТОННИНГ ОЛТИ ЮЗ ЎН ТЎРТИНЧИ ЙИЛДА (1217 ЙИЛ
АПРЕЛЬ – 1218 ЙИЛ МАРТ) ИРОҚ МАМЛАКАТИГА ҚАНДАЙ
ЮРИШ ҚИЛГАНИ БАЁНИ**

Султоннинг обрў-эътибори, нуфузи юксалиб, улуғвор ишларга қўл ура бошлади. Унинг кўз ўнгидаги олам гўзалликлари билан намоён бўлди, мамлакат офтоби кўк тоқининг энг баланд чўққисида порлади. Унинг кўшини девонида рўйхатта олинган отлиқ лашкарларнинг ўзи тўрт юз мингта етай деб қолди. Шундан кейин Султон бир пайтлари салжуқийлар салтанати эгаларига берилгани сингари Боғдодга ҳукмронлик ва ҳукмдорлик қилиш ҳукуқини талаб қила бошлади¹. Шу муносабат билан у Боғдодга бир неча марта элчилар жўнатди, лекин сўраган нарсасига розилик ололмади. У ердагилар унинг Мовароуннахрда ва туркийлар мамлакатида қилаётган ишларидан яхши хабардор эди. Аксига олиб, у қаердадир уларнинг бир қабиласини йўқ қилса, бошқа жойда иккинчиси бош кўтариб чиқарди. Айни пайтда, у ўзи хоҳланган нарсани қўлга киритишдан ҳам умидини узмасди, орзуларини амалга оширишга кулай пайт пойларди. Узоқ кутган мақсадига эришиш учун бутун кучини жамлаб, баҳт қуёши тахти узра балқишини кутарди.

Султон иззат-хурмат қиладиган қози Мужириддин Умар ибн Саъд ал-Хоразмий бу иш бўйича бир неча бор Боғдодга борган эди². У бу ҳақда менга бундай ҳикоя қилиб берганди:

“Менинг Боғдодга охирги бор элчилигим юқорида эслатиб ўтилганларни “Девондан талаб қилиш” мақсадида бўлди. Улар (Халифа девонининг раҳбарлари) унинг бу талабини рад қилишди ва даъволарини асоссиз топиб, бундай дейишди: “Бу ерда (Боғдодда) ҳукмронликнинг ташки ҳукмдорлар қўлидан қўлига ўтиши аср фалокати бўлган воқеа — Боғдоднинг харижитлар томонидан бошиб олиници ва Ином ал-Қаим биамриллоҳнинг (Оллоҳ ундан рози бўлсин!) Боғдоддан Ҳадисат Анага қочиши билан боғлиқ эди. Шундан кейин у Тўғрулбек ибн Микаилдан ёрдам сўради, оқибатда ҳаммага маълум воқеа

салжуқийларнинг Боғдодда ҳукмронлиги учун йўл очилди³. Буларнинг ҳаммаси салжуқийларнинг Боғдодда ҳукмдорлик қилишларини шарт қилиб қўйди. Кейинчалик улар халифаликнинг мустаҳкам таянчига айландилар ва бу ерда ўзлари истаган, ёқтирган нарсаларни жорий этиш, хоҳлаган ишларини тақиқлаш ҳуқуқига эга бўлдилар. Эндиликда бизга сенинг ёрдаминг қанчалик зарур бўлмасин, бу уларга берилган имкониятлар сенга ҳам берилади деган маънони билдирамайди. Унинг (Султоннинг) кўл остидаги бир-биридан олисда бўлган мамлакатларни қамраб олган чексиз давлати камлик қиласканми? Эндиликда ислом амирлиги пойтахтига, мусулмонликни улуғлаган аждодларнинг муқаддас манзилига кўз тикишдан ўзини тия олмас эканми?”

Шундан кейин у қайтишда ўзига шайх Шихобиддин ас-Сухравардий (Оллоҳ уни ўз паноҳига олган бўлсин!) ҳамроҳлик қилганини, у жавоб ташрифи билан элчи бўлиб келганини айтди⁴. У уни (Султонни) талабларидан қайтишига даъват учун юборилганди.

Шу тариқа номалар битилди, улар яна қайта юборилди, лекин бундан кутилган натижага чикмади. Бунинг устига Маккага кетаётганларга (Султон одамларига) (Оллоҳ улардан марҳаматини аямасин!) илтифотсизлик қилинди. Султонга эса унинг одамларига нисбатан Жалолиддин ал-Хасан бошчилигидаги исмоилийлик ҳожиларга ҳурмат-эътибор кўпроқ бўлганилиги хабари етиб келди⁵. Бу дардни кўзғаш, ярага туз сепиш билан баробар бўлди.

Мен юқорида номини айтганим қозининг шайх Шихобиддиннинг бу ерда кутиб олиниши қандай кечгани хақидаги гапларини шахсан ўзим эшитганман. Маълумки, у ўз асридаги шайхлар орасида юксак мавқега эга бўлгани, мартабаси улуғлиги туфайли девондан Султон хузурига келган бошқа элчиларга нисбатан бир қадар яхши эҳтиром ва фахр билан кутиб олиниши талаб қилинарди. Шунга қарамай у сарой олдида кутиб қолади ва Султон унга анчадан кейин киришга рухсат беради⁶. Шайх хузурида йигилганлар (мажлис аҳли) тинчигандан кейин, у (Оллоҳ уни паноҳида асрасин!) уларга шундай деди: “Одатга кўра ҳар қандай зафар кучган мамлакатда унинг

номидан гапиравчى, ким бўлишидан қатъи назар, фаолиятининг муқаддимасини Муҳаммад (Оллоҳ у зоти мукаррамни паноҳида асрасин!) ҳадисларидан бирини айтиш билан бошламоғи керак. Бу самимий ҳиятларнинг ушалишига, яхшиликка хизмат қиласди!” Султон бу иш учун унга рухсат берди ва ҳадис эшитиш мақсадида тиз чўкиб ўтириди. Шайх ал-Аббос (Оллоҳ ундан рози бўлсин!) уруғ-аймоқлари, салафларига зиён етказмаслик тўғрисидаги ҳадислардан бирини айтди. Шайх ҳадисни айтиб бўлгач, Султон деди: “Гарчи мен туркий бўлиб, араб тилини яхши билмасам ҳам, сен айтган ҳадиснинг маъносини англадим. Мен ал-Аббос салафларидан бирортасига зиён-заҳмат етказганим йўқ, уларга ёмонлик қилмоқчи ҳам эмасман. Бироқ эшитишимча, Ислом амирлиги зинданларида кўплаб мусулмонлар бормиш, улардан баъзилари ўша ерда топишиб, кўпайишар ҳам эмиш. Агар шайх бизга айтган ҳадисни ўша Ислом амири ҳузурида ҳам айтса эди, бу тўғрироқ ва фойдалироқ бўларди”⁷.

Шунда шайх айтди: “Халифа қасамёд қилиб, давлатни бошқаришга киришганида Оллоҳнинг китоби ва суннитлик мазҳаби доирасидаги ҳукуқлардан фойдаланиш имконига эга бўлди. Бу Ислом амирининг ваколатига ҳам мос келади. Агар халифа шу ҳукуқ доирасида аҳолининг тинчини, осойишталигини ўйлаб бир гуруҳ мусулмонларни зинданга ташлатган бўлса, бу унинг ваколатини суистеъмол қилмаганини, мазҳаб талаб қилган даражада тўғри фаолият юритганини кўрсатади”.

Сұхбат кейин ҳам шу йўсинда давом этди. Мен буларнинг ҳаммасини баён қилиб бермоқчи эмасман. Бундай пайтда сукут сақлаш энг тўғри йўл дейишиади. Шундан кейин Шиҳобиддин қайтиб кетди, орадаги душманлик эса давом этаверди. Булардан сўнг исмоилийлар Султоннинг Ироқдаги ноиби бўлган Ўғлимиш ал-Отабекни ўлдириши⁸. У Оллоҳнинг Каабасидан ҳаждан қайтаётган зиёратчиларни кутиб олишга чиққанида ҳаж кийимидағи бир гуруҳ одамлар унга ташланишди ва ўлдиришли. Бу пайтдан бошлаб Ироқда Султон номини хугбага қўшиб ўқитиш тўхтатилди. Султон бу мамлакатда аввалги аҳволни қайта тиклаш учун унга юриш қиласди. Биз, Оллоҳ изн берса, энди шу ҳақда сўзлаб берамиз.

1. Хоразмшоҳларнинг Аббосий халифалардан ҳукмдорликни тортиб олиш учун ҳаракатлари Аловуддин Муҳаммаднинг отаси Такиши (1193-1200 йй.) ҳукмронлиги даврида бошланганди. Бундай ҳаракат салжуқларнинг охирги султонлари ва Озарбойжон отабеклари даврида ҳам бўлганди. Халифани яккалашиб қўйиш ва уни ўз амрига бўйсундириш ниятида бўлган отабек Жаҳон Паҳлавон (1174-1186 йиллар) бундай деб ёзди: “Агар халифа — имомнинг доимий иши намоз ўқиши бўлса, намоз — диннинг асоси, энг яхши ишлардан бири. Бу борада уларнинг иши ҳалққа намуна бўлиб хизмат қиласи, улар учун шунинг ўзи кифоя этади. Бу ҳақиқий шоҳликдир. Халифаларнинг бу дунё ишларига аралашиб шоҳлик қилишидан мазмун англашилмайди. Бу ишни улар султонларга топшириши керак”.

Бундай жараёнда халифа ан-Носир (1180—1225 йиллар) нинг давлатни ва ўзига берилган имтиёзларини сақлаб қолиши осон кечмади.

У бунинг учун кўплаб ўзаро низолар, урушлар юзага келтириши зарур бўлди. XII асрнинг охирги икки ўн йиллигида эса бундай урушлар кўпайди. Ан-Носир бундай низолардан усталик билан фойдаланди, яъни икки ҳукмдорни бир-бирига қайраб қўйиб, ўзи четда қолаверди. Шу маънода у хоразмшоҳлар кучидан ҳам фойдаланди. Бироқ орадан кўп ўтмай халифа Хоразмшоҳ ўзига султон ва отабекдан кам бўлмаган рақиб эканлигини ҳам англаб етди.

Султон Такиши ҳар қанча қисса ҳам халифаликнинг жума кутбасида ўзининг номини қўшиб ўқиттиришга эриша олмади. У халифалиқдан ўзининг Хурросон, Туркистон, Ироқ Форси устидан султонлигини тасдиқловчи нома олди, холос.

Такишининг меросхўри Аловуддин Муҳаммад ўз салтанатига Эроннинг деярли барча ерларини, то Боғдодга қадар қўшиб олишга эришди. Аммо у ҳам Боғдоддаги хутбада ўз номининг қўшилиб ўқилишига эриша олмади. Бунинг устига халифа Хоразмшоҳнинг отабеклар, охирги салжуқийларга нисбатан кучли эканлигини билиб, унга қарши Аламут исмоилийларини ва Фур султонларини қайрай бошлади.

В. Бартольд таъкидлаганидек, халифа ан-Носир ва хоразмшоҳ Муҳаммад ўргасидаги душманлик Аббосийлар ва Хоразмшоҳлар салтанатининг инқизотга юз тутишига сабабчи бўлди.

2. Қози Мужириддин Умар ибн Саъд ал-Хоразмийнинг сафардаги фаолияти ҳақида 47-, 55-56-бобларда ўқийсиз.

3. 1058 йил 7 декабрда Боғдод фотимиш халифа ал-Мустансир (1036-1094 йиллар) тарафдорлари томонидан босиб олинди. Бу қўшинга бувайхийлар саркардаси Арслон ал Басасирий

бошчилик қиласи. Халифа ал-Қаим (1031—1075 йиллар) пойтахтдан Ҳадисат Анага, ундан Анбарга қочади. Халифа қочишидан олдин ал-Басасирий унга халифаликни бошқаришни фотимийлар зинмасига юклаганлиги ҳақидаги хужжатта имзо чектиради. Аббосий халифаларнинг барча нишонлари Мұхаммад пайғамбар ютуғи билан биргаликда Қоҳираға жүнатылди. Бөгөндә халифа ал-Мустансир номига хутба ўқилади.

Халифа ал-Қаим Бөгөндә бир йилдан кейин салжуқийлар султони Тұғрул (1038—1063 йиллар) ёрдами билан қайтиб келади. Ал-Басасирий Куфа яқинида тутиб олинади ва үлдирилади. Унинг боши Бөгөндә, халифага юборилади.

4. Шиҳобиддин Абу Ҳафс ас-Сұхравардий 1145—1234 йилларда яшаган. Бөгөндө сўфийларининг бошлиғи, шайхлар шайхи.

5. Жалолиддин Ҳасан III (1210—1221 йиллар) — Аламут исмоилийлари ҳукмдори.

6. Сибт ибн ал-Жавзий айтишича, хоразмшоҳ Мұхаммад ас-Сұхравардийга илтифот кўрсатмаган, ҳатто унга ўтиришга рухсат бермаган. Бу ўринда Сибт ибн ал-Жавзий маълумотларни ас-Сұхравардийнинг бизгача етиб келмаган “Рисолат ал-Аслийя” асаридан олган бўлиши мумкин.

7. Ибн Ҳолдуннинг ёзишича, сұхбатни хоразмшоҳ Мұхаммад бошлаган. У халифадан Бөгөндә номини хутбага кўшиб ўқитишини талаб қилган, ас-Сұхравардий эса жавоб тарзида Мұхаммад пайғамбар ҳадисларидан бирини айтган.

8. Сайфиддин Үғлимиш — Озарбойжон отабеги Абу Бакр ибн Жаҳон Паҳлавоннинг гуломларидан бири. У отабекнинг бошқа гуломлари Шамсиддин Ойтуғмиш ва Носириддин Ментли билан биргаликда Эрон ва Ҳамадонга ҳукмдорлик қилган гуломларнинг ўзига хос сулоласини ташкил қилган. Уларнинг номи кўпайиш маъносини билдиради.

Озарбойжон отабеги Үзбек Менгли кўшинини Ироқда мағлуб қилиб, унинг ўзини үлдиргандан кейин мулкини гуломи Үғлимишга беради ва уни бошқарувчи қилиб тайинлади. Үғлимиш эса хоразмшоҳ Мұхаммад тарафдори бўлиб чиқади. Үғлимиш мулкица хутбани Хоразмшоҳ номига ўқитади. Халифа ан-Носир буни ўз имтиёzlарига даҳла қилиш деб билади ва исмоилийлар ёрдамида Үғлимишни 1217—1218 йиллар оралиғида үлдирилади. Ироқда Хоразмшоҳ номига хутба ўқиш тўхтатилади. Бу Хоразмшоҳни газаблантиради. Хоразмшоҳ Фазнани босиб оласттандана лашкарлари халифа ан-Носир билан гурлар султонининг ёзишмаларини топиб олади. Бу ёзишмаларда халифа Фур султонини Хоразмшоҳга қарши курашишга даъват этган эди. Хоразмшоҳ мана шу ёзишмалардан фойдаланиб, халифаликни Аббосийлар сулоласидан олиб Али ибн Абу Толиб

За унинг ўғли Ҳусайн сулоласига бериш тўғрисида мамлакатдан имомларга фатво тайёрлатади. Хоразмшоҳ мулкларида халифан-Носир номини хутбага кўшиб ўқитиш тұхтатилади. Ҳифафийка Ҳусайн сулоласидан Али ал-Мулк ат-Термизий таинлангани эълон қилинади.

6-БОБ

СУЛТОННИНГ ИРОҚҖА ЮРИШИ ВА БУ ЕРДА БЎЛИВ ЎТГАН ВОКЕАЛАР БАЁНИ

Ўғлимиш ўлдирилгач, яъни Ироқни султон номидан бошқарадиган ва унинг исмини хугбага кўшиб ўқитадиган одам бўлмагач, Арон ва Озарбойжон ҳукмдори отабек Ўзбек ибн Муҳаммадда ва Форс ҳукмдори Саъд ибн Зангидга уни (Ироқни) босиб олиш иштиёқи туғилди. Улар қулаг фурсатдан фойдаланиб, ҳар қайсиси ўз тарафидан юриш бошладилар. Мамлакатни ҳимоя қиласидиган ва ҳимоя қилишга чақирадиган одам йўқ эди. Улар Султоннинг бу ердан жуда узоқда, туркийлар мамлакатининг узоқ чеккасида, шон-шуҳрат чўққисига кўтарилиган кўйи кофирларга ва уларнинг алвастиларига қарши кураш олиб бораёттанидан хабардор эдилар.

Ўзбек таклиф ва чақириқ билан атрофига катта куч тўплади. У Ироқҷа юриш бошлар экан, Исфаҳон аҳолисининг розилиги билан бу шаҳарга кирди. Саъд эса Райни босиб олди¹. Ундан кейин Райга яқин бўлган Қазвин, Хувар, Симононни ва бу мулкларга ёндош жойларни ҳам эгаллади².

Бу ҳақдаги мишишлар Самарқандда бўлган султонга ҳам етиб борди. У уларга қарши курашишга қатъий бел боғлади. Бу қарор икки отабекка қарши юришда узоқ мақсадни яқинлаштириди, эгри йўлни тўғри қилди. У энг мард йигитлар ва қаҳрамон ватанпарварлардан танлаб салкам юз мингта отлик лашкар тўплади, кўшинининг асосий қисмини туркийларнинг чегара жойларидаги ҳамда Мовароуннаҳр вилоятларидағи акобирлар орасидаги шавкатли амирлар, ёвқур жангчилар ҳисобига кучайтириди. Кумисга келганидан кейин лашкарларини иккинчи бор кўрикдан ўтказди³. Ўн икки минг кишилик енгил отлик

қўшин ташкил қилди. Улар шамолдан ҳам илдам юриб, тунни кунга улаб, қисқа вақт ичида (ўзлари ҳақидаги хабардан ҳам илгарироқ) Райнинг Хайли Бузургига етиб келдилар⁴. Саъд бу ерга яқин жойда эди, у ўзи томонга қўшин юриб келаётидими ёки учиб — билмай қолди. Саъд унинг отлик қўшиналарининг илфорини кўрганда бу Ироқни босиб олишда ўзига рақиб ҳисобланган Ўзбек лашкарлари бўлса керак, деб ўйлади. Унинг ўзи ва қўшини отларига миниб жангга кирдилар, олишувлар, хужумлар кўп бўлди. У томонга хужум кетидан хужум кучайди. Унинг ўзи ҳам кўп хужум уюштириди.

Султон унинг мақсад ва ниятини англаб етгач, қароргоҳини бузишни буюрди. Қароргоҳ бузилди. Кейин уни яна тиклашга уринишди. Шунда отабекнинг яқинлари бу иш Султоннинг иши эканлигини билдилар. Улар қоча бошладилар ва “Оллоҳнинг амри-иродаси тақдири азалий бўлди”*.

Саъд Султон ҳузурида ер ўпишга шошилди. Уни отлик лашкарлардан бири тутиб олди ва қўл-оёгини боғлаб Султон ҳузурига олиб борди. Султон маълум бир қарорга келгунча унга эҳтиёткорлик билан муносабатда бўлишни буюрди. Султон Ҳамадонга келгунга қадар у қўли боғланган ҳолда хачир устида ётди.

Ҳар куни Ҳамадондаги майдонга отабек Саъдни, малик Нусратиддин Муҳаммад ибн Пиштегинни ва Ўзбекнинг вазири Робибиддин Абул Қосим ибн Алини олиб чиқишарди. Робибиддин Ўзбек қочган пайтда (бу-ҳақда кейинроқ тўхталамиз) асир тушган эди. Майдонда Султон тўл ўйнар, улар хўрланган кўйи тик турардилар. Бу ҳол улар кишанлардан озод қилиниб, кетишга рухсат берилгунча давом этди. Бу ҳақда ҳам, агар Оллоҳ изн берса, кейинроқ сўз юритамиз.

¹ *Рай* — Эроннинг қадимий шаҳарларидан бири. Мўгуллар томонидан бузилган. Шаҳар харобалари Техрондан бир неча километр жанубда жойлашган.

² *Хувар* — Симон ва Рай оралиғида. Симон (Самон, Семон) — Райдан Шарқ томондаги шаҳар.

³ Кумис — Эльбрус тогининг шарқий тизмаларидан жануб юмонда жойлашган вилоят.

4. Хайли Бузург, Ёкутнинг ёзишича, Қазвиндан 10 фарсах (60—75 километр) узоқликда жойлашган, аҳоли яшайдиган маскан бўлган.

7-БОБ

ОТАБЕК ЎЗБЕКНИНГ ИШЛАРИ, УНИНГ ИСФАХОНДАН КЕТИШИ ВА ҲАЁТИГА ХАВФ ТУҒДИРГАН АСИРЛИК ТЎРИДАН ҚУТУЛИШИ БАЁНИ

Менга ҳикоя қилишларича, юқорида номини айтганимиз вазир Робибиддин даврининг акобирларидан бири бўлиб, унинг сочи узоқ йиллар давомида девон ишларини бошқариб туриб оқарган. Жалолиддин Озарбайжон ва Арронни аввалги хукмдоридан тортиб олиб эгаллагач, Робибиддин акобирлик фаолиятини тұхтатди. У уйини мадрасага айлантириб, Оллоҳ хизматига бел боғлади ва ҳаётини шу тарзда якунлашга аҳд қилди.

Ўзбек Исфаҳонда пайтида Саъднинг тақдири, унинг асир олингани ҳақда эшитди. У нима қилишини — қолишини ҳам, қочишини ҳам билмади, хузур-ҳаловатини йўқотиб, ғамга ботди. Билдики, то “уларга кенг ер торлиқ қилиб қолди”.* Ва у ўзига яқинлашиб келаётган ўлимдан қутулиш учун мамлакати пойтахтига қайтишдан бўлак имкон қолмаганини кўрди. У отига минди ва йўлга тушди. Ҳамадон йўлида у Султонни ё Райда бўлса керак, ё Исфаҳонга отланган бўлиши мумкин, деб ўйлади. Ҳамадонга бир кунлик йўл қолганда эса у “Султон Ҳамадонда сен ҳақингдаги янгиликни кутмоқда, унинг айғоқчилари орқангдан кузатмоқда, барча жойларда тўсиқлар қўйилган. Султон лашкарлари мамлакат бўйлаб тарқалиб сени излашмоқда”, деган хабарни эшитди. Бу хабардан кейин у ўз режалари барбод бўлганини, ҳамма иш у ўйлагандан тескари рўй берганини англаб довдираб қолди. У нима қилишини — олдинга юришни ҳам, орқага қайтишни ҳам билмай тараффудуга тушди. Шунда у кулфатга шерик сафдошлири билан бошига тушган бу баҳтсизлик ҳақида маслаҳатлашишни ният қилди. Улардан баъзилари Исфаҳон-

га қайтишни, айримлари эса тўпланган бойликни рақиблари учун ўлжа сифатида қолдириб оз сонли одамла билан Озарбойжонга тезлик билан кетишни маслаҳат бердилар.

У (Робибиддин) бундай деди: “Мен бошқалардан фарқли ўлароқ унга Фарразин қалъасига кириб мустаҳкамлашишни маслаҳат бердим¹. Фарразин ўша ерга яқин бўлиб, заминдаги мустаҳкамлиги билан машҳур қалъалардан бири ҳисобланарди. Шоир айтганидай:

Кўкўпар ҳайбатли девор устига қўнмоқлиқ учун
Ярим кунлик йўлда нафас ростламоги шарт эди
бургутнинг.

Тоғ чўққиларидан камдан-ками тузилиши, эгаллаб бўлмаслиги, мустаҳкамлиги жиҳатдан унга тенг келарди. Қалъа эса ўша пайтда Ўзбек қўли остида эди”.

Бунга жавобан Ўзбек бундай деди: “Агар мен қалъага кириб қамалиб олсам, сultonнинг Ироқ асиirlаридан бир қанчасига буйруқ бериб, қалъани қамал қилдирмаслиги га нима тўскىнлик қиласди? Улар эса мақсадларига эришмагунча қамал қилишлари аниқ”.

Бир сўз билан айтганда, улар қарорининг моҳияти шундан иборат бўлдики, қимматбаҳо буюмлар, бойликларини малик Нусратиддин Муҳаммад ибн Пиштегин бошчилигидаги қўшинининг катта қисми билан биргаликда Табризга жўнатди. Бу шаҳар бойликларим ва қўшинимга паноҳ бўлар, деб ўлади. Ўзи эса ғоят ишончли одамлари, икки юзга яқин туркӣ отлиқ лашкарлари билан бирга энг оғир йўллар, ўтиб бўлмас тоғлар орқали кетида бирор из ёки маълумот қолдирмасдан Озарбайжон томон йўл олди².

Юқорида номини тилга олганимиз вазир эса ўз жиноий ишлари учун кечирим сўраб, қилинган хиёнаткорликда айбисиз эканлигини билдириб, нимаики қилган бўлса, шайтон йўлдан урганлиги сабабли рўй берганлигини айтиб, Султонга мактуб йўллади.

Кобуд Жомнинг муқтаси, силоҳдор амир Декчек Мозандарон вилоятларидан бирида тунда унинг (Ўзбекнинг) асосий қўшинига ҳужум қилди³. Ҳужум натижасида қўшин бир неча гуруҳларга бўлинниб кетди ва улар юртларига тур-

ли йўллар билан жўнадилар. Ҳужум қилувчилар гуруҳлар ва уларнинг қолдиқларини Озарбайжоннинг туманларидан бири, Оқ дарё бўйида жойлашган Майанижга қадар кувиб бордилар⁴. Малик Нусратиддин Муҳаммад ибн Пиштегин асир олинди. У билан бирга бўлғанларнинг аксарияти қўлга тушади. Асирик тўри уларнинг улугини ҳам, каттаю кичигини ҳам ҳақири, нотавон одамларга айлантируди. Кўшин байроби, ногораю сурнайлари, бойликлар ва қимматбаҳо буюмлар эса талон-тарож қилиниб, ўлжа сифатида бўлинади⁵. Вазир Робибиддин уларга бойлиги таланган, обрўсизлантирилган, пароканда бир пайдада дуч келади. У ҳам асиirlар қаторида Султон қароргоҳига келтирилади. Улар унинг мактубидаги сўзларнинг ростлигига ишонишмайди, у мактубни бошига оғир ташвиш тушган пайтда, ўзини кутқариб қолиш учун ёзган, деб ўлашади. Вақт эса ўтган эди.

Воқеаларни синчковлик билан кузатаётганлар Султоннинг ўз кўнглида кечган ўй-фикрларни қай тарзда амалга оширишига ҳам қаратишларини истардим. Султон Мовароунахрнинг чекка вилоятларидан Ироқдаги бу икки ҳукмдор устига от суриб келди. Ва уларни қандай кўйга туширишни истаган бўлса, ҳаммасига тўла даражада ёришди, улардан нима олмоқчи бўлган бўлса, оди.

Малик Нусратиддин Муҳаммад масаласига келсак, у асири сифатида ҳар куни отабек Саъд ва вазир Робибиддин билан бирга нотавон тарзда “кишанлар билан боғланган ҳолда” майдонга олиб келинарди. Бу аҳвол Султон туғросининг соқчиси Носирицдин Давлатёр қайтиб келгунича давом этди. Бу лавозим у учун энг катта мансаб эди. Бу лавозим Хоразмшоҳлар салтанатида котиб алнишодан кейин турса, Салжуқийлар салтанатида ундан олдинги мансаб ҳисобланарди⁶. Султон унга бу мансабни бергунча асирик тўридан қутулиб кетган отабек Ўзбек ҳузурига элчи қилиб жўнатди. У бу орқали унга (отабек-ха) мамлакатининг ҳамма қисмида ўзининг исмини хутбага қўшиб ўқитиши, номида танталар зарб этиши, йилига белгиланган миқдорда Султон хазинасига товон тўлаб туриши буорди. Султон номини хутбага қўшиб ўқитиши ва унинг номида тантага зарб этишига у зудлик билан киришди. Бу борада Султон талаблари адо этилди.

Унинг номи ҳурмат билан Аррон ва Озарбайжондан тортиб то Ширвон Дарбандига қадар хутбаларда янгради. Бу кувончили хабар ҳаммаёққа тарқатилди ва Носириддин иштирокида ушбу воқеа шарафига байрамлар уюштирилди. Отабек Султонга мамлакатини ўз ҳимоясига олгани ва шу орқали уни босиб олиш ниятида юрганларга тўсиқ бўлгани учун ноёб буюмлар ҳамда совғалар юборди. У Султонга хизматлари ҳурмати учун Фарразин қалъасини инъом этди. Фақат ундан йиллик товоң пулини камайтиришини илтимос қилди. Бунинг сабабини у ўзининг кучсизлиги сабабли мамлакатининг чекка ўлкаларини гуржилар босиб олганлиги билан изоҳлади. Эндиликда аҳвол шундай бўлгандики, мамлакат бойликларининг бир қисми унинг (Султоннинг) кўлига ўтганди. Отабек Султонга мамлакат бир неча бўлакларга бўлиниб ётган бундай шароитларда одатдагидан кўпроқ солиқ йиғиш, товоң пули тўлаш имконияти йўқлиги ҳақидаги хабарни етказди.

Султон унинг бу гапларига ишонди, уни товоң тўлашдан озод қилди. Гуржиларга эса элчи юбориб, бу мамлакат ўзининг мулкига айланганлигини, унинг масжидларида номи хутбага қўшиб айтилаётгани, тамғаси билан тангалар зарб этилаётганини билдириб, унга босқинчлик қилмаслик тўғрисида огоҳлантириди.

Агар Султон бир сабабга кўра (бу ҳақда кейинроқ ҳикоя қиласиз) Ироқдан тезлик билан орқага қайтмаганида Ўзбек унинг номига ўқитган бир хутба орқасида гуржилардан нима истаса, шуни олган бўларди. Чунки Султон орқага қайтгунга қадар эллик минг отлиқ лашкардан иборат бўлган саралантган қўшинига гуржиларга хужум қилиш тўғрисида буйруқ берган эди. Султон элчиси гуржилар ёнидан бу юртнинг элчиси ҳамкорлигига ноёб буюмлардан иборат совғалар билан қайтди. Аммо улар Султон орқасидан Жайхунни кечиб ўтганларида етиб келдилар.

¹ *Фарразин* — Каража яқинидаги мустаҳкам қалъа. Ҳозирги Ироқ яқинида жойлашган бўлган.

² Отабек Ўзбекнинг қочиши ҳақида Ибн Ал-Асир, Жувайнӣ, Рашидиддин асарларида ҳам берилган.

³ **Кобуд Жом** (*ҳозирги номи Ҳожилар*) — Астрободнинг Шарқий қисмидаги жойлашган маскан. Амир Декчек ушбу жойнинг амири ва Хоразмшоҳнинг испахбоди бўлган. Шу билан бирга у Хоразмшоҳ кўшини девонидаги қурол-яроғ сақланадиган бўлманинг бошлиғи — силоҳдор ҳам бўлган.

⁴ **Майаниж** — ҳозирги Эрон Озарбойжонининг Мияна шаҳри. Оқ дарё-Наҳр ал-Абйад — Сафирруд.

⁵ Урушда зарур бўладиган мусиқа асбоб-анжомлари сақланадиган жой табулхона дейилган.

⁶ Котиб ал-иншо мансаби халифаликдаги сарой лавозимлари ичida энг қадимгиларидан бири ҳисобланади. Халифаликдаги ҳукмдорлар ўртасида ёзишмалар Муҳаммад пайғамбар давридан бошланган. Ўша пайтда бўлгуси халифалар Абу Бакр ва Али ибн Абу Толиб унинг котиблари бўлишган. Аббосийлар даврида Девон ал-иншо ташкил этилган. Бу девоннинг энг машҳур котиблари Яхъе ибн Холид ал-Бармоқий ва Ибн ал-Муқаффа бўлишган.

Салжуқийлар ва Хоразмшоҳлар ҳукмронлиги даврида мамлакат ичкарисидаги ҳамда бошқа давлатлар вакиллари билан ёзишмалар, ҳужжатлар Девон ал-Иншо ёки Девон ат-Туграда тайёрланган. Девон бошлиғи қасидагўйлик усулини мукаммал билган одам бўлган. Ҳужжатлар тайёрланганда унинг мазмуни билан бирга шаклига ҳам алоҳида аҳамият берилган.

8-БОБ

НУСРАТИДДИН МУҲАММАД ИБН ПИШТЕГИННИНГ АСИР ОЛИНГАНДАН КЕЙИНГИ ТАҚДИРИ ҚАНДАЙ КЕЧГАНЛИГИ БАЁНИ

Номи аввал тилга олинган Нусратиддин Муҳаммадни ҳар куни майдонга олиб чиқишар, Султон тўп ўйнар, у эса тик туради. Кунларнинг бирида Султон унга қараб қулоқларида иккита катта, худди билакузукдек келадиган исиргалар борлигини кўриб қолди ва ундан бу ҳақда сўради. Шунда у бундай деб жавоб берди: “Султон Алп Арслон ибн Довуд гуржиларга ҳужум қилганида Оллоҳнинг марҳамати ва ёрдами билан уларни мағлуб этди¹. Уларнинг амирлари асир қилиб олиниб, саройдан зўрлик билан ҳайдаб чиқарилди. Лекин у асиrlарни озод қилди ва уларнинг ҳар бирига султон номи битилган бир жуфтдан чиройли исирга тайёрлашни буюрди. Буюртма айтил-

гандай бажарилди. Орадан йиллар ўтиб, уларнинг (салжуқийларнинг) давлат устунлари барҳам топди. Уларнинг ҳаммаси бандаликни бажо келтирди. Фақат менинг бувам мусулмонликни қабул қилган. Шу сабабли унинг мамлакати ва авлодлари имон-эътиқод, исломнинг марҳамати туфайли омон қолган”.

Шундан кейин Султоннинг кўнглида унга нисбатан меҳр пайдо бўлди. Унинг ўзида ҳам ана шундай довруқ таратиш ва бу мерос қолган тақинчоқ эгалари шон-шуҳратига қандайдир даражада алоқадор бўлиш истаги туғилди. Шу сабабли у уни дарров фахрий кийимлар билан сийлади. Уни майдонга чакиртириб, биргаликда тўп ўйнайдиган бўлди. У Ироқдан юртига қайтмоқчи бўлганда Султон унга энг яхши, олий даражадаги кийимлар совға қилди. Шунингдек, унга аждодларидан мерос бўлиб қолган жойларга, хусусан, Ахар, Варави шаҳарлари ҳамда уларнинг теграсидаги мулклар, қалъаларга хукмдорлик қилиш хукуқини фармон (тавқи) билан тасдиқлаб берди². У ундан мамлакатнинг теграсига Ўзбек давлатидаги қайси шаҳар яқин деб сўради. У “Сароб шаҳри” деб жавоб берди³. Ва у (Султон) унинг аввалги мулкларига ушбу шаҳарни ҳам қўшиб беришга буйруқ берди ҳамда буни фармон билан тасдиқлади. Исирга эса ўзгартирилди: унга Султон номи битилди.

Нусратиддин асирик ҳақоратидан қутулиб, қувонч ва бойликлар билан қайтди. Юқоридаги айтилган фармонда кўрсатилган Сароб шаҳри унинг мулкларига яқин бўлсада, Ўзбек қўли остида эди. Шу сабабли у ўзига берилиган бу фармонни овоза қилмади, уни хазинасининг тўрида сақлади. Шу тариқа фармон Жалолиддин Ўзбекнинг қўлидан Табризни тортиб олгунча сир тутилди. Табриз босиб олингач, у уни олдиндан огоҳлантирмасдан, ўзаро ҳамкорлик тўғрисида қасамёд қабул қиласдан Фармонни унга ҳавола этди. Жалолиддин Аловуддиннинг бу фармони билан танишгач, унинг фармойишини қайта тиклаш тўғрисида буйруқ беради ва уни ўз номидан тасдиқлайди. У уни (Нусратиддинни) бошқаларга нисбатан ўзига яқин олди, унга самимият ва қувонч улашди. Унга ва унинг авлодларига омад қулиб боқди⁴. “Зеро, сизлар ёмон кўрган нарсада Оллоҳ кўп яхшиликларни қилиб қўйган бўлиши мумкин”.*

¹Султон Алп Арслоннинг (1062—1072 йиллар) Грузияга юриши 1064 ва 1068 йилларга түғри келади.

²Ахар — Эрон Озарбайжонидаги шаҳар. Варави — Эрон Озарбайжонидаги шаҳар. Кейинчалик у Бишқин, ҳозир эса Пишқин деб юритилади.

³Сароб — Эрон Озарбайжонидаги шаҳар.

⁴Пиштегинлар сулоласи — Ахар ва унга яқин бўлган қасабалар хукмдорлари (1155—1231 йиллар), Озарбайжон отабекларига қарам бўлган. Бу сулоланинг келиб чиқиши ҳақда бир қанча тадқиқотлар олиб борилган. Уларда айтилишича, Ахарнинг охирги хукмдори Нусратиддин Мұхаммад Пиштегин грузин амирларининг авлодлари деб қаралади ва улар Алп Арслон томонидан асир олинган дейилади.

Шу билан бирга Нусратиддин аждодлари қипчоқлардан келиб чиққан, улар грузинлар сафида туриб курашган, оқибатда Алп Арслон томонидан асир олинган, деган фараз ҳам бор. Нима бўлса ҳам тангаларда “БИШТИГИН” номи зарб этилган. Аслида Пиштегин ибн Мұхаммад (1155—1210 йиллар) отабек Абу Бакр (1191—1211 йиллар) номидан, Нусратиддин эса отабек Ўзбек номидан тангалар зарб қилдирган.

9-БОБ

ФОРС ҲУКМДОРИ ОТАБЕК САҶД ИБН ЗАНГИНИНГ БАНДИЛИҚДАН ҚУТУЛИШИ БАЕНИ

Отабек Саъд асир тушганидан кейин унинг ўрнига Нусратиддин Абу Бакр хукмдорлик қила бошлади¹. Сахийлиги, меҳрибонлиги, ҳаммага бемалол фикр айтиш ва эркинлик бергани учун амирларнинг хурмат-эътиборини қозонди. Улар унга итоат этдилар ва ҳамма уни қўллаб-кувватлашга сўз бердилар.

Султон Форс давлатини тўла даражада босиб олиш учун имконияти йўқлигини англагач ва Богдодга хужум қилиш фикри туғилгач, уни (Саъдни) асирликдан озод қилди. У эса эвазига тоғнинг баланд тепасига курилган, ҳалқ орасида забт этиб бўлмайдиган деган номга сазовор бўлган икки қальясини — Истаҳр ва Ашканаванни инъом этди². У бу қальаларни ҳожиб ал-Муайидга берди. Султон отабек Саъдни онаси Туркон хотун уруғидан бўлган аёлга уйлантирди³. Унга ҳар йили ҳазинасига мамлакати харажасининг учдан бир қисмини товон сифатида олиб келишни буюрди⁴.

Отабек юртига совғалар ва ҳурмат-эҳтиром билан қайтди. У мамлакатнинг пойтахти Шерозга келганда ўғли Абу Бакр уни шаҳарга киритмайди ва ҳокимиятни беришни истамайди. Унинг кўнглида отасига қарши қурашишдек ёвуз ният пайдо бўлди, кўзларида итоатсизлик жилваланди, хуллас, отага қарши чиқди. Лекин шаҳар дарвозасини ундан яширин равишда мамлакатда таниқли инсон, отабек мамлукларининг етакчиси Ҳусомиддин Тегинтош очиб беради. Абу Бакр ҳузурига отаси кириб келганда даҳшатдан қотиб қолади. Отаси кўлидаги ялан-ғочланган қилич билан унинг юзига уради ва из қолдиради. Уларни ўзаро аралашиб кетган икки томон одамлари ушлаб қолишиади. Шундан кейин отабек уни кўлга олиши буюради, у ушланади ва зинданга ташланади. Ўғил белгиланган муддатга қадар зинданда сақланади. Отабек ўғли билан ярашади ва уни кечиради⁵.

Отабек даврида Ҳусомиддиннинг обруси ошади. У уни малик даражасига қадар кўтаради. Бу аҳвол Саъд ўлимига қадар давом этади. Шундан кейин унинг ўрнини ўғли Абу Бакр эгаллайди⁶. Ҳусомиддин шундан кейин бошига ташвиш тушишини ва ўлим соя ташлашини билиб отини эгарлайди. У ўзидан катта миқдорда бойлик, ҳатто юк ташийдиган ҳайвонлар ҳам кўтара олмайдиган буюмлар ҳамда пул қолдириб тун қоронгулигига йўлга тушади. Вақт уни аллақачон буқчайтириб кўйганди. Кексалик уни чарчатади, у қабрдан чиққан майитдек аҳволга тушади ва шутариқа зўрга Жалолиддин ҳузурига етиб бориб, унинг бағрида паноҳ топади. Жалолиддин унга Ҳалхал қальяси ва атрофидаги жой билан бирга кўшиб бошқаришни топширади⁷. Бу жойни Али Балбан ал-Отабекий босиб олган эди, у ҳақда кейинроқ ҳикоя қиласиз. У (Ҳусомиддин) бу ерда тоторлар олти юз ўн саккизинчи (1221—1222) йилда бостириб келиб, то уни ўлдиргунча яшади⁸.

⁵Хоразмшоҳ Муҳаммад отабек Саъдни асир қилиб олгач, уни қатл қилдирмоқчи бўлади. Бироқ Завзон ҳукмдори Нусратиддин Муҳаммад ибн Лознинг илтимосига мувофиқ унинг айбини кечиради. Отабек Саъднинг ўғли Нусратиддин Абу Бакр Кутлугхон Форсга 1226 йилдан 1260 йилга қадар ҳукмдорлик қиласиди.

²Истаҳр — Форснинг асосий шаҳар ва қалъаларидан бири. Ерда XVI асргача аҳоли яшаган. Унинг харобалари Шерозинг шимолий қисмида. Ашканаван — Истаҳрнинг шимолий-орб қисмида жойлашган қалъя.

Хоразмшоҳ Муҳаммаднинг онаси исмини Туркон деб эмас, беркен деб ўқиш керак. Тадқиқотчиларнинг фикрича шундай. Лекин асли номи Туркон хотун.

Рашидиддин ва Жувайнининг ёзишича, отабек Саъд Хоразмшоҳ ҳазинасига Форснинг йиллик маблагининг учдан икки исмини топшириши шарт қилиб кўйилган. Носириддин ал-Эйдавийнинг айтишича, отабек Саъд ан-Насавий келтирган партлардан ташқари қизи Малика Хотунни Жалолиддинга эрга ёриши, катта ўғли Зангини Хоразмшоҳ хузурига гаров тарисида юбориши мажбурий бўлган.

Отабек Саъднинг ўели отаси асир тушганини эшигтгач, ўзини ҳукмдор деб зълон қилди ва хутбада унинг номини қўшиб ёқитишини тўхтатди. Лекин Саъд Хоразмшоҳ қўшини ёрдами билан Шерозга, Абу Бакрга хужум қилди. Унинг қўшини дарзов Саъд тарафга ўтди. Саъд яна Форсни эгаллади ва ўғлини Истаҳр қалъасига зинданбанд қилди. Ибн ал-Асир бу хусусда Бундай деб ёзди: “У (Саъд) ўғлини асир қилиб олиш орқали мамлакатини кўлга киритди. Уни зинданга ташлаттириди ва у қозиргача ўша ерда эмиш. Бу ҳақда мен энди, яъни 620 (1223) йилда эшигтдим”.

Отабек Абу Бакр кейинчалик узоқни кўра оладиган ҳукмдор бўлиб етишиди. Мўгуллар босқини давлати келажагига хавф солишини олдиндан англаб укаси Тахамтанинни катта совфа билан Угадай қоон хузурига элчи қилиб жўнатди. Қоон унга мулкига ҳукмдорлик қилишини тасдиқлайдиган суюрғол жўнатди ва Кутлугхон унвонини берди.

³Халҳал — Эрон Озарбойжонидаги шаҳар.

Бу ерда 618 йил санаси нотўғри берилган. Чунки Балбан ал-Холхолий унинг сафига 625 йилда қўшилган. Демак, юкоридаги сана 628 йил бўлганда ҳақиқатга тўғри келарди.

10-БОБ

СУЛТОННИНГ БОҒДОДГА ЮРИШИ ВА УНДАН ҚАЙТИБ КЕЛИШИ БАЁНИ

Султон Ироқни ўзига қарам этмоқчи бўлганлардан то-залаб, мамлакатни тўла бўйсундириб олгач, бу борадаги мақсадига эришгач, Боғододга юриш қилишга чоғланди¹. У олдинга шунчалик кўп қўшин юбордики, чўллар ва саҳ-

ролар улар билан тўлиб-тошиб, ҳатто бу масканлар қанчалик катта, кенг бўлмасин ҳаммани бағрига сиғдира олмади.

Уларнинг кетидан ўзи ҳам йўлга тушди ва Асадобод довонига кўтарилиди. У Ҳамадонда вакътилигидеёқ Боғдод вилоятларини мулкий иқтоларга бўлиб чиқсан, бу борада тегишли фармонларга (тавқиятга) ҳам муҳр босганди. Тоғ довонида у (Асадободда) қорга дуч келди, водий ҳам, тоғ усти ҳам қор билан қопланганди. Қор уч кеча-кундуз тўхтовсиз ёғди, чодир ва ўтовларни ҳам босиб қолди. Ахвол аш-Шоший ал-Қоффал тасвирлагандек бўлди².

Булатлар тўкар эди кўқдан кумуш тангалар,
Бу ҳосилдан ёпинмиш мармар тоғлар оқ либос.
Совуқ нафас уфуриб, еларди шабодалар,
Ёрдан жудо ошиқлар оҳ тортган каби бехос.

Айни пайтда, даволаб бўлмайдиган касаллик сингари бу фалокат ҳам хавф туғдира бошлади. Гарчи замин қордан оппоқ тусга кирган бўлса-да, лашкарлар орасидан кўплаб одамларнинг ўлими туфайли қорайди. Туялардан бирортаси ҳам омон қолмади. Баъзи лашкарлар кўлларидан, айримлари эса оёқларидан ажралдилар. Муваффақиятсизлик ва омадсизлик туфайли Султон ўз ниятларидан қайтди, бу борадаги хатти-ҳаракатларидан афсусланди.

У Шиҳобиддин ас-Сухравардийни, ўзи учун Оллоҳдан шафқат сўраган ва уни адолатсизликдан огоҳлантирган инсонни элчи сифатида қайтарди³.

Султон аввал қылган ишлари, шафқатсизлиги, бошқаларни ҳурмат-иззат қылмаганлиги, ҳақиқатни тан олмаганлиги учун афсусланди. У фикри соғлом, Оллоҳнинг жаннат ва дўзахни яратганига қаттиқ ишонадиган, исломга содик бўлган ҳар бир одам бажариши зарур ишларни амалга оширганига ўқинди. У бу уй (Аббосийлар уйи) Оллоҳнинг ўзи ва унинг кўқдаги фаришталари кўллаб-куватлаб турадиган маскан эканлигини англаб етди. Унинг бу (уйнинг) мавжудлиги ва фаолиятининг қанча давом этиш сир-синоати ёлғиз унга (Оллоҳга) аёндир. Кимки бунга қаршилик қўлмоқчи бўлса, “у дунёю охиратда зиён кўрур. Бу эса очиқ-аниқ зиёндир”.*

¹Шихобиддин ас-Сухравардийнинг элчиллик фаолияти муваффакиятсиз якунланганидан кейин халифа ан-Носир Бөгдод юриши 1217 йилнинг кузида бошланади. Лекин ан-Насавий ва бошқа муаллифларнинг ёзишича, Хоразмшоҳ Муҳаммаднинг юриши муваффакиятсизликка учрайди. Хулван яқинида Асад-робод довонида Хоразм кўшинлари қор остида қолади. Кўплаб вашкарлар ҳалок бўлади, ҳайвонларнинг ҳаммаси қирилиб кегади. Орқага қайтаётганларнинг аксарияти бану Парчам ва бану Ҳаккар қабилаларининг кўчманчилари томонидан таланади, ўлдирилади.

²Абу Бакр Муҳаммад ибн Али ибн Исмоил ал-Қоффал аш-Шоший — шофиъийларга мансуб. У Шошда 365 йил зулҳижса-ла (976 йил июль-августида) вафот этган. “Ал-Қоффал” (кулф ёсовчи) лақабини ярим килограмм ҳажмдаги гаройиб қулф ва калит ясагани учун олган. Мовароуннахрда шофиъийлар таълимотини тарғиб қиливчилардан бири бўлган. Абул Фидо у ҳақда бундай деб ёзди: “Бу йил (365), баъзан айтишадики, уч юз олтмиш олтинчى ёки уч юз олтмиш еттинчى йилда Абу Бакр тўлиқ номи Муҳаммад ибн Али ибн Исмоил ал-Қоффал аш-Шоший — шофиъийлар факиҳи, ўз даврининг имоми вафот этди. Мовароуннахрда ўз даврида унга тенг келадигани йўқ эди”.

³Бу ўринда Хоразмшоҳ Муҳаммаднинг хузурига иккинчи бор алчи бўлиб келган Шихобиддин ас-Сухравардийдан ўзи билан ан-Носир орасида туришни, халифадан “илоҳий” ғазабини камайтиришни сўраб бериш тўгрисида илтимос қилгани назарда туттилади. Хоразм кўшинларининг Хулван яқинидаги ҳалокати ўша давр мусулмон оламида Аббосийларга зиён етказишга уринганларга берилган илоҳий жазо деб баҳоланганди. Ибн ал-Асир бу ҳақда шундай деб ёзди: “Бу Аббосийларнинг марҳаматли конадонига берилган энг яхши имтиёзларидан бирицир. Агар кимки унга ёмонлик қилмоқчи бўлса, бунинг учун муҳаққақ равишда жазога тортилади. Хоразмшоҳ ҳам ана шундай мисли қўрилмаган бахтсизликка гирифтор қилингандардан бўлди”. “Аббосийларга қарши юриш сultonнинг ўзига қарши бўлиб чиқди”, дейди Жувайний.

“Манбаларда Хоразмшоҳ давлатини емиришга олиб келган кўплаб сабаблардан ташқари яна бир нарсага, халифа ан-Носир хоразмшоҳ Муҳаммадга қарши курашда мўгуллардан фойцаланганига ҳам ишора қилинади. Бу ўринда Ибн ал-Асир дасттаб сирлироқ фикр юритади: “Тоторларнинг мусулмонлар мамлакатига бостириб киришида бошқа сабаблар ҳам борки, улар ҳақида китоб саҳифаларида айтиб бўлмайди”. Бошқа бир

жойда эса Ибн ал-Асир очиқроқ ёзади: “Агар ажамликларнинг гаплари рост бўлса, айнан у (халифа ан-Носир) тоторлар хузурига одамларни юбориб, уларни мусулмонлар мамлакатларига ҳужум қилишга ундалган. У бу фаолияти билан дунёда энг оғир жиноятта қўл урган”. Ал-Макризий халифа ан-Носирнинг мўғулларга мактуби ҳақида бундай деди: “Унинг (ан-Носирнинг) ҳукмронлиги даврида тоторлар Шарқ мамлакатларини вайрон қилдилар. Улар Ҳамадонга қадар етиб бордилар. Бунинг сабаблари қуйидагилар бўлган эди: у уларга ҳақиқатан ҳам мактуб ёзиб, бу мамлакатларга босиб киришга ундалган эди. Чунки у султон Аловуддин Мұхаммаддан кўркәр, Хоразмшоҳ Боғододни босиб олиб, бир пайтлари салжуқийлар давридаги сингари уни ўз давлатининг пойтахтига айлантиради, деб ўйларди”. Халифа ан-Носирнинг Чингизхонга мактуби тўғрисида Ибн Восил бундай деб ёзади: “Хоразмшоҳ Боғододга юриш қилганда Халифа тоторлар ҳукмдори Чингизхонга Султон мамлакатига ҳужум қилишга унданбек мактуб ёзади”. Бу фикрнинг тасдиғини Абул Фидо, Сибт ибн ал-Жавзий, Мирхонд, Абулғозий асарларида ҳам учратиш мумкин.

II-БОЗ

СУЛТОН ИРОҚҚА ЮРИШ ҚИЛИШДАН ОЛДИН ҚОНУНИЙ ЖИҲАТДАН ВА ЭҲТИЁТКОРЛИК ЮЗАСИДАН ҚАНДАЙ ТАДБИРЛАРНИ АМАЛГА ОШИРИБ УЛГУРГАНИ БАЁНИ

Амалга оширилган тадбирлардан бири Зулқарнайн навбасининг тантанали ижро қилинишининг белгиланиши бўлди¹. Аввалги пайтларда унинг ўзи учун, бошқа султонларга ибрат қилиб кўрсатиш мақсадида, беш вақт намозга монанд равишда кунига беш марта навба белгиланганди. Бу аҳвол Оллоҳ унинг мамлакати кудратини юксалтириб, ўзининг мартабасини оширгунга қадар давом этди. Ироққа қарши юриши даврида у беш марта навбани ўғилларига — султонларга ҳақиқий мерос қилиб берди. Бу навбалар ўғилларига мулк қилиб берилган мамлакатларда султон саройларининг дарвозалари олдида ижро қилина бошланди. Уларнинг навбалар бўйича ҳукуқлари, бу ҳукуқлар ўғилларнинг ҳар қайсисига қай тарзда белгилангани тафсилотлари хусусида мавриди билан тўхталиб ўтамиз. У ўзи учун Зулқарнайн навбасини танлади. Бу навба

куёш чиқиши ва ботиш пайтида ижро қилинадиган бўлди. Уни ижро қилиш учун йигирма еттига тилла ногорадан, турфа ранглардаги таёқлардан ва бошқа мусиқа асбобларидан фойдаланилди.

Навба ижро этилиши белгиланган кун тантанали ва улуғвор кечиши учун, ўзининг кудратини кўрсатиб кўйиш учун йигирма етти мамлакатнинг машҳур ҳукмдорлари, султонларининг ўғиллари танлаб олинди. Улар орасида Тўғрул ибн Арслон ас-Салжуқийнинг ўғли, Фур, Газна, Ҳиндистон ҳукмдори Фиёсиддиннинг ўғиллари, Бомиён ҳукмдори Малик Аловуддин, Балх ҳукмдори Малик Тоҷиддин, унинг ўғли, Термиз ҳукмдори ал-Малик ал-Аъзам, Бухоро ҳукмдори Малик Санжар ва бошқалар бор эди². Унинг мақсади мамлакатлар ҳукмдорлари сонини йигирма еттитага етказиш эди, шу сабабли улар сафига жияни (укасининг ўғли) Эрбозхонни ва ўз мамлакати вазири Низомулмалик Носириддин Муҳаммад ибн Солиҳни ҳам кўшди³. Навба ижро қилинадиган пайтда тилло ногораларни chaladiganchalar ana shulardan iborat bўldi.

Султон амалга оширган тадбирлардан яна бири қуидагича эди. У Ироқقا юришдан олдин сўзда уни тан олиб, амалда ўзига зимдан қарши бўлганлардан, бошқача айтганда, кул остидаги чўеллардан Мовароуннахри тозалашни ният қилганди.

Давлатпаноҳ Наса шаҳрига Ўтрорнинг ҳукмдори Тоҷиддин Билкахонни жўнатди ва унга ўша ерда қолишини буюрди⁴. Билкахон унинг сафига кўшилган хитойилардан биринчиси эди. У шундай чиройли эдики, қоронғу тунни кундуз каби чароғон қилиб юборарди, юзидаги нур билан тун зулматини бартараф этарди. Султон Мовароуннахри хитойилардан тортиб олганидан кейин у (Билкахон) ўз хоҳиши билан (Султон) хизматига ўтганди. Чунки улар орасида яқинлик бор эди. Бу яқинлик сабабли тугилган қиёмат қарзни, виждоний бурчни, фидокорликни куч билан бузиб бўлмасди. Султон Такиш вафотидан кейин Султон (Муҳаммад) давлати ҳали мустаҳкамланиб улгурмасдан ва бошқалар ҳужумига қарши зарба бериш имкони йўқ пайтида Шиҳобиддин ал-Фурий атрофига кўплаб кучлар ҳамда кўшинни йиғиб, Хоразмга юриш қилди. Шунда Тоҷиддиннинг ўзи амакиваччаси, Самар-

қанд хукмдори, султонлар султони Усмон билан биргаликда қўшинларини, хитойилар тўдаларини оёқлантириб, Андхудда Шиҳобиддин ал-Фурийга кутилмаганда ҳужум қилди⁶. Бу ҳақда Ибн ал-Асир ўзининг “ал-Комил” аса-рида батафсил маълумот беради. Унинг мард, довюрак дўстларидан, садоқатли лашкарларидан кўпчилиги бу ерда ҳалок бўлади. Тожиддин Султон таҳтга ўтиргач, унга қилган бу ва бошқа хизматларим унинг менга ишончини кучайтиради, ҳурмат-иззатимни оширади, ишимда муваффақиятларга йўл очиб беради, деб ўйларди.

Билкахон Султон ҳузурига келганда у унинг аввалги хизматларини эслаб ҳурмат билан кутиб олди. Султон Ироққа юриш қилишини ўйлагунга қадар ана шундай муносабат сақланиб қолди. Шундан кейин Султон унинг Мовароуннаҳрда қолишини имконсиз деб топди ва уни Насага йўллаб, унга ўша ерда яшашни буюрди. Уни бошқа шаҳарга эмас, айнан Насага жўнатаркан, бу ер ниҳоятда иссиқ, касалликлар кўп, муҳити носоғлом эканлигини назарда туттанди. Бу ернинг одамлари доимо шикоят қилишар, яқинларидан ажраганлари учун уларнинг кўз ёшлари тинмасди. Туркийлар Насада ниҳоятда оз муддат яшардилар, уларнинг бу ердаги ҳаёти бефайз кечарди.

Юқорида айтганимиз (Билкахон) бу ерда бир йилдан ортиқроқ яшади. У тақдир бевафоликларини сабр билан енгди, бошига тушган ташвишлардан зорланмади. Сахийлиги ва ахлоқан поклиги учун унинг обрўси кундан-кунга ошиб борди. Бу ерда унинг ҳузурига саломлашиш учун кириб бирор совға олиб чиқмаган одам йўқ эди. Аксига олиб, Насанинг ҳавоси ва суви унга ёқиб қолди. У аввалидан ҳам чиройли ва хушбичимроқ бўлди. Насанинг таникли одамлари ҳам, ҳалқи ҳам уни ёқтириб қолди, ҳар бир одам уни ҳурмат қиласади. Султон бу ҳақда эшитганидан кейин Билкахонга нисбатан муносабатини ўзгартирмаса, яъни унга ишонч, ҳурмат-иззатни йиғишириб кўйиб, қаттиққўллиги, аёвсизлигини намоён қилмаса, кўзлаган мақсадига эриша олмаслигини тушунди. Шу учун у унинг ҳузурига тик қаддини букиб, кўзидан қонли кўз ёшларини оқизадиганларни юборди. Менга бу шармандали қотилликда иштирок этганлардан бири бундай ҳикоя қилиб берганди: “Бизлар султоннинг Насадаги вазири

Зоҳириддин Масъуд ибн ал-Мунаввар аш-Шоший ҳузурида эдик. Шунда кимдир унинг ёнига кириб Жаҳон Паҳлавон бир нечта одамлари билан келганини маълум қилди. Жаҳон Паҳлавон таштдор Аёз бўлиб, у таштдорликдан маликлик даражасигача, ўн минг отлиқ лашкарларга сарбозликкача кўтарилиган одам эди⁶. У бошларни танасидан жудо қилувчи ва умуман, қатл ишларини амалга оширувчи бўлинманинг бошлиғи қилиб тайинланган эди. У бир гуруҳ одамлари билан келганди. Номи юқорида эслатилиган вазир бу хабарни эшитиб даҳшатта туҳди. У унинг келганидан ниҳоятда кўрқди, кулфат менинг бошимга тушадиган бўлди, деб ўйлади. Унинг секин нафас олишидан бўлак юзида ҳаёт аломати қолмади. Нафас олиши ҳам сал бўлмаса тўхтаб қолай деди. Кейин унга келганлар ҳоким уйи (дар ас-салтана) да тўхтаганлигини маълум қилишибди ва “аз-Зоҳирни ўз одамлари билан тезлиқда олиб келинглар!” деган буйруқ берилганини эшитди. Аз-Зоҳир отига минди ва улар ҳузурига йўл олди. У отига мингандан жиловини ушлашга ҳам мадори қолмаганди. У етиб боргач, Жаҳон Паҳлавон унинг қўлига фармонни (тавқни) тутқазди. Фармон ўқиб бўлингач, улар Malik Тожиддин Билкахонни бу ерга қандай таклиф қилишни маслаҳатлашади. Маслаҳатта кўра Султон саройида муҳим иш тайинлагани, бунда унинг иштирок этиши зарурлиги ҳам етказилади. У атрофидаги кузатувчи лашкарлари билан етиб келади. Унинг ёлғиз ўзини ертўлалардан бирига олиб киришади. Шундан сўнг жаллодлардан бири кўлида Билкахоннинг бошини ушлаган кўйи пайдо бўлади. Жаҳон Паҳлавон уни қопга солади ва улар келган йўлларидан ортга қайтадилар.

О ғаддор дунё, қанчалар бевафосан сен! Сенга инонмоқ қанчалар оғир! Шаҳидларнинг қабрлари узра сўз айтмоқ мушкул, уларнинг номларини санамоқ қийин. Зоро, бу ҳақда айтилганлардан ошириб айтиб бўлмас:

Бу дунёга ихлос кўйма, алам келтирур,
Аламлардан бошқа бирор фойда йўқдур.

Унинг барча бойликларини: ноёб буюмларини, баҳоси тенгсиз бўлган қимматбаҳо тошларини, гавҳарларини Султон хазинасига ўтказдилар”.

Султон амалга оширган тадбирлардан яна бири Бухоро ханафийларининг раиси ва хатиби “Садр Жаҳон” номи билан машҳур бўлган Бурҳониддин Муҳаммад ибн Аҳмад ибн Абдулазиз ал-Бухорийни Хоразмга жўнатиши бўлди⁷. Агар кимдир уни фақат Бухоронинг хатиби сифатида билган бўлса, у хатиблар ичida энг юқори даражага эришгани эди. Унинг бекиёс даражада кўп мулки, ери, уйлари бўлиб, обруси улуг, шон-щухрат чўққисига кўтарилганди. Шу билан бирга у foят сахий, кўли очиқ одам эди. Шу жиҳатдан уни фақат машҳур мулк эгалари, таниқли мансабдорлар билан муқояса қилишнинг ўзи камлик қиларди. Чунки унинг фамхўрлиги, васийлиги туфайли кўл остида яшаган ва яшайдиганлар сони олти минг фақиҳга яқинлашарди. У жавонмард, куч-қуввати тўлиб-тошган, ҳаракатчан инсон эди. Бу дунёни ёқимли ҳид таратиб турдиган губорга ўхшатарди. Унинг остонаси улуғ одамлар учрашадиган маскан, илмлар бозори эди. Бу бозорга энг яхши маҳсулотлар олиб келинар ва улар юқори баҳоларда сотиларди. У Хоразмда ҳам, тақдир бевафоликларига қарамасдан, совғалар улашишда давом этди. Бошқалар бундай совғаларни барча имкониятларга эга бўла туриб ҳам беролмаган бўларди.

Мустақил ҳаракат қилишдан, қонунлар чиқариш имконидан, ўз фикрларини очиқ-ойдин айтишдан маҳрум этилган Бурҳониддин Хоразмда Оллоҳ олдидаги қиёмат қарзини узуб, тақдир хукмига бўйсуниб ўлим шаробидан тотигунча яшади. У Туркон хотун ундан (Хоразмдан) қочаётган пайтда ўлдирилади.

Бурҳониддин Хоразмга кўчирилганидан кейин Султон унинг ўрнига Бухоронинг хатиби ва ханафийларининг раиси қилиб ўз вазири Низомулмulkнинг укаси Маждиддин Масъуд ибн Солиҳ ал-Фаравийни кўяди. Унга “Садр Жаҳон” деган лақаб берилади.

Менга қози Мужириддин Умар ибн Саъд бир воқеани бундай ҳикоя қилиб берганди⁸: “Султон номини эслатганимиз Маждиддинни “Садр Жаҳон” унвони билан юқоридаги лавозимга тасдиқлаганидан кейин Бухорога келди. Султон иштирок этган анжуманда унинг ўзи хутба ўқиши буюрилди. Аммо Низомулмulk Мулк Муҳаммад укаси Маждиддин Масъудни ёмон кўрар, унинг юқори обрў-

ъэтиборга сазовор бўлишини истамасди. Бир гал мен масжидда Низомулмулк билан ёнма-ён туриб қолдим. Унинг укаси хатиб эса бу пайтида масжид минбарининг ўнг томонидаги хонасида эди. Низомулмулк менга бундай деди: “Агар сен бутун хутба пайтида унинг асабига тегиб, фикридан адаштирсанг, нима истасанг шуни бераман”. Мен унга шундай дедим: “Шак-шубҳа йўқки, сен айтаётган иш ниҳоятда хавфли. Лекин мен бу ишни уддаласам, битта хачирни эгар-жабдуғи билан совға қиласан”. У бунга рози бўлди.

Хутба пайтида хатибга имо-ишора қилиб бир неча марта қўлимни кўтардим. У ўқишидан тўхтади, то ўзига келгунча узоқ вақт жим қолди. Одамлар унинг одатига зид бу тўхталишларидан ҳайрон бўларди. Мен хачирни айтилган нарсалари билан бирга олдим. Шу билан айёrlигимиз ҳам барҳам топди. Кейин Маждиддин менга бу хатти-ҳаракатим учун койиганда унга бундай дедим: “Мен сенга хутба пайтида Султон шарафи учун овозингни ба-ландроқ қилишга ишора қилдим. Сен эса бунга тушунмадинг”. У менинг ўзимни оқлаш учун айтган галимни қабул қилди”. Юқорида номини эслатганимиз хатиб бу олий лавозимда Бухорони тоторлар босиб олгунга қадар турди. У шу шаҳарда ўлдирилди.

Султоннинг амалга оширган тадбирларидан яна бири самарқандлик шайхлар Жалолиддин, унинг ўғли Шамсиддин, укаси Авҳадиддинни қўзғолон кўтариб, низолар оловини кучайтирмаслиги учун Насага жўнаттиргани бўлди. Улар маърифат жабҳасида улуғликка эришган, деярли барча фанларнинг тараққий этишида ўз ҳиссаларини кўшган олижаноб инсонлар эдилар. Авҳадиддин мунозара фанида мўъжизакор кучга эга бўлиб, у ал-Амидий билан бемалол баҳслаша оларди⁹. Унинг фикрлари, хуло-саларининг нотўри эканлигини яққол исботлаб бера оларди. Шон-шуҳрат борасида ан-Нишопурий билан мусобақалашар, унинг фикрлари асоссиз эканлигини кўрсатарди¹⁰.

Авҳадиддин Насада кувғинликда ажал топди. У тақдир ёрдамида ўз насибасидан ортиғига эга бўлмади. Авҳадиддин ўлимидан кейин унинг акаси Жалолиддин Султон номидан Мозандаронда вазирлик қилаётган Амидиддин

ал-Деҳистоний таклифига кўра Деҳистонга кўчиб ўтди. У бу ерда яшаб ҳурмат-эътиборга сазовор бўлди. Тоторлар барча мамлакатларга ҳужум қилиб шаҳарлар аҳолисини қирғинбарот этганда ҳам у шу ерда яшаётган эди. Унинг шундан кейинги тақдирни менга номаълум.

Ҳоли ҳаробми-йўқми, узунми-йўқми дасти,
Ҳаловат излаб бориб, у ҳам йўлда адашли.

Султон амалга оширган тадбирлардан яна бири, унинг давлатни ўғилларига бўлиб бергани ва уларнинг ҳар қайсисини мамлакатларга ҳукмдор қилиб қўйгани бўлди. Хоразм, Хуросон, Мозандаронни бошқариш ҳуқуқини у ўз валиаҳди Кутбиддин Ўзлогшоҳга берди. Фармонларини тасдиқлаш учун унга лақаб эмас, қуйидаги тарзда “Ислом амирининг ёрдамчиси, султон Санжарнинг ўғли Султон Абул Музаффар Ўзлогшоҳ” деган ном берилди¹¹. Уларнинг одатига кўра аслида валиаҳднинг лақаби тугрога ёзилмаган. У отаси ўрнини эгаллагандан кейингина унинг барча лақабларини олган.

Унинг (Кутбиддиннинг) икки акадан — Жалолиддин Мангуберди ва Рукниддин Фурсанжтийдан олдин таҳт вориси қилиб белгиланиши Султоннинг мавқеи юксак онаси Туркон хотун амрига бўйсунгани билан изоҳланади. Негаки Кутбиддиннинг онаси, унинг бошқа болаларининг онасидан фарқли ўлароқ, Туркон хотунга алоқадор бўлган Баёт уруғидан эди. Бу уруғ, ўз навбатида, Емек қабиласининг бўлакларидан бири ҳисобланарди.

Фазна, Бомиён, ал-Фур, Буст, Такинобод, Замин Давар ва Ҳиндистон билан чегарадош бўлган вилоятларни бошқариш ҳуқуқини катта ўғли Жалолиддин Мангубердига берди. Унинг вазири қилиб садр Шамсулмулк Шиҳобиддин Алп ал-Харавий тайинланди¹². У Жалолиддинни болалари ичидаги кўпроқ суръ, унинг мардлигига тан берар, шу учун уни ёнидан, хизматдан узоқлаштиргиси келмасди. Айни шу сабабли Жалолиддинга берилган мамлакатларни бошқариш учун унга ўринбосар (ноиб) тайинланди. Ноибликка Кузбор Малик белгиланди. Ноиб ўша томонга жўнаб кетди, у ердаги ишларни йўлга қўиди, мамлакатни бошқариш санъатини яхши эгаллади. Қўшни ҳукмдорлар ҳам унга итоат этадиган бўлдилар. У бу ерда

Жалолиддин тоторлар босқинидан кейин боргунга қадар турди. Бу ҳақда кейинроқ баён қиласиз.

Кирмон, Кеш, Макронни Султон ўғли Фиёсиддин Пиршоҳга берди. Унинг вазири қилиб садр Тоҷиддин ибн Карим аш-Шарқ ан-Нишопурий тайинланди. У (Фиёсиддин) ҳам ўз мулкига тоторлар босқинидан сўнг борди ва бу вилоятларни султон ўлими ҳамда Жалолиддиннинг Ҳиндистонга юришидан кейин Ироқни ҳимоя этадиган, ҳукмдорлик қиласиган одам қолмагунча бошқарди. Кейин Фиёсиддин Бароқ ҳожибни Кирмондаги ноиби қилиб тайинлаб, бу ердаги мулкларни унга топшириб, шу билан ўзига ўлим истаб, Ироқча йўл олди¹⁴. Бу ва бошқа воқеалар хусусида ўрни келганда ҳикоя қиласиз.

Ироқ ҳукмдорлигини Султон ўғли Рукниддин Фурсанжтийга ишониб топширди. У ўғилларининг ичида энг келишгани ва чиройлиси, ботиний жиҳатдан олижаноби эди. Унинг хати ниҳоятда чиройли эди. Ёшлик пайтларидаёқ Куръони каримни кўчириб чиққанди. У адолатли, сахий қалбли, меҳрибон ва самимий эди. Унинг вазири қилиб И момулмулк Муҳаммад ибн аш-Шадид ас-Савий тайинланди¹⁵. Ас-Савий кўп йиллар давомида Хоразмда вазир Низомулмulkнинг ноиби бўлиб хизмат қилди. У бу вазифада шундай миқёсга эришдики, ундан олдин бу лавозимда ишлаганлар буни орзу қиласидилар, холос. Иқтидорлилиги, ишчанлиги, омадлилиги билан Султон олдида ҳурмат-эътиборга сазовор бўлганди. Султон унга ишонарди. Унинг Султон ҳузурида обруси юксак бўлгани учун ҳам Рукниддиннинг вазирлиги ишониб топширилди. У вазирликда барча ишни ўз қўлига олди. Рукниддин унинг ўзбошимчалиги ва мустақил фаолият кўрсатишини хушламасди. Бироқ ўз хоҳиши ва истагига зид ўлароқ унга ён босишга мажбур эди. Чунки Султоннинг унга муносабати яхшилигини биларди.

Рукниддиннинг фармонлари учун “Ислом амирининг энг яқин дўсти, улуғ султон Муҳаммаднинг ўғли, юксак мартабали султон Рукн ад-Дунё ва-д-Дин Абу-л-Хорис Фурсанжтий” деган турро танланди... Унинг номига Фурсанжтий сўзининг қўшилиши бежиз эмас. Айтишларича, Султон Фурнинг босиб олиниши ҳақидаги хушхабарни эшитган куни у туғилган ва шу сабабли бу сўз унинг ис-

мига қўшилган. Султон уни Жибил ҳукмдори Хазораспнинг қизига уйлантирган¹⁷. Бу султоннинг қўшниларидан бирига нисбатан самимий муносабати ифодаси эди. Булар хусусидаги батафсил маълумотларга кейинроқ тўхталиб ўтамиз.

¹ Хоразмшоҳ Муҳаммад бир қанча мамлакатларни ва вилоятларни қарам қилгач, уларнинг ҳукмдорлари, султонлари, маликларини, оила аъзоларини асир олгач, қурдатли давлат барпо этади. Бу давлат мусулмон оламидаги бошқа давлатлардан улуғворлиги билан ажralиб туради. Шунга монанд тарзда Султон саройда ўтадиган аңжуманларни, тадбирларни ҳам шоҳона ва тантаналироқ ўтказишга интилади. Бу ерда ўтадиган ҳар бир тадбир унинг қурдатини намоён қилиши керак эди. Зулқарнайн навбасининг белгиданиши ҳам шундан дарак беради. Хоразмшоҳ қайтиш навбасини чалишни асир султонлар ва маликларга буюрган.

² Рукнииддин Тўғрул III ибн Арслон — Ироқ салжуқийлар сулласининг охирги вакили, 1176—1194 йилларда ҳукмронлик қилган. Фиёсiddин Муҳаммад ибн ал-Фурийнинг (1203—1206 йиллар) ўғиллари Фиёсiddин Маҳмуд 1206—1212 йилларда, Баҳовуддин Сом II 1212—1213 йилларда ҳукмронлик қилган. Аловуддин Отсиз 1213—1214 йилларда ҳукмронлик қилган. Тоҷиддин Занги 1213 йилда асир олинган. Ибн ал-Асир Балҳ ҳукмдори Имодиддин эди деб ёzádi. У ҳолда Термиз ҳукмдори Имодиддиннинг ўғли бўлиб чиқади. Бухоро ҳукмдори Санжар “малик” дейилади. Аслида у қасқон сотувчининг ўғли бўлади. Бухороликларнинг қўзғолонига бошлилик қилиб, у шаҳарни Хоразмшоҳдан сал олдинроқ босиб олган эди. Санжар 1207 йилда асир олинган.

³ Эрбозҳон — Тўғон Тұғдининг ўғли, хоразмшоҳ Такишининг невараси. У 1196 йилда Исфаҳонга волий қилиб тайинланади. Минувий унинг номини “Утурхон” деб ёzádi. Низомулмulk Муҳаммад ибн Солиҳ 7 йил давомида хоразмшоҳ Аловуддин Муҳаммаднинг вазири бўлган. Кейин унинг онаси Туркон хотунга вазир бўлади. У аслида куллар авлодидан бўлган. Хоразмшоҳ уни девон ишларида маблагни ортиқча ишлаттани, камчиликка йўл қўйгани учун вазирликдан четлаштиради. Шундан кейин Туркон хотун саройида “унинг ишлари” билан шугулланади. Хоразмшоҳларнинг барча вазирлари, салжуқийларда бўлгани сингари “Низом-ул-мулк” (“Давлат тартиблари”) лақабини олишган.

⁴ Наса — ушбу асар муаллифи ан-Насавийнинг юрти. Унинг харобалари Ашхободдан 18 километр узоқликда жойлашган.

Хоразмшоҳ Муҳаммад йўлимга тўғаноқ бўлмасин деган ништда кекса ҳукмдорлар сулолалари вакилларини турли йўллар билан йўқ қилишга киришади. Ана шундай шубҳали деб ҳисобланганлар орасида Ўтрор ҳукмдори Тожиддин Билкахон ҳам бор эди. У қора хитой хонлари орасидан биринчи бўлиб Хоразмшоҳ томонга ўтганди. У бу ишимни Хоразмшоҳ тақдирлайди, деб кутганди. Бироқ Хоразмшоҳ жаллод Аёз Жаҳон Паҳлавон бошчилигига 10 минг кишилик бош оловчилар қўшинини ташкил этиб, ўзига ёқмаган одамларни йўқ қилдиради.

Билкахон Хоразмшоҳ томонидан Насага юборилади, бир зилдан кейин, 1217 йилда Аёз томонидан ўлдирилади, боши са Хоразмга жўнатилади. Жувайнининг айтишича, “малик Тожиддин Хоразмшоҳга қарши чиқади, лекин жангда мағлуб бўлади”.

Ўтрор (аввал Фароб бўлган) — шаҳар харобалари Сирдарёйнинг ўнг қирғоғида, Арис дарёсининг Сирдарёга қуйилишига жўкин жойда. Абу Наср Муҳаммад ал-Фаробийнинг юрти.

⁵ Усмон ибн Иброҳим IV — қорахонийлар сулоласининг (992—1211 йиллар) Самарқандда 1204—1211 йилларда ҳукмдорлик қилган охирги вакили. Хоразмшоҳ томонидан таҳтдан туширилган. Андҳуд (ҳозирги Андҳой) — Афғонистондаги шаҳар.

⁶ Таштдор — саройдаги лавозим, ҳукмдорлар қўйини ювганда тогора (ташт) тутувчи. Таштхона — саройда тогоралар сақлашувчи хона.

⁷ Бурҳониддин Муҳаммад ибн Аҳмад ибн Абдулазиз ал-Бухорий — Бухоронинг меросхўр раислари сулоласи вакили. Бухоро раислари “Садр Жаҳон” унвонига эга бўлишган. Улар шаҳар ҳукмдорлари бўлиб, аҳолидан маблағ йиққанлар.

⁸ Қози Мужириддин Шараф ал-Ислом ибн Саъд ал-Хоразмий — кейинчалик хоразмшоҳ Жалолиддиннинг Рум ҳукмдори Ало-вуддин Кайкубод I ҳузурида элчиси бўлган.

⁹ Рукниддин Абу Ҳамид Муҳаммад ал-Амидий ас-Самарқандий — 1218 йилда Бухорода вафот этган. Ҳанафийлар факиҳи. У “Китоб ал-хайа алал-маъни фи идрак ал-инсанӣ” фалсафий асарининг муаллифи. Буни аслида ҳинд фалсафий трактати “Амртакунда”нинг таржимаси дейишади.

¹⁰ Радиаддин Абу Жаъфар Муҳаммад ан-Нишопурӣ — ҳанафийлар факиҳи. Рукниддин ал-Амидийнинг устози. 1201—1202 йилларда вафот этган.

¹¹ Хоразмшоҳ Муҳаммад 1210 йилда қора хитойлар устидан ғалаба қозонганидан кейин “Султон Искандари соний” унвонини олади. Аммо кейинчалик уни бу унвон ҳам қаноатлан-

тирмайди. У салжукларнинг узоқ вақт ҳукмронлик қилган ҳукмдори султон Санжарни (1118—1157-йиллар) эслайди ва ўзига “Султон Санжар” лақабини олади. Шу сабабли валиахди номини “Ўзлоюшох ибн Санжар” деб ёздириради. Шоир Зиёвуддин Форсий Хоразмшоҳнинг қора хитойлар устидан ғалабасига бағишилаб ёзган қасидасида Мұхаммадни “Султон Аловудуне Санжар, форслар шохи Искандари соний” деб атайди.

¹²“Ғазна — Афғонистондаги шаҳар. Ўрга аср Газнавийнинг ҳаробалари ҳозирги Ғазнадан шимолроқда жойлашган. Ғазна уч марта вайрон қилинган. Биринчи марта 1148 йилда ғурлар томонидан. Иккинчи марта 1221 йилда Чингизхон томонидан. Учинчи марта 1326 йилда Хулогухон томонидан. 1161 йилга қадар Ғазна Газнавийлар давлатининг (926—1168-йиллар) пойтахти ҳисобланган. Ал-Фур — Афғонистон марказидаги вилоят. Буст — Афғонистондаги шаҳар, ҳозир Қалъаи Бист дейилади. Такинобод — ҳозирги Қандаҳор. Замин Давар — Сижистон ва Фур орагидаги вилоят. Жалолиддиннинг вазирининг исемини Жуваний Шамсулмулк Шиҳобиддин Сарахсий, Жузжоний Шиҳобиддин Асп Сарахсий деб ёзди.

¹³Кузбор Малик турли манбаларда ҳар хил ўқиляди.

¹⁴Бароқ Ҳожиб — Кирмонда Кутлугхонлар сулоласининг (1222—1303 йиллар) асосчиси.

¹⁵Рукниддин Фурсанжтий. Фурсанжтий исмига тўғри изоҳ берилган. Бу ўринда “санж” сўзи санчиш маъносини беради. Бу сўз шу ҳолила Маҳмуд Кошғарийда учрайди. Демак, Фурсанжтий — фурларга санчилган ўқ маъносини билдиради.

¹⁶Имодулмулк Мұхаммад ибн ал-Шадид ас-Савий -ҳақиқатан ҳам “акли-идрокли, ўз сўзини ўтказа оладиган вазир” эди.

¹⁷Нусратиддин Ҳазорасп (1203—1252 йиллар) — Луристон ҳукмдорлари сулоласининг отабеги. Ҳазораспийлар 1155—1423 йилларда шарқий ва жанубий Луристонга ҳукмдорлик қилишган.

12-БОБ

СУЛТОННИНГ ИРОҚДАН ҚАЙТИБ КЕЛГАНИДАН КЕЙИНГИ ВОҚЕАЛАР БАЁНИ

Султон Ироқдан қайтиб келаётib Нишопурга кирди. У бу ерда Кирмон волийси ва унинг ноиби Мувайийд ал-Мулк Қавомиддиннинг ўлими тўғрисида эшитди. Шундан кейин Султон ўғли Фиёсиддинни Кирмон, Кеш, Макрон ҳукмдори қилиб тайинлади. Фиёсиддин ўша ерга

отланди ва давлат ишларини мустаҳкамлашга киришди. У Ироқ мамлакати ҳукмдорсиз қолгунга қадар бу ерда турди. Кейин бирорта қаршиликка дуч келмасдан уни босиб олди. Жалолиддин Ҳиндистондан қайтиб келиб кутилмаганда Райга хужум қилгунга қадар бу ерда, Мозандарон ва Хурросонда унинг номидан хутбалар ўқилди. Султон ундан Ироқни тортиб олди. Бу ҳақда кейинроқ ҳикоя қила-миз.

Муаййид ал-Мулк оддий ҳалқ орасидан етишиб чиқкан, Султон ғамхўрлиги ва тақдир инояти билан малик даражасига эришган инсон эди. Бунга эришиш осон эмасди. Унинг ҳаёти бундай кечганди: у Завзон ҳукмдори Нусратиддин Мұҳаммад ибн Лозни эмизган аёning ўғли эди¹. Нусратиддин уни ўзининг Султон саройидаги алоҳида ишлар бўйича элчиси қилиб тайинлади. Муаййид ал-Мулк унга алоҳида ташриф ишлари бўйича маслаҳатлар беради. Бирок унинг (Муаййид ал-Мулкнинг) кўнглида ўзига меҳрибонлик қилган одамдан узоклашиш, унинг ўрнига ҳукмдор бўлиш нияти туғилади. У Султонга ўз ҳукмдори бошқа диндагилар ҳамкорлик қилиши, ботинийлар билан яширин алоқаси борлиги ҳақида маълумот етказади. Кейин унинг (Нусратиддиннинг) ҳузурига келиб “Султон сени ботиний деб гумон қилмоқда, унинг бу шубҳасининг якуни сен учун яхшилик келтирмайди, деб ўйлайман”, дейди. Шунда уни кўркув босди. Шу тариқа у исмоилийлар томонга ўтди ва уларнинг Завзонга чегарадош бўлган қалъаларидан бирида яшай бошлади.

Қавомиддин шу заҳотиёқ бу ҳақда Султонга нома юборди. У эса унга Завзон вазирлигини топширди ва вилоятнинг бойликларини ўз хазинасига олиб келишни буюрди. У худди Султон айтгандек қилди. Кейин у бу иш билан ҳам қаноатланмади. Нусратиддиндан хавфсиради. Шу сабабли унга мактуб ёзиб, Султон билан муносабатлар яхши йўлга қўйилди деб алдади. У бу ёлғонга ишонди ва Завзонга қайтиб келди. Қавомиддин уни ўзига қарам қилиб олди ва кўзига мил тортирди. У келгусида қасос ўчи ўзига қайтишини ўйламасди. Шу тариқа яхшиликка ёмонлик билан жавоб қайтарди.

У Завзон ҳукмронлигига мустаҳкам ўнашиб олгандан кейин Кирмон ҳукмдорини, Малик Динор авлодла-

ридан бирини таҳтдан тушириб, мулкини ўзига қарам қилиб олишни ўйлай бошлади³. Шу мақсадда у Султонга нома ёзиб, Кирмонни босиб олишга ундали. Агар у Хуро-соннинг Завзонга яқин бўлган жойларидан қўшинларидан бирини ёрдам учун берса, бу ишни ўзи амалга оширишини билдириди. У (Султон) унга Иzzиддин Жилдоқ бошчилигидаги қўшинларни ёрдамта юборди. Қавомиддин қисқа вақт ичида Кирмонни босиб олди ва Султонга катта миқдорда бойликлар, одамлар, отлар, қушлардан иборат совға юборди. Султон унинг хатти-ҳаракатларини маъқуллайди, камтарона фаолияти доирасидан давлатнинг хукмронлик чўққисига олиб чиқди, унга номаларида малик деб мурожаат қилди ва Муаййид ал-Мулк лақабини берди. У уни Кирмоннинг ноиби этиб тайинлади ҳамда бу мулкни иқто қилиб берди. Муаййид ал-Мулк бу ерда қонун асосида адолат билан иш юритди. Оқибатда Кирмон аҳолиси икки баравар кўпайди. Унинг шахсий мулкида ҳам турфа турдаги моллари сони ошди. Кирмондан йифиладиган хирожлар бу бойликлар олдида арзимас бўлиб қолди.

Султон Ироқдан қайтаётиб түяларини йўқотиб қўйганда у (Муаййид ал-Мулк) унинг учун Нишопурга “ан-нажот ат-Туркийат” наслидан бўлган тўрт минг тяни етказиб берди. Унинг ўлимидан кейин Султон хазинасига бошқа бойликларидан ташқари, етмиш қоп олтин юборишиди. Қондаги олтиналарни Султонга у тоторлардан қочиб кетаётиб Жайхун бўйида турган пайтида етказишиди. Олтин тўла қоплар оғзи очиқ ҳолда Султон хазинасидан олиб келинаётган бошқа қимматбаҳо буюмлар билан биргаликда Жайхунга ташланди.

Султон Ироқдан қайтаётиб Нишопурда анча пайт тўхтаб нафас ростлади ва Низомулмулк Носириддин Мұҳаммад ибн Солиҳни вазирликдан четлаштириди. Бунинг сабаби кўп эди. У Низомулмулкни турли сабаблар билан кўп марта ёмон ишлари хусусида огоҳлантирганди. Порага ўчилиги учун жазолашни ният қилиб қўйганди. Шунингдек, унинг фаолиятида турғунлик юзага келган, ахволни яхшилаш учун бирор ҳаракат қилмаётган эди. Қисқаси, бу одамда вазирлик мансаби учун ибрат қилиб кўрсатадиган бирор ижобий хислат йўқ эди, аксинча,

такаббурлик, исрофгарчилек авжига чиққанди. Султон уни вазирликка юксак лаёқати учун эмас, балки у она-сининг гуломи, аниқроғи, гуломининг ўғли бўлгани учун олганди.

Ўша пайтда Султон собиқ вазири Низомулмулк Мұхаммад ибн Низомулмулк Баҳовуддин Масъуд ал-Харавийни мансабидан четлаштирганда бу лавозимга кимни қўйиш тўғрисида онасидан маслаҳат сўраганди. У эса унга юқорида номини тилга олганимиз гуломини вазир қилиб тайинлашни маслаҳат берганди. Султон онаси катта ва кичик, аҳамиятли ва аҳамиятсиз бўлсин, бирор иш юзасидан буйруқ берганда икки сабабга кўра ҳеч қачон қаршилик қиласди. Биринчи сабаби: ота-онасига бўлган муҳаббати туфайли эди, онаси ундан кўп ишларда ёрдамини аямаганди. Иккинчи сабаби: давлат тепасидаги кўплаб амирлар онаси уруғидан эди, Султон улар билан бирга хитойиларга қарши курашиб, улар мамлакатини тортиб олганди. Ана шулар учун ҳам у юқоридаги номини эслатганимиз, яъни онаси тавсия этган одамни қанчалик хушламасин, ёмон кўрмасин — дардини ичига ютиб вазирлик лавозимига қўйган эди. Орадан кўп ўтмай Султён у ҳақда эшитгиси келмаган маълумотларга ҳам кулоқ тутишга мажбур бўлди. Бунинг устига Хоразмшоҳнинг ўз яқинлари ҳам у тўғрисида таъна ва танбеҳларни оғзаки равишда билдира бошлади. Бундай аҳвол у (Султон) Ироқдан қайтаётib то Нишопурга келиб тўхтагунча давом этди.

Бу пайтда Нишопур қозиси Рукниддин ал-Мугисий, қўшин қозиси эса Садриддин ал-Жандий эди⁴. Садриддиннинг Султон билан яқинлиги аждодлари хизматлари туфайли эди. Улар султон Такиш Жандда пайтида хизматида бўлгандилар. Чунки султон Такиш ўша вақтда отаси Эл-Арслон томонидан икто этиб берилган мулки Жандда ҳукмдорлик қиласган⁵. У (Садриддин), юқорида кўрсатилган имкониятлардан ташқари, яхши нотиқ, ташқи кўринишдан ёқимтой, олижаноб одам эди. Султон унинг олижаноблигини аждодлари хизматларини назарда тутиб унвонини оширди, Нишопур ва унинг атрофидаги мулларнинг қозиси қилиб тайинлади. Султон уни ўз тенглари ичida улуғлади ва эътиборни қаратди. У уни фахрий

кйим-бош, бошдан-оёқ ясантирилган от билан тақдирлади. Шунингдек, унинг уруғидан бўлган йигирмадан ортиқ одамга, ноибларига, вакиллариға ҳам мукофотлар берди. Шу билан бирга ҳожибларидан бири орқали унинг Низомулмulkка совға бермаслигини, хизмат юзасидан ҳам учрамаслигини тайинлаб бундай деди: “Сенинг хизмат қилиш қобилиятиң борлигини мен англадим, сени юксак лавозимга тайинлаган ҳам мен бўламан. Шу сабабли ҳеч ким сендан хизмати эвазига тақдирлов сўрашга ҳақи йўқ. Бу ерда сен тақдирлов беришинг керак бўлган хизмат ҳам бўлгани йўқ!”

Лекин кимdir Низомулмulk номидан яширинча келиб уни (Садриддинни) бундай эҳтиётсизликнинг охир ёмон бўлишидан огоҳлантиради. Унга бундай дейди: “Шуни яхши билки, ҳар доим Султон ҳимоясида бўлавермайсан, девонга нисбатан эса хурматсизлик қилма”. Шунда қози бу гапдан хавотирланди ва Низомулмulkка тўрт минор солиниб оғзи мухрланган халтачани элтиб беради. Низомулмulk ёнига қўйилган айғоқчилардан бири қози қилган ишлар хусусида Султонга маълумот беради. У қози яширин равишда унга (Низомулмulkка) берган нарсани ўзига келтиришни сўрайди. Мухрланган халтача Султонга олиб келиб берилади. Қози мажлисда қатнашаётганда Султон ундан Низомулмulkка нима олиб бориб берганлиги ҳақида сўрайди. У вазирга минор ҳам, дирҳам ҳам бермаганлигини, бу ҳақдаги гаплар фирт ёлғонлигини айтиб, боши эвазига Султонга қасам ичади. Шунда Султон ўша халтачани олиб келишни буюради. Халтачани олиб келиб қози олдига қўйишади. Унинг эса бу аҳволдан чиқиши учун бўйин эгиш, кўзи билан ер чизишдан бошқа иложи қолмайди. Кейин Султон янги қозига берилган фахрий кийим-бошларни тортиб олиб аввалги қозига беришларини буюради. Кийим-бошлар аввалги қозига берилади ва у ўз лавозимиға тикланади. Садриддиннинг қозилик лавозимига қўйилиши ва озод қилиниши ўртасида бир ёки икки кун ўтади. Султон Жаҳон Паҳлавонга Низомулмulk чодири унинг устига йиқилиб тушиши учун ипларини кесиб ташлашни буюради. Буйруқ бажарилади. У вазирига шундай деди: “Ўз устозингнинг эшигига йўқол!” Яъни уни Султон онаси

хузурига жўнатади. У (Низомулмулк) кўркув ва ваҳима аралаш шу заҳотиёқ йўлга тушади. Султоннинг ғазаби боис Хоразмга соғ-омон етиб боролмайман, деб ўйладиди.

¹Бу ҳақда 9-бобда айтилган.

²Вазирлик мансаби вилоят ёки шаҳарларда ноиблиқдан кеинин иккинчи ўринда турган. Бу раҳбарлик лавозими фақат Хоразмшоҳлар давлатидагина мавжуд бўлган. Бу мансабга ўша давр қоидасига мувофиқ туркийлар кўйилмаган. Бу вазирлар Хоразмшоҳга ёки унинг вазирига бўйсунганди. Ушбу лавозим салжуқийлар саройидаги вакил мансабига тўғри келган. Ушбу асар муаллифи ўша пайтда Наса вазири бўлган.

³Малик Динор — ўғузлар йўлбошчиси, улар салжуқийлар сулоласининг Кирмондаги (1041—1186 йиллар) фаолиятига барҳам берган. Динор Кирмонга 1186—1195 йилларда ҳукмронлик қилган. Юқоридаги воқеалар Кирмонни Динорнинг ўғли Ажамшоҳ бошқараётган пайтда рўй берган бўлиши мумкин. Баъзи манбаларда эса Кирмонни ўша вақтда, яъни 1211 йилда Форс отабеги Саъд ибн Зангининг жияни малик Имодиддин Муҳаммад ибн Такл бошқарган дейишиди. Имодиддинни Хоразмшоҳ Муҳаммад ўз хузурига чақиради ва меҳрибончилик кўрсатади. Унга Кирмонни қайтариб бериш ваъда қилинади, аммо йўлда қайтаётганда Шибонқора ҳукмдори Кутбиддин ибн Муборизиддин томонидан ўлдирилади. Шибонқора вилояти Форс давлатининг бир қисми ҳисобланади.

⁴Рукниддин Али ибн Ибрөҳим ал-Мужгис — Нишопурнинг бош қозиси. 1221 йилда Чингизхоннинг ўғли Тулихон Нишопурни камал қилганда шаҳар аҳолиси хун тўлаш шарти билан уни вайрон қилмасликка кўндириш мақсадида Рукниддин бошчилигига элчилар юборади. Лекин Тулихон уларни қабул қилмайди. Рукниддинни эса ўлдириради.

Хоразмшоҳлар қўшинида ҳам салжуқийлардаги сингари қўшин қозиси бўлган. Улар қўшин ичидаги диний-хукуқий зиддиятларга барҳам берганлар.

⁵Жанд — Сирдарёнинг ўнг қирғогида жойлашган ўрта аср шахри бўлган. Эндиликда вайроналари қолган.

Абул Фатҳ Эл-Арслон — 1156—1172 йилларда ҳукмронлик қилган Хоразмшоҳ, Жалолиддиннинг бобосининг отаси бўлган. У Жандда ҳам ҳукмронлик қилган.

13-БОБ

НИЗОМУЛМОЛКНИНГ ВАЗИРЛИҚДАН ЧЕТЛАШТИРИЛГАНИДАН КЕЙИНГИ АҲВОЛИ БАЁНИ

У Нишопурдан Хоразмга йўл олди, йўлни одатдагидан икки-уч карра тезроқ босиб ўта бошлиди. Чунки у соғ-омон қайтиш баҳтига эришганидан курсанд эди. У Марж Шойиққа, Хурандиз қальаси яқинидаги машҳур яйловлардан бирига етиб келди¹. Бу ерда мен туғилганиман, у аждодларимизнинг юрти ҳисобланади. Шу учун отам ўрнига мен, одатдагига кўра, совға-саломлар, озиқ-овқатлар билан унинг хизматига ҳозир бўлдим. Уларни Журмани деган ўтиш жойига, мулкимизга тегишли бўлган масканга бошлаб бордим. Бу ерда Ҳабур дарёси ирмоги сингари суви бўлган булоқ бор эди². Булоқ бўйига учта чодир тиклатдим, улардан бири атласдан эди. Ўша куни унинг хизматкорлари билан биргаликда уч марта навбани ижро қилдим. У гарчи вазирликдан четлаштирилган бўлса-да, қаерга бормасин, атрофини етим-есирлар ўраб олар, арзилар адолатсизликдан шикоят қилиб, ҳақиқатни қарор топтиришга ёрдам беришини сўради. Унинг хизматдан четлаштирилганини айтишга ҳеч ким ботинолмасди. Ўша куни кечкурун у чодири олдига вазирлик тахтини кўйиб ўтириб олди. У Султон ҳузуридан чиққанидан кейин, унинг одамларидан ким таъқиб қилиб келаётганини билиш учун йўлларга отлиқ хабарчиларидан кўйиб келаётган эди. Шу пайт отлиқ хабарчилардан бири келиб ҳожиб Эрбоз ибн Саъдаддин Саҳм ал-Ҳашам яқинлаштганини маълум қилди³. Бундан унинг рангининг қони қочиб, кўнглига ғулфула тушди. Келаётган меҳмондўстлик элчисимикан ёки баҳтсизлик хабарчисимикан дея ўйга ботди. Бу аҳвол келаётган одам унинг ҳузурига яқинлашиб, бўйин эгиб салом бергунча давом этди. Шундан сўнг собиқ вазирнинг кўнгли ором топди, ҳожибининг келишига нисбатан шубҳали муносабат йўқолди. Ва ундан келишининг сабабини сўради. У “Султон вазирлик девонининг дафтарларини, ёзувларини, архив ҳужжатларини, котибларни, молиявий назоратчиларни талаб қилаётганини” билдириди. У бундан курсанд бўлди, унга девон-

нинг барча ҳужжатларини топшириди ва котибларни, моявий назоратчиларни улар билан бирга орқага қайтарди. Ўзи эса ўлим чангалидан қутулган ва қутулмаганига ишониб-ишонмай Хоразм томон гёё қанот боғлаб учди.

Унинг Хоразмга келиши тантанали кечди. Чунки Туркон хотун уни кутиб олиш учун шаҳар ахолисининг каттаю кичик, амалдору фақир — ҳаммасини жалб қилган эди.

Бу воқеанинг гувоҳи бўлганлардан бири у ҳақда шундай ҳикоя қилиб берди: “Хоразмда ханафийлар тарафдорларининг етакчиси (раиси) Бурхониддин анжуманга кечикиб келувчиларнинг охиргиси бўлиб қолди. У кексалиги ва кучсизлиги сабабли кечикканини айтиб узр сўради. Шунда вазир (Низомулмулк) бундай деди:

“Ҳа, бу кечикиш баданинг кучсизлиги учун эмас, мақсаднинг кучсизлиги сабаблидир”. Кейин, бир неча кундан сўнг вазир бу кечикиш учун қасос олди. У унинг (Бурхониддиннинг) ҳузурига туркийни йўллаб, ундан юз минг динор ундириб келишни буюрди”.

Каримиддин ат-Тойфурӣ Хоразм вилоятларидан бирида Султон амили эди. Амил — волий дегани, Хоразмда у шундай номланган⁴. Носириддин уни ҳузурига чақириб, катта миқдорда пул тўлашга мажбур қиласди. Каримиддин унинг кўлидан қутулиб Мовароуннаҳрга Султон хизматига боради ва Носириддиннинг аҳмоқона феъл-авторидан шикоят қиласди. Султон Хоразмга Иzzиддин Тўғрул бошчилигига қўшин юбориб, Носириддиннинг бошини олиб келишни буюради. У Хоразмга яқинлашганда Туркон хотун Султоннинг нияти ва қароридан тўла хабар топган эди. Унинг бу ишни амалга ошириш учун келаётганини билиб, уни ҳузурига олиб келишни буюрди. У (Туркон хотун) унга (Иzzиддинга) Носириддин вазирлик курсисида ўтирган пайтда девонхонада бўлишини тайинлади. (Бундан олдин у Носириддинга Хоразм ҳукмдори, Султон тахтининг валиаҳди Кутбиддин Ўзлоғшоҳнинг вазири лавозимини толширган эди). Айтилган пайтда Иzzиддин девонхонада бўлади. Шунда унга бу ерга йиғилганлар гувоҳлигига Султоннинг Носириддинга саломини етказишини ва унинг номидан “Менинг сендан бўлак вазирим йўқ. Сен ўз девонингнинг бошчиси бўлиб қол.

Менинг мулкимда ҳеч ким сенинг ёрлиқларингга қарши чиқолмайди ва хукмронлигинги рад этолмайди”, деган сўзларни айтишни тайинлайди. Номини айтганимиз (Иззиддин) бошқа имкони бўлмаганикдан худди шундай қиласди. Бу билан у Султон буйруғига ҳам қарши боради.

Носириддин буйруқлари Хоразм, Хурросон, Мозандоронда инобатта олинадиган, топшириқлари шу теградагина бажариладиган бўлди, бошқа жойларда эса унга эътибор берилмасди. У вазир қилиб тайинланган пайтда Султон унинг атрофига тўртта найзадор тайинлаган эди. Одатда улуғ вазирларга шундай эҳтиром кўрсатиларди, найзадорларнинг найзалари солига эса тилло қоплама қопланарди. Хоразмда вазирлар атрофига саккиз найзадор қўйиладиган бўлди. Бу уларнинг мансабини улуғлашга қаратилган эди. Булар ҳақидаги маълумотлар Мовароуннахрда турган Султонга ҳам етиб борар, бу унинг фазабини кучайтиради.

Хоразмшоҳларга салжуқийлардан мерос бўлиб ўтган анъанавий бир одат бор эди. Султон номидан ёзилган ҳар бир фармонда санадан олдин кўпроқ куйидаги сўзлар бўларди: “Улуғворлик билан битилди, Оллоҳ унинг мартабасин улуғ қиссин, буюрадилар! Олий фармон, олижаноб, юксак мартабали, дунёвий, олам устуни, ҳаққоний, қўллаб-куватловчи, голибона, дини ислом учун курашувчи, даражали, доимий, қонуний, мустаҳкам, одатий, улуғвор, хокисор қулингиз, таянч бўлиб хизмат қилувчи, юксак қадр-қиммат ва даражалар эгаси, адолат ва баҳт қутби, араб ва ажамларнинг таянч устунлари, Шарқ ва Фарб вазирлари мулклари, Эрон ва Турон мисоли, Инонж Кутлуғ Улуғ Малик, олам эгаси Хожа Жаҳон, мана унинг хабари”. Носириддин номини ҳам то у Нишопурда қувилганга қадар фармонларда мана шундай сўзлар билан қаламга олишган. У Хоразмда вазир қилиб тайинланганидан кейин ҳам юқоридаги сўзлар ишлатиладиган бўлди. Фақат битта сўзни ўзгартирди — “Хожа Жаҳон” ўрнига “Хожа Бузург” ёзилди.

Шундай қилиб, машхур мамлакатларни ўзига бўйсундирган, Хусровлар сулоласининг шоҳларини қарам этган, дунёнинг кўплаб давлатларини босиб олган Султон шунчалик буюк кудратга эга бўлишига қарамасдан қўл

остидаги бир хизматкорга қарши нафратини намоён қилиш, куч ишлатиш имконидан бебахра эди. Айтишадики, бу дунёда барча ичимликлар фақат ёввойи ўтлардан тайёрланмайди, табиат эҳсонлари ҳам осонгина кўлга киритилмайди.

Уни мансабидан четлаштиргандан кейин Султон вазирлик ишларини бажаришни олтита вакилдорга топширишга қарор қилди¹. Улар зиммасига ўзаро келишувсиз қарор чиқармаслик мажбуриятини юклиди. Вакилдорлар Низомиддин (котиб ал-иншо), Мужирулмулк Тожиддин Абул Қосим, амир Диёваддин ал-Биёбангий, Шамсиддин ал-Қалободий, Тожиддин ибн Карим аш-Шарқ ан-Нишопурний, аш-Шариф Маждиддин Муҳаммад ан-Насавийдан иборат қилиб белгиланди². Бунинг оқибатида одамларнинг ташвиши кўпайди. Улар кўп камчиликлардан қатъи назар, Носириддинни эслайдиган бўлиб қолдилар. Чунки олтита одамнинг кўнглини олишдан кўра бир одамнинг дилига йўл топиш осон эди. Бу ҳол Аловуддин давлати таназзулга учрагунга қадар давом этди.

¹ Марж Шойик форсларнинг “Пинтаи Шойакан”ига тўғри келади. Хурандиз — шу асар муаллифининг туғилган маскани.

² Хабур — икки дарё номи. Катта Хабур Эвфратнинг irmоги, Қичик Хабур — Тигр дарёсининг irmоги.

³ М. Минувий унинг номини “Ҳожиб Саъдаддин Саҳм ал-Ҳашамийнинг ўели” деб нотўри ўқииди.

⁴ Агар ан-Насавий сўзларига ишонадиган бўлсак, Хоразмшоҳлар давлатидаги мансаблар салжуқийларницидан кескин фарқ қиласди. Амил — солиқ йигувчи маъносини билдирган, Волий эса Султоннинг вилоятдаги ҳукмдори. Ҳукмдор билан солиқ йигувчи ўртасида катта фарқ бор.

⁵ Хоразмшоҳлар саройида, худди салжуқийлар сингари умумий масалалар билан сарой вакили шуғулланган. Аммо Хоразмшоҳ вазир Носириддин ўрнига тайинлаган вакиллар билан юқоридаги лавозим бир эмас, улар бошқа-бошқа.

⁶ Биёбанг — Семондан жанубий-ғарб томонда жойлашган қишлоқ.

Қалобод — шу номда иккита туман бўлган. Бири Бухоро яқинида, иккинчиси Нишопурда.

**СУЛТОННИНГ МОВАРОУННАҲРГА ҚАЙТИБ КЕЛГАНИДАН
КЕЙИН РҮЙ БЕРГАН ВОҶЕАЛАР БАЁНИ**

Султон Ироқдан қайтиб келганидан кейин Мовароуннаҳрда анча пайтгача нафас ростлади. Бу ерда уни Чингизхон элчилари кутиб олди¹. Элчилар Маҳмуд ал-Хоразмий, Али Ҳожи ал-Бухорий, Юсуф Канка ал-Ўтрорийдан иборат эди. Улар ўзлари билан туркийлар учун одатий бўлган совғаларни олиб келгандилар. Совғалар орасида Хитой тоғларидан қазиб олинган тия ўркачидек келадиган олтин бўлаги, қимматбаҳо металлар бўлаги, денгиз ҳайвонларининг қозиқ тишлари (нусуб ал-хутувв), қопларда мушклар, нефрит тошлари, кийимлар, оқ тия жунидан тайёрланадиган тарху деб номланган кийим бор эди². Бундай кийим эллик ёки ундан кўпроқ динорга сотиларди.

Уларнинг келишидан мақсад ўртада тинчлик, дўстлик, яхши қўшничилик муносабатларини ўрнатишини сўрашдан иборат эди. Элчилар бундай дедилар: “Улуф хон сенга салом йўллаб, шундай дейишимизни буюрди. “Сен қилаёттан улуф ишлар менга аён, давлатингда нималарга эришганингни ҳам яхши биламан. Мен сенинг мулкинг ниҳоятда катта эканлигидан, буйруғингта оламдаги кўплаб мамлакатлар итоат этишидан хабардорман. Сен билан тинчлик, осойишталикда яшашни ўзим учун мажбурият деб биламан. Сен менга энг азиз ўғилларимдан бири кабисан. Менинг Хитойни, қўшни туркий мамлакатларни босиб олганим, эндиликда улар қабилалари бизларга қарам эканлиги сен учун ҳам сир бўлмаса керак. Бошқалардан ҳам кўра сенга яхшироқ аёнки, менинг ватаним — беҳисоб қўшинлар ва кумуш конлар юрти. Бойлик шударажада кўпки, уни яна бошқа жойлардан излаш ортиқчадир. Агар савдогарларнинг иккала томонга бориб келишлари учун йўл очишни маъқул деб топсанг, бу барчамизнинг умумфойдамизга хизмат қилган бўларди”³.

Султон нома билан танишиб бўлгач, Маҳмуд ал-Хоразмийни бошқа элчиларсиз ёлғиз ўзини ҳузурига олиб келишини буюрди. У унга: “Сен хоразмликсан, кўнглинг-

да бизга нисбатан дўстона туйғу ва муносабат бўлмаслиги мумкин эмас”, деди. Султон нима ҳақда сўраса, сўраганларига у тўғри жавоб берса, мукофот беришга ваъда қилди. Берилган ваъдага ишонч белгиси нуқтаи назаридан қимматбаҳо тошлар қадалган билагузук берди. Султон унга ўзининг Чингизхон олдидаги айғоқчиси бўлиш шартини кўйди. У ўз истагига кўрами ёки кўркувданми, нима талаб қилсалар кўнди. Кейин Султон сўради: “Чинтизхоннинг Хитой мамлакатини ва Тамғаж шаҳрини босиб олгани ростми, ёлғонми? Унинг бу ҳақдаги гали чинми ёки алдаяптими?” У жавоб берди: “Ҳа, у рост гапни айтган. Амалга оширилган бундай катта иш сир бўлиб қолиши мумкин эмас. Бундан Султоннинг ўзи ҳам яқин орада хабардор бўлиши мумкин”. Султон айтди: “Сен менинг мулким ва унинг теграси қанча катталигини, кўшиним беҳисоб эканлигини биласан. Бу лаънати кимки, менга худди ўғлимдайсан деб мурожаат қиласди? Унинг кўшинларининг сони қанча?”

Султон кўзларида ғазаб оловланганини, оддий суҳбат баҳсга айланса бошлаганини англаган Маҳмуд ал-Хоразмий ҳақиқатни айтишдан чўчиб қолди. У Султонни тинчлантиришга, шу тариқа ўзини ўлим гирдобидан асраб қолиш тараддудига тушди. У бундай деди: “Унинг кўшинини бу халқларга нисбатан қўшин демаса ҳам бўлади, гўё отлиқ лашкарлар қошидаги чавандоздай гап. Ёхуд тун қоронгулигидаги тутунга ўхшайди”. Шунда Султон Чингизхоннинг тинчлик, осойишталикда яшаш тўғрисидаги таклифига рози бўлди.

Бундан Чингизхон ҳам хурсанд бўлди. Ўртадаги дўстона алоқалар унинг мамлакатидан Ўтрорга Умар Ҳўжа ал-Ўтрорий, Ал-Жамол ал-Марофий, Фахриддин ал-Жиззахий ал-Бухорий, Аминиддин ал-Харавий каби савдогарлар келгунга қадар давом этди.⁴

Бу ерда Султоннинг тоғасининг ўғли Имолхон йигирма минг отлиқ лашкарлари билан туради⁵. У Ўтрорни султон ноиби сифатида бошқарарди. Унинг нафс босган дилида бу савдогарларнинг мулкига эга бўлишдек очкўзлик пайдо бўлди. Шу мақсадда у Султонга “Ўтрорга савдогар кийимида келган бу одамлар асло савдогарлар эмас, аслида айғоқчилар. Улар атрофига одам йиғиш учун ке-

лишган. Оддий халқ орасидан ўзларига ишончли шериклар топишгач, уларга: “Сизлар атрофингизда нималар рўй берадиганини биласизларми? Ҳамма нарсадан бехабарсизлар. Яқинда сизлар аввал ҳеч ким кўрмаган воқеалардан огоҳ бўласизлар”, дейдилар”, деган мазмунда улар хусусида бўхтондан иборат мактуб ёзди. Шунда Султон унга эҳтиёткорлик юзасидан баъзи тадбирларни амалга оширишга руҳсат беради ва ўз қарорини кутишни буюради. У Имолхонга баъзи тадбирларни амалга ошириш борасида руҳсат бериш билан унинг жиловини елкасига ташлаган эди. Имолхон ўзига берилган имкониятдан ҳам ошириб иш қилди, уларни қўлга олди. Шундан кейин улардан бирор дарак бўлмади. Имолхон эса Султонга хиёнат қилган ҳолда уларнинг (савдогарларнинг) молларини ўз билганича тақсим қилди. “Ва бу ишларининг оқибати зиён тортиш — ҳалокат бўлди”⁶.

¹ Хоразмшоҳ Муҳаммад 1215 йилда Чингизхон томонидан қора хитойларнинг тор-мор қилинганини, Пекиннинг босиб олингани ва унинг империясининг кучайгани ҳақидаги хабарни эшитгач, бу тўғрида аниқ маълумот олиш учун саййид Баховуддин ар-Розий бошчилигига элчиларни жўнатади. Элчилар Чингизхон томонидан Пекинда қабул қилинади ва уларга Шарқ билан Farb ўртасида савдо карвонларининг қатновини йўлга кўйиш тўғрисида таклифлар айтилади. Карвонларни кўчманчи қабилалар ҳужумидан ҳимоя қилиш учун Чингизхон қўриқчилар қўшинларини ташкил этишга буйруқ беради. 1218 Йилнинг баҳорида Бухородан Чингизхон қароргоҳига савдогарлар амир Ҳусайннинг ўғли Аҳмад Ҳўжандий ва Аҳмад Балҷих бошчилигига савдо карвони келади. Рашидиддиннинг айтишича, мўгуллар кўпроқ “ҳар хил тайёр кийимларга, тўшаладиган нарсаларга харидор бўлган ва улар савдосидан жуда катта фойда кўрилгани одамлар ўртасида кенг тарқалган”.

Ан-Насавийнинг ёзишича, 1219 йилда Чингизхон ҳам Баховуддин ар-Розий элчилигига жавобан ўз элчиларини учта савдогарнинг карвони билан бирга жўнатади.

² Tarxу — енгил ипак кийим.

³ Рашидиддин Чингизхоннинг Хоразмшоҳ Муҳаммадга йўллаган мактуби мазмунини бошқачароқ тарзда келтиради.

⁴ Маҳмуд ал-Хоразмий, Али Ҳожи ал-Бухорий, Юсуф Канка ал-Ўтрорий бошчилигидаги элчилар қайтиб келганларидан

Кейин Чингизхон Хоразмга юқорида номлари саналган түртта савдогар бошчилигидага катта савдо карвонини ҳозирлайды.

Баъзи маълумотларга қараганда, карвонда 450 одам бўлган, уларнинг ҳаммасини мусулмонлар ташкил этган. Абул Фараждинг маълумотига кўра, карвонда 400 савдогар бўлган. Шу билан бирга Хоразмшоҳ ҳузурига йўлланган элчи унга Чингизхон номидан бундай мазмунда нома топширган: “Биз эндиликда ҳаминдаги барча мамлакатлар ўргасида осойишталик бўлишини талаб қиласиз. Савдогарлар кўркув билмасдан барча ўлкашарга бора олсинлар. Бойлар ва факирлар Яратганга шукронандар айтиб ҳамкорликда яшасинлар”.

Бошқа маълумотларда эса карвонда Чингизхон элчиси Ухун бошчилигидага 100 одам бўлган. Жузжоний, карвонда олтин, сумуш, ипак ва бошқа маҳсулотлар ортилган 500 тута бор эди, деб ёзади. Бу карвон ҳақида Ибн ал-Асир, Ибн Ходдун ва бошталар ҳам турли маълумотлар берадилар.

‘ Рашидиддиннинг ёзишича, Хоразмшоҳ Муҳаммаднинг Ўтрордаги ноиби тогаси Имолхон (Имолчук) бўлган. Абулғози уни Имолхон (Имолжик), асли исми Фойирхон, Туркон хотуннинг амаки-вачаси деб атайди. Жувайнний ёзишича, у Имолчуқ (Фойирхон), Туркон хотун қариндоши. Жузжоний уни Қайрхон деб атайди.

‘ Савдогарларнинг ўлдирилиши 1218 йилнинг охирига тўғри келади. Ал-Насавийнинг ёзишича, Хоразмшоҳ Муҳаммад савдогарларни ўлдириш тўғрисида буйруқ бермаган бўлса ҳам Фойирхоннинг тарафини олган. Ибн ал-Асир айтишича, айнан Хоразмшоҳ Ўтрордаги ноибига савдогарларни ўлдириш тўғрисида буйруқ берган ва уларнинг молларини соттирган. Йигилган маблагни үзиники қилиб олган. Ибн ал-Асир бу маълумотларни мўғуллар кўлига асир тушиб, кейин улар кўлидан Самарқандда кутулган факиҳ аш -Шиҳобиддин ал-Хивақийдан олганини айтади. Карвондан факат битта одам (Жузжоний уни тұякаш дейди, Рашидиддин эса савдогар дейди) қутулиб қолган ва савдогарлар бошига тушган фожиалардан Чингизхонни огоҳ этган.

15-БОБ

САВДОГАРЛАР ЎЛДИРИЛГАНИДАН КЕЙИН ЧИНГИЗХОН ЭЛЧИЛАРИНИНГ СУЛТОН ҲУЗУРИГА КЕЛИШИ БАЁНИ

Бу воқеалардан кейин Султон ҳузурига Ибн Кафраж Бўғра (унинг отаси Султон Такишининг амирларидан бири бўлганди) икки тотор ҳамкорлигидага Чингизхон номидан элчи бўлиб келди ва унга қўйидаги сўзлар битилган номани топширади: “Сен савдогарларнинг хавфсизлигини

таъминлаш, улардан ҳеч қайсисига ҳужум қилмаслик тўғрисида мухринг босилган ҳужожатни юборган эдинг. Лекин сен аҳдингта вафосизлик қилдинг, берган сўзингни буздинг. Ўз сўзида турмаслик ёмон, айниқса, мўминлар султонининг хиёнаткорлиги янада оғир. Агар сен бу иш менинг буйруғимсиз, Имолхон томонидан амалга оширилган деб ҳисоблайдиган бўлсанг, у ҳолда Имолхонни менга бер, уни жинояткорона иши учун жазолайлик, шу тариқа оломонни тинчтиб, қон тўкилишининг олдини олайлик. Акс ҳолда — уруш. Бу туфайли қанча азиз жонлар хору хасга айланади, найзаларнинг сопи мајақланади”.

Султон қўрқув туфайли ақлини йўқотиб кўйгани ва қалбини ваҳима қамраб олгани натижасида Имолхонни унга беришдан бош тортди. У уни Чингизхон қўлига бериб юбора олмасди ҳам, чунки унинг қўшинидаги аксарият амирлар, сарбозлар Имолхонга қариндош ёки бир уруғдан эдилар. Улар мамлакатининг таянчлари, юртнинг қалқонларига айлангандилар. У агар ўз жавоби билан Чингизхонга маълум имкониятлар олиб берадиган бўлса, бу билан атрофидагиларнинг қаҳр-газаби кучайшини биларди. Шу сабабли у ўз сўзида мустаҳкам турди. Имолхонни бермаслигини маълум қилди. Айни пайтда, унинг кўнглини ваҳима босди. У бу элчиларни ўлдиришни буюрди, уларни ҳам қатл этишди¹. Аммо бу қотилликлар учун қанча мусулмонларнинг қони тўкилди. Бу қонлар оқимидан қанча буюмлар тўлди, унинг бағридан отилиб чиққан ўч, аламлар қанча юртларга ёйилди, қасос алами қанча одамларнинг ёстигини куритди.

¹ Ушбу маълумотдан ҳам кўриниб турибдики, Чингизхон бу гал ҳам дарров икки мамлакат ўртасидаги муносабатларни чигаллаштириш йўлидан бормаган, фақат Имолхонни талаб қилиб, уни жазолашни ният қилган. Бироқ Хоразмшоҳ амирларнинг таъсири натижасида элчиларни қатл қилширади. Ибн ал-Асирнинг маълумотига кўра бир элчи ўлдирилган, қолганларининг соқоллари қириб олинниб, кўйиб юборилган.

1218 йилда Чингизхон билан биргаликда Хоразмга келган Елюй Чу-цай “Фарбга сайёҳат тафсилоти” китобида Чингиз-

хоннинг Хоразмшоҳлар давлатига қарши юришига сабаб Ҳуатла (Ўтрор) ноибининг мӯғул сарбозлари ва савдогарларидан юздан ортигини ўлдирганлиги, деб ёзди.

16-БОБ

ЧИНГИЗХОН ҚЎШИНЛАРИ ҲУЖУМИНИ БИЛГАНДАН КЕЙИН СУЛТОН УЛАРГА ҚАРШИ ҚАНДАЙ НОТЎРИ ТАДБИРЛАР ҚЎЛЛАГАНИ БАЁНИ

Султон оғир аҳволга тушиб, зулмат сингари ташвишлар гирдобида қолганида биринчи амалга оширишга қарор килган режаси Самарқанд шаҳри атрофига девор қурдириш фикри бўлди¹. Шаҳар атрофини ўраб оладиган бу девор узунлиги ўн икки фарсаҳдан иборат бўлиши керак эди. (Бир фарсаҳ 6—7 километр). Девор ичкарисига эса ўзи билан туркийлар ўртасида бўладиган чегарада хизмат қиладиган одамларни жойлаштиришни ният қилди. Бу одамлар унинг кўл остидаги бошқа ўлкаларга борадиган йўлларни ҳам тўсиши мўлжалланганди. У мамлакатнинг ҳамма нуқталарига кўл остидагиларни, солиқ йиғувчиларни (амилларни) жўнатди ва уларга Самарқанд деворини куриш учун, олти юз ўн бешинчи йил учун солиқ тўплашни (иккинчи марта) буюрди². Солиқ қисқа муддатларда йиғилди, аммо тоторлар унинг бу мақсадини амалга оширишга имкон бермади. Бу маблағдан бирор қисми ҳам тўсиқлар барпо этиш ишига сарфланмади³.

У амалга оширмоқчи бўлган иккинчи режа ҳам маблағ йиғиш билан боғлиқ эди. Султон барча солиқчиларни мамлакатлари бўйлаб олти юз ўн бешинчи йил учун ер солиғи (учинчи марта) йиғишга юборди⁴. Бундан йиғиладиган пул одамларни хизматга олишга — ёйандозларни курол-аслаҳлари билан кўшинга жалб этишга режалаштирилган эди. Ҳар бир вилоятдан йиғиладиган лашкарлар сони ўша жойдан йиғиладиган маблағнинг оз ёки кўплигига қараб белгиланарди. Бундан ташқари, ҳар бир лашкарнинг курол-аслаҳа ва асбоб-анжомларини олиб юришга мўлжалланган туси ҳам бўлиши керак эди. Лашкарликка янги жалб этилганлар одатдагидан тез тўпланди. Улар ҳамма томонлардан унинг байроғи остига тезроқ тўпланиш учун камондан отил-

ган ўқдай кела бошлади. Бироқ улар Султон Жайхун бўйла-ридан жанг қилмасдан қочибди деган хабарни эшигтгач, келган йўлларидан ортларига қайтдилар. Агар у келаётган одамларнинг тўпланишини кутганда эди, мисли кўрилмаган даражадаги катта кўшинга эга бўларди. Аммо Оллоҳ-нинг буюргани бўлди, зеро, дунёда ундан қудратлироқ ва амри вожиброқ куч йўқдир. Давлат ҳам, тақдирларимиз ҳам унинг қўл остидадир, у хоҳласа ҳаётда ўзгаришлар ясай олади, мамлакатларни бир хукмдордан олиб иккинчиси қўлига тутқазади. Оллоҳ буюқдир.

Унинг хатоларидан яна бири, Чингизхоннинг яқинлашаётганини эшигтгач, кўшинини Мовароуннаҳр ва Туркестон шаҳарларига бўлиб юборгани бўлди. У Имолхонни йигирма минг отлик лашкарлари билан Ўтрорда қолдирди⁵. Кутлугхон ва бошқа лашкарбошиларни ўн минг отлик лашкар билан Шахрикентга, амир Ихтиёриддин Кушлу (амир-охур) ва Инонжхон лақабига эга бўлган Ўғил Ҳожибни ўттиз минг лашкар билан Бухорога, тогаси Тогайхон ва Фур амирларини қирқ минг лашкар билан Самарқандга, Айёр ан-Насавий номи билан машхур Фахридин Ҳабашни Сижистон кўшиллари билан Термизга, Балхамурхонни Вахшга, отасининг тогаси Ой Муҳаммадни Балхга, Ўтрук Паҳлавонни Жандарудга, Ўғилжиқ Маликни Хутталонга, Аловуддин ал-Буртасийни Кундузга, Аслобаҳонни Валжга юборди⁶. Мовароуннаҳрнинг бирорта шаҳарини ҳам катта кўшинсиз қолдирмади. Унинг хатоси ҳам шунда эди. Агар у тоторларга кучларини бўлиб юбормасдан аввал ҳужум қилганда эди, уларни ўраб олиб, ер юзидан сидириб ташлаган бўларди.

Чингизхон Султон давлати чегараларидан ўтганидан кейин дастлаб Ўтрорга йўл олди. Шаҳарни босиб олиш учун кечаю кундуз жанг қилди⁷. У Имолхонни ҳузурига келтиришларини буюрди. Кумушни эриттириб унинг кулоқлари ва кўзларига куйдирди. У уни ҳаммада нафрат уйғотган шармандали ва қабиҳ ишлари учун ана шундай тарзда қийнаб ўлдиртириди⁸.

¹ Мўгуллар босқини арафасида Хоразмшоҳ томонидан ўтказилган ҳарбий машваратда Султон кўшилларини бир жойга —

Сайхун бўйига тўплаб, узоқ йўл босиб чарчаб келадиган Чингизхон кўшинига дам бермасдан бирдан ҳужум қилиш тўғрисидаги фикр ҳам билдирилган. Машваратда иккинчи йўл — мўгулларни Мовароуннахрга киритиш, кейин бу ерда жойни яхши билишдан фойдаланиб уларни мағлуб қилиш фикри ҳам ўргага ташланган. Шунингдек, бошқа таклифлар ҳам билдирилган. Аммо Хоразмшоҳ бу фикрларнинг бирортасини инобатта олмай, кўшинларни шаҳарларга бўлиб юборади. Ўзи эса Самарқанд атрофига девор куришни буюриб, шаҳардан чиқади.

2. Солиқ йигувчи (амил, кўплиги амилан, уммол) — девонда молиявий раҳбарлар ичида энг кичик вазифа. Ҳар бир туман, шаҳар, аҳоли яшайдиган маскан (букъя), қишлоқнинг солиқ йигиши бўйича раҳбари бўлган.

3. Рашидиддин ёзишича, бир кун Хоразмшоҳ Самарқанд атрофидаги ҳандақ яқинидан ўтаётib деди: “Агар қўшинлардан бирортаси бизга қарши ҳужумга ўтгудек бўлса, лашкарлар бу ҳандақларни қамчиларини ташлаб тўлдиришлари мумкин”. Хоразмшоҳнинг бу сўзларидан атрофидағилар ва лашкарбошилар донг қотиб қолдилар”. Ибн ал-Асирнинг ёзишича, Хоразмшоҳ Мұхаммад “Бухоро ва Самарқанд аҳолисига душманга қарши тўсиқлар тиклашга тайёргарлик кўриши ҳақида буйруқ берган”.

4. Ҳақиқатан ҳам 616 йил (1219 йил март — 1220 йил март) учун ер солиги уч марта йиғилган. Мўгулларнинг Мовароуннахрга босқини ҳам айнан шу йилда бошланган.

5. Жувайнининг айтишича, Хоразмшоҳ Инолхонга 50 минг лашкарни “ташқи кўшин” (лашкар бируни) сифатида юборган. Бундан ташқари, ҳожиб ал-ҳасса Қорача бошчилигига 10 минг кишилик кўшин ҳам жўнатган. Лекин мўгуллар Ўтрорни қамал қилганларидан кейин Қорача кўшинининг катта қисми билан бирга Инолхонни ташлаб, Сўфихона дарвозаси орқали ёғий сафига бориб кўшилган. Мўгуллар Қорачани асир олиб эртаси куни Чингизхон ҳузурига олиб келган. У ундан шаҳарнинг мустаҳкамлиги ҳақидаги маълумотларни сўраб олгач, бундай деган: “Сен ўз хожангни сотдингми, демак, бизларга ҳам сотқинлик қилишдан тоймайсан. Шу сабабли сенинг бизга керагинг йўқ”. Шундан сўнг Қорача ёнидаги одамлари билан биргаликда қатл қилинади.

Мўгуллар бу борада нафақат душманларини, ҳатто ўз одамларини ҳам қаттиқ жазолашган. Чингизхон бир пайтлари Ўнгконнинг жиловдори Кёкёчу Санѓюомани ҳам ўз хўжасини чўлда ёрдам бермасдан қолдириб кетгани учун қатл қилдирган эди.

6. Рашидиддин айтишича, Бужи Паҳлавон Кутглуҳон кўшини билан Бинокетда қолган. Бинокет харобалари Сирдарё бўйига яқин водийда жойлашган.

Ихтиёриддин Кушлу амир-охурларнинг раҳбари бўлган. Амир-охур — саройдаги мансаблардан бири, у ҳукмдорнинг отларига қараган.

Бухорода ан-Насавий санаб ўтганлардан ташқари Хоразмшоҳнинг бошқа амирлари, масалан, Кирмонда Кутлугхонлар сулоласининг асосчиси бўлган ҳукмдорнинг акаси Ҳамид Пур, Севинчхон, Кўкхон (Абул Фараж айтишича) ҳам лашкарбoshiлик қилган. Бухородаги лашкарлар сони Ибн ал-Асир, Абул Фаражнинг ёзишича 20 минг, Жузжоний айтишича 12 минг, Рашидиддин маълумотига кўра 3 минг бўлган. Жувайний хабар беришича, Бухорода шаҳар ичидаги қўшиндан бўлақ, шаҳар ташқарисида 20 минг лашкар тўпланган.

Хоразмшоҳнинг тоғаси дейилган Тогайхон Туркон хотуннинг укаси эди. Рашидиддин уни Тўғончиқон деб атайди.

Самарқанддаги лашкарлар сони Ибн ал-Асир бўйича 50 минг, Рашидиддин, Абул Фараж бўйича 110 минг, Жузжоний бўйича 60 минг бўлган. Жувайнийнинг айтишича, Самарқандда 110 минг лашкар тўпланган. Шундан 60 мингини туркийлар, 50 мингини эса хоразмликлар ташкил этган. Бундан ташқари, 20 та фил бўлганлиги ҳам айтилади. Туркий амирлардан Боришмасхон, Сирсиқхон, Улоқхон, Алл Эрхон, Шайххон, Болаҳон номлари ҳам келтирилган. Термиз, Вахш — Амударёнинг ўнг қирғозидаги шаҳарлар. Уларнинг харобалари янги шаҳарлар яқинида.

Балх — Афғонистондаги шаҳар, мўгуллар томонидан 1220 йилда вайрон қилинган. Жувайнийнинг айтишича, “у ўтмишда Шарқнинг Маккаси бўлган”. Балхдаги қўшинга сulton Муҳаммад отасининг амакиваччаси Маҳмудхон ибн Ҳасан бошчилик қилган.

Ҳўтталон (Ҳўттал) — Панжи ва Вахш оралиғидаги вилоят. Жанубий Тожикистон теграсида.

Рашидиддин ёзишича, Аслобаҳон Валж шаҳрига эмас, Ёркентга юборилган.

7. Хитой манбаларига кўра, Чингизхон Хоразмшоҳлар давлатига қарши юрищни “цзимао йили ойнинг олтинчи чиқиши ёзида”. (1219 йилнинг 13 июлидан — 18 августи оралиғида) бошлидӣ. Рашидиддиннинг маълумотига кўра, мўгуллар босқини 615 йил “куён йилида бошланади”. Ўтрорга Чингизхон 1219 йилнинг кузида етиб келади. Мўгуллар шаҳарни 5 ой қамал қиласиди. Ҳожиб Корачанинг сотқинлигидан кейин Имолхон 20 минг қўшин билан шаҳар марказидаги қалъага бекиниб олади ва яна бир ой қаршилик кўрсатади.

8. Имолхон охирги нафаси қолгунча курашади. Унинг сафдошларининг ҳаммаси қириб ташланади. Ўзи эса асир олиниади ва қийнаб ўлдирилади.

17-БОБ

ЧИНГИЗХОН ФОЙДАСИГА ВА СУЛТОН ЗАРАРИГА ИШЛАТИЛГАН БИР АЙЁРЛИК НАТИЖАСИДА ХОРАЗМШОҲНИНГ ЎЗ АМИРЛАРИДАН ШУБҲАЛАНИШИ, УЛАРНИ ТАШЛАВ КЕТИШГА МАЖБУР БЎЛИШИ ҲАМДА АЖРАЛИШИ БАЁНИ

Чингизхон Ўтрорни босиб олгач, унинг хузурига Бадриддин ал-Амид кириб келди¹. У Султоннинг туркий мамлакатлар учун Ўтрордаги вазири ас-Сафий ал-Акра ўрнини эгаллаганди. Улар ёлғиз қолиши. Бадриддин Султонни ёмон кўрарди. Чунки у (Султон) Ўтрорни ўзига бутунлай қарам қилиш учун босиб олганда унинг отаси қози ал-Амид Саъдни, аммакивачаси қози Мансурни, тогаваччалари ва яқин қариндошларидан бир неча кишини ўлдиртирган эди. У Чингизхонга бундай деди: “Хон ҳазратлари, шуни яхши билингки, Султон мен учун Оллоҳ таоло томонидан яратилган душманларимдан биридир. Чунки у менинг кўплаб қариндошларимни йўқ қилди. Агар мен ҳаётим эвазига ундан ўч олиш имконига эга бўлсан эди, бу ишни ҳеч иккilanмай амалга оширган бўлардим. Бироқ мен сенга яна шуни айтишим керакки, Султон ҳали ҳам улуғвор ва қудратли. Шуни билки, у қўшинларини турли жойларга бўлиб юборгани сенда нотўғри таассурот түғдирмасин. Унинг ёнида ҳам лашкарлар кўп, бошқа қўшинга муҳтоҷлиги йўқ. Агар у истаса, мамлакати теграсидан ҳозирги мавжуд қўшинидан икки баравар кўп лашкар йиғиши мумкин. Менда бир фикр бор, сен унга қарши бир айёрлик ишлат, натижада у ўз лашкарбошлиаридан щуҳбалана бошлайди². У (Бадриддин) унга Султон билан онаси ўртасидаги келишмовчиликлар ва норозиликлар ҳақида гапириб берди. Улар ўртасидаги суҳбат Бадриддин ал-Амиднинг Султон онаси яқинлари бўлган лашкарбошилар номидан мактуб тайёрлашни ўз зиммасига олиш шарти билан якунланди. Мактуб бундай тарзда тайёрланадиган бўлди: “Биз ўз уруғимиз ва биздан паноҳ истаганлар билан биргаликда туркийлар мамлакатидан Султон хузурига, унинг онасига хизмат қилиш учун келдик. Бизлар унга ер юзининг барча давлатларига қарши

курашда, уларни босиб олишда, хукмдорлари ва аҳолисини бўйсундиришда ёрдам бердик. Эндиликда унинг онаси ҳақ-хукуқларига нисбатан ниятлари ва муносабатлари ўзгарди: у ўзининг манманлиги ҳақида тақабурлигини кўрсатмоқда. Шу сабабли у (Туркон хотун) Султонга ёрдам бермаслигимизни буюрди. Бизлар эса сенинг келишингни кутаяпмиз, сенинг амрингга бўйсуниш нијатидамиз”.

Чингизхон бу мактубни ўз яқинларидан бири орқали юбортириди, у, гёё Султон ҳузурига қочиб ўтгандек таас-сурот туғдирса ҳам, аслида хуфиёна ишларни амалга ошириш учун юборилган эди. У мактубларни тарқатди, бу аҳволдан Султон кўз олди қоронгулашди, дунё кўзига тор кўринди, қатъиятига птур етди. Кимларнинг сотқинлик қилиши мумкинлиги ҳақида хаёлан тасавур қилган бўлса, олган маълумотларига кўра ўшалар ҳақиқатан шундай бўлиб чиқди. Шундан кейин у уларнинг иттифоқига барҳам бериш мақсадида, мамлакат ҳимоясини мустаҳкамлаш учун зарур деган асосда, қўшинини гуруҳларга бўлиб, турли жойларга жўнатди. Бу ҳақда юқорида тўхталган эдик.

Чингизхон ўзига содиқ бўлган одамлардан яна бири — ҳожиб Донишмандни Хоразмга Туркон хотун ҳузурига жўнатди². У унга бундай номани берди: “Маълумки, ўелинг хукуқларингни поймол этиб, сенга ёмонлик қилди. Шу сабабли мен унинг баъзи амирлари билан келишган ҳолда унга қарши юриш қилмоқчиман. Аммо сенинг мулкингта ҳужум қилмайман. Агар сен шартимга кўнсанг, менинг сўзларим ишончли эканлигини билмоқчи бўлсанг, ҳузуримга кимнидир юбор. Шундан сўнг Хоразм, Хуросон ва Жайхуннинг нариги томонидаги уларга теградош бўлган мулклар ҳам сенга берилади”.

Бу номага жавобан Туркон хотун кўрқув билан шаҳарни тақдир ҳукмига ташлаб тарк этди ва Хоразмдан чиқиб кетди.

¹ Утрорнинг босиб олинишига қадар мўғуллар томонга ўтиб кетган Бадриддин ал-Амиднинг уруғ-аймоқлари ва яқинлари “Султонга душман бўлган руҳонийлар ташкилоти”дан эдилар.

У руҳонийлар Бухоро садрлари ва Самарқанд шайхларига нисбатан Султонга душманликни яққолроқ намоён қилдилар. Чингизхон Бадриддин ал-Амиддан Хоразмшоҳлар қўшинларининг қойлашиши, давлат ичидаги низолар, келишмовчиликлар тұгрисида кўплаб маълумотлар олди. У бу маълумотлардан кенг фойдаланди.

2 1220 йил февраляда Бухоро босиб олинганидан кейин Чингизхоннинг ўғли Тулихон бошчилигидаги мўгул қўшинлари Зарнуқ шаҳрини (Сирдарёning чап қирғоғидаги шаҳар) қамал қилдилар. Чингизхон қамалдагиларни таслим бўлишга унда булар ҳузурига ҳожиб Донишмандни юборади. Таклиф қабул қилинади, Зарнуқ қўшини таслим бўлади.

Жувайнининг маълумотига кўра, ҳожиб Донишманд Чингизхон даврида ва ундан кейин ҳам катта мавқега эга бўлган шахс эди.

18-БОБ

ТУРКОН ХОТУННИНГ ОЛТИ ЮЗ ЎН ОЛТИНЧИ ЙИЛНИНГ ОХИРГИ КУНЛАРИДА (1220 ЙИЛНИНГ МАРТ ОЙИ БОШЛАРИДА) ХОРАЗМНИ ТАШЛАБ ЧИКИШИ БАЁНИ

Чингизхон элчиси — юқорида номини эслатганимиз ҳожибининг Хоразмга ташрифи Султоннинг Жайхун қирғокларидан қочиши хабари билан бир вақтда келди. Туркон хотун бу хабардан кейин ваҳимага тушиб қолди ва яқинлашаётган хавфни ўйламасликка ҳаракат қилди. У Хоразмда қолиш имконияти йўқлигини билди ва ўзи билан олиши мумкин бўлган нарсаларнинг ҳаммасини — Султон хотинларини, кичик ёшдаги болаларни, хазинадаги бойликларни олиб шаҳар билан хайрлашиб, Хоразмдан чиқди. Унинг хайрлашиш онларини кўрганларнинг кўнгиллари юмшаб, кўзларидан ёш оқди.

У кетишидан оддин асрлар бўйи ўзи учун шармандали бўлган, абадий лаънат билан эсланадиган бир адолатсиз ишни қилди. У бу уруш оловлари тезликда барҳам топади, узилган иплар яна қайтадан уланади, қоп-қора тун зулматидан кейин тонг яна нур сочади деб ўйлаб, Хоразмда асирикда бўлган ҳукмдорларни, уларнинг ўғилларини, юқори мартабали зотларни, олижаноб инсонларни, улуғ садрларни қатл қилдирди. Унинг ҳимоясида бўлган бундай инсонлар йигирма иккита эди¹. Булар орасида сул-

тон Тўғрул ас-Салжуқийнинг ўғли, Балх малиги Имодиддин, унинг ўғли, Термиз хукмдори ал-Малик Баҳромшоҳ, Бомиён хукмдори Аловуддин, Вахш хукмдори Жамолиддин Умар, Сифноқ хукмдорининг икки ўғли, Бурхониддин Муҳаммад Садр Жаҳон, унинг укаси Ифтихор Жаҳон ва икки ўғли Малик ал-Ислом, Азиз ал-Ислом ҳамда яна бошқалар бор эди². У ўз нуқсонларини нима билан ёпишни билмасдан бу ишни қилди. Бунинг ўрнига қылган ишлари учун Оллоҳ олдида тавба-тазарру этганида, адолатни тан олганида, эҳтимол, шундай шармандали ҳолга тушмаган бўлармиди.

Шундай қилиб, у шаҳардан кетишни хоҳлаганлар ҳамроҳлигида Хоразмни тарқ этди. Кўплаб одамлар учун унга ҳамроҳлик қилиш ҳам қийин кечди. Чунки одамларнинг тўплаган бойликларидан рухсат берилган қисмини олиб, қолган қисмидан воз кечиши оғир эди. У ҳамроҳларига кўп нарса олишга рухсат бермаган эди.

У ўзи билан Ёзир хукмдорининг ўғли Умархонни ҳам қабатига олганди³. Унинг ҳамроҳликка олиниши мамлакатига борадиган барча ўйларни яхши билгани учун эди. Номи тилга олинган (Умархон) “Сабурхон” (сабр-тоқатли) деган лақабга эга бўлиб, бу лақабни олишининг сабаби бор эди. Унинг укаси Ҳиндухон мамлакатни босиб олганидан кейин Умархонни кўр қилиш тўғрисида буйруқ берди. Аммо буйруқни бажарувчининг унга раҳми келиб, кўзига тегмади. Унинг кўриш қобилияти сақланиб қолинди. Умархон эса то Ҳиндухон ўлгунга қадар, ўн бир йил давомида ўзини кўрликка солиб юрди. Шундан кейин Туркон хотун Ёзир вилоятини ўзиники қилиб олди. Бунинг сабаби Ҳиндухон унинг қабиласига мансуб, ҳатто унга қариндош бўлган аёлга уйланганди. Шунда Умархон кўзини очди ва ўз мулкимга хукмдорликни менга беришар деган умидда Султон саройига юкиниб борди. Аммо у ўзи умид қылган нарсага эриша олмади, бу ерга келиб фақат Сабурхон деган лақаб ортириди.

Шундай қилиб, Умархон ҳам Султон онаси хизматида Хоразмни тарқ этди. Туркон хотун ёнида бирор баҳтсизликни бартараф этиб, уни фам-ташвишлардан халос қиладиган, хуллас, унга суюнчиқ бўладиган ундан бошқа ҳеч ким йўқ эди⁴. У ўйл давомида унга садоқат билан хизмат

қилди. Улар Ёзир чегараларига яқынлашиб қолганда Туркон хотун Умархон бизни ташлаб кетади деб ўйлаб, бошини танасидан жудо қилишга буйруқ берди. У ҳам қўл-оғи боғланаб сўйилди. Туркон хотун ёнидагиларни — Султон хотинлари, бойликларини олиб Илол қалъаси томон йўлга тушди⁵. Илол Мозандарондаги энг мустаҳкам, эгаллаб бўлмайдиган қалъалардан бири ҳисобланарди. Улар бу ерда тоторлар Султонни мамлакатдан кувиб чиқариб, у оролда паноҳ толиб, вафот этгунга қадар яшаши.

Илол қалъаси тўрт ой қамал қилинди. Тоторлар қалъа атрофига девор куришди ва дарвоза ўрнатишди. Дарвоза кундуз очилиб, тунда ёпиларди. Уларнинг эгаллаб бўлмайдиган мустаҳкам қалъаларни қамал қилиш одати шундай эди. Бу ҳол қалъада оғир аҳвол, озиқ-овқат, сув танқислигини юзага келтиради.

Яна шу нарса ажабланарли эдики, Мозандароннинг ушбу қалъаси бошқаларидан бу ерга ёмғир кўп ёфиши, нам кўп бўлиши билан ажралиб турарди. Қалъа устида ҳаво камдан-кам ҳолларда очик бўлар, ёмғир деярли тинимсиз ёғарди. Бу эса одамларнинг чанқоғини камайтиради. Оллоҳнинг буюргани шу бўлдики, қамал пайтида ҳаво ниҳоятда очик келди. Бу уни (Туркон хотунни) тоторлардан шафқат сўрашга мажбур қилди, улар вайда бердилар. У ва унинг вазири Мұҳаммад ибн Солиҳ қалъадан чиқдилар. Айтишларича, у қалъадан ташқарига чиққан пайтда кучли сув оқими дарвозадан ичкарига қуйилганмиш ва шу куни барча ҳавзалар тўлиб-тошганмиш. Бу ҳам, эҳтимол, бирини бузиб, иккинчини тузадиган ягона ва кудратли Оллоҳ таолонинг кароматидир. “Бас, диллари Оллоҳни эслашдан қотиб қолган кимсаларга ҳалолат бўлғай! Улар очик залолатдадирлар!”**

Туркон хотун шу тариқа асир олинади ва Чингизхон хузурига олиб кетилади⁶. У ҳақдаги мишишлар вақти-вақти билан Жалолиддинга ҳам етиб келарди. Лекин, тўғрисини айтишим керак, унинг кейинги тақдидири қандай кечганидан хабарсизман. Унинг хизматкорларидан бири, ҳарам оғаси Бадриддин Ҳилол ўзининг мўғуллардан озод бўлиш имкони қолмаган пайтда Жалолиддин томонидан қутқариб олингани, унга меҳрибонлик кўрсатгани, омади чопиб юқсак лавозим эгаси бўлганини ҳикоя

Қиласар экан яна бундай деди: “Мен унга, ўшанда, “ўғлингнинг ўғли, юрагинг жавҳари Жалолиддин ёнига қочайлик”, деб айтдим. Чунки ўша пайтда унинг кучкүдрати, мамлакатининг катталиги ҳақида бизга ҳар хил хабарлар келиб турарди. У эса менга: “Бунаقا гапларни бас қил, йўқол! Мен қандай қилиб Ой Чиченнинг (Жалолиддиннинг онасининг исми, батзи манбаларда у Ой Чечак деб ҳам ёзилади) ўғли марҳаматига қарам бўлиб яшайман. Ўғилларим Ўзлоғшоҳ ва Оқшоҳдан кейин ундан паноҳ истайми, унга юкиниб борайми? Ҳатто менга Чингизхон қўлидаги асирикда бошимдан кечираётган шармандалик ва хўрлик ҳам унинг ҳузурига боришдан кўра аъло!” деди.

У Жалолиддинни ёмон кўрарди. Юқорида номини айтганим хизматкор менга яна бундай деди: “Унинг асирикдаги аҳволи ниҳоятда оғир эди, у Чингизхоннинг тушлик дастурхонига бир неча марта бориб, нимадир олар, бу овқат унга бир неча кунга етиб ортарди”. Бунгача у қандай эди, унинг бир оғиз сўзи барча вилоятларда сўзсиз ижро қилинmasмиди! Энди-чи? Инсон тақдирини бу тарзда Ўзгартирувчининг буюк қудратига тасанно айтмасдан бўладими!

Султоннинг болалари тақдирига келсак, уларнинг ҳаммаси Илол қатъаси ёғий қўлига топширилган пайтда қатл қилинган. Булар орасида ёши жиҳатдан энг кичик бўлган Камохишоҳ омон қолган. Туркон хотун ҳайтининг энг оғир, фам-ташвишли, хўрликка юз тутган пайтларида уни бағрига босиб ором толишга интилган. У кунларнинг бирда боланинг соchlарини силаб туриб бундай деган: “Бугун юрагим шундай сиқилмоқдаки, умрим бино бўлиб бундай аҳволга биринчи марта тушишим”. Шу пайт Чингизхон сархангларидан бири келиб болани унинг қўлидан тортиб олган. Шундан сўнг у болани кўрмаган. Бола Чингизхон ҳузурига олиб борилганда у уни бўғиб ўлдиришни буюрган. У бўғиб ўлдирилган. Мана, шундай қилиб, у (Туркон хотун) бу оламда ҳукмдорларнинг фарзандларини қирғин этиб нимаики қилган бўлса, шунга яраша ўз жазосини ҳам олди.

Султоннинг қизлари тақдирни бошқачароқ кечди, уларнинг ҳар бири юртини сотиб Чингизхон ҳузурида юрган-

арга эрга берилди⁷. Фақат Самарқанд ҳукмдори, султон-шарф султони Усмоннинг хотини бўлган Хон Султон ис-тисно эди. Уни Чингизхоннинг ўғли Душихон (Жўчихон) зига мўлжаллади⁸. Ўзлогшоҳнинг синглиси Туркон Султонга Чингизхон номидан Туркон хотун хузурига элчи олиб борган ҳожиб Донишманд уйланди.

Асир олингандар орасида вазирликдан четлаштирилган Низомулмулкнинг аҳволи яхшироқ эди. Чунки улар Султоннинг унга муносабати қандайлигини билар, вазирлик мансабидан четлаштирилганидан ҳам хабардор булишганди. Чингизхон баъзан унга айрим вилоятлардан келадиган даромадларнинг ҳисоб-китобини текшириб кўришни буюарди. Бу ҳам унинг мавкеига сал бўлсада таъсир қиласарди. Бундай аҳвол Жўчихон Хоразмни босиб олиб, унинг аҳолисига ўз зулмини ўтказгунга қадар давом этди.

Босқиндан кейин Султон санъаткорлари Чингизхон хузурига олиб келинди. Улар орасида гўзал ва дилбар қиз Бинт Занкижа ҳам бор эди. Уни Чингизхондан самарқандлик кўз табиби (каххал) Зайн ўзига сўраттириди. Зайн қачонлардир кофир (Чингизхон)нинг кўзи оғриганди даволаганди. Шу сабабли у Занкижани унга ҳадя қилди. Каҳхал ташқи кўринишдан ниҳоятда хунук, бадашара, муомаласи дагал одам эди. Занкижа эса уни кўргани кўзи йўқ эди ва айни пайтда ислом оламининг султони ўрнини бу одам эгаллашини истамасди. Қиз икки-уч кун шаробдан бош кўтармайдиган собиқ вазир хузурида бўлди. Каҳхал бир неча бор уни ўзига беришлиарини талаб қилди. Занкижа ўзини ҳимоя қилиб, унинг хузурига бормаслигини билдириди. Шунда Каҳхал Чингизхон хузурига бориб вазирни ёмонлади ва унинг “Ҳар қандай одамдан кўра уни ўзимники қилиб олишга менинг ҳукуқим кўпроқ”, деган сўзларини етказди. Чингизхоннинг жаҳли чиқди ва собиқ вазирни олиб келишни буюрди. Олиб келишгач, Чингизхон унинг ўз ҳимоячиси ва ҳукмдорига қилган ёмонликлари, сотқинликларини, шу тариқа Султон давлатига келтирилган заарларини бирма-бир санаб берди. У (Чингизхон) уни ҳимоя қилиш тўғрисида берган ваъдасини бузди, унинг қони ҳам ер бағрига сингди.

¹ Аң-Насавий бу ўринда Хоразмда асирикда бўлган ҳукмдорлар, уларнинг ўғиллари, асирилар сонини 22 та деб беради. 11-бобда эса “Зулқарнайн” навбасини ижро қилишдаги асири ҳукмдорлар сони 27 та деб берилганди.

² Аң-Насавий матида “Тўгрул ас-Салжуқийнинг ўғиллари” деб ёзди. 11-бобда унинг битта ўғли хусусида маълумот бор эди.

Сигноқ (Сүғноқ) — Сирдарё бўйидаги ўрга аср шаҳри. Унинг харобалари Қозогистон теграсида.

³ В. Бартольд бу шаҳар ҳакида бундай деб ёзди: “Ашхобод ва Қизил Арват ўртасида Дурун шаҳри хароблари бор. Бу шаҳар XIII аср бошида шу ерда яшайдиган туркман қабиладарининг номи билан Ёзир деб номланади.

⁴ Хоразмдан чиқиб кетган Туркон хотун ёнида унинг вазири Низомулмулк Носириддин Мұҳаммад ибн Солиҳ ҳам бор эди.

⁵ Илол қальласи Сори дарёсининг юқори қисмида жойлашган. Жувайний ёзишича, Туркон хотун Султон оиласининг ва бойликларининг бир қисмини Техрон яқинидаги Ларижон қальасига жўнатган.

⁶ Ибн ал-Асирининг айтишича, Туркон хотун 617 йил (1220 йил) асири олинган. У барча одамлари ва бойликлари билан бирга ўша пайтда Толақонда бўлган Чингизхон хузурига жўнатилган. Улар Чингизхон хузурига олиб келингач, вазир Носириддин қийноққа солинади, Хоразмшоҳ болалари эса қатл, этилади. Чингизхон Мўгулистанга кетишдан олдин бир неча кун Самарқандда тўхтайди. Бу ердан жўнаш олдидан Туркон хотунга ва Мұҳаммаднинг хотинларига олдинга чиқиб Хоразмшоҳлар давлати учун бақириб йиглашни буюради. Бу йифи мўғул кўшинлари ўтиб бўлгунга қадар тинмаслиги тайинланади. Туркон хотун Қорақурумга олиб кетилади ва у ерда хору зорликда яшаб 630 (1232–1233) йилда вафот этади.

⁷ Жувайний маълумотига кўра, Хоразмшоҳ Мұҳаммаднинг икки қизи Чигатойга берилади. У қизлардан бирини ўзига чўри қилиб олади, иккинчисини вазири Кутбиддин Ҳабашга беради. Султоннинг Угадай ва Гўлихонга насиб қилган қизларидан бири ҳожиб Амидга берилади.

⁸ Хоразмшоҳнинг қизи Хон Султон Самарқанд ҳукмдори султон Усмонга 597 йилнинг баҳорида (1201 йилнинг апрелида) турмушга чиқади. Жувайнийнинг айтишича, Хон Султон Или дарёси ҳавзаси яқинидаги ўрга аср шаҳри бўлган Эмилда яшовчи бўёқчига эрга берилади. Бўёқчи умрининг охирига қадар у билан яшаган дейилади. Ибн Холдун ҳам шунга ўхшац маълумот беради.

**ТУРКОН ХОТУН ҲАЁТИНИНГ БАЪЗИ БИР ЖИҲАТЛАРИ
ВА УНИНГ ФЕЪЛ-АТВОРИ**

У Баёт уруғидан эди. Баёт уруғининг Емек қабиласига мансуб ҳисобланади. Унинг иши юришиб, мавқеи мус-аҳкамланиб борди, шунда у “Худованди жаҳон” деган یақаб олди. У турк мамлакатларидан бирининг ҳукмдори Конкишихоннинг қизи эди¹. Эл-Арслоннинг ўғли Такиш ҳукмдорларнинг ўғли ҳукмдорларнинг қизини олгани каби унга уйланди². Ҳокимият султон Муҳаммадга отаси Такищдан мерос бўлиб ўтганидан кейин Емек ва унга қўшни бўлган бошқа қабилалар унинг давлати таркибига келиб қўшилдилар. Шу сабабли Султоннинг кучи кўпайди, у эса уларни янада улуғлади. Натижада Туркон хотун мамлакатни бошқара бошлади³. Султон қайси бир мамлакатни босиб олгудек бўлса, унинг қайсицир вилоятини, албатта, онасининг яқинлари учун ахратиб берарди.

У улуғвор ва аклли аёл эди. Унга шикоят хатлари, арзномалар келгудек бўлса, уларни синчковлик билан адолат нуқтаи назаридан кўриб чиқарди ва жабр қилувчининг зулми остида эзилган одам тарафини оларди. Аммо у қотилликни мардлик нишонаси деб баҳоларди. У мамлакат учун кўплаб яхши ишлар қилди. Агар буларнинг ҳаммасини бирма-бир санайдиган, унинг улуғвор ишларини таъкидлаб кўрсатадиган бўлсан, яна кўп қоғозларни қоралашимизга, кўп гапиришимизга тўғри келарди. Унинг котиблари (куттаб ал-иншо) еттига эди. Уларнинг ҳаммаси машҳур, даврининг атоқли ва олижаноб инсонлари эди. Агар ундан ва Султондан бир масала бўйича иккита муносабат билдирилган нома келиб қолгудек бўлса, албатта, унинг битилган муддатига қараларди. Улардан қайси бири кейин ёзилган, шу номадаги фикр мамлакат миқёсида асос қилиб олинарди. Унинг фармонларидаги туғроси куйидагича эди: “Улуғ Туркон, мўъминларнинг ва тинчликнинг ҳимоячиси, икки олам аёлларининг маликаси”. Унинг шиори “Фақат Оллоҳдан ҳимоя истайман” деган сўзлар эди. У бу сўзларни қалам билан катта қилиб, чиройли тарзда ёзиб қўйганди, уни бошқа бирор одам ўзгартира олмасди.

¹ Жувайнийнинг маълумот беришича, Туркон хотун Қангли уруғидан бўлган. Жузжоний уни қипчоқ хони Акрон (Икрон)-нинг ҳизи дейди. Аи-Насавийнинг айтишича, Баёвут уруғига мансуб бўлган. Бу ерда, назаримда, мўғул қабилаларидан бирининг номи билан туркийларнинг Баёт уругининг номи қоришиб кетганга ўхшайди.

² 12-бобга қаранг.

³ Хоразмшоҳлар давлатининг тарихида сulton Муҳаммад ҳукмдорлиги даврини ўрганар эканмиз, унда Туркон хотуннинг етакчи роль ўйнаганлигини, унинг бўйруқ ва маслаҳатлари Муҳаммад томонидан сўзсиз бажарилганини кузатиш мумкин. Мантиқан олиб қараганда, у (Туркон хотун) мамлакатда иккинчи, эҳтимол, биринчи шахс бўлган дейиш мумкин. Чунки, Муҳаммаднинг фармон ёки топшириқлари онаси томонидан муҳокама қилинмасдан рад қилинган пайтлари ҳам кўп бўлган. Унинг ўз шахсий “девон ал-иншоси” бўлганлиги ҳам давлат миқёсидаги ишларни, масалаларни мустақил равища счиш имконига эга эканлигини кўрсатади. Жувайнийнинг айтишича, Туркон хотун ҳукмронлик учун Гурганж (Урганч)ни пойтахт қилиб олганди. Ўз саройи, ўз мулки бор эди. “Туркон хотун нафакат Сulton устидан ҳукмронликка эга эди, балки унинг молиявий ишларига, олий даражали лашкарбошиларига, сарой ходимларига ҳам раҳбарлик қиласади”. Жувайнийнинг бу сўzlари ўша вактдаги аҳволни яққол намоён қиласади.

20-БОБ

СУЛТОННИНГ ЧИНГИЗХОН БУХОРОНИ ЭГАЛЛАБ ОЛГАНИНИ ЭШИТГАНИДАН КЕЙИН КАЛИФДАН КЕТИШИ БАЁНИ

Сulton Чингизхоннинг Ўтрорни босиб олгани, Инолхонни ва у билан бирга бўлган қўшинни мағлуб қиласади. У турли томондан жон сақлаш учун қочиб келаётгандарни кузатаркан, бу ваҳимали тунлар яна қандай воқеаларни бошимизга гирифтор қиласади.

Чингизхон Ўтрорни босиб олганидан кейин Бухорога қараб юрди. Бухоро Сulton қўшинлари тўпланадиган энг яқин, марказий шаҳарлардан ҳисобланарди. Шу учун у шаҳарни қамал қиласади. Сulton билан унинг бу ерга тўпланган кучлари ўртасидаги алоқани батамом узиб таш-

лашга уринди². Султон агар ўз хатти-ҳаракатларининг нотўғри эканлигини англаб, қўшинларини қайтадан йиғиш нияти туғилганда ҳам бунга эришолмаслиги керак эди. Шундай қилиб тоторлар Бухорони ўраб олди. Ўтрордан келтирилган пиёда ва отлиқ лашкарлар ҳисобига кучларини кўпайтирди. Бухорода жанг туну кун давом этди. Жанг тоторлар куч билан ҳужум қилиб, шаҳарни босиб олгунга қадар давом этди.

Амир-охур Кушлу ва унинг атрофидаги Султон сафдошлари Бухоронинг қўлдан кетаётганини кўргач, ўзаро маслаҳатлашиб, шармандали мағлубиятидан куч билан кутулиб чиқишига қарор қилдилар. Улар ҳаммаси биргалашиб бирдан ҳужумга ўтишга, шу орқали кишан кийиш ва истибодд азобларидан халос бўлишга келишдилар. Улар шундай қилдилар ва қамални ёриб чиқдилар. Агар Оллоҳ ҳар бир ишнинг амалга ошишини истаса, бунинг учун имкон туғилиши шубҳасиз.

Тоторлар жанг қизиб, аҳвол жиддийлашганини, тиглар қайралиб, разаблар оловланганини кўриб, улар қўшинининг илгорига йўл очиб берди ва қочишга ҳозирландилар. Агар мусулмонлар бир ҳужум кетидан иккинчисини уюштириб, гёё одамни орқадан тепиб йиқитган мисол, янайам жиддий зарба берганларида уларнинг жанг майдонини ташлаб қочишлари тайин эди. Лекин мусулмонлардан тақдир юз ўғирди, улар ўзларини кутқариш пайида бўлдилар. Тоторлар уларнинг мақсади ўзларини халос этишдан иборат эканлигини англағанларидан кейин, кетидан от қўйдилар, қочиш йўлларини тўсиш ҳаракатига тушдилар. Уларни Жайхун бўйларига қадар таъқиб этдилар. Улар орасидан фақат Инонжхон кичик қўшини билан тоторлардан кутулиб қолди. Лашкарларнинг аксарияти ўлдирилди. Тоторлар буюмлар, курол-яроғлар, қуллар ва озиқ-овқатларни ўзлариники қилиб олдилар. Юх қоплари оғирлашиб, кўп бойликларга эга бўлдилар.

Бу даҳшатли воқеа ҳақидағи хабар Султонга етиб борганида уни ваҳима босди ва ғамга ботди, юрагига кўркув оралади, қўллари бўшацди. У Жайхунни эзилган ҳолатда, Мовароуннахрдай мамлакатни ҳимоя қилиш ишончидан айрилган тарзда кечиб ўғди. У аҳволи ниҳоятда оғирлашган бир пайтда энг мард лашкарларидан ҳам айрилди.

Етти минг одамдан иборат хитойилар (жиянлари, онасининг ака-укаларининг ўғиллари) уни ташлаб, тоторлар томонга ўтиб кетди. Кундуз ҳукмдори Аловуддин намо-йишкорона тарзда Чингизхон томонга ўтиб, Султонга қарши курашга бел боғлади³. Балхнинг таниқли одамларидан бири, амир Моҳ Рўий ҳам тоторлар томонга ўтиб кетди. Унинг куч-қудратига птур етиб, иши орқага кетиб, ҳамкорлик алоқалари камайган пайтда одамлар билдирамасдан уни ташлаб кета бошладилар. Ҳар бир ҳамкорлик ишининг узилиши, бир ишнинг барҳам топишига олиб келарди. Дейдиларки, “Эй мулку давлат эгаси бўлган Оллоҳим, Сен истаган кишингга мулк ато қилурсан ва истаган кишингдан бу мулкни тортиб олурсан”. Яна айтишадики, “Парвардигорингиз фақат ўзи истаган ишни қилгувчи зотдир!”*

Чингизхон юқорида номини эслатганимиз сотқин лашкарбошилардан Султоннинг кўркув ва ваҳима ичидаганини эшитиб, омадсизликлар гирдобида эканлигини билиб, икки йўлбошчиси – Жэбэ нўён ва Субутой Баҳодурни ўттиз минг кишилик лашкар билан сафарга отлантирди. Улар дарёдан кечиб ўтиб Хурсонга йўл олдилар ва мамлакат бўйлаб изғидилар. Таҳлика ҳаддан ошди, талон-тарож, босқинчилик, бузғунчилик, қон тўкиш шударажага етдики, одамлар яшайдиган масканлар ўти ўриб олинган яйловдек кимсасиз қолди, деҳқонлар ўз ерларини яланғоч тарк этар эдилар. Нарсаларнинг барчаси очиқдагиси ва ёпикдагиси ҳам, кўлга илингандари ва кўздан яширинлари ҳам тортиб олинди, борлиқ сукунат кўйнига чўкли, фақат бу ерларда бойўғлиларнинг қичқириғи акс-садо бериб эшитиладиган бўлди.

Одамлар аввалги даврларда ва олдинги ҳукмдорлар пайтида рўй бермаган, кўз кўриб, кулоқ эшитмаган даҳшатли воқеаларнинг гувоҳи бўлдилар. Ахир бир кўшин күёш чиқадиган жойдан юриш бошлаб заминнинг Боб ал-Абвобига қадар боргани, у ердан эса қипчоқлар юртига ўтиб, улар қабилаларига ҳужум қилиб, барчасини қиличдан ўтказгани хабари ҳеч эшитилганми?⁴ Улар бир ерга қадам кўйиб улгурмасдан уни талардилар, бирор шаҳарни босиб олсалар уни вайронага айлантирдилар. Шундай катта доирадаги босқинчилик юришларидан кейин ҳам улар ҳеч

бир шикаст емай Хоразм орқали ўтиб, унинг экинзорларини вайрон қилиб, аҳолисини қирғинга учратиб, подаларини ҳайдаб, ундан нари ҳукмдори олдига катта бойликлар билан қайтдилар. Буларнинг ҳаммаси бор-йўги иккни йил ичидаги амалга оширилди!

Дарҳақиқат, “Бу ер, шак-шубҳасиз, Оллоҳницидир. Уни ўзи хоҳлаган бандаларига мерос қилиб берур. Оқибат натижа эса тақводорларники”*

¹ Калиф — Амударёning иккни қирғогида жойлашган шаҳар. Ан-Насавий асарида унинг номини “Кутлуф” деб атайди. Ушбу асарнинг Қоҳирада нашр қилинган нусхасида Хоғиз Ҳамдий “Кутлуф — Ҳурросондаги шаҳар, у Балх ва Марв оралигига жойлашган” деб изоҳ беради.

² Жувайний ва Рашидиддин маълумотига кўра, Шарқ мамлакатлари учун ислом гумбази бўлган Бухоро 617 йил муҳаррами бошларида (1220 йил марта) қамал қилинган. Ўша воқеалардан хабардор бўлган Ибн ал-Асир ва Жузжоний Бухоронинг қамал қилиниши 616 йилнинг зулҳиёзка ойида (1220 йилнинг февралида) рўй берганлиги ҳақида аниқ маълумот беради.

Манбаларда айтилишича, Бухородаги лашкарбошилар учкунлик қамалдан сўнг шаҳарни ташлаб чиқиб, мӯғул қўшинлари сафини ёриб ўтиб Ҳурросонга чекинишига қарор қиласидилар. Бироқ мӯгуллар сафларини ёриб ўтиб тартибсиз чекинаётган Бухоро қўшинларининг кетидан етиб олади ва уларнинг кўп қисмини қириб ташлайдилар. Омон қолган Инонжон оз миқдордаги лашкарлари билан Амударёни кечиб ўтади. Ҳимоясиз қолган шаҳар аҳли мӯгулларга таслим бўлади. Чингизхон хузурига қози Бадриддин Қозихон бошчилигига 616 йилнинг 4 зулҳижжаси сесанба куни (1220 йилнинг 10 февралида) вакиллар юборилади. Шундан кейин шаҳар мӯгуллар томонидан босиб олинади. Жузжонийда бу сана 16 февраль деб белгиланган.

Шаҳар аҳолисининг бир қисми ва баъзи лашкарлар (Ибн ал-Асир улар сони 400 та эди деб айтади) шаҳар аркига қириб ҳимояланниб яна 12 кун жанг қиласидилар. Шаҳар ёқилади ва вайрон этилади, аҳолисининг бир қисми қиличдан ўтказилади. Қолган қисмини мӯгуллар Самарқандга ва Хоразмнинг бошқа шаҳарларига қамал пайтида фойдаланиш учун олиб кетадилар. Чингизхон Бухоронинг ҳукмдори қилиб босқоқ Товшини белгилайди.

³ 16-бобга қаранг.

⁴ Боб ал-Абвоб — ҳозирги Дарбанд назарда тутилган.

**СУЛТОННИНГ ҚҰЛЗУМ ДЕНГИЗИДАГИ ОРОЛДА ВАФОТ
ЭТГАНИГА ҚАДАР ҚАНДАЙ ТАПШИШЛАРНИ ВА
МУСИБАТЛАРНИ БОШИДАН КЕЧИРГАНИ БАЁНИ**

Султон Жайхунни кечиб ўтганидан кейин хизматига Ироқ құкмдори, ўғли Рукниддиннинг вазири Имодулмұлк Мұхаммад ибн ал-Шодид ас-Савий ҳозир бўлди². Рукниддин уни (вазирини) Султон ҳузурига йўллар экан, бу иш ташқаридан қараганда, боланинг отага ёрдамидай таас-сурот қолдирарди. Аслида эса мақсад бўлак эди: у шу йўл билан вазиридан кутулишни ўйлаганди. Чунки, у аввал ҳам вазири ҳақида Султонга шикоят қилган, унинг та-каббурлиги, ўз ҳоҳишича иш тутиши, шахсий манфаатидан бўлак ҳеч нарса ҳақида ўйламаслиги хусусида айтган эди.

У Султон ҳузурига келгач, ўзига қарши иш амалга оширилганини билди ва бу қийин аҳволдан қутулиб чиқиш учун айёрлик йўлларини излай бошлади. У бошқаларга ўз сўзини ўtkаза оладиган, маслаҳатлар беришга уста одам эди. Султонни ҳам Хуросонни ташлаб Ироққа боришига ундей бошлади. Агар Ироққа борилса, замини яхши: суви кўп, янги ерлар очиб катта бойлик тўплаш мумкин, одамларни йигиб бой берилган имкониятларни қайта тиклаш, эски яраларга малҳам топиш йўли бор, дея авради.

Буларнинг бари ёлғон ваъдалар, куруқ гаплар эди, гўё “саҳродағи саробга ўхшарди. Чанқаган кимса уни сув деб ўйларди, унга яқин боргач эса ҳеч нарса эканлигини биларди”*. Султон ҳам бор нарсани рад қилиб, йўқ нарсага интилди, кўплаб шаҳарлар ва қўшинларга эга мамлакатни ташлаб кетди. Унга (Хуросонга) нисбатан олганда Ироқ кичкина жой, мутазилийлар фикрича бир бўлак (аш-шай) эди. Агар Ироқнинг уни тан оладиган қисми назарда тутиладиган бўлса, бу тегра янада кичраярди... Султон Жайхун қирғоғидан Нишопурга йўл олди³. Лекин Нишопурда қалбининг туб-тубига ўрнашиб қолган кўркув ва ваҳима туфайли кундуз куни бир неча соат бўлди, холос⁴. Хавотир туфайли унда турли хил шубҳалар туғилар, бу эса бемалол нафас ростлашига имкон туғдирмасди.

Собиқ вакилдорлардан бири (Султон саройидаги мансабдор), амир Тожиддин Умар ал-Бистомий шундай ҳикоя қиласы: “Султон бу гал Ироқقا келганида Бистомда ҳам бұлди⁵. У мени ҳузурига чақыртирди ва кимгадир ўнта сандықни келтиришни буюрди. Кейин мендан сұрады: “Буларда нима борлигини биласанми?” Мен унга: “Буни Султоннинг ўзи билса керак”, дедім. “Буларнинг ҳаммаси қимматбаҳо тошлар, уларнинг баҳоси йўқ. Фақат мана бу икки сандықдаги тошларнинг нархи маълум. Улардаги тошлар шу даражада ноёбки, пулға чақиши мумкин бўлса, улар ер юзининг йиллик харажаси (солиги)га тенг келади”, деди у. Султон менга буларни Ардахн қалъасига олиб боришни буюрди⁶. Бу заминдаги энг мустаҳкам, эгаллаб бўлмайдиган қалъалардан бири ҳисобланарди. Унинг устуга бургутлар ҳам учиб чиқолмас, қалъа аҳли қушларни тепадан туриб кўришарди. Мен сандықларни ўша қалъага олиб бордим ва унинг волийсидан уларни қабул қилгани ҳакида тиљхат олдим. Кейинчалик тоторлар Султон томонидан бирор хавф-хатар йўқлигини билгач, кўп мамлакатларни босиб олди. Юқорида номини эслатганимиз қалъани ҳам қамал қилди. Қалъа волийси ўша ўн сандық қимматбаҳо тошлар ҳисобига мўгуллар билан омонлик битимини тузди. Сандықлар Чингизхонга жўнатилди”.

Султон Ироқقا келгач, Ҳамадонга қарашли бўлган жойлардан бири Давлатобод водийсида тўхтади⁷. У бу ерда бир неча кун турди. Унинг кўл остида мағлуб бўлган қўшинларидан қолган йигирма минг лашкар бор эди. У бир нарсадан, босқинчиларнинг бирдан янграб қоладиган наърасидан жуда кўрқарди, ёйи атрофимизни тўла даражада ўраб олмадимикан дея хавотирга тушарди. У ёйилар қўлидан қочиб кутуларди, лекин атрофидагиларнинг кўпчилиги унинг эвазига ўлимга юз тутарди. Давлат ободда ҳам шундай бўлди⁸. Имодулмулк ҳам шу ерда ўлимга юз тутди. Султон кам сонли сафдошлари ва атрофидаги хос мулоғимлари билан Жилга қочиб кутулди⁹. Ундан кейин Исфизарга ўтди¹⁰. Исфизар Мозандороннинг тоғлар, дарапар билан ўралган, бориш ниҳоятда қийин бўлган вилояти эди. Бу ердан у дengiz бўйига чиқди ва бандаргоҳга яқин бўлган қишлоқлардан бирида тўхтади¹¹. Қишлоқда у имом билан бирга масжидга бориб, беш вақт на-

мозни канда қилмади. Имом унга Куръондан ўқиб берар, у эса Оллоҳ агар марҳамат қилиб мамлакатини қўлига қайтариб берса, унда адолатни қарор топтиришга сўз бе-риб йиғлар эди. Лекин бу ерда ҳам кутилмагандан тоторлар унга ҳужум қилишди. Улар билан бирга Рукниддин Кобуджомий ҳам бор эди¹². Султон илгари унинг амакиси Нусратиддинни ва унинг ўғли Иззиддин Кайхусровни ўлдиртириб, мамлакатини босиб олганди. Энди Рукниддин пайтдан фойдаланиб, тоторларга қўшилиб амакисига қарашли бўлган вилоятни эгаллаганди. Бу ерда унга қаршилик қиласидиган бирор рақиб йўқ эди.

Тоторлар Султон учун кутилмагандан қишлоққа ҳужум қилишди, натижада у кемага (марқобга) чиқди. Кемага турли томондан ўқлар отилди, бу гуруҳ одамлар Султонни тутиш учун марқоб кетидан ўзларини сувга ташлашди. Лекин шошқалоқликлари туфайли денгиз бағрида ўлим тоғдилар.

Ўшанда Султон билан бирга кемада бўлганлардан бальзилари менга шундай ҳикоя қилиб беришганди: “Биз кемани шитоб билан ҳайдаётган пайтимизда Султон ўпка ялиигланиши касали билан оғриб қолди. Унинг омон қолишидан умидимизни уздик. Шунда Султон кўнглидаги дардларни тўкиб бундай деди: “Биз ҳукмдорлик қилган барча вилоятларнинг заминидан ўзимизга гўр қазиш учун икки қулоч ҳам ер қилмади. Аслида бу олам инсон учун асл маскан эмас, у бу ерда мангу қололмайди, демак, бу дунё уни овунтириш учун бир бошпана, холос. У бир работга (карвонсаройга) ўхшайди — келувчи унинг бир эшигидан кириб, иккинчисидан чиқиб кетади. “Бас, эй ақл эгалари, ибрат олингиз”**

Улар яна менга бундай ҳикоя қилгандилар: “У оролга келгач жуда хурсанд бўлди¹³. У на эски, на янги мулки бўлмаган ёлғиз қувфинга айланганди. Касаллиги эса кундан-кунга кучаярди. Мозандорон аҳолиси орасидан унга содик одамлар бўлиб, улар озиқ-овқатлар, у хоҳлаган нарсаларни олиб келишарди.

Кунларнинг бирида у: “қани энди битта тулпорим бўлса, у чодирим атрофида (унга атаб алоҳида чодир тикланганди) ўтлаб юрса”, дей хаёл қилди. Унинг бу ниятини эшигтан Малик Тожиддин Ҳасан думи ва ёли қора

саман от совға қилди. Тожиддин Ҳасан Султоннинг сархангларидан бири эди¹⁴. У Султонга қилган хизматлари, садоқати учун Жалолиддин томонидан юксак тақдирланниб, малик даражасига қадар кўтарилиди. Тожиддин кејинчалик Астрободга, унинг атрофидаги қалъалар ва мулкларга хукмдор этиб тайинланди.

Илгари пайтларда Султон амир-охури амир Ихтиёридин қўл остида ўттиз мингдан ортиқ от бўларди¹⁵. Шунда у бундай дерди: “Агар истасам қўл остимдаги отлар сонини бир динор ва дирҳам ҳам сарфламасдан олтмиш мингта етказаман. Бунинг учун мамлакатимиз теграсидағи Султон отлари боқилаётган ўюрлардан чўпонларга биттадан от келтиришни буюрсан, бас, олиб келинадиган отлар ўттиз мингдан ошади”. Хўш, сиз муҳтарам фикр юритувчи, энди Султоннинг бу икки аҳволини солиштириб кўринг-чи, қандай хулоса чиқарар экансиз! Ҳа, дунё шундай бескарор!

Агар ўша кунлари кимдир унга (Султонга) бирор егулик ёки бошқа нарса келтирса, бас, унинг номига ё юқори мансаб берилгани, ё бирор мулк иқто қилингани ҳақидағи фармон битиларди. Бундай фармонни аксарият пайтларда ўша фармон олувчининг ўзи битишига тўғри келарди, чунки баязан Султоннинг “орол фармонлари”ни ёзадиган одам топилмай қоларди. Аникроғи, бу фармонларни Жалолиддинга юбориладиган ёрлиқлар эди деса тўғрироқ бўлади. Чунки, у мамлакатда пайдо бўлганидан кейин бу фармонларни унга тақдим қилишди. У эса буларни тасдиқлаб берди. Агар кимнингдир қўлида бу иқто ёки мансаб бериш борасидаги фармонни тасдиқловчи Султон пичоги, дастурмоли ё бошқа бирор нарса бўлса, Жалолиддин аввал бу буюмни олиб ўпар, кейин фармонга ўз муҳрини босарди.

Султон оролда бандаликни бажо келтириб, Оллоҳ олдидаги бу дунёдаги қарзидан кутулганда уни яқин хос мулизимлари — човуш Шамсиддин Маҳмуд ибн Ёлоқ ва ётоқхона бошлиғи (ал-фарраший) Муқоррибиддин ювишди¹⁶. Султон учун кафандик ҳам топилмади. Шунда Шамсиддин ўз кўйлагини йиртиб, уни кафанди қилиб ўради¹⁷. У оролга дағн қилинди. Бу олти юз ўн еттинчи йили (1220 йилнинг марта—1221 йилнинг феврали) рўй берди:

Подшоҳларни хор қилди, утуғларни ов қилди,
Кудратлини итоаткор бир кулга айлантириди.
Атрофида таъзимга шайдир, ана, маликлар,
Ким уларни бир-бир ушлаб итоатта келтирди?
Жо-бажо бўлаётир унинг барча ишлари,
Ҳатто замин таъзимга келаётир ул сари.
Кудратидан аёнки, ҳатто қасд қилиб тақдир,
Унга қарши чиқса гар, ўзи ожиз қоладир!
Мана, чиқди одидан газабкор маъбуд — Ажал,
Ва қиличин кўтарди қону жонига маҳтал.
Унинг мулозимлари, куллар беролмай ёрдам,
Қолди Ажал қошида бари ожиз, боши хам.
Дунёнинг ишлари шу: ким кўрсагса зўрини,
Тақдир бирма-бир ушлаб, сўлдиражак барини!

¹ Қуазум дengizi — Каспий денгизи.

² 11-бобга қаранг.

³ Нишопур — Хуросондаги асосий шаҳарлардан бири.

⁴ Хоразмшоҳ Мұхаммад Амударё бўйларидан Ироқ томонга йўл олади. Йўлда уни сафдошларидан бир гуруҳи — Туркон хотуннинг қариндошлари, Уран қабиласидан бўлган одамлар ўлдирмоқчи бўладилар. У бу сунқасдан огоҳлантирилади ва мулозимлари, шахсий кўриқчилари билан Нишопурга қочади. Уранликлардан етти минг киши Чингизхон томонга ўтиб кетади. Хоразмшоҳ Нишопур йўлида Калат қалъасида бўлади ва уни 617 йилнинг сафар ойининг 12 кунида (1220 йил 18 апрель) тарк этади.

Жувайний маълумотига кўра, Хоразмшоҳ Нишопурда 617 йил раби аввалнинг 7 кунигача бўлади (1220 йил 12 май). У одамларнинг шаҳарни мустаҳкамлаш ҳақидаги гапига қулоқ солмасдан вақтини ўйин-кулги билан ўтказади.

⁵ Тожиддин Умар ал-Бистомий — Хоразмшоҳ томонидан таинланган олтида вакилдорлардан бири. Бистомда (ҳозирги номи Бустом) машҳур суфий Абу Баёзид Тойфур Бистомийнинг (у 874 йилда вафот этган) мақбараси бор.

⁶ Ардаҳин — Дамованд ва Мозандорон ўртасидаги тоғда жойлашган мустаҳкам қалъа. У Райдан уч кунлик йўл ҳисобланади. Рашидиддин уни Ардаҳин деб ёзади.

⁷ Хоразмшоҳ Нишопурдан кейин Жэбэ нўён ва Субутой Баҳодир қўшинлари таъзиби остида бир шаҳардан иккинчи шаҳарга, бир қалъадан иккинчи қалъага қочиб борадилар. Уни Чингизхоннинг огоҳлантирувчи номасини олган маҳаллий ҳукм-

дорлар яхши кутиб олмайдилар. Фарразин қалъаси яқинида у 30 минг лашкарлик қўшинга эга бўлган ўғли Рукниддин Фурсанжтий билан учрашади. Бу срдан улар Корун қалъасига йўл оладилар ва унинг ҳарамининг бир қисми шу ерда қолади. Шундан кейин Хоразмшоҳ ўғиллари билан Саржаҳон қалъасига борадилар. Бу қалъада у етти кун туради. Ундан кейин Исфизарга, сўнг Амул орқали Каспий дентизига чиқади. Ан-Насавийнинг асарида эса бу воқеалар сал бошқачароқ талқин этилади.

⁸ *Давлатобод* — Рай яқинидаги қишлоқ.

⁹ *Жил* — ҳозирги Филон шахри.

¹⁰ *Исфизар* — Мозандорон шаҳарларидан бири.

¹¹ Ҳар эҳтимолта кўра бу қишлоқнинг номи Добуя бўлса керак. У Амул яқинида бўлган.

¹² *Рукниддин Кобуджомий* — шу номдаги жойнинг ҳукмдори. Мўгуллар даврида Рукниддин ва унинг ўғли Имод ад-Давла Нусратиддин Кобуджомнинг испахбодлари бўлиб хизмат қилган.

¹³ В. Бартольд бу орол Ашур Ади бўлса керак, деб гумон қилади. Ибн ал-Асир бу хусусда бундай деб ёзади: “У (Хоразмшоҳ) Табаристон дентизи бандаргоҳи — Боб Сакунга етиб келди. Бу ерда дентизда қалъа бор эди. У ва унинг сафдошлари кемага кўтарилиган ҳам эдикি, тоторлар пайдо бўлдилар. Улар зўрга дентизга чиқишига ултурдијер”.

¹⁴ *Тожииддин Ҳасан* — Астробод муқтаси. Астробод Журжондаги катта шаҳарлардан бири ҳисобланади.

Сарҳанг — 500 лашкарга бош бўлган лашкарбоши.

¹⁵ Ихтиёриддин ҳақида 16-бобга қаранг.

¹⁶ Жувайнининг маълумотига кўра, Хоразмшоҳ Муҳаммал 617 йилда вафот этган. Равертининг ёзишича, у 617 йилнинг шаввопида (1220 йил ноябрь — деҳабрь ойларида) бандаликни бажо келтирган. Бу сана ҳақиқатга яқин, чунки Сун Цзи-Чжен ва Елюй Чу-цай асарларида бундай деб ёзади: “Гянъ-гэнъ йилининг қишида (1220 йил февралдан 1221 йил январигача) самода чақинлар кўп чақнади, бу ҳодиса ҳақида олийҳазрат (Чингизхон) сўради. Шунда жаноби олийлари Елюй Чу-цай бундай деди: “Со-ли-тань (Султон Муҳаммад) овлоқ жойда бандаликни бажо келтиради”. Кейинчалик ҳақиқатан ҳам шундай бўлди”. Ибн ал-Асир Хоразмшоҳ бу оролдаги қалъада вафот эттани ҳақида маълумот беради. Абул Фараж эса “Султон Аловуддин 620 йилда (1223 йил февраль — 1224 йил январь) Гиркон дентизи бўйидаги мустаҳкам қалъага кириб беркинди ва дорулбақоға риҳлат қилди”, деб ёзади.

¹⁷ Ас-Суотий айтишича, Хоразмшоҳни кафанга унинг хизматкори Шош ал-Фаррош ўраган. Демак, бу ишни қилган одам Муқоррибиддин бўлиб чиқади.

**ШИҲОБИДДИН АЛ-ХИВАҚИЙНИНГ ХОРАЗМДАН НАСАГА
КЕЛИШИ, ТОТОРЛАРНИНГ УНИ ЎЛДИРИШИ ВА НАСА
АҲОЛИСИНИ ҚИРИШИ БАЁНИ**

Шиҳобиддин Абу Саъд ибн Имрон (Оллоҳ ундан рози бўлсин!) машхур фақиҳ, аш-шофиғия мазҳабидаги атоқли муфтилардан бири эди¹. У диний хукуқдан (ал-Фикҳ-дан) ташқари табобат, нахв, фалсафа, нотиқлик санъати, тил, тадбиркорлик илмларини ҳам яхши биларди. “Фалак қозиси” унинг баҳтига ҳавас қиласади. Аторид эса ундан сабоқ олишга иштиёқманд эди. Энг заковатли, фикри теранлар ҳам унинг ақл-фаросати олдида кул бўлишни истарди, энг ўтқир зеҳнлилар ҳам унинг орзуларининг хизматкорига айланишни хоҳларди. У Султон ҳузурида шундай даражага эришгандики, бундан ортиғини орзу қилиш мумкин эмасди, чунки бундан ортиқ даражанинг ўзи йўқ эди. Султон у билан энг муҳим масалалар бўйича маслаҳатлашарди, жиддий муаммоларни ҳал қилишда унинг фикрларини эштирарди. Мулк, ер эгалари, уларнинг вазирлари, амирлар жумласига кирувчи олий даражали одамлар унинг эшиги тагида қатор-қатор бўлиб турганини кўп кўриш мумкин эди. Бу пайтда эса у одатдагидай имомларга сабоқ берётган бўларди. У Хоразмнинг бешта мадрасасида мударрислик қиласади ва буларда машғулотларни бошқалардан олдин тутатмасди. Сабоқлар тутагандан кейингина у Султон ҳожиблари билан уларнинг ишлари бўйича маслаҳатлашарди. Баъзан маслаҳат сўровчи унинг ҳузурига кириш учун бир йил ва ундан ортиқроқ ҳам кутишига тўғри келарди. Бу орада у уйига кетар, ишни битказиш, маслаҳат сўраш учун яна қайтарди. Унинг ишлари кўп эди, мамлакат катта, маслаҳат сўровчиларнинг эса кети узилмасди.

Султонда номалари, мактублари охирига “Ягона Оллоҳдан умид қиласман” деган сўзлар битилган ўз шахсий белгисини кўйиши учун муҳр зарурати туғилганди. Фармонлар остига ушбу сўзлар битилган белгини кўйишни унинг катта қизи Хон Султон ўз зиммасига олганди². Чунки фармонлар шунчалик кўп эдик, уларнинг остига белги

Қўйиб чиқиши учун Султон кўп вақтини сарфларди. Бу эса уни бошқа зарур ишлардан чалғитарди. Щу сабабли кейинги йилларда у шахсий белгисини алоҳида муҳим ишлар бўйича битилган фармонлар остиагина қўярди.

Бу ўринда ҳам Шиҳобиддин Абу Саъднинг мавқеи юксаклигини намоён қўлувчи бир ҳолат бор эди. Одатда ҳукмдорларга, маликларга ким бўлишидан қатъий назар, фармон жўнатилганда, улар номи ҳужжатнинг охирида вазир исмидан кейин келтириларди. Шиҳобиддинга келадиган ва ундан юбориладиган номаларда эса унга хурмат-эҳтиром юзасидан, исми вазирдан кейин ёзилмасин деган мақсадда номи битилмасди. Унинг ўрнига қуйидаги сўзлар ёзиларди: “Султон амри билан, Оллоҳ бу ҳукмдорнинг давлатини қудратли қўлсин, олий фармонига мувофиқ унинг улуғворлиги мангу бўлсин!” Шундан кейин вазирнинг лақаблари келтириларди ва юборилган номанинг жавоби бериларди.

У (Шиҳобиддин) Хоразмда шафиъийлар масжиди қошида катта кутубхона қурдирди. Бундай кутубхона унгача ҳам қурилмаганди, ундан кейин ҳам барпо этилмади. У Хоразмдан кетар экан, унга қайтиб келиш умиди йўқлигини билди. Шунинг учун китобларини қолдиргиси келмади ва улардан энг яхшиларини танлаб ўзи билан бирга олди. У Насада ўлдирилганидан кейин китоблари авом халқ қўлига тушиб таланди. Мен унинг китобларини кўп изладим, лекин улардан айримларинигина тўплай олдим. Уларни тақдир менинг бошимга ташвишлар солгунча, бегона юргларга сарсон бўлиб кеттунимча сақладим. Шундан кейин тўплаган бор бойлигимни, меросимни қатъада қолдирдим. Эндиликда қатъада қолдирган меросим ичida ўша китоблардан ажралганимга афсусланаман.

Шиҳобиддин хоразмлик кўплаб одамлар билан Насага келгач бу ерда тўхтади ва Султон хизматига бориш учун унинг келиши ҳақидаги хабарни кута бошлади. Ниҳоят, унинг Нишопурга келгани ва у ердан тезлик билан кетгани хусусидаги хабарни эшитди. У нима қилишини билмай асабийлашди, фикрлари чалкашди, аввалги қатъийлигини йўқотиб талвасага тушди. Ана шундай кунларнинг биррида Наса амири Баҳовуддин Муҳаммад ибн Абу Саҳл қайтиб келди. У Султоннинг кўркув ва ваҳима туфайли

қочганини, қочиш олдидан ўзини Насага қайтишга буюрганини айтди. Одамларга Султоннинг қуидаги огоҳлантирувчи гапларини етказди: “Бу ёгий бошқа душманлар кўшиналарига ўхшамайди. Бундай пайтда энг яхши ҳаракат мамлакатни ташлаб чиқиб кетиш, маълум муддат қумлар ва тоғлар бағрида жон сақлаш. Бу пайтда улар юргимизни талон-тарож қиласилар, қўллари ҳам, кўзлари ҳам бойлика тўядилар ва қайтиб кетадилар. Одамлар уларнинг қўққисдан хужумларидан сақланиб қоладилар. Агар шундан кейин Наса аҳолиси қалъани қайта тиклаш нияти бўлса (қалъани Султоннинг ўзи буздирган эди), биз уларга қайта куриш ва ҳимояланиш учун рухсат берамиз”.

Султон Такиш ўз вақтида Насани босиб олиш учун бир неча бор уринган эди, лекин буни амалга ошиrolмаганди. У куч билан босиб ололмаганидан кейин шаҳар ҳукмдори Имодиддин Муҳаммад иби Умар иби Ҳамза билан тинчлик битими тузганди³. Бу битим унинг бўйнига Султонга қарам бўлиш сиртмоғини солган ва унга Хурросоннинг Насага яқин ҳамда узоқ бўлган бошқа шаҳарларини босиб олишда иштирок этиш мажбуриятини ҳам юклаган эди. Султон Хурросонда ўзига қарам бўлмаган бирорта ҳам шаҳар қолдирмади.

Такиш ўлимидан кейин бир йил ўтар-ўтмас Имодиддин ҳам бандаликни бажо келтирди. Орадан олти ой ўтганидан сўнг унинг катта ўели ва меросхўри Носириддин Сайд ҳам ўлди. Айтишларича, у отаси олдига кимнидир юборганмиш ва шу одам унга заҳар берганмиш. Бироқ, отасидан кейин унинг ўзи ҳам ҳукмдорлик лаззатидан кўп баҳраманд бўлмади.

Шунда Султон Насага одам юбориб, унинг кичик ёшдаги болалари ва хазинасини Хоразмга олдирди. Имодиддиннинг болалари бу ерда зинданда сақланди. Тоторлар келгач улар ҳам зиндандан қутилди, бу ҳақда кейинроқ баён қиласиз.

Султон улар қўлидан Насани тортиб олганидан кейин уни бузишни буюрди ва қалъа бутунлай бузилди. Қалъа ўрни омоч билан ҳайдалиб, арпа экилди. Наса тепаликда барпо этилган энг гаройиб қалъалардан бири эди. У бошқа қалъалардан катталиги ва бағрига кўп одам сифдира олиши билан ажралиб турарди. Шаҳар аҳолиси орасида

Фақир ва бойлар учрамасди, уларнинг ҳар бири ўз уйи
ки саройига эга эди. Унинг ўртасида ҳукмдорлар учун
бошқа яна бир қалъя курилганди. У бу қалъадан баландга
курилган бўлиб, ундан сув оқиб тушарди. Пастки қалъа-
да сув етмиш кулоч ер остидан чиқарди. Бунинг сабаби,
айтишларича, юқори қалъя тоғ устига курилган бўлиб,
унда булоқ бор экан. Пастки қалъя эса тоғ этагида барпо
этилган дейишади.

Форслар шоҳи Гиштосп даврида Наса турклар ва форс-
ларни бир-биридан ажратадиган, қарама-қарши томон-
лар ўртасидаги чегара бўлган. Шу сабабли аҳоли жон сақ-
лаш мәқсадида тоғга яқин жойга қалъя барпо этган. Қалъ-
анинг катталиги ва аҳолисининг кўплиги ҳам шундан экан.

Шундан кейин одамлар Баҳовуддин Мұхаммад ибн Абу
Саҳл орқали Султон гапларини эшитганларидан сўнг ша-
ҳарни ташлаб кетишга эмас, уни қайта куриб, мустаҳ-
камлашга киришдилар. Вазир Зоҳирiddин Мастьуд ибн ал-
Мунаввар аш-Шоший бошчилигига ҳашар ҳамда бошқа
йўллар билан қурилиш ишлари бошланди. Натижада унинг
атрофига, худди бое атрофига қурилгандек, девор барпо
этилди. Одамлар унинг ичкарисига кириб ўрнашдилар. Ши-
ҳобиддин Абу Саъд ибн Имрон ал-Хивақий ва Хоразм-
дан келган бир неча одамлар ҳам улар билан бирга қол-
дилар. Шиҳобиддиннинг бу ерга келганини эшитган амир
Тожиддин Мұхаммад ибн Саъд, унинг тоғаси амир Из-
зиддин Кайхусрав ва Ҳурсоннинг яна бир қанча амир-
лари уни ҳузурларига таклиф қилиб, бу оғир, ташвишли
кунларда бирга бўлишга унладилар. Бу султонга хизмат
қилган одам сифатида унинг ўзига ҳам фойда бўлишини,
ўзларининг ҳимояси эса уни ҳар хил ғаламис одамлар-
нинг босқинчилигидан асранини таъкидладилар.

Чингизхон Ҳурсон юриши учун ўз куёви Тоғочор нўён
ва амирларидан бири Беркай нўённи ўн минг отлиқ лаш-
кардан иборат қўшинга бош қилиб жўнатди⁴. Уларга мам-
лакатларни талаш, ўт қўйиб кулини кўкка совуриш, одам-
ларни ўлдириш, уй-жойларидан айриш, бу масканларда
ҳаётни батамом сўндириш буюрилган эди. Шу қўшиндан
бир бўлаги, Белқуш деб номланган таниқли амир бошчи-
лигидаги лашкарлар Насага ҳам етиб келишди. Наса аҳолиси
уларни ёй ўқлари билан қарши олишди. Ўқлардан бири

Белқушнинг кўкрагига тегди ва у отдан йиқилиб ўлди. Шундан сўнг улар (тоторлар) Наса аҳолисидан қасд олишга ва уни бошқа шаҳарлардан олдин қамал қилишга киришдилар. Хурсоннинг ҳамма томонларидан қўшинларини йиғиб, барча кучларини тўплаб тун зулмати сингари қалъани ўн беш кун қамал қилдилар, жанг кечаю кундуз давом этди. Уни босиб олиш учун йигирмата маңжаниқ ўрнатдилар. Бу маңжаниқларни Хурсоннинг турли вилоятларидан йиғилган одамларга судратиб келдилар. Улар (тоторлар) асиirlарни ўқлар ёмғири остида уйлар яқинига ёғоч ва терилардан қилинган тўсикларни олиб бориб ўрнатиш учун юборардилар. Агар асиirlар тўсикларни деворлар остига олиб бориб ўрнатмасдан орқага қайтсалар, бошини танасидан жудо қиласидилар. Шу сабабли улар ўзлари истамаган ҳолда тўсикларни деворлар остига олиб бориб ўрнатишга мажбур бўлдилар. Сўнг тоторлар курол-яроғларини олиб тунда ҳужумга ўтдилар. Улар қалъя деворларини эгаллаб олдилар. Наса аҳолиси уйларига кириб яшириндилар. Тонг отгач тоторлар деворлардан тушиб, чўпонлар молларни ҳайдагани каби одамларни уйларидан қувиб чиқариб, Адрабон деб номланган ялангликка тўпладилар.

Тоторлар одамларни — эркаклар, аёллар, болаларнинг ҳаммасини ялангликка олиб чиқмагунча бирорта буюмга кўл урмадилар. Атрофни чанг-тўзон, бақириқлар ва йиғи босиб кетди. Кейин улар одамларга бир-бирини қаттиқ қилиб боғлашни буюрди. Улар буйруқни бажаришли. Агар улар бу буйруқни бажармасдан, жанг қилмай, бир-бирларини ҳимоя этиб турли томонларга қочиб кетганларida ҳам кўплари қутилиб қолган бўлардилар. Чунки тоғ яқин эди. Улар бир-бирларини боғлаганларидан кейин тоторлар улар ёнида камонлари билан ҳозир бўлдилар. Ўша куни қанча одам ҳайвонлар ва паррандалар учун тайёр луқмаларга айландилар. Қанча қонлар тўкилди, қанча аёллар номусига тегилди, болалардан қанчасининг боши кесилиб ўлган оналари бағридан жой олди. Ўша куни Наса ва унинг атрофидаги жойлардан олиб келиниб қатл қилинганлар сони етмиш мингдан ошди. Бу ер бор-йўғи Хурсондаги масканлардан бири эди, холос!

Шиҳобиддин ал-Хивакий ва унинг яхши тарбия топган ўғли Сайид Тожиддин қўли боғланган ҳолда Тоғо-

тор нўён ва Беркай нўён қошига олиб келинди. Шу билан бирга Шиҳобиддиннинг бойликлари солинган сандиқни ҳам келтиришиди. Олтинлар бу тотор нўёнлари ўртасида ўлиб олинди. Улар ота-бала иккаласи ҳам ислом ҳимоячилари сифатида қатл қилинди. Шиҳобиддин Насадаги Мил Жафта қабристонига дағғи этилди.

¹ Шиҳобиддин Абу Саъд ибн Имрон ал-Хивақий — Мұхаммад үкмронлиги давридаги Хоразмшоҳлар давлатининг атоқли арбобларидан бири. “Ислом устуни ва мамлакат таянчи”. 600 йилнинг рамазонида (1204 йил май-июнь ойларида) Фур ҳукмдори Шиҳобиддин Мұхаммад ал-Фурый (1203-1206 йиллар) Хоразмшоҳлар пойтахти Гурганжни қамал қылганида имом Шиҳобиддин ал-Хивақий ахолини шаҳар ҳимоясига чакиради. 617 йилда мұгул савдогарлари ўлдирилгандан кейин Хоразмшоҳ Мұхаммад Самарқандда ҳарбий машварат чакиради. Шиҳобиддин ал-Хивақий бу машваратда Хоразмшоҳга күп соңли барча қўшинларини (400 минг лашкар!) тўплаб Сирдарё бўйига олиб чиқишини ва узоқ йўлдан ҷарчаб келган мұгуллар устига хужум қилишини маслаҳат беради. Бирок Мұхаммад бу фойдали маслаҳатга қулоқ солмайди ва қўшинларини шаҳарларга бўлиб юборади.

Шиҳобиддин ал-Хивақий таваллуд топган маскан Хива ахолиси исломнинг шафиъийлар мазҳабига мансуб ҳисобланади. Хоразмшоҳлар давлатининг бошқа шаҳарлари ахолиси эса ҳанафийлардан иборат.

² 18-бетта қаранг.

³ Имодиддин Мұхаммад ибн Умар ибн Ҳамза ан-Насавий — Наса шаҳрига ҳукмдорлик қылган раислардан бири. У 1201 йилда ўлган. Бу сулола вакиллари кўп бўлган. Носириддин Саид унинг катта ўғли. 27, 29, 41-бобларда тилга олинадиган Ихтиёриддин Зангий ибн Мұхаммад ибн Умар ибн Ҳамза — унинг иккинчи ўғли. 30, 41-бобларда эслатиладиган Нусратиддин Ихтиёриддиннинг ўғли.

⁴ Тоғочор нўён — Чингизхоннинг куёви (кўрагони). В. Бартольд уни Тоқучар билан адаштиради. Тоғочор нўён Қорачар нўённинг укаси эди.

Беркай нўённи В. Бартольд Жалойир қабиласидан чиқсан Берка билан адаштиради. Рашидиддин маълумотига кўра, Берка Жэбз ва Субутой билан жангларда бирга қатнашган.

**СУЛТОН ҚОЧГАНИДАН КЕЙИН ХУРОСОНДА
РҮЙ БЕРГАН ВОҚЕАЛАРНИНГ ҚИСҚАЧА ТАФСИЛОТИ
(БАТАФСИЛ ТАСВИРЛАШГА ЭХТИЁЖ ЙЎҚ, ЧУНКИ ҲАММА
ЖОЙДА АҲВОЛ БИР-БИРИГА ЎҲШАРДИ:
ЎЛИМ ВА ВАЙРОНАЛИК ДАВОМ ЭТАРДИ)**

Султон ўзини ҳимоя қилиш мақсадида Хурон вилоятларини орқада қолдириб Ироқ сари қочганида унинг кетидан Жэбэ нўён ва Субутой Баҳодир таъқиб қилишга тушди. Лаънати Тогочор ва Беркай ҳам дарё (Жайхун)-дан кечиб ўтиб Хуронга юриш қилди, Насада юқорида ҳикоя қилганимиз воқеа рўй берди. Улар (тоторлар) алоҳида кўшиналар ташкил қилиб, Хуроннинг турли вилоятларига тарқалдилар, ёнғинлар қамрови янада кенгайди. Ўн минг отлиқ лашкарлардан иборат бу кўшин ҳар гал Хуроннинг бир масканига ҳужум қиласа экан, атрофдаги қишлоқлар (рустаклар)дан дехқонларни йиғиб шаҳарларга йўл оларди. Улар кучи билан манжаниклар ўрнатар, деворларни тешиб йўл очар, шу тариқа шаҳарларни босиб оларди. Шундан кейин бу ерда уйларда яшайдиган, ўчоқларга олов қалайдиган, ҳаёт нишонаси борлигини намоён этадиган ҳеч ким қолмасди. Ҳамманинг қалбини кўркув қамраб олганди, уйда нима бўлишини кутиб озод ўтирган одамдан кўра асир тушганларнинг кўнгли хотиржамроқ эди.

Бу пайтда мен Хурандиз номи билан машҳур бўлган ўз қалъамда эдим. У Хурондаги энг яхши қалъалардан бири ҳисобланарди. Мен аждодларимдан қайси бири бу ерда илк бор ҳукмронлик қилганини билмайман. Чунки, аждодларим ҳақидаги маълумотлар ҳикоя қилувчиларнинг уларга нисбатан муносабатларига қараб тез-тез ўзгариб турарди. Баъзан бир-бирига зид маълумотлар айтиларди. Мен эса бу борада бор ҳақиқатни айтишим лозим. Айтишларича, бу қалъа аждодларим кўл остига Хуронга ислом кириб келган вақтлардан бошлиб қарам бўлган экан. Яна ким билади дейсиз. Бу борада Оллоҳдан ўзга яхши билгувчироқ йўқдир!

Олам алғов-далғовлар бағрига кўмилган ушбу кунларда эса қалъа асирилкдан қочганлар, кўркув туфайли са-

рсимага тушганлар учун бошпана вазифасини ўтарди, унки у вилоят ва теварак-атрофдаги бошқа жойлар учун ам марказга айланганди. Бир пайтлари ўз мулозимлари-эга бўлган мансабдорлар ва беҳисоб бойликлари туғайли танилган мулкдорлар бу ерга оч, яланғоч ҳолда имоя излаб қочиб келишарди. Мен уларни имкон қадар сийинтиридим, едириб-ичирдим, ёрдам бердим. Кейин уларни қиличлар тифидан омон қолган қариндошлари, қынлари хузурига йўлладим. Улар (тоторлар) Хурсон-динг энг чекка нуктатарини босиб олгунча қадар қиринбаротлик фаолиятларини давом эттиридилар.

Тоторлар орасида Хабаш исмли одам бор эди. У Устува-Хабушоннинг Қосижа деган масканидан экан¹. Хабаш сарханг эди, лекин улар (тоторлар) уни масхаралаб, устидан кулиш учун малик унвонини бўрганди. Уни имонътиқодидан қайтганларга раҳбар қилиб кўйишиди ва манжаниклиарни ўрнатиш, пиёдаларни бошқариш ишини ҳам унга топширишиди. Одамлар у туфайли оғир мусибатларни, чидаб бўлмас даражадаги хўрлик ва азобларни бошдан кечирдилар. У маккорона ҳийалалар ўйлаб топарди. Маълумки, Хурсонда ҳар бир қишлоқ ўз ҳимоя деворига, хандақига ва масжидига эга эди. Шу сабабли уларнинг раисларининг ҳам мартабаси улуғ ҳисобланарди. У шу қишлоқлар раисларига номалар йўллай бошлади. Но-маларида раисларга кўл остидаги одамларни белкурак, кетмон, ўқ-ёй ва умуман; қамал пайтида керак бўладиган курол-яроғлар билан бирга ўз хузурига олиб келишни буюради. Агар раислар буйруқни бажариб, хузурига келса, у (Хабаш) уларнинг кучига таяниб бирор шаҳарни қамал қилишга киришарди. Уни босиб олиб, аҳолисини оғир қийноқларга соларди. Агар раислардан кимдир унинг буйруғига итоат этмаса ва айтганини қилмаса, у ўша қишлоқнинг ўзига қарши юриш бошларди. Уни қамал қилар, ҳамма нарсани бузар, раис ва қишлоқ аҳлини қиличдан ўтказдирар эди.

Улар (тоторлар) аввал бошқа жойларни қўлга киритиш, ўзларига бўйсундириш мақсадида Нишонтур қамалини кейинга қолдирдилар. Бу пайтда улар босиб олган ва ўз мулки ҳисоблаган жойларда йигирмадан ортиқ шаҳарлар бор эди. Аввал шу шаҳарларни талаш ва бузиш ишлари билан

шугулландилар. Шундан кейин улар барча кучларини йигиб Нишопурга йўл олдилар. Бу шаҳарнинг бўйсунмас ахолисидан қасос олишга интилдилар. Шаҳарда бу пайтда Хуросоннинг барча қисмидан қабилалар, уруғлар-аймоқлар вакиллари тўплланган эди. Тоторлар шаҳарга яқинлашганда аҳоли уларга қарши жанг бошлади. Жангда лаънати Тоғочорнинг кўксига ўқ қадалди ва бу ўқ кўп одамларни унинг зулмидан холос этди. У “юракларга қадар етгувчи Оллоҳнинг ёкиб кўйилган бир оловига” ташланди*.

Аҳолининг, авомнинг бу даражада катта қурратга эга эканлигини кўрган тоторлар Нишопурни кўшимча кучларсиз қўлга киритиб бўлмаслигини англалилар. Улар қамални тўхтатиб, ёрдамга кўшин юбориш тўғрисида Чингизхонга мурожаат қилиб, нома жўнатдилар. У (Чингизхон) улар ёнига Шики Кутуку нўён, Китбуқо нўён, Тўлон Чарби ва бошқа амирлар бошчилигига эллик минг отлиқ лашкардан иборат кўшимча кўшин жўнатди. Улар Нишопурга олти юз ўн саккизинчи йил охирида (1222 йил февралида) етиб келдилар ва уни қамал қилдилар³. Бу воқеа Жалолиддин Ҳиндистонга кетганидан кейин рўй берди. Агар Оллоҳ имкон берса, бу ҳақда кейинроқ тўхталамиз.

Тоторлар шаҳарнинг шарқий томонига, Нушжон қишлоғига келиб тўхтадилар. Қишлоқнинг суви яхши, дараҳлари кўп эди. Улар бу ерда қамал қуроллари — химоя девори (матарис), юрувчи қалъя (даббаба), тош отиш асбоби (манжаник), оғир тўқмоқ (жамалунот)ларни ҳозирладилар. Улар бу қуролларни Нишопур яқинига олиб келишиди. Икки юздан ортиқ манжаник билан шаҳарга тош отишиди. Уч кундан кейин улар Нишопурни босиб олдилар ва бошқа шаҳарлар қандай кулфатга учраган бўлса, у ҳам шундай мусибатта гирифтор қилинди. Шу билан бирга шаҳар сувга бостирилди. Ҳамма ёқقا баҳтсизлик панжасини урди, йифи-сиги авжига чиқди. Кейин тоторлар асиirlарга шаҳар ўрнини чавгон ўйнаганда отлар қоқилмайдиган дараҷада ер билан бир қилиб текислашга буюрди. Шаҳар ахолисининг аксарият қисми унинг остида қолиб ҳалок бўлди. Чунки улар қамал бошланишдан аввал ертўлалар, ер ости йўллари қазиб, у ерда жон сақлаш умидида эдилар.

Жалолиддин, юқорида эслатганимиз, Ҳиндистон юришидан қайтганидан кейин Хуросон вилоятларини ва улар-

га чегарадош бўлган Ироқ, Мозандорон ерларининг айрим қисмларини ҳам босиб олди. Ўшанда бу ерларда харобаларга айланган шаҳарлар остидаги хазиналарни йиғиб олиш ишлари йўлга кўйилганди. Хазина йигувчиларнинг бир йиллик бадал ҳақи уч минг динордан иборат эди. Бадалчи аксарият ҳолларда бу маблағни ўзиники қилиб оларди, чунки бундай маблағни у бир кунда тошарди. Пуллар, бойликлар собиқ эгалари билан биргаликда харобалар остида, чуқурликларда беҳисоб тарзда кўмилиб ётарди. Бундай хазиналар эса Хурсон, Хоразм, Ироқ, Мозандорон, Аррон, Озарбайжон, Фур, Фазна, Бомиён, Сижистондан тортиб то Ҳиндистон чегараларига қадар давом эттан мамлакатларнинг кўплаб шаҳарлари харобалари остида мавжуд эди.

Агар мен буларнинг барчаси ҳақида батафсил ҳикоя қилмоқчи бўлганимда эди, қамал қилинган шаҳарларнинг номинигина ўзgartиришимга тўғри келарди, холос. Шу сабабли гапни кўпайтиришга зарурат йўқ.

¹ Устува (Усту) — Хабушон теграсидаги ноҳиялардан бири. Хурсонда жойлашган.

² Мўгуллар Нишопурга биринчи марта 1220 йил нояброда ҳужум қилдилар. Лекин шаҳар ахолиси қаттиқ қаршилик кўрсатди ва улар чекинадилар. Бу вақтда Тоғочор нўён ўлдирилади. Баъзи манбаларда Тоғочор нўён эмас, унинг акаси Қорачор нўён ўлдирилади, деб ёзилади.

Мўгуллар Нишопурга иккинчи марта ҳужумни 1221 йилнинг 7 апрелида бошлайди. Шаҳар деворлари 9 апрелда бузилади. 10 апрелда эса шаҳар босиб олинади. Бу ўринда ан-Насавий келтирган сана баҳсли.

24-БОБ

СУЛТОННИНГ ЎЕЛИ ЖАЛОЛИДДИН МАНГУБЕРДИНИ ТАХТ ВОРИСИ ҚИЛИВ БЕЛГИЛАШИ ВА ҚУТБИДДИН ЎЗЛОФШОҲНИ ТАХТ ВОРИСЛИГИДАН ЧЕТЛАТИШИ БАЁНИ

Аввал айтганимиздек, тахт вориси қилиб Кутбиддин Ўзлофшоҳ тайинланган эди. Бу ўша пайтда Туркон хотуннинг ва унинг атрофидаги яқин-йироқ одамларнинг орзу-истаклари ифодаси сифатида амалга ошганди.

Оролда Султоннинг касали зўрайғандан кейин ва онаси асирика тушганини эшиттанидан сўнг у Жалолиддинни ҳамда ўша пайтда оролда бўлган унинг укалари — Ўзлоғшоҳ ва Оқшоҳни хузурига чақирди. Ва уларга бундай деди: “Мамлакатда ҳукмронлик ишлари узилди, давлат асослари кучизланди ва емирилди. Бу душманнинг асл мақсадлари нима эканлиги аён бўлди: унинг тирноклари ва тишлари мамлакат баданига қаттиқ ботди. Мен учун улардан қасосни фақат ўғлим Мангуберди олиши мумкин. Шу учун, мана, уни тахтим вориси қилиб тайинламоқдаман. Сизлар иккалангиз эса унга бўйсунишларингиз ва амрига қулоқ осишларингиз керак”. Шундан кейин у қиличини ўз қўли билан Жалолиддиннинг белига осиб қўйди. Бу воқеадан сўнг у бир неча кун ящади ва вафот этди.

Яратганинг хузурига йўл олди. У қабрга ўз аламлари билан бирга кўмилди. Оллоҳ уни ўз паноҳига олсин!

25-БОБ

ТУРКОН ХОТУННИНГ ХОРАЗМДАН КЕТИШИ ВА УНДАН КЕЙИН БУ ЕРДАГИ АҲВОЛ БАЁНИ

Юқорида айтганимиз Туркон Хотун Хоразмни тарк этар экан, шаҳарда оммани бошқарадиган ва ишларни тартибга солишга қодир бўлган бирортани қолдирмади. Шаҳар ҳокимлигини Али Кўҳи Дуруган ўз қўлига олди¹. У муттаҳам ва жанжалкаш одам эди. Уни ащаддий ёлғончилиги учун Кўҳи Дуруган деб аташарди. Унинг исми “Тоғдай ёлғон” деган маънони билдиради.

Унинг раҳбарлик ишларida укувининг йўқлиги, оммани бошқариш қонунларини яхши билмаслиги, ишни ташкил этишда қобилиятининг етишмаслиги сабабли одамлар оғир аҳволга тушдилар. Гангид қолдилар. Салтанат олдиаги кўркув барҳам топди. Ҳар ким ўз таъбига кўра яшай бошлади, бу одамлар ўртасидаги қарама-қаршиликни, кўролмасликни, ўзаро душманликни келтириб чиқарди. Девонга келадиган даромадлар ҳар бир олғир учун ўғирлик манбаига, ҳар бир йиртқыч учун ўлжага айланди. Агар у (Кўҳи Дуруган) бирор жойга 100 минг динор хирож юбориш тўғрисида талабнома йўлласа, унга минг динор кел-

тириб беришарди. У шунга ҳам кувонарди. Чунки у бу пулни ўзига хурмат-эҳтиром юзасидан юборилган, мансабига иззат-икромнинг белгиси бўлган совфа деб биларди.

Бу ҳол Хоразмга Султон ўлимидан кейин девон ноибларининг айримлари, жумладан, ал-мушриф Имодиддин ва Шарафиддин Кўпак сингариларнинг келишига қадар давом этди². Улар Султон номидан қалбаки мактуб тайёрладилар, чунки одамлар ҳали Султоннинг вафот этганини билмас эдилар. Шу тарзда улар девон маблағларини кўлларига олдилар. Кўхи Дурутан Султон ҳали ҳаёт эканлигини ва у тоторларга қарши курашаётганилигини эшиттан заҳоти ўзини ишбошиликдан четга олди.

Султон ўлимидан кейин Жалолиддин ва унинг икки укаси – Ўзлоғшоҳ ҳамда Оқшоҳ Хоразмга келгунча бу ердаги аҳвол шу тарзда қолди.

¹ Хоразмдаги жанжалкаш, муттаҳам Али Кўхи Дурутани В. Бартольд ва Ж. Бойль сипоҳсолар Али Дурутиний билан адаштирадилар. Биринчи кимсанинг хатти-ҳаракатлари Ҳурсонда унинг сипоҳсолар даражасига етишига имкон бермас эди. Назаримизда, бу ерда иксита бошқа-бошқа одамларнинг номлари алмаштирилган.

² Мушриф – девонда молиявий назорат ишларида хизмат қиласидиган одамга айтилган. Шарафиддиннинг Кўпак тахаллуси кучук маъносини беради. Бундай тахаллуслар ўша пайтларда кўп бўлган.

26-БОБ

ЖАЛОЛИДДИН ВА УНИНГ УКАЛАРИ ЎЗЛОҒШОҲ, ОҚШОҲНИНГ ХОРАЗМГА ҚАЙТИШИ ҲАМДА УЛАРНИНГ НИЗО САБАБЛИ ИККИ ҚАРАМА-ҚАРШИ ГУРУХГА БЎЛИНГАН ҲОЛДА БУ ЕРДАН ЖЎНАБ КЕТИШИ БАЁНИ

Аввал ёзганимиздек, Султон Оллоҳ ҳузурига равона бўлиб, оролга кўмилганидан кейин Жалолиддин юқорида эслатилган икки укаси билан денгиздан ўтиб Хоразмга етиб келди. Улар билан етмишга яқин отлик лашкарлар бор эди. Хоразмга яқинлашганида хоразмликлар уларни отлар, курол-яроғлар, туғлар билан кутиб олдилар.

Чунки уларнинг келиши билан чалқашликлар барҳам топди, юртда аҳвол яхшиланди. Одамлар уларнинг келишидан қувондилар. Бу оғир касалга мубтало бўлган одамнинг шу касални даволашга малҳам бўлувчи дори топганидай қувонч эди. Ёки одамлар кимни кўришмоқчи бўлса, ўша одам гўё ўз дўстлари ёнига қайтганди.

Султон қўшинларидан қумлар бағрида яшириниб қолганлар ҳамда турли сабабларга кўра Хоразмга келганлар тўпланишиб, етти минг отлиқни ташкил этишди. Уларнинг кўпчилик қисми Баёт уруғидан бўлиб, йўлбошчиси ўзини Кутлугхон деб атаган Бужи Паҳлавон эди¹. Улар қариндошчилик жиҳатидан Ўзлогшоҳга мойил одамлар бўлиб, уни қўллаб-қувватларди. Шу сабабли улар Султоннинг таҳт ворисини алмаштириш ҳақидаги буйруғини тан олмадилар ва бу гапга ишонмадилар. Улар Жалолиддинни ушлаб дарёга чўқтириш ёки ўлдириш режасини туздилар. Жалолиддинга қарши пинҳона суюқасд тайёрланаётганидан Инонжхон хабар топади ва унга бу хабарни етказиб, кетишни маслаҳат беради². У шаҳардан чиқиб Темур Малик бошчилигидаги 300 отлиқ лашкарлар билан Хуросоннинг тоғли вилоятларига йўл олади³. Бошқалар (Оқшоҳ ва Ўзлогшоҳ) эса ундан кейин Хоразмда яна 3 кун қолишади. Улар Мовароуннаҳрдан Хоразм томонга тоторлар йўл олгани ҳақидаги нохуш хабарни эшишишади. Шунда улар ҳам Жалолиддин кетидан Хуросон томонга йўлга чиқади. Келгусида, агар Оллоҳ изн берса, биз сизларга аввал йўл тадоригини кўрганлар ва кейин йўлга чиқсанлар тўғрисида ҳам сўзлаб берамиз.

¹ Бужи Паҳлавон ҳақида 4-бобнинг 4-бўлимига, 16-бобнинг 6-бўлимига қаранг.

² Инонжхон ҳақида 4-бобнинг 5-бўлимига қаранг. (Бу тўғрида Жувайний, Жузжоний, Рашидиддин ҳам маълумотлар беради).

³ Жалолиддин Мангубердининг сафдоши Темур Малик Хўжандда мўгулларга қарши мудофаани бошқарган. Темур Малик шаҳар мудофаасини саклаб қололмайди ва минглаб қаҳрамон юртдошлари билан Сирдарё ўртасидаги оролга жойлашади. Темур Малик оролдан чиқиб мўгуллар устига бостириб бориб, уларга қаттиқ зарбалар беради. (Жувайний унинг мардлигини “Шоҳнома”даги Рустамнинг қаҳрамонлигига қиёслайди). Бироқ курол-яроғ ва озиқ-овқатнинг камлиги сабабли

Темур Малик оролни тарқ этишга, кемаларда дарёнинг қуи қисмига кетишга мажбур бўлади. Мўғуллар таъқибига учраган Темур Малик кўп лашкарларидан айрилади. Бироқ таъқибдан кутгилиб Жалолиддин лашкарлари сафига бориб қўшилади. У Жалолиддиннинг ҳаётининг сўнгти кунларигача бирга бўлади.

27-БОБ

НИЗОМИДДИН АС-САМЬОНӢ ВА УНИНГ ХУРАНДИЗГА ВАҚТИНЧА ТАШРИФ БУЮРИШИ ҲАМДА ҚЎРҚУВ ТУФАЙЛИ УНИ ТЕЗЛИК БИЛАН ТАРҚ ЭТИШИ БАЁНИ

Низомиддин ас-Самъоний насл-насаби улуғ, иззат-хурматта сазовор бўлган инсонлар авлодидан эди¹. Улардаги олижаноб фазилатлар зулмат орқасидан нур бўй кўрсатган, тун ўрнини кун эгаллаган замонлардан мерос бўлиб келарди. Буни ҳеч ким инкор қиласди. Агар кимдир улардан бирортасини учратса, “Мен улуғ одамни кўрдим”, дея фахрланарди. Низомиддин олижаноб, самимий, ҳатто юлдузлардан ҳам кўпроқ хусусиятларга эга бўлган улуғ инсон эди. Имкон бўлса, юлдузлар ҳам унинг оёқлари остига тўшалгиси келарди, машҳур нотиклар ҳам унга таъзим қиласди. У сўзлаганда нотиклар “гапдан тўхтамаса экан!” деб орзу қилишарди, ёзганида эса “Қани энди унинг ўн бармоғи ҳам ёзса” деб фикр билдиришарди.

У Султон ҳоҳишига кўра, давлат ишларида маслаҳатлашиш ва кенгашиш учун Хоразмга олиб келинганди. Султон туфайли у юқори мансабга эришганди, обрўси ҳам улуғ эди. У Султон хизматидан кетганидан кейин бошига ташвиш, кулфат тушмасдан бирор қалъага қириб жойлашиш ва хотиржам яшашга интилди. Хуандиз қалъасига келиб, бу ерда у икки ой яшади. У машҳурлигига ва мавқеининг юксаклигига қарамасдан қалъада бир неча бор ваъзхонлик қилди. Бунга кўнглидаги ишончсизлик ва дилидаги бекарорлик сабабчи эди. Эҳтимол, агар ундан Хоразмда оддий авом ҳалқ олдиди, одатдаги осойишталик ҳукм суриб турган пайтда ваъзхонлик қилишни илтимос этишса, сўзсиз рад қилган бўларди. У ваъзхонлик пайтида Султон ҳақида гапирав экан, ўзини йифидан тўхтата олмай қичқира бошлади, уни эшиштаётганлар ҳам йиги ва қичқириқ билан унга жўр бўлдилар.

Тоторлар Насани, Хурросоннинг шаҳарларидан дастлабкисини босиб олгани хабари бу ерга ҳам етиб келди. Насада имом Шиҳобиддин ал-Хивақий ўлдирилганини эшиттач, уни ҳам қўркув босди². Кўнглидаги номардлик туйгулари зоҳиран намоён бўлди. У мен билан қатъа деворининг мустаҳкамлигини кўздан кечириб чиқди. Деворнинг чумоли кўтарилимоқчи бўлса йиқилиб тушадиган, күш учеб ўтиши қийин кечадиган жойини кўрсатар экан: “тоторлар худди мана шу жойдан тепага кўтариладилар”, дея ваҳима қилди. Шундай бўлдики, Наса босиб олинганининг учинчи кунида тоторларнинг амирларидан бири Ночин нўён бу ерга етиб келди ва қалъадан тушиш имконияти бор жойни эгаллади³.

Низомиддин уларни кўрар-кўрмасдан яна қўркув гирдобида қолди. У мендан ўзини, мулозимлари, гуломлари, юқ ортилган ҳайвонлари ва умуман, кўч-кўрони билан тоғ орқали хавфсиз бир жойга етказилишини талаб қила бошлиди. Мен давлат устунлари ва ишонган хизматчилари бўлган бундай одамларнинг кўрқоқлигидан ҳайратга тушганимни, уларнинг бу ҳаракатларини маъқулламаслигими ни бекитиб ўтирмай очикчасига билдиридим. Улар қалъанинг ўзларини ҳимоя қилишига ишонмадилар, қандайдир куч душманларни бу ердан даф қилар, деб ўйладилар. Эй Оллоҳ, биз ҳимояга муҳтоjlардан ўзинг ёрдамингни аяма!

Шундай қилиб, номини эслатганимиз (Низомиддин) тунда қалъанинг фарб томонидан тоғлар орқали пастга тушибди. Тоторлар эса бу пайтда қалъанинг шарқ томонида жойлашгандилар. Улар тоғдан тепалик устига тушганлар, бу ердан ҳеч қаерга бориб бўлмасди, фақат унинг этагига бориб яна орқага қайтиш мумкин эди. Бунинг устига улар юқ ташувчи ҳайвонларининг бир қанчасидан ҳам ажралган эдилар. Низомиддин бир амаллаб Хоразмга етиб боради. Айни шу вақтда Султоннинг ўғиллари ҳам оролдан бу ерга қайтиб келишади. У ўзлогшоҳ номидан менга катта бойлик икто қилингани ҳақида фармон юбortиради.

Лаънати Ночин нўён қатъа самодаги бургутдай мустаҳкам эканлигини, унга кирадиган ҳам, чиқадиган ҳам тешик йўқлигини билгач, бир қанча талаблар кўйиб элчи жўнатди. У ҳаёсизлик билан ўн минг тирсак мовуг ва яна бошқа нарсаларни талаб қилган эди. Бу талаб қилингани нарсалар унинг

үятсизлиги, юзсизлиги, фаросатсизлиги белгиси эди. Унинг учун Наса аҳолисидан талон-тарож қилиб олинган кийимлар етмасмиди! Мен катта кулфатни кичик кулфат билан бартараф этиш мақсадида бу талабларга кўндим.

Мовут ва талаб қилинган бошқа нарсалар тўплангач уларни қалъадан ташқарига олиб чиқиб беришга ҳеч кимнинг юраги бетламади. Чунки, ҳаммага маълум эдики, тоторлар дуч келган ҳар қандай одамни ўлдирадилар. Учрайдиган одам элчими ёки ўзларининг талаб-истакларини бажараётibдими — уларга барибир эди. Ниҳоят, қалъя аҳли орасидан ошини ошаб, ёшини яшаб бўлган иккита чол бу ишни бажаришга кўнди. Улар болаларини олиб келдилар ва агар ўзлари ўлса, фарзандларига ҳам моддий, ҳам маънавий ёрдам беришимизни васият қилишиди. Мовут лаънатига олиб бориб берилди, у уни олди. Иккита чолни ўлдириб, қалъанинг атрофини тарк этди. Кейин улар қалъя атрофидаги жойларга хужум қила бошлиди, жуда кўплаб, чўл ва қирлар бағрига сифмайдиган миқдордаги ҳайвонларни олиб кетди. Йўлида ким учраса ўлдириди, уйлар ва боғларни ёкиб юборди. Ўшанда ғалати бир ҳол рўй берди: тоторлар босқини туфайли Хурсоннинг ҳамма нуқталарида қирғин, вайроналик давом этди. Хурандиз эса бошқалардан фарқли ўлароқ бундай хужумлар ва ўлимлардан омон қолди. Аммо қалъада ўлат бошланди ва аҳолининг кўп қисми нобуд бўлди. Қалъада ўлик кўмиш маросими шунчалик кўпайдики, тобутларни измайиз узлуксиз равишда қабристонларга олиб боришимизга тўғри келди. Ўлим фариштаси уларни қамал азобларидан халос этди. Бу дунёда ҳамма нарсага ўлим ато қилган қудратли кучнинг саҳоватига балли! Куйидаги мисраларни ким айтган бўлса ҳам хўб айтибди:

Қилич тифи етмаса бошга, ўлим барибир улфат,
Сабаблар турли-туман, лек натижа, ягона — кулфат!

¹ Низомиддин ас-Самъоний шахсини тўла аниқлаб бўлмади.

² Шиҳобиддин ҳақида аввалги бобларга қаранг.

³ Мўгул лашкарбошиси Ночин нўён ҳақида ҳам бошқа маълумотларни аниқлаб бўлмади. У Тоғочор нўён қўл остидаги лашкарбошилардан бири бўлса керак.

**ЖАЛОЛИДДИННИНГ ХОРАЗМДАН КЕТИШИ ВА БУНИНГ
САБАБЛАРИ БАЁНИ**

Жалолиддин укаси Ўзлоғшоҳ амирлари билан орқаворотдан тил бириктириб ўзини тутиб, йўқ қилишга келишганини билганидан кейин Темур Малик ҳамроҳлигида уч юз отлиқ лашкарларни олиб йўлга тушди. У бир неча кун ичиди Хоразм ва Хурросон ўртасида ястаниб ётган қумли заминни босиб ўтди. Унинг карвони эса одатдаги йўл орқали аста-секин юриб, дам олиб ўн олти кун деганда мўлжалланган манзилга етди. У қумлар бағридан ўтиб Наса вилоятига келди.

Чингизхон Султоннинг ўғиллари Хоразмга қайтиб келгани хабарини эшишиб ўша томонга катта қўшинини юборди. Хурросондаги қўшинларига эса юқорида эслатганимиз қумлар билан чегарадош заминда кенг ёйилган ҳолда кузатувчилик ишларини олиб борищни буюрди. Қўшинлар бу қумлар атрофини Марвдан то Faрава вилоятининг Шахристонига қадар ҳалқа шаклида ўраб олди¹. Улар Хоразмдан кувиб чиқариладиган Султон ўғиллари Хурросонга йўл олади ва шунда бу ерда осонгина ушлаймиз, деб ўйлагандилар. Наса яқинидаги қумга чегарадош жойда тоторларнинг етти юз отлиқ лашкари турарди. Жалолиддин қумлар бағридан чиқиб келгунча одамлар уларнинг бу ерда нимага турганлиги сабабини билмадилар. У тоторларга қарши бирдан жангга кирди. Ҳар бир томон бутун имкониятларини қўллаб душманини йўқ қилишга интилдилар. Барча қилич ва наизалар ишга солинди. Жанг тоторларнинг мағлубияти билан тугади. Уларнинг талончилик натижасида тўплаган бойликлари, куроллари, буюмлари, ҳарбий анжомлари, озиқ-овқатлари қўлга киритилди. Тоторлардан жанг бошланишидан олдин қочган бир-иккиталаригина кутилиб қолди. Бу мусулмонлар қиличининг улар қонига илк бор ботиши ва таналарини нимта-нимта тилиши эди.

Жалолиддин кейинчалик ишлари яхшиланиб, ҳокимијати мустаҳкамлангандан сўнг менга бундай деганди: “Агар сенинг бу тоторларнинг [яъни Наса яқинида мўгуллар]

бўлмаганда, уларнинг отлари ёрдам бермаганда эди, кумдан ўтишда чарчаб, ҳолдан тойган отларимиз билан Нишопурга етиб бора олмасдик”. Қилич ва найзалар зарбидан кутилиш имконияти қолмагач тоторларнинг бир қисми тартибсиз равишда қочиб шу яқин атрофдаги ер ости сув йўлларига яшириндилар. Лекин деҳқонлар уларни тутиб олиб шаҳар томонга кувладилар. У ерда эса уларнинг калласини танасидан жудо қилдилар.

Ўша пайтда мен Наса шаҳрида амир Ихтиёрилдин Занги ибн Муҳаммад ибн Ҳамза хизматида эдим. Амир ўшандада тоторлар билан Наса яқинида қандай жанг бўлиб ўтганини билмасди. Шу пайт унга Чораменд [Насадаги қишлоқлардан бири] раисидан нома келиб қолди Унда бундай дейилганди: “Бугун биз томонга қора түглар тутган уч юзга яқин отлиқ лашкарлар келишди. Улар орамизда Жалолиддин бор дейишиди ва Наса яқинида тоторларни қирғин қылганини айтишди. Биз уларнинг бири девор яқинига келмагунча бу гапга ишонмадик. Шунда у: “Сизларни бу эҳтиёткорликларингиз учун кечирса бўлади, Султон бу ишларингиз учун миннатдорлик билдиради. Бизлар учун бирор егулик ва отларимиз учун ем туширинглар. Қорнимизни тўйдириб, йўлимизда давом этишга ёрдам бўлсин. Акс ҳолда сизлар кейинчалик ҳақиқий аҳволни билиб афсус чекиб юрманглар”, деди. Раис яна бундай деб ёзганди: “Шунда биз уларга нима керак бўлса туширдик ва улар бир қанча вақтдан кейин йўлида давом этдилар”.

Шунда Наса ҳукмдори шаҳар яқинида ҳақиқатан ҳам Жалолиддин пайдо бўлганига ва тоторларга ҳужум қилганига ишонди. У яқинларидан бирини ўзининг Султон хизматига мунтазир эканлигини айттириш учун отлар ва юк ортилган хачирлар билан унинг ҳузурига юборди. Аммо у киши Жалолиддин ва унинг лашкарлари кетидан етиб боролмади. Жалолиддин Нишопурга жўнаб кетганди. Унинг кетидан отлар ва юк ортилган хачирлар билан йўлга чиққан одам Хурандиз қалъасида қолди. Бу қалъага уч кундан кейин тоторлардан қочган Ўзлоғшоҳ ва Оқшоҳ кириб келишди. Ўша одам отлар ва юк ортилган хачирларни уларга тортиқ қилди. Жалолиддин эса бу пайтда Нишопурга қудратли Оллоҳ инояти билан қиличини коғирлар қонига бўяган ғолиб сифатида кириб борди.

¹ Шаҳристон — Насанинг шимолида бир фарсах [6-7 километр] узоқликда жойлашган шаҳар. Фарава, араб сайёхларининг ёзишича, ҳозирги Кизил Арват [Кизил Работ] ўрнида бўлган. Ёкот бундай деб ёзди: (“Фарава — Хуросон ва Дихистон қумликлари оралиғидаги робот. Бу гузларга қарши чегара жойи ҳам ҳисобланади”).

29-БОБ

ЖАЛОЛИДДИН КЕТГАНИДАН КЕЙИН ҚУТБИДДИН ЎЗЛОҒШОҲ ВА УНИНГ УКАСИ ОҚШОҲНИНГ ХОРАЗМДАН ҚОЧИШИ, БУНИНГ САБАБЛАРИ ҲАМДА УЛАР ИККАЛАСИННИНГ КЕЙИНГИ ТАҚДИРИ БАЁНИ

Жалолиддин ўзига ботинан ва зоҳирлан қарши бўлганлардан четлашиб, хиёнаткорона миш-мишлардан сакланниш учун Хоразмни тарк этди. Шунда у тоторлар Хоразмга aka-укаларни ўз мақсадларига эришиш имкониятларидан маҳрум қилиш, уларнинг мустаҳкамланиб олиш ниятларини бартараф этиш, ва умуман, уларни бу ердан кувиб чиқариш учун кўшин юборгани хабарини эшилди. Шу сабабли Кутбиддин укаси Оқшоҳ билан бирга нима қилишини билмай Хоразмдан қочишига тутиндиги. Бу пайтга келиб у Жалолиддиндан ёрдам олиш ва ҳамкорлик қилиш имкониятини бой берган эди. Шунга қарамай у Жалолиддинни излаб кетидан йўлга тушиб, унга гоҳ ёрдамчи, гоҳ ракиб сифатида у бўлган жойларда бўлди. Шу тариқа Марж Шоиқда етиб келди. Бу ерда унга Жалолиддинга аталган совғалар-отлар, юқ ҳачирлар билан насалик одам дуч келди. Бу совға жуда оз ва арзимас бўлса ҳам катта эҳтиром билан қабул қилинди. У бу учун Наса ҳукмдорига вилоят теграсидаги ўз кўл остидаги айрим ерларни ҳам инъом қилди. Наса ҳукмдори бундан ғоят хурсанд бўлди. Аслида унга [Ўзлоғшоҳга] хавфсизлигини таъминлашса бас, шунинг ўзига ҳам қаноатланишга тайёр эди. Негаки, у Насага тоторлар даврида келиб ҳам қачонлардир ўзига мерос қилиб берилган ерларни ёрликсиз, Султон тасдифисиз, буйругисиз, унга эгалик ҳукуқини исботловчи ҳужжатсиз қайта кўлга киритганди.

Шундай қилиб, улар қўл остидаги мулкпардан келадиган даромадларни ҳисоблаш билан банд пайтда амакиваччам Саъдаддин бу ер хукмдори Жаъфар ибн Муҳаммад номидан чонар бўлиб келиб муҳим хабар битилган мактубни олиб кирди. У мактубида қальяга тоторлар қўшини келгани, Жалолиддин ҳақида сўрашаётгани, унинг мақсадлари, ундан кейин бу ерга Султон қўшинларининг қанчаси келгани тўғрисида маълумотлар йигаётгани хусусида огоҳлантириди. Тоторлар Ўзлоғшоҳнинг қальяга келганини билишмаганини эслатади. У мактубда яна тоторлар эътиборини бошқа нарсага жалб қилиш, тўқнащувнинг олдини олиш мақсадида ўзининг қальъадан ташқарига чиққанини, эндиликда Султон, яъни Ўзлоғшоҳ жангта кирадими ёки қочишга шайланадими, тадоригини кўришини айтади.

Ўзлоғшоҳ одамлари билан шу заҳотиёқ отларига миниб йўлга равона бўладилар. Тоторлар уларни Хабушон вилоятининг Устувасига қадар таъқиб қилиб боради ва Вашта қишлоғида етиб олади. У уларга қарши мэррани ёгаллайди ҳамда қўшинини сафлайди. Иккала томон ҳам жангда қурол-яроғларини аямай уришадилар. Жанг коғирларнинг мағлубияти билан тугайди, улар қочади. Ахир улар ўзлари излаб келган ўткир найзалар зарбига, учқур отли лашкарларнинг забтига бардош бера олармиди? Улардан [тоторлардан] отли лашкарлар ва яшириниб қолганлардан айримларигина қочиб кутилади.

Ўзлоғшоҳ ва унинг сафдошлари тез ғалабага эришганидан мағрурланиб кетадилар ҳамда тақдир ўзларига қандай келажак тайёрлаётганини унутадилар. Улар Хурросонда ўзлари қиличдан ўтказган ва жанг майдонидан қочиб кутулғанлардан бошқа тоторлар қолмади, деб ўйлаганди. Шундай қилиб улар ўз мэрраларида турғанларида лаънатиларнинг бошқа бир қўшини кутилмагандага ҳужум қилди. Улар ҳужум қилувчиларни англаб етмасдан маржон ўраган бўйиндеқ қуршовга тушиб қолдилар. Осон қийинга айланди. Ғалаба кетидан мағлубият келди.

Кафан кийди, қони билан бўялди буткул,
Нур бағрида яшил рангта айланганди ул¹.

У имон-эътиқод йўлида шаҳид бўлди. У билан бирга укаси Оқшоҳ ҳам ўлди, уларнинг сафдошлари ҳам қайгу-

алам ва ўлим шаробидан тотдилар². Тоторлар уларнинг, ака-уканинг бошларини найзалар учларига илдирган ҳолда орқага қайтдилар. Яхшиликка қасдма-қасд, ёмонликнинг тантанаси сифатида бу бошлар мамлакат бўйлаб олиб юрилди. Уларни кўрган халқ зимдан эзилди, гўё Ҳасан ва Ҳусайннинг фожиалари қайта тақорорлангандек эди³. Ҳа, ўз болаларини аччиқ тақдирга ва кулфатларга йўллаётган аёлларни, бу дунёга меҳмон бўлиб келиб, унинг урф-одатларига амал қилмаётганларни Оллоҳ ўз ҳимоятига олсин. Замон аёвсизликлари, тақдир бевафоликлари ёлғиз Оллоҳнинг ўзиандир. Е Оллоҳ, ўзинг асрарин!

Ҳалок бўлганларнинг нур таратадиган юлдузлар мисол қимматбаҳо тошлари бор эди. Тоторлар уларни изламадилар. Қишлоқ аҳли орасидан баъзилари ўликлар ёнига келиб, қимматбаҳо нарсаларни йиғиб олдилар. Бу нарсалар нималигининг фарқига бормай бозорларда энг паст баҳога сотдилар. Насанинг яна бир ҳукмдори Нусратиддин [Иҳтиёриддин Занги ибн Муҳаммад ибн Ҳамзанинг ўғли]нинг ҳикоя қилишича, у қимматбаҳо Бадахшон тошларидан бир нечтасини сотиб олган. Бу тошларнинг ҳар бири уч ёки тўрт мисқол оғирликда бўлиб, уларнинг ҳар қайсиси ўттиз ва ундан ҳам кам микдордаги динорга баҳоланган⁴. Юқорида эслатганимиз ҳукмдор [Нусратиддин] ўлганлардан топилган олмослардан бирини етмиш динорга сотиб олган ва кейинчалик уни Жалолиддинга берган. У [Жалолиддин] бу олмосни таниган ва шундай деган: “Бу тош укам Ўзлоғшоҳга тегишли эди. Уни Хоразмда укам учун тўрт юз динорга сотиб олиб беришганди”. Жалолиддин олмосни Ганжада бир заргарга узукнинг кўзига кўйиб бериш учун берган. Заргар уни йўқотганини айтган ва бу текширилганда тасдиқланган. Шаҳарда олмос йўқолганлиги тўғрисида икки кун давомида овоза қилинган, бироқ у топилмаган.

¹ Шоир Абу Таммолнинг [805-846 йилларда яшаган] ҳалифаликда ҳарбий бошликлардан бири Муҳаммад ибн Ҳамид ат-Тусийнинг Бобак билан жангда ҳалок бўлганида биттан марсиясидан.

² Жувайнининг айтишича: Ўзлоғшоҳ ва Оқшоҳ мўғуллар томонидан асири қилиб олинган ва икки кундан кейин қатл этил-

ган. Рашидиддин ёзишича, “Мўгуллар уларнинг шаҳзодалар эканлигини билмай ҳамма қатори қиличдан ўтказганилар”.

³ Тўртинчи халифа Али ибн Абу Толибининг [656-661 йилларда ҳукмронлик қилган] ўғиллари Ҳасан 669 йилда, Ҳусайн 680 йилда ўлдирилган.

⁴ Мисқол — 24 каратга, 4,68 граммга teng. Бу ўринда тошларнинг баҳосига қараб айтиш мумкинки, улар уч-тўрт мисқолдан оғирроқ, каттароқ бўлган бўлса керак.

30-БОБ

ЖАЛОЛИДДИННИНГ НИШОПУРГА КЕЛИШИ ВА ШАҲАРДАН ЧИҚИБ ФАЗНАГА ЙЎЛ ОЛИШИ БАЁНИ

Жалолиддин Нишопурга келди ва бу ерда жиҳод эълон қилиш ҳақидаги қарорини қатъйлаштиришга киришди. У амирларга, ўлкаларнинг ҳукмдорларига, ҳимоячиларнинг йўқлигидан фойдаланиб ўша пайтда турли жойларни босиб олганларга мактублар юбортириди. Жойларни босиб олиб ҳукмронлик қилаётганилар кўп эди, ўша даврнинг ҳазил-мутойибачилари уларни пичинг билан “етти йиллик амирлар” деб аташарди. Уларнинг ҳаммасига қўшинларини йигиб тез етиб келиш буюрилди. Буйруқ ишончли ваъдалар ва эзгу ишларни амалга ошириш билан кафолатланди.

Ихтиёриддин Занги ибн Муҳаммад ибн Ҳамза бу пайтда Насага қайтиб келишга улгурди ва ўзидан тортиб олинган меросни ҳамда ҳукуқни яна қўлга киритди. У Султоннинг ўлимига тўла ишонган бўлсада ўзини мустақилман деб эълон қилишдан тийди. Шундай бўлдики, ёрликлар, рухсатномалар ёзилганда, у буларнинг остига Султоннинг Насадаги меросхўрининг тамғасини босарди. Бу ҳол тоторларнинг шаҳарни босиб олгунинга қадар давом этди. Шунингдек, у Жалолиддин тасдиқлаган ёрликни олгунча ҳам шундай фаолият юритди. Жалолиддин тасдиқлаган ёрлиқда унинг Насани ўз қўлига қайта-риб олганлиги айтилган, шу билан бирга у ўзига садоқат билан хизмат қилса, яна ерлар кўшиб берилиши ваъда этилганди. Шундан кейин ёрликларга Ихтиёриддин ўз тамғасини қўя бошлади.

Жалолиддин Нишопурда бир ой турди¹. Бу вактда у турли томонларга қўшин йиғиш ва қурол-яроғдан ёрдам беришни сўраб чопарлар жўнатди. Унинг бу хатти-ҳара-катларидан тоторлар ҳабар топиб, ниятлари амалга оши-маслиги учун унга қарши тезликда юриш бошладилар. Шунда у ўз сафига қўшилган хоразмликлар билан бирга Нишопурни тарк этди, оралиқдаги масофани қисқа вактда босиб ўтиб Завзонда Кирмон ҳукмдори Муъаййидулмулк курдирган ал-Қоҳира қалъасига етиб келди². Қалъанинг деворлари баландлигидан қўриқчиларнинг гулханлари юл-дузларга ўхшаб кўринарди. У (Жалолиддин) бу ерда мустаҳкам ўрнашиб олишни ният қилди. Лекин Муъаййидулмулкнинг куёви, қалъа ҳимояси топширилган Айнулмулк уни бу ниятидан қайтишга ундан, бундай леди³: “Сен каби инсоннинг қандайдир бир қалъага, агар бу қалъа катта ва кичик Айик юлдузлар туркуми оралиғида, Эгизак юлдузлар туркуми тепасида, ҳатто улардан ҳам юк-сак-юксакларда жойлашган бўлганда ҳам қамалиб ёти-шинг яхши эмас. Қалъалар — ҳоқонлар учун, шаҳар арслонлари учун эса кенг далалар, жанг майдонлари керак. Агар сен қалъага кириб мустаҳкамланиб олсанг, тоторлар то мақсадларига эришгунларича уни бузмасдан кўймайди”. Шунда Жалолиддин қалъа хазинасидаги олтиннинг бир қисмини олиб чиқишини буюрди. Олтин олиб чиқилди, у бир қоп тиллани сафдошларига бўлиб берди. У ал-Қоҳирани тарк этиб, шошилинч равишда Буст чегараларига жўнаб кетди.

Бу ерда у Чингизхон беҳисоб қўшиллари билан Талоқонда эканлигини билди⁴. Шунда унга ёруғ кун қоронғу тундай туолди ва бир қарорга келди. Тўхташ ҳам, қочиш ҳам бирдай хавфли, қаерга мурожаат қилма — на орқада, на олдда ҳимоя йўқ эди. Жалолиддин хавфга юзмайоз бўлган ҳолда тезлик билан Фазна томон юрди. У барча нарсаларни, уйларни, ерларни ҳам четлаб, гўё учгандай ўтди. Иккинчи ёки учинчи куни унга шу яқин орада Ҳирот ҳукмдори, Султон [Муҳаммад]нинг она томондан тогавачаси Амин ал-Мулк борлиги ҳақида хабар етказиши⁵. У аллақачон Ҳиротни тарк этган, тоторлардан узоқлашиш ва Сеистонни қўлга киритиш мақсадида ўша томонга йўл солган, лекин уни қўлга кирита олма-

ғанди⁶. Эндиликда у атрофидა ўн мингта ўлжага ташла-нишга шай шерлар монанд туркй отлиқлар билан ор-қага қайтаётганди. Улар Султоннинг сараланган қўшин-аридан бўлиб, кулфатлардан омон қолган, сони эса ғнада кўпайган, ҳар қандай жангга тайёр лашкарлар эди. Жалолиддин унга чопар юбориб, ўзининг яқин атрофда эканлигини билдириб, тезлик билан етиб қелишини бу-юрди.

Ниҳоят, улар иккаласи учрашишди ва Қандаҳор қаль-асини қамал қилиб ётган тоторларга ҳужум қилишга ке-лишидилар. Улар иккаласи ҳам ёғийларга бирдан ҳужум қилдилар. Оллоҳга шукурялар бўлсинки, душманлар ҳудди қўзларига мил тортилгандек устларига қандай баҳтсиз-лик бостириб келаётганини ва ўзларининг қандай тузоққа илинаётганини кўрмадилар. Улар душман биздан фақат оху каби қочади, ҳужум қиласидиган ҳеч қандай куч қолма-ди, қаршилик кўрсатадиган найзалар синган, жанг қилиш-га ярайдиганлар йўқ, деб ўйлашарди. Ана шунда улар бир-дан бўғизларига ва юракларига санчилишга тайёр найза-ларни кўрдилар. Шу заҳотиёқ отларига миниб орқасига қарамай қочишга тутиндилар. Лекин бу қочганлар ҳам омон қолмади, улардан айримлари кутила олди, холос. Кутилиб қолганлар Чингизхонга қўшинлари бошига туш-ган аҳвол, унинг қандай қирилиб битгани ҳақида хабар етказдилар. У сафдошлари ўткир қиличлар тифи остида гўштта айланганини, ярадор бургутлар учун озиқ бўлга-нини эшитганда саросимага тушди⁷.

Жалолиддин Фазнага йўл олди. У шаҳарга ғолиб сифа-тида, ғолибликни қўлга киритишда Яратганинг мадади катта бўлганини улуғлаб кириб борди. Кимки агар “Мам-лакатлар ва йўллар китоби”ни ўқиган бўлса, Хоразм ва Фазна оралиғида қанча узоқ масофа чўзилиб ётганини, Жалолиддинни излаган Чингизхон қўшинлари бу масо-фани қандай тез босиб ўтганини яққолроқ англайди⁸. Бу масофа қанча узоқ бўлмасин, у [Чингизхон] кунни кув-лаб етган тун каби Жалолиддиннинг изини топди. Сен [муҳтарам китобхон], қачонлардир қаердадир бундай қўшин — икки денгиз оралиғини тўлдирадиган даражадаги беҳисоб лашкарларнинг икки ойлик йўлни қисқа муддатлардада босиб ўтганини эшитганмисан?!

¹ Жувайнийнинг айтишича, Жалолиддин Нишопур яқинидаги Шодйахада икки-уч кун туриб Фазнага 617 йилнинг 15 зулҳижжасида [1221 йил 10 февраль] кетган. Рашидиддин ёзишича, Жалолиддин Шодйахада уч кун туриб йўл тадоригини кўрган. Барғольднинг келтиришича, Жалолиддиннинг Нишопурдан кетиши 1221 йилнинг 6 февраляга тўғри келади. Равертининг фикрича, у 1221 йилнинг 7 февраляда Нишопурдан чиқсан.

² Муъаййидулмулк Қавомиддин фаолияти ҳақида 12-бобда берилган.

³ Жувайнийнинг ёзишича, Жалолиддин Завзондан аҳолиси душманлик билан кутиб олгани учун кетган. Улар унга бундай дейишган: “Агар мўгуллар сенга бир томондан ҳужум қилса, бизлар қатъа деворлари теласидан устингга тош ёғдирамиз”.

⁴ Учта Талоқон мавжуд эди: Биринчи Талоқон — [ҳозирги пайтда Талиқон] Афғонистондаги Бадахшон вилоятида жойлашган, иккинчи Талоқон — Балх ва Марв оралиғидаги шаҳар бўлиб, Чингизхон томонидан вайрон қилинган. Учинчи Талоқон — Қазвин яқинидаги шаҳар бўлган. Бу ўринда гап Бадахшондаги Талоқон ҳақида бормоқда.

⁵ Амин ал-Мулк — Жалолиддиннинг тоғаваччаси, Ҳирот вољиси [Ибн ал-Асир, Жузжоний уни “Маликхон” деб ёзади. Рашидиддин “Хон Малик”, Жувайний “Амин Малик, Йамин Малик” деб атайди], туркларнинг Қангли уруғи бошлиғи. У кизини Жалолиддинга беради.

Амин ал-Мулк Мұхаммад Хоразмшоҳ қочганидан кейин давлатнинг инқирозга юз тутишини англаб Чингизхонга бўйсунади ва ундан ёрлик олади. Ҳурносонга бостириб кирган Жэбэ ва Субутой қўшинлари Амин ал-Мулк ҳукмронлиги остидаги жойларни талон-тарож қиласлиқ ҳақида бўйруқ олади. Бироқ асосий қўшинлардан орқада келаётган мўгул лашкарлари бўйруққа итоат қиласдан унга қарашиб ерларни талон-тарож қиладилар ва қаттиқ қаршиликка учрайдилар. Амин ал-Мулк бу ҳақда Чингизхонга хабар юборади, лекин шунга қарамай Чингизхоннинг газабидан кўрқиб ўн минг кишилик қўшини билан Фазнага йўл олади. Айни пайтда, бу ерга Жалолиддин келганини эшитади.

⁶ Ҳирот — Ҳурносоннинг [ҳозирги Афғонистоннинг] марказий шаҳарларидан бири. У 1222 йилда мўгуллар томонидан вайрон этилган. 1236 йилда қайта курилган. Сеистон — Афғонистон ва Эрон ўргасидаги чегара вилоят.

⁷ Қандаҳорда жант бўлгани тўғрисида маълумотлар йўқ. Ибн ал-Асир мусулмонларнинг тоторлар билан уч кунлик жангда эришган ғалабаси Балак деган жойда юз берганингини ёзади.

⁸ Бу номда иккита асар бор. Бири Ибн Ҳурдодбекка, иккинчиси Ибн Ҳовқалга тегишли.

31-БОБ

**БАДРИДДИН ИНОНЖХОННИНГ БУХОРОДАН ҚУТИЛИБ
ЧИҚҚАНИДАН КЕЙИН ХУРОСОНДА ВА БОШҚА ЖОЙЛАРДА
БОШИГА ТУШГАН ТАШВИШЛАР ҲАМДА СОЛМОН ДАРАСИДА
ҲАЛОК БҮЛИШИГА ҚАДАР КЕЧГАН АҲВОЛИ БАЁНИ**

Бадриддин Ионжхон Султон [Мұҳаммад]нинг улуг амирларидан, ҳожибларидан, таниқли саркарда ва ақобирларидан бири эди. Султон уни, юқорида айтилганидек, Бухородаги қасабаларидан бирига ҳукмдор қилиб жүнатди. Кейин уни [Бухорони] тоторлар босиб олгач, қўрқувдан кумлар бағрига қочди. У ўзига яқин бўлганлар ва бошқалардан иборат кичик гуруҳ билан Насага ёндош кумлар бағридан паноҳ топди. У бу ерда кўчманчилар ҳам қадам босмайдиган, бирорта қудуқни ҳам излаб бормайдиган, на сув, на озиқ-овқат бўлмаган жойда яшади. Наса ҳукмдори Ихтиёриддин Занги унинг қўрқувдан бундай жойда яшайтганини эшийтанида уни ўз ҳузурига таклиф қилди. Бу таклифдан унинг ўз кўзлаган мақсади бор эди: аввало, у Султон ҳузурида эътиборли хизмат қилмоқчи, қолаверса, шу билан ўз ўрнига кўз тикаётгандарнинг йўлини тўсиб, ҳукмдорлик мерос бўлиб қолишини таъминла-моқчи эди. У мактубида уни [Бадриддинни] тоторлардан кутулгани билан кутлади. У заминига ҳассани кўйиб, тин олса бас, ҳар қандай совғани беришга тайёр эканлигини билдириди. У бу ишни Бадриддиннинг Султон мамлакатида мавқеи баланд, обрўси юксак эканлигини билиб, ўз мақсади йўлида ундан фойдаланиш учун қилди.

У [Ихтиёриддин] бундай деб ёзди: “Агар сиз тоторларнинг бирдан хужум қилишидан сақланиш учун кумлар бағрига чекинган бўлсангиз, биз уларнинг қаерда тўхташи ва қаерга бораётганини дикқат билан кузатамиз”. Шундан кейин у [Ионжхон] Насага йўл олди, Ихтиёриддин унга имкон борича ёрдам берди. Курол-яроғ, кийим-кечак, юқ ташийдиган ҳайвонлар, озиқ-овқат, асбоб-анжомлар ғамламалари билан таъминлади. Бундан унинг аҳволи яхшиланди, қўрқинч ва саросимадан кутилди.

Насанинг асосий қишлоқларидан бири ҳисобланган, одами кўп, қалъаси, ҳандақлари бор Нашжувоннинг ра-

иси Абул Фатҳ тоторларга ён босадиган одам эди. У улар билан мактуб ёзишиб турарди. Хоразмда Султон қўшинлари мағлубиятга учраганидан кейин у Инонжхоннинг Насада эканлиги, унинг бу ер ҳукмдори билан ҳамкорлик қилаётгани ҳақида маълумот юборди. Инонжхонни таъқиб этиш ва уни тутиб келтириш учун қўшин юборилди. Тоторлар Нацжуонга келганда раис уларга шу яқин орада жойлашган Инонжхон қароргоҳига борадиган йўлни кўрсатадиган одамни қўшиб берди. Инонжхон Насага келгач, шу яқин атрофда ва мамлакатнинг турли жойларида яшириниб юрган Султон лашкарларидан анчалиси унинг сафига қўшилди. У бу лашкарларни куроллантириди ва жиҳод учун курашга отлантириди.

Мен бу жангни кўрганман, унда иштирок этганман. Чунки мен Наса ҳукмдорининг муовини [ноиби] сифатида Инонжхоннинг ёнида юрганман, унинг талаб ва истакларини бажарганиман, агар унга нимадир керак бўлса ёки ҳукмдорга мурожаат қилиш зарурати туғилса, шуларни амалга оширганиман. Мен Инонжхон жангда бекиёс мардликлар кўрсатганининг гувоҳи бўлганман. Агар бундай жангни ўз вақтида Рустам кўрганида эди, қойил қоларди. Инонжхоннинг от суришини, қилич ва найзасини ўйнатиб душман устига ҳамла қилишини томоша қилиганда эди, унга шогирд бўларди. Уруш қизиган пайтда, у ўзини жанг гирдобига урди, ўнгу сўлидаги душманларини икки қўлидаги қиличи билан аёвсиз кирди, зарби билан уларнинг совутларини иккига бўлиб ташлади. Тоторлар унга икки марта ҳужум қилишди, у ҳужумларни мардлик билан қайтарди. Жанг авжига чиқди, атрофни темирларнинг бир-бирига урилган овозлари босиб кетди, қиличлар кўкракларга суқилиб, бўйинларни кесиб қонга бўлган ташналигини қондирди. Кураш авжига чиқиб, жант олови аланталанганда Инонжхоннинг қиличи синди, оти ёғийлар остига йиқилди. Сафдошлари уни душман лашкарлари қатори ва оёқлари остидан кутқариб олди. У ўз отига миниб, душман устига ташланганда якунловчи жанг ва курашга киргандай ҳужум қилди. Енгилган тоторлар орқага тисарилиб шармандали тарзда қоча бошлидилар. Гўё қочиш билан таъқибдан, ўлимдан қутилиб қоладигандай эди. Қочиб қаерга ҳам борардилар? Ахир улар-

нинг бўйни узун отлари орқада қолган, олдда эса сувсиз чўл ястаниб ётарди. Инонжхон мағлубларни Нашжувонга қадар таъқиб этиб борди, у лаънатиларнинг қонга ботганидан, уч олганидан сармаст бўлиб қолганди. У ўша куни қочоқларнинг орқасидан қилич солиш, яширингандарни бекинган жойларида тутиб олиб ўлдириш билан банд бўлди.

Ўлимидан баҳра олди тириклар, ер қўпди ғазаб.

Куннинг охирида у Нашжувонга етиб борди, бу ерга жанг майдонидан толиқиб, ярадор бўлиб, қочиб чиққан бир гуруҳ тоторлар ҳам йифилган эди. Улар Нашжувон дарвозаси олдида Абул Фатҳни чақирадилар. Бироқ Абул Фатҳ, уларни ичкарига киритишдан бош тортди, шу билан юзига яна бир карра муртадлик бўёгини чаплади, икки дунёни ҳам унитиш учун кофирилик ҳирқасини кийди. Тоторлар таъқиб этаётган олов яқинлашаёттанини кўргач, ўзларини сувга ота бошлидилар. Инонжхон ёнида чопқир отларда келганлар билан биргаликда тўхтади ва уларни ёйлар булутидан ўқлар ёмғири билан сугордилар. Бу ҳол улар чўкиб дўзах ўтида ёниш учун нариги дунёга равона бўлгунларигача давом этди.

Инонжхон ўз қароргоҳига ғалаба байроғи билан шоншарафга бурканган ҳолда кириб келди. У Наса ҳукмдорлиги ушбу қувончили хабарни ва мақсадига эришиш йўлида Оллоҳ унинг ўқлари нишонга бориб тегишта ёрдам берганлигини етказиш учун чопар юборди. У чопар билан бирга совға сифатида ўнга тотор асирини ва отини ҳам жўнатди ҳамда Ихтиёриддинга Нашжувонни қамал қилиб, у ердан Абул Фатҳни йўқ қилиш тўғрисида ҳам ёзди. У қалъани қамал қилди ва эгаллаб олди, Абул Фатҳ эса ўлди. “У дунёю охиратда зиён кўрур. Бу эса очик-аниқ зиёндир”*.

Инонжхон Обивард томонга йўл олди, қалбларда унга нисбатан хурмат-иззат мустаҳкамланган эди¹. У Обивардда хирож йигди, бунга ҳеч ким тўсқинлик қилмади. Бу ерда унинг сафига тақдир ҳукмига кўра ёвдан яшириниб дара ва водийларда юрган Султон лашкарлари келиб қўшилдилар. Улар орасида Элтоҳ Малик, Тегин Малик, Белсариқ Хонкиши, Амир-охур Коцидек, ал-ходим Аминиддин Рафиқ ва бошқа шу сингари йўлбошчилар ҳам бор эдилар.

У Насага қайтиб келди, бу вақтда унинг тарафдорлари ҳам, қўшинлари ҳам, қўшинларидағи гуруҳлар, лашкарлар сони ҳам кўпайган эди. Унинг қайтиши Ихтиёридин Зангининг вафотига тўғри келди. У [Инонжхон] унинг [хукмдорнинг] ўрнига ўтирадиган мөросхўридан Султон Қўшинларидан ўз сафига келиб қўшилган одамларни боқиши учун ёрдам тариқасидаги Наса аҳолисидан 618 йил учун хирож йиғиб беришни талаб қилди. У [меросхўр] ўз розилиги биланми ёки кўрқувданми бу талабга рози бўлди. Инонжхон хирожни йиғиб олди ва уни ўзаро бўлиб берди. Шундан кейин у Нишопурнинг етакчи шаҳарларидан бири бўлган Сабзаворга йўл олди. Ўша пайтда Сабзаворни Элчи Паҳлавон босиб олиб, ҳукмронлик қиласди².

Инонжхон Сабзаворни босиб олишга шошилди, улар шаҳар деворлари остида тўқнашдилар. Жанг Элчи Паҳлавоннинг мағлубияти билан якунланди. У бу ердан қочиб ўша вақтда Ҳиндистонда фаолият кўрсатадиган Жалолиддин қўшинига бориб қўшилди. Инонжхон қудрати янада ошиди, унинг ҳукмронлиги Хуросон вилоятининг энг узоқ нуқталарига ва ундан бошқа жойларга ҳам ёйилди.

Айни вақтда, Марвда жойлашган ва унинг қолган жойларини ҳам эгаллаб олган, омад кулиб боқдан Куч Тегин Паҳлавон Жайхундан ўтиб Бухоро томон юрди³. У кутимаганда тоторларнинг кичик қўшини [шихнаси] бошлиғига ҳужум қилди ва уни ўлдирди. Шунда тақдир ҳукмига бўйсунган куч ҳаракатга келди ва сўнаётган ғазаб яна оловланди. Улар [тоторлар] ўн минг отлиқ лашкарлардан иборат қўшин билан унга қарши юрди ва мағлуб этди. У Сабзавор томонга, Элчи Паҳлавон ўғли Яканку томонга қочди⁴. Иккаласи ҳам Сабзаворни ташлаб Журжон томонга йўл олишга, ўша пайтда унинг яқинида жойлашган Инонжхон сафига қўшилишга қарор қилди. Улар унинг ҳузурига йўл олишди, кетидан тоторлар ҳам отқўйишиди. Аммо иккаласи ҳар икки фикр ўргасида ўйланниб қолишиди: жангга кирсинми ёки яна узокроққа қочсинми? Улар отларнинг юришларини ўзгартиридилар: отлар қадамлашдан йўргалашга ўтдилар. Улар унга [Инонжхонга] Журжон ва Астробод оралиғидаги очиқ ялангликда — ал-Ҳалқада етиб олишди. Бу жой жангда ҳаракат қилиш учун жуда қулай ва кенг эди.

Тоторлар улардан икки кун кейин етиб келишди. Икки юмон ҳам жанговор ҳолатда сафланди. Кейин уруш бургулари чалинди ва лашкарлар ҳам, саркардалар ҳам аратишиб кетдилар. Бошлар узра қиличлар айланиб, миятарнинг қатигини чиқарди, юракларга найзалар ботиб, қамма ёқни қонга бўяди. Кўп ўтмай чан-тўзон булути кўтарилиди, нарсалар кўзга кўринмай қолди, найзани қалқондан ажратиш қийин бўлди. Ўша куни жиҳод учун жангда таниқли лашкарлар, атоқли қаҳрамонлардан Сарканку, Амир-охур Кочидек кабилар ҳалок бўлдилар⁵.

Замин бўйин ва елкалардан отилган қонлардан оловранг тусга кирди. Оқибатда туркийларнинг оёғи чалинди, уларнинг бир қисми асир тушди, бир қисми ҳалок бўлди. Инонжхон қочди. У оти устидаги юкларни ҳам ташлаб қочар экан, шу алфозда Райда жойлашган Фиёсиiddин Пиршоҳ хузурига етиб борди. У [Пиршоҳ] унинг келишидан кувонди ва хизматларини юқори баҳолади. У унга [Инонжхонга] доимий равища хурмат кўрсатди. Лекин Инонжхон унинг онасига уйланиш учун совчи кўйди. Бу дилдан эҳтиромга, иззат-икромга соя ташлади, орзуларни чиппакка чиқарди ва кейинчалик хурмат ўрнини газаб эгаллади.

У [Инонжхон] шундан кейин бир неча кун яшади. Айтишларича, унинг ёнига кимнидир юборишган эмиш, кимнидир унга заҳар берганмиш ва уни тўшагида боғланган кўйи қолдирганмиш — булар ҳақиқатми, ёлғонми ёлғиз Оллоҳга аён. У Форс вилоятининг машхур Шиъб Солмон қабристонига дағн этилган.

Журжондаги жанг 619 йилда [1222 йил 15 февралда] бўлиб ўтди. Унда мен ҳам иштирок этдим. Уруш фалокати мени Хумоюн қальясида жойлашган испаҳбод И мом ад-Давла Нусратиддин Мұҳаммад Кобуджом хузурига олиб борди. У мени хурмат билан кутиб олди ва унинг хузурида бир неча кун қолдим. У то йўллар тинчимагунча мени соқчилар билан қальямга юбормади.

¹ Обивард (Бавард) — Туркманистоннинг ҳозирги Обивард қишлоғи яқинида бўлган.

² Сабзавор — Нишопурнинг ғарбидаги шаҳар. Элчи Паҳлавон — султон Жалолиддиннинг саркардаларидан бири.

³ Марв мӯгуллар томонидан 618 йил 1 мухаррамда (1221 йил 25 февралда) босиб олинган. Мӯгуллар шаҳар ҳукмдори қилиб амир Диёиддин Алини, шихна бошлиғи қилиб Бармасни кўйишган.

618 йил 13 рамазонда (1221 йил 7 ноябрда) Марв аҳолиси қўзғолон кўтаради ва Бармасни қувади. Диёиддин бу пайтда шаҳарда бўлмайди, у келгандан кейин қўзғолончиларни қўллаб-куватламайди. Марвга Куч Тегин Паҳлавон келганидан кейин у мӯгуллар билан Мурғоб дарёсидаги тўғонни қайта қурдиради. Шундан кейин Диёиддиннинг мӯгуллар билан бирга йўқ қиласди. Орадан кўп ўтмай мӯгуллар қўзғолонни бостиради ва Куч Тегин минг кишилик қўшини билан Марвни ташлаб чиқади. Санѓбаст қишлоғида мӯгуллар билан тўқнашиб мағлуб бўлади. Куч Тегин Сабзаворга қочади.

⁴ Элчи Паҳлавоннинг ўелининг Яканку деб ўқилишини шартли равища қабул қилиш керак. Жувайнинда бу ўринда Элчи Паҳлавон ва унинг ўели номи тушириб қолдирилиб, Паҳлавон Абу Бақр Девон ва унинг ўғли Шамсииддин ёзилган. Бошқа воқеалар ан-Насавийда ҳам, Жувайнинда ҳам ўхшаҳ келтирилди. Фақат Жувайнинда Сабзавор ўрнига Сарахс ёзилган.

⁵ Сарканку Элчи Паҳлавоннинг ўғли деб гумон қилинаётган одам билан бир шахс эмасмикан?

32-БОБ

СУЛТОНИНГ ЎГЛИ, ИРОҚ ҲУКМДОРИ РУКНИДДИН ФУРСАНЖТИЙ АҲВОЛИ ВА У БИЛАН РЎЙ БЕРГАН ВОҚЕАЛАР БАЁНИ

Юқорида эслатганимиз Рукниддин Султонга унинг Ироққа чекинаётган пайти қўшилган эди. Фарразин ёнида мағлубиятдан кейинги қочиш натижасида у Кирмон чегараларига келиб қолган, шу ерда ҳокимиятини ўрнатган ва унинг буйруқлари сўзсиз бажариларди. У бу ерда тўққиз ой мобайнида яшади. Кўнглида то Ироққа қайтиш фикри туғилгунча Кирмон ерларини бошқарди, бойликларидан фойдаланди, солиқларини ўзи билганича йигди ва ишлатди. Ироққа қайтиш фикри унинг баҳтига чанг солди, умид чироғини синдириди. У бу ерга ўз ўлимини излаб борди. Исфахонга келар экан, у Жамолиддин Муҳаммад ибн Ой-Аба ал-Фаризинийнинг Ироқни босиб олиш

нияти борлиги, бу учун Ҳамадонда Ибн Лочин Жакир-жа, хазинадор Ойбек, Ибн Қоракўз, Нуриддин Жаброил, Әқсунқур ал-Куфий, абдор Ойбек, Фарризин хукмдори Музаффариддин Боздор сингари жанжалкаш, муттаҳамлардан иборат бир қанча ироқликларни йигаётгани ҳақидаги маълумотни олади¹.

Кутимагандай ўнда бўладики, ўша кунлари Исфаҳон қозиси Маъсуд ибн Саид Жамолиддин ибн Ой-Абага дўстлиги туфайли унга [Рукниддинга] қарши чиқади. Рукниддин қўл остидаги қўшин ва раис Садриддин ал-Хўжандий тарафдорлари билан Жубор номи билан машхур бўлган қози маҳалласи томон юради². Бу ерда қон тўкилади, у маҳаллани босиб олгунча одамларни ўлдиради. Қози Форсга, отабек Саъд ҳузурига қочади³. Бу ерда отабек унга ҳурмат-эҳтиром кўрсатиб, уй-жой бериб, хавфсизлигини таъминлайди. Шундан кейин Рукниддин Ҳамадонга боришга, Жамолиддин билан учрашиб, унда ўзига нисбатан пайдо бўлган ғазаб ўтини сўндириб, хавфнинг олдини олишга қарор қиласди. Унинг қўшинлари озиқовқат, кийим-кечаклар жамғариш ва ўзларига зарур нарсаларни олиш учун Исфаҳондаги уйларга йўл олади. Исфаҳон аҳолисининг қалбида уларга нисбатан қози маҳалласида қилинган қирғин ва талончилик учун қаҳр-ғазаб уйғонган эди. Шу сабабли улар шаҳар дарвозаларини ёлиб қўйдилар, қўлларига пичоқ олиб лашкарларнинг аксариятини бозор ва дўконларда ўлдирадилар. Бу ҳол Рукниддиннинг куч ва қувватини камайтиради, ният қилган қарори амалга ошмайди.

Шундан кейин у тоғаваччаси Қаршибекни, Тўғонхон, Куч Бугахонни Ироқнинг амир ал-аълами Шамсиддинни қўшинларига бош қилиб Ибн Ой-Абага қарши курашга сёқлантиради⁴. Жанг қилувчи томонлар ўртасида оз ма-соға қолганда Куч Бугахон ўзини гадоликдан хон дара-жасига кўтаргандарнинг, мард лашкарларнинг саркарда-си қилиб тайинлагандарнинг ишончини ерга уриб, уларга нисбатан хоинлик қилиб Ибн Ой-Аба томонга қочиб ўтди. Хоинлик туфайли бошқа саркардаларнинг кўнгли хижил тортиди, улар жангта кирмай орқага қайтдилар.

Рукниддин Райга томон юрди ва бу ерда исмоилий дуғатларни [тарғиботчиларни] учратди. Улар Рай аҳоли-

сини ўзларига эргашишга тарғиб қилар, ўзларига муридлик йўлигина одамларга ҳимоя учун имкон яратиб берини тушунтирас эдилар. Рукниддин уларни таниб олгач, ушлатиб қатл қилдири⁵.

У бу ерда кучларни йиғиб улгурмасдан тоторлар ўзи томон келаётгани ва хужумга тайёргарлик хабарини эшитди. Шунда у Устувананд қальясига яширинди ва уни ҳимоялашга киришди⁶. Бу жуда мустаҳкам қалья эди, унинг тепасидан бургутлар ҳам учиб ўта олмасди. Унинг мустаҳкамлигидан деворга ҳожат йўқ эди. Тоторлар уни худди бошқа қальялар каби қамал қилди, атрофга девор тикланди. Рукниддин ва унгача бу қальяга ҳукмдорлик қилганлар, уни айёрлик, макр-ҳийла билан кўлга олиб бўлмайди, фақат узоқ муддат қамал қилиб, тинка-мадорини қуритиб таслим этиш мумкин, деб ҳисоблардилар.

Тонгда лаънати тоторларнинг уй атрофидаги қичқириқлари қальядагиларни вахимага солди. Бунинг сабаби куйидагича эди: ҳавф туғилиши, айёрлик ишлатилиши мумкин бўлган томонларга соқчилар кўплаб қўйилганди. Қальянинг бошқа бир томонидаги ҳавфли нуқта эса, аввалдан эътиборсиз ҳисобланиб келингани учун соқчи қўйилмайди. Тоторлар ана шундай жойлардан бирини, деворнинг ёрилган, лекин пастдан юқоригача ўт қопланиб ётган жойини топдилар. Улар темирдан узун санчқилар ясадилар ва уларни кечаси девор тагига олиб келдилар. Лаънатилар санчқиларни бир-бирининг устига чиқиб деворга маҳкам қоқдилар, кейин ундан баландроқقا маҳкамладилар ва то қалья тепасига чиққунларича шундай қилдилар. Кейин бошқаларни девор устига чиқардилар. Улар қалья ичидағи уйни ўраб олдилар. Лашкарлар қальянинг турли томонларига тарқаб кетганидан кейин уй олдидаги қоровуллар ва дарбонларнинг тоторларга эшик очиб беришдан бошқа иложи қолмади. Эшиклар ичкаридаги азоблар сари марҳамат билан очилди:

Хайрли тун тилади. Чўзили пардек юмшоқ тўшакка,
Тонг отар-отмас қаттиқ ерда ётгандек бўлди гўё.
Рўёдек эди бу: найза тутган қўллар кўтарилди-ю
Хинога бўялгандек бармоқлар кўринди элас-элас⁷.

Рукниддин улар томонидан ўлдирилди⁸. Афсуски, унинг ҳайратомуз гўзал қиёфаси ҳам, адл қадди-қомати

ҳам, оймонанд юзи ҳам, улугворлиги ва шон-шұхратига бұлған әхтиром ҳам ёрдам беролмади.

Үлимга рүбарў келганида бану Набхон каби масъум эди, Шода-шода юлдузлар қўйнидан тўлин ойдек йиқилди⁹.

Жамолиддин ибн Ой-Аба ироқлик амирлар билан бир-таликда Рукниддин ва унинг сафдошлари тақдири ҳақида эшитганда юраги қинидан чиқиб, гүё бошсиз қолгандай бұлди. Ҳамадонда жойлашган лашкарлари эса унга ҳар томондан тоторлар хизматига кириш, улар ёрдамида меросий мулкка эга бўлиши ҳақида шипший бошладилар. Улар уни эришиб бўлмайдиган янглиш йўлга киритишга интилардилар. Куръони каримда айтилганидек, “Худди шайтоннинг ўҳшашиллар. Эсланг, у инсонга “Кофири бўл” деган эди. Энди қачонки (одам) кофири бўлгач, (шайтон унга) “Албатта, мен сендан безорман. Зоро, мен барча оламлар парвардигори бўлмиш Оллоҳдан кўркурман”, деди. Бас, иккисининг (шайтон ва унинг сўзига кириб кофири бўлган инсоннинг) оқибати дўзахга кириб, унда мангу қолишлиари бўлди. Золим кимсаларнинг җазоси шудир!”*

Ва улар билан мактуб ёзишишга киришди. Мактубида ўзининг уларга содикларини, буйруқларига итоат этишини ва бажаришини маълум қилди. Тоторлар унга ўзларининг зулмкорлик, уятсизлик, алдамчилик никоби бўлган фахрий кийимлари (халья)ни юбордилар. У бу кийимларни хурмат-әхтиром билан кийди ва шу тариқа юзига муттаҳамликнинг қоп-қора кирини суртди.

Тоторлар Ҳамадонга отланар эканлар, унга одам юбориб бундай дейиши: “Агар сен ўзинг айтгандай бизга дўст бўлсанг, хузуримизга келгин”. У уларнинг таклифига ишониб хузурига борди. Бироқ улар у билан дўст эмасликларини юзига айтди. У уларнинг ёлғонларига ишонганидан иснодга қолди ва Куръонда айтилганидек, “биналарига емирилаётган жар ёқасини асос қилиб олиб, шу сабабли ўзи ҳам жаҳаннам ўтига қулади”.

Тоторлар уни ва у билан бирга собиқ ироқликларни ҳам ўлдириб Ҳамадонга йўл олди. Уларни раис Аловуддин аш-Шариф ал-Аълавий кутиб олди¹⁰. Ибн Ой-Аба унга кўп зулмлар қилган, бойликларини тортиб олган. Айтганимиз раис уларнинг олдига бўйин эгиб борди. То-

торлар унга шаҳар ҳукмдорлигини топширди ва кетди. Чунки улар Жэбэ нўён ва Субутой Баҳодир Ҳамадонни илк бор босиб олганида шаҳар аҳолисини ундан ҳайдаб чиқариб, бойлигини тўла даражада талаганларини билар эдилар. Шу сабабли шаҳарни бойлик излаб қайта тинтишга ҳожат қолмаганди.

¹ Жамолиддин Мұхаммад ибн Ой-Аба ал-Фарразиний – Жамолиддин Ой-Оба ас-Сумайраний авлодларидан. Сумайраний ҳижрый VI асрда яшаган. У 1190–1203 йилларда Озарбойжон отабеклари Абу Бакр ва Ўзбек даврида саройда ишлаган, кейин Ҳамадон ҳукмдори бўлган. Жамолиддин Улғу Барбек Ой-Аба унинг ўғли. Бу авлод вакили Хоразмшоҳ Такиш даврида Нишопурда ҳукмдорлик қилган. Бу Адуд ад-Давла вад дин Тўғоншоҳ Абу Бакр ибн Имомиддин Абул Фатҳ Муайяд Ой-Аба.

² Исфахон қозиси Рукниддин Масъуд ибн Сайд ибн Мұхаммад ибн Абдураҳмонга бу лавозим мерос бўлиб ўтган. Унинг отаси Ибн Мұхаммад ҳам саййидлардан чиққан қози, ханафия мазҳабининг таникли фақихларидан эди. Исфахон қозилари лавозимини кўп йиллар давомида саййидлар вакиллари эгаллаб келишди. Шаҳар раислиги хўжандийлар авлодига мансуб эди. Бу икки авлод ўртасида доимий қарама-қаршилик ва курац борар, ҳар қайсиси шаҳар аҳолисини ўзига қаратиб олишга интиларди. Бу зиддиятдан бошқа авлодлар ва босқинчилар фойдаланар, Исфахонни босиб олар, улар ўртасидаги зиддиятни янада кучайтиради. Улар кураши тўғрисида Ўрта аср муаллифлари кўплаб маълумотлар ва асрлар ёзиб қолдирганлар.

³ Отабек Саъд тўғрисида олдинги бобларда маълумот берилган.

⁴ Амир ал-аълам Шамсиддин ҳақида аввалги бобларда маълумот бор.

⁵ Рукниддин Фурсанжтий, Жувайниний айтищича, Райды икки ой туради, Рашидиддин ёзищича, бироз вақт.

⁶ Жувайниний ва Рашидиддин “Фурсанжтий Устунаванд қальаси сингарни мустаҳкам бўлган Фирузкӯҳ қалъасига яширинди”, деб ёзишади.

⁷ Шоир ал-Мутанаббий (915–965 йилларда яшаган) шеъри.

⁸ Жувайнининг ёзищича, мўгуллар Устунаванд қалъасини бой давомида қамал қиласилар. Мўгул қўшиниларига Тайнал бошчилик қиласи. Қалъа босиб олинганидан кейин Рукниддин бошқа тирик қолган ҳимоячилар билан бирга тутиб олиниб, мўгул саркардалари олдига олиб келинади. Асиirlарга

мұгуллар олдида тиз чүкиш буюрилади. Рукниддин ва унинг афдошлари тиз чүкищдан бош тортишади. Натижада улар қатылғанади. Бу ерда Рукниддиннинг отабеги ва вазири Имодул-түлк Мұхаммад ас-Савий ҳам үлдирилади.

⁹ Абу Таммом шеъридан.

¹⁰ Ҳамадоннинг раиси Аловуддин ад-Давла аш-Шариф ал-Альавий шаҳарга яқынлашган мұгулларга бўйсунади ва уларга шарлар, кийимлар, озиқ-овқатлар, мол-қўйлар, шароб жўнатади. Мұгуллар уни шаҳар шихнаси қилиб белгилайди. Бироқ Ҳамолиддин ибн Ой-Аба Ҳамадонда ҳокимиятни кўлга олади. Аловуддин ад-Давла Гирит қальясига занжирбанд қилинади.

Аловуддин ад-Давла Ҳамадоннинг меросхўр раисларидан эди. Унинг бобоси Абу Ҳошим Зайд ибн ал-Ҳасан ал-Ҳусайний ал-Альавий шаҳарга 47 йил раислик қилган. У 1109 йил 6 марта вафот этган. Она томондан бобоси ас-Соҳиб Абул Қоим ибн Ибод катта бойликка эга эди. Салжуқийлар сultonни Мұхаммад (1105–1118 йилларда ҳукмронлик қилган) унинг мулкини қайта мусодара қилганда 700 минг динор олган.

33-БОБ

ФИЁСИДДИНИННИНГ АҲВОЛИ ВА УНИНГ КИРМОНГА ЮРИШИ БАЁНИ

Султон Кирмонни ўғли Фиёсиддин Пиршоҳга фармон билан мулк қилиб берган эди. Бироқ у бу ерга етиб келмасданоқ, юқорида айтганимиздек, Фарразин талон-тарож қилинди. У Корун қальясига бориб фалокатлар гирдобидан фориг бўлди¹. Қалъя хукмдори амир Тоҳиддин унга эҳтиром билан хизмат қилди. Бу хизмат Рукниддин Фурсанжтий Кирмондан Исфаҳонга келиб, унга (Фиёсиддинга) Кирмонга юриш қилишга ундан, вилоятда қаршилик қилувчилар ҳам, ҳимоячилар ҳам йўқлигини билдириб, хукмдорлик қилишга рақобатчилар ҳам қолмаганини айтиб мактуб йўллагунича давом этди. Фиёсиддин Исфаҳонга, Рукниддин хузурига йўл олди. У Фиёсиддинни иззат-икром билан кутиб олди ва унга меҳрибонлик кўрсатди. Уч кундан кейин у Кирмонга борди ва уни эгаллади. Унинг учун (Кирмон) сувлари шаффоф, бойликлари сут каби тўлиб-тошиб ётгандай туюлди. Унинг бу ергаги ишлари тобора яхшиланди. Айни вақтда Рукниддиннинг Ироқда аҳволи тобора ёмонлашди ва юқорида

ҳикоя қилганимиздек, Устуванд қалъасида ўлими билан якунланди.

Бироқ шунга қарамай унга (Фиёсиддинга) умид, ишонч кам эди. Унинг ёрдамчиларининг бошига кулфат тушганди. Фахрий ва муҳтарам инсонларга аччиқ ҳақиқат етказилди.

Нафаслар ичга тушиб, танглайды қотди тил ҳам,
Гүё йўлдан адашди чопар, синди хат биттан қалам.

Ироқ уни босиб олишга интилувчилар учун майдонга айланди, уларга қаршилик қилиши мумкин бўлганлар эса бундай имкониятдан айрилди.

Бу вақтда келиб отабек Иған Тоисий Саржаҳон қалъасидаги зиндандан қутилиб чиқди³. Унинг зинданбанд қилинишининг сабаби бор эди. Султон (Мұхаммад) Ироқни ўели Рукниддин Фурсанжтийга мулк қилиб берганда Иған Тоисийни унинг хизматига йўллаган, айни пайтда унга отабек қилиб ҳам тайинлаганди. Орадан кўп ўтмай Рукниддин отасига унинг сурбетлиги ва такаббурлигидан шикоят қиласди. У отасига агар отабек ўз билганича фолият кўрсатиш имконига эга бўлса, у шундай ишларни қилиши мумкинки, кейинчалик буларни ўнглаш, яхшилаш учун имкон қолмаслигини англатади. Шунда Султон унга отабекни тутишни буюради. У уни қўлга олади ва Саржаҳон қалъасидаги зинданга ташлатади. Шундай қилиб отабек Ироқ бу алғов-далғовлар даврида ҳимоясиз қолгунга, босқинчилар учун очиқ майдонга айлангунга қадар зинданда ётади. Уни ушбу қалъа волийси Асадиддин ал-Жувайнин отабекка қўйилган айблар нотўғри деган қарор билан зиндандан озод қилдиради. Шундан кейин унинг ёнига ироқлик ва хоразмлик лашкарлар йифила бошлади. Улар туфайли унинг аҳволи яхшиланди: елкаси ёзилди, тишлари ва тирноқлари ўткирлашди. Унинг сафига қўшилганлар орасида Сава муқтасидан Баҳовуддин Сакур, Жамолиддин Умар ибн Ёздор, амир Кайхусрав, Қашон муқтасидан Нуриддин Жаброил, Нуриддиннинг ўели Қирон Хувон, Ойтемир аш-Шомий, Семнон муқтасидан Кетак, Ойтугди Кели, Тўғрул ал-Аъсар, Қоража муқтасидан Сайфиддин Кетйориқ кабилар бор эди⁴.

Бу вақтда Ўдоқхон Исфаҳонни босиб олишга муваффақ бўлди⁵. Фиёсiddин унинг кўнглига йўл топиш, ўзига яқинлаштириш ва қарам қилиш мақсадида унга синглиси Ойси хотунга уйланишини таклиф этди. Бироқ тўй Ўдоқхон билан Иған Тоисий ўртасидаги илгари англашилмаган душманлик муносабатлари ойдинлашмагунча кейинга қолдирилди. Чунки улар Ироқнинг икки қисмини босиб олган эди. Улар орасига шайтон оралади, бир-бирига қаршилик йўлини танладилар, биргаликда ҳаракат қилишдан бош тортдилар. Отабек етти минг кишилик, жумладан, ироқлик ва хоразмлик туркйлардан иборат отлиқ лашкарлари билан Исфаҳонда турган Ўдоқхон устига юриш бошлади. Ўдоқхон отабекнинг ўзига қарши уруш бошлаганини билгач, Фиёсiddиндан мадад сўради. У унга ёрдам учун Давлат Малик бошчилигидаги икки минг кишилик отлиқ лашкарларини жўнатди. Бироқ отабек Ўдоқхонга ёрдам етиб келмасдан уруш бошлади. Жант Исфаҳон яқинида бўлиб ўтди. Ўдоқхоннинг кучлари оз эди, жанг унинг асирга тушиши билан якунланди. Отабек сафдошлари орасида Султон тифайли юқори мартабага эришганлиги, Ўдоқхоннинг эса Султонга яқинлиги борлиги учун уни омон қолдириди.

Шароб отабекка ва унинг дўстларига ўз таъсирини кўрсатди. У Ўдоқхонни ироқликлар билан тўлган базм саройига олиб келишни буюрди. Отабек унга эҳтиром кўрсатди, тик турган кўйи ҳурмат билан кутиб олди. Бироқ уни бир неча ироқликлардан пастроқقا ўтказишиди, бу унинг жаҳлини чиқарди. Унинг Султонга яқинлигини билишгани ҳолда беписандлик билан мурожаат қилишидан батамом ўзини йўқотиб кўйди, отабекка нима деяётганини англамай, у билан баҳсга киришди. Шунда отабек уни ўлимга буюрди ва у бўғиб ўлдирилди. Мастилиги тарқагандан кейин отабек қилган ишидан афсусланди, бироқ вақт ўтган, қилич қуролсиз одамга бориб теккан эди.

Иған Тоисийга қарши курашда Ўдоқхонга ёрдам учун Кирмондан юборилган Давлат Малик жанг ҳақида Исфаҳон дарвозаси олдида эшитди, отнинг жиловини тортиб шу ерда тўхтатди. У Фиёсiddинг умумий аҳвол ҳақида ва ўзининг жанг майдонига кирмаганлигини ҳам маълум қилди. Шунда Фиёсiddин унинг фикрини маъкуллади ва

қасос олиш зарурларини билдириди. У ҳам отабек Иған Тоисий жойлашган Исфаҳонга юриш бошлади. Шаҳар қозиси у (Иған Тоисий) билан ҳамкорлик ўрнатиб, унга ўз маҳалласи билан бирга бўйсунди. Лекин шаҳар раиси Садриддин ал-Хўжандий ва унинг маҳалласи қози билан ораларидағи ички душманлик сабабли отабекка бўйсунмади. Фиёсиддин тезлик билан Исфаҳонга отланди. Ҳавф яқинлашаётганидан огоҳлантирилган отабек эса кўркув туфайли ундан ҳам эртароқ мўлжалдаги ерга етиб келди. Гўё Абу Фирас айтганидек бўлди⁶.

О, бу қанчалар сарбаланд деворлари ила қўрқитолмас,
Харобалар оралаб қуёш нури ила кўтарилганман ахир.

Отабек англадики, хизматдан қочиб қутилишнинг ва айбини инкор қилишнинг иложи йўқ, шу сабабли Фиёсиддинни кўргани замон бўйин эгди, бошини ерга урди, унга садоқатини бошқа йўллар билан ҳам намоён этди. Бундан Фиёсиддин кўнглидан унинг одамларига Ўдоқхонни ўлдириш ҳақида берган буйруғи туфайли душманлик туйғулари чекинди. У синглиси Ойсу хотунни Иған Тоисийга хотинликка берди ва тўй бўлиб ўтди. Бироқ, унинг амирларидан бир қанчаси бу ишни душманлик деб баҳолади ва улар қароргоҳни тарқ этдилар, у билан ҳамкорлик қилишдан бош тортдилар. Бу аҳвол Фиёсиддин ўзаро душманликни бартараф этиш ва тотувликни мустаҳкамлаш борасида таклиф билдириб улар ҳузурига бир неча элчилар юборгунча давом қилди. Шундан сўнг уларнинг кўнглидаги адватлар барҳам топиб, унинг ёнига яна ўзаро ҳамкорлик учун йигила бошладилар. Улар яна хизматга қайтиб келдилар, уни қўллаб-кувватлашга сўз бердилар. Фақат Ойтемир аш-Шомийгина қайтмади, унинг кейинги тақдири Озарбайжон ҳукмдори отабек Ўзбек билан боғланди ва шу ерда ҳалок бўлди⁷.

Фиёсиддин Ироқда мустаҳкамланди, шунингдек, унинг ҳокимияти Мозандорон ва Хурросон теграларига ҳам ёйилди. У Мозондаронни иқто сифатида Давлат Маликка берди. У бу ерда ўз ҳокимиятини мустаҳкамлади. Иған Тоисий Ҳамадонни ва унинг вилоятларини қўлга олди. Унинг ҳукмдорлигини бу ердагилар тан олди. Уларнинг ҳар бири

ӯз вилоятларини бошқариш билан бирга молиявий ва солиқ ишларини ҳам тартибга соддилар.

Давлат Малик Фиёсиддин хизматига қайтиб келганидан кейин унинг қудрати янада ощида ва у отабек Ўзбек ибн Муҳаммад ибн Элдегиз ҳукмронлик қиласеттан Озарбайжонга юриш қилди. Фиёсиддин Марогани, отабек кўл остидаги Ироққа яқин бўлган бошқа жойларни ҳам босиб олишга уринди ва Учонда тўхтади⁸. У юриш қилган жойларга бир неча бор Ўзбек элчилари тинчлик ўрнатиш, урушга барҳам бериш, ёмонликни бартараф этиш, зазига тоғон тўлаш учун ташриф буюрдилар. У унга (Фиёсиддинга) Нахичевон ҳукмдори, малика ал-Жалолияни тортиқ қилиди. Шундан сўнг улар ўртасида келишув битими мустаҳкамланди ва Фиёсиддин Ироққа қайтиб кетди.

¹ Корун қалъаси Ҳамадон теграсида бўлган.

² Ал-Мутанаббийнинг Ҳалаб ҳукмдори Сайфуддавла ал-Ҳамадоний (944—967 йилларда ҳукмронлик қилган) синглиси вафотига бағишиланган марсиядан.

³ Саржаҳон қалъаси Занжон ва Тарум оралигига, Филон йўли устида жойлашган. Иған Тоисий Фиёсиддин Пиршоҳнинг тоғаси ва отабеги бўлган.

⁴ Сава Ҳуррамобод туманидаги ўрга аср шаҳри бўлган. Хоразмшоҳ Муҳаммаднинг вазири Имодулмулк ибн аш-Шадид ас-Савий шу шаҳардан бўлган. Қашон — Кум ва Исфахон ўртасидаги шаҳар. Қоража Рудравар туманидаги бош шаҳар ҳисобланган.

⁵ Ўдоқхоннинг шахсини аниқлаб бўлмади. Ан-Насавий у ҳакда Хоразмшоҳнинг амир-охурларидан бири эди, деб ёзади.

⁶ Шоир Абу Фирас ал-Ҳамадоний (932—967 йилларда яшаган) Ҳалаб ҳукмдори Сайфуддавла ал-Ҳамадонийнинг тоғаваччаси. Ундан шеърий девон ва “Ар-Руммийат” деб аталган қасидаси мерос қолган.

⁷ Ойтемир аш-Шомийни Ибн Ал-Асир Ойбек аш-Шомий деб ёзади.

⁸ Улон — Эрон Озарбайжонидаги шаҳар.

**ФИЁСИДДИННИНГ ФОРСГА ЮРИШИ, БУ ВИЛОЯТДАГИ
БОСҚИНЧИЛИКЛАРИ ВА ҚЎШИНЛАРИНИНГ БУ ЕРДА ҚИЛГАН
ЖИНОЯТКОРОНА ИШЛАРИ БАЁНИ**

Фиёсиддин Ироққа келган дастлабки пайтларда қўшнилар билан ҳамкорликда қилинган ишлар учун — хоҳ у бирор жойга юриш бўлсин, хоҳ урушда кўрсатилган ёрдам бўлсин, ҳақ тўларди. Бу ҳол оғир урушлар туфайли ҳар томонга тарқаб кетган Султон лашкарлари унинг сафига келиб қўшилиб қудратини оширгунча давом этди. Бу айнан юқорида айтганимиз Журжон тоторлар билан Ионижхон ўртасидаги жангда иккинчисининг мағлубиятга учраб қочиши пайтига тўғри келди. У (Фиёсиддин) уни ҳурмат билан кутиб олди, бу Ионижхоннинг аввалги ва ҳозирги хизматларига, садоқатига кўрсатилган эҳтиром натижаси эди. Фиёсиддин иззат кўрсатиб, улуғлаб унга ва унинг лашкарларига совғалар берар экан, аҳвол шунга бориб етдики, бу унинг тоғаваччалари Давлат Малик, Болтай Маликнинг кўнглида ҳасадни оловлантириди, отабек Иған Тоисийни эса ғазаблантириди. Булар учови обрӯзътибори улуғлангани учун ҳасадгўйлик, кўролмаслик оқибатида Ионижхонни ўлдиришга қарор қўлдилаар.

Фиёсиддин Ионижхонга нисбатан режалаштирилаётган ёмонликлардан, алдов ва сотқинликлардан хабар топди ҳамда уларни аҳилликка чақирди, бунда иш учун қелгусида қайтадиган ўч, қасослардан огоҳлантириди. Шунда икки тоғаваччаси кўнгилларида алам билан, ёмон ниятларини юракларига жойлаган ҳолда, Фиёсиддин билан бошқа ҳамкорлик қўлмаслик фикрида турли вилоятларга жўнаб кетди.

Бу тоторларнинг Ироққа учинчи босқини пайтига тўғри келди (Ҳижрий 621 йил, милодий 1224—1225 йиллар оралиғи). Тоторлар улар иттифоқчилигига дарз кетганини англадилар. Улар Занжон чегараларида Давлат Малик қўшинига ҳужум қилишди ва уни ўлдиришди¹. У шу тариқа қўлмишидан ўзи зарар кўрди, бирорвга нисбатан ёмонлиги ўзига урди. У атрофини коғирлар ўраб олганда ва ўзини ўлим гирдобида кўрганида ўғли, ёш бола Баракатхон-

ға Озарбайжон йўлини кўрсатиб деди²: “Бу йўлдан у сени
то хавфсиз жой олиб чиққунча бурилмай тўғри кетавер!”
Бола бу йўлдан юриб Табризга етиб олди³. Отабек Ўзбек
уни меҳрибонлик билан қарши олди. Уни Жалолиддин
қўшини билан Ҳиндистондан қайтиб келиб то Табризни
босиб олгунча ота ўрнида тарбиялади.

Тоторлар Занжондан қайтиб келаётib Иған Тоисий
қўшинларига хужум қилишди. Улар унинг бойлигининг
кагта қисмини босиб олишди ва ҳамма саркардаларини
қириб ташлашди. Унинг ўзи яқинлари билан қочиб То-
рум чегараларига етиб олди⁴. Тоторлар шундан сўнг орт-
ларига қайтдилар ва Жайхунни кечиб ўтдилар. Улар кўлга
киритилган ўлжа билан мақтандилар. Бирорга қилинган
қасад ана шундай яқун топади. Буни ҳасадчи оғир аҳвол-
га тушгандагина яққол англаши мумкин. Тақдир унга
тишларини кўрсатиб ана шундай баҳтсизлик ато қилган
эди.

Омон қолганлар бўйсунмаслик оқибатида юзлари қора
бўлиб, мағлубият натижасида бир гуруҳ оломонга айла-
ниб Фиёсиддин ҳузурига қайтиб келди. Уларнинг қайтиб
келиши туфайли унинг кудрати ошли, қўшиннинг орқа
томони янада мустаҳкамланди. Бу вақтда у Форс ҳукмдо-
ри отабек Музаффариддин Саъд ибн Зангидан ўч олишга
эришди. Бу ўчнинг сабаби бор эди: у Исфаҳон аҳолиси-
нинг бекарор муносабатлари, ўзгарувчан кайфиятлари-
дан фойдаланиб ўзи томонга ағдариб олиш учун улар
билан хат ёзишар, шунингдек, (Фиёсиддин учун) қийин
шароитларда у талаб қилганида ёрдам учун одамлар юбор-
маган, моддий маблағ бермаганди. Шуларга кўра Фиё-
сиддин кўплаб пиёда ва отлиқ қўшинлари билан Форс
устига юриш қилди. Отабек унга қарши кураша олмасли-
гини билгач, Истаҳр қальясига қамалиб олди⁵. Буни эшит-
ган Фиёсиддин у томонга юрди, унинг работига хужум
этди. Уни куч билан босиб олиб, вайрон қилди. Кейин бу
қальяни ташлаб чиқиб, Шерозга томон юрди. Уни ҳам
босиб олиб, қасос шарбатини ичди. Сўнгра у бир қанча
вақт Жира қальясини қамал қилди⁶. Лекин хун ҳақини
олгач, улар билан тинчлик битимини тузиб, аҳолисига
омонлик берди. Айни шу ерда Инонжон вафот этди ва
Шиъб Салмон қабристонига кўмилиди.

У (Фиёсиддин) Алп Эрхон кўшинини шайх Абу Исҳоқ аш-Шерозий юрти Қозирунга отлантирди⁷. Алп Эрхон Қозирунни босиб олди, болаларни асир қилиб ҳайдади, аёлларни зўрликка рўпарў қилди, аҳолини жазолади. Бу ерда кўп йиллар давомида ҳайрия йўли билан катта миқдорда бойлик тўпланганди. Алп Эрхон бу бойликни Фиёсиддин хазинасига олиб келди. Ушбу бойлик унинг аввалги даврлардаги куч-кудратини тиклади, ахволини янада яхшилади. Аммо, афсуски, темир тақинчоқлар жабр-зулмага, оғир, ноҳақ соликлар уятсизлик юкига айланганди. Бундай маҳсулотлар ташқаридан кумуш бўлиб ярақлаши мумкин, аслида у мантиқан қаттол заҳар эди. Албатта, унинг (Алп Эрхоннинг) тақдири фожиали кечди, тоторлар уни Исфаҳон дарвозаси олдида тутиб олишди. Улар унинг оёқларини отнинг қорнига, қўлларини эса орқасига қайириб боғлашди. Шу тариқа уни икки йиллик йўл ҳисобланган Ҳоқон хузурига жўнатиши. Ҳоқон уни, яrim жон бўлиб қолган одамни оловга ташлаттириди. Эҳтимол, булар унга нариги дунёда бериладиган жазо ўрнига юборилгандир. Яна ким билади, дейсиз, “Оллоҳ қудратли, ундан кўра билгувчи йўқдир”.*

Фиёсиддин бу ердан Боғод вилояти теграсида бўлган Рамхур томонга йўл олди. Олий девон номидан бу ерни бошқараётган Аъламиддин Қайсар Фиёсиддин бу ерда ҳам Форсдаги каби талончилик, қирғинбаротларни амалга оширади, ҳамма ёққа ўт қўяди деб ўйлаб, кўл остидаги ерларни ташлаб кетди⁸. Лекин Фиёсиддин шаҳарга хужум қилмади. У Оллоҳ олдидаги бурчини унутмади, унга содик қолди. Имом ан-Носир эса, Оллоҳ уни ўз паноҳида сақласин, шу йили Йрбилдан, вилоятнинг бошқа жойлари, масалан, ал-Жазира, Диёр Бакр, Диёр Робиъадан кўплаб лашкарлар тўплаган эди⁹. У Фиёсиддинга нома йўллади. Но мада уни ўзи ҳукмдорлик қилаётган ва яшаш қулай бўлган жойга қайтиб бориб ҳаёт кечиришга даъват этди. Фиёсиддин бу даъватта кўнди ва Ироқقا қайтиб келди.

⁷Занжон — Эрон Озарбойжонидаги шаҳар.

⁸Давлат Маликнинг ўғли Баракатхон кейинчалик Жалолиддиннинг кўзга кўринган амирларидан бири бўлди. Жалолиддин

Улимидан сўнг Баракатхон Хоразмшохнинг бошқа амирлари билан биргаликда Кўниё султонининг хизматини қилиди. Бир қанча саргузаштлардан кейин у Ироқнинг Харман шаҳрига хўмдор бўлди. Ўшанда ан-Насавий унга вазирлик қилган.

³Табриз — Эрон Озарбайжонидаги шаҳар.

⁴Торум — Занжондан шимол томонда жойлашган ноҳия.

⁵Фиёсiddин сафига мӯгуллардан енгилган хоразмлиkkар лацкарлари ва Бароқ Ҳожиб, Инонжон, Ўгул Малик қўшинларидан омон қолганлари келиб қўшилганлар. Фиёсiddин бошчилигидаги бу бирлашган қўшин отабек Саъднинг қўшинига гарбий Форснинг Дина деб аталган жойида хўжум қиласди. Саъд бу ердан Истаҳрга томон қочади. Истаҳр — Форсдаги шаҳар. Ўша даврда у қалъя ҳисобланган ва XVI асрнча мавжуд бўлган. Фиёсiddин Пиршоҳнинг отабек Саъдга хўжуми, Ибн ал-Асир ёзишича, ҳижрий 620 йил (1223 йил ноябрь — декабрь) да, Жувайний фикрича, 619 йил (1223 йил февраль) да бўлиб ўтган.

⁶Шероз — Отабеклар давлатининг Форсдаги пойтахти. У Фиёсiddин томонидан 621 йил (1224 йил январь — февраль) да босиб олинган. Жира — Шероз ноҳиясидаги қалъя.

⁷Қозирун — Шероз ноҳиясидаги қалъя. Шайх Абу Исҳоқ ал-Қозируний ат-Шерозий (963—1034 йилларда яшаган) ал-Исҳоқия ёки ал-Қозируния суфийлик тариқатининг асосчиси. Унинг отаси оташпараст бўлган. Абу Исҳоқ исломни қабул қиласди. Абу Исҳоқнинг қабри Қозирунда, у шогирдлари томонидан муқаддас жойга айлантирилган.

⁸Абу Наср Аъламиддин Кайсаар ибн Абдуллаҳ ан-Носирий — халифа ан-Носирнинг амирларидан бири.

⁹Ирбил — Ироқдаги шаҳар, ал-Жазира — Юқори Месопотамия, Диёр Бакр — ўрта асрларда Амид деб номланган шаҳар. Айни пайтда шу номдаги вилоят ҳам бор. Диёр Робиъа — ал-Жазирадаги вилоят номи.

35-БОБ

ЖАЛОЛИДДИН ФАЗНАГА КЕЛГУНЧА БУ ЕРДА РЎЙ БЕРГАН ВОҚЕАЛАР БАЁНИ

Фазнани Кузбор Малик унинг (Жалолиддиннинг) ношиби сифатида бошқаарди¹. Амин Малик кўнглида Сеистонни босиб олиб, ўзига қарам қилиш нияти туғилганда, у Кузбор Маликка одам юбориб юқорида айтилган мамлакатга юриш қилишда кучларни бирлаштиришни таклиф этди. У ҳам таклифга кўнди, Фазнадан чиқиб унга ёрдам бериш учун юрди.

Фурларнинг оқсоқол етакчиларидан бири Ихтиёридин Хурпушт бу вақтда Пешоварда қачонлардир Жалолиддин томонидан бўлиб берилган мулкида эди². У шу пайт Фазнанинг ҳимоясиз қолганидан фойдаланмоқчи бўлди, уларга тинч яшаш ҳақида берган сўзидан қайтди. У шаҳарга бостириб кирди ва улар (Кузбор Малик, Амин Малик)нинг йўқлиги ишни ўз фойласига ҳал қилиш имконини берди. Қалья волийси Салоҳиддин ан-Нисаъий Султонга садоқатли инсон эди³. У Фазнани босиб олган Хурпушт билан тотувлик битимини тузди. Сўзда унга яқинлигини намойиш этди, яширин ҳолда эса унга қаршилик қилиш йўлларини изларди. Ихтиёридин у билан дўстона алоқалар ўрнатгач, унга ўзлари билан учрашиб туриш имкониятларини яратиб берди. Бир гал у Хурпушт билан майдонда учрашар экан, унинг кўкрагига ҳанжар урди ва ҳаётига хотима ясади⁴. Кейин Салоҳиддин босқинчиларига қарши кураш бошлади ва бошқаларни ҳам кетидан эргаштирди. Султон келгунга қадар юртни ёмонлардан тозалади. У Хурпушт тарафдорларига қарши бўлган буйруқ чиқарди ва одамлар жойларда, уйларда, хоналарда уларга бирдан ҳужум қилди. Уларни ҳатто ертўлалардан, тошлар орасидан ҳам суриб чиқарди. Унинг қарорига кўра Хурпуштнинг жияни Тожиддин чормихга тортилиб қатл этилди.

Радиулмулк Жалолиддиннинг Фазнада жойлашган девонидаги молиявий назоратчиси (муширифи) эди. Салоҳиддин унга девон ишларини топширишни маъқул кўрди ва уни ўз билганича иш тутмасликка, хирожлар, бошқа маблағларнинг ҳисоб-китобини тўғри олиб боришга, хуллас, адолат билан иш юритишга даъват эди. У унга ишни топширди. Аммо Радиулмулк бу лавозимда мустаҳкамлануб олгач манманлик, мақтанчоқлик, бошқаларни менсимаслик йўлига ўтди. Бироздан кейин маълум бўлди, давлат ишларидаги камчиликлар бартараф этилмаётиди. У бу ишлардаги камчиликларни — ҳазиналадаги йиртикларни, тешикларни кўргани ҳолда уни ямашга, бутлашга эмас, уларни янада кенгайтиришга уринмоқда. У девон харажатларини тўхтатиб кўя бошлади, гарчи вазирнинг хизмат доирасига кирмаса ҳам ҳар хил мукофотлар, маошлар тайинлади.

Кейин у охири хайрли бўлмайдиган ишларини ҳам, манбаи номаътум бўлган бойликларни тўплаш борасидаги ҳаражатларини ҳам Салоҳиддин қўллаб-кувватламаслигини англаб етди. Шунда Радиулмулк сеистонлик бир гурух одамларни унга қарши қайради. Улар Салоҳиддинни ўлдиришиди⁵. Шу тариқа Радиулмулк Жалолиддин Фазнага қайтиб келгунча уни мустақил бошқарди⁶. У (Жалолиддин) дастлаб ҳамма нарсани ўзгаришсиз қолдиришта қарор қилди. Радиулмулкнинг разиллиги, ёмонлигига эътибор бермади, унинг хиёнаткорона қилган ишларини эшитиб-эшитмасликка олди. Бу ҳол у Парвонда тоторларни мағлуб қилиб (бу ҳақда кейинроқ баён этилади), Фазнага ғолиб сифатида қайтгунига қадар давом этди. Шундан кейин Жалолиддин уни тутишга буйруқ берди. Шу билан бирга ундан заруратсиз сарфланган маблағларни ва керакли ҳаражатлардан ташқари ўзлаштириб олган пулларни ундириш талаб қилинди. Бироқ пул ундириш ўрнига уни санжоққа солиб сиқдилар ва у даҳшатли ўлим топди.

‘Кузбор Малик исми Равертида “Малик Куриз” ва “Курбуз” ҳолида ҳам берилган.

Малик Ихтиёриддин ибн Али Хурпушт, Жувайний ёзишича, Жалолиддиннинг Пешовордаги ноиби. Унинг қўл остида 20 минг лашкар бўлган. Жузжонийнинг айтишича, Ихтиёриддин Фазнага 130 минг лашкар билан Хоразмшоҳ Муҳаммад томонидан юборилган. Қўшиңдаги лашкарлар сони бу гал ошириб кўрсатилгани аниқ. Бу ерда нима бўлмасин, Амин Малик Хурпуштнинг курдатли кучини кўриб, унга тенг асосда ҳамкорликни таклиф этган. Хурпушт эса фурлар ва туркийлар ўзаро дўстликда яшай олмайди дея бу таклифни рад этган.

Фур амирларининг исмидаги “хур” сўзи күёш, олов маъноларини англатади. У “хар” — эшак маъносига алоқасиз деб қаралади.

Жувайний ва Жузжоний ёзишича, Фазна волийси Салоҳиддин Муҳаммад ан-Насавий ва Фазна ҳамда Фур хукмдори Султон Жалолиддиннинг вазири Шамсулмулк Шихобидин Али ас-Сараксийга Хурпуштнинг фурлар ниятига — Султонга қарши қўзғолон кўтариш, унинг қариндоши Амин Маликни Фазна хукмдорлигидан четлаштириш фикрига қўшилмаганлигини билдиришини айтишади.

‘Жувайний фикрича, Хурпушт боғда ўлдирилган, Жузжоний айтишича, бу воқеа зиёфат-пайтида юз берган.

‘Қози Радиулмулк ва унинг укаси Умдатулмулк Салоҳиддин ан-Насавийни ўлдириб Фазна ҳукмдорлигини қўлга киритади. Радиулмулк ўзини ҳукмдор деб эълон қиласди. У хаёлида ҳатто Ҳиндистонца ҳукмдор бўлишни ҳам истарди. Бироқ Сайфиддин Эброқ Малик ал-Халажий бошчилигидаги туркманлар ва халажжалар билан жангдаёт, Радиулмулк қўшини мағлубиятта учрайди, ўзи эса ўлдирилади.

‘Радиулмулк ўлимидан кейин Фазнани унинг укаси Умдатулмулк бошқара бошлади. Бироқ унга қарши гурлар Балх ҳукмдори Имомиддиннинг ўғли Аъзам Малик ва Кобул ҳукмдори Малик Шер етакчилигига уруш бошладилар ҳамда Фазнани босиб олдилар. Умдатулмулк қалъага кириб, 40 кун қамалда ётди. Кўриниб турибдики, Жувайний келтираётган воқеалар ан-Насавий маълумотларидан фарқ қиласди.

36-БОБ

ЖАЛОЛИДДИН ФАЗНАГА ҚАЙТИБ КЕЛГАНИДАН КЕЙИНГИ ВОҚЕАЛАР БАЁНИ

У Фазнага 618 (1221 йил февралдан – 1222 йил февралгача) йилда қайтиб келди. Одамлар унинг келишини қувонч билан, худди курғоқчиликдан қийналган одамларнинг бетиним ёмғирни, рўза туттаниларнинг рамазон тугаб ҳайитни кутганидай кутиб олишди. Унинг хизматига Сайфиддин Эброқ ал-Халажий, Балх ҳукмдори Аъзам Малик, қорлуқлар йўлбошчиси ал-Ҳасан Қорлуқ кабилалар ўтишди. Улардан ҳар бирининг қўл остида 30 мингдан лашкар бор эди. Жалолиддин қўл остида ўзининг ва Амин Маликнинг қўшинлари жамланган эди¹.

Чингизхон Қандаҳорда қўшинлари бошига қандай талофатлар тушганини билгач, ўғли Тулихонни кескир қиличдек мард, тўқим тагига солинадиган наматдай садоқатли, энг яхши сараланган лашкарлардан иборат кўп минг сонли қўшинга бош қилиб отлантирди. Жалолиддин уларни исломни ҳимоя қилиш, жиҳод бошлашдек жиддий мақсад билан қарши олди. У уни Парвон ёнида тоғнинг сел оқими сингари беҳисоб отлиқлар, шер қелбатли лашкарлар билан қаршилади. Иккала қўшин бир-бирига кўрингандан унинг ўзи Тулихон марказига отилиб

кирди, уларнинг жанговор сафларини бузиб ташлади, ёгий байробини отлар туёқлари остига итқитди. Уни ўз сафи-ни ташлаб орқага қочишга мажбур қилди. Шундан кейин тоторлар қиличларга нишон бўлди. Фазаб отига мингандан Жалолиддин душманлардан қанчасининг бошини тана-сидан жудо қилди. Бошқача бўлиши мумкинмиди? Ахир улар унга, отасига, укаларига, давлатига, Ватанига, яқин-ларига, ҳимоячиларига қанча беҳисоб азоблар берди? Ахир у отасиз ва авлодсиз, хожасиз ва қулларсиз қолди, ўзи эса баҳтсизлик чўлига, ҳавфларга тўла сахрора итқитиб ташланди.

Тўлихон ҳужум айни кучайган, жанг авжига чиққан пайтда ҳалок бўлди. Кўплаб асир олинди, хизматкорлар асиirlарни унинг (Жалолиддин) хузурига олиб келар. Қуло-гини тешиб темир исирға осишар, шу тариқа ҳисобга ки-ритишарди. Жалолиддин буни ним табассум билан кузатарди. Уларни бу дунёда ана шундай қийноқларга со-лишди². “Охират азоби эса, шак-шубҳасиз, қаттикроқ ва узурроқдир”.*

Тоторлар қўшинларидан бир қисми шунгача Валиён қальясини қамал қилиб турганди, уларнинг аҳволи ҳам оғирлашиб қолди³. Улар (тоторлар) Тулихон ва унинг қўши-ни Оллоҳнинг оғир қийноқларига учраганини эшитиб, орзу-умидларини рўёбга чиқаролмай, кўркув аралаш бу ердан чекиндилар. Оллоҳ мусулмонларни қамалдан халос қилди. Қочоқлар Чингизхон хузурига борганидан кейин унинг ўзи еру кўкка сифмайдиган, агар бир жойга тўпланса, паст-текисликларни тўлдириб юборадиган даражадаги қўшини билан унга (Жалолиддинга) қарши отланди.

Бу вақта келиб шундай бўлдики, Сайфиддин Эгроқ, Аъзам Малик ва Музаффар Малик бошчилигидаги халаж-лар, қорлуқлар лашкарлари жаҳл билан Жалолиддин қўши-нини ташлаб кетдилар. Афсуски, бу иш улар ниҳоятда за-рур ва ёрдами керак бўлган пайтда рўй берди. Бунга сабаб, Чингиз қўшинларини Парвон яқинида мағлубиятга учрат-ганда Оллоҳ инояти билан қўлга киритилган бойликларни бўлиш пайтида улар ўртасида низо чиқди. Бу низо улар юзига уятсизлик тамғасини босди. Ҳатто Амин Малик саф-дошлари бўлган туркйлардан баъзилари Аъзам Малик-нинг лашкарлари тоторлар отхонасидан олган отларга эга

бўлишга уриндилар. Натижада улар ўртасидаги низо кучайди. Туркийлардан бири уни (халажни) қамчи билан урди. Бу улар қалбида нафрат туйгусини ўйғотди. Кўлга киритилган бойликларни адолат билан бўлинишига эришолмасликларни билгач, уларнинг ақли ўрнини адоват эгаллади. Жалолиддин уларни ўзаро келишишига урингани сайин туркийлар жаҳл отига минди, қайсарлиги тутди. Улар ўзларига нисбатан яхши муносабат, ғалабага кўшган ҳиссаларига қараб рағбат бўлишини талаб қўлдилар. Уларнинг бу жабҳада тажрибаси кам эди, охир-оқибатда нималар рўй беринини англашни хоҳламасдилар. Бошқа жойлардан келганлар (гувлар, афғонлар) бир-бирларига дардларини тўкиб солишарди. Улар “туркийлар тоторларни инсон зотидан эмас, қўркув билмайди, баданида қилич тигининг ўрни йўқ, чекинмайди, найзалар таъсир қилмайди” дейишарди, мана биз кўрдикки, уларнинг ҳам бўғинларини қилич кесаркан, уруғ-аймоқлари ўртасида келишмовчилик, низо, ўлим ҳукмронлик қиларкан, ҳатто қасам ичиб унга амал қилмайдиганлари, битим тузиб уни бузадиганлари бор экан”, дея гап тарқатишарди. Оқибатда Куръони каримда айтилганидек, “улар Ерда мутакаббирлик қилган ва ёмон макр-ҳийла қилган ҳолларида ҳидоятдан узоқлашдилар. Ёмон макр-ҳийла эса фақат ўз эгалирини ўраб ҳалок қилур”. Агар Жалолиддин уларга эҳтиром кўрсатиб, кетиш раъйидан қайтариш учун уринса, бузилмас иттифоқ тузиш мақсадида орага элчилар қўйса, туркийлар бунга норзилик билдирадилар. Натижада “Оллоҳнинг амри-иродаси тақдирি азалий бўлди”*, улар уни (Жалолиддин қўшинини) тарқ этдилар⁴. Шундай қилиб, бу уйнинг ҳукмдорлари (Хорамзшоҳлар) турфа хил худоларга сифинадиган қабилаларга (мушрикларга) қарама-қарши ўлароқ туркийларни ўзига ёрдамчи қилиб олиб хатога йўл қўйдилар. Негаки ким дин ва имон-эътиқод йўлида курашса, мукофотлар кутмайди, жазодан кўрқмайди, оғир пайтларда Оллоҳнинг қудратига шак-шубҳа қилмайди, зарур бўлган ҳар қандай вақтда унинг хоҳиш-иродаси йўлида ўзини фидо қиласди.

Жалолиддин Оллоҳ душманлари ўзининг асосий қўшини билан унга қарши юриш бошлаганини, уни амирлари кўплаб лашкарлари ва шерюрак қаҳрамонлари билан тарқ

этган пайтда шайтоний куч ила ўраб олишга интилаётганини билганида ташвишга тушди, юрагини бир зум қўркув босди ва агар ўзини тарқ этганларнинг хоҳишларига бўйсуниб, уларни қайтариб келмаса, Чингизхонга қарши кураша олмаслигини яққол англали. У Синд дарёсининг нариги қирғоғига ўтиб ҳимояланишга қарор қилди. Кейин ўзидан аразлаб кетган иккита амир билан музокара олиб боришни, уларнинг ёнига қайтиб келишини тушунтиришини, шунда икки томонга ҳам фойдали бўлишини айтишни мақсад қилиб кўиди. Агар улар таклифига кўнса, ёнидаги туркийлар билан бирга қўшилиб Чингизхонга эрта тонгда ҳужум қилишни мўлжаллади.

Лекин у ўйлаган ишларни амалга оширишга Чингизхон имкон бермади. Жалолиддинга Фазнадан чиқаётган пайтда оғриқ қаттиқ азоб берарди. Бу аҳволда у тахтиравонда ўтириб боролмасди. Шу сабабли у қаттиқ оғриқ ва оғир азобга чидаган ҳолда отга минди. Ва бу аҳвол унга дори-дармон бериб, тўла соғайгунича давом эди. Бу пайтда унга Чингизхон қўшинларининг хировули Гардизда тўхтаганилиги ҳақидаги хабар етди⁵. Шунда Жалолиддин тунда отига минди ва эрга тонгда мўлжалланган ерга етиб келиб Оллоҳга шукроналар айтди. У Оллоҳнинг раҳнамолиги ва ато қилган куч-қудратига таяниб Гардиздаги қўшинларининг хировулига кутимагандা ҳужум қилди. Унинг бу ишининг амалга ошишига туёғидан чақин сачратган отлар ёрдам берди, ўзини ва қўшинини ҳам чаққоён тулпорлар, тун қоронгулиги асрари⁶. Бу ҳақда лаънати (Чингизхон) эшитганида уни қўркув босди, галабага ишончини йўқотди. У тезлик билан йўлга тушди, ҳеч нарсага эътибор бермасдан белгиланган масофани босиб ўтди. Жалолиддин Синд дарёси бўйидаги қароргоҳига етиб келди. Бироқ унга қилмоқчи бўлган ишларини — кетган қўшинларини қайтариш ва дарёдан сузуб ўтадиган кемаларни тайёрлаш учун вақт етишмади. Кемалардан биттасигина етиб келди. У бу кемада онасини, хотинини ва унинг ҳимояси остида яшайдиганларни нариги қирғоққа олиб ўтишга буйруқ берди. Бироқ кема ишдан чиқсан ва нариги қирғоққа ўтиш имкони қолмаганди. Шу пайт жангга ҳозир бўлган Чингизхон етиб келди. “Қачон Оллоҳ бирон қавмга ёмонлик — бало юборишни ирода қилса,

бас, уни қайтариб бўлмас. Ва улар учун ундан ўзга ҳоким йўқдир".*

¹ Жалолиддин Фазнага етиб келган пайтида шаҳарга Аъзам Малик ҳукмдорлик қиласди. Ўщанда Султон ва Амин Малик қўл остида 30 минг лашкар бўлади. Жувайний ёзишича, Фазнада унга яна 60—70 минг лашкар келиб кўшилган. Амин Малик қўл остида 50 минг, Сайфиддин Эгроқда эса 40 минг лашкар бўлган. Ибн ал-Асир эса Жалолиддин қўли остида отасидан қолган 60 минг лашкар бор эди, деб ёзади. Рашидиддин фикрича, Амин Малик ва Сайфиддин Эгроқ қўшинида 40 минг лашкар бўлган. Шунингдек, Жалолиддин сафига "атрофдаги ўғуз амирлари ҳам келиб кўшилган, ан-Насавий уларни Музаффар Малик бошчилигидаги аффонлар, ал-Ҳасан йўлбошчилигидаги қорлуқлар деб атайди. Абул Фараж Жалолиддиннинг қўшинидаги барча лашкарлар сонини 90 минг деса, Жузжоний "куч-ғайратга минган 130 минг лашкар бор эди", дейди.

Эгроқ номи ан-Насавийда "Буроқ", Рашидиддин ва В. Бартольдда "Ағроқ", Жувайний ва Жузжонийда "Эгроқ" ҳолида учрайди.

² Парвон Чорикордан шимолий-шарқ томонда, Форбанд ва Панжшир дарёларининг қуйилиши нуқтасида жойлашган. Шу билан бирга яна бошқа Парвон ҳам бор. У Бомиён ва Фазна оралигига, Лугар дарёси бўйида. Жалолиддин ғалаба қозонган Парвоңдаги жангда мўгулларнинг Шики Кутуку бошчилигидаги 30 минг лашкари иштирок этган. Жузжоний фикрича, мўгулларда 45 минг лашкар бўлган. Ан-Насавий мўғул қўшинларининг лашкарбошисини Тулихон деб атайди. Бу жангда Тулихоннинг ўлими тўғрисидаги фикр нотўғри.

Жалолиддин қўшинининг ўнг томонига (бурунфор) — Амин Малик, чап томонига (жавонфор) — Сайфиддин Эгроқ бошчилик қилган. Жалолиддин қўшин марказида бўлган. Икки кунлик жангда мўгуллар енгилган. Шики Кутуку қўшинининг қолганлари билан Талоконга, Чингизхон хузурига қочган.

³ Парвон жангি арафасида Жалолиддин Текечук ва Молфор бошчилигидаги қўшинларни ҳам мағлуб этади. Бу Валиён қальасида бўлиб ўтади. Бу ердаги уч кунлик жангда мўгуллардан минг лашкар ўлдирилади. Қолганлари Панжшир дарёсидан ўтиб, кўприкни бузиб қочишади. Ибн ал-Асир бу жанг натижасини Жалолиддиннинг мўгуллар устидан илк ғалабаси деб атайди. Иккинчи ғалаба эса Парвон ёнидаги жангда қўлга кири-тилган, деб ҳисоблайди.

⁴ Парвон ёнидаги жангда Жалолиддин қўшинлари катта миқдорда бойликларни қўлга киритади. Уларни бўлиш пайтида Амин Малик билан Сайфиддин Эгрок ўртасида баҳс пайдо бўлади. Битта от учун низолашиб Амин Малик Сайфиддиннинг елкасига қиличининг орти билан уради. Бироқ Жалолиддин ноҳақ иш қилгани учун ўз яқинини жазоламайди. Оқибатда бундан аразлаган Сайфиддин Эгрок, Аъзам Малик, Музаффар Малик лашкарлари билан бирга Жалолиддин қўшинини тарқ этади. Жалолиддин қошида Амин Малик туркий лашкарлари билан қолади, холос. Ибн Ал-Асир бу воқеаларни бошқачароқ шарҳлайди: қўлга киритилган бойликларни бўлиш пайтида муштлашув бошланади ва натижада Сайфиддин Эгрокнинг укаси ўлади. Ака 30 минг лашкарлик қўшинини олиб кетиш учун йўлга тушади. Жалолиддин унга коғирлар билан бўладиган муқаддас жангда бирга қолишини илтимос қиласди. “Мусулмонларнинг шу сабабли кучлари камайганидан мўгуллар дарров фойдаланадилар”.

⁵ Гардиз — Фазнадан 50 километр шимол томонда жойлашган шаҳар.

⁶ Жалолиддиннинг Чингизхон қўшинлари хировули устидан галабаси хусусидаги маълумот бошқа манбаларда учрамайди.

Жувайний фикрича, Чингизхон қўшинлари Жалолиддин қўшинларининг чиндовулига етиб олиб, Урхон бошчилигидағи лашкарларни мағлуб қиласди.

37-БОБ

ЖАЛОЛИДДИН ВА ЧИНГИЗХОН ЎРТАСИДА СИНД ДАРЁСИ БЎЙИДА БУЛИБ ЎТГАН ЭНГ ОФИР ҲАМДА ЖУДА КЎП РАМ- КУЛФАТЛАР КЕЛТИРГАН ДаҲШАТЛИ ЖАНГ БАЁНИ

Чингизхон Синд дарёси қирғогига Жалолиддин ўз олдига қўйган мақсадга эришмасдан — ажралиб кеттан амирларини қайтариб олиб келмасдан аввал етиб келди. Отлиқ лашкарлар бир-бирларига ташландилар, мардлар жанг майдонига кирдилар ва кун бўйи беаёв олишдилар. Шундан кейин 618 йил шавволининг саккизинчи куни, чоршанба тонги отди. Икки томон бир-бирига юзма-юз келиб, жанг қилдилар. Лекин Жалолиддин уларга сафини тарқ этган лашкарлардан кейин оз сонли қўшин билан рўбарў бўлди.

Ор-номусдан, аламлардан пора-пора бўлган бу юрак,
Тураг эди осий мисоли. Ё ундан ҳам ёвқур, баттарроқ!

Кейин у Чингизхон кўшинининг марказига хужум қилди, уларни бир неча бўлакларга ажратиб ташлаб ўзига йўл очди. Лаънатилар шикастланган ҳолда қоча бошладилар, у ҳолдан тойган, ҳимояга муҳтоҷ, ўзини ҳалос қилишга интилганларни кувишга тушди. Кофирлар деярли ўраб олинганди, мағлубият дўзах олови сингари торлар кўшини устига ёпирилганди. Бироқ у лаънати жангдан олдин баҳодир лақабини олган, сараланган ўн минг отлиқ лашкарларини пистирмага кўйган эди. Улар пистирмадан чиқиб Жалолиддиннинг ўнг томонига, Амин Малик лашкарларига хужум қилди. Уларни енгиб, марказга томон суриб ташлади. Шундан сўнг жанговор саф бузилди, унинг қатъиятига птур етди. Жанг майдонда кўплаб ўликлар, қонига бўялган ярадорлар қолиши, дарёга чўкканлар фожиаси билан якунланди. Лашкарлардан бири дарё бўйига келди ва чўкишини билгани ҳолда, ҳалос бўлишнинг бошқа йўли ўйқулигини англаб унинг бағрига ўзини отди. Жанг пайтида Жалолиддиннинг етти ёки саккиз ёшли ўели асирга тушиб қолди. У Чингизхон кўз ўнгида қатл этилди. Жалолиддин ҳолдан тойган ҳолда Синд дарёси бўйига келди, шунда у онаси, хотини (катл этилган ўғлининг онаси) ва ҳарамидаги бошқа аёлларнинг: “Оллоҳ номи билан сендан ёлвориб сўраймиз, бизларни ўлдир ва шу тариқа асир тушишдан қутқар!” деган аянчли фарёдларини эшилди. Шунда у буйруқ берди, уларнинг ҳаммаси дарёга чўқтирилди. Ҳақиқатдан ҳам, бу кўз кўриб, кулоқ эшиитмаган баҳтсизлик, оғир қайгу эди².

Жалолиддин кўшинини тарқ этиб кетган халажлар тақдири ҳам оғир кечди. Чингизхон Жалолиддинни мағлуб қилганидан кейин уларни тоғ тепасидан, чўққиларидан тушишга, ўрмонлар бағридан чиқишга, дараларни тарқ этишга мажбур қилди. Аъзам Малик Дарвоз қальясига кириб паноҳ топди. Қальяни тоторлар кўлга киритгунча қамал қилиб ётди, охир-оқибатда у ҳам босиб олинди ва бу ҳам бошқаларнинг аҳволига тушди³.

Кўринишидан ёқимтой, кўнгли очиқлиги билан шуҳрат қозонган, насл-насаби улуғ зотлардан бўлган Наса ариди Диёулмулк Аълоиддин Мұҳаммад ибн Маудуд менга ҳикоя қилиб берганди:⁴ “Мен ўзимни дарёга ташладим. Сузишни билмасдим. Чўка бошладим ва ўлимим яқин эди.

Ҳайқириб оқаётган сувнинг домига тушганимда бурдук осган бир болани кўриб қолдим. Унинг бурдуғини олиб, ўзини чўктиришга интилиб қўлимни чўздим. Шунда у менга: “Агар мени ўлдирмай сувдан халос бўламан десангиз, менга осилиб олинг, сизни қирғоқча олиб чиқаман”, деди. Мен у айтгандай қилдим ва ўлимдан халос бўлдик. Шундан кейин мен уни қилган иши учун тақдирлаш мақсадида кўп жойдан изладим, аммо топа олмадим. Бундайлар ёрдамида омон қолганлар кўп бўлмаса ҳам бор эди”.

¹ Абу Таммол маснавийсидан.

² Синд дарёси бўйидаги уч кунлик жанг шундай аёвсиз бўлгандики, Ибн ал-Асир айтишича, бошқа жангларни унинг олдида болалар ўйини дейиш мумкин эди. Бу ерда Амин Малик ва кўплаб хоразмликлар шаҳид бўлади. Мўғуллар орасида ярадор бўлган ва ўлганлар эса яна-да кўпроқ эди. Абул Фараж айтишича, бу жангда қатнашган мўғул лашкарлари сони ҳисобсиз эди. Улар Жалолиддиннинг дарё бўйига борадиган йўлини тўсишга уриндилар. Бу уни аёвсиз жанг қилишга мажбур қилди. Чингизхон Жалолиддинни тириклай тувишни буюрди. Тоторлар унинг атрофини ўраб ола бошладилар. Бироқ Султон бу халқани ёриб чиқди ва ўзини оти билан дарёга ташлади. Чингизхон Жалолиддиннинг бу мардлигидан ҳайратта тушди ва ўғилларига бундай деди: “Ҳақиқий ота ўғил мана шундай бўлиши керак! У шундай қирғинбарот жанг майдонидан ва дарё гирдобидан қутилиб ҳимоя қирғогига чиқа олдими, демак, ундан яна ҳам кўп ҳаҳрамонликлар ва сон-саноқсиз ташвишлар кутиш мумкін”.

1222 йилда Торбей Тоқшин бошчилигидаги 20 минг кишилик мўғул қўшини Ҳиндистонга ўтиб Жалолиддин кетига тушади. Аммо мўғуллар иссиқча чидай олмай Мўлтондан орқага қайтадилар.

³ Синд дарёси бўйидаги жангдан кейин Чингизхон уч ой давомида Жалолиддин қўшинидан кетган Сайфиддин Эгрок, Аъзам Малик лашкарлари қамалиб ётган қалъаларни бузиш ва вайрон қилиш билан шуғулланди.

⁴ Диёулмулк Аъло (Насавий уни Али деб ёзди) уддин Муҳаммад ибн Маудуд ан-Насавий Хоразмшоҳ Муҳаммад даврида арид (соҳиб девон ал-жайш), яъни қўшинлар девонининг бошлиғи эди. Қўшинлар штаби (девони) улар учун ажратилган ермулкни бошқарган, лашкарларга маблағлар етказиб берган, қўшиннинг таркибини рўйхатга олган ва уларни курол-яроглар билан таъминлаган.

**ЖАЛОЛИДДИННИНГ СИНД ДАРЁСИДАН ЎТИШИ
ВА 619 ЙИЛ ВОҚЕЛАРИ БАЁНИ**

Жалолиддин Синд дарёси қирғоғига келганды ортда бирор ҳимояланадиган нүкта қолмаган, атрофида эса ўлим кучогини очиб турарди. У орқасида яланғочланган қиличларни, оддинда эса тўлиб-тошиб оқаётган дарёни кўрди. Ва бор бўйи, қурол-яроғи билан отини сувга никтади. У от билан бирга Оллоҳнинг инояти туфайли, унинг ҳимоясида катта дарёни сузиб ўтди. Бу от унга Тифлисни босиб олгунча хизмат қилди ва шундан кейин у минишдан озод қилинди.

Дарёning нариги қирғоғида унинг қўшинидан омон қилган 4 минг лашкар бор эди. Улар худди қабрдан чиқариб олиниб бир жойга тўплангандай яланғоч ва оёқяланг турардилар. Улар орасида уч юз отлиқ ҳам бор эди. Улар саркардалар Кулбарс Баҳодир, Кабкух ва Саъдаддин Али аш-Шаробдор бошчилигига дарёни кесиб ўтаётганда тўлқинлар бағрида оқиб кетиб, узокларга бориб дарёдин чиққан, уч кундан бери Жалолиддинни излашарди¹. Одамлар унинг (Жалолиддиннинг) омон қолганини билмас, шу учун нима қилишини билмай, гўё овчи чавандозлар қамровидаги охулардай ёки бўрилар тўдаси ўраб олган, чўпонсиз қолган подадай изғишарди. Жалолиддин улар сағига келиб қўшилгунга қадар аҳвол шундай давом этди. Улар уни худди байрамни кутгандек хуррамлик билан қаршиладилар. Гўё улар онадан қайта дунёга келгандек курсанд эдилар.

Жалолиддинга қарашли устахоналардан бирида Жамол аз-Заррад исмли совут ясайдиган уста бор эди. Жанг бошлиномасдан аввал у ўз анжомларини олиб одам кўзи тушмайдиган жойга яширганди. Шу пайт у кемада кийим-кечак ва озиқ-овқатларни олиб Синд дарёсини кечиб ўтиб, улар хузурига етиб келди. Уни Жалолиддин хузурига олиб келишиди. Унинг бу иши Жалолиддинга жуда маъқул тушди ва уни устоздор қилиб тайинлади². Унга Ихтиёриддин лақабини берди. Агар Оллоҳ имкон берса, унинг ишлари хусусида ўрни билан баён қиласиз.

Ал-Жуд тоги (вилояти) ҳукмдори Шатра ранаси Жалолиддиннинг жангда мағлуб бўлганидан, унинг'оз миқдордаги шикастланган, ярадор бўлган сафдошлари ва тарафдорлари қолдиқлари билан мамлакати чегарасига яқин жойда эканлигидан хабар топди³. У жанг натижасида Жалолиддиннинг оз миқдорда отлиқ лашкарлари қолганини билгач, унинг кучи камайганлигидан ва қулай вазиятдан фойдаланиб ўлжали бўлиб қолиш мақсадида мингта яқин отлик, беш мингта пиёда қўшин билан юриш бошлиди.

Жалолиддин бу хабарни эшитар экан, ўлим устига ёпирилиб кела бошлаганини, қиличлар тифи юзи ва орқасини тилишга шайлигини англади. У қаерга бормасин, ўша ерда ўзига қарши яланғочланган қиличларни кўрди, қаерга қадам босмасин қучогини очиб турган ўлимга рўпара келди. Улар сафида ярадорлар ҳам бор эди. Агар у бу ердан тезлик билан кетишга чоғланса, улар (ярадорлар) билан йўл юриш ниҳоятда қийин кечарди.

У агар ҳиндлар бу ярадорларни кўлга туширсалар, ваҳшийларча азоблаб ўлдиришларини ҳам биларди. Шу сабабли ака ярадор бўлган уканинг, қариндош шикаст еган яқинининг олдига бориб, уларнинг бошини танасидан жудо қилди. Колганлар дарёнинг у қирғонига, тоторлар томонга ўтишга қарор қилдилар. Улар дарёнинг бу томонидаги ўрмонларда, дараларда яшаб, қўлига нима тушса шу билан тирикчилик қилишни, ҳиндлар учун тоторларнинг бир бўлаги бўлиб кўринишини ният қилдилар. Улар шундай деб маслаҳатлашиб турганда ўзлари томон шошиб келаётган пиёдаларни кўрдилар. Жалолиддин ўзининг сафдошлари ва отлиқ лашкарлари бошлиқлари билан қўшиннинг илғорига айланди. Шу пайт Шатра ранаси ҳам ўзининг маккор, догоулилари билан пайдо бўлди. У Жалолиддинни кўриши билан қўшинини ҳужумга бошлиди. Бу режасиз ҳужум эди. Шунда Жалолиддин ўз одамларини қатъиятга чорлаб, муҳим ўринларни эгаллади. Яқинлашиб келаётган ранага қаратса ёйдан ўқ узди. Ўқ унинг кўкрагига, юрагига бориб қадалди. У тиз чўйкалади ва намоз ўқиётган одам сингари эмас, ўлаётган одам каби йикилди. Унинг қўшини орқага қараб қочди. Жалолиддин уларнинг отларини, қуролларини, бойликлари-

ни, кийим-кечакларини қўлга киритди. Буларни унга Оллоҳнинг ўзи етказди.

Кубачанинг Нандан ва Сакундаги ноиби Қамариддин бу гаройиб воқеа ва кутилмаган жанг якунлари ҳақида эшитганидан кейин Жалолиддин билан яқинлашиш йўлларини излай бошлади⁴. Бунинг учун унга ҳар хил ноёб совғалар, қимматбаҳо буюмлар юборди. У буни унинг билан тўқнашишдан сақланиш, ўз бошига ҳам уруш туфайли Шатра ранаси бошига тушган қисмат тушмаслиги учун қиласади. Бу унда (Жалолиддинда) яхши таассурот қолдирди.

¹ Шаробдор — саройдаги шаробдор, Султон шаробхонасини кузатувчи. Жашнигир — шаробларни Султон ичишдан олдин тотиб кўрадиган синовчи.

² Устоздор — сарой лавозими, унинг вазифасига Султоннинг уй ишларининг ҳаммаси кирган. Уйдаги кизматчилар ва ғуломлар ҳам унинг буйругига итоат қилган. Устоздор Султон чақириғига итоат этган, уни муҳокама қилмаган. Сарой харажатларини ҳам у юритган.

³ Рана — Ҳиндистондаги ражипутлар подшоси ҳисобланган. Жуд тоғида жойлашган Шатра ранаси Жалолиддин томонидан ўлдирилган. Жувайнин томонидан эслатилган, мўгуллар ўлдириган рана эса биринчи рананинг қариндоши ёки ўғли бўлган. Жузжонийнинг ёзиича, Деҳли султони Носириддин Маҳмудшоҳ I (1245—1265 йиллар) ҳукмронлиги даврида унинг кўшинлари 644 йилнинг ражаб ойида (1247 йил, ноябрь) Жуд тоғидағи ранага, у мўгуллар юришида йўлбошли бўлгани учун қарши юриш қиласади. Жузжоний унинг бошқа раналарга қарши юриши ҳақида ҳам ёзади.

⁴ Қамариддин Кармоний — Синд, Учча, Мўлтон, Лаҳор, Пешоворнинг ҳукмдори бўлган Носириддин Кубачанинг Нандан ва Сакундаги ноиби. Баъзан унга Бенгалнинг бўлғуси ҳукмдори Малик Қамариддин Тамархон Қирон деб ҳам қарашади. Бу Қамариддин султон Элтутмиш (1210—1236 йиллар) томонидан сотиб олинган. У то султон Розия (1236—1239 йиллар) ҳукмронлигигача мулкка эгалик қилмаган. Розия ҳукмдорлиги даврида Канаужда ҳукмронлик қилди. Ж. Бойль Қамариддинни Кубачанинг ўзи деб ёзади.

Кармон — Пуштунистондаги Оқ төғнинг жанубий этакларида жойлашган Кармон дарёсининг соҳилидаги ўрта аср қалъаси.

Нандан -- Жалолиддин Шатра ранасини ўлдирган жойга яқин бўлган қалья. Рашидиддин бу воқеалар хусусида ёзар экан, Жалолиддин дастлаб дайдилар тўдасини енгди, кейин 120 кишилик қўшини билан ҳиндларнинг 40 минг лашкарининг дочини берди, дейди. Ушбу жангдан сўнг унга Балол тоги ва Николдан 6 минг кишилик қўшин ҳужум қиласди. Султон уларнинг аксариятини ўлдиради, баъзилари у томонга ўтади. Натижада унинг лашкарлари 3 минг кишига етади.

39-БОБ

ЖАЛОЛИДДИН БИЛАН ҚУБАЧА ЎРТАСИДАГИ ҲАМКОРЛИК ВА НИЗОЛАР БАЁНИ

Жалолиддин шафқатсиз жанглардан кейин дам олаётган, урушлардан омон қолган сафдошларини атрофига йиғаётган пайтда унга Амин Маликнинг қизи дарёга чўкиб кетмаганлиги, унинг кутқарив қолинганлиги ва Кубача қўли остидаги шаҳарлардан бири Уччада эканлиги хабарини етказишади¹. У унга (Кубачага) элчи юбориб, хотини, кўнглини овловчи тақдирдоши унинг ҳарамига ташланганлиги, яширилганлиги ҳақида билдиради. Ҳақиқатан, Амин Маликнинг қизи у билан қариндошлиликка лойиқ эди, у уни тезроқ, уйита олиб келишни истарди. Шундай бўлгач, уни элчи қўшиб юбориш учун йўл тайёргарлиги ҳозирланди. Кубача бу ишга жон-дили билан киришди. Буни у унинг билан дўстона ҳамкорлиги пайтида ақалли бир марта бўлса ҳам кўнглини олиш учун қилаётганди. У унинг учун эрига муносиб бўла оладиган тарзда совғалар тайёрлатди. Уни жўнатар экан, у билан бирга Жалолиддинга ҳам тортиқлар юборди. Бу тортиқлар орасида фил ҳам бор эди. Жалолиддин буларнинг ҳаммасини эҳтиром билан қабул қилди, уни эса энг яхши сўзлар билан кутиб олди. Икки томон ўртасида тинчлик ўрнатилди, мамлакатда хавфсизлик таъминланди. Бундай муносабат нифоқчи чаёнлар орага душманлик олиб кирмагунча, қарама-қаршилик ва низолар пайдо бўлган кунларгача давом этди. Шундан кейин яна келишмовчиликлар учун сабаблар туғилди, бу ҳақда куйида тўхталиб ўтамиз.

Бунинг сабабларидан бири бундай эди. Султон (Мұхаммад) Шамсулмулк Шихобиддин Алпни Жалолиддин-

га вазирликка тайинлаганди. Бу ҳақда юқорида айтган эдик². У (Шамсулмулк) салтанат учун зарур бўлган барча хислатларни ўзида мужассам қилган инсон эди. Унда ўзини бадном қиласидан бирор хусусият йўқ эди, аксинча сахийлик, самимийлик, камтарлик ва мўминликда унга ҳеч ким тенг келолмасди. У шу даражада хурмат-эҳтиромга эришганники, уни кўрганда тунги чигирткалар ҳам сайрашдан тўхтарди, тоғ ирмоқларидағи сув ҳам орқага оқа бошларди. Уруш туфайли у Кубача юргига келиб қолганди. У (Кубача) ҳам унинг хавфсизлигини таъминланган, уй-жой берган, ўзига вазир қилиб олганди. Кубача Жалолиддин одамлари орасидан ўз ҳимоясига ўтганлари ичилади ўзи учун хавф ва кўркув туғдирадиганлари йўқ, деб ҳисобларди. Ўзи эса унга (вазирига) эҳтиётсизлик қилиб, айтиши мумкин бўлмаган гапларни ҳам айтиб, ишларни ҳам ишониб топшириб кўйган эди.

Шу сабабли Жалолиддиннинг бу вазирга кўз тикаётганини билгач, унинг кўнглида Шамсулмулкка нисбатан ёмонлик уйғонди. Қалбидаги дардларни унга баҳам кўрганидан, уни воқиф қилганидан афсусланди ва дарғазаб бўлди.

Жалолиддин Шамсулмулк Кубачанинг ёнида эканлигини эшитгач, уни ҳузурига таклиф қилди. Кубача вазири биладиган сирлардан бошқалар огоҳ бўлмаслиги учун у (Жалолиддин) билан тузилган дўстлик битимини бузиш ва жанг қилиш керак деган фикрга борди. Шунингдек, у сирларининг ошкор бўлишидан кўрқиб, вазирни йўқ қилишга киришди.

Жалолиддин булар хусусида Ҳазор мард номи билан таникли бўлган амир Аёз ва Нусратиддин Мұҳаммад ибн ал-Ҳасан ибн Хурмилдинг Кубача даргоҳини ташлаб то ўз ҳузурига келгунча ҳеч нарса билмади³. Шунда улар уни Кубачанинг қилаётган ишларидан, яширин сирларидан, жангта ҳозирлик кўраётгани, ўз қароргоҳида паноҳ топган вазирни ўлдиришдаги маккордларидан огоҳ қилди.

Душманлик юзага келишининг яна-бир сабаби бор эди. Амин Маликнинг ўғли Қизилхон уруш туфайли Кубача қўл остидаги шаҳарлардан бири — Калорга келиб қолган эди⁴. Шаҳар аҳлидан кимдир унинг бойлигини талаш мақсадида уни — қиёфасидан самимият ва яхшилиқ бал-

қиб турган, навниҳол, юзлари атиргул ғунчаси янглиғ қизарган ёш болани ўлдиришди⁵. Кейин талончилар ўлдирилган етимчанинг қулоғидан юлиб олинган дурни Кубачага келтириб беришди. У эса дур келтирганга миннатдорлик билдириди ва қотилни қотиллик қилгани учун тақдирлади, унга мулк ҳадя қилди. Жалолиддин унинг бу ишидан ғазабланди, лекин бу ғазабни у пайт пойлаб, омад кулиб боққунча кўнгли тубида сақлади, юзага чиқармади. Гўё оғир ишларни амалга оширгунга қадар енгилига эътибор бермади.

Бу аҳвол унинг қўшинига укаси Фиёсiddин Пиршоҳ даргоҳини ташлаб чиққан Санжоқҳон, Элчи Паҳлавон, Урхон каби амирлар, Султон силоҳдори Сайиржа, Текчориқ Хонкиши кабилар ўз лашкарлари билан келиб қўшилгунча давом этди. Бу қўшилишдан кейин кучсизланган юракларга куч энди, ҳаракатлар, нафас олишлар тезлашди. Шундан кейин у Калор шаҳри томон юрди, уни қамал қилди, қаршилик кўрсатганларни ўткир қиличлар тиги билан сийлади. Соқолли (вазир Шамсулмулк) учун ҳам, жингалак соч (Амин Маликнинг ёш ўғли) учун ҳам ўч олди. Лашкарларини ҳужумга бошлаб бораёттанды қўлига ёй ўқи тегади. Шундан кейин у яралangan арслонга, шикастланиб ғазабга минган йўлбарсга айланади⁶. У шаҳарни босиб олгунча кечасию кундузи жангни тўхтатмайди. Бу ерда на эркак, на аёл қолдирмайди, тирик жоннинг ҳаммасини қириб ташлайди.

Бу ердан кейин у Тарнуж қальясига юриш қиласиди⁷. Қальъада у ўз сарой хизматчилари билан бирга жангга киради. Жангда унга яна бир ўқи тегади. У Тарнуж қальъасини вайроналикда Калор шаҳрига тенглашибди. Қальъа урушдан кўра талон-тарождан кўпроқ вайрон бўлади. Буларнинг ҳаммаси Кубача билан унинг ўртасида душманликни кучайтиради.

Кубача қўл остидаги мамлакат сарҳади камайиб бораёттанини кўргач, кучларини йиға бошлади ва ёрдам сўрашга қарор қилди. Кейин у 10 минг отлиқ лашкарлари билан унга (Жалолиддинга) қарши юриш бошлади. Шамсиддин Элтутмиш унга ўз қўшинидан бир қисмини ёрдамга берди⁸. Шундай қилиб у қиличини ялангочлаган ҳолда ўз ҳукмдорлик ҳукуқини қайта тиклаш учун қўшин-

ларини жанговор сафга ҳозирлади. Жалолиддин эса жангларда толиққан сафдошларини Кубача билан бўладиган жангга ташлаш баҳтсизлик сари йўл эканлитини билгани ҳолда таваккал қилди. У лашкарларини қатъиятли бўлишга, мардликка чорлаб от суради. У арслонлар ва оч бўрилар билан, айёрлар ва баҳтсизликнинг аччиқ шаробини тотганлар билан, фам ва алам азобини бошдан кечиргандар билан

Зим-зиё тун қўйнига кириб дафъатан,
Унинг паноҳида эврилди руҳга.

Шу тариқа у уни ва унинг қўшини атрофини қамраб олди, гўё олам ўз меҳварини ўраб олгандай эди. У унга нисбатан жангта олдинроқ тайёргарлик кўргани учун ғолиб бўлди. У жанг майдонини ташлаб қочди¹. Бошқалар ҳам унинг орқасидан эргашди.

Тулпор ёлларига ёпишиб илгари кетди,
Хонаки қушларни эргаштирган түяқуш мисол.
Фалокат чанг солди. Тўхтади. Аммо,
Камон ўқига айланди бирдан ўткир наизаси.

У (Кубача) қароргоҳини қандай бўлса, шундайлигича ташлаб қочди. Тикланган ўтовлар, тўпланган бойликлар, қурол-яроғлар — ҳаммаси ўлжа қилиб олинди. Жалолиддин сафдошлари билан бу ерга келиб, аввалги қароргоҳ ўрнига ўз қароргоҳларини ўрнатдилар. Улар ўлжа тушган нарсаларни ўзлариники қилиб олдилар. Ёйандозлар ва отлиқ лашкарларини бошдан-оёқ кийимлар билан таъминладилар. У ўзи ният қилган мақсадга эришгани, кўчманчилик туфайли дарбадарлик азобини тортаётган одамларига серҳосил ерлар инъом қилгани учун шарафлар бўлсин!

Вақт деган ҳукмдорнинг фармони шудир:
Бир халқ қайгуси баҳт келтирас иккинчи халқقا.

¹ Учча (Уча) — Бахавалпур штатидаги Чиноб дарёси қирғидаги шаҳар.

² Шиҳобиддин Алл ас-Саракхийнинг султонон Жалолиддининг вазир қилиб тайинланиши II-бобда айтилган. Вазир Султон

номидан унга мулкий мерос қилиб берилган Фазна ва Ғурни ҳам бошқарган. Юқоридаги воқеалар ҳам шу ерда бўлиб ўтган.

³ Нусратиддин Мұхаммад ибн ал-Ҳасан (Ибн ал-Асир уни “Ҳусайн” деб ёзди) Ибн Ҳурмил — Хоразмшоҳ Мұхаммад даврида Ҳиротнинг хукмдори бўлган Иzzиддин Абу Мұхаммад Ҳасан Ибн Ҳурмилнинг ўғли. Ғурийларга қарши курашдаги ёрдами ва яхши хизмати учун Хоразмшоҳ Иzzиддинга катта мулк ажратиб берганди. Бундан ташқари, у ер ишлари бўйича хукмдор бўлиб, йилига 250 минг динор тўларди. Аммо 1206 йилда Иzzиддин Ҳусайн ибн Ҳурмил яна ғурийлар билан тил топишиб, улар томонга ўтади. У Хоразмшоҳга қарши қўзғолон кўтариб, ғурийлар султони Fiёсиддин Маҳмуд номидан (1206—1212 йилларда хукмронлик қилган) тангалаар чиқара бошлайди ва унинг номини хутбага қўщдириб ўқиттиради. Хоразмшоҳ уни Ҳиротдан, гарчи вазир Ҳўжа ас-Соҳиб бунга қарши бўлса-да, алдаб чақириб олади. Ибн Ҳурмил ушлаб олиниб, Салумид қалъасига олиб борилади, боши танасидан жудо қилинади. Бу 604 (1208) йилда содир бўлади.

⁴ Калор Камар билан алмаштирилган ҳолда берилган бўлиши мумкин. Камар Синд дарёсидан шарқ томонда, Мансурдан Мўлтонга борадиган йўл устида бўлган.

⁵ Жувайнийнинг айтишича, Кубача Жалолиддиннинг талабига мувофиқ Маликнинг қизи ва ўғли — Қизилхонни унинг ҳузурига юборган.

⁶ Жувайнийнинг ёзишича, Жалолиддин Парасравар қалъасини қамал қилиш пайтида ярадор бўлган.

⁷ Қалъанинг номини тарихчилар ҳар хил ёзган. Ибн Ҳолдун уни Тарнуж деб атайди. Ан-Насавий уни Барнузж деб ёзган.

⁸ Шамсиддин Элтутмиш (1211—1236 йилларда хукмронлик қилган) — Шимолий Ҳиндистонда 1206—1555 йилларда хукмронлик қилган Мамлук султонлари авлодининг учинчи вакили.

⁹ Жуд тоғи теграсида жойлашган султон Жалолиддин Ҳоккар-Сангин қабиласининг ройи қизига уйланади. Рой Султонга ёрдам учун ўғли бошчилигида қўшин юборади. Султон унинг ўғлини Кутлугхон деб атайди. Бу рой ва мулкининг, давлатининг бир қисмидан ажралган Кубача ўртасида низо чиқади. Кубача унинг юргига хужум қилишга қарор қиласди. У 20 минг лашкардан иборат қўшини билан Синд дарёси қирғоғига жойлашади. Жалолиддин унга қарши 7 минг лашкардан иборат Ўзбек Тоий бошчилигидаги қўшинини юборади. Кубача енгилади ва Синд дарёсидаги оролларда жойлашган Аҳар ҳамда Бҳаккар қалъаларига бориб паноҳ топади. Кубачанинг қароргоҳи тўлалигича Ўзбек Тоий кўлига ўтади.

**ЖАЛОЛИДДИН ҚУБАЧАНИ МАҒЛУБ ЭТГАНИДАН КЕЙИН УЛАР
ҮРТАСИДА БҮЛІВ ҮТГАН ВОҚЕАЛАР ВА УНИНГ
ХИНДИСТОНДАН КЕТИШ АРАФАСИДА ШАМСИДДИН
ЭЛТУТМИШ БИЛАН МУНОСАБАТЛАРИ БАӘНИ**

Жалолиддин Қубачани мағлуб қылғач, Лаҳорга қараб юрди¹. Бу ерда Қубачанинг ўли отасига қарши құзролон күтариб, шаҳарни әгаллаб олғанди². Жалолиддин агар у талаб қилинган миқдордаги пулни дарров тұласа ва йиллик солиқларни ҳам ўз вақтида етказиб бериб турса, уни ҳукмдор сифатида қолдиришини билдири³. Кейин у Қубача номидан волий бўлган ас-Салорий ҳукмронлик қилаётган Садусан томон юрди⁴. У уни итоаткорлик билан кутиб олди, истасин-истамасин шаҳар қалитини унга топширишга мажбур бўлди⁵. Тезлик билан пул йиғдириб, Султон лашкарларининг талабини қондирди. Шундан кейин у Учча томон йўл олди ва уни бир неча кун қамал қилди. Икки томондан ҳам кўплаб одамлар ўлди. Сўнгра улар унинг билан катта миқдордаги ўлпон эвазига яраш сулҳи туздилар. Бу ўлпонни тезлик билан йиғиб бердилар. Сўнгра у Хатисар томонга қараб от сурди⁶. Бу ернинг ройи (“Рой” хинд тилида малик – ҳукмдор маъносини билдиради) Шамсиддин Элтутмишнинг сафдоши, унинг тамғасига бўйсунишга қасам ичган фуқаролардан бири эди. У Жалолиддинни ҳам итоаткорлик билан қаршилади, у томонга ўтиб, хизматига ҳозир бўлди. Жалолиддин бу ерда хавфли тузоқлардан холи дам олиш, босиб ўтилган қийин йўллардан кейин куч тўплаш учун сафар ҳассасини илди⁷. Бу ерда у Шамсиддин Элтутмиш ўттиз минг отлиқ, юз минг пиёда лашкарлари, уч юзта фил билан ўзи томон келаётгани хабарини эшитди. У (Шамсиддин) одамлари ва ҳарбий аслаҳаси кўплиги билан саҳро бағрини тўлдири, уларнинг юришидан борлиқ чанг билан қопланди:

Кушни ҳам кўкларга кўтарган қанот,
Қаноти тўзғиса — парвоз ҳам барбод.

Жалолиддин уни мардона қарши чиқди. Қўшинининг олд қисмида, хировулда мард паҳлавонлардан бири, бо-

тирлиги билан шон-шуҳратга бурканган Жаҳон Паҳлавон Ўзбек Тоий борди. Йўлда улар Шамсиiddиннинг хировулига дуч келиб қолади ва унга қарши курашиб орқасидан қувади. Шу тариқа Ўзбек Тоий Шамсиiddин кўшинининг ўртасидан чиқиб қолади. Бу ерда у душман кўшинларининг бир қисмига ҳужум уюштиради, кўпларини ўлдиради ва ярадор қиласди. Шу ердан туриб Жалолиддинга одам юборади ва жанг майдонида тўда-тўда оломон тўлиб-тошиб ётганлиги хабарини билдиради. Ундан кейин орадан кўп ўтмай Шамсиiddин Элтутмишнинг элчиси жангга барҳам бериш, дўстона ҳамкорлик қилиш, тинчлик ўрнатиш мақсадида ташриф буюрди. У унга (Жалолиддинга) қўйидаги сўзларни етказди: “Хеч сир эмаски, сенинг орқангда дин душмани турибди. Сен эса эндиликда мусулмонлар сultonни ва сultonлар мусулмонининг ўғлисан. Мен сенга қарши курашишни, мавжуд воқеаликнинг қўлида қурол бўлишни, тақдирнинг ёрдамчиси бўлиб-хизмат қилишни истамайман. Сендайларга қарши қилич яланғочламоқ мен кабиларга ярашмайди! Бундай ҳолат фақатгина мудофаага мажбур бўлганимизда ёки бирор ҳавфни бартараф этиш заруратга айлангандагина юз бериши мумкин. Агар мақсадга мувофиқ десанг орадаги ишончни мустаҳкамлаш, душманликни бартараф этиб ўзаро эҳтиромимизни кучайтириш учун қизимни сенга бераман”⁸.

Жалолиддин юқорида айтилган гапларга хайриҳоҳлик билан муносабатда бўлди. У икки сафдошга, аникроғи, Ёзидек Паҳлавон ва Сунқуржик Тоисийга элчини кузатиб боришини топширди. Улар Элтутмиш ҳузурига йўл олдилар ва уни Жалолиддиндан афзал деб билдилар. Улар ҳамма нарсадан воз кечиб, бир пайтлари бошига тушган оғир ташвишларни, кечасию кундузи тиним билмай, дам олмай ўтказган адоги йўқ ҳарбий юришларни унугиб, унинг ҳузурида қолдилар.

Шундан сўнг Элтутмиш, Кубача, Ҳиндистондаги бошқа мулклар эгалари, барча ройлар, ҳукмдорлар (такакир), вилоятлар бошлиқлари ўзаро тил бириттириб, Жалолиддинни йўқ қилишга келишганлари ҳақида миш-мишлар тарқалди. Улар у билан Панжшир дарёси бўйида жанг қилиш, уни ҳамма томондан ўраб олиб, ҳимоя қилиши

учун имкон қолдирмаслик ва ўзини калтакесак сингари янчиб ташлаш режасини туздилар.

Ўша пайтда унинг ташвишлари янада кўпайди, синовлар қаршисида ожиз қолди. У тақдирнинг зарбалари ўзига қарши қаратилганлигини англади. Бу пайтда у зўр бериб хавфлардан бирини бартараф этса, яна эсанкиратувчи воқеалар унинг устига ёпириларди. Буларни яхшилик билан ҳал қилиш ва ушбу оғир аҳволдан кутилиш учун ёрдамчиларидан маслаҳат сўради.

Уларнинг маслаҳатлари ҳам қатъий бўлмади: бир-бирларини гоҳ қўллаб-куватласалар, гоҳ қарама-қарши фикр билдирилар, мулоҳазалари баъзан тўғри бўлса, баъзан хато режаларни айтдилар. Ироқдан, Фиёсиддин хузуридан келганлар унинг укасига қарши юриш тарафдорлари бўлиб чиқдилар. Унга (Жалолиддинга) Ироқни укаси қўлидан осонгина тортиб олишни маслаҳат бердилар. Бунинг учун улар Ироқни босиб олишга кулагай вазият келганини, у ерда ҳамма ишлар ўз ҳолига ташлаб қўйилганлигини, укасининг маслаҳатчилари эса пайдо бўладиган душманлик хавфи остида ўзини ўйлашдан бошқа нарсага ярамаслигини айтдилар. Улар Фиёсиддиннинг олиб бораётган сиёсати қаттиқ эмаслигини, унинг ўзи ҳам кучсизлигини, бошқаларни ҳимоя қилишга қалқон бўлолмаслигини, шу сабабли кўплар ундан узоқлашаётганини билдирилар. Жаҳон Паҳлавон Ўзбек Тоий унга (Жалолиддинга) Ҳиндистонда қолишни маслаҳат берди. Бу ерда ҳукмдорлар кучсиз, шу учун уларни бирлаштириб, Ҳиндистонни Чингизхондан ҳимоя қилишни энг мақбул йўл деб топди. Охир-оқибатда унинг (Жалолиддиннинг) ўзига мерос қилиб берилган мулкни қўлга киритиш ва у ерда ҳукмдорлик қилиш орзуси голиб келди. Тезлик билан Ироқ томон йўлга тушиб¹⁰.

У Жаҳон Паҳлавонни Ҳиндистонда ўзи босиб олган жойга ноиб қилиб қолдирди. Ал-Ҳасан Қорлуққа эса Вафо Малик деган унвон берилди ва уни Fur, Газна вилоятларининг тоторлар босиб ололмаган жойларига ноиб қилиб белгилади. Вафо Малик бу ерда Оллоҳ қанча умр берган бўлса, шунча вақт ноиб бўлиб турди. Жаҳон Паҳлавон ўзига топширилган ерлардан 627 йилда (1229—1230 йиллар) кувиб чиқарилди ва Ироққа қайтиб келди. Унинг

кейинги тақдири ҳақида, агар Оллоҳ имкон берса, ўз ўрнида баён қиласиз.

¹ *Лаҳор (Лаҳовур)* — Шимолий Покистондаги шаҳар.

² Кубачанинг ўғлининг номи Аълоиддин Баҳромшоҳ.

³ Султон Жалолиддин Парасварни босиб олганидан кейин мўгуллар унга қарши яна кўшин юборгани хабарини эшитади. Натижада у Мўлтон томонга қайтади. Кубача қўл остидаги мулкдан ўтар экан, ундан ўлпон пули тўлашни талаб қиласди. Кубача ўлпон тўламайди ва Султонга қарши юриш бошлайди. Бир соатлик жангдан кейин Султон Уччага чекинади, лекин унинг ахолиси ҳам Жалолиддинга қарши кўзғолон кўтаради. У бу ерда икки кун турганидан кейин йўлга чиқади ва шаҳарга ўт кўйдидиради.

⁴ *Садусан* — Михран дарёси бўйидаги шаҳар.

⁵ Жузжоний ёзишича, Кубачанинг Садусандаги ноибининг номи Малик Иzzиддин Муҳаммад Салорий. У, айни пайтда, амир ҳожиб ҳам бўлган.

Кубачанинг Садусанни ҳимоя қилган кўшинларининг бошлиғи Лочин Хитой (яъни Қора Хитой) бўлган. Жувайний ва Рашидиддин ёзишича, Лочин ўз кўшинларини Жалолиддинга қарши курашга бошлаб чиқади. Жалолиддин кўшинининг хировулига амир Урхон бошчилик қиласди. Лочин жангда ўлади ва Урхон Садусанни қамал қиласди. Шундан кейин ан-Насавий айтган воқеалар бўлиб ўтади. Яъни, Фахриддин ас-Салорий Султон олдига айбдор сифатида “елкасига қилич ва кафанини кўйиб” кириб келади. Жалолиддин ас-Салорийни қальяга хукмдор қилиб қолдиради.

⁶ Жалолиддин Садусанни эгаллагач Хатисар, Девал ва Дамрилга томон юриш қиласди. Бу ернинг хукмдори Рожипутлар шажараасига алоқадор бўлган сүмронларнинг ўн биринчи вакили Малик Синониддин Хатисар эди. Жувайний ва Рашидиддин ёзишича, бу вилоятнинг хукмдори Чинсар Синд дарёсидағи ороллардан бирига қочиб бориб жон сақлайди. Девал вайроналари Таттанинг жанубий-ғарб томонида жойлашган.

⁷ Жувайний ва Рашидиддин ёзишича, султон Жалолиддин Девал ва Дамрил оралиғида қароргоҳ барпю эттиради. Гужарот пойтахти Наҳрвалга хужум қилиб у ердан туялар олиб келиш учун Хассхон бошчилигига кўшин жўнатади. Дамрилла Жалолиддин бузилган қалья ўрнига бош масjid курдиради.

⁸ Жувайнининг маълумот беришича, Элтутмиш катта кўшин йиғиб Жалолиддинга қарши отланади. Лекин Жалолиддин жангга кирмай ўз кўшинини Учча ва Мўлтон томонга бошлайди. Бу

хусусда Жузжоний бундай деб ёзди: “Элтутгмишнинг Султонга қарши қўшинини оёқлантириш масаласи ёлғон гап, чунки у нимага қарши боришини яхши билган. У нуфузли одамлардан иборат элчилар юборган ва элчилар орқали унга қимматбаҳо совғалар, буюмлар жўнатган”. Шундай қилиб, ан-Насавийнинг Жалолиддин билан Элтутгмиш ўртасида бўлиб ўтган жант ҳақида ги маълумоти бошқа манбаларда учрамайди.

Такакир (бирлик формаси тҳакур) — ўйлбошли, қўшинлар йўлбошловчиси маъносини билдиради. Панжшир дарёси — Синдинг ирмоги.

¹⁰ Султон Жалолиддин Ҳиндистонда турган пайтида бир қанча кумуш ва мис танглар зарб қилдирди. Тадқиқотчи Эдвард Томас бу танглардан баззиларини бундай таърифлайди: 71-сонли танга — кумушдан ишланган, 47 грамм; 72-сонли танга — кумуш ва мисдан ишланган, 45 грамм; 73-сонли танга — кумуш ва мисдан ишланган, 44 грамм, 74-сонли танга — кумуш ва мисдан ишланган, 54 грамм; 75-сонли танга, мисдан ишланган. Бу тангларнинг ҳаммасида бир томонида Жалолиддин исми битилган.

41-БОБ

**ТОТОРЛАРНИНГ ХОРАЗМНИ 617 ЙИЛ ЗУЛҚАЛЬДАСИДА
(1220 ЙИЛ 28 ДЕКАБРЬ — 1221 ЙИЛ 26 ЯНВАРЬ) ҚАМАЛ
КИЛИШИ ВА УНИ 618 ЙИЛ САФАР ОЙИДА
(1221 ЙИЛ 27 МАРТДАН 24 АПРЕЛГАЧА) БОСИБ ОЛИШИ БАЁНИ**

(Мен унинг бошқа шаҳарлардан фарқли ўлароқ, катта аҳамиятта молик эканлигини назарда тутган ҳолда қамал қилиниши тафсилотига алоҳида эътиборни қаратдим. Шунингдек, унинг босиб олиниши хусусида ҳам кенгроқ тўхтадим, чунки бу тоторлар ғалабаларининг бошланиши эди)¹.

Юқорида айтганимиздек, Султон ўғиллари Хоразмни тарк этганларидан кейин тоторлар унинг сарҳадларига яқинлашдилар. Лекин улар қўшинлари тайёргарлиги туғамагунча, қамал пайтида ишлатиладиган куролларни ясад бўлмагунча, бошқа мамлакатлардан қўшинлар ёрдамга етиб келиб сафлари мустаҳкамланмагунча шаҳарга яқин бормадилар. Ёрдамга биринчи бўлиб катта қўшини билан Бойжубек етиб келди². Кейин Чингизхоннинг ўғли, айни шу кунларда ҳоқонлик қилаётган Ўқтой (Угадай) қўшинини бошлаб келди³. Булардан сўнг улар ёнига яра-

мас (Чингизхон) ўзининг Бугуржи нўён бошчилигидаги ёвуз ва кўрқинчли ифритлардан иборат шахсий қўшинин юборди⁴. Кейин у ўғли Чигатойни Тўлон Чарби, Устун нўён, Қодан нўён етакчилигидаги юз мингдан ортиқроқ лашкарларига бош қилиб жўнатди.

Улар шаҳарни қамал қилишга ҳозирланиб тош отиш асбоби (манжаник), юрувчи қалъя (даббаба), ҳимоя девори (матарис), оғир тўқмоқ (жамалаунат)лар тайёрладилар. Хоразмда ва унга яқин бўлган жойларда манжаникларда отиш учун тош йўқлигини билгандаридан кейин тут дараҳтидан фойдаланиш тадоригини кўрдилар. Улар тутларни кесиб, бўлакларга бўлиб сувга бўктиридилар. Шунда тут гўлалари оғирлашди ва тош каби қаттиқлашди. Улар манжаникларда отишга тайёр бўлди. Аммо улар қамал учун барча куролларни тайёр қўлмагунча шаҳарга яқинлашмади.

Орадан бироз ўтганидан кейин Мовароуннахрда Душихон (Жўчи) ўз лашкарлари билан пайдо бўлди. У Хоразм аҳолисига элчилар юбориб, агар улар шаҳарни урушсиз топширса, ҳаммага омонлик беришини маълум қилди. Шунингдек, у Чингизхон шаҳарни ўзига ҳадя қўлганини, уни бузиш нияти йўқлигини, аксинча, асраб қолиш мақсади борлигини билдириди. Унинг бу мақсадиди қўшини келиб тушган жойни лашкарларига талонтарож қилдирмаганидан ҳам билса бўларди. У бошқа виляятларга нисбатан Хоразмга илтифотлироқ ва марҳаматлироқ муносабатда эди, унинг тақдир қурбонига айланишини, вайроналик исканжасида қолишини истамасди⁶.

Аҳоли орасидан ақли одамлар тинчлик битимини тузиш тарафдори бўлиб чиқдилар, аммо тўнг, ақли ноқис кимсалар уларга нисбатан кўпчиликни ташкил қилди:

Лек қўмматли маслаҳатлар топдилар завол⁷.

Султон оролда пайтида уларга бундай деб нома юборди: “Ҳақиқатан, аждодларимизнинг ва бизнинг Хоразм аҳолиси олдидаги ҳукуқ ҳамда мажбуриятларимиз ўтмиш замонлардан бери бениҳоя катта бўлиб келган. Бу эса бизларнинг сизлар ҳақингизда доимий ғамхўрлик қилишимиз ва маслаҳаттўй бўлишимизни талаб этади. Душман ғолиблик хирқасини кийди, шу учун сизлар улар

билин тинчлик аҳдномасини тузинглар. Бу ёмонлик ва зулмни бартараф этиш учун энг яхши усул ҳисобланади”.

Аммо бу ўринда ақли нокислар фикрлари ақдли мулоҳазалардан устун чиқди. Айтилган сўзлар, огоҳлантиришлар эътиборга олинмади, ҳукмронлик тизгини унинг эгалари кўлидан чиқди.

Шунда Душихон унга (Хоразмга) барча қўшинларини тўплаган ҳолда денгиз мисол қутуриб хужум бошлади. У ҳар бир маҳалла, кўча, уйни бирма-бир босиб олишга кириди. У бир маҳаллани босиб олар экан, одамлар иккинчи маҳаллага ўтиб жон сақладилар. Улар ўзи ва оиласини ҳимоя қилиш учун жон-жаҳдлари билан курашдилар. Аммо ҳимояланиш қийин бўлиб қолди, ёвузлик ҳамма томонга ўз панжасини урди. Шаҳарда улар босиб олмаган учта маҳалла қолди, бу маҳаллалар одамлар билан лиқ тўлган эди⁸.

Улар ҳам ҳимояланиш учун ҳолдан тойиб, омонлик сўрашдан бошқа имконлари қолмади. Шунда улар Душихон ҳузурига Хоразм мухтасиби, фақиҳ Аловуддин ал-Ҳайётийни йўлладилар⁹. У илмда ҳам, амалда ҳам юксак даражага эришган, шу сабабли Султон ҳурматига сазовор бўлган инсон эди. Бу гал у шаҳар Душихон қўл остига деярли қарам бўлган, қонга боттан бир алфозда уни ҳимоя қилиш, одамларга омонлик сўраш учун борганди. Бу ишни аввал ушбу зарурат туғилмасдан илгари қилиш мумкин эмасмиди? Омонлик сўрашга вақт ўтмаганимиди?

Душихон уни ҳурмат билан қабул қилишни, қабул учун алоҳида хонларга монанд чодир тиклашни бурди. Аловуддин унинг олдига келиб тиз чўкиб деди: “Биз хоннинг қаҳри қай даражада эканидан воқиф бўлдик, эндиликда унинг илтифотидан баҳраманд бўладиган пайт келмадимикан?” Бу сўзларни эшитиб лаънатининг жаҳли чиқиб, афти буришиб деди: “Хоразмликлар менинг қайси қаҳримдан баҳраманд бўлишибди? Уларнинг ўzlари урушни бошлаб лашкарларимни ўлдирдилар-ку! Ҳозирча мен уларнинг қаҳрини кўрдим! Ана энди мен кўркув қандай бўлишини кўрсатаман!”

Унинг буйругига кўра одамларни бирин-кетин гурух-гурухларга, бўлак-бўлакларга бўлган ҳолда шаҳардан ташқарига олиб чиқа бошладилар. Усталар ажралиб чиқиб

бир томонга тўпланиши эълон қилинди. Буйруқقا итоат қилган усталар омон қолдилар. Баъзилар усталар ажратиб олиниб тоторлар юргига олиб кетилармиш, қолганлар эса бу ерда қолиб, ўз уйларида яшармиш деган гапни эшитиб, умумий тўдадан ажралмадилар. Қолган бандилар ўқ-ёйлар, қиличлар, найзалар зарбидан ўлим гирдо-бига гарқ бўлдилар.

¹ Мўгуллар босқини арафасида Хоразмда бўлиб ўтган воқеалар хусусида 25-, 26-, 28-, 29-бобларда маълумотлар берилган.

² Бойжу исми маҳаллий аҳоли орасида Бойчи шаклида ҳам айтилади.

³ Угадай Чингизхондан кейин Иккинчи улуф хон (қоон) ҳисобланади. У 1229—1241 йилларда ҳукмронлик қилган.

⁴ Бугуржи номини ан-Насавий икки хилда — Букуржин ва Нукуржин тарзда беради.

⁵ Ан-Насавий асаридан маълум бўлишича, Хоразм давлатининг пойтахтида (Гурганджда) Муҳаммаднинг онаси Туркон хотун ҳукмдорлик қилган ва у шаҳар ҳимоясига алоҳида эътиборни қаратган. Шаҳар аҳолисига келсак, улар 1204 йилда гурийлар сultonи Шиҳобиддин пойтахтга ҳужум қилган пайтдаёқ мардлик намуналарини кўрсатган эдилар. Шу сабабли Чингизхон шаҳар қамали учун ўғиллари Ўқтой ва Чифатой қўшинларини етарли эмас, деб ҳисоблади. Дастлаб бу ерга ўз шахсий лашкарларини юборди, кейин ўғли Жўчи бошчилигидаги қўшинни ҳам ёрдамга жўнатди. Жўчи қўшинни самарқандлик асиirlар ҳисобига янада тўлдирилган эди. Бундан ташқари, Чингизхон Хоразмнинг ҳарбий қудратини яхши билгани учун Туркон хотун ва унинг ўғли ўртасидаги қарама-қаршиликдан ҳам фойдаланди. У Туркон хотун ёнига ҳожиб Донишмандни элчи қилиб жўнатади ва “Муҳаммаднинг онасига илтифотсизлигини” қоралайди. Бу хусусда 17-бобда батафсил маълумот берилган.

Шунга қарамай Хоразм бирдан босиб олинмаган. (Бу ўринда мамлакат пойтахти назарда тутилмоқда). Унинг қамали Ибн ал-Асири, Ибн Холдун ёзишича беш ой, Рашидиддин айтишича етти ой давом эттан.

⁶ Жўчининг Хоразмни вайронага айлантирмасдан босиб олишга интилишида жон бор эди. Чунки бу ерлар унга Чингизхон томонидан улус қилиб берилганди. Аммо Чифатой укасининг фикрига қўшилмайди. Хоразмни вайронага айлантиришни таклиф қиласди. Чингизхон ака-укалар ўртасидаги келиш-

мовчилик туфайли шаҳарни қамал қилиш ишига учинчи ўғли Ўқтойни тайинлайди.

⁷ Шоир Абу Убайд ал-Бухтурийнинг (820-897 йиллар) қасидасидан.

⁸ Хоразмда кўшинијаар, лашкарлар кўп бўлсада, шаҳар ҳимоясига бошчилик қиласидиган одам йўқ эди. Кейин ҳимоячилар бошчиси қилиб Туркон хотуининг қариндоши Хумор Тегин тайинланади. Мўгуллар шаҳарга Қобилон дарвозаси орқали кириб Танур мавзенга қадар борадилар. Кейин улар орқага қайтарилиади. Мўгулларнинг иккинчи хужуми ҳам даф қилинади. Бу гал Фаридун ал-Гурдий бошчилигидаги лашкарлар мардлик кўрсатади. Шундан сўнг мўгуллар асиirlар ёрдамида ҳандакни кўмиб, Амударёдаги тўғонни портлатишга ҳаракат қиласидар. Бироқ мўгулларнинг 3 минг лашкари ҳимоячилар томонидан орқага қайтарилиади. Ўқтой шундан кейин шаҳарга ҳамма томондан хужум қилишни буорди. Оқибатда Хумор Тегин қаршилик кўрсатиш бефойдалигини билиб, мўгулларга таслим бўлади. Ҳимоячилар етти кун давомида мўгулларга қарши кўча жанглари олиб борадилар. Барча уйларга ўт қўйилади.

⁹ Аловуддин ал-Ҳайётининг Жўчидан қилган илтимоси рад қилинади. Ҳақиқатан ҳам, усталардан ташқари аҳолининг кўпчилик қисми мўгуллар томонидан қириб ташланади. Жувайнин ва Рашидиддин фикрича, усталар сони 100 минг одам бўлган. Уларнинг ҳаммаси ишга юборилган. Ҳар бир мўгул лашкари 24 та асирга эга бўлган, лашкарлар сони эса 50 мингдан ошиқ бўлган.

Мухтасиб – бозорлар назоратчиси, маҳсулотлар, гўшт, меваларни текширувчи, озодалик ишлари учун масъул ҳамда аҳолининг ахлоқий ишлари бўйича қузатувчи бўлган. Бу мансабга аксарият ҳолларда маърифатли одамлар, имом унвонига эга бўлганлар қўйилган.

42-БОБ

ЖАЛОЛИДДИННИНГ ҲИНДИСТОНДАН ЧИҚИШИ, ОЛТИ ЮЗ ЙИГИРМА БИРИНЧИ ЙИЛДА [1224 ЙИЛ ЯНВАРДАН 1225 ЙИЛ ЯНВАРГАЧА] КИРМОНГА КИРИБ КЕЛИШИ ВА УНИНГ ИРОҚНИ БОСИБ ОЛГУНИЧА БЎЛИБ ЎТГАН ВОҚЕАЛАР БАЁНИ

Жалолиддин ва унинг сафдошлари Ҳиндистон билан Кирмон оралиғидаги чўзилиб ётган ҳадсиз саҳрони босиб ўтганча адоқсиз азоб-укубатларни бошдан кечирдилар. Бунинг натижасида улар бошқа ғам-ташвишларни

унутдилар, уларни бу ерларга ўлим гирдоби бошлаб келди. Улар бу саҳрода овқат ҳақида гапириш нари турсин, томоқларини ҳўллаш учун бир томчи сувга зор бўлдилар. Одам мум каби эриб ётган қайноқ ҳаводан нафас олар экан, иситма ўпкани ишдан чиқарап, бу эса уни ўлим сари етакларди.

Бу ўлим саҳросидан кутилган Жалолиддин Кирмонга тўрт минг лашкари билан етиб келди. Бу лашкарларнинг аксарияти ўзи юролмас, сигир ва эшакларни миниб олганди.

Укаси Фиёсиддиннинг Кирмондаги ноиби Бароқ Ҳожиб эди. Бу Бароқ хитойлар ҳукмдори Гурхоннинг ҳожибларидан бўлиб, Султон ҳузурига икки мамлакат ўртасидаги муносабатларни мустаҳкамлаш учун элчи сифатида келганди¹. У Султонга ёқиб қолганди ва шу сабабли унинг ўз ҳукмдори ҳузурига қайтиш ниятига қарамай кетиш учун рухсат бермаганди. У шу тариқа Хоразмда қолиб кетди. Оллоҳ эса Султонга унинг мамлакатини босиб олиш имконини берди. Шундан кейин у ўз мамлакатининг ҳукмдорларидан бирига айланди. Султон уни ҳузурига чақириб, ўз ҳожиблари сафига кирилди. У бу лавозимда тоторлар босқини пайтигача ишлади. Уруш туфайли у қисматнинг турли майларидан тотиб кўрди ва охир-оқибат ўша пайтда Кирмонда ҳукмдорлик қилаёттан Фиёсиддин хизматига етишди. Фиёсиддин уни ҳурмат-иззат ва эҳтиром билан кутиб олди, ғамхўрлик кўрсатди. Унинг ўз иқтидорини намоён қилишга имконият яратиб берди. Фиёсиддин Ироқни босиб олган пайтида унга қарши бирорта рақиб топилмади. Шунда у Бароқни садоқатлилиги, ҳалоллиги, вижданан иш юритадиганлиги учун ўзининг Кирмондаги ноиби қилиб тайинлади. У унга аввал кўрсатган ҳурмат-эҳтиром ўз самарасини беради, қилинган ғамхўрликлар ишончни оқлаш бўлиб қайтади, деб умид этганди. Аммо у сувсизликдан ерлар ёрилиб кетгани сингари меҳр-мурувват узоқлашгани сайин садоқат, ишончдан птур кетишини унугтан эди. Бароқ ҳам бу ерда ҳукмдорлик қиласар экан, зоҳирлан ўзининг унга қарамлигини намоён этар, кўнглида эса бошқа ниятларни ўйларди.

Бу аҳвол Жалолиддин саҳродан ўтиб Кирмонга етиб келгунча давом этди. У ҳам Ҳожибни кўринишидан ито-

аткор, дўст, ўз айбига иқрор бўлувчи самимий одам, улдабурон инсон деб ўйлади. Жалолиддин Жувоширда тўхтади, тахтини ўрнаттириб, бир ой давомида бу ерни мамлакат пойтахти қилиб турди². Ана шунда Ҳожибининг кўнглида шумлик ва ёвуз ниятлар борлигини, сотқин эканлигини билди. Атрофига сафдошлари орасидан энг яқинларини, ноиблари ва ҳожибларининг ишончли, садоқатлиларини йигиб Бароқ иши тўғрисида маслаҳатлашди. Урхон унга Бароқ Ҳожибни тутиш, Кирмон давлатини тозалаш, шу тариқа ундан бошқа вилоятлар ва мулкларни босиб олиш мақсадида фойдаланишни маслаҳат берди:

Қанча марду майдонлар бўйин эгмас йўлин тутдилар.

Унинг бу фикрига Ҳожа Жаҳон номи билан машҳур бўлган вазир Шарафулмулк Али ибн Абул Қосим ал-Жандий қўшилмади³. У “Бу мамлакатнинг ҳукмдорлари ва таниқли одамлари орасидан у бизга бўйин эгиб келгандардан биринчиси ҳисобланади. Унинг айёргиги, муттаҳамлигини, иккюзламачилигини ҳамма бирдай биладими, бунга ишонадими? Акс ҳолда агар уни сотқин деб жазолайдиган бўлсак, бу бошқаларнинг бизга нисбатан яхши муносабатини ўзgartиради, ишончни камайтиради, нафрат уйғотади”, деди.

Шундан кейин Жалолиддин Шероз томонга юриш қилди⁴. Унинг ҳузурига Ёзд ҳукмдори, отабек Алоуддавла бўйин эгиб, қарам эканлигини тан олиб келди⁵. У билан учрашувдан курсанд эканлигини изҳор қилди. Алоуддавла унга кўплаб совғалар ва хизматқорлар келтирди, бундан Жалолиддин хонадони одамлар билан тўлиб-тошли. Султон унга Отахон деган лақаб берди⁶. Унга ушбу мамлакат ҳукмдори эканлиги ҳақида фармон [тавқи] битилди.

Юқорида эслатганимиздек, Форс ҳукмдори отабек Саъд бир дилозорлик туфайли унинг укаси Гиёсиддин билан душманлик муносабатида эди. Жалолиддин Отабекни ўзига яқин қилиш йўлини излади. У отабек ҳузурига вазири Шарафулмулкни юборди ва унинг қизига ўйланиш ниятини билдириди. Отабек бунга дарров рози бўлди, Жалолиддинга қарам эканлигини ва хизматига тайёрлигини айтди. Шарафулмулк ҳукмдорининг орзусини амалга оширган, мақсадига эришган ҳолда орқага

қайтди. У шу билан бирга Форс мулкининг ноёб гавҳари ва Султон учун фаҳр ҳисобланган келинни ҳам ўзи билан бирга олиб келди. Отабек билан яқинлашганидан кейин Жалолиддин уни қўллаб-кувватлади. Натижада отабекнинг ҳам куч-кудрати ошди.

Жалолиддин Шероздан кейин Исфаҳонга йўл олди. Унинг ҳузурига шаҳар қозиси Рукниддин Масъуд ибн Саид чиқди⁷. У уни қўрганидан хурсанд эканини, ёрдам беришга тайёрлигини билдириди. Дўстлик муносабатларини, ҳамкорлик жиловини доим бирга тутиш ниятини изҳор қилди. Исфаҳонликлар қўлларидаги қадрли бўлган нарсаларнинг ҳаммасини, шунингдек, лашкарлар учун қуролларни, урушида қўлланиладиган аслаҳаларни унга берди. Улар [Жалолиддин лашкарлари] тузукроқ қийиниш ва отда юриш имконияти туғилганидан хурсанд бўлдилар.

Фиёсиддин Жалолиддиннинг қийин ва мураккаб аҳволда эканлигини эшитгач, Султон қўшинларидан қолган ўттиз минг отлиқ лашкарни ўз туғи остига бирлаштириб, унга қарши юрди. Унинг мақсади Жалолиддиннинг йўлини тўсиб, уни орқага қайтариш, орзу қилган нарсаларидан умидини уздириш эди. Жалолиддин унинг яқинлашганини эшитиб қўнглидаги армонларнинг ушалишидан умидини узиб, омадсизлик туфайли ғам ва аламга ботиб, ўз тарафдорлари ёнига қайтди. У Фиёсиддин ҳузурига саройидаги энг айёр одамлардан бири, амир-охур Ўдоқни йўллади ва унга бундай дейишни буюрди⁸: “Ҳақиқатан, Султон ўлимидан кейин мен бошимдан кечирган даҳшатли кулфатлар тоғ елкасига тушганда эди, улар қўркувдан қалтираб, буни кўтара олмаган бўларди. Биз эса барча қийинчиликларни зиммамизга олдик, “улар эса бизни қабул қилишдан бош тортилар”. Ана шу пайтда, “ҳаммага кенг бўлган ерларни менга тор қилиб қўйди”*. Натижада ўзим босиб олган ва мерос сифатида теккан ерларда қўлим қалтирайдиган бўлиб қолди. Шу учун ҳузурингга бир неча кун дам олиш мақсадида келгандим. Лекин билдимки, меҳмонлар учун сенинг қиличларинг қайралган, мусоғирлар учун дудамаларинг чархланган экан. Мен йўлимни тўсан қиличлар туфайли булоқлардан чанқоғимни қондира олмасдан орқага қайтдим, сен хавфсираганинг учун кетдим”.

У унга Парвондаги жанг пайтида ўлдирилган Чингизхоннинг ўғли Тулихон жасадининг қолдиқлари, оти вақиличини юборди¹⁰.

Бу нарсаларнинг юборилганини эшитган Фиёсiddин асабийлашган ҳолда Райга қайтди, лашкарлари эса ёзги қароргоҳларга дам олиш учун жўнаб кетди.

Жалолиддин элчисини юборар экан, унга муҳрли узукларидан бир нечтасини берди ва буларни Султон амирлардан бир гуруҳига етказиб беришни тайинлади. Бу узуклар Султоннинг ўша амирларга бўлган ишонч белгиси эди. Шу билан бирга Султон элчисига амирлар қалбига қулоқ солиб кўришни, уларни укасидан ўзига оғдириш учун катта ваъдалар беришни, ҳам укаси билан, айни вақтда ҳам амирлар билан яширин равишда музокаралар олиб боришни буорди.

Амирлардан бир қанчаси муҳрли узукларни олиши, кейин укасига эмас, унга ёрдам беришга рози бўлдилар. Баъзилари эса узукни олиб Фиёсiddин ҳузурига чопдилар. У узукни олиб кўздан кечирав экан, элчини тутиб зиндоибанд қилишни буорди.

Жалолиддиннинг тоғавачаси Абу Бакр Малик Фиёсiddин билан бирга жанг қилмаслигини айтиб, Султон ҳузурига шошилди. Абу Бакр амирларнинг ҳаммаси Жалолиддин тарафдори эканлигини, улар Султонга хушторини кутаётган қизлардай интизорлигини, унга хизмат қилишга иштиёқмандлигини билдириди. Буни эшитган Жалолиддин уч мингта чарчаган отлиқ лашкарлари билан Оллоҳ номини зикр этиб, голиблик учун шошиди. У орадаги масофани жануб шамоли қувлаб келган булутдай босиб ўтди. Лашкарлари эса тоғ бағридан пастга отилиб тушаётган сув оқимидай дадиллашдилар. Улар кўплаб оғир синовларни бошидан кечиран, аламлар-изтироблар азобини тотиб кўрган лашкарлар эди. Шу учун йўлда бир зум тўхтамадилар, фақат Үқутга келганда, чанг туфайли тунги юлдузлар кўринмай қолганда бир пас нафас ростладилар.

Фиёсiddиннинг мазкур аҳволни ўнглаши учун имкони колмади, шунинг учун қочиш тарафдудига тушди. Хабарчи уларнинг яқинлашгани ҳақида огоҳлантирганда у отини алмаштириб, Сулукан қалъасига қараб қочди. Жало-

лиддин унинг чодирига кирганида бу ерда Фиёсиддиннинг онаси Баклава бор эди¹¹. У укасининг онасига белгиланган одатта кўра ҳурмат ва иззат кўрсатди. Фиёсиддиннинг ўзидан хавфсираб, бу ерни, ўз масканини тарк этганини маъқулламади. У унинг онасига бундай деди: “Отамнинг ўғиллари орасида ундан бошқа ҳеч ким қолмади, шу учун у нимага интилаётган ва нимани хоҳлаётган бўлса, ҳаммасини муҳайё қилиб бераман. Ҳақиқатан, у бугунги кунда мен учун кўзимнинг қораҷуғи, ҳатто ундан ҳам азизроқ, белимнинг кувватидир”. Шундан кейин Баклава ўғлига чопар юбориб, уни тинчлантиришга, кўркувдан халос қилишга уринди. Фиёсиддин унинг [Жалолиддиннинг] ҳузурига хизмат қилиш учун қайтиб келди.

Жалолиддин ана шу йўл билан бу ерда аввал эришган мавқеини қайта тиклади. Ҳонлар ва амирлар унинг ҳузурига кафандикларини елкасига ташлаган кўйи гуноҳини ўтишини илтижо қилиб кела бошладилар. Улар бошларини, юзларини ерга уриб, аввал қилган хиёнаткорона ишлари, унга қарши бўлганларга берган ёрдамлари учун авф сўрадилар. У гуноҳкорларнинг тавбаларида ёмонликнинг барҳам топиши, дўстликнинг мустаҳкамланиши ҳақидаги илтижоларни ҳам эшитарди. Унинг учун яна ҳўқмдорлик шароби сузилиб, шоҳлик ариғи сутта тўлиб оқа бошлади. Унинг ҳузурига шаҳарлар ва қалъаларнинг бойликлари оқиб кела бошлади. Орадан кўп ўтмай Хурсон, Ирок, Мозандорондан унинг ҳузурига ўз вақтида етиб келолмаганлар ҳам остонасига бош урдилар. Кўркув уларни қалъалар тепасидан пастга тушишга, энг узок, чекка мулклардан бу ерга етиб келишга мажбур қилди. Улар бир-бирининг кетидан ҳеч бир таклифсиз кела бошладилар. Бу келувчилар орасида алғов-далғов кунларда ҳеч кимга ёмонлик, хиёнат қилмасдан яхши фаолият кўрсатгандар ҳам бор эди, улар ҳурмати жойига қўйилди. Шунингдек, ёмонлик йўлини тутгандар ҳам учарди, улар ҳам қилиқларига яраша жазо олдилар. Баъзилар қийинчиликлар олдида мардона турдилар, айримлар эса унга ён босгиси келмай хутбага Фиёсиддин номини қўшиб ўқитдилар. Лекин бундайлар ҳам тез орада бор ҳақиқатни англаб етдилар. Улар қалбидаги икки куч ўртасидаги курашда Султон тарафга ён босиш болиб чиқди. Шундай қилиб,

Султон атрофида йўл тополмай гарангсиган одамлар қолмади. Солиқ йиғувчилар [амиллар] Султон ёрлиқлари [тавқи] билан турли томонларга тарқалдилар ва ундаги бўйруқларни бажардилар¹².

¹ Бароқ ва унинг укаси Ҳамид Пур Хоразмшоҳ Муҳаммад 1210 йилда қора хитойларни мағлуб қилганида асир қилиб олинган эди. Улар иккаласи ҳам Хоразмшоҳ томонидан хизматга олинади ва ҳожиб, амир даражаларига етишади. Ҳамид Пур Хоразмшоҳ томонидан Бухорога юборилади. У бошқа амирлар билан биргаликда шаҳар ҳимоясида қатнашади. Бароқ эса Ироққа Фиёсиддин Пиршоҳ ҳузурига келиб асосий амирларидан бири бўлади ва Кутлугхон увонига эга бўлади. Энг сўнгги манбаларда Бароқ Ҳожиб қора хитойларнинг хони Гурхоннинг катта ўғли деб ёзилган.

² Ироққа Тўлон Чарби бошчилигидаги мўгул кўшинлари яқинлашаётгани хабари эшитилганда Бароқ Ҳиндистонга Жалолиддин ҳузурига кетишга қарор қиласи. Кирмондан Жируфтга етганда унга Жувошир қальясининг ҳукмдори Шужоиддин Абул Қосим ҳужум қиласи. У Бароқнинг хос мулоzимларини, қора хитой қулларини ўзиники қилиб олмоқчи бўлади. Жанг пайтида Шужоиддин қўл остидаги туркий кўнгилли лашкарлар сотқинлик қилиб Бароқ томонга ўтиб кетади. Шужоиддин Бароқ томонидан асир олинади ва қатла этилади. Шундан кейин Бароқ Шужоиддиннинг ўғли томондан бошқарилаётган Жувоширни қамал этади. Бу қамал Жувошир останаларига Жалолиддин келгунча давом этади. Жалолиддин бу ерга келгач, Шужоиддиннинг ўғлини ўзининг Бароқ Ҳожибининг қизига уйланиш тўйига таклиф этади. Шужоиддиннинг ўғли Жалолиддин келганини билгач, қалъани унга топширади.

Бир неча кундан кейин Султон овга чиқади. Овга Бароқни ҳам таклиф этади. Лекин у ўзини касалликка солиб овга чиқмайди ва қалъанинг ичига кириб, уни маҳкамлаб олади. У Султонга бу ерни ўз қиличининг кучи билан олганини айтиб, “Кирмон сенинг таҳтинг турадиган жой эмас, чиқиб кет”, дейди.

³ Жалолиддин вазирининг тўлиқ исми Шарафулмулк Фахриддин Али ибн Абул Қосим ал-Жандий.

⁴ Жалолиддин Кирмондан кеттанидан кейин Форснинг пойтахти Шерозга келади. Форс ҳукмдори отабек Саъд ибн Такла ибн Занги Султон ҳузурига ўғли Солғуршоҳни юборади. У Султонга 500 от олиб келади. Бундан ташқари, отабек Саъд Султонга қимматбаҳо совғалар, газламалар, қуллар ҳам беради. Қизи Малика хотунни ҳам унга беради.

Солғуршоҳ Форсга ҳукмронлик қилган отабекларнинг сак-
кизинчиси зди. Бу ерда жами 9 та отабек ҳукмронлик қилган.
Жалолиддин Солғуршоҳга "Қариндошхон" деган лақаб беради.
Султон Шерозда икки ярим ой туради.

⁵ Ёздан ҳукмдори отабек Отахон Алоуддавла ибн Тўғоншоҳ ҳам
қоквойхийлар сулоласининг 8 ҳукмдори зди.

⁶ Жалолиддин Ёздан ҳукмдорига Отахон лақабини унинг кек-
салиги учун беради. Унга шу билан бирга Исфахон ва унинг
атрофидаги жойлар ҳам берилади.

⁷ Исфахон қозиси ҳақида 32-бетта қаранг.

⁸ Амир-охур Үдок ҳақида 33-бобга қаранг.

⁹ Жалолиддин укаси Фиёсiddиннинг умумий ишдан ўз шах-
сий манфаатини юқори қўйишига қарши туради. У умумий иш
мўгулларга қарши кучларни бирлаштириш, деб билади.

¹⁰ Ан-Насавийнинг Тулихон Парвон яқинидаги жангда ҳалок
бўлганлиги ҳақидаги маълумоти ҳақиқатга тўғри келмайди.

¹¹ Фиёсiddиннинг онасининг номи ан-Насавийда Баклава
деб берилади. Минувийда бу ном Баглава тарзида ёзилган.

¹² Фиёсiddин акаси билан ярашганидан кейин Жалолиддинга
бўйин эгиб келади. 1224 йил охирида Шустар [Тустар] да қиши-
лашга қарор қиласди. Бу унинг Хузистонга юриши пайтига тўғри
келади.

Шустарга Султон 621 йил муҳаррамида [1224 йилнинг фев-
раль-январида] келади. Бу ерда унинг ҳузурига хизмат қилиш
учун туркманларнинг Иваъий қабиласининг бошлиғи Сулай-
моншоҳ келади. Сулаймоншоҳ кейинчалик Боғододни мўгуллар-
дан ҳимоя қилишда қатнашади. Баъзи манбаларда бу Сулай-
моншоҳ Ироқ ва Курдистонда 1159—1161 йилларда ҳукмрон-
лик қилган салжуқийлар авлодига мансуб Сулаймоншоҳ билан
бир одам деб қаралган.

Жалолиддин Собур Ҳаста [кейинчалик Хуррамобод] да бир
ой турганидан кейин Боғододга юриш қиласди.

43-БОБ

ФИЁСИДДИННИНГ ўЗ МАМЛАКАТИДАГИ ХАЁТ ТАРЗИ ҲАҚИДА

Султон Ҳиндистонда пайтида қилич, найза ва ўқлар
билан ҳар куни юзма-юз келиб, оғир кураш олиб борди.
Айни шу вақтда Фиёсiddин қўл остига отасининг қўшин-
ларидан тоғлар, ўрмонлар бағрида омон қолган энг мард,
баҳодир лашкарлар келиб қўшилдилар. У шулар билан
Ироқقا қараб юрди ва уни босиб олди. Хурсон, Ироқ,

Мозандоронда хутбага унинг номи қўшиб ўқилди. Лекин жойлардаги ҳукмдорлар сўзда унга қарамлигини тан олсада, амалда душманлик билан қарап, солиқ ва товон пулларини тўламас эди. Тожиддин Қамар Нишопур ва унга яқин бўлган вилоятларни босиб олди. Аҳвол бу ерда ниҳоятда оғир, қашшоқлик авжига чиқсан эди. Элчи Паҳлавоннинг ўғли Илатку Сабзавор, Бойҳақни, унинг атрофидаги ерларни, Шол ал-Хитойи Жувайн, ал-Жом, Баҳарз ва уларга чегара дош вилоятларни, Низомиддин лақабини олган исфаҳсолар Исфароин, Бандаворни, унга ёндош ерлар билан бирга ўзларига қарам қўлдилар¹. Улуг сulton даврида Вахшда исфаҳсоларлик қўлган Шамсиддин Али ибн Умар Сулук қалъасининг бойлигини талаб, вайронага айлантириди². Уруш олови шундай кучайдики, Низомиддин билан Шамсиддин ўргасида низо навбатма-навбат давом этди. Оқибатда ҳар икки томондан ҳам кўплаб одамлар ҳалок бўлдилар.

Шу пайтда Ихтиёриддин Занги ибн Мұҳаммад ибн Умар ибн Ҳамза Насага қайтиб келди³. Шунгача унга, aka-уқаларига, тоғавачча ва амакиваччаларига ўн тўқиз йил давомида Хоразмдан ташқарига чиқиш таъқиқланган эди. У қайтиб келиб отаси мерос қолдирган мулкка ҳукмдор бўлди. Аммо унинг куни битган эди. Ундан кейин ўрнини амакиваччаси Нусратиддин Ҳамза ибн Мұҳаммад ибн Ҳамза ибн Умар ибн Ҳамза згаллади. Туркманилардан бири Тожиддин Умар ибн Масъуд Обивард ва Ҳурконни, унинг Марвга қадар чўзилган ерларини босиб олди. Шу ерга Морға қалъасини қурди⁴.

Бу пайтда ҳатто, самода ҳам алғов-далғовлар юз бериб, Зафар юлдузлари бир-бирларига урилиб нима бўлаётганини англаш қийин эди. Хуросонда аҳвол шундай эди, Ироқ ва Мозандоронда ҳам шароит юқоридаги тарзда кечарди. Шу сабабли булар ҳақида батафсил маълумот бериб ўтиришга зарурат йўқ.

Ғиёсиддин эса бу пайтда кўнгилхушлик билан банд эди. Бўлиб ўтаётган воқеаларга эътибор бермас, зарур пайтларда қилич яланғочлаб майдонга чиқмас, бошқаларни тавбасига таянтирумасди.

Ўша вақтларда тоторлар унга қарши ўн минг отлиқ лашкарлардан иборат қўшин жўнатди. У улар ҳақида

эшитгач, қаршилик қилишни истамади, тоглар бағрига чекиниб, Ироққа йўл очиб берди. Тоторлар нима исташса шуни қилдилар — талон-тарож этдилар, уйларига ўт кўйдилар, одамларни ўлдирдилар.

Туркийлар унинг бошқарувдаги ожизлигини кўргач, тоторлар босқинидан кейин Ироқда қолган бойликларни талаб, молларни ўғирлай бошладилар. Улар қишлоқларга бориб бекиниб ётар, дехқонлар эрталаб молларини ташқарига олиб чиққанидан сўнг кундуз куни уларни шаҳарга ҳайдаб кетардилар. Дехқонлар мадад сўраб илтижо қилас, лекин ёрдам берувчи хукмдор йўқ эди. Ким хўкизини йўқотса, бозорга борар, у ердан ўз молини сотиб олиб келарди. Баъзи одамларнинг ўз хўкизини тўрт-беш мартадан сотиб олган пайтлари ҳам бўлди.

Буларнинг ҳаммаси унинг хукмдорлик жиловининг бўшлигидан эди. Унинг бошқа жиҳатларига келсак, Оллоҳнинг ўзи уни кечирсин, танти, мард, кўнгли очик, тажрибали, кескир қилич мисол шиддатли, тезкор, ой янглиғ хушсурат йигит эди. У хазинасидаги бойликлар тугаганидан кейин туркийларни тинчлантиришга ҳаракат қилди. Агар улардан кимdir ўз ҳақ-хукуқларини талаб қилаверса, унга юқорироқ лақаб берди. Талаб қилувчи амир бўлса, у унга маликликни берди, малик бўлса, хон лақаби билан сийлади. Шу тариқа маълум пайтгача атрофидаги талабгирларнинг оғзини ёпишга эришди.

Абу Бакр Хоразмийнинг қуйидаги мисралари гўё у ҳақда ёзилгандек:⁵

Нималар бўлди дерсиз? Аббосий хукмдорлар
Насаб, лакаб дарвозасин очиб қўйди ланго-ланг.
Тўғри келган кимсага берилди улуғвор пом,
Лекин улар қиломас асли оддий ишни ҳам.
Ҳемири йўқ газнада, энди ул хукмдор зот,
Пул ўрнига лақабларни улашмоқладир, ҳайҳот!

Фиёсицдиннинг онаси ўғли қўл остидаги давлатдан ўз билганича фойдаланди. У Султон Мухаммаднинг онаси Туркон хотун каби ўзига “Худованди Жаҳон” лақабини олди. Одамлар эса бундай оғир, чалкаш, муноқашали замонда тартибсизликлардан азият чекарди. Уруш, жанжал, низо эса гўё бозордаги маҳсулотлар сингари ҳар қадамда

сотиларди. Гүё бозорлар бу маҳсулот билан тўлиб-тошган, унинг адоғи кўринмасди. Одамлар бир-бирлари билан доимо низоли ҳолатда эди, улар ўртасида сал нарсага баҳс, жанжал пайдо бўларди. Бундай ҳолат Оллоҳ инояти или Султон Ҳиндистондан қайтиб келгунга қадар давом этди. Шундан кейин аҳвол яхшиланди, жанжалкаш ва босқинчиларнинг фаолиятига чек қўйилди, ўғри ва киссовурлар ин-инларига уриб кетди:

Абдуллоҳ қасидан воз кечди, аммо
Тун қўйнига юборди чаёнларини⁶.

Шундай қилиб Шарафулмулк ҳақида, унинг насл-насиби, ишлари, бир мансабдан иккинчи мансабга кўтарилиши, олий лавозим — вазирлик даражасига эришиши ҳақида баён этиш учун ҳам фурсат етди, деб ўйлайман.

¹ Элчи Паҳлавон ҳақида 31-бобга қаранг. Унинг ўғлининг номи Илатку. Минувий унинг номини Илон Куш деб ёзади.

Сабзавор — Хурсоңдаги, Нишопур ва Рай оралиғидаги шаҳар. Ан-Насавийда бу ўринда Сабзавор ўрнига Шероз ёзилган.

Бойҳақ — Хурсоңдаги шаҳар ва вилоят.

Жувайн — Нишопурдан шимолий-ғарб томонда жойлашган ноҳия, ҳозирги номи Жагатой.

Жом — ҳозирги Турбати Шайх Жом ўрнида бўлган. Эрон-Афон чегараси яқинида.

Баҳарз — Жомнинг жанубида жойлашган шаҳар.

Исфароин — Ўрта аср шаҳри. Унинг харобалари Нишопурдан шимолий-ғарб томонда жойлашган. 1381 йилда Амир Тимур томонидан вайрон қилинган.

Бандавор — Исфароинга яқин шаҳарча.

² *Сулук қальъаси* — Исфаҳондан шимол томонда жойлашган. Жувайнин амир Шамсиддин Али Ибн Умар номини Хоразмшоҳ Муҳаммад ҳокини Каспий дengизидаги оролдан Марвга [Сулук қальъаси яқинида] олиб ўтиш муносабати билан тилга олади.

³ Ихтиёриддин Занги ва унинг сулоласи ҳақида 28-, 30-, 31-бобларга қаранг.

⁴ *Хуркон* — Бистом яқинидаги қалъа. У Астробод ўлида жойлашган.

Морға — Марв яқинидаги қалъа.

⁵ Шоир Абу Бакр ал-Хоразмий [935—993 ийллар] — Буваҳийлар ҳукмронлиги (932—1062) даврида яшаган. Бу даврда буваҳийлар унвонларни одамларга улашиш билан шуғулланган ва бунинг учун халифаларни ёрликларга муҳр босишга мажбур қилган.

⁶ Абу Таммомнинг Абдуллоҳ ибн Тоҳир ал-Ҳамадонийга багишлиланган қасидасидан.

44-БОБ

ФАХРИДДИН АЛИ ИБН АВУЛ ҚОСИМ АЛ-ЖАНДИЙНИНГ ВАЗИРЛИККАЧА БЎЛГАН ФАОЛИЯТИ ВА УНИНГ ВАЗИР БЎЛИШИ, ШАРАФУЛМУЛК ХОЖА ЖАҲОН ЛАҶАБИНИ ОЛИШИ БАЁНИ

Юқорида эслаттанимиз (Фахриддин) Жандла девонда бир қанча вақт ҳазиначилар ноиби (муставфи) бўлиб хизмат қилди¹. Бу унинг илк иши, хизмат ва мансаб пилла-поясининг боши эди. Кейинчалик у бу соҳани мустақил бошқара бошлади.

Ўша пайтлари Жандда Нажибиддин аш-Шаҳразурий вазир бўлиб ишлар, у “ал-Қиссадор” номи билан машҳур эди². “Ал-Қиссадор” деб ҳафта мобайнида турли хил аризалар ва шикоятларни йигиб олиб, Султонга етказиб берувчиға ҳамда ундан тегишли жавобларни олувчига айтиларди. Султон одатда шикоят ва аризаларни жума оқшомида кўриб чиқарди. Бу ўша вақтда катта мансаблардан бири ҳисобланарди. Унинг ўғли Баҳоулмулк Ҳожи отаси ўрнига Жанд вазири қилиб тайинланди. Нажибиддин Султон [Мұхаммад] нинг ёнида ҳамкорлик қилиб юрадиган бўлди. У бу лавозимда Султон Ҳурсонда қўшинлар лашкарбошиси [соҳиб ал-жайш] бўлиб хизмат қилган пайтларда ҳам ишлаганди³. Мамлакатда осойишталик ҳукм суриб, ҳамма нарсадан олинадиган фойда кўп бўлганда бу мансабнинг мавқеи ҳам ошиб, ундан келадиган тушум ҳам кўпаярди.

Фахриддин Жандда ҳазиначилик лавозимини эгаллаганидан кейин унинг кўнглида Нажибиддинни мағлуб қилиб, ўрнига вазир бўлиш истаги туғилди. У Султонга шикоят мактуби битди. Шикоятда Нажибиддин мансаб

бериш пайтида ўзидан икки минг динор олганлигини ёзди. У кейинчалик Хожа Жаҳон лақабига эришганидан кейин, Оллоҳ ундан марҳаматини аямасин, дўстлар даврасидан иборат бир анжуманда бундай деганди: “Мен унга қарши шикоят ёзмоқчи бўлганимда, мақсадимни амалга ошириш учун атрофимдаги ўзимга яқин, дўстона муносабатдаги юқори доирадаги одамлар билан маслаҳатлашдим. Мен улардан маслаҳатни қайси биримизнинг муваффақият учун имкониятларимизни яхши билгандари учун сўраганим йўқ. Аксинча, улар мени доимо “Эҳтиёт бўл! Эҳтиёт бўл!” дея огоҳлантириб турдилар. Улар унинг мавқеи юксаклигини, сўзининг кудратини, узоқ йиллик хизматлари эвазига давлат олдиғаги имкониятини ва мендан кўп жиҳатларининг устун эканлигини яхши билардилар. Аммо вазирлик лавозимини эгаллаш йўлидаги кўнглим хоҳишлирни ҳеч бир нарса тўхтата олмади. Шундай қилиб, айтилган миқдордаги пулни кўрсатиб, шикоятни ёздим. Девонда уни тасдиқлашди ва Султонга юбориши. Бир гал Султон хузурига ҳамма йиғилганда бошқалар қатори мен ҳам кирдим ва орқада турдим. Султон тахти ёнида Нажибиддин ва яна бир неча киши турарди. У ҳорғин ва ўйчан эди. Шунда Султон унга қараб деди: “Нажибиддин, мен сени ҳеч вақт бундай ўйчан кўрмагандим. Эҳтимол, сен устингдан ёзилган шикоятда кўрсатилган оз миқдордаги пулни эслаб, бу Султон олдида менинг қадр-қимматимни ерга уради, деб ўйлаёттандирсан? Гал бундай, Оллоҳ ва отам Султон ҳокига қасам ичиб айтаманки, сенга айб сифатида кўйилаётган нарсани ҳеч қачон сўрамайман. Бундан ташқари, мен бу ёзилган маблагни ўз номимдан ўғлинг Баҳоулмулк Ҳожига совға қилиб бераман. Шундан кейин Нажибиддин ери ўпди. Мен унинг мавқеи юксаклигига ишондим, ҳайратга тушдим ва айни пайтда кўрқдим. Мен ёғимни зўрга судраб босиб уйга келдим. Даҳшат аъзои баданимни қамраб олганди, кўрқув туфайли аввалги қатъиятимни йўқотгандим. Ўзимдан ҳар жабҳада кучли бўлган бу одамга нисбатан муносабатимдан, қилган ишларимдан таҳликага тушдим. Ўз бахтимга ўзим зомин бўлдим, деб ўйладим. Хоразмдаги кунларим гўё зулматли тундай ўтди, тунлар эса бамисоли кундуздай уйқусиз кечди. Бу аҳвол Султон-

нинг мени Жанднинг вазири этиб тайинлаш түғрисидаги фармони чиққунча давом этди. Шундан кейин азобуқубатлардан фориг бўлдим, яна кувончли кунлар бағрига қайтдим”.

У бу лавозимда тўрт йил ишлади. Шу вақт ичидаги зулмни оширди, атрофидагиларга, фуқароларига адолатсизликлар қилди. Унинг даврида одамлар пати юлинган товуқ ёки қинидан чиқарилган қилич мисол яланғочландилар, гўё суви сиқиб олинган тошга айландилар.

Султон бир гал Бухорога бораётгич Жандга кириб ўтди. Шунда одамлар уни бўлаётган воқеалардан хабардор қилишга шошилдилар ва унинг олдига учишга шайланган қушлар, ҳажга йўл олаётган карвонлар мисол шовқин солиб чиқдилар. Чунки у [вазир] кимнингдир мол-мulkини тортиб олиб, болаларини кувфин қилганди, бошқа биттасини эса мерос мулкидан маҳрум этганди. Шу тариқа уларни оғир аҳволга солиб, сабр косасини тўлдирганди. У ёмонлиги туфайли ўзига олов хавф солаётганлигини англади. Бу оловни пора билан дафъ қилмоқчи бўлди. Султон одамларга уни гулханда ёқишини буюрди ва унинг кули билан норозиликлар алангасини ўчиришни ният қилди. Аммо у [Фахриддин] яширинди, уни топишолмади. Кейин у бу ердан Бухорога кетди. Одамлар эса унинг ўринбосарини тутиб олиб гулханда ёқдилар.

Фахриддин изини йўқотиш мақсадида Бухородан Талоқонга кетди. Бу ерда у кимлигини билдирамасдан Жалолиддин тоторлар босқини туфайли, аввал айтганимиздек, Фазна атрофларида пайдо бўлгунга қадар яшади⁴. Шундан кейин у Султон саройига борди ва унинг ҳожиблари қаторидан жой олди. У гапга чечан одам эди, Султон билан муносабатда эҳтиёткор, сабрли, аммо дилидагини айта оларди. Туркий тилда нотик, давраларда кувноқ суҳбатдош эди. У Синд дарёси бўйида рўй берган жангта қадар Султон ҳузурида ҳожиблик вазифасини бажарди. Ўша жанг пайтида Султоннинг улуг одамларидан кўпчилиги ҳаётдан кўз юмди: бъазилари тоторлар томонидан ўлдирилди, айримлари эса дарёга чўкиб кетди. Вазир Шамсулмулк Шиҳобиддин Алп ал-Харавий эса Кубача қўлида ўлим топди. Булар ҳақида биз юқорида айтган эдик⁵. Шундай қилиб, девондаги кўп лавозимлар

эгасиз қолди. Султоннинг Ҳиндистондаги босиб олган ерларини бошқарадиган, у ерда амалга ошириладиган ишларни назорат қиладиган одам керак эди.

Ана шунда у [Фахриддин]нинг номзоди маъқуллануб, ноиб ўринбосари сифатида вазирлик ишлари бошқарувчиси қилиб тайинланди. Тақдир унга кулиб боқди ва у давлат ишида юқори лавозимга эришди. Бундай мансабни энг машхур ва таникли акобирлар, инсонлар орзу қилишарди, холос. Шундай даражадаги мансаб Хурросон ва Ироқнинг номи турли мамлакатларга танилган улуф арконлари орасидан камдан-камларига насиб этганди.

У мансаби туфайли обрў-эътиборга эга бўлди. Донишмандлик ва ақл-идрокни йигиштириб қўйиб, кучига таянди. Фахриддиннинг ҳузурига уни қизиқтирган бирор иш билан келган одам, албатта, бу ерни ғам-ташвишга ботган, оғир аҳволда тарк этарди.

Султон гарчи Фахриддинни Шарафулмулк деб атаган, мамлакатнинг барча ишларини ҳал қилишни унинг қўлига топширган бўлса ҳам, вазирлар даражасида улуфламади, муносабати Шарафулмулкдан юқорига кўтарилимади. Хоразмшоҳдарда вазирларига “хожа” унвонини бериш ва уларни умумий йигинларда ўнг томонига ўтқазиш одати бор эди. Номини тилга олганимиз эса ўзининг вазирлик пайтида ҳам Султоннинг олдида, ҳожиблар қаторида ўтиради. У фақат умумий гиламдан жой оларди. Ваҳделанки, аввал қабул қилинган қоидаларга кўра, кимки “Низомулмулк” лақабига эга бўлса, Султон ёнидаги алоҳида жойни эгалларди. Олдинги пайтларда собиқ вазирлар девонхонада қора рангли ўриндиқ [даст]-да ўтиради. Шарафулмулк учун девонхонада ана шундай ўриндиқ йўқ эди. Бундай ўриндиқ унинг уйида бўлиб, у девондан қайтганидан кейин унда ўтириш имконига эга бўларди. Яна шундай одат бор эдики, “Низом” лақабига эга бўлган одам вазирлик ўринидигида ўтиаркан, бошқалар, ҳатто ҳузурига маликлар кирганида ҳам ўрнидан турмасди. Бу мансабга ҳурмат нуқтаи назаридан шундай қилинарди, маънавий жиҳатдан вазирликнинг қора рангли ўринидиги тахт ўрнида деб қараларди: Шарафулмулк эса девонда бўлган пайтда ҳузурига кирган

мансабдорлар учун ўрнидан турарди. Собиқ вазирлар отда юрган пайтларида атрофида найзасининг дастасига тилло суви юритилган тўртта найзадор ҳамроҳлик қилган. Унинг атрофида бундай найзадорлар бўлишига эса Султон рухсат бермади.

Унинг бу каби ишлари ва ўлим шаробидан сипқоргунча кечган фаолияти хусусида мавриди билан тўхталализ, ўлим шаробидан сипқармоқ, Оллоҳ ҳузурига бермоқ, унга қўшилмоқ ҳар бир бандасига хосдир. Улуғ одамлар эса яратганинг, гуноҳларимиздан ўтгувчининг ҳузурига тезроқ борадилар.

¹ *Муставфи* — мамлакатнинг чекка ўлкаларидағи молиявий ишлар раҳбари [девон үл-истифо], молиявий маслаҳатчи.

² Жувайнин Нажибиддин аш-Шаҳразурий ал-Қиссадорномини Хоразмшоҳ Муҳаммад унинг ўғли Баҳоулмулк Ҳожини Жанд вазири қилиб тайинлаш муносабати билан тилга олади. Аш-Насавий унинг келиб чиқиш жойини “аш-Шаҳразурий” деб белгилайди. Ибн Ҳоддун “у исфаҳонлик эди”, деб ёзади.

³ Аловуддин Муҳаммаднинг Хуросон қўшинлари Бош лашкарбошиси қилиб тайинланиши 1193 йилга тўғри келади.

⁴ 35-, 36-бобларга қаранг.

⁵ 37-, 39-бобларга қаранг.

45-БОБ

СУЛТОН [ЖАЛОЛИДДИН] САРОЙИГА КЕЛИШИМ САБАБИ ВА ХИЗМАТГА КИРИШИМ БАЁНИ

Юқорида эслатганим Малик Нусратиддин, Ҳамза ибн Муҳаммад ибн Умар ибн Ҳамзага Наса ҳукмдорлиги амакиваччасидан мерос бўлиб текканидан кейин у мени ўзига шахсий ишлари бўйича ўринбосар [ноиб] қилиб олди¹. Нима иш қилмоқчи бўлса, мен билан маслаҳатлашарди.

У олижаноб фазилатларга эга бўлган сахийқалб инсон эди. Нусратиддин Абул Аъло [ал-Маъаррий]нинг “Сакт аз-занд”, ал-Утбийнинг “ал-Яминий”, Фахриддин ар-Розийнинг “ал-Мулаҳҳас”, аш-шайх ур-раис [ибн Сино]нинг “ал-Ишорат” асарларини ёддан биларди². Унинг араб

ва форс тилларида ёзган шेърлари, уларни жамлаган девони бор эди. Мана, унинг тутқинлик пайтида ёзган шеърларидан бири:

Менинг бу замонга тутқинлигим ҳақ,
түё замон-чиганоқ, мен — марваридман.
Қадримни тушира билмас ҳеч кимса, аммо
менинг зийнатим бу — менинг довругим.
Мен йўлдан қайтмасман, адоват ва кин
соя сола олмас фуур, шаънимга.
Аждодлар шавкатин меросхўриман,
замон тан олмаса — бу унинг иши.
Барибир кимлигим аён бўлажак,
зулматда ярқ эттан тўлин ой мисол.
Шунда қисмат келиб тиз чўкар албат,
ва дейди: “Ўттан ишлар учун бизни афу эт!”

Унинг мактублари, номаларига келсак, улар ниҳоятда сехрли, булоқ суви сингари роҳатбахш, шимол шабадали-ри янглиғ кўнгилларга ором бағишловчи, ҳар бир сўзи-дан гўзаллик ва латифлик уфуриб тургувчи эди.

У қадимий фанларни мукаммал даражада ўзлаштирганди ва уларни ўзининг янги, гаройиб билимлари билан бойитди. Бу фанларни у Хоразмга боргач, у ерда кечган ўн тўққиз йиллик асирилик даврида ўрганганди. Унинг юлдузлар жойлашишига қараб қилган башоратлари камдан-кам ҳолларда амалга ошмай қоларди. Жалолиддин Ҳиндистоннинг марказида жанг қилиб юрган, у ҳақда ҳеч қандай хабар бўлмаган пайтларда Нусратиддин “Султон ҳали бу ерларга қайтиб келади, ҳукмдорлик қилиб, тартиб ўрнатади, Фиёсиддин эса мұваффақиятларга эриша олмайди, чунки унинг юлдузи баҳтидан нишона бермаётиди, аксинча, у милтиллаб кўринмоқда, охир-оқибатда эса сўнади”, деб каромат қилган эди. Ана шу сабабли ҳам у бошқа ҳукмдорлардан фарқли ўлароқ Фиёсиддин номини хутбага қўшиб ўқиттирмасди. Бироз вақтдан кейин, ҳақиқатан ҳам у айтган гап рўй берди, башорат қилган воқеа амалга ошди. Лекин буларнинг ҳаммаси унинг ўлимидан кейин содир бўлди. Бир мақолда айтилганидек, олишда оз, беришда кўп, демади. У Султон бу ерларда яна пайдо бўлиши билан мұваффақиятларга эришади, дея тўғри башорат қилганди. Лекин ўзининг у келишидан

олдин ҳаётдан кўз юмишини билмади. У кутишлар билан банд бўлиб қолди, эҳтимол, унинг ҳаётнинг бу ҳақиқатини ўз вақтида англаб етмагани сабаби шундадир:

Ваъда бериб овунтирманг, қазо ҳақдир барибир!
Мен чанқоқдан жон бергач, чикора жала-ёмғир³

Фиёсиддин Нусратиддиннинг султонга [Жалолиддинга] нисбатан муносабатидан огоҳ бўлди. Унинг бошқалардан фарқли ҳолда ўзига нисбатан уни афзал кўришини, унга эътиқоди юксаклигини билди. Шу сабабли у Тўлуқ ибн Инонжхон кўлига отасининг қўшинини бериб, Арслонхон ва бошқаларни унга ёрдамчи қилиб тайинлаб, Нусратиддин устига отлантириди. У турли мулкларни босиб олганлар [мутагалиблар]га буйруқ юбориб, улар Тўлукнинг энт муҳим ва иккинчи даражали топшириклиарини ҳам бажаришини, бошлаган ишлари, тадбирларини амалга оширишга ёрдам беришини тайинлади.

Яқинлашаётган босқин хабари Нусратиддинга етгач, у бу хавф ва мусибатдан кутилиш, уни бартараф этиш йўлини излаб маслаҳатчилари билан келишди. Уларнинг маслаҳати якунига кўра мен маълум миқдордаги пул билан Фиёсиддин саройига борадиган, бу гаплар ифво эканлигини айтиб, юзага келган низолар, келишмовчиликларга барҳам берадиган бўлдим.

Мен Фиёсиддин ҳузурига ўзим хоҳламаган ҳолда йўл олдим. Бироз вақтдан кейин, Руғод чегарасида тунда Инонжхон ўғли қўшинларига дуч келдим⁴. Улардан ҳимояланиш мақсадида, Муса Яратганинг чақиригини эшитиб қочгани каби, кўрқоқ туюқуш сингари тун қоронфулигидан фойдаланиб яшириндим. Журжонга яқинлашганимда унга яқин жойда чодир кўрдим⁵. Сўраб-суриштириб бу амир Кўчкинди чодири эканлигини, унинг Жалолиддин ҳузуридан келаётганини, Урхоннинг Хурсоңдаги ноиби бўлиш учун кетаётганилигини билдим. Менга Райда бўлиб ўтган воқеалар, Фиёсиддин давлатининг тугатилганлиги, Жалолиддин ҳукмдорлигининг ўрнатилганлиги ҳақида гапириб беришди. Шунда мен Кўчкинди ҳузурига йўл олдим. Қувонганим туфайли унинг ёнига юриб эмас, гўё учиб бордим. Мен у билан кўп вақт гаплашдим, бу ердаги аҳвол ҳақида тўла ва аниқ

маълумот олдим. Шундан кейин мавжуд аҳволни чамалаб кўриб, орқага қайтмадим. Чунки Насани тиш-тирноги билан қамал қилиш учун бораётган Инонжхон ўғлига ҳақиқатни айтиш билан бирор натижага эришиш қийин эди. Унинг Наса қамалини тўхтатиши учун Султон буйруғи зарур бўларди. Мен Астрободга, Султон қароргоҳига боришга тайёргарлик кўраётган малик Тожиддин ал-Ҳасан ҳузурига йўл олдим⁶. У билан ҳамкорликда Султон олдига бориш мақсадида уни тезлай бошладим. Лекин ўша вақтда, у йўлга чиқиши арафасида, қўл остидаги ғилояти чегарасига Фиёсиддинга тегишли бўлган одамлардан бири Донишмандхон ҳужум қилди. У гўё нопок оёғини Султон гиламининг чеккасига қўйишга журъят этди. Бу хабар сафар учун жиддий тайёргарлик кўрган Тожиддинни асабийлаштириди. Мен зарурат туфайли яна Бистом йўлига қайтдим. Ундан қўрқа-писа юриб Райга йўл олдим, у ердан тезлик билан Исфаҳонга ўтдим. Шу пайтда кетимдан Насанинг қамал қилингани хабари келди. Бу хабар менга нафас ростлашим, дам олишимга имкон бермади. Шунга қарамай, хоҳишимга зид ҳолда Исфаҳонда икки ой қолиб кетдим. Чунки бу пайтда Султон ҳузурига боришга имкон бўлмади. Бунинг сабаблари кўп эди. Шулардан бири, лурларнинг тоғда жанжал чиқариб, Султон ҳузурига борадиган йўлларнинг юриш учун хавфли бўлиб қолганлиги эди. Яна бир сабаб, малик Ҳазорасп Султонга душманлик йўлига ўтди. Чунки Султон Ҳазораспнинг душмани ҳисобланган отабек Саъд билан яхши муносабатлар ўрнатганди. Икки ой қолишимнинг сабабларидан яна бири, ўша йили қор кўп ёғиб тоғ йўлларини босиб қолган, натижада йўловчиларнинг кўпчилиги ҳалок бўлганди. Мен Исфаҳонда Балбон ал-Қударий ас-Сиркон уйида баҳорга қадар, ҳамма ёқ яшилликка бурканиб, дарахтлар, атроф гўзal либосига ўрангунча қолиб кетдим.

Султон туғи Озарбойжон томонга қараб йўл олди, унинг чодирлари Ҳамадон теграсига ўрнатилди⁷. Султоннинг ўзи эса бу ерда эмасди. У отабек Ифан Тоисийга, Фиёсиддиннинг қайиноғасига кутилмагандага ҳужум қилиш учун тайёргарлик кўраётганди⁸.

Султон укасига қарши юриш қилиб, Оллоҳ инояти билан, аввал унга қарам бўлган ерларни ўз мулки қилиб

олганда, юқорида номини эслатганимиз (Иған Тоисий) Озарбайжонга қўшин киритди. У Султон ўлимга маҳкум бўлган давлатни ҳимоя қилмоқда, унинг ҳукмдорлиги тез орада барҳам топади, деб ўйлади. У ва Озарбайжон ҳукмдори отабек Ўзбек Султонга қарши биргаликда курашишга келишдилар. Улар Султон туғлари ўzlари томонга келаётганини ва атрофини ўраб олаётганини аниқ билди. Шунда Иған Тоисий Султон йўқлигидан фойдаланиб, Ироқقا бостириб киришга шошилди. Лекин унинг бу нияти ҳақидаги маълумот Султонга илгарироқ маълум бўлганди, шу учун у унга кутилмагандан Ҳамадондан туриб ҳужум қилди. Унинг устидан ғалабага эришди. Унга омонлик берди ва ҳимоясига олди. Султон учун барча ишлар муваффақиятли якунланди, у чодирига мақсадига эришган ҳолда кувончга тўлиб қайтиб келди⁹.

Мен Султон бу ерга қайтиб келгунига қадар Шарафулмулк Ҳожа Жаҳонга минг динорни олиб бориб бердим. Аслида бу маблагни Нусратиддин Фиёсиддиннинг вазири Карим аш-Шарқий бизга қиласиган хизматлари учун мўлжаллаб берганди¹⁰. Шарафулмулк менга совфа учун миннатдорлик билдириди. Бу ишни тез битириб беришга ваъда қилди. Ҳақиқатан ҳам у бу ишни тез битириб берди. Унинг натижаси кутилгандан ҳам яхши эди. Султон Нусратиддин ҳукмдорлик қиласиган вилоятнинг чегаралари белгилаб берилган фармон зълон қилди. Фармонга кўра, унинг вилоятига бир қанча янги жойлар ҳам кўшиб берилганди. Султон яқинларидан биттасини менинг билан Насага бирга борадиган қилиб тайинлаганди. Тайинланганинг вазифаси Насага бориб Инонжхон ўғли кўшинларини бу ердан чиқариш ва унинг ўзини Султон қароргоҳига олиб келишдан иборат эди. Орадан икки ёки уч кун ўтмасдан Нусратиддиннинг ўлганлиги ҳақидаги хабар келди. Айтишларича, Инонжхоннинг ўғли уни Наса қальясидан олиб чиқиб, ўз хузурига келтиришларини буюрган. У унга ёлғон ваъдалар бериб алдаган, бу ёвузлик самимий йинсон қалбига зарба бўлиб тушган. У умрининг энг яхши, кучга тўлган пайтида ҳаётдан кўз юмган эди. Унинг ўлими ҳақдаги хабарни ҳар бир одам кўзда ёш билан бир-бирига етказарди. Менинг қалбимни дард ўртарди, хаёлимда эса аламли мисралар айланарди:

Фавқулодда ўтқирлашиб кетди зеҳни, идроки Яқин кунлар ичра ўлим топмоғи аник.

Инонжхоннинг ўғли менга отасига Наса ва Журжонда сидқидилдин хизмат қиганим учун бундан ташқари ҳам кўп “яхшиликлар, сийловлар” қайтарган эди. У мулозим ва хизматкорларимни ўлдиртирган, мол-мулкимни талонтарож қилдирган, шунингдек, уйимдаги мерос қолган ва ўзим тўплаган бойликларнинг ҳаммасини босиб олган эди.

¹ Оддинги бобларга қаранг.

² Абу Ала ал-Маъаррий Аҳмад ибн Абдаллоҳ ибн Сулаймон [979—1058 йиллар] шоир, файласуф. “Рисалат ал-малаъимка”, “Сакт аз-занд” асарлари муаллифи.

Абу Наср Мұхаммад ал-Утбий [961—1036 йиллар] — Фазнавийлар давлатининг тарихчиси. “Ал-Яминий” асари ғазнавийлар султони Ямин ад-Давла Мұхаммад ибн Сабук Тегинга [977—997 йиллар] бағишланган.

Фахриддин ар-Розий [1149—1209 йиллар] — ҳиротлик шайх. У доимо шогирдлари, 300 дан ошиқ фақиҳлар билан бирга юрган. Унинг “ал-Мулаҳҳас” [“Моҳият”], “Мафотиҳ ал-ғайب” [“Бойликлар қалити”] асарлари мушҳур.

Аш-шайх ур-раис — Абу Али ибн Сино.

³ Шоир Бащшар ибн Бурднинг [696—783 йиллар] шеъридан.

⁴ Рӯроғ — Мозандорондаги жой.

⁵ Журжон — Каспий денгизи бўйидаги шаҳар.

⁶ Тожиддин ал-Ҳасан ҳақида 21-бобга қаранг.

⁷ Жалолиддиннинг Озарбойжонга юриши 622 йилда [1225 йил январь — 1226 йил январь] бошланган.

⁸ Иған Тоисий Фиёсiddиннинг тоғаси ҳам эди. 33-бобга қаранг.

⁹ Жалолиддин Озарбойжоннинг Мароға шаҳрига етганда унга Фиёсiddиннинг тоғаси отабек Иған Тоисий 50 минг лашкар билан Озарбойжонга хужум қилгани ҳақидағи маълумотни етказишиди. Иған Тоисий Арронда, Каспий денгизи бўйида қишлиб, Озарбойжонга иккинчи бор хужум қилади ва кўп жойларни талон-тарож этади. Шундан кейин Иған Тоисий халифа ан-Носирнинг бўйругига кўра Ҳамадонга қараб юради. Бу жойлар халифалик томонидан унга инъом этилади. Бу ўринда халифаликнинг сиёсий ўйинлари яққол кўзга ташланади. Яъни, у [халифалик] Жалолиддин Боғдодга хужум қилмасин деган ниятда унга қарши бошқа амирларни оёқлантиради.

Жалолиддин Иған Тоисий кўшинига қарши ўз лашкарларини бошлаб боради. Султон кўшини тунда, яширинча йўл юради. Иған Тоисий қароргоҳига келган Султон кўшинлари уларни ўраб олади. Бу пайтда Иған Тоисий лашкарлари Озарбайжон ва Аррондан тушган ўлжа, молларни бўлиш билан овора эди. Улар Жалолиддин кўшинларини Боғдод яқинида бўлса керак, деб ўйлайди. Эрталаб эса ўзлари қамалда қолганини кўрадилар. Иған Тоисий унинг ҳузурига хотини, Султоннинг синглисини юборади ва омонлик тилайди. Иған Тоисий кўшини билан Султон томонга ўтади ва у кўшин сарҳангларидан бири қилиб тайинланади.

¹⁰ Гиёсиддин Пиршоҳнинг вазири — Тожиддин ибн Карим аш-Шарқ ан-Нишопурӣ ҳақида 11-, 13-бобларга қаранг.

46-БОБ

СУЛТОННИНГ УКАСИ УСТИДАН ҒАЛАБА ҚОЗОНГАНИДАН КЕЙИН ХУЗИСТОНДАГИ ҲАРБИЙ ЮРИШЛАРИ БАЁНИ

Султон укасидан ҳукмдорликни тортиб олганидан кейин, унга кўл остидаги ўз хоҳиш-истагини бажарувчи амирлардан бири сифатида мурожаат қила бошлади. У, айни пайтда, Хузистонга кўшин тортди ва бу ерда қишлиаш учун қолди. Бу ерда туриб у Наса ал-ариди Диёулмулк Аловуддин Мұҳаммад ибн Маудудни Олий девон [халифалик девони]га элчи қилиб жўнатди¹. Унинг номаси таъна ва тазииклар билан тўлиб-тошганди. Султон бундан ҳам аввал Жаҳон Паҳлавон Элчини кўшинининг илғори билан элчи қилиб жўнатганди. Лекин Жаҳон Паҳлавон йўлда девон кўшинлари ва арабларнинг ал-хафажа қабиласи лашкарлари билан тўқнашади². Уларга хужум қиласди. Девон кўшинларини ҳурмат-иззат қилмасдан катта зарар етказади. Халифалик лашкарлари оғир аҳволга тушиб, мақсадларига эришолмасдан Боғдодга қайтадилар. Бу кўшин лашкарларининг бир қисми Султон қароргоҳига асир қилиб олиб келинади. Кейинчалик улар озод этиладилар.

Бу воқеадан кейин Боғдодга келган Диёулмулк ҳурмат-эҳтиром ва алоҳида фахр билан кутиб олинади. Лекин, у бу ерда одатдагидан кўпроқ туриб қолади. Одамлар бу борада ҳар хил таҳминлар, фаразлар, гумонли фикр-

ларни айтадилар³. Бундай миш-мишлар Султон Марогани босиб олгунга қадар давом этди⁴. Султоннинг бу юришидан кейин элчини ҳар хил совғалар ҳамда хурмат-эхтиром билан юргига кузатиб қўйишади.

Қиши ёпничигини йиғишириб, ўрнини баҳорга бўшатиб берганида у [Жалолиддин] Боғоддатрофларидан Озарбайжонга қараб юрди. У Дақуққа яқинлашганида шаҳар аҳолиси девор устига кўтарилиб, бор овози билан бақириб, уни девонга ҳужум қўлганликда, натижада ташвишларни кўпайтирганикда айблаб қарғайди⁵. У бу гапларни эшитиб ғазабга минди ва шаҳарни босиб олишни буюрди. Орадан кўп ўтмай Султон байроқлари девор устида ҳилпирай бошлиди, жанг тобора қизғин тус олди. Лашкарлар қиличлари аҳоли бошлари узра ўйнади. Жангни тўхтатиш ҳақида буйруқ берилгунча кўп одамлар ҳаёт билан видолашдилар⁶.

Султон Озарбайжонга қараб юришда давом этди. У Ҳамадондаги тоғлар бағрида турган пайтида Иған Тоисийнинг Озарбайжонга Ироқ ал-Аjamга ҳужум қўлгани хабарини эшитди. Шунинг учун у, ҳақиқатан ҳам кутилмаганда, Ҳамадонда турган Иған Тоисий қўшини устига ҳужум қилди. Бу ҳақда эса аввал айтган эдик.

³ Жалолиддин Хузистонда қишилаганидан кейин Шустарни қамал қилади. Шустарнинг ҳукмдори халифа ан-Носирнинг одами, амир Музаффариддин эди. Хоразшоҳ босиб ололмайди ва Бодгодга қарши юради. Бу ҳақда халифани олдиндан огоҳлантиради, Жалолиддин номасини халифага Диёулмулк Аловуддин Мұҳаммад ан-Насавий олиб боради. Султон номасида мусулмонларнинг умумий душмани бўлган мўгулларга қарши курашда халифани ёрдамга чақиради. Аммо халифа Хоразмшоҳлар билан ўз аждодлари — халифа ал-Мустадий [1170—1180 йиллар] ва ал-Мустанжид [1160—1170 йиллар] ўртасидаги қарама-қаршиликларни эслатади. Шу сабабли халифа ан-Носирномага жавоб қайтармайди ва унинг ўрнига Хоразмшоҳга қарши ўз мамтуги, амир Жамолиддин Күш Темур бошчилигидаги 20 минг кишилик қўшинини жўнатади.

Номасига жавоб ололмаган Жалолиддин қўшинларини Ироққа ташлайди. Қўшинларининг бир қисми Бадрай ва Баксайни босиб олиб, Басра остоналаридан чиқади. Бу ерда уларга Басра шихнаси амир Милтегин қарши чиқади. Хоразмшоҳ Бас-

рани икки ой давомида қамал қиласи ва ғалабага эриша олмаганидан кейин қўшинини Гутга олиб кетади. Йўлда халифа қўшинларига дуч кёлади. Жалолиддин Куш Темурга ўз мақсадини, мўгулларга қарши курашда халифадан ёрдам сўраб нома ёзганлигини ва ёрдам кутаётганлигини билдиради. Куш Темур шунга қарамай жангта киради. Унинг лашкарлари Султоннинг оз сонли қўшини томонидан мағлуб этилади ва амирнинг ўзи жангда ҳалок бўлади.

Халифа қўшинининг мағлуб бўлгани ҳақидаги хабар Боғоддога етиб борганида шаҳарда ҳимоя истеҳкомларини тиклашга киришилади. Жалолиддин қўшинлари Боғод атрофидаги жойларга хужум қиласи ва бу ердаги аҳолининг мол-мулклари ни босиб олади. Хоразмшоҳ Боғод атрофида 12 кун бўлади.

² Ҳафажа қабиласи Бану Уайл қабиласининг бир қисми ҳисобланади. Улар Мадина атрофларидан Басрса чегараларига келиб қолишган ва Макка, Мадинага ҳажга бораётган одамларни талаш, мол-мulkини босиб олиш билан шугулланган. Халифа ан-Носир уларни 1192 йилда мағлуб қилганидан кейин тарқалиб кетишган. Қабиланинг бир қисми Нил ирмоқларидан бирининг қирғогига жойлашган.

³ Диёулмулкнинг иккинчи бор элчиликка боргани хусусида бошқа манбаларда айтилмаган.

⁴ Жалолиддин Марғани 1225 йилнинг май-июнь ойларида босиб олган.

⁵ Дақуқ [Ироқнинг ҳозирги Тавқ шахри] Хоразмшоҳ томонидан 622 йилнинг раби аввалида (1225 йил март-апрель) қамал қилинади. Шаҳар аҳли арк ичига кириб яширинади. Султон Дақуқни босиб олади, бойликларини талон-тарож қилдиради. 20 минг кишини ўлимга буюради.

⁶ Хоразмшоҳ Дақуқни босиб олганидан кейин Тигр дарёси бўйидаги шаҳар]га йўл олади. Бу ерга халифаликнинг қўшини Музаффариддин Кўк Бўри бошчиллигига етиб келади. 1225 йилнинг апрель-май ойларида бўлган жангда Музаффариддиннинг 10 минг лашкардан иборат қўшини қириб ташланади ва унинг ўзи асир олинади. Жалолиддин ундан ўзига қарши бошқа жанг қилмаслик тўғрисида ишончнома олиб, фарзий кийим-бош билан сийлаб қўйиб юборади.

Ибн Тагрибердининг ёзишича, бундан хавотирга тушган халифа ан-Носир Жалолиддинга қарши кураш учун миллион динор маблаг ажратади.

Дамашқда айубийлар ҳукмдори ал-Малик ал-Муazzам Исо [1218–1227 йиллар] Ирбил ҳукмдори Музаффариддин Кўк Бўрига бундай деб ёзади: “Менга Хоразмшоҳ Жалолиддин нома юборди, унда шундай сўзлар битилган: “Мен билан ҳамкорлик

битими тузганлар, сен ва бошқалар, тайёр туриңглар, халифага қарши юриш бошлаймиз. Негаки коғирларнинг ислом мамлакатларига босиб киришига, мусулмонларнинг ва менинг отамнинг ўлимига у сабабчидир. Биз халифанинг уларга ёзган мактубини топдик. Бу мактубда у уларни ислом мамлакатларига ҳужум қилишга даъват этади”. [Бу ҳақда Сибт ибн ал-Жавзий асарида маълумот берилган]. Шундай қилиб, бу ўринда ҳам халифа ан-Носирнинг Хоразмшоҳларга қарши курашда мўгуллар билан тил бириктирганлигини яққол кўриш мумкин. Бундан ташқари, халифа Жалолиддин тимсолида Аббосийларга қарши катта кучни кўриб, уни дафъ қилиш мақсадида хатто ўз душмани айубийлар ҳукмдори ал-Малик ал-Ашраф Мусо [1210—1230 йиллар] билан ҳам ҳамкорлик ўрнатишга ҳаракат этган.

47-БОБ

СУЛТОННИНГ ОЗАРБОЙЖОННИ БОСИБ ОЛИШИ БАЁНИ

Иған Тоисий Жалолиддин хизматига киргач, Ироқ ҳар хил жанжал, низоларни келтириб чиқарувчилардан, уни адолат билан бошқара олмайдиган калтафаҳм, ақлсиз ҳукмдорлардан халос бўлди. Шундан кейин Султон Озарбойжонга қараб юрди. У Озарбойжон четараларига яқинлашганда Шарафулмулк Мароға аҳолисидан мактуб олди. Мактубда мароғаликлар Султондан ўз шахрига келишларини илтимос қилиб, бу ерда давлатни ўзбошимчалик билан бошқараётганлар ва хотинлар ҳукмронлиги натижасида юзага келган шармандали ахволдан халос этишларини сўраганди¹. Улар, шу билан бирга, мамлакатининг ҳукмдори Отабекнинг кучсизлиги туфайли ўз мулкларининг даҳлсизлигини сақлай олмаслигига, ҳимоя қиломаслигига, гуржиларнинг эса ўткир тирноқларини ўзларига [Мароғага] қаттиқ ботирганларига ҳам кўнишиб қолгандилар. Шунда Султон тезлик билан ўша томонга юрди ва уни ҳеч бир қаршиликсиз қўлга киритди. У бу ерда бир неча кун бўлди. Шу ерда туриб қози Мужириддин Умар ибн Саъд ал-Хоразмийни элчи сифатида Рум [маглиги], аш-Шом ва Миср ҳукмдорлари [мулук] ҳузурига мактублар билан жўнатди. У мактубларида Озарбойжоннинг вилоятларини ўзига қарам қилғанлигини ва бу заминни гуржилар (ал-курж)нинг ўткир тирноқларидан ха-

лос этганигини билдириди². Бу икки иш яратган олдида-ги хизматларининг кафолати эканлигини таъкидлади. Ҳукмдорларни ўзининг гуржилар юртига юриш қилиш ниятидан огоҳлантирди. Ал-Қуржлар билан бўладиган қаттиқ жант бу жонадоннинг ўз эгалари борлигини кўрса-тишга хизмат этишини айтди³. У мактубларнинг асосида ҳукмдорларни дўстона ҳамкорликка чақирди.

Султон ўша куни мени котиб ал-иншо қилиб тайин-лади. Мен бу мансабда ишни кўнглим хушламайроқ, ле-кин бошдан ўтказган қийинчиликларни бироз унудиши ниятида бошладим⁴. Бунинг устига бу касб ҳақида маълу-мотим ҳам, тажрибам ҳам йўқ эди. Ушбу касбнинг тўхтов-сиз оқиб келадиган бойликлар ва кети узилмайдиган ту-шумлар манбаи эканлигини ҳам билмасдим. Унда ҳар қан-дай заардан ҳам фойда ундиrsa бўларди, бу соҳада фойда ва зарар омухталашиб кетган эди.

Буни тез орада англай бошладим. Султон Хурсон ва Мозандарон аҳолисининг ишини ҳал қилиш мақсадида Нахичевонда пайтида менинг бир кунда котиблик мансаби туфайли кўлга киритган фойда ва тушумим минг динордан ошди. Бундай фойда доим шунча миқдорда бўлмаса ҳам, ҳар қалай кунда топилиб турарди. Шундан сўнг мен бу лавозим учун рақибларимга қарши курашадиган бўлдим. Мужириддин эса бу пайтда ушбу хизматдан йироқда, юқорида эслатганимиз мамлакатларда са-фарда эди. У бу мамлакатлардан сафардан Тифлис босиб олингандан кейин келди.

Султон Марғадан Учон томон юрди⁵. Бу вилоят яшил-лик билан қопланган, суви сероб маскан эди. Тоторлар унинг шаҳрини илк босқини пайтидаёқ харобага айлан-тирганди. Султон бу ерда бир неча кун турди. Бу ернинг одамлари озиқ-овқатларни Табриздан олиб келишарди. Табризда эса Тўғрул ибн Арслоннинг қизи, отабек Ўзбек-нинг хотини турар, у бу ердан озиқ-овқатларнинг олиб кетилишига қаршилик қилмасди. Ана шунда кимдир Таб-риздан Султон ҳузурига келиб, бу шаҳарни босиб олишга унди. Султон Табризга қараб йўл олди ва уни қамал қилиб, шаҳар яқинига қароргоҳини тикди.

Унга қарши Шамсиддин ат-Туройининг жияни раис Низомиддин бош кўтарди⁶. У шаҳар аҳлини ўзига тўла

бўйсундирган ҳолда хукмронлик қиласарди. Шаҳар аҳли эса унга унинг аждодларига, Табризда хукмдорлик қилган отабоболарига қон-қонига сингиб кетган ҳурмат-эҳтиром туфайли бўйин эгарди⁷.

Султон шаҳарга томон юрар экан, амирларга қамал куроллари: манжаниқлар, оғир тўқмоқлар, юрувчи қалъалар тайёрлашни буюрди. Улар шаҳар атрофидаги дараҳтларни кеса бошладилар. Дараҳтлар эса ниҳоятда кўп эди.

Султон Табризни қамал қилганининг еттинчи куни Тўғрулнинг қизи шаҳардан элчи чиқарди. Элчи Султонга малика ўзи, одамлари, мол-мулки учун омонлик сўраганини, Хой шаҳри ўзига берилиши шарти билан бу ерни Султон лашкарлари ҳимоясида тарк этажагини билдириди⁸. Султон унинг талабини қондирди. Табриз олти юз йигирма иккинчи йил ражаб ойининг ўн еттинчисида [1225 йил 25 июлдя] босиб олинди. Султон иккита хос мулоzими [адим ал-хасс]ни — Тожиддин Қилич ва Бадриддин Хилолни унга ҳимоячилар сифатида берди. Улар маликани мулоzимлари, яқинлари, мол-мулки билан Хойга олиб бориб кўйди.

Султон Табризга кирди ва аҳолисига меҳр-муруват, сахийлик кўрсатди. У Султон аркида [дар ас-салтана] турди. Раис Низомиддин (ат-Туроий)ни шаҳар хукмдори қилиб кўйди. Ат-Туроийнинг иши аввалгидек эди, топшириқлари бажарилар, маслаҳатлари инобатга олинарди. Лекин у давлат ва пул ишларига аралаша олмасди. Низомиддин аҳоли [ар-раиййа]нинг зарурати билан борлиқ ишларни қиласарди. У аҳолини тинчлантириш, одамларнинг бир-бирларига муносабатларини яхшилаш, низоли ишларга барҳам бериш каби ишлар билан банд бўлди⁹. Бу лавозимда у то зинданбанд қилингунча ишлади. Бу ҳақда, агар Оллоҳ имкон берса, кейинроқ ҳикоя қиласиз.

1 Озарбойжон ва Ароннинг сўнгги отабеги Ўзбек мамлакатни башқаришни ўз ҳолига ташлаб, шаробхўрлик ва айшишрат билан машғул бўлди. Давлатни эса унинг хотини, Ироқ хукмдори бўлган охирги султон Тўғрул II нинг [1174—1194 йиллар] қизи бошқарди.

² Султон Жалолиддин Марғада пайтида Озарбойжонга че-гарадош бўлган давлатлар ҳукмдорлари билан ҳамкорлик қилишга уриниб кўрди. У қўниёликлар султони Аловуддин Қайқубод I га [1219–1236 йиллар], Жазира ҳукмдори ал-Малик ал-Аш-раф Музаффариiddин Мусога, Дамашк ҳукмдори ал-Малик ал-Муazzам Шарафиддин Исога [1218–1227 йиллар], Миср ҳукмдори Малик ал-Муҳаммадга [1218–1236 йиллар] номалар юборади. Жалолиддин Озарбойжонни босиб олгани хабарини ва Грузия ҳужум қилиш нияти борлигини уларга билдирад экан, гарб ҳамда жанубдаги қўшни ҳукмдорлар билан яхши муносабатлар ўрнатиб, ўз хавфсизлигини таъминлашга ҳам уринди.

Номалар [мактублар]ни барча ҳукмдорларга қози Мужириддин Умар ибн Саъд ал-Хоразмий [Ҳамавий ва Макризий уни “Мажиддин қози ал-Мамалик ал-Ҳанафий” деб ёзади] олиб бориб беради. Мактублар деярли бир хил, ислом йўлида дўстликка чақириқ, ҳамкорликни кучайтириш руҳида ёзилган. Мужириддин Хоразм давлатининг энг улуғ алломаларидан бири ҳисобланган. Мактубларда унинг номи Мужир ад-Давла вад-Дин Тоҳир Шараф ал-Ислом вал-Муслим тарзида Ҳурсон ифтихори, оламнинг улуғ сардори, илм соҳасида энг олий даражага эришган, давлат таянчи [ас-садр ал-Муazzам ал-алам, мужтахид қавам ал-Мулк] деб таърифланади.

Султон Аловуддин Қайқубод I әлчига ҳурмат-эҳтиром кўрсатади. Шу тариқа султонлар ўргасида дўстлик муносабатлари ўрнатилади. Бу дўстлик қариндошчилик билан мустаҳкамланади. Қайқубод ўғли Фиёсiddин Қайхусров II [1236–1245 йиллар]га Шероз ҳукмдори отабек Абу Бакр ибн Саъд [1226–1260 йиллар]нинг қизини олиб беради. Абу Бакр ибн Саъд Жалолиддинга яқин қариндош эди.

Қайқубод Жалолиддинга жавоб мактубини амир Салоҳиддин орқали юборади. У Султон билан Қайқубод номидан музокаралар олиб боради.

Тарихчи Ибн Бибининг ёзишича, қози Мужириддин Жалолиддин ҳузурига қайтиб келётганда йўлда оғир касалликка учраб вафот этади. Мужириддиннинг элчилик фаолияти ва унга элчи сифатида берилган ёрлиқ ҳақида Умар ибн Муҳаммад ал-Котибининг 1229 йилда тузган “Қиссаи салатин” асарида ҳам келтирилган.

Мужириддиннинг ўғли Тожиддин Мутазз Қўниё Султони Иззиддин Кайқовус II [1245–1257 йиллар] ҳукмронлиги даврида Султон ҳазиначиси бўлиб хизмат қиласи. Султон унинг хизматларини юқори баҳолайди. Унга Оқсарой ноҳиясидан мулк иқто қилиб берилади. Тожиддин Хулагухон саройига ҳам яқин одам эди.

Хоразшоҳ мактубига Қайқубод I дан ташқари Дамашқ ҳукмдори ал-Малик ал-Муаззам Исо ҳам жавоб беради. Унинг мактубини Хоразмшоҳга Дамашқ қўшини қозиси Нажмиддин Халил келтиради. У ўз ҳукмдори номидан Хоразмшоҳ билан биргаликда ҳужум қилиши ва ҳимояланиш иттифоқини тузади. Бу иттифоққа кейинчалик Ибрил ҳукмдори Кўк Бўри ҳам киради. Жалолиддиннинг бу икки иттифоқчиси ҳам унинг номини хутбага қўшиб ўқиттиради ва номи битилган тангалар зарб эттиради.

³ Мўгуллар 1221—1222 йилларда Озарбойжон ва Арронга қилган дастлабки юришлари натижасида мамлакатни талаб, хонавайрон қилиб кетади. Улардан кейин Озарбойжонга груzinлар бостириб киради. Улар Бойлақонга ҳужум қилиб, янги қурилаётган шаҳарни бузиб ташлайди. 620 йилнинг шаъбонида [1223 йил август-сентябрь] грузин қўшинлари князь Шалва бошчилигига Озарбойжонга юриш қилиб Сурмари шаҳрини қамал этади. Шаҳар ҳукмдори Двинга қайтаётган грузин қўшинига ҳужум қиласи ва уларни Сурмари ҳамда Двин оралигидаги дарада мағлуб этади. Князь Шалва асир олинади. Шоҳ Георгий IV Лаша [1215—1222 йиллар] ал-Малик ал-Ашраф Мусога мурожаат қилиб, асир олинган грузинларни кутқаришга ёрдам беришни сўрайди. Сурмари ҳукмдори Шалва ва бошқа грузинлар ал-Малик туфайли озод қилинади.

622 йил [1225 йил]да грузин қўшинлари Аррон пойтакти Ганжани қамал қилдилар, лекин бу муваффакиятсиз якунланади. Грузинлар шу йили Ширвоншоҳлар ўртасидаги ўзаро низолардан фойдаланиб, улар мамлакатининг катта қисмини босиб олади. Шу йили грузинлар Озарбойжонга ҳам ҳужум ўюштиради.

⁴ Котиб ал-иншо лавозими ҳақида 7-бобда маълумот берилган.

⁵ Учон — Эрон Озарбойжонидаги шаҳар ва вилоят.

⁶ Минувийнинг ёзищича, Табриз раиси Низомиддин Шамсиддин ат-Тугроийнинг укаси бўлган.

⁷ Шамсиддин ат-Тугроий ва унинг жияни Низомиддин мўгулларнинг Озарбойжонга биринчи юриши пайтида Табризни шундай ҳимоя қиласидиларки, улар уни босиб ололмайди. Фақат шаҳар аҳлидан пул, кийим-кечак олади ва қайтиб кетади.

⁸ Хой — Эрон Озарбойжонидаги шаҳар.

⁹ Жалолиддин Табризга ўз шихнасини ҳам тайинлайди. Бу шихна Табризда хоразмлик лашкарларнинг талон-тарож ишлари билан шуғуланишларига йўл қўймайди.

СУЛТОННИНГ ГУРЖИЛАРНИ ҚАНДАЙ МАҒЛУБ ҚИЛГАНИ БАЁНИ

Султон Озарбайжонни босиб олганидан кейин гуржилар Двин теграсидаги Гарни номи билан машхур бўлган жойга олтмиш минг одамини йифди¹. Уларнинг намоийишкорона матонатлари орқасида аҳмоқона хатти-ҳаракатлар яширинган эди. Султон билан қўшни бўлишдан, ёнма-ён яшацдан улар қўркув ва ваҳимага тушгандилар. Шу сабабли бу йифин билан улар ўзларининг қудратли кучга эгалигини ва лашкарлари кўп эканлигини Султонга кўрсатиб қўймоқчи эдилар. Улар Султон бу йифинни кўриб, биз билан ҳамкорлик қилишга интилади ва омонлик сўраб келади, шундай қилиб унинг бургут мисол ҳужумидан ёки қутурган денгиз каби босқинидан халос бўламиз, деб ўйлашганди². Уларнинг бир пайтлари ўзлари учун ов маскани, осон ўлжа макони бўлган Отабеклар давлатининг қулаганини билгани ҳолда бунча қўшин билан бу ерга йиғилишининг сабаби ҳам шу эди³.

Султон уларнинг бу йифинининг сабабини билгач, яъни қўрқитиш ва бемаъни мақсадлар учун намоийишкорона тўпланиш эканлигини англач, қўл остидаги қўшин билан улар устига юрди. Бу пайтда қўшинларининг бир қисми турли ишлар билан Ироқ ва бошқа жойларга, ўз мулкларига жўнаб кетгандилар. У Аракс дарёси қирғогига етиб келганда Жаҳон Паҳлавон бошчилигидаги ўз қўшини илғорининг амирларига дуч келди. Улар унга душман қўшини яқин ерда жойлашганини ва лашкарлари кўп эканлигини айтишди. Султон уларнинг маълумотига жавобан отини дарё оқими томон бурди. Уни душманинг яқинлиги ва кўплиги ҳақида айтилган гап асло чўчитмади. Қўшин ҳам унинг кетидан дарёга от солди.

У Гарнига етиб келганида гуржиларнинг тоғ бағрида мустаҳкам ўрнашиб олганлигини, қоп-қора тусда, худди, тун зулмати сингари атрофга ёйилганини кўрди. Уларнинг ўша куни ўзларини намоён қилувчи ишларидан бири бақириқлари бўлди. Улар осмонни тешиб юборгудай, кар қулоқлар ҳам эшитгудай ҳолда атрофни қичқириққа

тўлдирдилар. Султон уларнинг кўплигидан заррача ҳам кўрқмади. Бу беҳисоб одамлар унинг учун бўри олдидағи кўйлар сурувидан ёки арслонга дуч келган моллар пода- сидай гап эди. У тунда қўшинини улар қаршисига саф- лантириб чиқди. Қўшини орқасини отлик лашкарлар билан тўлдирди. Марказни ўз паҳлавон лашкарлари ҳисо- бига кучайтириди. Ўнг томонни мард, алп ҳимоячилар эгал- лашди, чап томонга эса ёйандозлар жойлашди. У кун бўйи гуржилар жанг қилгани тоғдан пастга тушади деб кутди, бироқ улар тушмади. Куёш мағрибга бош кўйганда Сул- тон учун марказда чодир тикланди. У тунни шу ерда ўтказ- ди. Хонлар ва амирларга тонгтacha навбатма-навбат қоро- вуллик қилишни буюрди. Улар буйруққа биноан тун бўйи гулханлар ёнида ўтириб чиқдилар. Тонг маҳали у лаш- карбошиларини ҳузурига чақириб деди: “Душман жанг қилишни истамай, ҳужумни орқага сурмоқда. Шунинг учун уларга ўзимиз ҳамма томондан ҳужум қилишга қарор қилдик. Агар ҳужум қиласиган бўлсак, улардан аввал бош- лашимиз, уларнинг пастга тушишига йўл кўймай, ўқлар ёмгирини ёғдиришимиз керак”. Султон тепаликка кўта- рилиб, юришни бошлади. Аслида уни Оллоҳнинг ўзи юксакликка кўтариб кўйди. Унинг кетидан лашкарлари қанотини ёзган бургутлар мисол ҳужумга ташландилар. Бошқалар билан биргаликда Султон қўшинининг чап томони, Фиёсиддин, Урхон, Иған Тоисий ва бошқа амир- лар бошчилигидаги лашкарлар тоғ ёнбағрига тез кўтари- дилар. Уларга қарши гуржиларнинг энг айёр лашкарбо- шиларидан бири Шалва ҳужумга ташланди. Улар ўртаси- да жанг қизиди, камон ўқлари бўрон учирган қор учқунлари, кўқдан ёниб тушаётган юлдузлар мисол ёғил- ди. Мусулмон коғир билан, ғолиб мағлуб билан, тепадан тушаётган пастдан чиқаётган билан, отлик пиёда билан аралашиб кетди. Улар бир-бирларининг юраклари ва бўйин томирларини мўлжаллаб, аёвсиз қилич солар, шу тариқа тепаликни эгаллашга интиларди. Жанг майдони- дан қочганлар фақат тоғ тепасида жон сақдаш мумкин- лигини билдилар. Шу сабабли отлик лашкарлар ҳужумга ташланиб, жанг майдонига мардонавор кириб боргандা гуржилар отларининг думларини Султон тулпорларининг бошига қаратдилар. Улар жанг майдонини ташлаб шар-

мандали тарзда уятсизларча қочдилар. Улар орқаларидан таъқиб қиласетган күшинлар олдила бамисоли овчилар олдидаги ўлжадай қочарди. Жанг майдони ўликлар билан тўла эди. Кочаётганлар, таъқиб оловидан ҳимояланишга уринганлардан тўрут мингдан ортиқ одам жанг майдонида курбон бўлган эди⁴.

Султон тепалик устида тўхтади, гуржилар унинг ҳузурига гуноҳкор бандалар дўзах оловига рўпара бўлгани сингари маҳзун тарзда бош эгиб келдилар. Уларнинг юзлари кофирилик чанги билан булғанган, бошлари эгик, ҳимоясизлик ботқоғига ботган эди. Султон тепаликда қочганларни таъқиб этиб кеттанлар ўлжалар билан қайтиб келгунча турди. Агар кимдир унинг ёнига чиқмоқчи бўлса, ўликларни босиб ўтган ҳолда бораради.

Отабек Ўзбекнинг ҳожибларидан бири бўлган Шамсиддин ал-Қумий менга қуйидагиларни айтиб берганди: “Гуржилар билан жанг арафасида хукмдорим Ўзбек мени улар ҳузурига юборди. Шунда Шалва мени ҳурмат билан кутиб олди. Лекин мақтанчоқликда одоб чегарасидан чиқиб бундай деди: “Мен айни шу пайтда, давримда амир ал-мўъминин Али [ибн Абу Толиб] /Оллоҳ ундан рози бўлсин!) тирик бўлишини истардим⁵. Шунда мен унга куч қандай бўлишини кўрсатиб қўярдим, у Бадр ва Хайбар кунларини [жангларини] эсдан чиқаради”.

Ўша куни, гуржиларнинг күшинлари мағлуб этилган вақтда уларнинг лашкарбошиси ҳам ҳалок бўлди. Натижада уни (Шалвани) кўркув қамраб олди. У ваҳима туфайли оёғи остидаги ернинг қаердалигини билолмай қолди. Юзига қон суркаб, шармандали тарзда ўликлар орасига яширинди. Уни Фиёсиддиннинг энагасининг ўғли, ёш бола ўликлар орасидан топди. Унинг кўл-оёғини боғлаб Султон ҳузурига олиб келди.

Шундай қилиб лаънатининг ниятларини Оллоҳнинг ўзи бартараф этди. Мақтанчоқлиги туфайли шарманда бўлди. У аслида мардлар сафида эмас, ҳатто эркаклар қаторида ҳам тилга олинмасди.

Султон уни қатл этишга шошилмади, раҳм-шофқат қилди. Бу билан у одамларга Оллоҳ исломнинг икки муборак санаси [Бадр ҳамда Хайбар кунлари]ни ва унинг муқаддас қаломларининг тарғиботчилари [Муҳаммад

ҳамда Али ибн Абу Толиб]ни ҳақоратлаган кимсага ҳам адолатли муносабатда эканлигини кўрсатишни истади⁷.

Султон шахсий мулозимлари бошлиғи [малик ал-ҳавасс] Тоҳиддин Қилич кўлига гуржилардан асир тушган асиrlардан бир гурухини ва ўлдирилганларининг калаларини бериб Табризга жўнатди. Бу билан у душман билан жангда Оллоҳ ўзига музafferлик туини берганлигини, натижада ғолиблиқ баҳтига эришганлигини билдиришни буюрди.

Жанг Двин шаҳрига қадар давом этди⁸. Султон бироз фурсатдан кейин бу шаҳарни хужум қилиб қўлга киритди. Шаҳар босиб олингач, бу ерлик қозига мусулмонларни хотинлари ва болалари билан алоҳида ажратишни буюрди. [Бу иш мусулмонларни таламаслик мақсадида қилинган бўлса, эҳтимол].

Оллоҳ Султон ва унинг тарафдорларига кўплаб бойликлар, чекланмаган миқдорда ўлжалар ато қилди. Булар уларнинг ҳаммасига адолат билан тақсимланди.

Шу кунлари Сурмари ҳукмдорлари Шарофиддин Уздара ва Ҳусомиддин Хидир Султон ҳузурига келди ҳамда унинг хизматига кирдилар⁹. У уларнинг ҳуқуқ ва мажбуриятларини тасдиқловчи ёрлиқча муҳр босди.

⁷ Гарнидаги гуржилар сони Ибн ал-Асир ва епископ Степанос манбаларида 60 минг одам деб берилади. Жувайний уларни “80 мингдан ошиқ эди” дейди. Рашидиддин “Султон 30 минг лашкар билан гуржилар шаҳрига юриш бошлади”, деб ёzádi.

Гарни — ўрта аср қалъаси, унинг харобалари Ереванинг жанубий-шарқий қисмида жойлашган.

Двин — ан-Насавий уни “Зун” деб ёzádi. У шаҳар ва шаҳар ичидаги қалъадан иборат бўлган. Ўрта асрда у Озарбойжон таркибиға кирган. Бу ҳақда ал-Умариј, Абул Фидо, ал-Макризий, ас-Сулук, ибн Холдун каби тарихчилар ҳам маълумотлар берганлар.

⁸ Бу пайтда Грузияни шоҳ Георгий IV Лашанинг қизи, малика Русудан [1222—1245 йиллар] бошқаарарди. Гуржиларнинг битикларида “Хоразмликлар Георгий Лаша ўлимининг учинчи иилида [яъни 1225 йилда] келдилар”, деб ёзилган.

⁹ Бу ўринда гап Озарбойжондаги Отабеклар давлатининг [1136—1225 йиллар] кулаши ҳақида бормоқда.

⁴ Гарни яқинидаги жанг гуржи битикларида бундай тасвирланади: “Малика Русудан хоразмликларнинг ўз мамлакатига бостириб келаётганини эшитганда, мағриб ва машриқдаги қўшинларини чақиртирди. Унга отабек Иванени лашкарбоши қилиб тайинлади ва мамлакат байроғини тутқазди. Хоразмликлар Гарнига ўз қароргоҳларини тикдилар. Уларга қарши жойга малика қўшинлари жойлашди. Отабек Иване қўшин илғорига ахалсихлик, ака-ука ҳукмдорлар Иване ва Шалва бошчилиги-даги лашкарларни кўйди.

Гуржилар ва Султон қўшинларининг илғори бир-бирларига яқинлашганда отабек Иване жанг қилишдан бош торти, гуржиларнинг илғоридаги лашкарлар унга чопар жўнатиб, ёрдам сўрадилар: “Бизлар Султон лашкарига яқинлашдик. Лекин бизлар озчиликни ташкил этамиз. Оддимизда эса қонли кураш турибди. Сизлар бизларга ёрдам беришларингиз керак”. Улар икки-уч марта ёрдам сўраб чопар юбордилар. Лекин у жавоб бермади. Ахалсих ҳукмдорлари Иване ва Шалва мард, ботир лашкарбошилар эди. Улар Султон қўшинларининг кўплигига қарамай, ёрдам ололмагани учун аламзадалик билан жангта киришилар. Ниҳоятда даҳшатли жанг бўлиб ўтди, икки томондан ҳам кўплаб лашкарлар ҳалок бўлди. Отабек Иване ва гуржи лашкарлари бу жангни кузатиб турдилар, лекин ўз одамларига, юртошларига ёрдам бермадилар. Айтишларича, отабек Иване ёрдамни қўрқанидан эмас, ахалсихлик ҳукмдорлар Иване ва Шалвага хусумати туфайли бермаган.

Жанг қизиган пайтда ака-укаларнинг отлари ўлади, натижада улар пиёдалар сафида жанг қиласидилар. Ахалсихликларнинг қиличи сингач гуржилар қочадилар. Шалва асир олинади, Иване эса ҳалок бўлади” [К. Цховреба асаридан].

Арман битикларида ҳам гуржиларнинг Гарни яқинидаги мағлубиятида отабек Иване айбдор қилиб кўрсатилиди. Себастаци бундай деб ёзди: “Гуржи лашкарбоши Иване қўшинларини йиғиб Жалолиддинга қарши юрди. Иване Худонинг қаҳрига йўлиқди. У Гарни шаҳарчаси яқинида мағлубиятга учради. Қўшинларининг аксарият қисми қоятошларга урилиб даралар бағрида ҳалок бўлди”.

Албан тарихчиси Киракос Гандзакеци Гарни жангни ҳақида бундай деб ёзди: “Иване кўп микдорда қўшин йиғиб Султонга қарши курашга бел боғлади. Султон Котайк вилоятига келди. Иване ҳам ўша жойга иберлар қўшинини бошлаб борди. У хоразмликларни кўриб ваҳимага тушди ва шу ерда тўхтади. Султон эса қўшинини унинг лашкарларига бақамти олиб келди. Иберлар князларидан Шалва ва унинг укаси Иване мард, жанглардá синалган, шуҳрат қозонган лашкарбошилардан бўлиб, бо-

шқа лашкарларга қаратага бундай деди: “Бизлар жангта кирамиз, сизлар эса шу ерда туриб кутинглар. Агар бизлар уларнинг бирор қисм лашкарини орқага чекинтиурсак, бас, ғалаба биз томон бўлади. Шунда сизлар ҳам жангта киринглар. Агар улар бизларни мағлуб қила бошласа, унда сизлар қочинглар, ўзларингизни кутқаринглар”.

Улар жангта кириб Султон лашкарларини қира бошладилар. Бирок иберлар лашкарлари бунга эътибор бермай, орқага қараб қоча бошладилар. Уларни ҳеч ким таъқиб қўлмаса ҳам, қочиб бориб Гарни шаҳарчасидан тепада бўлган дарага кирдилар. Бундан хабар топган Султон лашкарлари уларни таъқиб қилишга тушди. Уларнинг кўпчилигини қирди ва қолганларини қоялардан пастга улоқтириди”.

Гарни яқинидаги жанг 622 йилнинг шаърон ойида [1225 йил август-сентябрь] бўлиб ўтди. Ибн ал-Асир маълумотига кўра, бу жангда гуржилар 20 минг ва ундан кўпроқ лашкарларидан ажралганлар. Шунингдек, кўплаб лашкарбошилар асир олинган. Улар орасида Шалва Ахалцихели ҳам бўлган. Отабек Иване эса Бжни қальясига кириб яширган.

⁵ Али ибн Абу Талиб [656–661 йиллар] – ҳазрати Али, тўртинчи халифа.

⁶ Бадр – Мадинанинг жанубий гарбидаги қишлоқ. Бу ерда ҳижратнинг 2-йил рамазонида [624 йилнинг мартаида] Мұҳаммад сафдошлари билан маккаликлар ўргасида жанг бўлиб ўтади. Жанг Мұҳаммад тарафдорлари ғалабаси билан якунланади. Бу Арабистон ярим оролида исломнинг кенг тарқалишига йўл очиб беради.

Хайбар – Мадина ва Дамашқ оралиғидаги воҳа. 628 йилда Мұҳаммад томонидан босиб олинади. Ривоят қилишларича, ҳар иккала жангда ҳам ҳазрат Али мардонаворлигини, куч-кудратини намоён қилган. Шалванинг мақтанчоқлиги асосида шу гап ётади.

⁷ Тарихчиларнинг гувоҳлик беришларича, Шалва гавдаси катта, бакувват одам бўлган. Уни Жалолиддин хузурига олиб келишганда Султон бундай деб сўраган: “Қани, сенинг мақтанган кучинг, қани, сенинг Зулфиқор қиличинг? [Ҳазрат Алининг машхур қиличи номи]. Қани, бу қиличингнинг ҳаммани ҳайратга солувчи зарблари?” Шунда у: “Бу борада омад юлдузи Султонга кулиб боқди”, деб жавоб берди. Шундан кейин у исломни қабул қилди ва муслим бўлди.

Ака-ука Шалва ва Иванега Жалолиддин хурмат кўрсатади. Улар Гуржистонни босиб олишда ёрдам беради, деб умид қилали. Султон уларга Моранд, Солмас, Урмиё ва Ушну шаҳарларини иқто қилиб беради. Аммо ака-укалар ёлғон ваъдалар бি-

лан уни алдайди. Тифлисга юриш қилиш олдиdan Султон улардан сўрайди: “Қайси йўл яхши? Карсс йўли маъқулми ёки во-дийдан ўтадиган Марқоб йўли яхшими? Улар Карсс йўлига мустаҳкам истеҳкомлар курилган, ундан ўтиб бўлмайди, дейи-шади. Марқоб довони орқали ўтадиган йўл марказий, ундан тўғри Тифлисга чиқиш мумкин ва яқин деб айтишади. Айни пайтда, ака-укалар Султоннинг Тифлисга қайси йўл билан бо-• раётгандигини ўз одамларига хабар қилишади ва йўлда пис-тирма қўйишни тайинлади. Султон Тифлисга элчи қилиб таштдор Маликни жўнатди ва малика Русудан билан музокара олиб боришини буюради. Таштдор Тифлисга келаётib йўлда Кура дарёсининг бўйида маст роҳибни учратиб қолади. Роҳиб Шал-ванинг режалари ҳакида унга айтиб кўяди. Малик ортига қайтиб, йўлдаги пистирмадан Султонни хабардор қиласди. Шундан кейин Шалва ва Иване сўроқ қилиниб, қатл этилади.

Гуржистон саройидагилар Жалолиддин элчиларини яхши кутиб олмайди, уларга иззат-хурмат кўрсатмайди. Оқибатда Жалолиддин Тифлисга ҳужум қиласди.

Князь Шалванинг ўғли кейинчалик Кўниё султони Фиёсиддин Қайхусров кўл остида лашкарбоши бўлиб хизмат қиласди. У 641 йил муҳаррамида [1243 йил июль ойида] Бойжу нўён бошчи-лигидаги мўгул қўшинларига қарши курашда иштирок этади.

⁸ Жалолиддин Двинни босиб олгач, Лорини ҳам эгаллади. Кейин Алиобод қалъаси ёнидан ўтиб Тифлисга йўл олади.

⁹ Сурмари [ҳозирги Сурмалу] — Аракснинг жанубий қирғоғидаги шаҳар. Ўрта аср қалъаси ҳисобланган Сурмари ҳозирги пайтда мавжуд бўлган “Қора қалъа” харобалари ўрнида жойлашган.

49-БОБ

СУЛТОННИНГ ДВИНДАН ТАБРИЗГА ҚАЙТИШИ ВА ОЛТИ ЮЗ ИИГИРМА ИККИНЧИ ЙИЛНИНГ РАЖАБИДА (1225 ЙИЛ ИЮЛЬ-АВГУСТ) ҚЎШИННИНГ БАРОНГОРИНИНГ ГУРЖИЛАР МАМЛАКАТИДА ҚОЛДИРИЛИШИ БАЁНИ

Фалабалар бир-бирига уланиб, бирининг кетидан ик-кинчиси кўлга киритила бошлангач Султон ўз қўшинларини Абхаз мамлакатининг чегараларига қадар қўйиб юборди. У Тифлисга йўл олиш арафасида Табризда турган Шарафулмулқдан мактуб олди. Мактубда у Шамсиддин ат-Тугрой ва унинг укасининг ўғли, ар-раис Низомиддинни ўзига суиқасд уюштиришда ҳамда Султонга

қарши ғалаён кўтаришда айбларди. Бу аслида ёлғон, Шарафулмулкнинг улар иккаласидан ўч олиш мақсадида ўюштирган бўхтони эди. Орадан анча вақт ўтиб бу ҳеч қандай исботи йўқ тухмат эканлиги маълум бўлди. Ат-Тугрой художўй, адолатпарвар одам эди. У кўл остидагиларга фамхўрлик қиласар, уларни ёмонликлардан ҳимоя этар, ҳеч кимга адолат чегарасидан чиқишига имкон бермасди. Агар ундан табризликлардан баъзилари бирор мумкин бўлмаган ёки мўлжалдагидан кўп нарсани талаб қиласа, уларни инсофга чакираради, агар бундай одамлар давлатманд ва давлат хизматидагилар бўлса, бошқалар олдида уялтиради.

Шарафулмулкнинг ноиблари унинг бу хатти-ҳаракатларини хушламасди. Улар Табризни босиб олдик, унинг бойликларидан ҳам хоҳлаганча фойдаланишимиз мумкин, деб ўйлашарди. Озига эса қаноат қилмасди. Улар ютоқ-қан оғизларини каттароқ очдилар, нафсларини қондириш йўлида эса паноҳ топдилар:

Мечкай кит кабидур у, чанқоғи қонмагай ҳеч,
Гарчанд денгиз комида — сувсиликдан қийналур.

Султон мактубни ўқиганидан кейин разаб отига минди, асабийлашди. У Табризга қайтишга қарор қилди. Бу диёрда аҳвол ёмонлашибдими, демак, уни ўнглаш керак деган фикрга келди. У кўшин баронғоридаги амирларни чодири олдига йигдирди. Шунда унинг хузуридан ҳожиблардан бири чиқиб қуидаги гапларни айтди: “Султон бундай деб буюрди: “Биз сизларнинг жанг майдонидаги бенарволикларингиздан ва эндиликда ўзаро маслаҳатлашиб орқага қайтиш тараффудларингиздан хабардормиз. Оллоҳ бизга ғалаба ато қилган ва кофирлар бошига фамкулфатлар ёғдирган пайтда сизлар гуржиларга ўзларингизга хужум қилиш имконини берадиган бундай тараффудга тушишларингиз ақлга сифмайдиган ишдир. Шу учун биз битта шарт эвазига сизларнинг гуноҳларингиздан ўтамиз. Шарт шуки, сизлар бу мамлакатда қоласизлар, то бизлар қайтиб келгунимизча унинг барча жойларига хужумлар ўюштирасизлар, уларнинг силласини қуритиб, ғалабаларимизни мустаҳкамлайсизлар”.

Амирлар Жалолиддиннинг буйругини бажаришга сўз бердилар, Султон уларга Сурмарининг икки ҳукмдорини Абхаз мамлакатининг төф ва дара йўлларида йўлбошлиқ қилиши учун қолдириди.

Бу ерда бўлиб ўтган воқеалар ҳақида энг яқин дўстим Ҳусомиддин Хидир шундай деб ҳикоя қилиб берганди: “Биз Абхаз мамлакатида уч ой бўлдик. Уларга тўхтовсиз ҳужумлар уюштириб турдик. Бундан мамлакат талон-тараж қилинди, аҳоли катта мусибатларни бошидан кечирди. Аҳвол шу даражага етдики, гуржи асиirlари [мамлук]нинг нархи арzonлашди, уларнинг ҳар бири икки ёки уч динорга сотилди. Ҳатто моллари билан Довон орқасига ўтиб яширганлар ҳам ҳужумларимиздан омон қолмади. Биз қочқинларни қайсиdir довонга қадар таъқиб этиб бораардик, кейин йўллар ёмонлиги, ўтиб бўлмаслиги учун лашкарларимизни тўхтатардик. Аммо лашкарларимиз гапларимизга қулоқ солмас, битта-иккита ёки гуруҳ-гуруҳ бўлиб таъқибни давом эттиради. Орадан икки ёки уч кун ўтиб улар асиirlар ва катта ўлжалар билан қайтардилар. Одлоҳ инояти билан гуржилар хўрландилар. Улардан кўпчилиги қирилди. Ўлим ўйинчоқقا айланди. Бундан кутилиш учун улар бир дарадан иккинчи дарага ўтиб яширинишар, аммо шунда ҳам ўлим қиличидан халос бўлолмас эди. Улар қадамлари мусулмонлар оёги етмаган, ислом туғи бирор марта ҳам ҳилпирамаган, Куръони каримдан бирор сура ёки оят ўқилмаган масканларга ҳам етиб борди”.

Султон Табризга қайтиб келди. Шарафулмулк унинг ҳузурига ат-Турой ва унинг укасининг ўғлига нисбатан бўхтон қилган ёлғончи ва разил кимсаларни олиб кирди. Улар Султонга аввал мактубда ёзиб юборилган бўхтонларини яна такрорладилар. Улар одам қиёфасидаги шайтонлар эди. Фақат Одлоҳ уларга шайтоний қиёфа, бош ва дум бермаганди, холос.

Султон улар иккаласини қўлга олишни буюрди. Раис [Низомиддин]ни тутиб олгани ҳамон ўлдиришди, у қонига ботган кўйи кўчада қолди. Ат-Турой эса банди қилинди. Унинг юз минг динордан ортиқ ҳисобланган молмулки мусодара этилди. Аслида унинг бошига мусибат келтирган нарса ҳам шу бойлиги эди. Унинг шунча миқ-

дордаги бойлигидан Султон хазинасига бор-йўғи ўттиз минг динорга етар-етмас қисми топширилди, холос.

Ат-Туроий соқчилар куршовида Табриздан Марогага юборилди. Шарафулмулк уни бутунлай йўқ қилиш ҳаракатига тушди. Уни қатл қилдириш учун Султон фармонини чиқартириш мақсадида кўплаб зиддиятлар юзага келтирди, айёликлар ишлатди. Аммо Оллоҳ бу хушхулиқли акобирнинг умрини узоқ қилишни хоҳлади. Унинг ўлимини Жалолиддиннинг Марогадаги ноиби бўлган одам ҳам истамади. У унга от берди, ат-Туроий тун қўйнида ғойиб бўлди. Бу ердан у Ирбилга борди¹. Кейин Боғододга ўтди, олти юз йигирма бешинчи йил [1227 йил декабрь 1228 йил ноябрь] ҳаж зиёратини қилди. Бу ерда ҳамма одамлар ал-Каъба атрофига йигилган пайтда у бошига Куръонни қўйган ҳолда баландроқ жойга кўтарилиди. Атрофини турли мамлакатлардан келган ҳаж зиёратчилари ўраб олди. Улар орасида Султоннинг ҳаж зиёратчилари вакили ҳам бор эди. Шунда ат-Туроий бундай деди: “Ҳой, мусулмонлар! Ҳамма мўъминларга яхши маълумки, Оллоҳ учун мана шу жойдан муқаддасроқ маскан йўқдир. Ва мана шу кундан улуғроқ кун ҳам йўқ. Шу билан бирга мана шу бошим устидаги Куръони каримдан буюкроқ китоб ҳам йўқ. Шу сабабли мен мана шу учта нарса — муқаддас жой, муқаддас кун, муқаддас китоб ҳурмати қасам ичиб айтаманки, Шарафулмулк томонидан зиммамга қўйилган барча айблар ёлғон ва бўхтондан бошқа нарса эмас!” У бу сўзларини Оллоҳ номига, Яратган ҳақига қасам, онт ичиб айтди.

Зиёратчиларнинг ҳаммаси ўз йўлларига: ким Шомга, ким Ироқقا, ким мағриб ва ким машриққа кетдилар. Лекин ҳожиларнинг ҳаммаси хоҳ йўлда бўлсин, хоҳ юртларига боргач ана шу воқеа, ат-Туроийнинг қасами ҳақида сўз юритдилар. Бу гаплар Султонга ҳам етиб келди. Унинг ҳожилар амири (амирул-ҳаж) ҳам ўзи гувоҳ бўлган воқеаларни, Маккада кўрганларини Султонга айтиб берди. Султон ат-Туроийнинг айбиз эканлигига тўла ишонди. У бу борада қилган ишлари учун тавба қилди, қилмишлидан уялди. Бирорларнинг сўзига кириб бу фожиага кўл урганидан, асрлар давомида ёмонлик билан эсланадиган аламли хотира қолдирганидан афсусланди².

Ҳа, бу дунё шундай бевафо! Акс ҳолда, қани ўша тавба-тазаррулар? Тавба-тазарру қилувчиларнинг ўзлари-чи? Бу одамлар аллақачонлар замин бағридан жой олмади-ларми? Шу учун Оллоҳ бизни Муқаддас китобида бундай деб огоҳлантиради: “Эй мўминлар, агар сизларга бир фосиқ кимса бирон хабар келтирса, сизлар билмаган ҳолингизда бирон қавмга мусибат етказиб қўйиб, қилган ишларингизга афсус-надомат чекиб қолмасликларингиз учун аниқлаб, текшириб кўринглар!”

Шундан кейин Султон ат-Туройига хавфсизлигини таъминлашга сўз берди, уни Табризга қайтартириб олиб келтирди. Таланган бойликлари ва мол-мулкини қайта-риб берди. Уни машваратларга маслаҳатчи сифатида таклиф қила бошлади.

Султон ўшанда рамазон ойида Табризда турди ва рўза тутди. У саройига минбар ўрнаттириди ва турли вилоятлардан бу ерга келган энг ҳурматли ўттизта уламони номма-ном танлаб, ваъз ўқишига тайинлади. Улардан ҳар бири бир кундан ваъз ўқирди, бу пайтда Султон минбар яқинидаги тахтида ўтиради. У ваъз ўқиши асносида ҳақиқатни айттанларга миннатдорлик билдирап, аксинча ўзини ҳаддан ошиқ мақтаб, ҳақиқатни хаспўшлайдиганларга танбех берарди.

Садриддин ал-Аълавий ал-Марогий [Оллоҳ унинг умрига умр қўшин] Султон мақтовига сазовор бўлганлардан бири эди³.

¹ Ирбил — Ироқнинг шимолий қисмидаги шаҳар.

² Аи-Насавий ёзганидек, Султоннинг вазири Шарафулмулк жамоат ичida обрўси юксак бўлган одамларга нисбатан ҳасад билан қараган ва уларга тухмат қилиб, бадном этишга ҳаракат қилган.

Шамсиддин ат-Турой ва унинг жияни Низомиддин Табриз аҳолиси орасида катта ҳурматта сазовор бўлган. Вазир уларни Султонга қарши галаён кўтариб, отабек Ўзбекка ён босища айبلاغан.

³ Садриддин ал-Аълавий ал-Марогий — машхур уламо ва жамоат арбоби, қози. У Қазвин шаҳри атрофидаги деворни ва дарвозани курдирган. Қабри Мадинада Муҳаммад пайғамбар хилхонаси билан ёнма-ён.

СУЛТОННИНГ ГАНЖАНИ ВА АРРОННИНГ БОШҚА ШАҲАРЛАРИНИ ҚАНДАЙ БОСИБ ОЛГАНИ БАЁНИ

Султон гуржилар юртини ташлаб чиққанидан кейин маълум муддат Табризда турди. У бу ерда туриб Урхонни лашкарлари билан бирга Ганжага отлантириди. Унга Ганжани ва унинг атрофидаги жойларни Бойлакон, Барда, Шомхур, Шутурни қўлга киритишни буюрди¹. Отабек Ўзбекнинг бу ердаги бошқарувчиси ар-раис Жамолиддин ал-Кумий эди. У катта кучга ва ҳокимиятта, беҳисоб бойликлар ҳамда пулга эгалик қиласарди. Жамолиддин шаҳарни Урхонга топширди, айни пайтда ўзининг унга хизмат қилиш ниятини ҳам бирдирди. Урхон Ганжага ўрнашиб олди.

Шарафулмулк унинг билан бирга Ганжага ал-Қофий номи билан машхур бўлган ўз ноибини ҳам юборди. У девон номидан иш юритиб, шаҳар қўлга олинганда товон пулини йиғиши керак эди.

Урхон шаҳарни эгаллагач, ўзига алоқаси бўлмаса ҳам, девон ишларини ҳам қўлга олишга ҳаракат қилди. У Султонга яқин қариндошлиги, мамлакатда катта мавқега эгалиги учун бу ишни қилишга жазм этди².

Улар [Урхон ва ал-Қофий] бу борада тортишиб қолдилар ва оқибатда низо пайдо бўлди. Урхон ал-Қофийга қарши қилич кўтарди. Бу маълумот Шарафулмулкка етиб келди. У эса бу хусусда Султонга шикоят қилди. Бу бойликларни ўзим учун эмас, хазинангиз учун йиғаяпман, деб тушунтириди. Султон Урхонни саройга чақиртириб олди.

Урхон ва Шарафулмулк ўргасидаги келишмовчилик уларнинг умрининг охирига қадар давом этди. Мен Урхоннинг Шарафулмулкка йўллаган номаларидан айримларини ўқиганман. Бу номаларда Урхон вазирнинг ҳар хил лақаблари ва расмий унвонларини айтмасдан, тўғридан-тўғри “Хожа Тош” деб мурожаат қилганди. Мактубларда вазирнинг давлат ишларидаги, девонни бошқаришдаги камчиликлари, хатолари, алдовлари рўйи рост айтилар, танбеҳ берилар, қораланарди. Шарафулмулк унинг

кўнглини олишга интилар, лекин Урхон у билан келишишни истамасди. Вазир баъзан унинг кўнглини топиб рози қиласди, аммо у бундай пайтлари ҳеч нима демасди. Агар исмоилийлар Урхонни ўлдириб, Шарафулмурни унинг исканжасидан халос қилмагандга эди, амир, барабири, вазир ўрнига бошқа бир одамни қўйдиришга муваффақ бўларди³.

¹ *Бойлакон* — Озарбайжондаги ўрта аср шаҳри. Мўгуллар томонидан вайрон қилинган.

Барда — ҳозирги пайтда Озарбайжондаги туман марказларидан бири.

Шутур — Ганжадан 40—50 километр шарқда жойлашган қалъя.

² Ганжа аркига жойлашган отабек Ўзбек Урхон кўшинларининг шаҳар ва унинг атрофида олиб бораётган талон-тарож ишларидан Жалолиддинга шикоят қилган. Султон бир қисм лашкарлар жўнатиб, бу ерда талон-тарожларга барҳам берган.

³ Исмоилийлар фаолияти ҳақда кейинги бобларда маълумотлар берилади.

51-БОБ

СУЛТОННИНГ ТЎҒРУЛ ИБН АРСЛОННИНГ ҚИЗИ БИЛАН НИКОҲДАН ЎТИШИ БАЁНИ

Султон Табризда пайтида ҳузурига Тўғрул ибн Арслоннинг қизи номидан бир гуруҳ аёллар келишди, Улар маликанинг Султонга тегиш нияти борлигини, бунинг учун у эри, отабек Ўзбекдан ажралганлигини исботлашга тайёр эканлигини билдиришди. Султон бир шарт билан унга уйланишга рози бўлди, у эридан ажралганлигини ҳақиқатан исботлаши керак эди¹.

Табризга яқин бўлган жойлардан бири Варзуконнинг қозиси ва яна бошқа одамлар малика эрига хиёнат қилганилиги сабабли отабек Ўзбек уни уч талоқ қилганлиги тўғрисидаги гапнинг тўғри эканлигини тасдиқлаб гувоҳлик бердилар².

Ўша пайтда Табризнинг қозиси бўлган факих Иzzиддин ал-Қазвийн уларнинг эр-хотинлиқдан чиққанлиги

тўғрисидаги ҳукмни эълон қилди³. Малика тўй пайтида устидан одамлар тилло тангалар сочиши учун аҳолига кўп миқдорда пул бердирди. Султон уни хотинликка олди.

Жалолиддин никоҳдан кейин Табриздан Хойга борди ва унинг ҳузурига кирди. Султон унга Хойдан ташқари яна иккита шаҳарни: Солмас ва Урмиёни, атрофидаги жойлар билан бирга кўшиб мулк қилиб берди.

Менга Отабек Ўзбекнинг вазири, ас-садр Робибиддин бундан кейинги воқеалар ҳақида шундай ҳикоя қилиб берганди:⁴ “Отабек Ўзбек Нахичевоннинг Олинжа қалъасида турган пайтида Султоннинг Озарбойжонни қадамбақадам босиб олаётганлигини эшитди⁵. У ҳеч нарса демади, фақат Куръони каримнинг қуидаги оятларини ўқишда давом этади: “Бу ер, шак-шубҳасиз, Оллоҳни дир. Уни ўзи хоҳлаган бандаларига мерос қилиб берур. Оқибат-натижа эса тақвадорларники бўлур”. Шундан кейин у никоҳ ҳақида эшитди. У ўзига хабар келтирувчидан сўради: “Никоҳ маликанинг ўз хоҳиши билан бўлдими ёки унинг истагига зид ҳолда амалга оширилдими?” Хабар келтирган деди: “Тўй унинг ўз хоҳишига ва Султонга бир неча бор совчи юбориши натижасида бўлди. У аввалги никоҳни ўзи бекор қилдирди ва бу ишга бош кўшганларни муносиб тақдирлади”. Робибиддин ўз ҳикоясини бундай деб якунлади: “Шунда отабек Ўзбек бошини ёстиққа қўйди, унинг бирдан ҳарорати кўтарилиди ва у бир неча кундан кейин оламдан ўтди”⁶.

¹ Озарбойжон ва Арон ҳукмдори отабек Ўзбек Табриздан Ганжага қочганидан кейин мамлакат ҳукмдорлиги унинг хотини — салжуқийларнинг охирги султони Тўгрул II нинг қизи қўлида қолди. Манбаларда айтилишича, Жалолиддин Табризни қамал қилгач пайтида у шаҳар девори устига чиқиб Султонни кўриб, уни севиб қолади. Натижада у Султоннинг ўзига уйланиши шарти билан Табризни жангсиз топширишини маълум қиласди. Султон эса у отабек Ўзбекдан қонуний ажралмагунча никоҳига олмаслигини билдиради.

² Варзукон — Ахар дарёсининг юқори қисмидаги шаҳар. Варзукон қозиси Камолиддин Аҳмад ибн Ал-Азиз ал-Марогий эди. Уша пайтида маликанинг Жалолиддин никоҳига ўтишга Табриз қозиси Қавомиддин ал-Жидарий қарши чиқади. У отабек

Ўзбек хотинига расмий равиша талоқ бермаганлигини билар эди.

³ Иzzиддин Абуд Фадоил ибн Абд ал-Мажид ал-Қози ал-Қазваний машхур қози ва факиҳ эди. У Табризга Жалолиддин күшинглари билан бирга келган, шу ерда қолиб шаҳар қозилиги мансабини эгаллаганди. Унинг ўғли шайх Мұхайддин Абул Ҳасан Али ибн Абул Фадоил ҳам таникли факиҳ ва Табриз қозиларининг қозиси эди. У 648 йилда [1250 йилда] вафот этди. Иzzиддиннинг набираси Имодиддин Абул Фадл Ахмад ибн Мұхайддин Абул Ҳасан Али ибн Абуд Фадоил ал-Қазваний ат-Табризий ҳам машхур қози бўлиб етишган. Иzzиддиннинг эвараси ҳам Табризинг қозиларидан бири эди.

⁴ Вазир Робибиддин ҳақида асарнинг кириш қисми изоҳида маълумот берилган.

⁵ Олинжа қалъа — Нахичевон яқинидаги энг мустаҳкам ҳисобланган ўрта аср қалъаси.

⁶ Отабек Ўзбек Хоразмшоҳ таъқибидан қочиб Ганжадан Олинжа қалъасига боради ва ўша ерда вафот этади.

52-БОБ

ТАБРИЗ ҚОЗИЛИГИДАН ҚАВОМИДДИН АЛ-ЖИДАРИЙНИНГ ЧЕТЛАТИЛИШИ ВА ИZZИДДИН АЛ-ҚАЗВНИЙНИНГ БУ МАНСАБГА ТАЙИНЛАНИШИ САБАБИ БАЁНИ

Султон Озарбойжоннинг теграсидаги жойларни босиб олишга тадорик кўраётган, ғолиблик нашиласидан баҳраманд бўлишга интилаётган ва муваффақиятлар жомини тўла сипқориши умидида турган пайтда отабек Ўзбек девонида хазинадорлар бошлиғи лавозимини бошқараётган Камолиддин элчи сифатида унинг хузурига ташриф буюрди. У Султонга хушомадгўйлик қилиб отабек Ўзбекни ўз ўрнида қолдиришни илтимос қилди. Ана шунда Отабек унинг номини хутбага қўшиб ўқиттиришини,номида тангалар зарб қилдиришини, Султон хазинасига белгиланган миқдорда товон пули тўлашга тайёр эканлигини билдириди. Бироқ унинг бу гаплари Султон кулоғига кирмади, юрагига етиб бормади.

Юқорида номи эслатилган элчига факиҳ Иzzиддин ал-Қазваний ҳам ҳамкорлик қилиб келганди. У олижаноб, этчили, илмли одам эди. Ат-Тугроий ўз пулига Табризда мадраса курдирганда мударрисликка уни ҳам таклиф эт-

ганди. Бундан ташқари, у бошқа мадрасаларда ҳам сабоқ берарди. Иззидин бундан Султон Озарбайжонни босиб олиш иштиёқида эканлигига амин бўлди. Отабек Ўзбек ҳақидаги гап унга қояга урилаётган шабада сингари ҳам таъсир қилмаслигини англади. Шу сабабли у Шарафулмulkning кўнглини топишга уринди. Ундан Султон Табризни босиб олгач, ўзини бу ерга қози қилиб тайинлаш ваъдасини олди.

Бў пайтда Табриз қозиси ат-Тугройнинг жияни Қавомиддин ал-Жидарий эди. Уларга қозилик аждодлардан мерос бўлиб ўтиб келаётган мансаб ҳисобланарди.

Султон Табризни эгаллаган дастлабки пайтда ат-Тугройнинг хурмат-эҳтироми юксак эди, унинг сўзлари инобатга олинарди. Бундан ал-Қазнавий ваъда этилган қозилик мансаби ат-Тугрой бошига бирор бахтсизлик тушмагунча ўзига тегмаслигини англаб етди. Шундан кейин у Шарафулмulkка ат-Тугрой ҳақида ҳар хил тухмат, бўхтон гапларни етказа бошлади. У бу ишни Шарафулмulkни ат-Тугройга қарши қилиб кўйгунча давом эттируди. Охир-оқибатда ат-Тугрой Шарафулмulk кўз ўнгига ёвуз душманга, қайсар одамга айланди. Шундан кейин унинг бошига мусибатлар тушиди. Бу ҳақда биз юқорида ҳикоя қўлган эдик. Ал-Қазвиний эса қозилик мансабини кўлга кирилди.

Менга айтишларича, ал-Қазвиний бандиликда ётган ат-Тугрой ёнига борибди. У сўзда ат-Тугройга қайғудош эканлигини билдиrsa-да, кўнглида ёвуз ниятига етганлигидан курсандлигини яшира олмаган. Ал-Қазнавий келишидан олдин ат-Тугройнинг дўстлари унинг ҳузурига ташриф буюрганлар. Улар ал-Қазвинийнинг намоз ўқидиган гиламчасини ат-Тугрой ёнида қолдирганлар. Ат-Тугрой бу гиламчанинг кимники эканлитини таниб, оёқ кийимлар турган тарафга улоқтариб юборган. Шундан кейин унинг ёнига ал-Қазвиний келган. У ат-Тугройга қатл этилган жияни, раис Низомиддин тўғрисида таъзия билдирган. Бироқ ат-Тугрой унинг бу таъзиясига жавобан бирор оғиз гапирмаган. Сўнг ал-Қазвиний бундай деган: “Марҳум адолатсизлик туфайли ўлим топди, у кўчага ташлаб кетилган эди. Мен уни кафанга ўраб кўмдим”.

Ана шунда ат-Турроий йиглади ва бундай деди: “Унинг ўлими ҳақида айтган гапинг менинг дилимни оғритмади. Чунки:

Инсон минг йил яшаса-да барибир.
Бир кун чўбин отга — тобутга минмоғи аниқ¹.

Лекин сенинг уни кафанга ўраганинг ҳақида гапинг хонадонимиз учун ор-номус, уят, у дунёю бу дунё кечирилмас шармандалиkdir!²

Ал-Қазвиний Шарафулмулк ёнида катта мансабга эга бўлди, у ўзига алоқаси бўлмаган ишларга ҳам аралаша бошлади. Кимнидир улуғлади, кимнидир хўрлади. Ҳақиқий мансабга лойиқ одамларни четлаштириб, ўзига ён босган, кўнглини топган одамларга нолойиқ бўлса ҳам мансаб берди.

Бу аҳвол Султон ҳузурига Дамашқ қозиси Исо ибн ал-Малик ал-Одил Абу Бакр ибн Аййуб (Оллоҳ унинг қабрини нурга тўлдирсинг!) элчи бўлиб келгунча қадар давом этди². Элчига Жалолиддиннинг элчиси, қози Мужириддин ҳамроҳлик қилди³.

Элчи фахрий ёрлигини Султонга топшириб чиққанидан кейин, вазир Шарафулмулк қабулхонасида (мажлис) таниқли одамлар даврасида ўтириб қолди. Бу ерда қози Мужириддин Дамашқ қозисига деди: “Бизнинг муҳтарам вазиримизга Иzziddin ал-Қазвиний сенга нима деганини айтгин”. Дамашқ қозиси унинг гапларини айтгиси келмади. Мужириддин бу гаплардан бошқаларни огоҳ қилиш Султон фойдаси учун зарур эканлигини эслатди. Шундан сўнг элчи бундай деди: “Ҳақиқатан, қози Иzziddin менга шундай деб таъна қилди: “Сенинг муҳтарам жанобинг ал-Малик ал-Муazzam ўз ака-укалари бўлган султонлар билан ҳамкорлик қилмай, бу Жалолиддин билан дўстона алоқа ўрнатиб нимага эришаман деб ўйлаётиди? Оллоҳга қасам ичиб айтаманки, унинг ўзаро душман бўлган ака-укалари бу ёвуз ниятили одамнинг самимий муносабатидан кўра унга кўпроқ фойда келтиради. Ишончим комилки, сенинг хукмдоринг ҳозир қилаётган ишларига вақти келиб пушаймон бўлади, аммо ўшанда унинг тазарруълари фойда бермайди”⁴.

Шарафулмулк бу гапларни эшитиб ғазабланди. Ал-Қазвинийни чақириб бу гапларни айтувчи билан юзма-юз қилди. Ал-Қазвиний уятдан тили тутилиб, фўлдираб қолди. Айбига икрор бўлди. Шунда Шарафулмулк унга деди: “Агар кексалигингни эътиборга олмагандан, олимлигингни хурмат қилмагандан эдик, қилич сенинг калланг учун хайф бўлса ҳам аямасдик. Энди эса бу ердан йўқол, ифлос!” Иzzиддин шармандалик ботқоғига ботган. Қўйи бу ердан кетди.

Мен бу муҳтарам зотлардан қайси бир яхши, қайси бири яхшиликдан йироқ эканлигини билмадим. Балким, улар ичида ёмони ҳикоя қилувчиидир, эҳтимол, уни эшитиб жазоловчиидир, балким бу гапларни айтувчиидир? Аммо нима бўлганда ҳам бир нарсани тан олишимиз керак: Иzzиддин бир томонлама ҳақ, у келгусида бўладиган гапларни аниқ башорат қилганди. Буни ҳаёт ҳам амалда исботлади. Бироқ на чораки, бу ишларнинг ҳаммаси яхшиликка ёмонлик, сотқинлик, ярамаслик, шармандалик каби азалий ишлатлар асосида намоён бўлганди.

Шундан кейин Иzzиддин ишдан олинди, мол-мулки мусодара этилди. Ўзи қазган чоҳга ўзи йикқилди. Мужириддин Табриз қозиси қилиб тайинланди. Бу ҳақда, агар Оллоҳ имкон берса, кейинроқ ҳикоя қиласмиз⁵.

¹ Исломгача яшаб ўтган шоир Қаъб ибн Зуҳайрнинг қасидасидан парча.

² Дамашқ, Қуддуси Шариф ва уларга яқин бўлган вилоятлар хукмдори ал-Малик ал-Муazzам Исо Хоразмшоҳ билан 619 йил (1221-1222 йиллар) да ҳамкорлик қила бошлаган эди. Бунда у ўз ака-укалари ал-Комил ва ал-Ашрафга қарши иттифоқдошга эга бўламан, леб ўйлаганди. Унинг Хоразмшоҳ ҳузурига йўлланган дастлабки элчиси муҳтасиб Садриддин ал-Ҳасан ибн Муҳаммад ал-Бакри бўлди. У Жалолиддинга ал-Малик ал-Муazzамнинг оғайнилари қарши иттифоқ тузганликларини маълум қилди. Ал-Малик ал-Муazzамнинг бу галги, ушибу бобда номи келтирилган элчиси Нажмиддин Ҳалил ибн Али ибн ал-Ҳусайн эди. У Дамашқдаги қўшинилар қозиси эди.

Ал-Малик ал-Муazzамнинг элчиси Нажмиддин Ҳалил 1227 йилда Дамашққа қайтгач, хукмдорига Хоразмшоҳни кўпол ва

такаббур одам деб шикоят қиласи. Ал-Малик ал-Муаззам 1227 йилда акаси ал-Малик ал-Комилга қарши юришда Султондан ёрдам сўрайди ва бунинг эвазига унинг номини хутбага қўшиб ўқиттиришга, номида танга зарб эттиришга ваъда беради.

³ Мужириддиннинг элчилиги ҳақида 47-бобда мальумотлар берилган.

⁴ Ал-Малик ал-Муаззам ҳақиқатан ҳам акаси ал-Малик ал-Комилнинг номини хутбага қўшиб ўқитишни тўхтатади. Шундан кейин ал-Комил Дамашққа юриш қиласи, бироқ муваффакиятта эриша олмайди.

⁵ Бу ҳақда 55-бобда ўқийсиз.

53-БОБ

СУЛТОННИНГ ГУРЖИЛАР МАМЛАКАТИГА ҚАЙТИШИ ВА ТИФЛИСНИ БОСИБ ОЛИШИ БАЁНИ

Байрамдан кейин Султон Гуржистонга иккинчи бор юриш қилди. Бу билан у исломнинг қудратини улуғлади, хочга сифинувчиларнинг юзларига эса мағлублик губорини кўндиради. Аракс дарёси бўйига етганимизда оғир қасал бўлиб қолдим ва йўлни давом эттиришга мажолим етмади. Шунда Султон Сурмарининг икки хукмдорига орқага, ўз шахрига қайтишга рухсат берди ва мен ҳам улар билан бирга қайтадиган бўлдим. Шу билан бирга уларга ҳар қандай ишни менинг иштирокимда амалга ошириш буюрилди. Агар бирор мамлакатдан, масалан, аш-Шом, ар-Рум, Гуржистон ва бошқа давлатлар хукмдорларидан нома келадиган бўлса, улар бу номани фақат менинг иштирокимда очишга ҳақли эди. Ёки юқоридаги мамлакатлардан элчилар, чопарлар келса ҳам, уларни бу икки хукмдор менинг иштирокимда қабул қилиши лозим эди. Хуллас, давлат аҳамиятига молик бўлган, бу икки хукмдор амалга оширадиган иш менинг иштирокимсиз ҳал қилинmasлиги белгиланди. Мен буларнинг ҳаммасига кўз-кулоқ бўлиб туришим зарур эди. Улар билан етти ой давомида бирга қолиб кетдим. Чунки Султон қароргоҳига бориш қийин эди, у Абхазлар юртининг энг ичкарисига кириб кетганди¹.

Султон Аракс дарёсининг қирғоғида турган пайтида Шалва ал-Куржидан номи олиб кетаётган айғоқчини қўлга

туширди. Бу нома абхаз амирлари (князлари)га йўлланган бўлиб, у (Шалва) унда Султоннинг улар томонга бораётганлигини айтиб, огоҳлантирган эди². Шунда Султон буйруғига кўра Шалванинг гавдаси қоқ ўртасидан бўлиб ташланди.

Шу йил қишда Султон ва унинг қўшинлари гуржилар мамлакатида қор кўп ёққанлиги туфайли ҳар хил мусибатларга дучор бўлдилар. Кўкнинг юзини булат қоплаб олди, совуқ авжига чиқди. Бундан нафақат юзлар, оёқлар, қўллар, ҳатто отларнинг түёқлари ҳам музлаб қолди.

Султон Тифлис водийсига етиб боргач, бу ерга юклар ва араваларсиз лашкарларнинг ўзларини чиқарди. У Тифлиснинг мустаҳкам, деворларининг аксарият қисми тоғ тепасига қурилганлигини ва баланд қилиб тикланганлигини кўрди. Шаҳарни босиб олиш қийин эди. Тифлис аҳолиси эса парвона ўзини оловга ургани каби жанг қизиб турган, ҳар дақиқада ўлим юз бераётган жойга яқинлашарди. Бу одамларни жангнинг қандай бораётгани қизиқтиарди. Улар шаҳар деворлари устидан кетиб улгурмасдан бирдан ҳужум бошланиб қолди. Шу дақиқа шаҳар аҳолисидан қанчасининг каллалари танасидан жудо бўлди. Жангни томоша қилувчилардан бир қисми эса шаҳар дарвозаси олдида тиқилишиб қолди. Фиёсиiddин лашкарлари билан шаҳар аҳолисидан аввалроқ дарвоза олдида пайдо бўлди. Шундан кейин шаҳар ҳужум билан босиб олинди³. Қиличлар ва найзалар ишга тушди. Шаҳардаги гуржилар ва арманларнинг ҳаммаси қиличдан ўтказилди.

Гуржилар қўшинлари ва аъёнларининг бир қисми қалъага кириб ҳимояланишиди. Тифлис ўзига хос йўсинда барпо этилганди. У бир томондан тоғ билан водий оралиғига жойлашганди. Шаҳар ва шаҳар ичидағи қалъани Кура дарёси ажратиб турарди. Дарё катта бўлиб, ундан кечиб ўтиш қийин эди. Шаҳар ва қалъани бирбири билан дарё устидаги эски ёғоч қўприк боғлаб турарди. Аммо бу қўприк қалъага чекинганлар томонидан ёкиб юборилганди.

Султон бир кун давомида лашкарларини дарёнинг у қирғоғига, қалъа томонга ўтказиш билан банд бўлди.

Оллоҳ унинг ва қўшинининг оғирини енгил қилди, Султон қўшини қалъани ўраб олди. Лашкарлар қамал қуролларини жангга тайёрлай бошлади. Шу пайт қалъадан гуржиларнинг чопари омонлик (талаф ал-аман) сўраб чиқди. Султон бунга рози бўлди, чунки қиши совуғи жондан ўтган эди. Қалъа босиб олинди⁴. Султон бу ердаг⁵ ҳамма нарсаларни, асрлар давомида йигилган барча бойликларни йиғиштириб олдирди. Бу ердан олинган нарсаларни ҳисоблаб чиқишига бармоқлар етмаслиги, уларни ёзиб олишга қоғозлар камлик қилиши аниқ эди.

¹ Бу ерда ва умуман, асардаги бошқа ўринларда ҳам Абхаз сўзи гуржилар мамлакати сифатида келтирилади.

² Бу ҳақда 48-бобга ҳам қаранг.

³ Жалолиддин 623 йилнинг мұхаррам ва сафар ойларида (1226 йил январь, февраль, март ойларида) кўшинларини Тифлис юришига тайёрлаш билан банд бўлди. Шаҳар 1226 йилнинг 9 марта босиб олинган.

Бироқ шаҳар босиб олингунга қадар ҳам бир қанча воқеалар бўлиб ўтади: Гуржи кўшинлари бошлиғи қилиб Иване Мхаргрдзелининг ўғли Авак тайнланади. Жалолиддин Тифлиста юриш қилишидан олдин Авак билан Бжни қалъасида учрашиб суҳбатлашади. Султон унга бундай дейди: “Мен Гуржистонга уни талон-тарож қилиш учун эмас, тинчлик асосида ҳамкорлик қилиш учун келдим. Лекин сизлар негадир тезликда куролланиб, менга қарши чиқдингизлар. Шу билан тинчлик ҳақидаги ният орзу бўлиб қолди. Сен ҳозир гуржилар давлатининг асосий вазирларидан бири экансан, гапимга кулоқ сол. Сен менинг аждодларим, мамлакатимнинг улуғорлиги ҳақида эшитмаганмисан? Мен улуғ ҳукмдор Хоразмшоҳнинг ўғлиман, аммо омад Хоразмшоҳлар уйидан юз ўғирди. Қаерда бўлмасин Чингизхондан мағлуб бўлдим. Натижада унинг кучли, ўзимнинг эса кучсиз эканлигимни билганимдан сўнг, мамлакатимни ташлаб, Гуржистонга тинчлик истаб келдим. Мен сизларнинг мамлакатингизнинг кудрати, гуржиларнинг матонати ҳақида эшитганман. Эндиликда эса биз ўзаро ҳамкорлик қилиб, душманга қарши биргаликда курашишимиз керак. Эшитишмуга кўра, сизларнинг ҳукмдорингиз аёл экан. Уни менга хотинликка беринглар, мен сизларнинг ҳукмдорингиз бўлай, ана шунда душманларимизга қарши биргаликда кура-

шамиз, уларни мағлуб қиласиз. Агар бунга рози бўлмасангизлар, мамлакатларингиз хонавайрон қилинади. Бу ишни мен қилмаган тақдиримда ҳам тоторлар қилиши аниқ. Сизлар уларга қаршилик қила олмайсизлар, бунинг учун кучларингиз етмайди. Хукмдорингизга чопар юборинглар, менинг таклифими ни етказинглар. Мен Гуржистонни босиб олишни ҷстамайман, уни сизларнинг ёрдамингизда душманлардан ҳимоя қиласан. Ана шунда тинчлик ўрнатилади". (Картлис Іховре-ба битикларидан.)

Авак Русуданга чопар жўнатади, аммо у Хоразмшоҳ таклифини рад қиласди. Шундан кейин Жалолиддин Гуржистонга бостириб киради. Алланлар, лаклар, қипчоқлар билан тўлдирилган гуржи қўшинлари Хоразмшоҳга қарши чиқади. Лекин Султон уларни бир неча бор мағлуб этиб, Сомхити йўлини эгаллайди. Гуржилар қўшинларини Тифлисга қадар таъқиб қиласди. Шоҳ малика Русудан сарой аҳли билан бирга Кутаисига кўчиб ўтади. Тифлис ҳимоясини ака-ука лашкарбошилар Мемна ва Боцо Бодосдзениларга қолдиради. Шаҳар учун жангда гоҳ хоразмликларнинг, гоҳ гуржиларнинг қўли баланд келади. Аммо Жалолиддин қўшинлари Тифлисда яшайдиган мусулмонлар ёрдами билан Ганжа дарвозаси орқали шаҳарга бостириб кирадилар.

Шаҳар кўчаларидағи жангда Мемна тифлислик мусулмон томонидан ўлдирилади. Шундан кейин қолган лашкарлар Исааки аркига кириб ҳимояланадилар.

Хоразмликлар шаҳарда талон-тарож ўтказадилар, одамларни қирғин қиласадилар.

⁴ Малика Русудан хоразмликларнинг Тифлисда аҳолини қирғин қилганини эшитганидан сўнг, арқдаги лашкарлар бошлиғи Бодога таслим бўлишни буюради. Ўн мингдан ошиқ лашкарлар асир олинади. Жалолиддин уларга исломни қабул қилини тақлиф этади. Аммо, битикчиларнинг айтишича, асирлар бунга рози бўлмайди. Шунда уларнинг ҳаммаси кўпrik устида ўлдирилиб Кура дарёсига ташланади. Шундан кейин бу кўпrik "Тифлислик ўн минг жабрдийдаларнинг муқаддас кўприги" деб номланади.

Жалолиддин Тифлисни босиб олганидан сўнг Гуржистоннинг Сомхити, Картли, Триалети, Самцхе, Тао, Жавахети, Артаани каби вилоятларига ҳам юришлар қиласди, уларнинг молмулкларини талон-тарож этади.

Тифлис ва Шарқий Гуржистон тўла босиб олинганидан сўнг Жалолиддин бу ерда ўз номида тангалар зарб қилдиради. Унинг номида тангалар ниҳоятда кўп зарб этилган, ҳатто улар Русудан номидаги тангалардан ҳам кўпроқни ташкил этади.

**СУЛТОННИНГ КИРМОНДА БАРОҚ ҲОЖИБГА ҲУЖУМ
ҚИЛИШГА ИНТИЛИШИ ВА КИРМОННИ ҚЎЛГА КИРИТОЛМАЙ
ҚАЙТИШИ БАЁНИ¹**

Султон Тифлисни босиб олиб, юришларини Абхазнинг энг олис чегараларига қадар етказган пайтда Ироқдан ноҳуш хабарлар тез-тез кела бошлади. Бу хабарларда Ба-роқнинг Султонга бўйсунмасликка интилаётгани, ёмон ниятларни ўйлаётгани, тоторлар билан номалар битишиб, элчилар алмашаётгани, уларни Хоразмшоҳга қарши гиж-гижлаётгани каби маълумотлар бор эди. Бундан ташқари, у белгиланган миқдордаги товон ҳам тўламай қўй-ганди².

Султоннинг Ироқдаги вазири Шарафиддин Али ибн ал-Фадл ат-Тафриший булар ҳақида унга деярли ҳар куни маълумотлар юбориб туради³. Кунларнинг бирида Жа-долиддин Абхазда пайтида Бароқнинг бундан фойдала-ниб ўзига тегишли жойлардан бирига қароргоҳ ўрнатти-ганини эшилди⁴. Бароқни бундай иш қилишга қизиқон-лиги, оғирни енгил деб ўйлаши сабабчи бўлганди. У Султон Кирмонга келса, ҳужум қилиб, осонгина галабага эришаман, деб ният этганди.

Султон енгил қуролланган лашкарлардан (жарида) олти мингтасини тандаб олиб Кирмон сари юзланди. У шу билан бирга укаси Фиёсиддинни ҳам ёнига олди. Агар хиёнаткор Бароқ бу ердан қувиб чиқариладиган бўлса, у Кирмонни укасига беришга ваъда қилди. Чунки Кирмон аслида ҳам укасининг мулки эди, факат у бу мулкни айёр, муттаҳамнинг қўлига топшириб қўйганди. Султон ҳарам ва юкларини таникли хонлар ҳамда амирлари билан бир-га Килокунда қолдирди⁵.

Шарафулмулк бу пайтда Тифлисда эди. У бу шаҳарни ўзига марказ қилиб олиб лашкарларни гуржилар устига юборар, улар эса аҳоли устига гоҳ ўнгдан, гоҳ чапдан ҳужумлар қилиб, мол-мулкларининг қолған-қутганлари-ни таларди. Мен бу пайтда, юқорида айтганимдек, Сур-марида эдим. Султон ҳақида хабарлар бизга етиб келмасди.

Шундай кунларнинг бирида ўз хаёлларим ва ташвиш-ларим билан банд бўлиб ўтирганимда кутилмаганда Сул-

тон човушларидан бири кириб келди. У Султон келаётганини билдириди. Човуш Аракс дарёсининг Сурмарига яқин жойда кўпприк куришимизни айтиш учун юборилган экан. Мен ва Сурмарининг икки хукмдори ҳам кўпприк ҳуриб бўлингунча шу ерда бўлдик. Султон кўрикдан ўтиб шаҳарнинг шарқий чеккасига келиб тушди. Унга Сурмаридага гуржиларининг таниқли князларидан учтаси асирикда сақлананаёттани хабарини етказиши. Улар бир пайтлари Султоннинг ўзи асир қилиб олган ва малик ал-ҳавасс Тожиддин Қилич орқали Табризга юбортирган бандилардан эди. Уларни Шарафулмулкнинг ноибларидан бири олиб келганди. Асиirlарга йигирма минг динор тўлаш ҳисобига озодлик ваъда қилинганди. Бу пулнинг аксари ят қисмини газлама, кийимлар, буюмлар, моллар ҳисобида Шарафулмулкнинг ноиби олиб бўлган, эндиликда уларни озод қилиш фурсати етганди. Лекин Султон мени чақириб, уларни ҳеч ким озод қиласлиги ҳақида буюриб, бундай деди: “Агар мен душманларимизни сотишни истаганимда эди, гуржилардан шунчалик кўп саховат кўрадимки, бу бойлик оловда ёнимай, вакт уммонида йўқ бўлмай мангуга сақланарди”.

Султон уларнинг товои пули учун олиб келинган нарсаларининг бирортасига тегмай Кирмонга йўл олди. Мен бу нарсаларнинг ҳаммасини ўша пайтда Тифлисда бўлган Шарафулмулкка жўнатдим. У исрофгарлик отига шундай қамчи урдики, оқибатда хазинада бу юборилганлардан ҳеч нарса қолмади.

Жалолиддин Кирмонга жўнатилган қўшиндан ташқари яна беш мингта отлиқ лашкарлар билан Ҳилот атрофидаги жойларга юриш қилди. Сурмаридаги унинг ёнига Санжақонхон қўшилди. Улар Ҳилотнинг Сурмарига яқин бўлган жойларига ҳужум қилди. Уч кундан кейин йўлларга сифмайдиган даражадаги ўлжалар билан қайтиб келдилар. Кейин Султон емасдан, ичмасдан, туну кун демай, шамоддан ҳам тез елиб Кирмон сари кетди:

Суворийлар минган жанговар отлар
Учдилар чиқариб гўё қанотлар.

Султонни йўл чарчатди, бироқ у Бароқ борасида ўйлаган мақсадига ета олмади⁶. Бароқ ўта эҳтиёткор одам эди.

Хоразмшоҳ унинг яна қайта қалъага кириб ҳимояланганини эшитгач, кўнглидаги ниятлардан воз кечиб, асабийлашган ҳолда ортига қайтди.

¹Бароқ Ҳожиб ҳақида 42-бобга қаранг.

²Бароқ Ҳожиб ҳар гал султон Жалолиддин бошига ташвиш тушганда ёки унинг Кирмондан узоқда эканлигини эшитганда мустақиллигини намоёқ қилгиси келиб қоларди. Бу гал ҳам у Султоннинг Гуржистонга ҳужум уюштириш билан банд эканлигини эшитганидан сўнг ўз мустақиллигини эълон қилиди ва Хоразмшоҳ ҳазинасига солиқ тули тўлашни тұхтатди.

³Жалолиддиннинг Ироқдаги вазири ва волийси Шарафиддин Али иби ал-Фадл ат-Тафриший ҳақида 59-бобга қаранг. Тафриш — жой номи.

⁴Бароқнинг Жалолиддинга қарши ғалаён кўтаргани хабари 1226 йил май-июнъ ойларида маълум бўлади.

Бароқ Кирмонни Жалолиддиндан мустақил деб зълон қилиди ва Ироқни босиб олишга уринди. У мўгулларга элчи юбориб, Кирмонда Султон қўшинларининг камлигини билдириди ҳамда уларни Хоразмшоҳ устига юриш қилишга чақирди.

⁵Килокун — Кўкча (ҳозирги Севан) кўлига яқин ердаги қалъа.

Султон Тифлис билан Кирмон оралигини 17 кунда босиб ўтади. У йўлда Бароқка элчи юбориб, ўзига бўйсунишини талаб этади. Бироқ Бароқ мустаҳкам қалъалардан бирига кириб олиб ҳимояланади. Жалолиддин вақт кўп кетиши мумкинлиги учун уни қамал қилишдан воз кечади. У Ҳилотга юриш учун тайёргарлик кўриб Исфаҳон яқинида туради. Кейин Тифлисга қайтиб келади. Бунинг устига у Ҳилот ҳукмдори ал-Малик ал-Ашрафнинг ўз мулкига ҳужум қилганлигини эшитади. Шундан кейин Бароқ Кирмоннинг мустақил ҳукмдори бўлиб қолади.

55-БОБ

СУЛТОН ЙЎҚ ПАЙТИДА ГУРЖИЛАР МАМЛАКАТИДА ҚОЛГАН ҚЎШИНЛАР БОШИДАН КЕЧГАН ВОҚЕАЛАР БАЁНИ

Юқорида эслатиб ўтганимиздек, бу пайтда Шарафулмulk Тифлисда эди.

Килокунда турган хонларга Шарафулмulk Тифлисда қамалда қолибди, туржилар унга кўнгиллилардан иборат ниҳоятда катта куч билан ҳужум қилиб ўраб олибди, деган нохуш хабарлар етиб келди. Хонлар бу оғир аҳволда

унга қандай ёрдам бериш ва мусибатлардан халос қилиш йўллари тўғрисида ўйлаб маслаҳатлаша бошладилар. Уларнинг кўпчилиги вазир бошига тушган ташвишлар ҳақида бош қотирмаслик керак, бунинг ўрнига Султон бойликлари ва ҳарамини ҳимоя қилиш борасида зиммамизга юкланган ишлар билан шуғулланайлик, дейишди. Шунда Урхон бундай деди: “Агар гуржилар Султон вазирини мана шундай катта қўшинимиз ёнгинасида туриб асир олсалар, бу бизнинг давлатимиз учун унугиб ҳам, ювуб ҳам кеткизиб бўлмайдиган катта доғ бўлади. Натижада мashaққатлар билан қўлга киритган шон-шуҳратимиз ўрнини қўрқоқлигимиз ҳақидаги миши-мишлар, таънаю дашномлар эгаллади”.

Урхон бошқа хонлардан фарқли ўлароқ Шарафулмулк билан душманлик муносабатда бўлса ҳам, уни ҳимоя қилиш таклифини ўртага ташлади. У (Урхон) феъл-авторига кўра ақдли, мушоҳадали, қатъиятли, матонатли ва олижаноб инсон эди.

Кейин у ўз қўшини билан юришга отланди. Бошқа хонлар унинг Шарафулмулкка ёрдам бериш ниятини, вазирни ҳимоя қилиш йўлидаги астойдил интилишини кўриб ўз қўшинлари билан унга қўшилдилар. Унинг қўл остига беш мингдан ортиқ отлиқ лашкарлар тўпланди ва улар Тифлис сари йўлга тушдилар.

Мен ҳам улар билан бирга бордим. Кейин маълум бўлдикки, Тифлиснинг қамал қилингани ҳақидаги маълумот ёлғон бўлиб чиқди.

Бизлардан икки кун кейин бу ерга келган Малик ал-ҳавасс Тожиддин Қилич Султоннинг Ироқдан қайтиб Нахичевонга борганини айтди. Бундай яхши хабар учун одатдагидек Шарафулмулк унга тўрт минг динор совға қилди. Унинг кетидан Султоннинг ўзи ҳам этиб келди. Қўшинлар ўлжа ва бойлик излаб Гуржилар мамлакати бўйлаб ёйилиб кетди. Султон Тифлис хукмдори қилиб Кир Маликни, Астробод муқтаси этиб эса Тожиддин ал-Ҳасани, Журжон хукмдорлигига Нусратиддин Муҳаммад ибн Кобуджомни тайинлади¹.

Султон буюмлар, юклар, ўлжалардан халос бўлган лашкарларни олиб Ҳилот сари йўл олди. У шаҳарга яқинлашгандан унга ҳилотликлар ҳамда бу ерда турган Шом

шинлари қарши чиқди. Хоразмшоҳ улар устига бостириб борди, аёвсиз жанг натижасида атроф қонига ботган радорлар ва асиirlарга тўлиб кетди. Одамлар шаҳар ичида чекиндилар. Улар кетидан лашкарлар бостириб кирмилар, лекин улар бир зумда шаҳардан қайтиб чиқдилар².

Қўшинларнинг шаҳардан қайтиб чиқиш сабаблари ақида турли миш-мишлар тарқалди. Одамларнинг айтишича, шаҳар талон-тарож қилинmasлиги учун лашкарларнинг қайтишига Султон буйруқ берган эмиш. Хоразмшоҳ шаҳарни қачон хоҳласа, ўшанда босиб олишга ишончани сабабли шундай қилганмиш. Ҳилотликлар эса Қалолиддин лашкарларини куч билан шаҳардан қувиб ишқарганини таъкидладилар. Кимнинг гапига ишониш мүмкін? Бу ёлғиз Оллоҳга аён, ундан яхшироқ билувчи ҳўқдир. Султон Ҳилот яқинида қирқ кун турди, сўнг орқага қайтди.

Султон ҳарами, юк араваларини қолдириб Ҳилотга юриш қилган пайтда, Шарафулмулк қишлиш учун Ганжага қайтди.

Арzon ар-Рум ҳукмдори болаларидан бирини чўқинтириб, уни гуржилар маликасига уйлантирганди³. Султон Тифлисни босиб олганда бу ўсмир йигитчани ёнига чақириб, омонлик берган, ҳимоятига олиб жой билан таъминлаганди. Султон Ҳилотга юриш қилган пайтда йигитча шайтоннинг сўзига кириб, Яраттанинни унугиб, гуржилар тарафига қочиб кетди⁴. У гуржиларга Тифлисда Султон лашкарларидан оз қолганлигини ва кучи камлигини айтди. Гуржилар Султоннинг шаҳардан узоқдалигидан ва бу ерда камсоnли лашкарлар қолганлигидан фойдаланиб, имкон қадар тўплаган пиёда ва отлик қўшинлари билан Тифлис томон юрдилар.

Қир Малик ва унинг ёнидаги амирлар кўрқоқлиги туфайли шаҳарни ташлаб чиқдилар. Қир Малик аввал ҳам ишёқмаслиги, беҳафсалалиги билан “ном қозонган”лардан эди. Гуржилар шаҳарга бостириб киради ва уни ўз қўлларida сақлаб қола олмаслигини билиб ўт кўйиб юборади.

Ганжада турган Шарафулмулк Ҳилотни қамал қилиб ётган Жалолиддинга мактуб ёзди. Мактубда гуржиларнинг Тифлисни босиб олиш учун одам йигаётганидан огоҳ-

лантиради. Султон Тифлисга қайтади, аммо юқоридаги ишлар у огоҳлантирилган пайтдаёқ амалга ошириб бўлинганди. Душманни батамом бартараф этиш учун кулагай пайт бой берилган. Султон ўз мақсадига эришолмаган эди⁵.

Бу орада туркманларнинг Иваъий қабиласи Султоннинг газабига дучор бўлди⁶: улар чегарадаги вилоятларга босқинчилклар қилас, йўлларда юриш ниҳоятда хавфли бўлиб қолган эди. Бу қабила одамлари ниҳоятда кўп эди, баъзан улар ўн мингдан ортиқ отлиқ одамлар билан босқинчилклар ўюштирадилар.

Султон Ҳилотни ташлаб чиққанидан кейин улар устуга юриш қилди. Босқинчилар жазосини тортдилар: калласи танасидан жудо бўлган ва ўлдирилганлар ҳисобсиз эди. У уларнинг молларини Муқон томонга ҳайдаттириди. Ўлжанинг бешдан бир қисми (ал-хумс)нинг ўзи ўттиз минг бош молдан ошарди⁷.

Жалолиддин иваликларга нисбатан газабини уларга қарши юриш билан қондирганидан кейин қўшинидаги хос мулозимларидан юзта отлиқ лашкарни ажратиб олди. Улар билан ҳамкорликда Хойга, бу ернинг хукмдори бўлган малика билан учрашувга отланди. Шаҳарга яқинлашганида унга Беклик ас-Садидий ва ал-даватдор Сункуржа бошчилигидаги отабек (Ўзбек) мамлукларидан иборат қўшин Хой остонасидағи ўтлоқларда кутиб турганлигини маълум қилишди⁸. Улар сони Султон сафдошларидан икки баробар кўп эди. Аммо Султон орқага қайттиси келмади, ҳаётини таҳлиқага қўйиб бўлсада, олдинга ташланди. Кутиб турганлар қўрқиб қочдилар, у уларнинг кетидан татьқиб этди. Қочаётганлар чарчаб тўхтадилар ва Султон одамларидан омонълик сўрай бошладилар. У уларнинг гуноҳидан ўтди. Улар Султон хизматига кирдилар.

Гуржилар Тифлисни ёқиб юборганларидан кейин Султон Ганжага қадар борди.

Шарафулмулк бу гал Ҳилотга йўл олган Султонни кузатиб қўйганидан кейин қози Мужириддин Умар ибн Саъд ал-Хоразмийни қаматтириди ва унга йигирма минг динор жарима солдирди. У унга элчи пайтингда Султонга хиёнат қилгансан, деб айб қўйди. Қози бир ой, жаримада белгиланган пулни тўлагунча бандиликда сақланди. Қозининг айтишича, ундан хизмат ҳақи ва порага олинган

нул Султон хазинасига тўланадиган жаримадан бир неча баравар ошиб кеттан.

Бу воқеадан кейин Шарафулмулк одамлар ўртасида мавқеи юксак, Хоразмшоҳлар учун беҳисоб хизматлар килган машҳур Мужиридиннинг Султонга яқин бўлган хизматкорлар орасида юришини истамади. У уни Табриз қозиси этиб тайинлади. Бу лавозим унинг учун муносиб эмас эди⁹.

¹ Жалолиддин 623 йил рамазонда (1226 йил август-сентябрь) Кирмондан Тифлисга қайтиб келаётib ўша пайтда гуржиларга қарам бўлган Ани ва Карс шаҳарларига ҳужум қиласди. Анида Иване Мхаргрдзели бошчилигидаги қўшинлар жойлашганди. Кетма-кет ҳужумлар ва қамал куролларининг ишлатилишига қарамай шаҳарлар кўлга киритилмайди. Жалолиддин қўшинларидан қамал учун қолдириб, Тифлисга қайтади. Арман битикларида айтилишича, у йўл-йўлакай Кимоҳ ва Арзинжон шаҳарларини ҳам босиб олади. Ҳусомиддин Кирхон Малик ва яна бир қанча амирлар Жалолиддин ўлимидан кейин қўшинлари билан турли мамлакатларга тарқалиб кетадилар. Кирхон Маликни ва амирлар Баракатхон, Йилон Буғу, Сорихон Ҳонберди кабиларни Кўниё султони Аловуддин Қайкубод ўз хизматига таскиф этади. Амирлар Султонга садоқат билан хизмат қилишга қасамёд этадилар. Эвазига уч юз бош фахрий кийим-бош, Арзумдан мулк оладилар. Кирхон эса Арзинжонни иқто сифатида кўлга киритади. Қайкубод ўлимидан кейин (634 йил – 1237 йил) мамлакат султони унинг ўғли Фиёсиддин Қайхусров II бўлади. Кирхон унинг хизматига киради. Аммо амир Сайдаддин Кўпак Қирхонни Султонга ёмонлайди. Уни Султон хизматидан бош тортиш ва кўл остидаги лашкарларни бошқа давлатларга олиб кетишга интилишда айблайди. Кирхон ушланади ва қалъада банди сифатида сақланади. У бу ерда касал бўлиб вафот этади. Бундан хабар топган хоразмлик амирлар Кўниё султонлигини ўз қўшинлари билан тарқ этадилар. Улар бу ердан кетиш олдидан талон-тарожликларни амалга оширадилар. Уларга қарши юборилган Султон қўшинлари хоразмликлар томонидан мағлуб этилади. Шундан кейин улар Сурия томонга кетадилар. Ҳарран, Руха, Ракка, Суруж каби жойларни ва шаҳарларни згаллайдилар. Аммо кейинчалик улар сурияликларнинг бирлашган қўшинлари томонидан мағлуб қилинади. Кейин улар Боғдодга бориб халифа ал-Мустансир (1226-1242 йиллар) хизматига киради.

Тожиддин ал-Ҳасан ҳақида маълумот 21-бобда берилган.

Нусратиддин Муҳаммад ибн Кобуджом ҳақида маълумотлар 7-, 21-, 32-бобларда берилган.

² Жалолиддининг Ҳилотни биринчи марта қамал қилиши 623 йил зулқаъданинг 15 кунига (1226 йил 7 ноябряга) тўғри келади. Ал-Малик ал-Ашрафнинг Ҳилотдаги ноиби Ҳожиб Ҳусомиддин Али ибн Ҳаммад ал-Мавсийи бўлган. “Ҳаракатчан, кўйди-пишди одам бўлган. Айубийларнинг Арманистондаги ютуқлари шу одам билан боғлиқ”.

Ал-Малик ал-Ашраф Мусо Ҳилотдаки ноиби ҳожиб Алига нома юбориб, Жалолиддин лашкарларининг шафқатсизлигидан огоҳлантиради ва шаҳар тақдири ҳақида қайгуради. Жалолиддин Ҳилотга кутилмаганда ҳужум қилишга ҳаракат қиласди. Аммо айғоқчилар ҳожиб Алига хабар берадилар ва шаҳар ҳимояга тайёрланади. Хоразмликлар шаҳар деворлари остига қадар келади, жанг қилиб Ҳилот ичкарисига ҳам киради. Суқ ал-Дақиқ бозорига қадар етиб боради. Шундан кейин улар одатдагидай ахолини талаб, ўлдира бошлайди. Шаҳар аҳли ҳимоя учун оёққа қалқади ва хоразмликларни шаҳардан қувиб чиқаради. Орадан бироз вақт ўтгандан кейин Жалолиддин шаҳарга яна ҳужум қиласди, лекин бу гал ҳам босиб ололмайди.

Ҳилот қамали 623 йил зулхижжанинг 25 кунига (1226 йил 15 декабрга) қадар давом этади. Шундан кейин совуқ тушганилиги, қор ёққанлиги сабабли қамал тўхтатилади.

³ *Арzon ar-Rum* — Туркия теграсидаги Арзрум шаҳри.

⁴ Румни бошқарган салжуқий сulton Иzziddin Қилич Арслон II (1156—1192 йиллар) ўлимидан олдин мамлакатини 12 та ўғлига бўлиб беради. Шулардан бири Абул Харис Муғисиддин Тўғрулшоҳ Арзрумнинг ҳукмдори бўлади. Ибн ал-Асирининг айтишича, 620 йилда (1223—1224 йиллар) мусулмонлар учун кутилмаган ғалати воқеа рўй беради. Арзрум ҳукмдори Гуржистонга элчи юбориб, катта ўғли учун гуржилар маликаси Русуданнинг қўлини сўратади. Лекин гуржилар подшоҳи салжуқий шаҳзода насроний динида бўлмаганилиги учун унга қизини бера олмаслигини билдиради. (Баъзи манбаларда бу шаҳзоданинг номи Довуд дейилади.) Шунда отаси Довудга насронийликни қабул қилишни буюради. У динини ташлаб бошқа динни қабул қиласди ва Русуданга уйланади. Тарихчиларнинг ёзишича, Русуданда бир ғалати хусусият бўлиб, тез-тез эрни алмаштириб турган. Кунларнинг бирида салжуқий шаҳзода хотинининг мусулмон куллардан бири билан ётгани устидан чиқиб қолди. Шунда у хотининий Қойимоқчи бўлганида Русудан эрини зинданга ташлатади. Кейин у Алланлар мамлакатидан бўлган хушсурат йигитга тегади. Орадан сал вақт ўтиб

у билан ажралишади. Сўнг ганжалик бир мусулмонни кўнгли тусаб қолади, аммо у динини ўзгартиришни истамайди. Унинг эр алмаштириш борасидаги ишларига Иване Мхаргрдзели бошлигидаги сарой аҳли қарши чиқади. Келгусида бу борадаги ишларни Русуданинг ёлғиз ўзи ҳал қилишини у таъқиқлаб кўяди.

Ибн Биби эса бу воқеани сал бошқачароқ, лекин шу мазмунда ҳикоя қиласди.

⁵ 624 йил раби аввалида (1227 йил февраль-март) гуржилар кўшиллари Хоразмшоҳнинг асосий кучлари Тифлисда йўқлигидан фойдаланиб, унга ҳужум қиласди. Хоразмликларнинг озсоилилашкарлари қочади, гуржилар Тифлисни талайдилар. Жалолиддиннинг келаёттанини эшиштач эса шаҳарни ёндириб қочадилар.

⁶ Иваъий қабиласи ўгузларнинг асосий уруғларидан бирі ҳисобланади. Иваъийликлар халифа ал-Муктафий даврида (1136-1160 йиллар) Шаҳразур шаҳрини эгаллаганлар. Уларнинг йўлбошчиси Қипчоқ ибн Арслонтош ат-Туркманий бўлган. Уларга қарши Мўсул ҳукмдори отабек Имодиддин Занги (1127-1146 йиллар) юриш қилиб, мағлуб этган ва мулкларини босиб олган. Шундан кейин улар Мўсул ҳукмдорлари қўл остида хизмат қилган. Кейинчалик бошқа ҳукмдорлар ҳам улар хизматидан фойдаланганлар. Хоразмшоҳ қўл остида хизматда бўлган амир Шаҳобиддин Сулаймоншоҳ ал-Иваъий (у ҳақда ан-Насавий ҳам маълумот берган) амир Қинчоқ авлодларидан бири ҳисобланади.

Жалолиддин Ҳилотни иккинчи бир қамал қилганда шаҳар ичидаги қамалда иваъий амирлардан Исмоил ал-Иваъий ҳам бўлган. (Бу ҳақда 86-бобга қаранг).

Иваъийлар Жалолиддин кўшиллари Ҳилот қамали билан бандлигини кўриб Озарбойжоннинг Аштар ва Урмиё шаҳарларини босиб олади. Султон хотини, Тўғрул II қизи яшайдиган Хой шаҳри аҳолисидан солиқ йиғиб олади. Табризга борадиган карvon йўлини эгаллаб, улардан 29 минг бош майда молларни, кўплаб маҳсулотларни тортиб олади. Уларнинг бу ишлари ҳақида Жалолиддинга хотини хабар беради. Шундан кейин Султон улар устига юриш қиласди, аҳолисининг кўп қисмини қириб ташлайди, бойликларини тортиб олдиради.

⁷ Муқон — Озарбойжондаги шаҳар, ҳозирги номи Муғон.

⁸ Даватдор (арабча дават — сиёҳдон сўзидан) — султонликда ёзув куролларини ташувчи одам.

⁹ Муҳириддин Умар ҳақида 47-, 52-, 66-бобларга қаранг.

**ОЛТИ ЮЗ ЙИГИРМА УЧИНЧИ (1226) ЙИЛДА МАГРИБ ЭЛЧИСИ
ШАМСИДДИННИНГ КЕЛИШИ БАЁНИ**

Султоннинг Ганжага бу галги ташрифи пайтуда Мағриб элчиси ҳам шу ерга келди¹. Улар унинг элчилик фаолиятига шубҳа билан қараб, чин дилдан ишонмаётган бўлса ҳам хурмат-эҳтиром билан кутиб олди, келиши эвазига қабул маросими, зиёфат уюштирилди. Лекин улар кўнглидаги шубҳа Султоннинг ар-Румдаги элчиси қайтиб келгунча аримади². Султон элчиси Мағриб элчиси денгиз орқали ўтиб ар-Румга келганлигини тасдиқлади. Ар-Рум ҳукмдори Аловуддин Қайкубод шахсан ўзи уни кутиб олган, унинг келиши шарафига чодир тиклатган. Мағрибликка хурмат-иззат, эҳтиром кўратилиган. Лекин у уларнинг ҳузурига эмас, Султон ҳузурига элчи бўлиб келаётганини билдирган. Шундан кейин Румликларнинг унга нисбатан хурмат-иззат, меҳмондорчилиги ҳам ниҳоясига етган. Султон элчисининг бу гапларидан кейин унинг мағриблик эканига ҳам, элчилик фаолиятига ҳам шубҳа қолмади. Султон уни ўз ҳузурига чақирди, мен улар ўртасида таржимонлик қилдим.

Мен унинг элчи сифатида Султонга нималар дегани, қандай гаплашгани хусусида ҳикоя қилиб бермоқчи эмасман. Бу зерикарли ва бошқалар учун аҳамиятсиз гаплар, деб ўйлайман. Унинг элчилик фаолиятига нисбатан шубҳа-гумонларимзни бартараф этган яна бир сабаб бор эди: у самимий, кўнглидаги бор гапни тўкиб соладиган, тўғри сўздан қайтмайдиган, энг асосийси, бойлика ҳам, молмulkка ҳам эътиборсиз одам эди. У Ганжада бир йил ёки ундан ҳам кўпроқ вақт, то унга қайтишга рухсат бергунча турди. Бу вақт ичida унга берилган пул миқдори ўн минг динордан ошмади. У Ганжани тарқ этаётган пайтда эса бу маблағдан бир динор ҳам қолмади. У ҳатто баъзи савдогарлардан қарз эвазига катта миқдорда пул олди, лекин у бу пулларни ҳам хайр-барака ишларига ишлатди.

Юртига қайтиш арафасида у Султонга мурожаат қилиб, түф ва дўмбира беришларини сўради. Шу билан бирга Да-машқ атрофидаги Жаннат аз-Забадания мулкининг ўзига

тегишли эканлиги ҳақида фармон (тавқ) чиқариб беришини илтимос қилди³. У бу ерлар унга аждодларидан мерос бўлиб текканини, бироқ ўзидан зўрлик билан тортиб олинганини айтди. Султон у сўраган ва илтимос қилган нарсаларнинг ҳаммасини амалга оширишга рози бўлди. У билан бирга Тоқиддин ал-Хофизни ўз элчиси қилиб жўнатди. Жалолиддин мамлакатида таниқли ва давлат ишларида юқори мавқега эга бўлган бу шахсни хорижлик элчи ёнида узоқ юртларга шунчаки ҳамроҳ қилиб юборишини истамади.

Улар кетганларидан кейин Ироқ томондан тоторлар кўшинлари бу ерга етиб келганликлари ҳақида миш-мишлар тарқалди. Султон тезлик билан Исфаҳонга етиб боришига қарор қилди. У йўлга чиқди ва фақат Озарбойжоннинг Майанижида тўхтади⁴. Оқ дарё (Сафидруд) бўйидаги кенгликларда кўшинларини кўрикдан ўтказди.

Султон кўшинларини кўрикдан ўтказиб, лашкарларини кўздан кечириб юрган пайтда мағриблик элчи Мароғадан қайтиб келди. Шунда Султон менга “Нимага қайтиб келганини сўраб бил-чи”, деди. Мен ундан сўрадим, у бундай деб жавоб берди: “Мен душман яқинлашиб, Султон юриш бошлаганини эшитдим. Шунда Оллоҳнинг жиҳод қилгувчиларни (уйларида) бекиниб ўтириб олувчилардан афзал қилганини ўз кўзим билан кўрмоқчи бўлдим”. Султон унга бу сўзлари учун миннатдорчилик билдириб, деди: “Халифаларнинг сафдошлари доимо мана шундай бўлмоқликлари керак!”. Жалолиддин менга элчига ҳамроҳлик қилиб, кўшинларни кўрсатишимни буюди. Мен у айтгандай қилдим. Биз Султон ҳузурига қайтиб келганимизда элчидан “Амир ал-муслиминнинг лашкарлари кўпми ёки бизники?” деб сўради⁵. У “Амир ал-муслиминнинг лашкарлари бу лашкарларга нисбатан бир неча баравар кўп. Аммо улар сафида кўнгиллилар ва пиздалар кўпчиликни ташкил қиласди. Бу лашкарлар эса марту майдон одамлар экан”, деди.

Шундан кейин Ироқдан яна бошқа хабар келди. Бу сабарга кўра, Ироққа келган кўшинлар Султон Ҳиндисонда қолдирган лашкарларнинг бир қисми эканлиги маълум бўлди. Улар бу ерга Билгаҳон бошчилигига етиб селганди⁶.

Элчи Мұсулга етиб борганида бир гурух одамлар унга тунда хужум қилишади ва уни олиб кетишади. Шундан кейин у қайтиб келмади. Кейинчалик маълум бўлишича, у Беғдодга олиб кетилган экан⁷. Унинг читлар ва отлари Султонга қайтарилди. Кейинги тақдири эса номаълум бўлиб қолди.

¹ *Магриб* — Шимолий-ғарбий Африка, хусусан, ҳозирги Суданга яқин жойлар англашилган. Магриб элчисининг Султон хузурига келганлиги ҳақиқатта яқин деб ҳисобланадиган бўлса, у Алмаҳдийлар халифалигидан ташриф буюрган. Алмаҳдийлар Суданда ҳукмронлик қилиб ўтган. Бу халифаликда 1224—1227 йилларда Абу Мұҳаммад Абдуллоҳ ал-Одил ҳукмдорлик қилган. Магриб элчисининг қандай ниятлари бўлганлигини билиб бўлмаса ҳам бир нарсани англаш мумкин: Жалолиддиннинг номи, унинг қаҳрамонлиги бошқа мамлакатларга ҳам етиб борганини аник.

² *Ар-Рұм* — ўрта аср араб тарихчилари бу ном остида Византия империясини тушунишган. Бу ўринда ар-Рұм салжуқийлар ҳукмронлик қилган Кичик Осиё маъносида тушунилган.

³ *Ал-Жаннат аз-Забадания* — Дамашқ атрофидаги водий.

⁴ *Майаниж (Мияна)* — Эрон Озарбойжонидаги шаҳар.

⁵ Ан-Насавий асари матнида Алмаҳдийлар халифасини “Амир ал-муслимин” деб ёзди. Аслида Алмаҳдийлар халифалиги ўзларини “Амир ал-Мӯминин” деб номлаганди. Ан-Насавий Аббосийлар халифалигидан чўчигани учунни уларни бошқачароқ атаган. Бу ўринда икки ном ўртасида фарқ бор. “Амир ал-мӯминин” — мусулмонларнинг энг ишончли, тўғри йўлдан борган халифаси маъносида ишлатилган. “Амир ал-муслимин” мусулмонлар халифаси маъносида ишлатилган.

⁶ Тожиддин Билгахон ҳақида II-бобга қаранг. Бу Билгахон шунинг авлодиаридан.

⁷ Аббосийлар халифаси Алмаҳдийлар халифалигини тан олмаган. Бунинг устига уларнинг Султон билан ҳамкорлик қилиши ҳам аббосийларга мазкул келмаган.

**ОЛТИ ЮЗ ЙИГИРМА ТҮРТИНЧИ ЙИЛДА (1226-1227 ЙИЛЛАР
ОРАЛИГИ) СУЛТОННИНГ БОЙЛАКОН ВА АРДОБИЛНИ ҲАМДА
УЛАРГА ЯҚИН БЎЛГАН ЖОЙЛАРНИ ШАРАФУЛМУЛККА МУЛК
ҚИЛИБ БЕРИШИ БАЁНИ¹**

Султон шу йили Ироқقا йўл олар экан, иккала шаҳарни ҳам хонавайрон бўлган ҳолда кўрди. Уларга ахолининг кўчиб бориб яшашига имкон қилмаган эди². У бу шаҳарларда ҳатто отлари учун ем ҳам топа олмади: у-бу нарсалар излаб боргандар эса қуруқ қоплар билан қайтиб келишди.

Шарафулмулк бу шаҳарлар мамлакат мулклари теграсида жойлашгани сабабли, агар уларга эътибор берилмаса яна ҳам қаровсиз қолиб, вайронага айланишини билгани учун эгаллаб олди³.

Ўша йили у шаҳарлар атрофини фишт деворлар билан ўратди. Аҳолининг яшаши учун имкониятлар яратди. Орадан кўп ўтмай иккала шаҳар ҳам олдингисига нисбатан чиройли қилиб қурилди. Улар шундай даромад келтира бошлидик, Ганжа ва Табриздан йигиладиган маблағ уларники олдида ниҳоятда оз бўлиб қолди.

Бир йилдан ёки ундан ҳам ортироқ вақтдан кейин Султон Бойлакон яқинида тўхтади. Шарафулмулк мен орқали Султонга қуидаги мазмундаги номани киритди: “Каминаи камтарин кулингиз сиз жаноби олийларига шуни маълум қиладики, Бойлакондан олинган даромад ҳисобидан хазинамизга қуидаги микдордаги маҳсулотлар олиб келиб топширилди, рухсат этилган кўйлардан минг бош, буғдойдан минг маккук, арпадан минг маккук”⁴.

Султон ҳисобот битилган бу нома билан танишар экан, кулимсираб қўя қолди.

¹ Ардобил — Эрон Озарбойжонидаги шаҳар.

² Бойлакон ва Ардобил мўгулларнинг биринчи юриши пайтида 618 йил рамазонида (1221 йил октябрь-ноябрида) вайрон қилинган эди.

³ Мамлакат теграсидаги давлатга қарашли бўлган ерлар хос ерлар ҳисобланган. Улар девон ал-хос томонидан бошқарил-

ган. Қадимий манбаларда султонлар, шоҳлар, хонларга тегишли мулклар амлак ал-хос, ҳаракатдаги мулклар асбоб ал-хос, барча мол-мулклар эса амлок ва асбоб ал-хос деб юритилган.

⁴ *Маккүк* — донни ўлчайдиган оғирлик бирлиги, у 24,75 литрга тенг бўлган.

58-БОБ

ОТАБЕК ЎЗБЕКНИНГ ЎҒЛИ МАЛИК ХОМУШ ВА УНИНГ СУЛТОН ХИЗМАТИГА КЕЛИШИ БАЁНИ¹

Отабек Ўзбекдан ёлғиз ёдгор бўлиб, унинг ўғли Малик Хомуш қолди. У тұғма кар ва соқов эди. Бошқаларнинг нима деганини тушунмасди, бошқалар эса унинг ниятини имо-ишоралари орқали англарди. Тарбиячисидан бошқа ҳеч ким у билан мулоқот қилолмасди. Отаси уни Руиндиз қальасининг ҳукмдори бўлган қизга, Мароға ҳукмдори, отабек Аловуддин Кўрпа Арслоннинг неварасига уйлантирган эди².

Султон Ҳилотдан чиқиб Ганжага келганида (бу ҳақда ҳикоя қилган эдик), Малик Хомуш ҳам унинг ҳузурига келди³. Унга Хомуш номининг берилганлиги гапиролмаслиги ва ўйчан юриши сабабли эди. У Султонга совғасаломлар орасида форсларнинг шоҳи Кайковуснинг камарини ҳам олиб келди⁴. Камар бир қанча қимматбаҳо тошлар билан безатилган, унинг баҳоси йўқ эди. Тошлар орасида битта Бадаҳшон тоши ҳам бўлиб, катта ва қиррадорлиги учун нур тушганда ял-ял ёнар, атрофни камалакранг жилоси билан ниҳоятда гўзал қилиб юборарди⁵.

Унга Кайковуснинг ва ундан кейин шоҳлик қилгандарнинг номлари ўйиб ёзилганди.

Султон бу камардаги ақиқ тошлар ўрнини ўзгартириди, ўзидан ҳам анчагина зумрадлар қўштириди. Кайковус бадаҳшонини ўртага жойлаштириди. Шундан кейин Султоннинг янги камари пайдо бўлди. У бу камарни байрамлардагина тақарди. Тоторлар олти юз йигирма саккизинчи йилнинг шавволида (1231 йил августида) унга Амидда ҳужум қилганида бошқа бойликлар қатори камарини ҳам қўлга кирилдилар⁶. Улар бу камарни бошқа буюмлар билан бирга ўз ҳоқони, Чингизхоннинг ўғли, туркийлар ҳукмдорига юборди⁷.

Малик Хомуш Султон қўлида узоқ йиллар хизматда бўлди. Унга меҳрибонлик қилувчилар йўқ эди, шу сабаб ахволи оғирлашди. Оиласидагилар эса ундан турли-туман нарсалар талаб қиласади. У Султон ҳузуридан унинг назоратисиз кетди ва исмоилийлар ҳукмдори Аловуддин ҳузурига борди. У бир ойдан сўнг Аламутда вафот этди⁸.

¹ Хомушнинг асли исми Тўғрул ибн Кизил Арслон бўлган. Нахичевон мўгуллар томонидан 618 йилда (1221-1222 йиллар) босиб олинганидан кейин отабек Хомуш улар олдига бўйин эгиб боради. Улар унга ёғоч пайза ва тамға бериб қўйиб юборадилар.

² Руиндиз — Мароғадан уч фарсах (50 километр) узоқликда жойлашган қалъа. Унинг икки томонидан дарё оқиб ўтади. Қалъа ичida Алиобод деб номланган боғ бор. Қалъа тоғ устига жойлашган.

Аловуддин Кўрпа Арслон — Мароға ҳукмдори. Унинг буюртмасига кўра шоир Низомий Ганжавий 1197 йилда “Етти гўзал” достонини яратади. Аловуддин Арслон адабиёт ва санъатни юксак қадрловчи инсон бўлган.

Аловуддин Кўрпа Арслоннинг неварасининг исми Доз Бону дейишган. Хомуш ва ундан бир ўғил тұғилган. Унинг исми — Отабек Нусратиддин. Ибн ал-Фуватий Мароға ҳукмдорининг исмини Аловуддин Арслон ибн Кўрпа ибн Нусратиддин Абө Арслон ибн отабек Қорасункур ал-Аҳмадалий деб, отабек Хомушининг хотинининг исмини эса Сулафа хотун деб ёзади.

³ Султоннинг Ганжага келиши ҳақда 55-бобда ҳикоя қилинган.

⁴ Кайковус — форсларнинг шоҳи.

⁵ Бадаҳшон лаъли — Бадаҳшонда қазиб олинадиган қиммат баҳо тош.

⁶ Амид — Туркияning Диёрбакир шаҳри.

⁷ Чингизхоннинг ўғли Ўгадай қоон (1229—1241 йиллар) ҳукмронлиги ҳақида гап бормоқда.

⁸ Аламут — Исмоилийлар давлатининг пойтахти. Унинг ҳукмдори Аловуддин Абус Саодат Муҳаммад III ибн Жалолиддин ал-Ҳасан ибн Муҳаммад ал-Исмоилий ал-Кўҳистоний (1221—1255 йиллар). Исмоилийлар давлати 1257 йилда мўгуллар томонидан йўқ қилинади.

**ИРОҚ АКОБИРЛАРИ (САДРЛАРИ)НИНГ СУЛТОННИНГ
ИРОҚДАГИ ВАЗИРИ ШАРАФИДДИН АЛИ АТ-ТАФРИШИЙ
УСТИДАН ШИКОЯТИ БАЁНИ**

Шарафиддин Али ибн ал-Фадл Ироқ теграсидаги жойлардан бири Тафришнинг раиси эди. У девонда хизмат қилди, кейин мансаб пиллапояларидан бир-бир сакраб юқори лавозимга, юксак мавқега эта бўлди. Ниҳоят, Ироқ муставфиси мансабини эгаллади. У бу мансабга улуг Султон Аловуддин Мұҳаммад ўғли Рукниддин Фурсанжтийни Ироқ ҳукмдори қилиб тайинлаган пайтда эришиди. Рукниддин уни ҳушламасди, у Фиёсiddин ҳукмронлиги даврида ҳам эътибордан четда қолиб келди. Жалолиддин Ҳиндистондан қайтиб келгунга қадар унинг ишлари юришмади. Султон Ироққа келиб ҳукмдорликни кўлга олгач, Шарафиддин унга хизмат қилиш ниятини билдириди. Султон уни Ироқнинг вазири қилиб тайинлади. Барча одамлар, бойликлар, мулкларни унинг кўлига топшириди. Унинг топшириқлари Султон буйруқлари билан бир хил кучга эта эди. Унинг вазирлик куч-кудрати бутун Ироққа ёйилди, бойликлар уйига оқиб кела бошлади. Шундан кейин у Ироқ ақобирларининг мансабларини алмаштира бошлади. Бир пайтлари ўзи билан рақобатлашган ва вазирлик ўрнига кўз тикканларни ишдан олиб, уларнинг лавозимларига ўзига маъқул одамларни кўя бошлади. Баъзи мансабдорларни таъқиб остига олди, уларда ўзига нисбатан нафрат уйғотди.

Унгача Ироқнинг ягона вазири қилиб ҳеч ким тайинланмаган эди. Ҳар бир шаҳар учун алоҳида вазир тайинланар, у ўз хизмат доирасидагина фаолият кўрсатарди. Кейин у Ироқ вазири бўлди.

Натижада Исфахоннинг собиқ вазири Низомиддин шаҳар муставфиси Шихобиддин Азизан, Исфахон қозиси Рукниддин Масъуд ибн Сайд биргалашиб унинг устидан шикоят ёзишга келишдилар¹. Одамларни ундан халос қилиш учун унга туҳмат уюштирадиган бўлдилар.

Шарафулмулк Шарафиддинни вазирлик мансабидан олиб ташлашда шикоятчиларга ёрдам бериш учун улар

Билан тил топишиди. Бунинг сабаби бор эди, Шарафиддин бошқа вилоятлар вазирлари даражасида Шарафулмулкка эътибор бермас, унинг мақсад ва ниятларини амалта ошириш йўлида жонфиодлик қилмасди.

Султон Шарафулмулкка мажлис чакиришни, девондаги барча аъёзлар иштирокида юқоридагиларнинг шикоятини кўриб чиқишини буюрди. Султоннинг ўзи эса мажлисни четдан, бошқа хонада туриб кузатди ва уларнинг сўзларини эшилди. Мажлис аҳли эса буни билмади. “Балки уларнинг гумонларича, биз уларнинг сирларини ва шивир-шивирларини эшилмасми? Ундоқ эмас! Бизнинг элчиларимиз уларнинг олдиларида ёзиб турарлар!”*

Шарафиддин Шарафулмулк шикоятчилар билан бирга оғиз-бурун ўпишганини, ўзини юқори даражадаги мансабдан олиб ташлашга уринаётганини билди. Шу сабабли у Султон агар уларнинг айбловчи сўзларига ишонмай, ўзининг уларни айблайдиган, мансабини сунистемол қилинлигини исботловчи сўзларига ишонадиган бўлса, юз минг динорни унинг хазинасига келтириб беришини маълум қилди. Султон ва Шарафиддин ўргасидаги воситачи **Малик ал-Хавасс Тожиддин Қилич** бўлди.

Султон Шарафиддин шартларига розилик билдириди. Бу ҳақда мажлис аҳли билмади. Улар ўзлари ишлаб чиқкан айёрлик, тухмат амалга ошаёттанидан бекиёс хурсанд эди. Бироқ шайтон уларга ширин хаёллардан бошқа ҳеч нарса бермади.

Бу мажлисда мен ҳам қатнашдим. Уларнинг Шарафиддинни айбловчи сўзларини ҳам, Шарафиддиннинг улар ҳақидаги гапларини ҳам эшилдим. Айбловлар, сўзлар бир-биридан кескин фарқ қиласди, гўё улар бири осмон, иккинчи ер эди. Ироқ вазирининг ҳар бир сўзи мантиқан тўғри, исботланган, айбловлари рад қилиб бўлмайдиган даражада эди. Шарафиддин иктидори, илми билан ўз даврининг пешқадамларидан, ўз замонасининг олижаноб инсонларидан ҳисобланарди. У мажлисни ўз вазифаси ва мавқенини сақлаган ҳолда тарк этди. Ироқ вилоятлари ва шаҳарлари яна унинг кўл остида қолди.

Шарафулмулк аламзадалик ва ғазабдан ўзини қўярга жой тополмасди, унинг ўлимига бир баҳя қолди. Бошқа акобирлардан ҳар биридан йигирма-ўттиз минг динор миқдорида пул йигиб олинди.

Шарафиддин вазирликни давом эттирад экан. Шарафулмулк билан оралари ёмон бўлиб қолишини истамади. У агар Шарафулмулк бундан кейин ўзини қўллаб-куватлайдиган бўлса, унинг хазинасига йигирма минг динор беришини маълум қилди. У ваъда қилинган бу пулни йил давомида бериб борди. Шарафулмулк шундан кейин ўнинг муносабатларига кам эътибор берадиган бўлди, аммо у Шарафиддиндан ўч олиш, уни таг-томири билан ўрнидан суғириб олиш ва салтанатдан йўқ қилиш учун зимдан пайт пойларди. Бироқ Шарафиддинни Шарафулмулкнинг дасисаларидан Оллоҳнинг ўзи саклади. Шарафулмулк шу тариқа ўч ололмай, ўз ёвуз ниятлари билан бу дунёни тарк этди.

¹ Исфахон қозиси Рукниддин Масъуд ибн Саид ҳакида 32-, 42-бобларга қаранг.

60-БОБ

УРХОННИНГ ИСМОИЛИЙЛАР ТОМОНИДАН ГАНЖАДА ҮЛДИРИЛИШИ БАЁНИ

Султон Ҳиндистонда пайтида кўл остидагиларни қилган хизматлари учун етарли даражада рағбатлантиришга маблағи йўқ эди. Шу сабабли у энг яхши хизмат қилгандарга меҳрибонлик кўрсатар, миннатдорлик билдиради. Лекин у кўл остидаги амирларга Ироқ ва Хурросонни босиб олганидан кейин ҳар бирига мулк иқто қилишни ваъда берганди. Султон бу жойларни босиб олганидан кейин ўз ваъдасининг устидан чиқди. У Урхонга иқто қилинган мулкни Хурросон ерларидан берди. Унинг (Урхоннинг) ноиби эса исмоилийлар мамлакатининг чегарага яқин бўлган жойларига, Тун, Коин, Кўхистон каби аҳоли яшайдиган масканларига ҳужумлар қилиб, одамларни ўлдириб, мол-мулкларини талай бошлади¹.

Улардан (исмоилийлардан) Хойга, Султон хузурига ал-Камол деган киши элчи бўлиб келди. Ал-Камол исмоилийларнинг Суриядаги вилоятларига бир қанча вақт ҳукмдорлик қилган эди. У Урхон ноибларининг ўз мамлакати

теграсидаги ерларга ҳужум қилаётганидан шикоят этди. Шарафулмулк бу борадаги муаммоларни ҳал қилиш учун уни Урхон билан учраширишга кўрсатма берди.

Урхон ал-Камолнинг сўзларини эшитди ва унинг сўзлари ўзи учун таҳдиддай туюлди. Шунда у кийимлари, камари, белбоғи орасидан бир неча пичоқни олиб, ал-Камол олдига ташлаб, бундай деди: “Булар сизларнинг пичоқларингиз. Бизларнинг эса тифи ўткир ва узун қиличларимиз бор. Сизларда эса бундайлари йўқ”.

Элчи шикоятларига жавоб тополмай, бўлаётган дилсиёҳликларни бартараф этиш борасида бирор ишонтипарли сўз эшитмай қайтиб кетди.

Султон Ганжага қайтганидан кейин учта фидойи Урхонга ташланишди ва уни шаҳар яқинида ўлдиришди². Улар кўлларида пичоқ билан шаҳарга киришди. Аловуддин дазватини хитоб қилиб Шарафулмулк дарвозаси олдига келишди. Улар Девонхонага киришди, аммо у ерда уни топишомлади. Вазир бу пайтда қалъада, Султон қароргоҳида эди. Шунда улар унинг хизматкорини ярадор қилдилар, шиорларини бақириб айтиб, голиблик билан мақтандилар.

Шаҳар аҳли томда туриб уларга тош ота бошладилар. Улар тошбўрон остида қолиб, охирги нафаси чиққунча “Бизлар улуф ҳазратимиз Аловуддин учун курбонмиз” дея бақиришда давом этдилар.

Бу пайтда Аламут элчиси Бадриддин Аҳмад Султон хузурига бориш учун Бойлаконга етиб келди³. У бу воқеани эшитганидан кейин олдинга боришни ҳам, орқага қайтишни ҳам билмай довдираб қолди. Шарафулмулкка бу борада маслаҳат беришни сўраб мактуб ёзди. Шарафулмулк уйига фидойилар бостириб киргани сабабли ниҳоятда қўрқсан эди. Шу учун унинг бу ерларга келиб, мактуб йўллаганидан кувонди. У Урхонга қисматдош бўлишни истамасди. Юзига соя ташлаб турган ўлимдан ҳалос бўлиш, ҳаётини асраб қолиш учун замин тайёрлашга интиларди. Шу сабабли элчига жавоб мактуби ёзиб, тез етиб келишини тайинлади ва ҳар қандай иш бўлса айтганидай қилиб бажаришга сўз берди. Элчи етиб келди, Шарафулмулк унинг илтимосини бажаришга киришади. Барча ишлар у қандай талааб қилган бўлса, шунга мувофиқ тарзда амалга оширилди.

Уларнинг ниятлари ўз мамлакатлари теграсига Султон одамларининг босқинчилик юришларини тұхтатищ эди.

Исмоилийлар Дамғонни босиб олғандилар⁴. Бу воқеа тоторларнинг шаҳарни босиб олиб, уни талон-тарож қилғанларидан кейин рўй берганди. Султон улардан шаҳарни қайтариб беришни талаб қилди. Лекин иш шундай битдики, Дамғон улар қўл остида қоладиган бўлди, бунинг эвазига улар Султон хазинасига йилига ўтгиз минг динор тўлашни зиммаларига олдилар. Бу хусусда фармони олий ҳам эълон қилинди.

Аламут элчиси Бадриддин Аҳмад Шарафулмулк ҳамкорлигига Озарбойжон томон қараб йўлга тушдилар. Элчи вазирга яқин одамлар ва девон акобирлари орасида эди. Шарафулмулк унга барча шароитларни яратиб берди.

Улар Сароб водийсига етганда ўзларини бемалол эркин тута бошладилар. Бадриддин одатдаги шаробхўрликлардан бирида бундай деб алжираф кўйди: “Сизларнинг қўшиларингиз орасида бизларнинг фидойиларимиздан иборат гуруҳларимиз бор. Лекин улар шундай ниқобланганларки, ўз гуломларингиздан ажратса олмайсизлар. Улардан бир қисми отхоналарингизда, бир қисми эса Султон човушларининг йўлбошчилари бўлиб хизмат қиласидар”. Шарафулмулк ундан бу фидойиларни кўриш учун хузурiga чақиришни илтимос қиласиди. Вазир элчига хавфсизлик белгиси сифатида дастрўмолини тутқазди. У бешта фидойини бошлаб келди.

Фидойилар унинг олдига олиб кирилганда, улардан бири муттаҳам ҳинд Шарафулмулкка бундай деди: “Мен сени фалончи кун, фалон уйда ўлдириш имконига эга бўлган эдим. Аммо мен сени ўлдириш учун юқоридан бериладиган буйруқни кутдим”. Шарафулмулк унинг сўзларини эшитиб, фаржасини ечиб ташлаб, кўйлакчан ҳолла улар олдига ўтириб, бундай деди: “Бунинг сабаби нима эди? Аловуддин мендан нима истайди? Унинг олдидиа менинг айбим нима? У нега менинг қонимни тўкмоқчи? Мен Султон олдидиа қандай мамлук бўлсан, унинг олдидиа худди шундай мамлукман. Мана, мен сизларнинг ёnlарингиздаман, нима истасангизлар қилинглар”. У сўз айтиш ва мутеликда ҳам белгиланган одоб доирасидан чиқиб кетди.

Султон бу ҳақда эшитганидан кейин жаҳли чиқди ва улар олдида ўзини наст олгани учун вазирига қаттиқ танбех берди. У Шарафулмулк олдига хос мулозимларини юборди ва унинг ўша бешта фидойини тутиб чодири олдида гулхан қилиб ёқишини буюрди. У бу иш учун кечирим сўрашга, уни қилмасликка ҳаракат қилиб кўрди. Аммо уни бу ишни истагига зид ҳолда қилишга мажбур этишди.

Унинг чодири олдида катта гулхан тайёрланди. Оловга бешта фидойи ташланди. Улар: “Бизлар улуғ ҳазратимиз Аловуддин учун қурбонмиз!” дея қичқира-қичқира ёниб кул бўлдилар. Уларнинг кулларини ел совуриб кетди.

Султон човушлар бошлиғи Камолиддиннисмоилийларни ишга олгани учун қатл қилдирди. Чунки эҳтиёткорлик ва ҳавфсизликни таъминлаш, биринчи навбатда унинг иши эди.

Султон бу ердан Ироқقا кетди. Шарафулмулк Озарбайжонда қолди. Мен ҳам у билан бирга эдим. Биз Бардада пайтимида Шарафулмулк ҳузурига Аламутдан Салоҳиддин лақабли одам элти бўлиб келди. У вазирга бундай деди: “Сен бешта фидойини ёқиб юбординг, агар тирик қолишни истасанг, уларнинг ҳар қайсиси учун ўн минг динор товон пули тўлайсанг!”. Шарафулмулкни бу гапдан кейин кўркув босди, қўли шалвираб, кўнглига ҳеч нарса сифмай қолди. У бу элчига бошқа элчиларга нисбатан ҳам кўпроқ ҳурмат-иззатда бўлди, унга сахийлик кўрсатди. Унинг топшириғига кўра, мен девоннинг янги фармонини ёздим. Фармонга кўра, исмоилийлар Дамғон учун эндиликда йилига ўттиз минг динор эмас, ўн минг динор берадиган бўлдилар. Шарафулмулк ушбу фармона гўз мухрини босди.

¹ Тун — Кўҳистондаги шаҳар ва жой номи.

Қоин — Кўҳистондаги шаҳар ва жой номи. Хуросон жанубидаги тоғли вилоят.

² Урхоннинг исмоилийлар томонидан ўлдирилиши баёни албан тарихчиси Киракос Гандзакеци ва Ибн Холдун асарларида ҳам учрайди.

³ Бадриддин Аҳмаднинг элчилик фаолияти ҳақида 92-бобда ҳам берилган.

⁴ Дамғон — Техроннинг шарқ томонидаги шаҳар.

**СУЛТОННИНГ ОЛТИ ЙОЗ ЙИГИРМА ТҮРТИНЧИ ЙИЛ
(1226-1227 ЙИЛЛАР) ИРОҚҚА ЮРИШИ ВА УНИНГ ТОТОРЛАР
БИЛАН ИСФАХОН ОСТОНАЛАРИДА ЮЗМА-ЙОЗ
КЕЛИШИ БАЁНИ¹**

Султон Саробга келганидан кейин бу ерда бешта фидойи оловда ёндирилди. Бу ҳақда биз юқорида айтган эдик. Шундан сўнг у Табризга йўл олди ва бу ерда бир неча кун турди. Бу пайт Хурросондан тоторлар Жайхун дарёсидан кечиб ўтишга тайёргарлик кўраётгани ҳақида хабар қилди. Султон шу заҳотиёқ енгини шимариб, ўёқ-буёғини тартибга солиб юришга шайланди. У бу пайтда энг ақыли ва тўғри йўл Исфаҳонга бориш деб ўйлади. Чунки, бу ерда ҳарбий аслаҳалар заҳиралари кўп ва шаҳар куролланган одамлар билан тўла эди. У Исфаҳонга етиб келгач тўрт минг отлиқ лашкарларни қўшин илғори сифатида Рай ва Дамғонга юборди. Улардан ҳар куни олинадиган хабарга кўра қўшин илғори чекинаётгани, тоторлар эса олға босиб келаётгани маълум бўларди. Ниҳоят, қўшин илғори ҳеч бир зиён кўрмаган ҳолда Султон ёнига қайтиб келди. Султонга хабар қилишларича, улар билан бирга тоторларнинг Бойжу Нўён, Тойнал нўён, Наку нўён, Ҳасан Тўғон нўён, Ётмас нўён, Ясовур нўён ва бошқа шу каби ёвуз, баттол, ваҳший нўёnlари бошчилигидаги кўплаб лаънати лашкарлари ҳам келган эди².

Тоторлар Исфаҳоннинг шарқида, ярим кунлик йўлда, ас-Син деб номланган қишлоқда тўхтадилар³. Мунажжимлар Султонга уч кунгача ҳужум қиласликни, фақат тўртични жангга киришни маслаҳат бердилар. Султон бу маслаҳатга мувофиқ белгиланган кун ва вақтни кутди. Бу ҳам Султоннинг ҳар қандай мураккаб вазиятларда ва оғир дақиқаларда сабр-матонатлилик, қатъият билан ҳаракат қилғанлигини кўрсатарди. Душманнинг яқинлашганини эшигдан ва бундан хавотирга тушган амирлар, хонлардан бир гуруҳи унинг ҳузурига келди. Улар анча пайтгача эшик олдида кутиб ўтирилар. Кейин уларга киришга рухсат берилди. Сўнг улар унинг олдида тик турдилар. Чунки Султон уларни ҳовлида кутиб олди. Жалолиддин анча пайтгача тоторларга алоқаси йўқ ишлар

қақида гапирди. Бу билан у тоторларни менсимаётганилигини кўрсатишга ҳаракат қылди. Уларнинг келиши жиддий ва кўркув уйғотадиган янгилик эмаслигини англатди. Бу билан йиғилганларга далда берди, уларнинг кўнглини кўтарди. У улар билан бошқа ишлар хусусида ҳам узоқ сұхбатлашди. Кейин уларни ўтиришга таклиф этди ва белгиланган ҳарбий тартиблар тўғрисида маслаҳатлашди. Маслаҳат охирида у уларга ҳар қандай оғир шароитда ҳам қочмаслик, бундай шармандали ҳолдан кўра ўлимни ағзал кўриш ҳақида қасамёд қабул қиёдирди. Унинг ўзи ҳам улар олдида то охирги томчи қони қолгунча курашишга онт ичди. У буни бироннинг тазиикисиз, ўз ҳоҳиши бўйича амалга оширди. У улар учун жанг кунини белгилади. Кейин Исфаҳон қозиси ва шаҳар раисини чақириди, уларга пиёда лашкарлар кийим-бошларини, куролларини кўрикдан ўтказиши буюрди⁴. Исфаҳоннинг оддий ҳалқини кийиниш жабҳасида бошқа шаҳарлар аҳолиси билан қиёслаб бўлмасди. Чунки улар шаҳар ташқарисидан қараганда ҳамиша байрам пайтидагидек ва Янги йил лиbosларида ёки ҳарбий кийимларда кўзга ташланарди⁵. Чиройли кийинишарди.

Лаънати тоторлар Султоннинг ҳужум қилмаётганини кўргач, у ниҳоятда кўрди ва саросимага тушди, шу сабабли жанг вақтини орқага сурмоқда, деб ўйлашди. Улар кўшинлари орасидан икки мингта отлиқ лашкарларни танлаб лурларнинг төғларига талон-тарож йўли билан озиқ-овқат олиб келишга жўнатди. Бу озиқ-овқатлар шаҳарни қамал қилган пайтимида керак бўлди, деб ўйлашди. Отлиқ лашкарлар төғнинг қоқ ўртасига кўтарилидилар. Султон эса ўз кўшини сафидан уч мингта яқин отлиқ лашкарларни улар олдини тўсиш учун юборади. Султон лашкарлари тоторлар устига бирдан, тезкорликда чақмоқдек, куч-кудратда момоқалдироқ зарби янглиғ ёпириладилар. Тоторлар мағлуб этилади.

Улар шундан кейин орқага қайтадилар ва ўзлари билан тўрт юзга яқин тотор асиirlарини олиб келадилар. Асиirlар орасида амирлар ҳам, оддий лашкарлар ҳам бор эди. Султон, ўз навбатида, улардан бир қанчасини шаҳар қозиси ва раисига топшириди. Шаҳар аҳли уларни кўчаларда уриб ўлдирилар. Қолганларини эса лашкарлар са-

рой ҳовлисида бошларини таналаридан жудо қилдилар. Кейин уларнинг ўликларини шаҳар ташқарисига чиқариб ташладилар. Уларни оч итлар ва бургутлар едилар.

Султон жанг учун белгиланган кунда кўшинини сафлантириди. Унинг кўшин маркази зулматли тундай қоп-қора эди. Ўнг қаноти тоғдан тушаёттан сув каби шиддатли, чап қаноти эса кулранг отлар мингган лашкарлар билан тўлиботшанди. Қилич ва найзаларга тушган күёш нури ярақлаб кўзга ташланарди. Иккала томон ҳам бир-бирига юзмаз келган пайтда Фиёсиддин Султон кўшинлари сафини тарк этди. У ўзи билан бирга лашкарларини ва Жаҳон Паҳлавон Элчи бошчилигидаги кўшиннинг бир қисмини ҳам олиб кетди⁶. У Султон ҳаддан ташқари банд эканлигидан, унинг кетидан кувиш ва таъқиб этиш имконияти йўқлигидан фойдаланиб қочди. Фиёсиддин ўзининг ушбу хатти-ҳаракати билан икки дунёда (бу ва нариги дунёда) ҳимояланишдан маҳрум бўлди, икки боғдан (замин ва жаннат боғларидан) кувилди. Буларнинг ҳаммаси ўша пайтда улар ўртасида юзага келган низо сабабли рўй берди. Унинг сабаблари тўғрисида эса кейинроқ тўхталамиз.

Султон бунга эътибор ҳам бермади. Чунки у қартайиб, куч-кувватдан қолган отлар билан эмас, зотдор, асов, нортуялар билан, сафни бузиб қочадиган мадорсиз турналар билан эмас, ҳар қандай ўлжага ташланишга шайтурган бургутлар билан овора эди.

Тоторлар Султон кўшинларига қарама-қарши тарзда бўлтакларга бўлинган ва бирининг кетидан иккинчиси жойлашган ҳолда, ўзига хос тартибда ўрин олдилар. Султон уларни кўздан кечирганидан кейин пиёда лашкарларини Исфаҳонга қайтаришга буйруқ берди. У ўз лашкарларининг кўп эканлигидан, душман кўшинларининг кам ва кучсиз эканлигидан ҳайратта тушди. У ўз кўшинларини улар кучларидан бир неча баравар кўп деб ҳисоблади. Жалолиддин кўшинларининг ўнг қаноти ва чап қаноти бир-бирларидан узоқда жойлашганди, шу учун икки қанот бир-бирининг аҳволидан бехабар эди. Жанг майдонида лашкарларнинг кўплигидан ҳайвонларнинг юришига жой қолмаганди. Кўкдаги кушлар ҳам самони тутган шовқин-сурондан орқаларига қайтдилар. Ер одамлар кўплигидан ва лашкарларнинг залворли қадамларидан ларзага келарди.

Иккала қўшин ҳам майдонда ярақлаган юлдузлар, қайрилган гажаклар мисол жанг қилдилар. Кун охирлаганда Султон қўшинининг ўнг қаноти тоторлар қўшинининг чап қанотига ҳужум уюштириди ва уларни қочишга мажбур қилди. Уларга тўхтаб, нафас ростлашга имкон бермади. Султон лашкарлари уларни Кошон чегараларига қадар таъқиб этиб бориб, кўлга тушганини ўлдирилар. Султон қўшинларининг ўнг қанотидагилар чап қанот лашкарлар ҳам ҳужумга ўтиб, душманни қочирди, деб ўйлагандилар.

Султон душманнинг чап қанот қўшинининг қочганини кўрди. Куёш ётогига бош кўйиб, тун пардасини ёпиш арафасида у жанг майдонидаги дарёning тик қирғоғидағи қуляй жойлардан бирига ўтириди. Унинг ёнига Йилон Буғу келди⁷. У койинган ҳолда бундай деди: “Биз кўпдан бери бу лаънатилар бошита мана шундай қора кун тушишини истар эдик. Юракларимизда уларга нисбатан туғилган нафрат ва газаб алангаси мана шундай тарзда босилишини хоҳлардик. Вақт бизнинг истакларимиз ва хоҳишлишимизни ушалтириш учун имкон берди. Аммо бизнинг ўч олиш борасидаги чанқоқликларимиз қонмай қоладиганга ўхшайди. Тоторлар бу тун қўйнида қочиб, икки кунлик йўлни босиб ўтишлари аниқ. Бизлар эса уларни кўлдан чиқариб юборганимизга афсусланамиз. Аммо ўшанда бу афсусларимиз учун кеч бўлади. Шу учун уларни таъқиб этишимиз ва қириб ташлашимиз керак эмасми? Улар бизларни қандай азоб-уқубатларга соглан бўлса, бизлар ҳам уларни ана шундай кўйларга дучор қиласиз. Ана шунда кўнгилларимиз ором топади”.

Султон шу заҳотиёқ отига минди. Тоторлар жанг бошлинишида Султон қўшини кўп эканлиги ва иш жиддийлигини билганидан кейин алпқомат баҳодир лашкарлари ва амирларидан ажратиб овлоқ жойга яшириб кўйгандилар.

Жалолиддин лашкарлари билан дарёдан кечиб ўтиб, тик қирғоқдан кўтарилиганда қуёш ётогига бош қўйиб бўлганди. Шу пайт уларнинг (тоторларнинг) пистирмадаги лашкарлари овлоқ жойдан чиқиб Султон қўшинининг чап қанотига ҳужум қилди. Улар кутурган олов янглиғ бостириб келарди. Хоразмшоҳнинг чап қанот қўшинини сиқиб олиб келиб, марказ қўшин устига итқитиб

ташлади. Улар бор-йўғи бир марта зарба берди, лекин шу зарбанинг ўзиёқ Султон қўшинининг оёгини ердан узди, гўё бадандан томир узилгандай бўлди. Байроқлар ва белгиларни кўтариб олганлар ҳам яраландилар. Қиличлар зарбидан қонлар тинимсиз оқди. Қонлар фавворасида ким нима қилаётгани ҳам билинмай қолди. Аммо чап қанот хонлари, амирлари, лашкарбошлари қаттиқ турдилар. Улар то шаҳидлик қонига булғангандаригача ичган қасамларига содик қолдилар.

Улардан учтаси: Куч Тегин Паҳлавон, Ҳожиб ал-хасс Хонберди, амир-охур Ўдоқ тирик қолди⁸. Аҳаш Малик бадани ёй ўқдаридан илма-тешик бўлиб кетиб йиқилгунча курашди⁹. У жиҳод йўлида шаҳид бўлди. Алпхон, Ортиқхон, Куч Буғаҳон, Юлуқхон, Манглибек Тоий кабилар ҳам шаҳидлик кафанини кийдилар¹⁰. Уруш фиддираги шеркелбат паҳлавонларни ҳам, кўрқоқ, ожиз кимсаларни ҳам бирдай янчиб ўтди.

Сафлар бир-бирига қоришиб кетди. Қиличлар зарбидан кўллар елкалардан, бошлар бўйинлардан ажралди. Найзалар кувонч ва ташвишлар маскани бўлган юракларга санчилди.

Ёзл ҳукмдори Алоуддавла Отахон асир олини¹¹. Уни имонидан қайттанлардан бири тутиб олди. Ҳукмдор ёнида бор пулларнинг ҳаммасини унга берди. Шунда у уни кўйиб юборди. Тунда эса у кудуққа тушиб кетиб ҳалок бўлди.

Ана шунда лашкарлар Ганжада исмоилийлар томонидан ўлдирилган Урхон Султон қўшинининг чап қанотида қандай кучга эга бўлганлигини англалилар. Бошқа ҳар қандай хон, ҳанча вақт яшамасин, Султон қўшинида у каби юксак мавқега ва олий эҳтиромга сазовор бўлмаслиги аниқ эди. Султон қўшинларининг чап қанотини бошқариб келган Урхон бутун ҳаёти давомида фақат ғалабага эришиб келганди.

Аҳвол шундай эди! Султон марказдан ўрин эгаллади. Аммо бу ерда ҳам тартиб бузилган, түғ ҳимоячилардан узоқлашган, душман уларни ҳар тарафдан ўраб олганди. Қамал доираси тобора қисқариб игнанинг тешиги мисол кичрайиб борардӣ. Султон ёнида унинг ўн тўртта шахсий мамлуклари қолди. Шу пайт у орқасига қараб ўз аълам-

бардорининг қочиб кетаётганини кўрди. Султон унинг орқасидан етиб олиб, найза санчиб ўлдирди. Байроқни ўз кўлига олди. Кейин тоторлар сафига хужум қилиб, ўзи ва сафдошлари учун йўл очди. У қамални ёриб чиқиб кетди.

Лаънати Тойнал нўён Султоннинг бу ҳаракатларини кузатар экан, унинг мардлигига тан берди, қаҳрамонлигини улуғлаб, орқасидан қўлини бигиз қилиб кўрсатиб бундай деди: “Сен қаерда бўлма, ҳар қандай шароитда ҳам қутулиб кета оласан! Ҳақиқатан, сен ўз даврингнинг улуғ қаҳрамонисан, тенгдошларингнинг буюк йўлбошлисисан!” Унинг бу гапларини кейинчалик Султон томонга қочиб ўтган тотор амирларидан бири айтиб берди.

Кейин Султон қўшинларининг марказ ва чап қанот лашкарлари турли вилоятларга, худди чўпчаклар мисол ёилиб кетди. Улардан бир қисми Форсга борди, бошқа бир бўлаги Кирмонга йўл олди, яна бир қисми эса Озарбайжон чегараларига қадар етди. Отсиз қолган ва уловидан айрилганилар эса Исфаҳонга қайтди.

Қўшиннинг ўнг қаноти икки кундан кейин Кошон томондан қайтиб келди. Улар қўшиннинг марказий қисми ҳам ғалаба қозонган, чап қанот лашкарлари эса Исфаҳонда бўлса керак, деб ўйлашганди. Ҳақиқий ахволдан хабар топгандаридан кейин улар ҳам турли томонларга турду. Бу ерда кўз кўриб, қулоқ эшитмаган гаройиб жанг бўлиб ўтганди: икки томон ҳам мағлубият аламини тотган, амирлар жонини жабборга бериб курашгандилар. Фолиб эса уруш ва ўлим эди. Ҳар иккала қўшиндан омон қолганилар кўркув туфайли бир-бирларидан қочиб, турли мамлакатлар, ҳар хил юртлардан паноҳ топгандилар. Бунақаси ҳали бўлманди.

Саккиз кун мобайнида Султондан бирор хабар бўлмади. Одамлар унинг соғ-омонилигини, қайтиб келиш-келмаслигини, акс ҳолда унинг ўрнига бирор одамни кўйиш-кўймасликни ҳам билишмади. Исфаҳон аҳолиси хоразмликларнинг бойликлари ва аёлларига кўз олайтира бошлади. Аммо қози уларга бу борада байрамгача сабр қилишни буюрди. Шунгача Султон тақдири аниқ бўлар деб умид қилди. Жанг олти юз йигирма бешинчи йил

рамазоннинг йигирма иккинчи кунида (1228 йил 25 августда) бўлиб ўтди¹².

Отабек Иған Тоисий жанг кунида касаллиги туфайли Исфаҳондан ташқарига чиқмаган эди¹³. Шаҳар қозиси ва яна бошқа кўплаб акобирлар ўзаро маслаҳатлашиб, агар байрамгача Султон ҳақида бирор хабар бўлмаса, хутбадан кейин уни (Иған Тоисийни) тахтга ўтказиш тўғрисида келишгандилар. Кўпчиллик одамлар уни ёқлаб чиқиб, давлатни бошқариш, раҳбарлик қилиш қобилиятига юқори баҳо бердилар.

Аммо шаҳар аҳли байрам куни намозга борганларида Султоннинг қайтиб келганини кўрдилар. У ҳам намозда қатнашди. Султоннинг қайтиб келишининг ўзи одамлар учун байрамга айланди. Ҳамма гўё дунёга қайта келгандай хурсанд эди.

Султон бу ерда бир неча кун турди. Бу орада унинг тарқалиб кетган қўшинларининг бир қисми қайтиб келди. У қўшинининг ўнг қанотидаги амирлардан бир нечтасини олий даражадаги унвонлар билан тақдирлади. Йигит Маликка — Утурхон, Текчориқ Хонкишига — Хоссҳон, Қойсункур Маликка — Сункурхон, Абу Бакр Маликка — Иномхон унвонларини берди¹⁴. Кейин қўл остидаги қўшин билан Шарққа — Рай томонга юрди. Бу билан у тоторларни янада ваҳимага туширмоқчи ва уларнинг қочишини тезлаштирмоқчи эди. У қўшинларидан бир қисмини Хурсоңга жўнатди. Оқибатда унинг қўшинларининг беҳисоблиги, куч-кудратининг ошиб-тошиб ётганлиги ҳақида миш-мишлар тарқалди.

Лекин, афсуски, улар ўйлаган ниятлар амалга ошмади. Улар булоқларга ишонган эди, булоқлар куриди, ёмғир кўп бўлиб сел келишини куттанди, кўк юзидан булутлар ариди-ю, ташналик қонмади. Ҳимоя деворларимиз мустаҳкам бўлади, деб умид қилишганди, лекин деворлар ҳам кулади. Йўллар равон, очик бўлади деб ўйлашганди, бироқ унда ҳам тўсиқлар пайдо бўлди.

Кўз ёшлар юзларда жамланса эди,
Ким ёлғондан, кимнинг чиндан йиглагани аён бўларди.

Тоторлар тақдирига келсак, улар Исфаҳондан қўркув аралаш қочдилар. Гарчи улар жанг якунида майдонда қол-

дан, мусулмонларни бу майдондан қочирган бўлишса-да, Исфаҳондан мағлуб сифатида орқага қайтдилар, қочди-лар. “Магар лаънатга дучор бўлган ҳолларида улар қаерда топилсалар ушландилар ва ўлдириб ташландилар”.*

Кочганлардан деярли ҳеч ким кутилмади, улардан бир нечтаси Жайхундан кечиб ўта олди, холос.¹⁶

¹ Ибн ал-Асир бу воқеани 625 йил (1227—1228 йил)да бўлиб ўтди, деб ёзди.

² Ан-Насавий мўгул иўёларининг исмини юқорида келтирганимиз тарзида ёзди. Улар бошқа манбаларда, масалан, Минувийда Бойжу — Божи, Тойнал — Найнал, Наку — Наку, Етмас-Наймас, Ясовур — Басовур шаклида ҳам ёзилган.

³ Ас-Син — Исфаҳондан шарқ томонда 4 фарсах (30 километр) узокликда жойлашган қишлоқ.

⁴ Рашидиддиннинг маълумотига кўра, Жалолиддин Исфаҳонда қўл остига 100 мингдан ортиқ отлиқ ва пиёда лашкарларни тўплаган эди.

⁵ Лашкарларнинг кийимлари ҳам ҳар хил бўлган. Лекин улар совутлари остидан пахталик кийиб олганлар.

⁶ Ибн ал-Асирнинг ёзишича, Фиёсиддин Қўшинларини қайдидир томонга олиб кетган, Рашидиддин маълумотига кўра, у Луристон томонга қочган.

⁷ Йилон Бугу (“Илон мўйлови”) — Жалолиддиннинг амирларидан бири. Хоразмшоҳ ўлимидан кейин сulton Аловуддин Қайқубод I хизматига киради.

⁸ Куч Тегин Паҳлавон 1221 йилда мўгулларга қарши Марв ҳимоясига бошчилик қўлган амирлардан бири.

Ҳожиб Ҳонберди ҳам кейинчалик Қайқубод I хизматига кирган амирлардан.

Амир-охур Ўдоқ ҳақида 33-бобга, 42-, 73- бобларга қаранг.

⁹ Аҳаш Малик — Сulton Жалолиддиннинг тоғаваччаси.

¹⁰ Куч Буғаҳон ҳақида 32-бобга қаранг.

Юлуқхон номи баъзи манбаларда Кувлукхон, Турлуқхон тарзида ҳам берилган.

¹¹ Отабек Отахон Аловуддавла иби Тўғоншоҳ, Рашидиддин маълумотига кўра, ушбу жангда ҳалок бўлади.

¹² Жалолиддиннинг мўгуллар билан Исфаҳон остоналаридаги жанг 624 йил рамазонига тўғри келади. Бу ҳақда Жувайнӣ, Рашидиддин ва бошқалар ҳам маълумот беради.

¹³ Отабек Иған Тоисий ҳақида 33-, 45-, 48-бобларга қаранг.

¹⁴ Аввал амир унвони, кейин малик, ундан кейин хон унвони берилган. Жалолиддин жанг куни қўрқиб исфаҳондан чиқмаган амirlар, маликлар, хонлар ва бошқаларга аёллар кийимини кийдириб шаҳар кўчаларидан олиб юриши буюрган.

¹⁵ Ал-Мутанаббийнинг Адуд ад-Давла Фан Хусровга (949—938 йиллар) багишланган марсиясидан.

¹⁶ Ибн ал-Асирнинг маълумотига кўра, Чингизхоннинг ўғли мўғул кўшинларининг Исфаҳон яқинида мағлуб бўлганини эшиттанидан кейин Жалолиддинга мактуб ёзиб, “Бу кўшиннинг бизга њеч қандай алоқаси йўқ эди, биз уларни ўз сафимизда қувиб юборгандик”, дейди.

62-БОБ

СУЛТОН БИЛАН УКАСИ ФИЁСИДДИН ПИРШОҲ ЎРТАСИДАГИ БЎЛИБ ЎТГАН НИЗОЛАР ҲАМДА УНИНГ СУЛТОН ҲУЗУРИДАН КЕТГАНДАН КЕЙИНГИ ТАҚДИРИ БАЁНИ

Биз юқорида Нусратиддин Муҳаммад ибн ал-Ҳасан ибн Ҳурмил ҳақида, унинг Ҳиндистонда пайтида Кубача ҳузуридан Султон хизматига келгани тўғрисида айтиб ўтган эдик¹. Унинг отаси Фурнинг таниқли амirlаридан бири бўлиб, Ҳиротда ҳукмдорлик қилганди. Фурда Сом авлодларининг шоҳлик таянчларига птур етиб, улуғ Султон Аловуддин Муҳаммаднинг ҳукмдорлиги кучая борди. Шиҳобиддин ал-Ғурӣ мамлакатида ва унинг вилоятларида Султон туғлари ҳилпирай бошлагач, у Ҳоразмшоҳ ҳузурига ўзи бош эгиб борди. Султон унинг ўз хоҳиши билан бош эгиб келганини юксак баҳолади, уни Ҳирот ҳукмдорлигига қолдирди. Аммо орадан анча фурсат ўтгач ал-Ҳасан ибн Ҳурмил кўнглида Султонга нисбатан душманлик пайдо бўлди. (Бу душманликнинг сабабларини бирма-бир ҳикоя қилиш ниятимиз йўқ).

Шундай қилиб, у Ҳиротда қўзғолон кўтарди. Султон унга қарши Ҳиротни қамал қилиш учун Низомулмулк Но-сириддин Муҳаммад ибн Солиҳни, Ҳуросон шиҳнаси Қулихонни, Кирмон ҳукмдори, малик Муаййид ал-Мулк Қавомиддинни, Нишопур вилоятидаги Жон ва Баҳарз шаҳарлари муқтаси Иzzиддин Жилдоқни юборди².

Улар Ҳиротни ўн бир ой қамал қилди. Уч ойлик қамалдан кейин ал-Ҳасан ибн Ҳурмил Низомулмулкдан омон-

ник олиб, улар ҳузурига келди. Аммо қаҳри қаттиқ, бадниятли, бузук чол Кулихон унга нисбатан ёвузлик қилиди: Низомулмуркка қасдма-қасд уни ўлдиртириди.

Ал-Ҳасан ибн Хурмилнинг вазири ҳожа ас-Соҳиб ўз хукмдорини алдов йўли билан қўлга тушириб, қатл қиласаларини кўргач, яқинлари билан шаҳар ҳимоясини кучайтириди ва уни яна саккиз ой давомида қўлларида ушлаб турдилар. Жанглар кучайди, лашкарлар кўплаб курбон берилди, маблағлар тугади. Шаҳарни босиб олиш учун барча айёриклар ишга солинди, аммо ҳамма ҳаракатлар беҳуда кетди. Шундан кейин лашкарлар ўзларининг оғир аҳволи, Кулихоннинг қилаётган ёвузиклари натижасида юзага келаётган қийинчиликлар тўғрисида Султонга арз қилдилар. Кулихон Султоннинг ўзига нисбатан муносабати ўзгарганини, бунинг натижасида бошига оғир ташвишлар, кулфатлар тушишини англади. Шу сабабли у ўзининг Хуросондаги шихналиги, Нишопурдаги мулкидан ҳам воз кечиб, Султон кўзи тушмайдиган жойларга яшириниб, жонини омон сақлаб қолиш пайида бўлди. Кулихон туфайли Аловуддин Муҳаммад Хоразмдан чиқиб, Хуросон тарафга йўл олди. Ўз қўшиниларини у (Кулихон) бориши мумкин бўлган жойларга жўнатди. Уни тутиб олишди ва ўлдиришди. Бу ҳақда Ибн ал-Асир “ал-Комил” асарида батафсил маълумот беради³.

Султон Аловуддин Муҳаммад у билан боғлиқ бўлган ташвишни бартараф этганидан кейин Ҳиротта қараб йўл олди. У Ҳирот қамалини қилич кучи билан бартараф этиш кераклини, акс ҳолда ҳар қандай хатти-ҳаракат ўзининг султонлик мавқеига соя ташлашини билар эди. Шу сабабли Ҳиротта келиб, унга ҳужум бошлади, бу ерга келишининг учинчи куни шаҳарни босиб олди. У ас-Соҳибини ёнг шармандали равища қатл қилдирди.

Нусратиддин Муҳаммад ибн ал-Ҳасан ибн Хурмил эса Ҳиндистонга йўл олди ва у ерда Кубача хизматида қолди. Жалолиддин Ҳиндистонда пайтида Кубачани мағлуб қилгунига қадар у унинг хизматида бўлди. Кубачанинг мағлуб бўлиши ҳақида юқорида баён қилган эдик⁴.

У Жалолиддиннинг ўзига ғамхўрлик қилишига ишонди. Шу учун унга хизмат қилиш мақсадида саройига ташриф буюриб, оёғи остида ер ўпди. У ниҳоятда ақли, ил-

тифотли, ҳазилкаш, яхши сұхбатдош, ҳар бир сүзга ўзига яраша жавоб топиб бера оладиган одам эди. Султонға сидқидилдан хизмат қилди, унинг хурматини қозонди. Шундан кейин Султон уни ҳамтвоқ қилиб олди, хурсандчилик анжуманларида марҳаматини аямади. У Нусратиддинни Исфаҳон шихнаси этиб тайинлади ва бу ердан каттагина мулкни иқто қилиб берди.

Султон тоторлар билан жанг қилиш учун Исфаҳонға келганида бир воқеа бўлиб ўтди. Фиёсiddин сархангларидан бир гуруҳи унинг аҳволи оғирлиги сабабли уни тарк этадилар. Ибн Хурмил бу сархангларни хизматта олиб, қанотидан жой беради.

Бир куни кечқурун Султон ҳузуридаги зиёфат пайтида Фиёсiddин шароб таъсиридан боши айланиб, маст бўлгач ундан “Менинг ғуломларимни саройимга қайтариб юборасанми?” деб сўрайди. Бу саволга Нусратиддин кўпоплик билан “Ғуломлар ким қорнини тўйдирса, ўшанга хизмат қиласи. Улар очликка чидай олмайдилар. Мана бу мисраларни:

“Сен кўзга чалинмайсан!” деди митти юлдуз Куёшга.
“Нурларингни умри қисқа!” деди тонгта зим-зиё зулмат, —

ким айтган бўлса, ҳақиқатни ёзибди”, дейди⁵.

Бундан Фиёсiddиннинг жаҳли чиқади. У газаб билан ундан айтган гапларини такрорлашни талаб этади. Султон укасининг ғазабланганини кўргач, Нусратиддинга: “Ҳамдий, тур ўрнингдан, бу ердан кет, чунки сен мастерсан”, дейди. Фурлар тилида “ҳамдия” деб бирорларга чоҳ қазувчига айтилади.

Нусратиддин саройдан чиқади. Ундан кейин Фиёсiddин чиқиб, унинг уйига йўл олади. У унинг ёнига кирмоқчи бўлади, лекин унга эшикни очишмайди. Шунда у унинг ёнига томдан ошиб тушади ва бикинига пичоқ уради. Бир неча кундан кейин Нусратиддин бу дунё билан хайрлашади⁶.

Султон унинг ўлимидан замга ботади, одатдагидан кўпроқ қайгуради. Унинг қайгуси боласидан ажralган ота-онанинг ёки ота-онасидан ажralган фарзандларнинг қайгусидай оғир кечади. Султон Фиёсiddинга ғазаб билан, қилган ишларини эслатиб, бундай мазмунда хат ёзади:

Сен менга дўстингга дўст, душманингга душман бўлан, деб қасам ичган эдинг. Сен ўлдириган одам менга бўстдан ҳам ортиқроқ, яқинларим ичида энг яқини эди. Мен у билан учрашганимда ғамдан форир бўлардим, у келган жойдан кулфат чекинарди. Сен уни ўлдириб энг беттоЛ қотилга айландинг ва қасамингни буздинг. Мен ҳам эндиликда сенга берган қасамимдан кечаман. Лекин шунга қарамай, бу борада сен ҳақингда ҳукм одил қонунлар асосида чиқарилишини истайман". Кейин у укасинг қотиллиги ҳақидаги ишни қози ҳукмига ҳавола этди: уни жазолаш ёки кечириш қонун асосида амалга оширилишини талаб қилди.

Фиёсиддин бу мактубни ўқигач, кўз олди қоронбулашибди, ҳукм қанчалар бешафқат бўлишини яққол англайди.

Султон шундан кейин Нусратиддиннинг майитини Фиёсиддин эшиги олдидан икки бор олиб ўтишни, шу билан уни янада обруслантиришни буюрди. Фиёсиддин бундан сўнг ўлимга маҳкум этилган одамга ўхшаб қолди. У даҳшатли хаёллар туфайли ухлай олмас, уйғонганда ҳам вахима босарди. Бу ҳол Султон тоторлар билан Исфаҳон остоналарида юзма-юз келгунга қадар давом этди. У (Фиёсиддин) Султоннинг ниҳоятда бандлигини кўриб, ўз ҳаётини асраб қолиши йўлини тутди. Лекин бу билан ҳам ўз ҳаётини асраб қололмади. Унинг тақдири, қуйидаги мисраларда акс этган инсон тақдирига ҳамоҳанг эди:

Мен Манъ ва унинг ҳалокатидан қочдим,
Ал-Йазиддан Абу Воҳидни яхшироқ деб билдим.
Афсус, щошибман, щошқалоқлик оқибати шу бўлдики,
Қора булатдан қочиб ёмғир-дўлга тутилдим.

Фиёсиддин бу ердан Хузистонга қараб йўл олди. У вазири Карим аш-Шарқни Халифа девонига жўнатди. У орқали ўзининг акаси ёнидан кетганлигини, бу пайтлари Ироқда ҳукмдор бўлиб турган пайтда Олий девонига қарашли мулклар эгалари билан қўшничилик қилганини эслатди. У ўшанда яхши қўшничилик муносабатда бўлганини, таъқиқланган ишларни қилмаганлигини, ўзаро ҳурматиззатни сақлаганини билдириди. Акаси Ҳиндистондан қайтиб келиб, одатдаги аҳвол барҳам топганлигини, унинг халифалик ерларига ҳужумлар уюштиргани, ҳамма нар-

сани чалкаштириб юборганини айтди. Агар улар ўзидан тортиб олинган ерларни қайтариб олишда, мамлакатни қайтадан қўлгә киритишда ёрдам берсалар, уларга энг содик қул каби хизмат қилишга тайёр эканлигини етказди. Унинг чопари хурсанд бўлиб қайтиб келди. У орқали Фиёсiddинга кўплаб яхши ваъдалар берилган ва сахийлик намуналари ҳам кўрсатилган эди. Чопар билан бирга ўттиз минг динор ҳам хайрия сифатида юборилганди⁸.

Тоторларнинг Исфаҳондан қайтиб кеттани, Султоннинг қайтадан пайдо бўлгани хабарини эшигтгач, Фиёсиддин Хузистондан Аламутта қараб йўл олди. У кўркувдан ўзини қўярга жой тополмас, паноҳига олиб ҳимоя қилиши мумкин бўлган одам изларди. У Аламутда ҳам кўп турмади. Султон жангдан кейин тоторларни таъқиб қилиб Райга келгунга қадар бу ерда турди. Султон бу ердан туриб ўз қўшинларини Рай ва Абхаз чегараларига қадар юборди. Натижада Аламут ҳамма томондан Султон лашкарлари билан ўралиб қолди. Фиёсиддин бу аҳволда бирор томонидан нафас йўллари буғилган одамга ўхшарди.

Кейин Аловуддин (Мухаммад) Султон хузурига элчи юбориб, Фиёсиддинга омонлик беришни, уни яна қайтадан ўз хизматига олишни илтимос қилди. Султон бу таклифга кўнди, Фиёсиддинга омонлик ваъда берди, ўз сўзининг ростлиги учун қасам ичди. Аламут элчиси ёнига мулклар мушрифи (мушриф ал-мамалик) Тожулмулк Нажибиддин Ёкуб ал-Хоразмий ва таштдор Жалолиддин Фарроҳни элчи сифатида қўшиб юборди⁹. Улар Фиёсиддинни Султон хизматига қайтариши ва Аловуддинга ўртадаги яраш муносабатини амалга оширишдаги хизматлари учун миннатдорчилик билдириши керак эди¹⁰. Султон илгари ҳам Аловуддинга бу масалада ал-жаноб аш-шариф (марҳаматли жаноб) дея мурожаат қилганди. Эндиликда унга ал-мажлис аш-шараф дея янада улугворроқ унвон билан мурожаат қилдики, бу ҳам укасини ўз ёнига қайтаришдек муҳим ишни тезроқ амалга оширишда рагбат, яъни нўхтасини узиб қочган отни эгасига топшириши учун илтифот эди.

Элчилар Аловуддин хузурига келганда Фиёсиддин Султон ёнига қайтиш фикридан воз кечди. У улар ёнига қайтиб борганидан кўра, мамлакатлар бўйлаб мақсадсиз тарз-

да бўлса ҳам кезиб юрганим хавфсизроқ бўлади, бундан ўзим ҳам афсус чекмайман, деб фикр билдириди. У Аламут ҳукмдори Аловуддиндан ўзи ва юкларини ташиб кетиш учун от топиб беришда ёрдам сўради. Аловуддин унга уч юзтами, тўрт юзта бошми от ажратиб берди.

Улар Аламутдан ташқарига чиққанда Султоннинг бу шаҳар яқинида жойлашган силахдор ат-Таваший Жаба бошчилигидаги қўшинлари ҳужум қилди ва уларни Ҳамадон чегараларига қадар таъқиб этди. Бу қўшин одамлари уни қўлга олишига оз қолганди. Лекин Фиёсiddиннинг жонига унинг ҳузуридаги Жаҳон Паҳлавон Элчи бошчилигидаги лашкарлар аро кирди. Улар Фиёсiddин ва унинг одамларини, юк араваларини гоҳ ўнг, гоҳ чап томондан химоя қилди, кейин таъқиб қилувчиларга ҳужум уюштириб, орқага итқитиб ташлади. Таъқиб этувчилардан баъзилари асир ҳам олинди. Фиёсiddин қочиб Кирмонга, ноиби Ҳожиб Бароқ томон йўл олди. У собиқ ноибим садоқатини намоён қиласи деган умид билан унинг ҳузурига борди.

Бароқнинг дастлабки қабиқ ишларидан бири шу бўлдики, у Фиёсiddиннинг онасига уйланди. У бу ишни она ва боланинг қаршилигига қарамасдан амалга ошириди. Кейин, орадан бир қанча вақт ўтганидан кейин, уларни ўзига сунқасд уюштиришда айблаб обрўсизлантириди. Улардан ўч олишга киришди. Бароқ Фиёсiddиннинг онасини, у билан бирга вазир Карим аш-Шарқни, Жаҳон Паҳлавон Элчини қатл қилирди. Фиёсiddиннинг ўзини эса қалъалардан бирига қаматтириди¹¹.

Унинг ҳәётининг охирги кунлари ҳақида турли ҳикоялар тўқилган: баъзи бировлар уни Бароқ бироз вақтдан кейин ўлдиртирган деса, айрим одамлар у асирликдан қутилган, дейишади. Айтишларича, уни қалъада яшовчи қандайдир аёллар раҳми келиб қутқаришга аҳд қилишибди. Улар узун арқон топиб, уни қалъадан пастга туширибдилар. У Исфахонга борганида гўё Султон буйруғи билан ўлдирилган эмиш.

Мен бу иккинчи ҳикоядаги гапларга ишонмайман. Чунки Бароқнинг Ироқ ноиби ҳожиб Шарафиддинга йўллаган, Султонга ўқиши учун берилган мактубини мен ҳам ўқиганман. Бу воқеа Султон Табризда пайтида рўй

берганди. У (Бароқ) бу хатида ўзининг аввалги хизматлари ва бошқа ишларини эслатар экан, бу ишлар қаторида Султоннинг ашаддий душмани, яъни Фиёсiddинни ўлдирганлиги тўғрисидаги гапни ҳам қўшиб ўтганди. Кейин у хатида яна бундай деб ёзганди: “Султон агар мени, кекса чолни қўл остиндаги мулкларга хукмдор қилиб тайинласа, қандай зарап кўриши мумкин?” Олти юз йигирма олтинчи йили (1228—1229 йиллар) мен Райга келдим. Бу ерда менга Фиёсiddиннинг бандиликдан кутулиб Исфахонга келгани, бу қувончли воқеа Ироқнинг ҳамма жойига тарқалгани ҳақида хабар беришди. Кейин, бир неча кундан сўнг туркман йигитлардан бири Фиёsiddin сингари кийиниб, унинг номида Исфахонга келганлиги тўғрисида миц-миш тарқалди. Вазир Шарафиддин бу ерда бўлмаганлиги сабабли одамлар унинг (Фиёsiddinнинг) юзини яхши билмаганлиги оқибатида туркман йигитни Фиёsiddin деб ўйлашибди. Вазир Исфахонга қайтиб келгунча унга Фиёsiddin деб хизмат ҳам қилишибди. Вазир келгач, унинг алдоқчи экани маълум бўлибди. У (вазир) ва (бировнинг номини ўзиники қилиб олган қаллобни) бозорма-бозор олиб юриб, калтаклашни буюрибди. Ажабланарлиси шундаки, Фиёsiddin тақдирини Исфахон аҳолиси учун номаълум бўлиб қолди. Негаки, у бу ерда султонлик қилди ва уч йил яшади. Тақдир инояти шу-да! Яна нима дейиш мумкин, ҳаммадан кўра Оллоҳ билгувчироқдир!

¹ Бу ҳақда 39-бобга қаранг.

² Фурлар мамлакати хукмдорларининг олтинчи вакили ҳисобланган Шихобиддин Муҳаммад ал-Фурӣ Баҳовуддин Сомнинг ўели эди.

Вазир Низомулмулк Носириддин Муҳаммад ибн Солиҳ ҳақида 11-, 12-, 13-, 18-бобларга қаранг.

Кирмон малиги Муаййид ал-Мулк Қавомиддин ҳақида 13-бобга қаранг. Ўша бобда Кирмон волийси деб берилган.

Иззиддин Жилдоқ ҳақида 12-бобда маълумотлар берилган.

³ Бу воқеалар Ибн ал-Асирнинг асарларининг IX жилди 292—294-бетларида батафсил ёритилган.

⁴ Бу ҳақда 39-бобда баён этилган.

⁵ Абул Аъло ал-Маъаррийнинг шеъри.

⁶ Жувайний асарида бу воқеаларни бошқачароқ тасвирлайди.

⁷ Маън ибн Абу Заид (Абул Валид ибн Матар) — араб лашкарбошиларидан бири. Халифа ал-Мансурнинг (754—755) Ҳуросондаги ноиби бўлган. 769 йилда харижийлар томонидан ўлдирилган.

⁸ Халифа аз-Зоҳир (1225—1226 йиллар) ўзидан олдин ўтган халифаларнинг фаолиятини давом эттиради. У Ҳоразмшоҳ Жалолиддинга қаршиман, деб фикр билдирган одамга ёрдам беради.

⁹ Таштдор Малик Жалолиддин Фарруҳнинг элчилик фаолияти ҳақида 85-бобга қаранг.

¹⁰ Бу воқеани Ибн ал-Асир бошқачароқ ёзди. Унинг ёзишича, Жалолиддин Фиёсиддиннинг Аламутга, исмоилийлар ҳузурига қочганини билганидан кейин укасини беришни талаб қилиб, акс ҳолда хужум қилиш ниятини билдириб нома ёзди. Исмоилийлар ҳукмдори Аловуддин Мұҳаммад III унга бундай деб жавоб мактуби юборади: “Уканг бизларнинг ёнимизда яширинган. У ҳам султон ва султоннинг ўғли. Бизлар уни сенга беролмаймиз. Уни ўз ёнимизда олиб қоламиз. Сенинг кўл остингдаги мулклардан бирига ҳам юбора олмаймиз. Биз сени унга меҳр-оқибатлироқ бўлишингни илтимос қиласиз ва бу хусусда бизга вайда бер”. Жалолиддин уларнинг талабига кўнади ва Ҳилотта кетади.

11. 500 та отлик лашкарлари билан Аламутдан чиқсан Фиёсиддин Кирмонга қараб йўл олади. У Бароқ Ҳожиб ёнида паноҳ топмоқчи бўлади. Бароқ уни чўлда, Абарқӯҳ яқинидаги лашкари билан кутиб олади. Кирмонга келишда йўлда Бароқ Фиёсиддиннинг онасига уйланиш ниятини билдиради. Уни “азиз ўғлим” дея атайди. Она ва боланинг бунга қаршилигига қарамай, уларнинг аҳволи оғирлигидан фойдаланиб онасига уйланади. Тўй бўлиб ўтди. Бир неча кундан кейин Бароқ уларни ўзига сунқасд ующтирганликда айблаб, Фиёсиддин ва онасини бўғиб ўлдиртиради. У Фиёсиддиннинг бошини кесдириб, куйидаги нома билан кўшиб Ўгадай қоонга юборади: “Сизнинг иккита душманингиз бор эди: Жалолиддин ва Фиёсиддин, улардан бирининг калласини сизга жўнатдим”. Бу воқеа 625 ёки 626 йилда бўлиб ўтди.

Ибн ал-Фуватийнинг ёзишича, Фиёсиддин онасининг эри томонидан — отасининг қули Ботиркуш томонидан бўғиб ўлдирилган. У бу воқеа 629 йилда бўлиб ўтган эди, деб ёзди. Унинг Фиёсиддин бу пайтда 20 ёнда эди деб ёзгани ҳам нотўғри.

**АЛАМУТ ҲУКМДОРИ АЛОВУДДИННИНГ СУЛТОНГА ДЎСТОНА
МУНОСАБАТ БИЛАН ФИДОЙИЛАР ЮБОРГАНИ БАЁНИ**

Султон ўзи Райда қолиб, қўшинлари Хуросонда то-торларни таъқиб этиб юрган пайтида Аламут ҳукмдори Аловуддиндан унинг ҳузурига элчи келди. Элчи ёнида тўқизта фидойи ҳам бор эди. Аловуддин бу фидойиларни Султонга яқинлашиш мақсадида юборган, Жалолиддин эса улардан ўз душманларини ўлдириш ва йўқ қилиш учун фойдаланиши мумкин эди.

Султон бу иш бўйича энг яқин дўстлари ва энг ақлли, қилни қирқ ёрадиган маслаҳатгўйлари билан фикрлашди. Уларнинг аксарияти фидойиларни қабул қилиш ва уларга душманларни кўрсатиш таклифини айтдилар. Фақат Ироқ ноиби Шарафиддин бу фикрларга қарши чиқиб, бундай деди: “Аловуддиннинг бу ишдан кузатган битта мақсади бор, у Султоннинг ниятларини билишни, бу билан унинг яширин сирларидан огоҳ бўлишни истайди. Аловуддин Султонга то унинг яширин ниятларидан огоҳ бўлгунча яқин бўлади. Кейин бу сирларни билгач, бизлар кўрсаттан душманлар билан тил топишиди. Шу учун улардан фойдаланмаслик керак”.

Султон фидойиларни Аловуддин ҳузурига қайтара туриб бундай деди: “Сенга ҳам, бошқаларга ҳам ким биз билан бирга, ким бизга қарши, ким дўсту ким душман эканлиги сир бўлмаса керак. Шундай экан, сен душманларимнинг йўқ бўлишини истаркансан, марҳамат, буни биз кўрсатиб бермасдан, ўзинг билиб амалга оширавер. Биз, агар бу иш Оллоҳга маъқул бўлмаса, бундай мажбуриятни сенинг зимманга юкламаймиз. Дарҳақиқат, бизнинг ўткир қиличларимиз, шерсифат баҳодирларимиз турганда Фидойиларнинг пичноқларига заруратимиз бўлмайди”.

Жалолиддин фидойиларни ўз юртига қайтаргандан кейин Фиёсиддин ҳеч қандай қийинчиликсиз, керакли микдордаги қурол-яроғ ва моллар билан таъминланган ҳолда Аламутни тезлик билан тарк этди. Султон Аловуддинни ваъда бўйича Фиёсиддинни ўзига топшириш ўрнига

кетишида ёрдам бергани учун ёмон кўриб қолди. Орала-рида душманлик пайдо бўлди.

Бу душманлик Султон мени олти юз йигирма олтинчи (1228—1229 йиллар) йилда Аловуддин хузурига юборгунга қадар давом этди. Менга берилган номада Аламут хукмдорининг айблари битилганди. Бу ҳақда, агар Оллоҳ имкон берса, ўрни билан тўхтalamиз¹.

¹ Ан-Насавийнинг исмоилийлар ҳукмдори Аловуддин Мұхаммад III хузурига элчи бўлиб бориши ҳақида 92-бобда ҳикоя қилинади.

64-БОБ

САФИАДДИН МУҲАММАД АТ-ТУГРОЙНИНГ ХУРОСОН ВАЗИРЛИГИДАН ЧЕТЛАШТИРИЛИШИ ВА УНИНГ ЎРНИГА ТОЖИДДИН МУҲАММАД АЛ-БАЛХИЙ АЛ-МУСТАВФИЙНИНГ ТАЙИНЛАНИШИ БАЁНИ

Сафиаддин Муҳаммад ат-Тугрои Туршиш рустагига қарашли Қолижард қишлоғи раисининг ўғли эди¹. Унинг энг яхши хусусиятларидан бири - чиройли дастхати бор эди. Бахтли тасодиф туфайли у мансаб пиллапояларидан юқорига кўтарилиганди. Омад кулиб боқиб, тақдир инояти билан кучи тўлиб-тошган пайтда Ҳиндистонга бориб қолганди. Султон сафдошларининг аксарият қисми Синд дарёси бўйидаги жангда ва дарёда сувга чўкиб ўлганди (Бу ҳақда биз юқорида ёзган эдик), у омон қолиб, Шарафулмулк сафига қўшилганди. У шундан кейин, Султон кўплаб мамлакатларни босиб олгунга қадар унинг хизматида бўлди.

Сафиаддин Шарафулмулкнинг хизматидаги ва унинг раҳнамолигидаги одамлардан эди. Вазир уни турролар қўриқбони лавозимига тайинлади. У бойиб, аҳволи яхшиланди. Хос мулозимлари, хизматкорлари, сафдошлари кўпайди.

Унинг ҳаёти Султон Ҳилотга қайтиб келиб, гуржилар Тифлисни иккинчи бор босиб олгунларига қадар шундай

кечди. Кейин Султон гуржилар Тифлисни ёқиб юборганлари учун улардан қасд олиш мақсадида бу ерга келди. Ба шу келишида Сафиаддинни Ширвондаги Шаки ҳамда Кабола шаҳарларининг вазири этиб тайинлади². Бу шаҳарларни гуржилар қудратли бўлган замонларда Ширвон хукмдорларидан тортиб олгандилар.

Султон шаҳарнинг қудратини ошириш мақсадида отабек Ўзбекнинг мамлуги Қошқорани Шаки ва Каболанинг волий ҳамда ҳимоячиси қилиб белгилади³. Шундай қилиб улар иккаласи (Сафиаддин ва Қошқора) шаҳарларни бошқара бошладилар.

Сафиаддин бу ерда солиқлар, хирожлар йиғди. Қошқора эса бирор иш қилмали, кўркоқлиги туфайли шаҳарларни ҳимоя қилишни ҳам ўйламади. Шунда гуржилар тўпланиб уларга ҳужум қилди. Қошқора ҳамма нарсани ташлаб қочди. Сафиаддин эса шаҳар ичига кириб ҳимояланди. Гуржилар уни бир неча кун давомида қамал қилди. Лекин Султоннинг бу ерга яқин жойда эканлигини эшишиб, ўзлари қамалга тушиб қолишдан хавфсираб, ҳужум бўлиб қолишидан кўрқиб шаҳарни ташлаб чекиндилар. Сафиаддин хавфдан қутулиб, йиққан пулини ҳам саклаб қола олди. Унинг бу хизмати Султоннинг мақтоворига сазовор бўлди. Унинг саройга қайтиши исмоилийларнинг Ганжада Урхонни ўлдириши кунларига тўғри келди. Урхон амирликдан ташқари Хуросоннинг муқтаси ҳам эди. Шунинг учун унинг ўлимидан кейин Сафиаддин Хуросон вазирлигига тайинланди. У бу ерда бир йил ёки ундан ҳам кўпроқ вақт турди. Шу вақт ичida Хуросон аҳолисини оғир аҳволга солди. У халққа нисбатан адолатсиз иш юритди, сиёsat бобида режалари натижасиз бўлди, чиқарган буйруқлари бир-бирига қарама-қарishi эди.

Аҳвол шундай бўлдики, Султон тоторларга қарши курашиш учун Ироққа боргандা ҳам, Райда турган пайтида ҳам Хуросондан вазирдан халос қилиш тўғрисида ёрдам сўралган шикоятлар кела бошлади. Аҳвол ниҳоятда аянчли эди, вазирга нисбатан нафрат тўлиб-тошганди. Шикоятчилар мамлакатнинг таниқли одамлари, машхур кишилар, чоллар, билимдоnlар эдилар. Султон Сафиаддинни Райга чақирди. У айтилган фурсатда ниҳоятда кўп совфа-

саломлар билан етиб келди. Аммо буларнинг бари аҳамиятсиз бўлди, совғалар уни бандилиқдан сақлаб қола олмади. Султон уни қўлга олишга буюрди. У қўлга олинди, олиб келган совғалари хазинага топширилди, отлари (улар уч юзта бош эди) отхонага юборилди.

Унинг мамлуклари ва гуломлари ҳам ушланди. Факат битта гуломи Али ал-Кирмөний қочиб кутулди ва Хуросоннинг асосий қалъаларидан бири Фиробга яширинди. Сафиаддин бу қалъани бойликлар билан тўлдирганди. Унинг уйи ва оиласи ҳам шу ерда эди. Али ал-Кирмөний шу учун ҳам бу ерга яширинган ва қалъанинг ҳимоясини қўлга олганди.

Султон Хуросон вазири қилиб Тожиддин Муҳаммад ал-Балхийни тайинлади. Сафиаддинни ҳам унинг кўлига топширди. Шу билан у унга Сафиаддиннинг қолган бойликларини ҳам тортиб олишни, қалъани қамал қилмасдан кўлга киритишни буюрди.

Сафиаддин ва Тожиддин ўртасида аввалдан низо бор эди. Уларнинг бир-бирларига бўлган нафратлари сўнмаганди. Шу учун Тожиддин Султонга Сафиаддинни ёмонлаб кетма-кет мактублар йўлларди. Бу мактубларда у Сафиаддиннинг қалъани топшириш нияти йўқлигини, қалъадаги гуломи билан яширин равишда тил бириктираётгани, бойликларни бергиси келмаётгани тўғрисида ёзарди. Тожиддин Султонга мактуб ёзишни шу даражада давом эттирдики, оқибатда Жалолиддин ат-Туроийни қалъа девори тагига олиб боришини, унинг тарафдорлари қалъани топширишни рад қилсалар ёки бошқа бир қаршилик кўрсатсалар, уни қатл этишни буюрди.

Лекин ат-Туроий ёнидаги соқчига катта миқдорда пул вайда қилди ва бу пулни яширин равишда унга берди. Айни пайтда, агар ишлари ўнгланиб, аҳволи яхшиланиб кетадиган бўлса, топган бойликларининг ярмини унга беришга келишиди. Улар ўзаро келишдилар. Соқчи ҳам ат-Туроий ҳақида бирон ёмон хабар эшитадиган бўлса ёки уни йўқ қилиш ҳақида буйруқ бўлса, уни озод қилишга, у билан бирга қалъага чиқиб кетишга сўз берди. Натижада соқчи уни йўқ қилиш ҳақида хабар эшиттанидан кейин берган вайдасининг устидан чиқди.

Ат-Туроий ўлимдан халос бўлиб, хавфсизликка эришганидан кейин давлат арбобларига мактублар ёзиб, Сул-

тоннинг ўзига нисбатан қаҳрини юмшатиш, кўнглида илик туйгулар уйғотиш ҳақида илтимос қила бошлади. Ўзининг ёмон ишларга ҳеч қандай алоқаси йўқлигини, шикоятлар бўхтон эканлигини билдириди.

Бизлар иккимиз энг яқин, садоқатли дўст эдик. Шу учун унга ёрдам беришни мен ўз зиммамга олдим. Чунки ҳали аҳвол издан чиқмаган, тузатиб бўлмайдиган ёмон ярадай газак олмаганди. Мен Султондан унинг хавфсизлигини таъминловчи ёрлик олдим. Орадан кўп ўтмай у саройга келди. Унинг қиёфасидан ўта қашшоқлиги, оғир аҳволда эканлиги сезилиб турарди. Мен унга дўстлигимиз ҳурмати имкон қадар пулдан, кийим-кечакдан, от ва турар жойдан то аҳволи ўнгланиб, ишлари юришиб кетгунча ёрдам бердим.

Мен гайрат камарини боғлаб, енг шимариб унга бўхтон қилган, таъқиб этган одамдан ўч олиш ҳамда уни аввалги лавозимига қайта тиклаш ҳаракатига тушдим. Мен бу ишларнинг ҳаммасини қилдим, у Хуросонда яна қайтадан вазирлик лавозимини эгаллаш учун барча имкониятларга эга бўлди. Аммо шу пайтда тоторларнинг қайтадан босқини ҳақида миш-мишлар тарқалди, бу бизларнинг барча ниятларимиз амалга ошишига тўсиқ бўлди.

Мамлакатда Султон мулкига кўз тикадиган, нафси ҳакалак отган таникли давлат арбоблари ҳам кўп эди. Мана, бунинг исботларидан бири. Ат-Тургой Райда кўлга олингандага зинданга бир куни хазиначи Ҳамидиддин ташриф буюради ва унга Султон номидан бундай дейди: “Агар сен менинг кечиришимни ва миннатдор бўлишимни ис-тасанг, Шарафулмулк учун яшириб қўйганинг барча қимматбаҳо тошларни келтириб берасан, ҳамма тиллоларни хазинага топширасан!”

Шунда у савдогарлардан кимdir Шарафулмулк учун омонат берган тўрт минг динорни, етмишта қимматбаҳо тошни: ёқут, бадахшон лаъли, зумрад, ферузани унга келтириб беради.

Хазиначи буларнинг ҳаммасини олади, лекин Султон Сафиаддиндан газабланган, шу учун уни тез кунда қатл қилдирди, деб ўйлаб олган нарсаларидан бирортасини ҳам хазинага кирим қилмайди. Аммо Оллоҳ унга раҳм-шафқат қилди, Сафиаддин Султон саройига қайтиб кел-

Би. У хазина котиблари рўйхатига қараб ўзи берган қимматбаҳо тошлар ва тиллоларнинг кирим қилинмаганини, бу ҳақда котиблар хабарсиз эканликларини билади. Шунда у Ҳамидиддинга таҳдидомуз мактуб битади. Натижада улар ўзаро келишадилар. Сафиаддин бу хиёнаткорлик ҳақида индамасликка, хазинабон эса бунинг эвазига ҳар ойда ўз ҳақидан икки юз динор унга бериб боришга ваъда қиласди. Сафиаддиннинг ўша кунлари чўнтаги пулсиз, қорни оч эди, шу учун кўнади. Сафиаддин ундан шу тариқа тўрт минг динорни қайтариб олади.

Кимматбаҳо тошларни эса хазиначи яшириб кўйганлигини айтади ва уларни кейинроқ беришга ваъда қиласди. Аммо у ўз ваъдасини унугдади.

¹ *Туршиш* — Нишопурдаги жой номларидан бири. Ёкут уни Турсис деб атайди. Ҳозирги кунда унинг номи Турмиз.

² *Шаки* — Озарбойжондаги шаҳар.

Кабола — ўрта аср шаҳри, мўғуллар томонидан вайрон қилинган.

³ Қошқора отабек Ўзбек даврида Ганжанинг амири эди.

65-БОБ

МЕНИНГ НАСА ВАЗИРИ ЭТИБ ТАЙИНЛАНИШИМ ВА НАТИЖАДА ДИЁУЛМУЛК БИЛАН ОРАМИЗДА БЎЛИВ ЎТГАН ВОҚЕАЛАР БАЁНИ

Диёулмулк Аловуддин Муҳаммад ибн Маудуд ал-Арид ан-Насавий раислар оиласидан эди¹. Унинг яхши фазилатлар эгаси эканлигини дўст бўлмаганлар ҳам тан олишар, ҳатто душманлари ҳам эътироф этишарди. Тоторлар босқини давридаги шафқатсиз кувғинлар, иқтисодий начорликлар, уларнинг мамлакатларни босиб олганидан кейинги қийинчилклар натижасида у Ганжага келиб қолди. У бу ерда аниқ мақсади бўлмаса ҳам ғойибона баҳти ни кутиб яшади. Ана шундай пайтда бу ерларда Султон пайдо бўлди. Шунда у Султон хизматига кирди. Девон ал-иншо ва ал-ардга раҳбарлик қиласди, уларга ўз ўринbosарларини тайинлади. У бу ерда ўз мавқенини шу даражада

да мустақкамладики, ҳатто Шарафулмулк ҳам Диёулмулк улуғ вазирлик лавозими учун рақиб бўлмаса эди, деб хавотирлана бошлади.

Мен, юқорида айтганимдек, Насадан чолар бўлиб келиб, бу ерларда қолиб кетдим. Тақдир мени ўз измига бўйсундирди, бу ерда ишлаб мансаб пиллапояларидан бирма-бир кўтарилим. Ва ниҳоят, котиб ал-иншо қилиб тайинландим.

Кейин Диёулмулкнинг аҳволи оғирлашди. У Султон саройида қолишни истамади. Чеккароқ вилоятлардан бирига кетишга қарор қилди. У ал-Мажид ан-Нишонурийни девон ал-ардда ноиби қилиб тайинлади, ўзига эса Наса вазирлигини олди. Наса теграси катта бўлмаган жойлардан бири эди.

Султон унга бу ерда ўн минг динордан иборат иқто белгилади. Бу умумий фойдага ва вазирликдан келадиган тушумга қўшимча эди. У Насага кетди ва бу ерда унинг хукмронлиги янада кучайди. Султон унинг буйруқлари-ни ўз буйруқлари билан тасдиқлаб янада улуғворроқ қиласарди. Унинг буйруқлари қўшини ўлкалар, вилоятларда ҳам сўзсиз бажариларди. Бу унинг қурратли кучидан дарак берарди.

Мен у билан бир масалада баҳслашиб қолган эдим. Шу учун у мен билан яқин бўлғанлар: қариндошларим, дўстларим, хизматдошларимга ҳам зиён етказа бошлади. Бунинг устига Султон хазинасига белгиланган миқдордаги маблағ юборишни тўхтатиб қўйди. Мен бу ишларни шундай қолдиришни истамадим. Унга Султон эътиори-ни ҳам қаратдим. Насадан келадиган пул миқдорини Султон орқали оширишга эрищдим. Охир-оқибат Султон Наса вазирлигини менга топширди. Лекин у битта шарт қўйди: мен саройдан кетмайдиган, ўрнимга ноиб танлаб юборадиган бўлдим. Мен худди шундай қилдим.

Мансабидан четлаштирилган ва икки масалада (ан-Насавийни мансабидан узоқлаштиришга уринища ва Султон хазинасига пул тўламаслик учун интилишда) ҳам мағлуб бўлган Диёулмулк яна саройга қайтиб келди. У қайтиб келганидан кейин Шарафулмулк менга қарши бўхтон уюштириш учун у билан тил топишиди. Бунинг учун Диёулмулк қўлида нимаси бўлса аямай, совғами,

порами қилиб унга берди. Унинг атрофига ўзига яқин одамлар ҳам тўпландилар. Шарафулмулк унга ёрдам бериш учун қасам ичди.

Мен Султон билан ёлгиз қолганда унга бор гапни айтдим. Шарафулмулкнинг ишни ҳақиқат, адолат асосида эмас, балки маълум бир фойда асосида ҳал қилмоқчи эканлигини билдиридим. Шу сабабли уни ҳал қилишни, ишни кўриб чиқиши Султоннинг ўзидан илтимос қилдим. Султон иккаламизнинг ҳам дардимизни ўзи эшитишга ваъда берди. Шарафулмулк бизларнинг ишимизни кўриб, хукм чиқармоқчи бўлганда, Султон бизларни ўз ҳузурига чақириди. Ишимизни адолат билан ҳал қилиб берди. Оқибати шундай бўлдики, Диёулмулк Султон ҳузурида ўсал бўлиб қолди ва қувиб чиқарилди. У йўлда кетаётib бирдан иссиғи кўтарилди ва бир неча кундан кейин бу ёруғ олам билан хайрлашиб дорулбақога, ўз азалий уйига кетди.

О, Яратган эгам! Ундан ҳам, биздан ҳам рози бўлгин!
Килган хатоларимиз бўлса, ўзинг кечиргин!

¹ Диёулмулк Аловуддин Муҳаммад ибн Маудуд ан-Насавий ҳакида 37-, 46-бобларга қаранг.

66-БОБ

СУЛТОННИНГ ҚОЗИ МУЖИРИДДИННИ БИР СЕХРНИНГ ОСТИДА НИМА БОРЛИГИНИ АНИҚЛАШ УЧУН БОҒДОДГА ЮБОРГАНИ БАЁНИ

Султон Ироқда пайтида унинг олдига тоторлардан қочган хоразмликлардан бири келди. У Султонга алломалар етакчиси ас-Саккокий номидан қандайдир хабарни айтди.

Сирожиддин Хоразмнинг фахри, виждони, улуғ одамларидан бири ҳисобланарди. У санъатнинг барча турларини мукаммал эгаллаганди, олий даражадаги фанларнинг билимдони эди. Одамлар у ҳақда, хоҳласа юлдузларни ўз ўрнидан силжита олади, хоҳласа бир назар ташлаш билан оқаётган сувни тўхтатиш кудратига эга, деб айтишарди. Унинг илмдаги кудрати шундай улуғларди.

У фаннинг барча соҳаларига оид кўплаб асарлар ёзганди. Санъатда түғдор, ижодда мўъжизакор эди. Улуг султон Аловуддин Муҳаммад ва унинг онаси Туркон хотун даврида мунахжимлик соҳасидаги илми туфайли фахрли ўрин эгаллаганди.

Султон ёнига келган хоразмлик унинг номидан гапирап ва ҳар бир сўзининг тўғрилигини унинг фикри билан исботларди. У бундай хабарни айтди: улуг султон Аловуддин Бағдодга йўл олганида Сирожиддин унга сеҳржодулардан асрайдиган шаклни тайёрлаб берган экан¹. (Улуг султоннинг бу шакли ҳар эҳтимолга қарши ё очдан ёки мумдан тайёрланган бўлиши керак. Тимсол, тасвир, шаклнинг ёниш хусусиятига эгалити тўғрисидаги фикр шундан далолат беради). Султон томонидан тайёрланган бу шакл Бағдодга яшириб кўйилибди ва у орқали мўлжалланган натижага эришилибди.

Улуг султон бу шаклни ўшанда Бағдодга олиб боришини ва бирор уйга яширишни қози Мужириддинга топширган². Эндиликда Сирожиддин ушбу шаклнинг сеҳржодуларни қайтариш муддати тутаганлигини, у акс таъсир кўрсата бошлаганини, яъни Султон зарари, халифа фойдасига ишлай бошлаганини айтибди. Шунинг учун, агар Мужириддин ҳали ҳам тирик бўлса, Бағдодга бориб ўша шаклни топиб, ёқиб юборишини билдирибди.

Мужириддин хоразмликнинг бу хабарига ишонди. Султон Жалолиддин Мужириддинни бир қанча ишлар бўйича Бағдодга элчи қилиб жўнатди ва унга ўша шаклни топиб йўқ қилишни ҳам буюрди. Аммо Мужириддин биринчи гал борганда, ўша шаклни яширган уйда яшаш имконига эга бўлмабди. Ўша шаклни топиш учун уринишлари бекор кетибди.

Эндиликда мен нимадан ҳайратга тушиб, нимага ачи нишни ҳам билмайман: бу улуг алломанинг бундай жўн фикрларига ишонайми ёки унинг сўзига кириб алдамчи хаёлларга асир бўлганларнинг аҳволига куяйми?

Ахир бирор бир давлат сеҳр-жоду туфайли ҳалокатдан омон қолганми? Ёки дунёда аҳвол ҳамма вақт бир хил тарзда давом этармиди? Ахир қанча ҳалқлар ўртасида ҳамкорлик ишлари узилиб кетди? “Оллоҳ ўзи хоҳдаган нарсани ўчирар ва устивор қилас. Асл Китоб унинг даргоҳидадир”**.

¹ Султон Аловуддин Муҳаммаднинг Бөғдодга юриши ҳақида бобга қаранг.

² Қози Мужириддин Умар ибн Саъд ал-Хоразмийнинг Бөғдодга элчилиги ҳақида 5-, 47-, 55-бобларга қаранг.

67-БОБ

АРРОН ВА ОЗАРБОЙЖОНДАГИ ВОҚЕАЛАР БАЁНИ

Султон Ироқча жўнар экан, Шарафулмулкни ҳам ўзи билан бирга олиб кетди. У Султонни Ҳамадон чегараларига қадар кузатиб борди. Бу ерда унга Озарбойжонда отабек Ўзбекнинг мамлуклари: Кучук лақаби билан ташилган Носириддин Оққуш, даватдор Сайфиддин ибн Сункуржа, Сайфиддин Боқлиқ ас-Садидий ва бошқалар ўзаро тўпланишиб, бир-бирига ёрдам бериш, қўллаб-куватлаш асосида ғалаён кўтаришга келишганликлари ҳақидағи хабар етиб келди. Улар Табриз атрофига чодирчарини тиккандилар. Мақсадлари берган сўзларига хиёнат қилган ҳолда Султон давлатига қарши курашиш, мамлакатда ўзи ҳам, изи ҳам аллақачонлар йўқ бўлиб кетган Отабеклар сулоласи ҳукмронлигини қайта тиклаш эди. Улар унинг учун Котиб қальясига ёлғиз ўзи қамалган отабек Ўзбекнинг невараси, Малик Хомушнинг ўғлини озод қилишга қарор қилдилар¹. Улар уни мамлакат ҳукмдори ёб эълон қилиб, бундан ўз мақсадлари йўлида фойдаланмоқчи эдилар. Улар қўзғолон кўтариш учун тўпланилар ва қуляй пайт пойладилар, кейин Султон лашкарлари йўқлигидан фойдаландилар.

Султон Шарафулмулкни Озарбойжонга, мамлакатни ўимоя қилиш, уни ғалаёнчилардан озод этиш учун йўллати. Шарафулмулк бу ишдан бош тортишга уринди. Султон унга Аррон ва Озарбойжонда тўла ҳукмдор сифатида ши кўришга, шароит нимани тақозо қилса, шу ҳолда фолият кўрсатишга, барча мулклар устидан назорат қилишга рұксат берди. Шу учун у бу ишга рози бўлди. Бундай жарабёнда бошқа пайтларда ундан фақат пул йиғиши ва уни қазинага топшириш талаб этиларди.

Шарафулмулк Марофага етганда отабек тарафдорлари Табризда эканлигини, улар сафи ғаламислар ҳисобига кўпайғанлигини, чигирткалар мисол атрофга ҳужум қила-ётганлигини билди. Улар атрофдаги жойларга ҳужум қилиб оғир аҳволни юзага келтиргандилар. Шарафулмулк қўшинларини жангга тайёrlай бошлади. У қўшинига ҳожиби ва мамлути Носириддин Куштемирни бош қилиб қўйди.

Иккала томон Дих Хваркон ва Табриз оралиғида юзма-юз келиб, жанг бошланди². Унда қиличлар ва найзалар ишта тушди. Улар кўплаб таналарда қонларга ботдилар. Орадан кўп ўтмай отабек тарафдорлари қоча бошладилар. “Оллоҳнинг амри-иродаси тақдирни азалий бўлди”.* Оқкуш, Боқлик, Сунқуржа ва ғалаёнчиларнинг бошқа етакчилари асир қилиб олинди ҳамда араваларга ортилиб саройга келтирилди.

Улар Шарафулмулк олдига олиб келинганда у ўзининг уларга қилган яхшиликлари, кўрсатган илтифотларини айтиб танбеҳ берди. Масалан, Боқлик Ганжада пайтида Шарафулмулк хазинасидан мукофотланган эди. Унга вазирнинг ўзи бошдан-оёқ фахрий кийим-бош берганди. Ўшанда ҳар хил тошлар билан безатилган камарнинг ўзи тўрт минг динор туради.

Кейин Шарафулмулк Табризга йўл олди ва бу ерга келишининг иккинчи куни Султон шаҳар майдонида курдирган айвонга кўнди. Султон айвон орқасида уй ва сарой ҳам курдирган эди. У бу ишни доимо шаҳар ичкарисида яшамаслик учун қилганди. Шарафулмулк ҳузурига қози, шайхлар ва шаҳар аъёнларини чақирилди. Кейин Оқкуш ва Боқликни олиб келишни буюрди. Улар олиб келинди, иккаласи ҳам занжирбанд қилингани учун тўпланганлар олдида ҳижолат тортди. Шарафулмулк қозига қараб деди: “Мусулмонлар ва тоторлар ўртасида мустаҳкам девор, қалқон янглиғ турган Султонга, улуғ ҳимоячига қарши ғалаён кўтарганларга нисбатан нима дэйсиз?”

Шунда қози Қуръондан қуйидагиларни ўқиди: “Оллоҳ боғланишга буюрган нарсаларни узадиган ва Ер юзида бузгунчилик қилиб юрадиган кимсалар ҳам борки, улар учун Оллоҳнинг лаънати бўлур ва улар учун энг ёмон

шер — жаҳаннам бордир". Кейин Шарафулмулк май-
нига иккита ёғоч кўмишни буюрди. Ёғочлар кўмилди,
шер (Оққуш ва Боқлик) унга чормих қилиндилар.

Улар чормих қилингунларига қадар гўё яхшилик барқ
либ турган новда мисол, атрофга нур таратиб турган
дин ой сингари эдилар, аммо гуноҳкорлик ботқоғига
отгандилар. Шу учун новда қуриди, ой эса сўнди.

Аррон ва Озарбойжон ғалаён кўтарғанлардан, ғала-
нислардан тозаланди. Айримлар эса Шарафулмулк ол-
нига айбига икрор бўлиб, бўйин эгиб келдилар.

Шарафулмулк ат-Тургойнинг жияни қози Қавомид-
дин ал-Хаддодийни ғалаёнларга алоқадорликда айблаб
сўлга олдирди. Уни ўн минг динор тўлашга мажбур қил-
ди. Суд ишларини олиб боришга вакил қилинган одам
ни Отабек мамлуклари билан ҳамкорликда айбдор деб
кум чиқарди. Бу ёлғон ва бўғтон эди.

Даватдор Сунқуржанинг айбларини эса Шарафулмулк
баҳридан ўтди. Уни ўзига яқин олди, мансаб билан улуғ-
лади. У чиройли юзи, гўзал ҳусни билан нафақат омон
қолди, тақдир инъомларидан ҳам баҳраманд бўлди.

¹ Бу ерда фикр юритилаётган мамлуклар аввал ҳам Жало-
лиддинга қарши бош кўтариб чиққанлар. (Бу ҳақда 55-бобга
қаранг.) Лекин кейин бўйин эгиб келгандилар. Отабек Хомуш-
нинг ўелининг исми Нусратиддин.

² Дих Ҳваркон — Урмиё кўлининг шарқий томонида жой-
лашган шаҳарча.

68-БОБ

ТЎҒРУЛНИНГ ҚИЗИ МАЛИКАНИНГ АҲВОЛИ ВА УНИНГ ТАҚДИРИ БАЁНИ

Султон маликага Хой ва унинг яқинидаги Солмас, Ур-
миё шаҳарчаларини атрофидаги ерларӣ билан бирга қўшиб
мулк қилиб берганида Шарафулмулк бу ерга ўз ноиби
ҳамда малика вазири этиб аз-Зайн ал-Баҳорзийни тайин-
лади¹. Ноиб вилоятдан бошқа вилоятларнинг ноиблари
сингари, солиқ ва ушрларни йигар, уларни ҳар ойда ха-
зинага олиб бориб топширади.

Ал-Баҳорзий маликанинг ҳам ўзига қарам бўлишини, унинг устидан ҳам ҳукмронлик қилишни истарди. Унинг ўз буйруқларини бажаришини хоҳларди ва малика бунга мажбур деб ўйларди. Агар малика бирор ишда унга бўйсунмаса, ёки қаршилик қилса, бу ҳақда дарров Шарафулмулкка нома битар, вазирни унга қаршилантиради. Бу ҳол Шарафулмулк кўнглида маликага нисбатан нафрат тўлиб-тошгунча давом этди. Султон Ироққа кетган пайтда Шарафулмулк ундан ўч олиш ва уни обрўсизлантириш учун қулагай имкониятга эга бўлди. У Султонга Тўғрулнинг қизи, малика сенга қарши туриб, отабек Ўзбекнинг тарафдорларини қўллаб-кувватламоқда, уларнинг ҳокимиёт тепасига келишига ёрдам бермоқда, деб мактублар ёзди. Кейин Шарафулмулк Табриздан маликага мактуб битди. Бу мактуб билан у маликани қўрқитишга, кўнглида Султонга нисбатан ишончсизлик уйғотишга уринди. У шу билан маликанинг қочишини истади. Бу қочиши эса маликани ўлимга маҳкум этиш учун унга имконият очиб берарди. Ҳақиқатан, бу хат маликада ишончсизлик ва кўркув уйғотди.

Ушбу мактубдан кейин Шарафулмулк Хойга йўл олди, малика эса бу ердан Тала қальясига кетди². Бу қалъанинг ўзига хослиги шунда эдики, у Урмиё кўли бўйида жойлашганди. Қалъа баланд қоятош устига курилган бўлиб, унинг бир томондан бошқа ҳамма ёғи сув билан ўралганди.

Шарафулмулк Хойга келгач, унинг саройига жойлашди. Маликанинг хазинаси ва хилваттоҳаридан шунчалик кўп бойликлар чиқдики, уларни юқ ташийдиган ҳайвонлар ҳам кўтара олмай қолдилар. Бу бойликлар кўп йиллар давомида йигилган эди. У унинг хазинасидан энг ноёб, энг қиммат, умуман, кўз кўриб қулоқ эшифтмаган бойликларидан олди. Вазир унинг оймонанд канизакларидан танлаб олди ва уларнинг тақдирни кулнинг тақдирни хожаси қўлида қандай кечса, шундай бўлди. Шундан сўнг у маликани янада кўрқитиш учун қамал қуролларини шайлай бошлади.

Шунда унинг ҳузурига ас-саййид аш-шариф Садриддин ал-Аълавий маликанинг мактубини олиб келди. Мактубда у вазирдан меҳр-шафқат қилишни, ўзаро ҳамкорликда, яхши муносабатда яшашни, олган нарсаларини қайтариб беришни илтимое қилган эди. Бу мактуб Шарафулмулкнинг қайсарлигини, маликага нисбатан нафратини кучайтириш билан бирга унинг қадр-қиммати, тақаббурлигини ҳам оширди.

Шунга қарамай, у Садриддинни насл-насаби, келиб тикиши, обрў-эътиборига қараб ҳурмат-эҳтиром билан сабул қилди.

Малика Шарафулмулкнинг меҳр-шафқат қилишига ишончи қолмаган бўлса ҳам яна бир марта унга мурожа-т қилди, лекин бу ишидан афсусланди. У ундан Султон сўзурига йўл очиб беришни, тақдирини Жалолиддиннинг ёзи ҳал қилиши учун имкон беришини сўради. Шарафулмулк унинг барча илтимосларини рад қилди ва бундай деди: “У фақат менга, менинг кўл остиндаги ҳокимиyатга бўйсуниши керак!” У бу билан ҳам қаноатланиб қолмади. Маликани қўрқитиш учун унга Тожиддин Соғиб ибн ал-Ҳасани элчи қилиб жўнатди. Тожиддин Соғиб Даркажиннинг ёвуз, шафқатсизликда донг таратган одамларидан бири эди³. Унинг жинояткорона ишларини самма биларди.

Тожиддин элчилиқдан қайтар экан, қальдан чиққач маликанинг энг яхши отларини ўтиргаб Шарафулмулкка олиб кетди. Бу унинг сабр косаларини тўлдирди, орадаги душманликни кучайтирди.

Бу пайтта келиб малика шафқат сўраш фойдасиз экан-тигига, у ҳеч қандай натижা бермаслигига ишонч ҳосил қилди. Шу учун у ҳожиб Алига — ал-Малик ал-Ашраф Мусонинг Ҳилотдаги ноibi ал-Одил Абу Бакр ибн Айнубга мактуб ёзил, ўзини ҳимоя қилишни, озод бўлишида ёрдам беришини илтимос этди. Эвазига ўзига қарашли қальва ва ерларни унга беришга ваъда қилди.

Шарафулмулк бу пайтда Солмас яйловларидан бирида эди. Ушбу шаҳарни қамал қилишга тайёргарлик кўрарди. Рақибининг душманлик қилишини хаёлига ҳам келтирмасди. У маликанинг душманлиги ва кўрсатаётган қаршилигига аҳамият бермасди. Дунёда менга қаршилик қилаштган ва бу борада ғолиб бўладиган одам йўқ, деб ўйларди.

Ана шу пайтда унга ҳожиб Али аш-Шомнинг Ҳилотцаги ва унинг атрофидаги барча кўшинларини йиғиб келаетгани, уларнинг Сукмонободга яқинлашгани ҳақида қабар келди⁴. Вазият ундан душманга қарши курашга тайёр бўлишни талаб этарди. Аммо у айрим иқто эгаларига ўз мулкларига қайтиб кетиш учун рухсат берганди. Шу сабабли Шарафулмулк Озарбайжонни тақдир ҳукмига ҳавола этиб, Табризга қараб қочди.

Ҳожиб Али Тала қалъасига келди. Қалъани ўз мулкига айлантириб, малика ҳамроҳлигига қайтиб кетди⁵.

¹ Фармонда “ўзининг ноиби ва унинг вазири сифатида тайинланди” дейилган. Айни пайтда Шарафулмулк Султонга қандай вазир бўлса, унинг хотини малика олдига ҳам худди шундай вазир бўлиб хизмат қилиши керак бўлган. Лекин у масала га бошқачароқ қараган. Маликага Султон томонидан берилган ерларни ва шаҳарларни унга иқто сифатида берилган мулклар деб ҳисоблаган. Аслида бу ерлар ва мулклар малика қўлига бутунлай берилган бўлган.

² Тала қалъаси Урмиё кўлининг шимолий қисмida жойлашган бўлган.

³ Даркажин — Хамадон яқинидаги қишлоқ.

⁴ Сукмонобод — Хой яқинидаги қалъа.

⁵ Малика ал-Малик ал-Ашрафнинг Ҳилотдаги ноиби, ҳожиб Ҳусаниддин Али ибн Ҳаммадуга мактуб ёзиб, ёрдам сўраганидан кейин, ҳожиб ўз қўшинлари билан Хойни ва унинг атрофидаги қалъа, ерларни босиб олади. Кейин ҳожиб Али Маранд ва Нахичевон аҳолиси илтимосига кўра бу шаҳарларни ҳам кўлга киритади. Ибн ал-Асирнинг маълумотларига кўра, ҳожиб Али яна бошқа кўплаб шаҳар ва қалъаларни ҳам кўлга киритиши мумкин бўлган. Лекин у Жалолиддин хазинасига эга бўлгач, Ҳилотга қайтади. Малика ҳам у билан бирга кетади.

Ҳожиб Алиниң бу юриши 624 йилнинг шабонида (1227 йилнинг июл-августида) рўй беради.

Ал-Мокиннинг маълумотига кўра, ҳожиб Али бу юриши пайтида Шарафулмулкнинг қизини ҳам асир олган.

69-БОБ

АР-РУМДАН ЭЛЧИ ИМОДИДДИННИНГ КЕЛИШИ БАЁНИ

Шарафулмулк Хой яқинида пайтида унинг ҳузурига ар-Румдан Имодиддин лақаби билан машхур бўлган киши элчи сифатида ташриф буюрди. У султон Аловуддин Қайқубод ибн Қайхусров вазирининг мактубини олиб келганди.

Унинг мактубида дўстона туйғулар изҳор этилган бўлиб, ўзаро ҳамкорлик ўрнатиш, алоқаларни мустаҳкамлашга оид фикрлар баён қилинган эди. Мактубда шундай сўзлар бор эди: “агар Султон кейинги пайтларда қўққисдан хужум

Одишни кучайтирган бўлса, унинг бу ердаги дўсти ҳам
арб томонга юриш қилиб, кофирлар ҳукмлорларига
рашли бўлган бир неча қальяларни босиб олди.
Ақиқатан, сенинг атрофингда бир гурӯҳ одамлар ғала-
слик ишларини амалга ошириш учун пайт пойлаб ту-
бди. Улар бу орқали ўзларини ушалмайдиган умидлар
алдамчи хаёллар билан овунтиришга интилмоқдалар”.

Вазир бу билан малика илтимосига кўра ҳожиб Али-
нинг Озарбайжонга юришини ва бу борадаги кўзлаган
мақсадларини назарда туттан эди.

“Мана, биз сен билан ёнма-ёнимиз. Агар сен бизни
мақиранг яқин ҳамкор топасан, агар сен бизни таклиф
бўлсанг, яқин дўст билан учрашасан. Бизларнинг мамла-
татларимиз ўртасида ҳеч қандай қарама-қаршилик йўқ.
Агар кўнгилларингизда катта қўшин тўплаб, уларни қилич
билан куроллантириш нияти бўлса, бизлар қурол-аслача-
ларимизни сизларга ёрдам учун жўнатамиз. Голиблик учун
курашларда жонимизни ҳам аямаймиз”.

Шарафулмулк мактуб учун миннатдорчилик билдириди,
элчини тантанали равишда қабул қилди. Кейин унинг мак-
тубига жавоб ёзиш устида маслаҳатлаша бошлади. Унинг
атрофидагилар (уларни ўша пайтда ад-Даркажиний ўз бил-
ганича бошқаарди) жавоб мактубида улардан бир қанча
микдорда пул сўраш керак деган таклифни билдириди. Чун-
ки ҳар қандай шароитда одамлар сони камайса, пул бўлса,
янгиларини тўплаш учун имконият туғиларди.

Маслаҳатчилар вазирга ўз фикрларини маъқуллатди-
лар. Аслида бу бемаъни таклиф эди. Лекин вазирни бу
таклифни айтмасликдан қайтаришнинг ҳам имкони қол-
маганди. Шу сабабли унга бундай маслаҳат бердим: “Агар
бу таклифни айтиш шунчалик зарурат бўлса, уни ниҳо-
ятда камтарлик, илтифот, эҳтиёткорлик ва шикастанафс-
лик билан битмоқ керак. Уни гўзал иборалар, самимий
сўзлар билан битиш орқали кўзланган мақсадга эришиш
мумкин. Шоҳлар бамисоли тоғга ўхшайди, агар сиз улар
билан муносабатда юмшоқ феълли бўлсангиз, сасингиз
акс-садо бўлиб қайтади”.

У менинг гапларимга кўнди, бироқ пулга ниҳоятда ўчили-
ги сабабли шикастанафсликни ҳаддан ошириб юборди.
Унинг жавоб мактубида кўйидаги сўзлар ҳам бор эди: “Сиз-
лардан сир эмаски, тоторларнинг пайдо бўлиши билан

одамлар турли томонларга тарқалиб кетди, кўз ёшлар тўкилди, Султон хазиналарида асрлар давомида тўплангандан бўйликлар таланди. Султон Жалолиддин отасининг ўлимидан кейин қўлида қиличидан бошқа ҳеч нарсаси бўлмасдан жангта кирди. Агар сизлар унга жуда катта илтифот ва марҳамат кўрсатсангизлар, ёрдам берсангизлар, бу ишларингиз беиз кетмайди. Асрлар давомида ўлмас хотира бўлиб қолади". У худди шу оҳангда элчига кўп вақт гапирди, ўзини ҳаддан ташқари хокисор қилиб кўрсатди. Ҳатто мен ҳам унинг бу қилиғи учун унга шикастанафслик хусусида гапирганимга афсусландим. Кейин Шарафулмулк элчига ўз имкони қадар фахрий кийим-бош совға қилди¹. У илтифот ва совға-саломни ҳаддан оширди. Шу билан бирга унга туғ, бошдан-оёқ ясатилган от, баланд чўққи қалпоқ, минг динор пул берди.

Бу мактуб султон Аловуддин Қайқубод кўнглида савиммий туйғулар уйғотди. Ўз навбатида у ҳам Султонга ва Шарафулмулкка турфа хил совға-саломлар, қимматбаҳо буюмлар юборди. Бу совғалар маълум сабабларга кўра Ҳилот қамалидан кейин етиб келди. Бу хусусда ўрни билан тўхталиб ўтамиз.

¹ Султон Аловуддин Қайқубоднинг Хоразмшоҳ Жалолиддин ҳузурига иккинчи бор элчилар жўнатгани ҳақида бошқа манбаларда маълумотлар учрамайди.

70-БОБ

СУЛТОН ИРОҚДА ПАЙТИДА ШАРАФУЛМУЛК ТОМОНИДАН ОЗАРБОЙЖОН ВА АРРОННИНГ БОСИБ ОЛИНИШИ БАЁНИ

Шарафулмулк Султондан кейин Озарбойжонда қолгач, бор кучини бу ердаги ғалаён бўлиб ўтган қальяларни босиб олишга ташлади. Ғалаён маркази бўлган Диэмир амирлари ва лашкарларига, агар улар қальъани жангсиз топширадиган бўлсалар, пул беришни ваъда қилди¹. Қальъа топшириладиган куни у бу ерга келди ва уларга фахрий кийим-бошлар, олтин ҳамда бошқа буюмлардан иборат совғалар берди. Булар шундай совғалар эдики, ундейларини ҳатто маликлар, амирлар ҳам бир-бирларига бермаган бўлардилар.

У Отабеклар давлати хукмдорлари томонидан эъзоз-
либ улуғ ҳожиб унвонига сазовор бўлган Носирилдин
шаммадни асир олдирди.

Шарафулмулк унинг ниҳоятда кўп миқдордаги пули-
мусодара қилдирди. Шу билан бирга унга Қаҳром қаль-
тани топшириш мажбуриятини ҳам юклади². Чунки бу
шаръанинг волийсини ҳам Носирилдиннинг ўзи тайин-
ланган эди. Носирилдин унинг айтганларини қилди. Шун-
дан кейин у кўнглида хукмдорликдан воз кечмасада, ус-
тага қаландарлар кийимини кийиб Нусратиддин Муҳам-
мад ибн Пиштегиннинг мулкларидан бирига кетди³.

Шарафулмулк орадан кўп вақт ўтмай Султоғининг Ган-
надаги собиқ волийси Сайфиддин Қошқора ал-Отабе-
йининг вафот этганлигини эшилди. У ўша томонга қараб
юрди ва марҳум волийнинг ноibi Шамсицдин Киршосф-
кан Арронга қарашли бўлган Харқ ва Жарбард қатъала-
рини тортиб олди⁴.

Ноиб Шарафулмулкка ўзининг содиқ эканлигини, вол-
ий тирик пайтида ҳам унга садоқат билан хизмат қил-
ганилигини билдириди. У бу хизмати билан вазир шаънини
улуглаётганини, унга ишончи катталигини айтди. Аммо
шунга қарамай уни санжоққа солиб шундай қисишидикি,
баданидан суяклари ситилиб чиқиб кетди. Кейин Шара-
фулмулк ўзи томонга Дарадиз қалъаси кўриқбонлари бош-
лигини оғдириб олди⁵. У қалъани вазирга топшириди. Ша-
рафулмулк бир гурӯҳ отлиқ ва пиёда лашкарларини Ру-
иниз қалъаси томонга жўнатди. Улар қалъани узоқ пайт
қамал қилиб ётди. Қалъа хукмдори Малик Хомушнинг
хотини Шарафулмулкка эрга тегиш ниятини билдириди.
Никоҳ ва тўйдан кейин қалъа калити ўзига топширили-
ши шарти билан вазир ҳам бунга рози бўлди. Икки то-
мон ўртасидаги унаштириш маросими ўтказилди. Лекин
у ўйлаган ниятини амалга оширишга ултурмади. Султон
Ироқдан қайтиб келди ва Хомушнинг хотинига ўзи ўйла-
ниш ниятини билдириди. Шарафулмулкнинг режаси шу
тарзда барбод бўлди ва қамал қилиш тўхтатилди.

Султон унга ўйланганидан кейин ўзининг хос муло-
зими, даватдор Саъдаддинни ушбу қалъанинг волийси
қилиб юборди. Бу иш маликани унинг қариндош-уругла-
ри Султон хузурига олиб кетганидан кейин рўй берди.

Қалъа мингта уйдан иборат эди. Унинг аҳли бу уйларни аждодларидан мерос қилиб олганди. Саъдаддин қальани бу ерда яшовчилардан тозалашни мақсад қилиб кўиди. Акс ҳолда у қалъани ҳеч қандай йўл билан эгаллай олмасди. Бироқ у ўз мақсадини амалга ошириш учун шошилди, зулм йўлини тутди. Оқибатда у ўлдирилди. Қалъадаги аҳвол аввалгидаи оғир ва қийин бўлиб қолди.

Шарафулмулк бу пайтда ўз қўшини билан Шоҳи қалъасини қамал қилиб ётганди⁶. Бу қалъанинг ўзига хос томони шунда эдики, у Урмиё кўлининг ўртасидаги оролда, гумбазсимон баландлик устида барпо қилинганди. Бу баландлик сунъий равишда курилгандек таассурот қолдирарди. Қалъанинг атрофи ҳамма томондан сув билан ўралганди. Унинг ён-верида бир неча қишлоқлар бўлиб, қалъа аҳлини озиқ-овқат билан таъминларди. Султон келиб Шарафулмулк ўрнига маликага уйланганидан кейин вазирнинг жаҳли чиқди ва ўз лашкарларини қалъа қамалидан чақириб олди. Шу тарика бу қалъа ҳам Султон ҳукмронлигидан четда қолди.

¹ *Дизмар* — Табriz шимолидаги қалъа.

² *Қаҳром* (*Қаҳрон*) — Кирхсу дарёсининг юқори қисмida жойлашган ўрга аср қалъаси.

³ Нусратиддин Муҳаммад ибн Пиштегин ҳақида 8-бобга қаранг.

⁴ *Харқ ва Жарбард* — ўрта аср қалъалари.

⁵ *Дараадиз* — Марога атрофларида жойлашган қалъа. Отабек Хомушнинг хотинни Сулафа хотунга тегишли бўлган.

⁶ *Шоҳи* — Урмиё кўлидаги шу номдаги оролда жойлашган қалъа.

71-БОБ

СУЛТОН ИРОҚДА ПАЙТИДА ШАРАФУЛМУЛКНИНГ ОЗАРБОЙЖОНДА ИСМОИЛИЙЛАР САВДОГАРЛАРИНИ ЎЛДИРИШИ БАЁНИ

Султон Исфаҳонда пайтида Шарафулмулкка мактуб юборди. Мактубда Султон тоторларнинг элчиси исмоилий савдогарлар ҳамкорлигида аш-Шомга йўл олгани,

арнинг айни пайтда Боғдоддан ўтгани ҳақида хабар ёди. Шу билан бирга у вазирга бундай буйруқ юборди: “Сен исмоилийлар томонга аш-Шомдан бораётган ва ар-Риддан қайтаётган ҳар бир карvonни кузатиб тургин. Агар си тотор элчисини тутиб олсанг, уни ушлаб тур ва бу ҳадда бизга хабар юбор. Уни нима қилишни биз ҳал қилаиз”.

Султоннинг бундан бир мақсади: у маликлар (аййунийлар судоласининг ҳукмдорлари) ва халифаликнинг тоторлар билан ёзишмаларини исботловчи ҳужжатга эга бўлмоқчи, уларнинг разил ишларини қоралаш учун асос топмоқчи эди¹.

Бу ишларни амалга оширишда исмоилийлар ҳукмдорининг хос мулозими, жандор Тожиддин Али ибн ал-Кози қатнашаётган эди².

Шундан кейин Шарафулмулк йўлларга соқчилар қўйди ва ўтаётган ҳар бир карvonни текширтирди. Бу иш аш-Шомдан исмоилийлар карвони етиб келгунга қадар давом этди. Карвонда етмишдан ортиқ одам бор эди. Шарафулмулк улар ёнига одамларини юборди. Улар эса карвондагиларнинг қўл-оёқларини боғлаб ўлдирдилар. Вазир бу ишни қўлдирап экан, кейин одамлар ўргасида уятга қолишни ва низолар, ғаламисликлар кучайишини ўйлади. У аслида исмоилийларни пул билан таъминлаб турар ва бу ҳол унинг улар олдидаги ҳурматини оширган эди. У шу тариқа ўзини ва Султон лашкарларини ҳам уларнинг душманликлари ҳамда ёвузликларидан асраб келарди. Туяларга ортилган юклар вазирнинг хазинасига жўнатилди. У бу ишни ғоят хурсандчилик билан амалга ошириди, чунки бундай ишларни қилишга унинг қонида ўчилик бор эди.

Султон Озарбойжонга қайтиб келганидан сўнг унинг хузурига исмоилийлар ҳукмдори Аловуддиннинг элчиси Асадиддин Маудуд келди³. У Шарафулмулк қилган ишларни айтиб, Султонга таъна қўиди ва карвондан тортиб олинган бойликларни қайтариб беришни талаб этди. Султон вазирнинг қилган ишларини қоралади, унинг аҳмоклигидан ўқинди. Ўлдирилганлардан тортиб олинган нарсаларнинг ҳаммасини қайтариб бериш тўғрисида буйруқ берди. Элчининг илтимосига кўра, унинг ёнига шахсий

ҳожиби ва девондаги ҳарбий ноиб Бадриддин Дудоф ибн Инонжхонни кўшиб берди¹. Инонжхон барча нарсаларнинг қайтариб берилишида элчи ёнида гувоҳ сифатида қатнашиши керак эди. Карвондаги ўлган одамлар тўғрисида ҳеч қандай гап бўлмади.

Султон томонидан юборилган Дудоф эса у ерга борганидан кейин Шарафулмулк одамига айланди. У нотик эди, яхши гапираварди, лекин элчига ўттиз минг динор ва ўнта араб отларини берди, холос. Бошқа пуллар ва бойликлар эса қайтарилмади. Бекорга қон тўкилди. Шу пайтда Фиёсiddиннинг Аламутдан кетгани ҳақидаги хабар етиб келди.

Мана шундан ҳам вазирнинг қандай одамлигини, турфа хил қиёфасини билса бўлади. У бойлик олдида ҳар нарсадан кечарди, такаббурликда тенгсиз эди. Биз унинг Урхон ўлимидан кейин фидойилар олдида тиз чўкиб қанчалар ёлворганини, ўз жонини сақлаш учун йилига тўланадиган ўттиз минг динор товон пулини ўн минг динорга туширганини билардик. Айни пайтда, пул, бойлик илинжида етмишдан ортиқ одамнинг ҳаётини қурбон қилганига ҳам гувоҳ бўлдик.

Бундай пайтда бандасининг нақадар онгсиз, нафс кулига айланганлигидан, ўткинчи дунё деб ўзини ёмон ишлардан тия олмаганидан афсуслар чекасан. Оҳ, Яратган эгам, биз ожиз бандаларингнинг қилмишларини ўзинг кечиргин!

¹ Тарихий манбаларда айтилишича, исмоилийлар Чингизхон билан ҳамкорликларни аввалдан, мўгуллар Хоразмга бостириб келган пайтда ёки бошлашган. Исмоилийларнинг ҳукмдори Жалолиддин Ҳасан III (1166—1221 йиллар) мусулмон ҳукмдорлари орасида биринчи бўлиб Чингизхон ҳузурига совға-саломлар билан бирга элчи жўнаттан ва ҳамкорлик қилган. Ҳасан III нинг ўли Аловуддин Муҳаммад III отасидан фарқли ўлароқ мўгуллар босқинидан, Хоразмшоҳ Жалолиддиннинг улар билан оворалигидан, халифалик ва бошқа ҳукмдорларнинг кучсизлигидан фойдаланган ҳолда бир қанча қалъалар, мулкларни босиб олди ва давлатини кучайтирди. Атрофидаги кичик давлатлар ва мулклар ҳукмдорларига зугум ўтказиш сиёсатини олиб борди, улардан товон пуллари, солиқлар ун-

и, 624 йилда (1226—1227 йилларда) Аловуддин Мұхаммад
нинг Суриядаги ноиби Мажидиддин Рум султони Аловуд-
дин Кайкубод I га ҳар иили 2 минг динор тұлаши кераклиги
тілде талабнома йүллади. И smoилийларга насронийлар ҳам
он пули тұлаб туришган. Фридрих II 624 йилда Мажидид-
динга 80 минг динор тұлаган.

Ан-Насавийнинг ёзишича, исмоилий савдогарларнинг кар-
шыллари мұғул әлчилари учун ҳимоя воситаси бўлган. улар бу
евонлар воситасида мұғуллар билан Кичик Осиё, Сурия ҳукм-
лари ўртасидаги ёзишмаларни ташиғандар. Бу номаларда
зар Хоразмшоҳ Жалолиддинга қарши зимдан ҳамкорликда ку-
шиш йўлларини ишлаб чиққанлар.

² Жандор Тожиддин Абул Футух Али ибн ал-Қози Мұхам-
мад исмоилийларнинг Суриядаги ноибларидан бири эди.

Жандор — сарой мансаби, султоннинг қурол-аслағаларини
гаджовчи одам.

³ Асадиддин Маудуд ҳақида 92-, 95-бобларга қаранг.

⁴ Бадриддин Дудоғ ибн Инонжхон ҳақида 85-бобга қаранг.
Дудоғ бу ўринда лаб маъносида.

72-БОБ

ОЛТИ ЮЗ ЙИГИРМА ТҮРТИНЧИ (1226—1227) ЙИЛДА
АЛ-ХОЖИБ АЛИ АЛ-АШРАФИЙННИНГ ХУРШДА
ШАРАФУЛМУЛККА ҚИЛГАН ҲУЖУМИ, УНИНГ АРРОНДА ЎЗ
БОЙЛИКЛАРИНИ ТАШЛАВ ҚОЧИБ ҚУТИЛИБ ҚОЛИШИ,
ОДАМЛАРИНИНГ ТАРҔАЛИБ КЕТИШИ БАЁНИ

Ал-хожиб Али Тұғрулнинг қизи малика билан ҳамкор-
ликда Ҳилотта қайтгани ҳақида юқорида айтган эдик. Ша-
рафулмұлк буни әшитиб, таҳликага түшди. У Арронга
қараб йўл олди. Бу ер туркманлар тұپланадиган марка-
зий жой бўлиб, бойликлари ҳам ошиб-тошиб ётганди. У
Муқонда тұхтади ва ўз одамларини туркман қабилалари-
дан солиқ, мажбурият пулларини ундириб келишга жүнат-
ди¹. Туркманларнинг Кужат Арслон қабиласидан мажбу-
рият маблағларини йиғишга ас-Сирож ал-Хоразмий номи
билан машҳур бўлган одам борди². У ўзи билан бирга бир
гурӯҳ ярамасларни (авбошларни) ҳам олган эди. Ас-Си-
рож бу ерга келгач, ўзлари учун кунига ўттиз бош мол
сўйиши талаб қилди. Бунинг устига яна бир қанча та-
лаблар ҳам қўшилди. Қабиладагиларнинг бу талабларни

тўла бажариш имкони йўқ эди. Шу учун улар норозилик билдириб, унга бундай деди: “Сен ўз хукмдорингнинг олдига қайтиб кетавер, солиқ ва мажбуриятни эса биз ўзимиз йигиб олиб бориб хазинага топширамиз. Сенинг бу ерда маблаф йигишингта зарурат йўқ!”

Ас-Сирож қайтиб кетди ва бу хусусда Шарафулмулкка шикоят қилди. У қабила аҳлини ёмонлади, аҳвол шу даражага етдики, вазир кўнглида уларга нисбатан нафрат уйғотди. Вазир лашкарлари билан Муқондан чиқди ва сув кўп бўлгани учун Аракс дарёсини кемаларда сузуб ўтиб туркманларнинг манзилларини ўраб олди. Уларнинг молларини Бойлаконга ҳайдаб кетди. Олиб кетилган моллар ўтгиз минг бошга яқин эди. Уларнинг кетидан туркман аёллари йўлга тушдилар. Мен бу гал ҳам одатдагидай Шарафулмулк Бойлаконга боргач, туркманлар ўз мажбуриятларини вақтида бажармаганликлари учун уларга бироз миқдорда жарима солиб, пулини олиб, молларини қайтариб беради, деб ўйлаган эдим. Аммо у Бойлаконга келгач, молларни одамларига бўлиб берди ва тўрт минг бош қўйни қўзилари билан ўзи учун олди.

Султон ҳар гал мағриб ёки машриқقا бораётib Бойлаконда тўхтаганида Шарафулмулк менга Жалолиддин учун ҳисобот ёздирарди. Ҳисоботда зиёфат учун қанча мол ва дон кетганлиги битиларди. Унда бундай деб эслатиларди: “Овқат учун белгиланган қўйлар сони фалон бошдан иборат”. У бу қўйлар қаердан келтирилганидан хабардорлигимни биларди. Кейин Шарафулмулк Муқонга қайтиб борди. Бу ерга барча вилоятлардан солиқ ва мажбуриятлар олиб келиб йигилиб бўлганидан кейин қўшинлар ҳамда шикоят қилиб келган туркманларнинг талабларини қондириди.

У Султон учун тўланадиган эллик минг динор ўлпонни тезлик билан юбориш тўғрисида Ширвоншоҳга талабнома юборди³. Ширвоншоҳ унинг талабини бажариш ёки бажармасликни билмай иккиланди. Кейин унинг талабини бажармасликка қарор қилди. Агар бу пулни юборсан, Шарафулмулк уни ўзи учун олади ва одатига кўра сахийлик билан беҳудага исроф қиласди, деб ўйлади. Ширвоншоҳ тўғри ўйлаганди, лекин унинг Шарафулмулк беҳудага сарфлайдиган пул миқдори ҳақилаги фикри но-

ри эди: вазир у айтган миқдордаги пулдан бир неча авар кўпроқ маблағни беҳудага исроф қиласади. Шарафулмулк унинг талаб қилган пулни юбормагани учун забланди. Кура дарёси томон йўлга тушди, тўрт мингта ни отлиқ лашкарларни Ширвоншоҳ мамлакатига ҳужум ниш учун юборди.

Аммо лашкарлар бирор натижага эришолмасдан қай-⁵ б келдилар. Ширвоншоҳ ўз юртини ташлаб кеттанди. Шарафулмулк шундан сўнг Озарбайжонга йўл олди.

Отабек Паҳлавоннинг қизи, Нахичевон хукмдори ўялан малика ал-Жалолия Ойтуғмиш исмли мамлутини тарбиясига олган эди⁶. У катта бўлгач, малика уни ўғил олиб олди. Аммо Ойтуғмиш маликани ташлаб, Шарафулмулк томонга ўтди ва тарбиялаган онасига душманлик қила бошлади. Унинг бу қилиғи етимликдан қутилган одамнинг ўз хожасига чанг солишидай, вояга етган айғирнинг ўз онасига сакрашидай гап эди. Ойтуғмиш Шарафулмулкни доим Нахичевон ва унинг атрофидаги жойларни босиб олишга даъват этарди. Унинг мақсади Нахичевонни маликанинг қўлидан тортиб олиб, Султонга маълум миқдордаги товон ва йиллик солиқ пулларни тўлаб туриш эвазига бу ерга ҳукмдор бўлиш эди. Ниҳоят, Шарафулмулк бу хиёнаткорона ишга рози бўлди.

Ойтуғмиш Озарбайжонга йўл олганда Шарафулмулк унга ўзининг хос мулозимларидан бир гуруҳини қўшиб берди. Уларнинг нияти Нахичевонга бориш, аввал маликанинг ишончини қозониш, кейин уни асир қилиб олиб, ўрнига Ойтуғмишни ўтқазиш эди.

Аммо улар ораларида Ойтуғмишнинг ҳар бир қадамидан, унинг нафас олишию шайтоний ўй-хаёлларидан нималар кечётганидан маликани воқиф қилиб турадиган айроқчи борлигини билмасдилар.

Улар Нахичевонга яқинлашганда олдиларидан ҳимоячилар чиқдилар ва бирданига жанг бошланиб кетди. Ойтуғмишнинг ҳамроҳларининг кўз ўнгидага ҳимоячилар кўп бўлиб кўринди. Натижада улар ўз мақсадларига эришолмай шармандали ҳолда орқаларига қайтдилар. Улар орқасидан Шарафулмулк етиб келди ва Нахичевон атрофидаги яйловларга чодир тикирди. Унинг кўнгли айёрлик, шумлик, баттоллик ва ёвузликлар билан тўлиб-тошган-

ди. У афсус чекар, лекин бу афсуси ал-Фараздакнинг Нувар олдидаги надоматига ўхшамасди⁵. Унинг тили кечирим сўраш, тавба қилиш учун айланмасди.

Шарафулмулк малика бизга одатдаги меҳмондорчиликни қилмаса керак, деб ўйлаганди. Лекин маликанинг ҳожибаси унинг ҳузурига одатдагидан ҳам кўпроқ совға-саломлар билан келди⁶. Малика бу билан унга адолатсиз иш қилганини англатиб, очкўзлиги учун уялтироқчи эди.

Кейин ҳожиба унинг ҳузурига яна келди ва унинг маликага қарши хатти-ҳаракатлари учун огоҳлантириди. Шу билан бирга маликанинг куйидаги сўзларини ҳам унга етказди: “Нахичевон ва унинг атрофидаги мулклардан ҳазинангга юбораётган товон пулларим, шахсан ўзингга йўллаётган совға-саломларим етмаётибдими? Бунинг устига менга аждодларимдан мерос бўлиб келаётган ишларга икки баравар кўп сарфланадиган харажатларни ҳам қўш! Булар ҳам етмагандек яна сен мени уятга ҳам қолдирмоқчисан. Агар сен бунга қаноатланмай Нахичевонни босиб олиш ниятинг бўлса, марҳамат, бу ерга ўз солик йигадиган одамингни юбор. Шунда сен менинг ҳар йили Нахичевон даромадидан икки баравар кўп миқдордаги ўлпонни ҳазинанита ва ўзингта совға қилиб юбораёттанимни биласан”.

У бу гаплардан кейин кўнгилдан чиқариб бўлмаса ҳам тил учида узр сўради, аммо астойдил кечирим сўрашга сўз тополмади. Шундан сўнг у Шамирон қальясига қараб йўл олди⁷. Бу ерда Хурш деб номланган қишлоқда тўхтади.

Бу қалъа ал-Малик ал-Ашрафга тегишли эди, унинг ноиби отабек Ўзбек томонидан бу ерга белгиланган соқчилардан тайинланганди. Бу Султон Озарбайжонни босиб олишидан олдин бўлиб ўтганди. Хурш қишлоғи аҳолиси тепалик устида босқинчилардан ҳимояланиш учун курилган қалъага кириб беркинищи. Вазирнинг қуролланган гуломлари уйлар оралаб кетдилар. Қишлоқ одамлари улардан бирини тутиб олиб ўлдириди.

Буни эшитган Шарафулмулк ғазабга минди. Қишлоқ аҳлини бу ердан ҳайдаб чиқариб, уларга ўз қаҳрини кўрсатиб қўйишга ва шунга қадар Хуршдан кетмасликка қарор қилди.

Тонг отгач, унинг қўшинлари тепаликни ҳамма то-
идан ўраб олиб ўқ ёғдира бошлади. Қишлоқ аҳли ёр-
сұраб бақирди, лекин Шарафулмұлк бунга эътибор
эмади. Хуршиклар уни лаънатлаб қарғадилар, аммо у
инг ҳам жавоб қиласмида! У қишлоқ аҳдининг “Раҳм
нинг! Раҳм қилинглар!” деб додлаган овозларини эшит-
бироқ уларни эшитмаганга олди.

Шу пайт бирдан ногора-довулларнинг товуши эши-
ди, аввәл сарық, кейин қизил туғлар кўринди. Сўнг
ар кетидан ҳаммаёкни чанг-тўзонга тўлдириб отлиқ лаш-
карлар пайдо бўлди. Улар тепаликни қамал қилганларни
аб ола бошладилар. Шарафулмұлк лашкарларининг бир-
ини огоҳдантиришга ва сафланишга имкони қолма-
дид. Ўртада жанг бошланиб кетди, сўнгги келганлар вазир
лашкарларини қиришга қиришдилар. Улар жонини сақ-
таш учун қоча бошладилар.⁸

Шарафулмұлк бир гуруҳ кичик мамлуклар орасида юз-
дари қўркувдан оқариб, кўзлари косасидан чиққудай
ахволда, соchlари тикка тарзда қотиб туради. Отининг
жиловидан тортиб, уни хушига келтириб, дедим: “Энди
йиртиқни ямаш вақти ўтди, йиртиқ учун ямоқнинг ўзи
ҳам йўқ⁹. Шу учун ўзингни ўзинг қутқар!” Шундан кейин
у йиққан барча бойликларини, мол-мулкларини ташлаб
қочишга тутинди.

Аш-Шом қўшинларидан бизларга биринчи бўлиб
хужум қилганлар Халаб ноиби Фахриддин ва Сурмати
хукмдорларидан бири Ҳусомиддин Ҳидир лашкарлари
эди¹⁰. Ҳусомиддин Ҳидир Султон туғлари Ироқ узра хил-
пирај бошлаган пайтидаёқ унга хизмат қилишдан бош
тортган эди. Унинг Султон хизматидан кетишига зимма-
сига Шарафулмұлкнинг бажариб бўлмайдиган даражада
мажбуриятлар юклаши ҳам сабаб бўлганди.

Шундай илиб, Ҳусомиддин бу хужумидан кейин Ша-
рафулмұлкнинг қароргоҳини барча бойликлари, олтин ва
кумуш буюмлари билан бирга қўлга киритди¹¹.

¹ Муқон (Мугон) — Озарбойжондаги вилоят.

² Кужат Арслон — Хоразмда яшаган туркий қабила, уруг.
Улар салжуқийлар босқини туфайли бошқа қабилалар билан

биргаликда Эрон, Ирок, Кичик Осиё, Қафқозда бир қанча вилюятларга кўчиб ўтиб яшаганлар.

³ Ўша пайтда Ширвон ҳукмдори Фарамурз Шибин Гуштосб I бўлган. У 622–641 йилларда (1225–1243 йиллар) ҳукмронлик қилган. Ан-Насавий фикрича, ўша пайтда Африддун ибн Фарибурз ҳукмдор бўлган.

Шу билан бирга ан-Насавий 78-бобда Ширвоншоҳнинг номини Жалолиддин Султоншоҳ ибн Ширвоншоҳ деб ҳам ёзди. У гуржилар қўлида насроний динида тарбия топган.

⁴ Бу ўринда гап отабек Шамсиддин Абу Жаъфар Муҳаммад Жаҳон Паҳлавон ибн Илдегиз ҳақида бормоқда. У 1174–1186 йиллар оралиғида ҳукмронлик қилган.

⁵ Ҳаммом ибн Голиб ибн Саъсаъ ад-Дорамий ат-Тамимиј ибн ал-Фараздак (641–732 йиллар) уммавийлар саройидаги шоирлардан бири бўлган. У гўзал қасидалари билан машҳур бўлган. Нувар Ибн ал-Фараздакнинг хотини бўлган. Улар ажралишган. Лекин Фараздак кейин хотинидан ажралишганига афсус-надомат қилган.

⁶ Саройларда одатда султон ёки шоҳларнинг, умуман, ҳукмдорларнинг ишларини ал-ҳожиблар, эркак одамлар қилишган. Бу лавозимни Нахичевонда аёл киши ҳам бажарган. Тарихда бундан бошқа ҳожибалик қилган аёл бўлмаса керак.

⁷ Шамирон қальъаси – Эрон Озарбайжонидаги қалъалардан бири.

⁸ Шарафулмулк қўшинлари бу ерга етиб келган ҳожиб Ҳусомидин Али лашкарлари томонидан мағлуб этилади.

⁹ Ўша пайтдаги кўп ишлатилган халқ мақолларидан бири.

¹⁰ Халаб ноибининг номи Фахриддин Шом деб ёзилган.

¹¹ Олтин ва кумуш буюмлар зиёфатлар пайтида ишлатилган. Бу буюмлар ҳукмдорлар саройдан ташқарига чиққанда, юришлар пайтида ҳам олиб юрилган.

73-БОБ

АЛ-ҲОЖИБ АЛИ АЛ-АШРАФИЙНИНГ ОЗАРБОЙЖОННИНГ АЙРИМ ВИЛОЯТЛАРИНИ БОСИБ ОЛИШИ ВА ШАРАФУЛМУЛКНИНГ УНГА ҲУЖУМ ҚИЛГАНИДАН КЕЙИН ОРАЛАРИДА БЎЛИБ ЎТГАН ВОҶЕЛАР БАЁНИ

Шарафулмулк кўркув ва таъқиб остида Марандга етиб келди¹. Бу ерда бир кеча бўлди ва эртасига Табризга отланди. Ҳожиб Али эса бу пайтда Хойга қараб юрди. Бу вақтда қалья ноibi Шарафулмулкнинг мамлути Носиридин Бугу эди. У бўлиб ўтган жанг тафсилотини эшит-

Хойни ташлаб кетди. Шаҳар дарвозалари ҳожиб учун
милди. Ҳожиб Алиниңг сафдошлари шаҳарнинг бир қан-
ти даҳаларини аёвсиз равишда талади, аёлларни қийнаш-
ти, номусига тегиши. Жарчилар лашкарларни тартибга
шайғиргунга қадар аҳвол шундай давом этди. Кейин ҳожиб
унга таслим бўлган Нахичевонга қараб йўл олди. Ундан
унг қалья деворлари мустаҳкам бўлмаган Марандга то-
лон юрди. У бу ерда туриб қўшинининг илғор қисмини
Табриз томонга, шаҳарда оз сонли лашкарлари билан
хойлашган Шарафулмулк устига юборди. Унинг қўши-
ниңг илғор қисми Табриз яқинидаги Суфиён қишло-
гига етиб келди².

Шарафулмулк қўшини сафини тўлдиришга ва ҳимоя-
ланиш учун имконсиз жойда кўп вақт туриб қолганидан
аламзада эди. У ҳар гал қачон қўшини мағбулиятга учра-
са, ҳамма нарсани қайтадан бутлашга интиларди. тарқа-
либ кетган ва кучсизланган лашкарлар ўрнини тўлдириш
учун Арронга борарди. Табриз аҳолиси эса уни бу ердан
кеткизмасликка ҳаракат қиласарди. Бу гал ҳам шундай бўлди.
Улар уни отабек Ўзбекнинг собиқ вазири, Табризда яшаб
Оллоҳ хизматига бел боғлаган, тақвodor Робибиддин ор-
қали бу ерда қолишга кўндириди³. Табризликларнинг Ша-
рафулмулкни бу ердан юбормаслик учун уринишларининг
сабаби бор эди. Улар вазир кетганидан кейин бошларига
тушиши мумкин бўлган ташвишлардан ҳадиксиради. Энг
аввало, ҳожиб Алиниңг шаҳарни босиб олишидан кўрки-
шарди. бу кейинчалик уларни Султоннинг ғазабига ду-
чор қилиши мумкин эди. Чунки душман бўлган ҳожиб
Алиниңг лашкарлари ҳам уларни ҳимоя қиласиган дара-
жада кўп эмасди. Аммо бундай эҳтиёткорликларга қара-
май улар, барибир, Султон ғазабидан четда қолмадилар,
оқибатда бир қанча баҳтсизликларга гирифтор бўлдилар.
Шарафулмулк ҳар гал оғир аҳволга тушиб қолганида,
етишмовчилик туфайли қийналганида табризликлар унга
озиқ-овқат, курол-яроғ заҳираларидан ёрдам берарди. Шу
тариқа унинг одамлари оғир аҳволдан кутилардилар, Бу
сафар ҳам шундай бўлди. Баҳор ўз тулпорини миниб қиши-
ниңг совуклари, қорларини водийлардан суриб ташлаб,
тоғ этакларига кўм-кўк сепини ёйиб, шарқ насимлари
ўзининг хушбўй ҳидларини атрофга таратгунча улар таб-

ризликларнинг мурувватидан баҳраманд бўлдилар. Шундан кейин Шарафулмулк Арронга қараб йўл олди. Бу ерда одамлардан солиқ ва ўлпонларни йигдилар. Сўнг Мардонким қальясига етмасдан икки кунлик йўлда тўхтади⁴. Бу қалья юқорида номини эслатганимиз Робибиддиннинг куёви қўлида эди.

Шарафулмулк унга қальяни қамал қилиб босиб олиши ниятини билдириб таҳдид этди. Тўрут минг динор омонлик пули олганидан кейин ундан узоқлашиб, Хачен қальясига етди⁵. Бу қальяни Иване ал-Куржининг жияни Жалолиддин бошқарарди⁶. Шарафулмулк унга ҳам таҳдид солиб кўрқитди, натижада у ҳам ўн минг динор барбари эвазига омонликка эришди⁷. Шу билан бирга аввал ва кейинги пайтлар асир олинган етти юз мусулмонни озод қиласиган бўлди. Бу асиirlар орасида болалигида қўлга тушган, эндилиқда кексайиб қолганлари ҳам бор эди.

Асиirlар озод этилиб, пулнинг бир қисми берилганда Шарафулмулкка отабек Ўзбекнинг мамлуги Буғдой аш-Шомдан қочиб Озарбойжонга келгани ҳақидаги хабар етди. Буғдойни Султон аввал қилган бир қабиҳ иши учун ёмон кўради. У лаънати тоторлар босқини натижасида бошига оғир ташвишлар, кулфатлар тушиб ўз юртини ташлаб Озарбойжонга келган хоразмлик лашкарларни алдов, муттаҳамлик йўли билан шафқатсизларча қирган эди. Буғдой бу ишни Султонни ёмон кўрганлиги ва шайтоний ғаламислиги туфайли қилганди. Айтишларича, унинг ўзи ўшанда бир кунда тўрут юз хоразмликни қиличдан ўтказибди.

Султон Озарбойжонни эгаллагач, Буғдой бу ерда қолишини истамади. У Султон нафрати ўзига хавф тугдиринини билди. Шу учун ўшанда, ҳеч нарсага қарамасдан қочиб ал-Малик ал-Ашраф хузурига борди. Кейин Озарбойжонда аҳвол ёмонлигини, талон-тарож авжига чиққанини эшлитиб, “ҳеч кимдан рухсат сўрамасдан” бу ерга келди⁸. У ўйича бу ердаги ҳар хил талон-тарожлар, ўзаро босқинчиликларга барҳам бериб, аллақачон барбод бўлган Отабеклар давлатининг асосини тиклайман, тарқалиб кетган кучларни тўплайман, уларни оёқقا қўяман деб ўйлаганди. Лекин:

Сартарош тиклай олмасди аниқ, вакт емирган
вайроналарни⁹.

Буғдой Хой атрофлариға яқинлашганда бу хабар ҳожиб
нинг етди. У шаҳардан чиқиб уни таъқиб этди. Буғдой
шан қочиб, ҳимоя излаб Аракс дарёсидан кечиб ўтди.
Кейин у дарёнинг бу қирғозига туриб ҳожиб билан музо-
кага киришди. У ҳожибга бундай деди: “Мен Ал-Ма-
лик ал-Ашрафнинг мамлукиман, ул жанобнинг кулиман
и марҳаматидан баҳраманд бўлғувчиман. Мен қаерда
халмай унинг давлатига ва ҳукмронлигига бўйсунаман.
Мен бу ерларга унинг ғалабаларини таъминлашга ёрдам
ериш учун келдим”.

Шундан кейин ҳожиб қайтиб кетди, Буғдой Кафон
шоютига кирди¹⁰. Бу ерда қальялар кўп ва улар ғалаёнчи
амирлар қўлида эди. Улар бирор марта ҳам Султон са-
йигига бўйин эгиб бормаганди, фақат унга қарамлилик
желгиси сифатида солиқ ва ўлпон тўларди.

Буғдой уларни йиғиб Отабеклар давлати тўғросига со-
никлик ҳақида қасам ичишга мажбур қилди. Уларни Ма-
лик Хомушнинг ўғлига хизмат қилишга чақирди. Бунинг
учун, аввало Хомушнинг ўғлини Котур қальясидан бан-
қилиқдан озод қилиш ва уни таҳтга ўтқазиш керак эди.
Буларнинг бари гойиб бўлган баҳтни қайтариш йўлида
аввал ҳам юз берган, аммо муваффақиятсиз якунланган
ғалаёнларга ўхшарди.

Буларнинг ҳаммаси Шарафулмулкни довдиратди, бел-
гиланган режаларини амалга оширишга халақит берди, ор-
зулар орзулигича қолди. Бунинг устига шу пайтда Исфа-
хондаги ўша жангдан кейин тарқалиб кетган лашкарлар-
дан бир гурӯҳи унинг ҳузурига келди. Улар Султоннинг
қочгани ва ундан дарак йўқлиги ҳақида хабар бердилар.
Бу гаплардан кейин унинг кўнгли чўкиб, қўли ишга бор-
май қолди. Ўз дардлари устига бошқа ташвишлар ҳам қўши-
либ ғам кўпайди. Аммо у, шуларга қарамай, Султоннинг
ғалабага эришганини, исломнинг коғирлар устидан голиб
бўлганлигини тантанали равишда эълон қилди.

Буғдой Кафоннинг барча амирларини Отабеклар дав-
латига садоқат билан хизмат этиш ҳақида қасамёд қил-
диригач, малик Нусратиддин Мұҳаммад ибн Пиштегин

хузурига йўл олди. Уни қилинаётган ишларда ёрдамга чақирди ва айни пайтда, ўзи ҳам унга итоат этишини билдириди. Нусратиддин уни илтифот билан яхши кутиб олди. Шу билан бирга Шарафулмулкка мактуб ёзиб, бу ердаги аҳволни маълум қилди, у билан ораларида бўлиб ўттан гаплардан, мўлжалланаётган ишлардан огоҳ этди.

Шарафулмулк унга яширин равишда нома юбориб, Бугдойни ўзи томонга оғдириш учун барча чораларни кўришни, унинг ҳамма талабларини, истакларини қондиришни, маблағ, иқто, бойликлар ваъда қилишни бујорди.

Шундан сўнг бир неча кун давомида икки ўртада элчилар бориб-келди. Бугдой, ниҳоят, Шарафулмулк томонга ўтишга розилик берди ва садоқат билан хизмат қилишга қасам ичди. Нусратиддин Бугдойни ўзи билаң бирга Аракс соҳилида турган Шарафулмулк ҳузурига бошлаб келди. У Бугдойни яхши кутиб олди, нима истаса беришга ваъда қилди, унга ва унинг сафдошларига бир юз эллик дона фахрий кийим-бошлар совға қилди. Бу совғалардан ўнтаси, яна бошқа жиҳозлар, отларнинг эгар-жабдуқлари, туғлар билан тўлдирилган эди. Вазир унинг илтимосига кўра Урмиё ва бу шаҳар атрофидаги ерларни Бугдойга иқто қилиб берди. Шу билан бирга Шарафулмулк унга хоразмликлардан бироргаси ўлдирилган юртдошлари хунини талаб қиласлигини билдириди.

Бугдойнинг кўнглидаги ёмонликлар барҳам топиб, у ёрдам беришга шайланган пайтда Ироқ томонидан Султоннинг тоторларни даф қилиб қайтгани ҳақидаги хушхабар етиб келди. Шарафулмулк Бугдой ва Ибн Пиштегин ҳамроҳлигида Озарбойжонга қараб йўл олди. У ҳожиб Алидан қасд олишга чоғланганди.

У Марандга етиб борганида Султон қўшинининг чап қанотидан учта амир унинг ҳузурига келди. Булар Куч Тегин Паҳлавон, ҳожиб ал-хасс Ҳонберди ва амир-охур Ўдоқ эди¹¹. Улар Султон томонидан Шарафулмулк қўшинини кучайтириш учун юборилганди.

Султоннинг одамларни синаштга қилишда бир одати бор эди. Агар унинг сафдошларидан бири жанг пайтида қочса ёки бирор ишда бепарволик қилса, Султон уни яна жангта солар, ё бирор қийин ишга буюарди; Уни шу

ника қийинчилекни енгигб ўтишга, хизматда ўзини
есатишга, айини ювишга мажбур қиласди. Агар ўша
дам бундан муваффақиятли ўта олса, Султон бундан
юатланиш ҳосил қиласди. Бу одат аслида тоторларда
о эди. Султон ҳам уни ўзлаштириб олиб, ўз сафдошла-
га кўлларди.

Исфахон жангидаги чап қанот қўшинида мана шу учта
мирдан бошқа бирортаси омон қолмади. Шу сабабли
Султон Шарафулмулкка ёрдам беришни шу учта амирга
юрди. Улар вазир ҳузурига етиб келдилар. У қўшинини
лар лашкарлари ҳисобига кучайтирган ҳолда Хойга то-
мон юрди. Бу ерда ҳожиб Алининг ноиби Бадриддин сар-
манг лашкарлари билан жойлашганди. Аммо Шарафул-
мулк шаҳарга яқинлашмади, уни ўнг томондан четлаб
тиб, бу пайтда Новшаҳарда турган ҳожиб устига юришга
шошилди¹².

Ҳожиб Шарафулмулк ўзини минглаб лашкарлари билан
ўраб олаётганини эшигтгач, Беркри томон кетди¹³. Лекин
унга кирмай Шарафулмулкни кутиб турди. Унинг етиб
келганининг иккинчи куни қўшинлар юзма-юз бўлдилар.
Шарафулмулк қўшинларининг биринчи ҳужумидан кейин-
ноқ жанг ҳожибининг қочиши билан тутади. У Беркрига
кириб ҳимояланди. Унинг сафдошларидан кўпчилиги
қиличдан ўтказилди. Тожулмулк ибн ал-Малик ал-Одилга
ўқ тегиб яраланди ва ўлди¹⁴. Шундан кейин Шарафулмулк
уларнинг ногора-довуллари, туглари, байроқларини йиғ-
дириб олдирди. Буларнинг ҳаммасини у Султон қўшин-
ларининг чап қаноти лашкарларига бериб Исфахонга
жўнатди. Унинг ўз қўшинлари атрофдаги жойларни талаш
учун тарқалиб кетдилар. У уч кун давомида юзга яқин от-
лик лашкарлари билан бирга қолди. Ҳожиб бу пайтда Берк-
рида эди. Унинг ёнида жангда ўлимдан омон қолган ва
асир тушмаган кўплаб сафдошлари бор эди. Лекин улар
шу уч кун ичида шаҳардан чиқиб Шарафулмулкка ҳужум
қилишга журъат қила олмадилар. Мағлублик алами оғир
эди, бу уларнинг ақл-хушини ҳам олганди. Улар қуролсиз
одамлар устига ҳужум қилишга, қаҳрамонларни кўрганда
эса қочишга уста бўлиб қолгандилар.

Кейин ҳожиб амир-охур Ўдоқча мактуб ёзиб, ўзи би-
лан Шарафулмулк ўртасидаги қарама-қаршиликни бар-

тараф этицида ёрдам беришини, яраштирувчи бўлишини илтимос қилди. Амир-охур Ўдоқнинг ҳожиби (шаҳар) деворига яқинлашиб, у билан музокара олиб борди. Ҳожиб Али унга мактуб бериб, хукмдорига етказишни айтди. Ўдоқ мактубни Шарафулмулкка берди. Вазир амир-охурдан газабланди ва унга кўпол муомала қилиши, унга ҳожиб Али билан қайта учрашмасликни тайинлаб бундай деди: “Мен ҳожиб Алини ўлдиришга қасд қилганман. Ана шунда мақсадимга эришаман. Мен тез орада унга қарши шундай куч билан келаманки, мамлакатини вайрон қилиб, уни қўшини билан ер юзидан супуриб ташлайман”.

Шундан сўнг унинг лашкарлари Озарбойжоннинг турли вилоятларидан талон-тарожлардан қайтиб келди. Шарафулмулк ҳожиб кетидан тушди. У Хойга яқинлашганда ҳожибнинг бу ердаги ноиби шаҳарни ташлаб чиқиб Котур қальясига кириб ҳимояланди. У бу қалъадан Султон келганидан кейингина чиқди. Шундай қилиб Озарбойжонда ҳожиб қўшинларидан ҳеч ким қолмади, унинг байроғи остига бирлашганлар ҳам мамлакатни тарк этдилар.

Шарафулмулк Хой шаҳрига киргач бу ердаги бой одамларнинг ҳамма нарсасини мусодара қилди. Шаҳарда унинг зулмидан бирон кимса ҳам омон қолмади. У шаҳар воийси қилиб мамлуги Носириддин Бугуни тайинлади. Кейин Марандга йўл олди ва бу ерда ҳам бошқа шаҳарларда амалга оширган ишларини қилди. У Нахичевонда ва Озарбойжоннинг бошқа вилоятларида ҳам талон-тарожни кучайтирди. Бу жойлардаги одамларнинг барча бойликларини тортиб олди, уларни эҳтиёжманд қилиб кўйди.

Шундан сўнг Султоннинг Озарбойжонга келаётгани ҳақида хабар етиб келди. Шарафулмулк уларни Учонда кутиб олди. Бу ерга Султондан илгари бир қанча лашкарлар билан биргаликда Жалолиддиннинг аммаси Шоҳ Хотун (Султон Такишининг қизи) ва Сонжақонхон келган эди. Қўшинларнинг бошқа қисми эса Фиёсиддиннинг пайдо бўлишини кутиб Аламут чегараларини ўраб олганди. Бу ҳақда илгари ҳам ҳикоя қилгандик.

Бу ерда Султон йўлуғининг бошлиғи (ҳаким йўлук ас-Султон), яъни девонда шикоятлар билан шуғулланувчилар етакчиси (ал-мазалим) Сонжақонхоннинг бирдан ва-

жет этиши кутитмаган воқеа бўлди¹⁵. У Учонда йўлуғлар
ширида одатига кўра ёғочга суюниб ўтирган. Суҳбат пай-
на бошини кўйи этган. Атрофидагилар уни пинакка
уди деб ўйлашган, кейин билишсаки, у бу дунё билан
ирлашган экан.

Бу всекадан кейин Султон етиб келди, ундан сўнг ота-
к Саъднинг қизини Форс маликасининг тахти равони-
келитиришди. Жалолиддин Исфахонга келганида унга
ланган эди. Унинг опаси, Султоннинг олдинги хотини
з Ганжада, Урхон ўлдирилган кун вафот этганди.

¹ Маранд — Эрон Озарбойжонидаги шаҳар.

² Суфиён — Маранд ва Табриз оралигидаги қишлоқ.

³ Робибиддин ҳақида 6-7 бобларга қаранг.

⁴ Мардонким қалъаси Табриздан шимол томонда бўлган.
Аракс дарёсининг ўнг қирғоғида, ҳозирги Мардонким қишлоғи
Ўрнида жойлашган.

⁵ Хачен (Хоҳанабард) — Ўрта аср қалъаси (Хоҳанабард — хукм-
дорнинг тошдан ясалган уйи маъносини англатади).

⁶ Иване ал-Куржининг синглиснинг ўғли Жалолиддин —
бу Иване Мхаргрдзели синглиснинг, Хачен князи Вахтанг ва
Хуршоҳнинг ўғли Ҳасан Жалолуддавладир. У 1261 йилда мўгул-
лар томонидан Қазвина ўлдирилган.

⁷ Динор барбари — Византияning олтин пули.

⁸ Буғдойнинг “Ҳеч кимдан рухсат сўрамасдан” ал-Малик
ал-Ашраф ёнидан қочиб кетишининг сабабини ал-Ҳамавий
унинг “бадаҳлоқ ёмон одамлилигидан” эди, деб ёзади.

⁹ Исми номаълум шоирнинг мисраси.

¹⁰ Кафон — Арманистоннинг бугунги кунда туман марказла-
ридан бири.

¹¹ Бу амирлар ҳақида 62-бобга қаранг.

¹² Новашр — Туркияning шарқи қисмидаги ўрта аср шаҳри.
Ҳозир ҳам шу номда шаҳар бор.

¹³ Беркри, Баҳоргири — Ўрта аср шаҳри.

¹⁴ Беркри яқинидаги жанг (бунда Шарафулмулк қўшинла-
рига мамлук Буғдой бошчилик қилган) 625 йилда (1227—1228
йилда) бўлиб ўтган. Бу жангда ҳожиб Алиниң қўшинлари мағ-
луб этилган. Ўлганлар орасида Миср хукмдори аййубий ал-
Малик ал-Одилнинг ўғли Баҳовуддин Тожулмулк Исҳоқ ҳам
бўлган. У Ҳилотга ёрдамга келган Миср қўшинларига раҳбар-
лик қилган.

¹⁵ Сонжақонхон ҳақида 39-, 54-бобларга қаранг.

ИЗЗИДДИН БАЛБОН АЛ-ХАЛХОЛИЙ ВА УНИНГ ҲАЁТИНИНГ ЯКУНИ БАЁНИ

Номини келтирганимиз бу одам отабек Ўзбекнинг мамлукларидан бири эди. У Халхолни ва унинг кўплаб қальаларини босиб олганди¹. Ироқ ва Озарбайжоннинг йўлларида талончилик қиласарди. У туфайли йўлларда юриш хавфли бўлиб қолганди. Шу учун унинг устидан шикоятлар кўпайди, унга нисбатан қаҳр-ғазаб кучайди. Одамлар Султондан бу вилоятни босқинчилардан тозалаш, норозиликларга чек қўйиш тўғрисида илтимос қила бошлади. Султон тоторлар билан банд бўлган пайтларда унинг зулми ва талончиликлари ҳаддан ощи. Бошқа томондан ҳожиб Али Озарбайжонда уруш оловини янада кучайтириди.

Султон Ироқдан қайтаётиб Балбонни ушлаш учун Ферузобод қалъаси атрофида тўхтади ва уни бир неча кун қамал қилди². Кейин у омонлик сўраб қўлида қиличи ва кафанлиги билан Султон ҳузурига чиқди. Султон уни кечирди, кўнглини кўтарди, кўркувдан фориғ этди. У ундан Балак, Ферузобод қалъасига отабек Саъднинг мамлуги Ҳусомиддин Тегинтошни волий қилиб тайинлади³. Балакни эса бир неча туркий шайхлар қўлига топширди. Шундан сўнг Султон ҳазинаси, бойликлари, ҳарамида гиларни Муқонга ташлаб, юклардан холи бўлган қўшини билан Ҳилот сари йўлга тушди. Унинг кўнглида ҳожиб Алига нисбатан нафрат тўлиб-тошганди⁵.

У Оржишга етганида қор ёғиб, совуқ кучайди⁶. Шу учун босқинчилар томонидан таланиб бўлган ва аҳолиси кўп йиллар илгари ташлаб кетган Тутгобга йўл олди⁷. Бу ерда у ўн кун турди, унинг лашкарлари тўрт томонга юриш қилиб тоғ ва водийлар бағридаги қишлоқларни талонтарож этди. Бир гуруҳ лашкарлар ҳатто Арzon ар-Румга қадар ҳам бордилар. Ўша жойлардан катта ўлжалар олиб қайтдилар⁸.

Султон Тутгобда бўлган кунларида ар-Рум ҳукмдори Аловуддин Кайкубоддан мактуб келди. У мактубида Султонни аййубийларга гижгижлаб, уларга қарши курашда

хам бериш ниятини билдирган эди. У йўллаган номада ўтган иили Султон тоторларга қарши курашиб, улар орқага суриб ташлагани каби ўзи ҳам мамлакатига шни бўлган кофирлар юртига ҳужумлар уюштириб, арнинг бир неча қатъаларини босиб олганини айтган. Эндиликда ўзининг барча кучларини асосий душман этига ташлаш, уларнинг хуружларидан халос бўлиш фурати етганига қаратганлигини билдирган эди. У хатто мақсадини ошириб-тоширган ҳолда “биз кичик жиҳодардан қайтдик, энди навбат катта, улуғ жиҳодга” деб ўлон қилганди⁹.

Унинг мактубининг ичига яна бир хат ҳам қўшиб жўналиганди. Бу Аламут хукмдори Аловуддиннинг аш-Шом зилояти бўйича ноиби Сирожиддин ал-Музаффар ибн ал-Хусайннинг ар-Рум хукмдори Аловуддин Қайқубодга йўллаган хати эди¹⁰. Ноиб хатида Султоннинг Ироқда пайтида ёрдамга муҳтоҷ бўлиб, Исфаҳон яқинидаги жангда ўлганлигини, қўшинлари тарқаб кетганлигини, укаси Фиёсиддин Аламут хукмдори Аловуддин ҳузурида ҳимоя топиб, унга бўйсунганлигини, шунингдек, отабек Қизил Арслон, яъни Малик Хомуш ҳам унинг остонасида тиз чўкиб марҳамат кутаётганини ёзганди. Шу билан бирга Ироқни босиб олишда Аламут хукмдори Аловуддинга эндиликда ҳеч ким рақиб бўлолмаслигини ҳам эслатган эди. Хатда яна шунга ўхшаш сўзлар битилганди.

Султон бу хатни менга бериб, овоз чиқариб ўқишимни талаб қилди. Хатга кўз ташлаб чиқиб унинг бўлмағур гаплар, ёлғонлардан иборат эканлигини англадим. Бу пайтда Султон ҳузурида барча хонлар, маликлар ва амирлар тўпланган эди. Мен Султонга: “Бу Султон ҳузурида ўқишга арзидиган ва ҳаммага овоза қиласидиган хат эмас”, дедим. Лекин у хатни ўқишимни талаб қилди ва деди: “Сен унинг ичиди нима ёзилганига эътибор берма!” Мен унга: “Агар бу хатни ўқишим ниҳоятда зарур бўлса, иккимиз қолгандагина ўқийман!” дедим. Кейин машварат тугаб, одамлар кетди. Мен унга хатни ўқиб бердим. У хатни мендан олди ва сўрғичлаб жилдига солиб қўйди.

Бу ерда мана шундай воҳеалар бўлиб ўтди! Балбон ал-Халколий эса бир куни тунда Тутгобдан Ҳилотта қочиб кетди. Бу ҳақдаги хабар у кетганидан сўнг маълум бўлди.

Ҳожиб Али уни қуроллантириб юришга чорлади. Ҳожибнинг бундан кузатган мақсади бор эди. Агар у (Балбон) Султон кўл остидаги мамлакатнинг марказида пайдо бўлиб, ғалаёнлар кўтарса, Жалолиддин у билан банд бўлиб, Ҳилотта хужум қилишга имкони қолмайди, деб ўйлаганди. Лекин бу Султоннинг Ҳилотни босиб олиш ниятини ўзгартирмади. Чунки Балбон қалъаларни топширганидан кейин қаноти қирқилган қушга ёки қуролидан айрилган лашкарга ўхшаб қолганди. Балбон Занжон тоғлари томон йўл олди. У яна йўлларда қароқчилик қила бошлади, Султонга ўчакишиб талон-тарожларни авж олдирди. Лекин охир-оқибат ўзини ўлимга тутиб берди, уни Исфаҳонда ўлдириб кетиши. Бошини танасидан жудо қилиб Султонга юбориши. Бу ҳақда Оллоҳ изн берса, мавриди келганда тўхтalamиз.

Султон Тутгобдан қайтиб Харбердга келди¹¹. Бу ерда ҳам унинг лашкарлари Тутгобдаги каби атрофдаги жойларга ўлжа ахтариб юришлар қилди. Кўплаб миқдорда молларни ҳайдаб келди. Ўложалар ниҳоятда кўп эди. Бошқа бойликларни ҳисобга олмагандা ҳам, факат майда молларнинг бешдан бир қисми (хумс)нинг ўзи етти минг бошдан ошиқни ташкил этарди. Бу галги талон-тарожлар Ҳилот атрофларида амалга оширилганди. Оллоҳга шукурлар бўлсинким, бу босқинлардан кейин ғалаён ва низолар рўй бермади.

¹ *Халҳол* — Ардобилнинг шимолий қисмida жойлашган вилоят ва шу номдаги қалъа.

² *Ферузобод* — Халҳол вилоятидаги қалъа.

³ *Балак* — Халҳол ва Занжон ўртасидаги тоғлар бағрида жойлашган ўрта аср қалъаси.

⁴ 625 йил шаввоннинг 12 кунида (1228 йил 14 сентябрда) Шарафулмулқ ва Жалолиддин Иzzиддин Балбоннинг қўзғолон кўтариши муносабати билан Сурмари ҳукмдори Ҳусомиддин Хидирга нома йўллайди. У эса бу номани ҳожиб Алига юборади. Унда Балбоннинг ишлари тўғрисида фикр юритилган.

⁵ 1228—1229 йил қишида Хоразмшоҳ Жалолиддин кам сонли, лекин танланган лашкарлари билан ҳожиб Алига қарши юриш қиласи ва уни қисқа мuddатда мағлубиятга учратишга ҳаракат этади. Аммо бу юриш муваффақиятли яқунланмайди.

Хоразмшоҳ лашкарлари турли вилоятлар ва қишлоқларга тарзалиб кетадилар.

⁶ *Оржиш* — Ван кўлининг шимолий қирғонидаги қалъа.

⁷ *Тутуб* — шаҳар ва қалъа. Эндиликда номи Дутоҳ.

⁸ Ибн ал-Асир бу воқеаларни бундай тасвирлайди: “Шу йили Жалолиддин Хоразмшоҳ Ҳилоттга қадар борди ва у ердан Муш ва Жабал Жур томонларга қадар етди. У олдида учраган барча қишлоқларни босиб олди, эркаклар ўлдирилди, аёлтар ва балалар кўл қилиб сотилди. Кўплаб ўлжалар олинди. Кейин ўз масканинг қайтиб келди.

Ал-Жазиранинг шаҳарлари — Харран, Саружа ва бошқалар аҳолиси Жалолиддин Ҳилотдан ўтиб, Жабал Жур томонга кетаётганини эшиттгач, бизнинг устимизга ҳам бостириб келади, деб қўрқа бошлидилар. Ўшанда қиши пайти эди. Улар Султон қишилаш учун ал-Жазирага кетаётиди деб ўйладилар. Чунки ал-Жазирада ҳаво совуқ бўлмасди. Шу учун бу вилоят аҳолиси ўз жойларидан Шомга бориш тараддудига тушдилар. Аммо Саружанинг айrim одамлари Шом вилоятининг Манбижига етганларида Жалолиддин ўзларининг вилоятларининг айrim жойларини талон-тарож этиб орқага қайтиб кеттанини эшитдилар. Уларнинг тез орқага қайтишларига Ҳилотда одатдагидан кўра кўпроқ қор ёқданлиги сабаб бўлганди”.

Муш — Ван кўлининг гарбий томонидаги қалъа.

Жабал Жур — ал-Жазира вилоятидаги шаҳар.

Харран — Месопотамиядаги шаҳар.

Саруж — Месопотамиядаги шаҳар.

Манбиж — Ҳилот яқинидаги шаҳар.

⁹ Султон Аловуддин Қайқубод I нинг Жалолиддинга мактубини амир Салоҳиддин келтириб беради. (Бу ҳақда 47-бобда ҳам маълумот берилган). Хоразмшоҳ эса Жамолиддин Фарруҳ, Жамолиддин ас-Соважий, Нажмиддин Абу-Бакр ал-Жомий ва яна иккита хоразмлик амирдан Аловуддин Қайқубод I га мактуб бериб юборади. Улар орқали Рум султонига кўплаб совға-саломлар ҳам жўнатади. Румликлар Хоразмшоҳ элчиларини беш кун давомида меҳмон қиласидилар. Олтинчи куни уларни Қайқубод I хузурига олиб борищди. Улар алоҳида эҳтиром ва илтифот билан қабул қилинадики, тарихчилар айтишича, элчилар ҳайратдан ёқа ушлайдилар. Элчилар мактубни Султонга берадилар ва саккиз кундан сўнг улар Қайқубод I хузурига яна таклиф қилиндилар. Аловуддин Қайқубод I олтин таҳтда кўр тўқиб ўтиради. У элчиларга қарата бундай деди: “Бу Музаффар Султонни қаттиқ ҳурмат қиласиз. Унга айтингларки, унинг олижаноб ниятлари айrim хиёнаткорларнинг васвасаси туфайли Ҳилот тарафига қаратилди. Унинг бу хатти-харакатларини оқилона тадбир деб бўлмайди. Биз ўйлай-

мизки, ҳозирги кунда ҳаммамиз учун энг мақбул йўл — бу ҳам бўлса тоторлар билан тинч келишув йўлини танлашдир. Агар Султон бизнинг таклифларимизни ўринли деб топса, тинчлик ҳақидаги музокаралар эшигини очиш учун барча чораларни кўрсин. Султон отасининг ишини давом эттириб тоторлар хузурига дарҳол элчилар юборса, бу барча мусулмонларнинг манфаати учун фойдали бўларди. Умидвормизки, яхши, ҳалимдай гаплар, пул ва ҳаджалар билан ўргадаги ҳамма ёқни қамраб олган ўзаро нифоқ оловини ўчира оладилар. Султонга шу нарса яхши маълумки, агар у бу борада ўз фаолиятини бошласа, бизнинг имкониятларимиздан ҳам тўла фойдаланиши мумкин. Бу гапларни Султонга аниқ қилиб етказинг. Агар Султон тинчлик ўрнатиш борасида ягона бўлган бу йўлдан фойдалана олса, бу билан ўз давлатининг гуллаб яшинашига шароит яратади. Ўз ќўшинини тоторларга қарши курашдан халос этиб, ал-Куржининг насронийларини ўзига тобе қилишга, атрофидаги кўшни ерларни босиб олишга, Аронга томон юриш бошлашга ташлаган бўларди. Агар Султон тоторларга элчилар юбориб, сулҳ ҳақида битим тузилишини сўраса, бу билан мусулмон мамлакатларни оғир аҳволдан халос этиб, бехуда қон тўклишишининг олдини олишса, ундан олтинимизни ҳам, кумушимизни ҳам аямаймиз. Аммо хиёнаткорнинг сўзига кириб, бу маслаҳатларга қулоқ солмайдиган бўлса, у ҳолда барча мусулмон мамлакатлари хукмдорлари иттифоки томонидан унга жиддийроқ маслаҳат бериш зарурияти туғлади. Биз ниятларимизни амалга оширишга ҳаракат қиласиз, ҳавф-катарни даф этиш йўлини танлаб, мақсадларимиз учун кураша бошлаймиз”. (Аловуддин бу ўринда хиёнаткор деб Жалолиддиннинг вазири Шарафулмулкни назарда тутган.)

Султон Аловуддин Қайқубод I нинг Хоразмшоҳга мактубини Шамсиддин Олтингек олиб келади. Мактуб билан бирга Жалолиддинга ниҳоятда кўп совға-саломлар юборилади. Булар тяялар, ҳачирлар, қимматбаҳо буюмлар, икки юзта тужа таҳва ҳар хил бебаҳо тошлар, ошхона буюмлари, шароблар, чодир ва унинг ичидаги барча анжомлар, юзта ҳачирда олтин танглар, олтин идишлар, фахрий кийим-бошлар эди.

Шамсиддин Олтингек Хоразмшоҳга мактубни беради ва бетоблиги туфайли унинг хузуридан кетади. Хоразмшоҳ вазири Шарафулмулкнинг маслаҳати билан бир ойгача улар мактубига жавоб бермай, элчиларни базм ва хурсандчиликлар билан машғул қиласди. Ниҳоят, Хоразмшоҳнинг аъёнлари ҳам элчилар мактубига жавоб берилмаётганига норозилик билдира бошлиди. Лекин, шунга қарамай, элчилар мактублари барибир жавобсиз қолди.

¹⁰ Сирожиддин ал-Музаффар ибн ал-Хусайн ҳақида бошқа инбаларда ҳам маълумотлар бор.

¹¹ *Харберд* (*Хартберд*, *Харпум*, *Хусн Зиёд*) — Ўрта аср қалъаси. Малатиядан шарқ томонда 60 километр узоклиқда жойлашган қалъа.

75-БОБ

ИМОМ АЗ-ЗОХИР БИЛЬАМРИЛЛОҲНИНГ ЭЛЧИЛАРИ НАЖМИДДИН АР-РОЗИЙ ВА РУЖНИДДИН ИБН АТТОРНИНГ КЕЛИППИ БАЁНИ¹

Улар Султон Табризда турган пайтида, унга имом аз-Зохир Бильамриллоҳнинг аждодлари ўрнини эгаллагани — халифа бўлгани ҳақидаги қувончли хабарни олиб келишиди. Унинг элчилари келгусида умид уйғотувчи ваъдалар, энг яхши сўзлар, мақсадлар билан ташриф буюрганди².

Ибн Атторга Султон ҳузурида қолиш ҳақида буйруқ берилганди, ар-Розий эса Султон элчиси билан орқага қайтиши лозим эди. Чунки Султон элчиси янги халифанинг тахтга ўтириш маросимида қатнашиши ва ундан фахрий кийим-бошлар олиш учун бориши талаб этиларди. Янги Халифани тахтта ўтқазиш кўп ийлларда бир марта амалга ошириладиган иш бўлгани учун бу маросимга узок тайёргарлик кўриларди. Баъзан у турли сабабларга кўра бироз кечикиб қолиши ҳам мумкин эди.

Султон унинг (ар-Розийнинг) ёнига Мужириддинни кўшиб жўнатди. Улар фахрий кийим-бошлар билан қайтилар. Аммо улар Султон ҳузурига келишдан аввал аз-Зохир Биальамриллоҳнинг (Оллоҳ ундан ва унинг барча аждодларидан рози бўлсин!) вафоти ҳақидаги хабар етиб келди. Фахрий кийим-бошлар Боғдодга қайтарилиди. Султон фахрий кийимларнинг Боғдодга қайтарилиш сабабини халифаликнинг ўзига нисбатан муносабатлари ўзгариши мумкинлиги билан изоҳлади. Бу ўзгаришлар қандай бўлишини билиш керак эди³.

¹ Нажмиддин ар-Розий — улуг суфийлардан бири. Мўгуллар Ироққа бостириб киришганидан сўнг Кўниё султонлигидан паноҳ топди. Бир қанча асарларнинг муаллифи. Унинг “Оллоҳ

кулларининг дунёга келишидан то умри охиригача ҳётининг тафсилотлари” деган суфийлик асари машхур. 1247 йилда вафот этган.

Рукниддин Абу Бакр Мансур ибн Абул Қосим Наср Зоҳириддин ибн Аттор — халифалар ан-Носир ва аз-Зоҳирнинг вазири.

² Аббосийлар сулоласининг 35-халифаси аз-Зоҳир 622 йил шавволида (1225 йил октябринда) таҳтга ўтириди. Унинг вафоти 623 йил ражаб ойининг 24 кунида (1226 йил 21 июля) рўй берди. Халифа аз-Зоҳир қисқа муддатли ҳукмронлиги даврида Ҳоразмшоҳ билан яқин бўлишни ният қилган.

³ Аббосийлар сулоласининг 36-халифаси ал-Мустансирнинг (1226—1242 йиллар) таҳтга ўтириши билан Олий девоннинг сиёсати ҳам ўзгариши аниқ эди. Жалолиддин⁴ бу ўринда халифаликнинг ўзига нисбатан ҳурмат-эътибори янада юқори бўлишини куттган.

76-БОЕ

СУЛТОННИНГ ОЗАРБОЙЖОНДА ҚИШЛАШИ, БУ ЕРДА ШАРАФУЛМУЛКНИНГ ХАТОЛАРИДАН ОГОХ БЎЛИШИ ВА У ҲАҚДА ФИКРЛАРИНИНГ ЎЗГАРИШИ БАЁНИ

Кўшинлар кўплаб ўлжаларни кўлга киритиб Муқонга қайтиб келди. Султон эса бир ой давомида Хойда қолди. Унинг Хойда бўлиши ўзи учун фойдали бўлди. Узлуксиз талон-тарожлар ва бойликларни мусодара қилишлар на-тижасида аҳолининг қандай ахволга тушиб қолганлиги-ни ўз кўзи билан кўрди. У Тўғрул ибн Арслон ас-Салжуқийнинг қизи, маликанинг кўрқиб қочиши сабабларини, унинг айбизз эканлигини, тухмат ўюштирилганини билди. Султон Шарафулмulk унинг шамсу қамар янглиғ гўзал канизакларини тортиб олганидан ҳам хабар топди.

Шундан кейин Жалолиддин қишида Табризга кўчиб ўтди ва бу шаҳарнинг ҳам худди Хойсингари оғир аҳволда эканлигидан хабар топди. Бунинг устига Табриз вилоятининг Кўзакунон қишлоғига бориб ниҳоятда қашшоқликнинг устидан чиқди¹. Одатда бу қишлоқдан девонга катта фойда кирим қилинарди. У ҳар гал бу ерга келганида қишлоқ раиси уни меҳмондўстлик билан кутиб олар, новвойхона, ошхона учун барча нарсаларни ҳозирлатар, отларни ем билан таъминларди. Саройдан келғанларни

mansabi ulug' odamlarni me'xmon sifatida ilik kutib berdi. Ammo bu gal Sulton qishloqda raисни kurmadi. Ta xabar beringlaricha, raис kon t'ukiшда aйblanib erizda asirlikda saқlanган. Undan ming dinor tovon ni t'ulaш talab etilgan. Bu pulni undiriб olishni Sharafulmulk mamlyuti Nosiriddin Buғu va jaшnigiри Nosiriddin T'ugrulg'a buyorgan².

Sulton Tabrizga qaytgaч raисdan bu pulni olgan ikkila gulomni ҳam, boшқа xizmatchilarni ҳam тушишni yordi. Ulар k'ulga tuширилди va raисdan undirgan to'bi puли qaytariб berildi. Sulton ularning olarinini em mусодара қildirdi va ikkalasini piёda ҳolda Muқонга қувдирib yobordi.

Жалолиддин Tabrizdagi va uning atrofidagi қийин qoldan voқif bўлгач, ularni soliqlaridan ozod қiliшга boror қildi. Shu учун Tabrizni уч yillik xirojdan ozod etdi va bu ҳaқda farmon (tavқi) чиқartirdi.

Shundan keйin unga shikoятlar ёғилиб kela boшladi, iширин maъlumotlar k'upайди. Bularning bari Sulton bu erda йўқ пайтида vazirning odamlari amalga oshirgan yulmlar ҳaқida chaқiqlar edi. U bu maъlumotlar va chaқiqlarни eshitap ekani, k'ungliida Sharafulmulkka nisbatan яшиrin fазаб pайдо bўldi. Bu vaқтда Sharafulmulkdan энг muҳim iшlar t'ugrisida k'uplab maktablар keldi, lekin Sulton bularning ҳеч қaisisiga жавоб bermadidi.

Sulton Tabrizda olarinini em va odamlarini oziқ-ovқat bilan taъminlash imkoniyati йўқligini bilgach, Sharafulmulknинг don saқlanadigan omborlарini очишga bуйруқ berdi. bu erdag'i donni novvoyxon'a va otxonalarغا beringlar bуyordi. Shunda odamlar Sharafulmulkning куни битди deя taxmin қila va gapira boшladiilar.

Sulton Muқонга qaytgaч, ular учрашдилар. Xorazmshoҳ unga гүё ҳеч нарса bўlmagannday, k'unglidan ҳam ҳеч нарса ўtmagannday, гүё orada совуқлик munosabatlari yuz bermaganday munosabat қildi.

Sharafulmulk xuddi avvalgi vazirlar singari ўttgan yilllar учун viloyatlardagi iқto эгалари va hass mulklardan uшр йигарди. Tabiiyki, avvalgi vazirlar bu iшni яшиrin ravishda amalga oshirgan, у эса ўз хукмонлиги

остида бу ишни очиқдан-очиқ қыларди. Бунда, шубҳасиз, Султон буйруғи бўлмасди. Агар кимдир ушр бермаса, Шарафулмулк ундан талаб қилмасди, чунки Султон унга бу ишни қилишга рухсат этмасди. Аммо бу пайтда келиб барча вилоятлардаги иқто эгаларидан ва хасс мулқлардан ушр йиғиш ҳақида Султон буйруғи эълон қилинди. Султон унга бу ҳақда фармон чиқарип берди. Бу фармонни вазирга девон ал-мазалимнинг амир йулуглари Дойихон ва Атлас малик етказиши. Бу хабар учун Шарафулмулк уларга “Элчилик одатларига кўра” беш минг динордан берди.

Шундан кейин Шарафулмулк фақат Ироқдан йифиладиган ушрдан (ҳожиб Алиниң ғалаёнлари ва ўзининг пул йиғишига вақти озлигига қарамасдан) йилига етмиш минг динордан кўп маблағ оладиган бўлди. Иқто эгалари вазир билан яхши муносабат ўрнатиш мақсадида баъзан ҳосилнинг ярмини унга берардилар. Бошқалардан ҳосилнинг ярми тортиб олинганда ҳам улар шикоят қилишига журъат этмасдилар. Шу сабабли вазир Султон девонлари учун барча вилоятлардан йифиладиган ушр ёнига ўз девони учун ушр тўплашни ҳам кўшиб қўйган эди.

¹ Кўзакунон — Табризнинг ғарбида жойлашган катта қишлоқ.

² Жашнигир — Султон шаробларини тотиб кўрувчи, 38-бетта қаранг.

77-БОБ

ГУРХОННИНГ СУЛТОН ХИЗМАТИГА КЕЛИШИ БАЁНИ

Қипчоқ уруғлари Хоразмшоҳлар хонадони билан дўстлик ва муҳаббат ришталари орқали мустаҳкам боғланганди. Қадим замонларда бўлгани каби айни кунларда ҳам Хоразмшоҳлар оиласида фарзандлар қипчоқ ҳукмдорларининг келин қилиб олиб келинган қизлари орқали дунёга келар, бу ерда оналик баҳти кўпроқ уларга насиб этарди. Айни пайтда, қипчоқлар Хоразмшоҳларнинг асосий таянчи, улар қўшинларидаги кўп сонли етакчи куч, шон-шуҳратларининг манбай эди. Шу сабабли Чингиз-

тоң ва унинг ўғиллари қипчоқларни батамом қириб ташашга жон-жаҳдлари билан интилардилар.

Султон Исфахон яқинидаги жангдан кейин Ироқдан қайтиб келди. Унинг кўшинлари тоторлар билан тўқнашувда уларнинг мардликларини кўриб бироз гангиб қолғанди. Шу учун у қипчоқ қабилаларининг ёрдамидан фойдаланиш керак деган фикрга келди. У аслида қипчоқ бўлган, бу уруғлар орасида оиласий ҳамкорликлари кўп Сирржон Кишини улар олдига жўнатди. У уларни Султонга ёрдам беришга кўндириши, душманга (тоторга) қарши биргаликдаги иттифоқ уларнинг ўзларининг хавфсизлигини таъминлашга хизмат қилишини ҳам тушунтириши керак эди. Агар улар бир-биридан ажралган ҳолда кураш олиб борсалар икки томон ҳам маглубиятга учраб, ўлимга юз тутишлари аниқ эканлигини айтиши зарур эди.

Сирржон Киши қипчоқлар ўзининг элчилигидан хурсанд бўлганлигини, ҳамкорликка тайёр эканлигини билиб, уларни Султон ҳузурига бошлаб келди. Дастлаб уларнинг айрим қабилаларидаги одамлар беш минг чодирни олиб Дарбанд томонга йўлга чиқди. лекин улар дарёдан кечиб ўтолмай Дарбанд яқинига жойлашди. Уларнинг ҳукмдорларидан бири Гурхонгина 300 га яқин ўз қариндошлари, яқинлари билан бирга кемада дарёдан ўтиб, Муқонда жойлашган Шарафулмулк билан учрашдилар. Кейин, йўллар қордан тозаланиб, баҳор аргумоқлари қиши устидан ғолиб келиб, атрофга яшиллик ёйганда Султон Муқонга қайтиб келди. Уни Шарафулмулк ва Гурхон кутиб олди. Гурхон аввал ваъда бериб, лекин хизматта етиб келмагани, эндиликда кеч бўлса ҳам Султон хизматига шай турганлигини айтиб кечирим сўради. Лекин унинг узри Султоннинг қўлини ўпмагунча қабул қилинмади. Кейин Султон бир неча кундан сўнг уни ва у билан бирга келган одамларни тақдирлади. Дарбанд йўлагини бирга қўлга киритиш борасида ваъдалашиб, уни жўнатиб юборди.¹

Агар лашкарбошилар ўртасида бир иш борасида англешимовчилик юз бермаганда эди, Дарбанд дарров қўлга киритилиши аниқ эди. Гурхон Дарбандни (унинг бошқа машхур номи Боб ал-Абвоб) босиб олишда иштирок этишга ваъда бериб қайтиб кетганидан кейин, Султон бу шаҳар ҳукмдорига мактуб йўллади. Аслида Дарбанд ҳукмдори ёш

бала эди, лекин унинг номидан бу ерни унинг отабеги ал-Асад деган одам бошқаради. Ал-Асад бу имкониятдан фойдаланмоқчи, яъни у Султоннинг меҳр-муруватига сазовор бўлмоқчи, унинг ишончини қозонмоқчи бўлди. Шу сабабли унинг ўзи Султон ҳузурига отланди. Султон уни эҳтиром билан кутиб олди ва тақдирлади. Унинг ўз номига ва мамлакатининг ҳукмдори бўлган ёш бола номига иқто ажратди. Лекин ал-Асад лашкарларга ҳамроҳлик қилиб борадиган ва Дарбандни унинг ўғли қўшинларга топширадиган бўлди. Султон у билан бирга олти минг отлиқ лашкарларни Иномхон, Хассхон бошчилигида жўнатди.

Улар Султон қароргоҳидан узоқлашганларидан сўнг, бир неча кундан кейин ал-Асадни асир олдилар. Уни занжирбанд қилдилар. Асирик сабабини, рухсатсиз бизларни ташлаб кетмоқчи бўлди, деб овоза этдилар. Кейин Султон лашкарлари Дарбанд деворидан ташқаридаги аҳоли яшайдиган масканни талон-тарож қилдилар. Бу ерга уюштирилган босқинчиликнинг натижаси шу бўлдики, гўё шаҳар атрофи аввалдан ҳеч нарса бўлмагандек текисликка айланганди.

Ал-Асад эса айёрлик йўлини тутди. У ўлимдан кутилди ва ҳуркак оҳудай шошиб, ярадор қилинган, таҳқирланган шердай важоҳат билан Дарбанднинг ичкарисига кириб ҳимоялланди.

Дарбанд иши шу тариқа чалкаштирилди ва уни босиб олиш имконияти қолмади. Агар Дарбандни Султоннинг кўлга киритиши Оллоҳга маъкул бўлганида эди, бу ишни амалга ошириш, албатта, Шарафулмулкнинг зиммасига юкланаради. Чунки бундай пайтда ҳар қандай оғир иш пул, совға, вайдага вафо қилиш, мулоҳимлик, сахийлик, хурмат-эҳтиром туфайли енгил кўчади.

Шарафулмулк эса ҳар қандай оғир аҳволдан самимилик, мулоҳазакорлик, сахийлик, тезкорлик натижасида силлиқлик билан чиқиб кета оларди. У бирор ишга киришса уни якунламасдан, якунлаганда ҳам ўз мақсадига етмай тутгатмасдан кўймасди.

¹ 1221 йилда мўгуллар Шемахани босиб олганларидан кейин шимолга томон йўл олдилар. Улар Дарбандга етиб борди-

, аммо унинг йўлагидан ўта олмайдилар. Ибн ал-Асирнинг ошичча, “Шунда улар Ширвоншоҳга, Ширвон ҳукмдорига тар юбориб, ўзлари хузурига элчи юборишини айтишни танилайди”. Бу элчи уларни, мўғул қўшинларини Дарбанд йўладан ўтказиб қўйиши керак эди. Лекин “Дарбанд дарвозалани эгаллаган форслар уларни бу йўлакдан ўтказмайдилар” бу форслар аслида Хоразмшоҳлар билан дўстона муносабат бўлган қипчоқлар эди. Улар 50 минг лашкар билан мўгуларнинг шимолга йўлини тўстган эди.

Кейинчалик, мўгуллар қипчоқларни мағлуб этадилар. Қипчоқларнинг қолдиклари яна Дарбандга келишади. Шаҳар ҳукмдори Ширвоншоҳ Рашид қипчоқларнинг бу ердан жой сўраб калган илтимосини рад қиласди. Шунда қипчоқлар Дарбандни дарёлик билан кўлга киритадилар. Рашид шаҳарни ташлаб кочишга мажбур бўлади.

78-БОБ

ШАРАФУЛМУЛК СУЛТОННИНГ ЎЗИГА НИСБАТАН МУНОСАБАТИ ЎЗГАРГАНИНИ БИЛГАНИДАН КЕЙИН МУҚОНДА ҚИЛГАН ИШЛАРИ БАЁНИ

Унга (Шарафулмулкка) Султоннинг ўзига нисбатан муносабати ўзгаргани ҳақида хабарлар кела бошлади. У бундан ниҳоятда ташвишга тушди. Шундан сўнг у Султоннинг ўзи бу ерда йўқ пайтида қандайдир хизмат билан унинг кўнглини олишим, унда ўзимга нисбатан хайриҳоҳлик пайдо қилишим керак, дей ўйлади. Бу хизмат унинг жинояткорона ишларининг ўрнини босиб кетадиган, оқибатда Султоннинг яна унга зътиборини оширадиган даражада бўлиши керак эди. У ўз қўшини ва Султон қўшинидан бир қисмини олиб юриш бошлади, Аракс дарёсини кемаларда сузиб ўтиб Гуштасфи вилоятини босиб олди¹. Бу ердан Ширвоншоҳ амирларини қувиб чиқарди. Кейин вилоятни шу йилнинг ўзидаги икки юз минг динор барбари эвазига ижара (дамманаха)га берди².

Бу жойнинг ўзига хослиги шунда эдики, у Аракс ва Кура дарёлари орагидаги жойлашганди, бу ерга фақат кемаларда сузиб ўтиб бориш мумкин эди. Вилоятда сув ҳавзалари ниҳоятда кўп бўлиб, балиқ ови ва сувда сузадиган күшлардан кўп даромад олинарди. Баъзан эса бой-

ликлар кўплигидан юзта гоз тўдаси бир динорга сотила-
диган пайтлар ҳам бўларди.

Султон Муқонга қайтиб келганида бу вилоятни Жа-
лолиддин Султоншоҳ иби Ширвоншоҳга икто қилиб бер-
ганди. Жалолиддиннинг отаси ўслини гуржиларга бер-
ган, улар эса уни Тамаранинг қизи малика Русуданга уй-
лантириш учун чўқинтиришган эди³. Султон гуржилар
юртини босиб олганидан кейин уни тутқунликдан холос
этди. У билан бирга Арzon ар-Рум ҳукмдорининг ўслини
ҳам улар қўлидан озод қилди. У ҳам чўқинтирилган ҳолда
юқорида айттанимиз малика Русуданга уйланганди. аммо
Арzon ар-Румнинг ўғли яна кофирлар хузурига, гуржи-
лар томонга қочиб ўтди. Бироқ гуржиларнинг унга нис-
батан муносабати ўзгарган эди, малика Русудан эса ун-
дан ажralиб, бошқа бирорга эрга тегди⁴.

Ширвоншоҳнинг ўғли эса қадди-қомати келишган,
хушсурат йигит эди. Султон уни ўз қарамогига олиб, яхши
тарбия қилдирди. Уни шоҳ болалари сингари суннати
эттириди. Кейин уни Гуштасфининг ҳукмдори этиб та-
йинлади. Аслида бу вилоятнинг бир қисмини отаси ҳам
унга мулк қилиб берганди. Султон уни етим ҳолда топиб
бағридан жой берди, хато йўлдан қайтариб тўғри йўлга
бошлиди, камбағал эди, бой қилди. “Илгари ўтган зотлар
ҳақидаги Оллоҳнинг йўли қонундир. Оллоҳнинг йўлини
эса ҳаргиз ўзгартира олмассиз”*.

Шарафулмулк ўзи учун Аракс дарёсидан сув оладиган
учта канални (орнани) ажратиб олди. Уларга “аш-Шара-
фий”, “ал-Фахрий”, “ан-Низомий” деб ном берди.⁵ Катта
фойда берадиган учта туманга кўплаб одамларни кўчир-
тириб олиб берди. Шундан кейин Султоннинг ўзи ҳақда-
ги фикри ўзгарганини англағач, Гуштасфидан орқага
қайтди. Қиши вақтида, ерлар музлаб ётган пайтда Аракс
қирғонига келиб тўхтади. У одамларга дарахтларни кесиб
олиб келиб, тўғри чизиқ бўйлаб ётқизиб чиқишини буюр-
ди. Кейин ёғочлар ёқилди, олов туфайли ернинг музи
кетди. Натижада канал қазишга киришилди. Бу ерда узоқ
уринишлардан кейин катта ва чукур, одам кечиб ўтол-
майдиган канал пайдо бўлди. Унга “Султонжўй” деб ном
берилди. У бу канални шу йилнинг ўзидаёқ саксон минг
динорга ижарага берли. Унинг ижара ҳаки каналдан сув

иҷадиган ерларнинг экини фойдасидан эмас, сув ҳавзаси сифатида келтирадиган фойдасидан олинадиган бўлди.

¹ Гуштасфи (*Гуштаспи*) — Кура ва Аракс дарёлари оралиғидаги вилоят. Вилоятнинг бир томони Каспий қирғоқларига қадар чўзилиб келади.

² Гуштасфи вилоятининг замини ниҳоятда серҳосил, табиий бойликлари кўп эди. Мўгуллар босқини арафасида унинг йиллик фойдаси бир милион динордан ошиқ ҳисобланган.

³ Жалолиддин Султоншоҳ ибн Ширвоншоҳни Ширвоншоҳ Рашид гуржиларга гаров тариқасида берган эди. Бу билан Рашид ўз ўрнига талағор бўлган одамдан кутилган эди. Жалолиддин Султоншоҳ бандиликдан кутилганидан кейин Ширвон пойтахтига келди, одамлар билан тил топишиб Рашидга қарни галаён кўтарди. Уни мамлакатдан қувиб чиқариб, ўзи хукмонлик қила бошлади.

⁴ Бу ҳақда 55-бобга қаранг.

⁵ Вазирнинг икки лақаби бор эди. Шарафулмулк, Фахриддин. Эндиликда у Низомулмулк лақабини олиш ниятида эди. Каналларга берилган номлар ана шуларга ишора эди.

79-БОБ

ШИРВОНШОҲ АФРИДУН ИБН ФАРИБУРЗНИНГ КЕЛИШИ БАЁНИ

Султон Маликшоҳ ибн Алп Арронни босиб олиб, унинг бошқа жойларини ҳам ўз мулкига қўшгач, унинг саройига ўша даврдаги Ширвоншоҳ ташриф буюради¹. У мамлакатига доимий равишда уюштирилиб туриладиган босқинлар ва жанглар натижасида қўшиннинг кўп қисми қирилаёттани сабабли келган эди. Ўзанда у Султон хазинасига йилига юз минг динор тўлаб туриш шарти билан тинчлик сулҳига эришганди².

Султон Жалолиддин олти юз йигирма иккинчи йилда (1225—1226 йиллар) Арронни қўлга киритгач, ширвоншоҳ Афридун ибн Фарiburзга мактуб ёзиб, бир пайтлари ширвоншоҳлар Маликшоҳга тўлаб турган товои пулини ўзига ҳам тўлашини талаб қилди³. Бироқ Ширвоншоҳ мамлакатининг оғир аҳволга тушиб қолганлигини, унинг кўп қисмлари, масалан, Шаки ва Кабола қўлдан кетганлиги-

ни, бунинг устига гуржилар унинг чекка вилоятларини босиб олганлигини айтиб узр сўради. Хоразмшоҳ ва Ширвоншоҳ ўртасида бу иш бўйича кўплаб номалар, элчилар алмашинди. Ниҳоят, Ширвоншоҳ Жалолиддин хазинасига йилига эллик минг динор товон пули тўлайдиган бўлди.

Султон бу гал Арронга келганида ширвоншоҳ Афридун ибн Фарибурз унинг ҳузурига таклифни кутиб ўтирасдан ўзи ташриф буюрди. У Султон қўлини ўпиш ва унинг гиламида ўтириш ўзи учун фахр ҳамда баҳт деб баҳолади. Аслида унинг бу юкинишдан кузаттан бошқа мақсади ҳам бор эди. У Султонни ўзи учун тақдир зарбаларидан ҳимоя қилувчи паноҳ деб биларди. Ширвоншоҳ Султонга беш юз турк отларини совға қилди, Шарафулмулкка эса элликта от тегди. Шарафулмулк бу совға ўзини ҳақорат қилиш деб ҳисоблади. Совғани қадрламади. У Султонга Ширвоншоҳни кўлга олиш, унинг юрти ва унга туташ мулкларни ўз кўл остидаги мамлакатга кўшиб юбориш ҳақида маслаҳат берди. Лекин Султон унинг бу фикрларига кўшилмади, Ширвоншоҳга фахрий кийим-бошлар бериб, уни тантанали равишда кузатди.

Кейин Султон буйруғига кўра мен Ширвоншоҳ мулкларидан хазинага олинадиган йиллик маблаг йигирма минг динорга камайтирилиши ҳақида ёрлиқ битдим. Бу Султон муҳри билан тасдиқланди. Ширвоншоҳ бу ёрлиқни ёзганим учун одатдаги совға сифатида менга минг динор берди.

¹ Жалоладдавла Маликшоҳ I ибн Алп-Арслон (1072—1092 йиллар) — улуғ салжуқий султонларнинг учинчи авлодига мансуб ҳукмдор.

² Аррон Маликшоҳ томонидан 1078—1079 йилларда босиб олинди. Тарихий манбааларда айтилишича, Маликшоҳ Арронни босиб олгандан кейин Ширвон ҳукмдори Фарибурз бироз фурсатдан сўнг унинг хизматига келади. Йилига 70 минг динор тўлаб туриш мажбуриятини олади. Кейинчалик бу пул миқдори 40 минг динорга қадар камайтирилади.

³ Хоразмшоҳ Жалолиддин даврида ҳукмдорлик қилган Ширвоншоҳ ҳақида 72-бобда маълумот берилган.

**СУЛТОННИНГ ГУРЖИЛАР МАМЛАКАТИДАГИ
ЛОРИ ШАҲРИГА ЮРИШИ БАЁНИ**

Султон Озарбайжондан кетишидан олдин Муқонда юрди. Ана шунда Кўчоба Кўкхон Султон саройидаги-тардан рухсат олмасдан, бирорта одам билан маслаҳат-кашмасдан ўз қўшинини ва яна бошқа лашкарларни ҳам олиб биргаликда сафарга отланади. У бу лашкарлар билан Лори шаҳрига йўл олади¹. Унга ҳужум қилади, талонтарож этиб, кўплаб асир ва ўлжани кўлга туширди. У ўлжаларни олиб орқага қайтади ва Баттоҳ кўли бўйига етиб келади². Қўшиннинг бир қисми тунаш учун кўлнинг мағрибида, иккинчи қисми эса машриқ томонида тўхтайди. Шунда гуржилар кўлнинг мағриб томонидаги лашкарларга ҳужум қилади, бир қисмини ўлдириб, бир қисмини асир олиб кетади. Бу лашкарлар орасида Узоба Тоий ҳам бор эди. У ўлганлар орасида топилмайди, изсиз йўқолади. Кўлнинг машриқ томонида жойлашган лашкарлар эса омон қоладилар ва ўлжалар билан қайтиб келадилар.

Султон лашкарларига гуржиларнинг қилган ҳужумидан ва етказган зараридан ғазабга минди. Хоразмшоҳ наэзида улар уйлари вайрон бўлмай, жонлари омон қолгани учун шукrona айтиб ўтиришлари керак эди.

Бу хабарнинг кетидан яна бир янгилик — малика (Русдан) ва Иване қўшин йигаётгани, уларга лакзлар (ал-лакз), олонлар (ал-алан), сванлар (ас-суван) ёрдамга келгани, лашкарлар сони қирқ мингдан ошгани ҳақида маълумот етиб келди. Бундан гуржилар ва қаланг-қасанги қўнгиллиларнинг хурсандчилигининг чеки йўқ эди. Улар гўё ловуллаб ёнаётган ўтин мисол эдилар, аммо “охирокибатда шайтон берган ваъдалар фақат ёлғон-сароб бўлиб чиқишини”* билмасдилар.

Султон тезлик билан қароргоҳдан чиқди. Шундан кейин унинг ҳузурига отлиқ лашкарлар битта-битта ва гуруҳ-гуруҳ бўлиб кела бошлади. Унинг сафдошлари ва ёрдамчилари кўпайди. Кейин у гуржилар томон юрди ва юқорида эслатганимиз кўл бўйига яқинлашганда иккала қўшиннинг илгор қисми бир-бири билан тўқнашади.

Гуржилар кўшинининг илғор қисми енгилиб қочди. Оллоҳ ёрдами туфайли ғалаба қўлга киритилди. Гуржилардан бир нечтасини асир қилиб олиб келишиди, Султон уларнинг калласини олишга буюрди.

Шундан кейин Султон уларнинг асосий кўшинига томон юрди. Улар (гуржилар) қанот ёзиб бостириб келаётган бургутни кўрган қушчалар мисол қочишга тутиндилар. Йўллар, сўқмоқлар, яйловлар бағри орқа-олдига қарамай гуруҳ-гуруҳ бўлиб қочаётганлар билан тўлиб кетди. Султон лашкарларининг қиличлари уларнинг орқалари, елкаларига тушар, шу тариқа улар йўлларда чўзилиб қолардилар. Жалолиддин лашкарлари Иване араваларини ўлжа қилиб қўлга олдилар³.

Султон Лори томон юрди ва шаҳар яқинида тўхтади. У гуржиларга чолар юбориб, агар улар кўл бўйида асир олиб кетган лашкарларини озод қиласа, Лорини қамал қиласагини дўқ-пўписа билан билдириди. Улар Ўзоба Тоийдан бўлак ҳамда асиirlарни озод қилдилар. Султон у ҳам асиirlар орасила бўлса керак, деб гумон қилганди. Чунки унга етказилган хабарда гуржилар уларни ўраб олгани, ҳеч кимнинг қочишига имкон бермагани ҳақида айтилганди. Султон Тоий ўлганлар орасида йўқлигини, шу учун уни қайтариб беришни талаб қилди. Бу талабнома бир неча қайтарилиди, гуржилар охир-оқибатда бирорта ҳам хоразмлик асир қолмаганлигини айтиб қасам ичдилар. Улар Султон лашкарлари ўраб олинган пайтда ярми ўлганлиги, ярми асир тушганлигини, лекин битта одам қолганлигини, у тошга суюнган ҳолда ёйдан ўқ отиб, ёнига ҳеч кимни яқинлаштирганини, учта гуржини ўлдирганидан кейин уни қўлга ололмай ташлаб кетишганини айтишди. Воқеа ҳақиқатан ҳам улар айтгандай тарзда бўлиб ўтганди. Бу одам Ўзоба Тоий эди. Уни ўраб олиб қўлга туширишолмагач ташлаб кетишганди. У эса пиёда Озарбойжон томонга йўлга тушади. Бжни чегарасига етиб келади⁴. Бу Иване Гуржининг ўғли Авакнинг қатъаларидан бири эди⁵. У шу ерда қўй боқаётган чўпонни кўриб қолади. Чўпонни ўлдириб, қўйларни водий томонга ҳайдайди. Йўлда қўйлардан бирини сўйиб, йўл ҳозирлиги учун пишириб олади. У Нахичевонга эсон-омон етиб келади. Султон то Ҳилот қамалига келгунча шу ерда яшайди.

Жалолиддин келгач, уни хурсандчилик билан кутиб ола-
вава ўзининг қандай омон қолганлигини ҳикоя қилиб
ради. Унинг ҳикояси гуржиларнинг¹ у ҳақдаги гаплари-
тўғри келарди.

¹ Лори — ўрта аср шаҳри. Унинг вайроналари ҳозирги Жа-
олўғли (Арманистон) шаҳрига яқин ерда.

² Баттоҳ кўли — Жилға ва Бурчала дарёсининг юқори қис-
мида жойлашган ботқоқлик жой.

³ Картлис Цховреба бу ҳақда бундай деб ёзади: “Султон
Озарбайжондан чиқиб иккинчи марта Тифлисга юриш қилди.
Бу ҳақда малика Русудан хабар топгач, ўзининг мағриб ва маш-
риқдаги қўшинларини чақириди. Шу билан бирга херлар, қах-
нтар, арманлар, жавоҳлар, месхлар, таойлар, дадианлар, абхаз-
нтар, жикиларни ҳам, Дарёлик эшикларини очиб осетинлар,
дурзувларни ҳам ёрдамга таклиф этди. Уларни Начармагеви
яқинида тўплади ва хоразмликлар билан жант қилишга жўнат-
ди. Султон қароргоҳи бу пайтда Болиниси яқинида эди. Сул-
тоннинг соқчилари гуржилар қўшинлари яқинлашаётгандарни
билиб, унга хабар бердилар. Султон ҳам қўшинларини улар-
га қарши бошлайди. Ўргада қаттиқ жанг бўлиб ўтади. Дастрраб
гуржилар ғолиб кела бошлайдилар. Лекин худо гуржиларнинг
ишидан газабланади, уларнинг гуноҳларини кечира олмайди.
Оқибатда малика қўшинлари яна мағлубиятга учрайди ва қоча-
дилар. Султон яна Тифлисга бостириб киради”.

625 йилда (1227—1228 йиллар) султон Жалолиддин гуржи-
лар юртига йўл олади. Аловуддин Қайкубод I ва Сурия вилоят-
лари ҳукмдорлари Султоннинг ўз ерларини босиб олишидан
қўрқиб Русудан билан музокаралар олиб борадилар ва унга
Хоразмшоҳга қарши бирга курашиш ҳақида таклиф қиласидилар.
Бироқ Жалолиддин уларнинг ниятларидан хабар топиб, рақиб-
ларини бирма-бир йўқ қилишга киришади. Гуржилар мамла-
катига ҳам шу мақсадда юриш қиласиди. У Тифлисни босиб ол-
гач орқага қайтади ва кўп вақт ўтмай Ҳилотни қамал қилишга
киришади.

⁴ Бжни — ўрта аср шаҳри. Ҳозирги Бжнига яқин жойда
бўлган.

⁵ Иване Мхаргрдзелининг ўғли Авак 1250 йилда вафот эт-
ган. У Қоён қалъасининг ҳукмдори бўлган. 1236 йилда у мўгул-
ларга асир тушган ва Чормағун хизматига кирган. Гуржилар-
нинг бошқа князларини мўгулларга бўйсундиришда кўп хизмат
қиласиди.

**БАҲРОМ АЛ-ҚУРЖИНИНГ ҚАЛЬАЛАРИНИНГ СУЛТОН
ТОМОНИДАН ҚАМАЛ ҚИЛИНИШИ БАЁНИ**

Султон Ироқда пайтида Баҳром гуржи Ганжа атрофидаги ёрларга хужум қилиб катта талофат етказди¹. Жалолиддин Ганжага қайтанидан кейин Баҳром ҳақида унга шикоят қилдилар. Султон унга мўри-малаҳдай лашкарлари ва кучлари билан хужум қилди. Кўшинлар чодирлар ва қурол-аслаҳалар ортилган аравалар билан Баҳром кўл остидаги вилоятниң турли жойларига тарқалиб кетдилар. Улар кўп жойларни босиб олдилар, таладилар, ўт қўйдилар, ўлдирдилар. Лашкарлар кўлга илинадиган нарсаларниң ҳаммасини тортиб олдилар. Одамларнинг аксарияти тоғлар тепалари, дараларга яшириниб жон сақладилар.

Султон Шаккон қальясига юриш қилди, уни куч ва хийла билан босиб олди, кофиirlарни олов ичида қолдирди. У бу ердан кейин Алиобод қальясига йўл олди. Бу қалья малика Тамтага тегишли эди². У қальани дарров кўлга киритди. Қаршилик қилувчиларни бостириди, қальада нима хоҳласа шуни қилди.

Шундан сўнг у Гаг ва Қавазин қальаларини уч ойга қадар қамал этди. Гуржилар аҳволи қийинлашди, улар маълум миқдордаги пул эвазига омонлик сўрашди. Пулни дарҳол тўлашга вайда берди. Шу учун ўргадаги одамлар ўзаро музокаралар олиб бордилар. Ниҳоят, пул Султонга етказиб берилди. У бундан кейин Ҳилотни қамал қилиш учун жўнаб кетди.

¹ Баҳром ал-Қуржи (Вахрам Грузинский) XIII асрнинг биринчи ярмида яшаган. Унинг кўл остида катта миқдордаги ёр ва мулслар, шаҳар ва қальялар бор эди.

² Тамта — Закаре Мхаргрдзелининг невараси, амирсилоҳсолар Саргиснинг қизи. Саргиснинг икки ўғли, уч қизи бўлган. Тамта — Хачен ҳукмдори Вахтангнинг хотини бўлган.

Алиобод — Дебед дарёсининг шарқида жойлашган қалья.

³ Гаг — Баҳромга тегишли қалья.

Қавазин — қалья. Унинг ўрнида эндиликда қишлоқ бор.

СУЛТОН УСТОЗДОР ИХТИЁРИДДИННИ ҚАНДАЙ БАНДИ ҚИЛГАНИ БАЁНИ

Биз юқорида Жамол ал-Заррод ҳақида, унинг Султон устахонасини қандай сақлаб қолгани, кейин Султон Синд дарёсидан сузib ўтиб оғир аҳволга тушган, бор-йўғидан ажралган бир пайтда унинг хизматига қайтгани тўғрисида баён қилган эдик¹. Ўшанда у Султон кийим-кечак, озиқ-овқатга жуда зориқиб турган пайтда бу нарсаларни унинг учун ҳозирлаб берганини ҳам эслатгандик.

Султон уни ўша пайтда саройдаги устоздорлик лавозимига тайинлаған, ўзига эса Ихтиёриддин деб лақаб берган эди². У хизматга қабул қилинганидан ва бундай улуф мағтабага эришганидан беҳад хурсанд бўлганди.

Хоразмшоҳлар давлатида устоздорлар хизмат талаби билан мамлакат бойликлари ва ҳазинага кирим қилинадиган маблағларнинг маълум қисмидан фойдаланиш ҳукуқига эга эдилар. Кейин у бу маблағларни новвойхона, ошхона, отхона, сарой заруратлари учун ишлатар, әвазига қанча пул ишлатгани ҳақида улардан муҳр босилган тилҳат ёздириб оларди. У бундай муҳрли тилҳатларни вазирдан, муставфидан, мушриф, нозир ва уларнинг ноибларидан ҳам олар эди³. Саройдаги лашкарлар, лашкарбошиларга оид чиқимлар тилҳати эса арид (ҳарбий девон) томонидан муҳр билан тасдиқланарди⁴. Жами бўлиб юқори лавозимда хизмат қилувчи ўн икки одамнинг ва уларнинг ноибларининг муҳри талаб этиларди.

Ихтиёриддинга пул Султон Ироқни босиб олганидан кейин берила бошланди. У олти юз йигирма биринчи йилдан (1224—1225 йиллар) олти юз йигирма тўртингчи йилгача (1226—1227 йиллар), то Жалолиддиннинг укасининг бошқа мулклари ҳам Ироқقا кўшиб олингунга қадар пул олиб турди. Бироқ ундан (устоздордан) ҳисобот талаб қилинмади.

У ҳар гал Девонга келганида пул қолмаганидан зорланарди. Унга маълум миқдорда пул беришарди, лекин кейинги келганида яна ўша эски аҳвол, зорланиш давом этарди. Султон Баҳром гуржининг қальясини қамал қил-

гунча аҳвол шундай давом этди. Кейин ундан ҳисобот талаб қилди. Унинг юз эллик минг динор камомади борлиги аниқланди. Ундан бу пулни талаб қилишганидан кейин у ишнинг ниҳоятда жиддий эканлигини, ушбу миқдордаги пулни тӯламаса, узрини қабул қилишмаслигини англади. Шунда у ушбу пулдан олтмиш минг динорини вазир ва бошқа амалдорларга ишни битказиш ҳамда пул ундириш учун порага берганлигини маълум қилди. Улардан кимга қанча берганлигини тасдиқловчи рўйхатни ҳам илова этди. Бу рўйхатга кирмаган “Мўйи дароз” лақаби билан машҳур девон соҳиби Шамсуддин Муҳаммад Муставфий (Жувайнний)дан бошқа ҳеч ким қолмади⁵. Бу катта тажрибага эга, келажагини ўйлайдиган, қалам ва тилининг поклигини сақлайдиган, шубҳали ишлардан холи бўлган одам эди. У Улуғ сulton (Аловуддин Муҳаммад) девонида ҳам хизмат этган, миrzалик қилган, кейин муставфи ноиби, сўнг муставфи бўлганди. Рўйхатта кирганларнинг аксарияти ёшлар ва хизматда янги одамлар эди. Улар девонга мамлакатда бу лавозимларга муносиб бошқа одамлар бўлмагани сабабли шароит тақозаси билан келиб қолганди. Улар ўзларини пора олганликда айблашаётганини эшитганларидан сўнг устоздорни кўрқитишига ҳаракат қилдилар, унга таҳдид қилдилар. Аммо у ўз айтганидан қайтмади, ёнсак ҳаммамиз бир ўтда ёнамиз деб туриб олди. Улар бу интилишлари, хатти-ҳаракатлари аҳамиятсиз эканлигини антлаганларидан кейин ўзаро маслаҳатлашиб камомад миқдорини олтмиш минг динорга камайтиришга келишдилар. Улар шундай қилдилар, устоздор зиммасидаги камомадни тўқсон минг динор деб ёзиб, Сultonга бердилар. Сulton устоздорни банди қилишни, ундан шу пулни ундиришни буюрди.

Ихтиёридин аҳволи оғирлигини айтиб ўзини оқлашга, маблаги йўқлигини кўрсатиб ҳимоя қилишга уринди. У ўзи билан йигирма етти мамлугини, йигирма икки чўрисини, отлар ва тяяларини олиб келди. Булардан бошқа унинг ҳеч нарсаси йўқ эди. У пулни совғаларга, керагидан ортиқ нарсаларга сарфлаганди.

У Абхазга кетаётганда Сурмари орқали ўтганда мен ўша ерда эдим. Устоздор ҳаммомга яқин уйга тушди. Шундай бўлдики, у ҳаммомда Сурмари ҳукмдорларидан

и Шарафиддин Уздара билан бирга ўтириб қолди. Устаздор шунда унга совға учун кўйлак (камис), иштон (авир), чакмон (қабо), қалпоқ (кумма), зарҳалик устакийим (фаржийа заркаш), олтин камар (хийаса зағ), бошдан оёқ ясатилган от, туғ берди. Уздара буларни ҳаммасини олиб кийди. Унинг бундай ишлари кўп маданий. У тентаклиги туфайли бошқалар пулини аямай сарфганди. Унга дўқ-лўписа билан камомад пулни қайтаганни тилаб қилишди. Шунда у томонига пичоқни қўйиб пулни ўлдиришга сал қолди. Агар кузатувчи бўлмаганида а унинг қўлидан ушлаб қолмаганида ўзини ўлдирган шарди.

Бу ҳақда Султонга хабар беришди. У уни бандиликни халос этди, зиммасидаги пулдан ҳам воз кечди ва бундай деди: “У тентак экан! Хизмат қилишга ярамайди”.

Султон унинг ўрнига устаздор қилиб Шиҳобиддин Масъуд ибн Низомулмулк Муҳаммад ибн Солиҳни танилди⁴. Бу одам шу лавозимга муносиб эди. У иккюзчамачилик қилмас, намойишкорона сахибликтан ўзини тия оладиган қаттиқўл одам эди. У шу лавозимда Султон давлати кулагунча турди.

⁴ Жамол ал-Заррод ҳақида 38-бобга қаранг.

² Устаздорлик лавозим ҳақида 33-бобда маълумот берилган.

³ Нозир — молиявий ишлар бўйича амалдор (Девон ан-нозир ёки девони нозир).

⁴ Арид — қўшинлар штабининг бошлиғи. (Девон ал-жайш).

⁵ Шамсиддин Муҳаммад Муставфий ал-Жувайнин — “Тарихи жаҳонгуша” асарининг муаллифи Аловуддин Ота Малик Жувайнининг бобоси. Улар Нишопурнинг шимолий-шарқида жойлашган Жувайн қишлоғидан.

Жувайнининг аждодлари салжуқийлар ва Хоразмшоҳлар давлатларида юқори мансабларни эгаллашган. Уларнинг аксарияти девон соҳиблиги лавозимида бўлишган. Шу учун баъзан уларнинг наслаблари исми шарифлари билан қўшилишиб ҳам кетган.

Ан-Насавий тилга олган Шамсиддин Муҳаммад ал-Жувайнини Хоразмшоҳ Аловуддин Муҳаммад ўлими олдидан девон соҳиблигига тайинлаган. У Жалолиддин даврида ҳам шу ман-

сабда хизмат қилған. “Мўйи дароз” лақаби узун сочли деган маънони билдиради.

⁶ Шиҳобиддин Масъуд ибн Низомулмулк Муҳаммад ас-Солих –
Хоразмшоҳ Аловуддин Муҳаммаднинг вазири Низомулмулк
Носириддиннинг ўели.

83-БОБ

СУЛТОННИНГ НАХИЧЕВОНГА ЙЎЛ ОЛИШИ ВА МОЛ-МУЛКЛАРИНИ КАТТА ҚЎШИН БИЛАН БИРГАЛИКДА ҚАФИЗВОН ОРҚАЛИ ҲИЛОТ ТОМОНГА ЖЎНАТИШИ БАЁНИ

Султон гуржиларни мағлуб этиб, уларни тўда, оломон ҳолида ҳар хил бўлакларга бўлиб, одамларини мамлакатнинг чекка нуқталарига итқитиб ташлаб, Лоридаги барча асиirlарни озод қилиб бу борада ниятига етгач, қўшинларни Қағизвон йўли орқали Ҳилот томонга жўнатди¹. У хонлар, амирларга Ҳилот томонга шошмасдан, секин, мол-мулклар ортилган аравалар билан биргаликда боришини буюрди. У қўшинининг бораёттани ҳилотликларга аввалдан маъдум бўлишини истади. Ўзи эса шошилинч равишда йўл олди. У Бжнига шу қадар тез етиб келдики, ўзининг келаёттани хабаридан ҳам эртароқ бу ерларда пайдо бўлди. У тунда ўзининг энг яхши ҳожиблари ва шахсий мамлукларидан иборат мингта яқин отлиқ лашкарлари билан бир қанча дараларга беркинди. Унинг ёнида Шарафулмулк ҳам бор эди.

Эрталаб шу ерлик чўпонлар молларини ҳайдаб чиққанда улар буларга хужум қилиб, молларини тортиб олдилар. Кейин Нахичевонга томон юрдилар. Бу ерда семиз ҳўқизлар бор-йўғи бир динорга сотиларди.

Султоннинг Нахичевонга келишининг сабаби бор эди. Унинг ҳукмдори ал-Жалолия Султоннинг никоҳга ўтиш ниятини билдирганди. У унга уйланди ва бу ерда бир неча кун қолди. Шу билан бирга бу ерда Хурросон, Ироқ, Мозандорон ишлари ҳам кўриб чиқилди. Чунки юқоридаги мамлакатларнинг девонлари соҳиблари, акобирлари, амалдорлари, юқори мансаб эгалари, шикоятларни кўриб чиқувчилар ва бошқалар Султон саройига чақирилган эди.

Султон Ҳилот қамали бошланса ҳамма йўллар ёпилиб қолишини биларди. У ҳолда ҳузурига келганлар ҳам ўз

тарига қайтиб кета олмасдилар. Шу сабабли Султон нинг ишларини тезроқ битиришга буйруқ берди. Улар масига одатдаги топшириқтарни олган ҳолда келган тарига қайтиб кетишга таेरландилар.

Шундан кейин менга қилинадиган ишлар тўғрисида қўлар ёзиш топширилди. Бу ишни қойилмақом қилиб дардим. Ўша куни бу ишни қилганлигим, яғни “ёзув в учун” минг динордан ортиқ пул ишладим. Аслида миқдордаги пул, ёзув ҳақи учун тақдирлов бошқа куни ҳам келиб турарди. Ҳа, котиблик Оллоҳ ёрлақаган шардан эди.

Нахичевонда пайтимиизда бир кун хузуримга нотаниш зам кириб Сурмари ҳукмдорларидан бири Ҳусомиддин шардир Нахичевон водийсига келиб тушганлиги ҳақида вылумот берди.

У билан яқин дўст эдик. Гарчи вақт ўтиб, замон бизни ҳаёт отлиғ дарёни турли қирғоқларига итқитиб ташланган бўлса-да орадаги дўстлигимизга раҳна солмаган эди. Унинг ўзини хавф-хатарга кўйиб бу ерга келганидан ҳайон бўлдим. Чунки мен у ҳожиб Али билан ҳамкорликда Шарафулмулкка ҳужум қилиб, унинг иззат-нафсига теканлиги, ҳурматсизлик қилганлиги учун вазирнинг уни мон кўришини билардим. У, назаримда, ҳожиб тараф орлари сафида туриб Шарафулмулкнинг саройидаги илла буюмлар ва идишларни (алат ал-мажлис) тортиб ўтган эди. Бу буюмлар эса қимматбаҳо ҳисобланарди².

Ўзимча Ҳусомиддинга Шарафулмулкка нисбатан Султон томонидан хавф камроқ деб ўйладим. Негаки, вазира нисбатан Султон кўнгилчан ва вазмин одам эди. Мен Ҳусомиддинга у билан Шарафулмулк орасидаги муносабатларни яхши изга тушириб юборгунга қадар чеккароқ шир қишлоқда туриб туришни таклиф этдим. Бунинг учун вазирнинг саройидан талаб олинган буюмларнинг бир ўсмини тўплаб, унга бериб, ғазабидан туширишга ҳаратат қилдим. Шундан сўнг унинг олдига кириб Ҳусомиддин гўё менга хат ёзиб, маълум миқдордаги пул эвазига вазир билан ораларидаги муносабатни яхшилашта ёрдам ўраганини айтдим. Шарафулмулк, агар Ҳусомиддин саройидаги талангандан буюмлар учун беш минг динор берса да ўзи айбдорлигини тан олиб келса, ярашишга вайда

берди. Мен шунга қарамай Шарафулмулкка агар Ҳусомиддин қайтиб келса, унга нисбатан ўтган ишлар учун зулм қиласлик, Султоннинг унга муносабатини яхшилаш, унинг барча ҳақ-хукуқларини тиклаш борасида ёрдам бериш учун онт ичирдим. Шарафулмулк бу ишларнинг барчасини қилишга сўз берди. Шундан кейин Ҳусомиддиннинг шу ерга яқин жойда эканлигини айтдим. Шарафулмулк кулди ва “Сен мени алдабсан-да!” деди. У саройдагиларга ва яқин одамларига Ҳусомиддинни кутиб олиш ҳақида буйруқ берди. Улар мен билан бирга Ҳусомиддинни кутиб олди. Биродаримнинг ишлари ўнгланиб кетди. Шарафулмулк менга берган ваъдаларининг ҳаммасини амалга оширди.

¹ Қагизон — эндиликда Туркия теграсида бўлган Қагизон ўрнидаги шаҳар.

² Сурмари ҳукмдорларидан бири Ҳусомиддин Хидир султон Жалолиддинга итоат этишдан бош тортиб, Шарафулмулкка қарши курашиб, уни мағлуб этган ва унинг шахсий буюмларини тортиб олган эди. 72-бобга қаранг.

84-БОБ

СУЛТОННИНГ ҲИЛОТГА ТОМОН ЮРИШИ, УНИ ҚАМАЛ ҚИЛИШИ ВА БОСИБ ОЛИШИ

Султоннинг аввал юборган қўшинлари Ҳилот остоналарига, шаҳарга бир кунлик масофа даги жойга келиб тўхтади. Султон Нахичевондан қайтиб, улар сафига келиб қўшилди¹.

Кейин унинг ҳузурига Иzzиддин Ойбекнинг чопари келди². Иzzиддин ал-Малик ал-Ашраф Мусонинг Ҳилотдаги янги волийси этиб тайинланганди. У ҳожиб Алини асир олганди. Чопар кекса, кўпни кўрган, ақлли одам эди. Унинг исми хотирамдан кўтарилибди.

Унинг ташрифидан асосий мақсад Ҳилот ҳукмдорларининг Султонга дўстона, самимй муносабатини, хизматига тайёрлигини билдиришдан иборат эди. У ҳукмдорларини оқлаш учун бутун кучини ишга солди. Аввалги

—ҳожибнинг Султонга нисбатан хурматсизлик қилни, бирор буйруқ олмасдан унинг мамлакатига ҳужум ўюштирганини, шу учун ал-Малик ал-Ашраф уни асир шига буйруқ берганлигини айтди. Шу билан бирга янги тайининг кўйидаги сўзларини ҳам унга (Султонга) етми: “Мана, у (ал-Малик ал-Ашраф) мени Ҳилот воши қилиб тайинлади ва шу билан бирга сизга бўйсуш, сизнинг ҳоҳишингизга кўра иш қилишим ҳақида бўйруқ берди. Менинг ҳукмдорим ўзини сизнинг бошқа мамлакатлардаги қўшниларингиз каби яқин иттифоқдош дўст деб билади”. Чопар ўзини ҳаддан ошиқ илтифот қилиб кўрсатар, Султонга тилёғламалик қиласар, мақсауни шаҳарни босиб олиш фикридан қайтариш эди.

Лекин Султон саволларга мужмал қилиб жавоб берди. Шу билан бирга шаҳарни босиб олиш ниятидан қайтаслигини ҳам англатди. Гап орасида чопарга бундай деди: “Агар ҳукмдоринг менинг кўнглимни топмоқчи бўлса, дузуримга ҳожиб Алини юборсин!”

Чопар ана шундай жавоб билан Ҳилотга қайтди. Бу қайтда ҳожиб Али ўлдирилди³. Султон Ҳилот томон йўл өлди ва уни қамал қилди. У шаҳарни босиб олиш учун ўн иккита манжаниқ ўрнаттирди. Лекин улардан саккизта сидан фойдаланилди⁴.

¹ Султон Жалолиддин Ҳилот қамалини айубий ал-Малик ал-Одилнинг ўғиллари — Миср ҳукмдори ал-Комил Муҳаммад; ал-Жазира, Ҳилот, Майафориқин ҳукмдори ал-Ашраф Мусо, Дамашқ, Куддуси Шариф, Табория ҳукмдори ал-Муаззам Исо ўртасидаги қарама-қаршиликлардан фойдаланган ҳолда бошлади. Ал-Ашраф Мусо ҳеч кимга билдирамасдан Мисрга ал-Комил Муҳаммад ёнига кетади. Бу ҳолни ал-Муаззам Исо менга қарши иттифоқ тузиш ҳаракати, деб ўйлайди. Шу учун аканинг йўқлигидан фойдаланган ука унинг мамлакатига юришлар бошлайди ва бу борада Жалолиддин билан ҳамкорликда киришади. Ака-ука ҳамкорлигига қарши дастлабки зарбалардан бири Ҳилотнинг қамал қилиниши бўлди. Бу Хоразмшоҳга ҳам қўл келди. У Дамашққа ал-Муаззам Исорга совға-саломлар юборади. Ўз навбатида ал-Муаззам Жалолиддин номини кутбага кўшиб ўқиттиради ва унинг номида тангалар зарб қилдиради.

Ал-Муаззам Исо 624 зулқаъдасида (1227 йил октябрь-ноябрь) вафот этади. Дамашқ унинг ўғли Довуднинг қўлига ўтади. У ал-Малик ан-Носир лақабини олади ва Дамашқни 1229 йилнинг 26 июня кадар бошқаради. Демак, Дамашқнинг Жалолиддин билан кейинги ҳамкорлигини ал-Муаззамнинг ўғли давом эттирган.

² Иzzиддин Ойбек — Малик Мужириддиннинг мамлуги. У Ҳилотта ҳожиб Ҳусомиддин Алиниг ўрнига волий қилиб тайинланади. У Хоразмшоҳ Жалолиддин томонидан Ҳилот босиб олинганидан кейин 1229 йилда Дизмарда қатл этилади.

³ Ҳожиб Ҳусомиддин Али иби Ҳаммад ал-Ашрафий — ал-Малик ал-Ашрафнинг Ҳилотдаги ноиби. У Жалолиддиннинг 1226 йилда Ҳилотга ҳужумини қайтаради. У ўзини Хоразмшоҳнинг ашаддий душманиман деб эълон қиласди.

Ҳожиб Алиниг ўтимида ал-Малик ал-Ашраф ва ал-Малик ал-Комил асосий роль ўйнаган. Бу ҳақда Муҳаммад ал-Ҳамавий бундай деб ёзди: “Бир неча кундан кейин дастлаб ал-Ҳожиб Алиниг номаси келди, сўнгра Мужириддин ҳожиб Али ич кетишидан вафот эттанини маълум қилди”.

⁴ Ал-Мақризийнинг хабар беришича, шаҳар атрофига 20 та манжаниқ қўйилган ва улардан қамал пайтида фойдаланилган.

85-БОБ

ҲИЛОТНИ ҚАМАЛ ҚИЛИШ ПАЙТИДА БЎЛИБ ҮТТАН ВОҚЕАЛАР БАЁНИ

Ҳилотни қамал қилиш жараёни кўпга чўзилди. Шу сабабли мамлакатда кўплаб воқеалар бўлиб ўтди. Уларнинг ҳаммаси ҳақида бирма-бир баён қилиб бериш имконияти ҳам, зарурати ҳам йўқ. Шу учун улардан айримлари ҳақида тўхталиб ўтаман.

Бўлиб ўтган воқеалардан бири бу эди: ал-Жибалнинг хукмдори испахбод Нусратиддин ота томонидан бир синглисини Утурхонга эрга берди¹. Утурхон ўша вақтнинг энг хурматли хонларидан бири эди. У синглисини унга берар экан, пайдо бўлган қариндошчилик орқали унинг мавқеидан фойдаланишни кўзлаганди. У Утурхонга ишонган ҳолда ҳудди Ширвоншоҳ сингари, у кўллаган тадбир асосида Султон хизматига борди. У Султон Ширвоншоҳга қандай ғамхўрлик кўрсатган бўлса, менга ҳам шундай марҳаматлар қиласди, деб умид қилганди.

Нусратиддин Султонга аксарият қисми қимматбаҳо
ардан иборат бўлган совға олиб борди. Шунда Утур-
хоннан юз ўтириб, хотинининг укаси фойдасига ҳара-
нила бошлади. Султонни Нусратиддинга қарши қай-
тани кўлга олишга унади, ўрнига эса хотинининг
ни кўйишни илтимос қилди. Султон худди у айт-
тиш иш тутди. Испахбод занжирбанд қилинди, унга
батан ҳурмат-эътибор, самимият барҳам топди. У бир
та вақт зинданда ўтириди. Фақат Султон ар-Румдан
туб бўлиб қайтганидан кейин, Оллоҳнинг инояти би-
зинданда халос этилди. Султон унинг укаси ҳукм-
ник килаётган мулкдан келаёттан даромад ваъда қилин-
микдордан оз эканлигини, баъзан эса даромад уму-
з келмаслигини аниқлади. Шундан кейин Нусратиддин
ид этилиб мулкига қайтарилди. У эса қисқа вақт ичида
аксига укасидан тортиб олди.

У Ҳилот яқинида зинданда ётган пайтида Султон мени
нинг ҳузурига юборди. Кейин билсам, у Султонга нома-
лаб, хуфя сұхбат учун ишончли одамларидан бирини
зоришини илтимос қилган экан. Унинг олдига борга-
намда, занжирларнинг офирилиги, тутқинликнинг қийин-
тидан шикоят қила бошлади. У Султон томонидан бе-
нгизан яхши ваъдаларнинг тезроқ бажарилишини илти-
мос қилди. Кейин у Утурхоннинг озодлик олиб бераман
санда ўзидан Султон учун олган қимматбаҳо тошлари ва
бойликларини бирма-бир санади. Аммо Утурхон улар-
нинг бирортасини Султонга бермаган эди.

Мен унинг айтган гапларини Султонга етказдим. Жа-
толиддин кўнглидаги унга нисбатан ғазабни юмшатдим.
Шундан кейин Султоннинг бировлар сўзига кириб, унинг
бошига ташвишлар солганидан, уни ноҳақ айблаганидан
ўкинганига гувоҳ бўлдим. У ўзини бу ишга бошлаганлар-
га нисбатан нафрат билан таҳқиромуз гаплар айтиётта-
нини эшитдим. Шунда Нусратиддинни бандилиқдан ха-
лос қилиш фурсати яқинлигини билдим ва бу ҳақда унга
хабар бердим.

Бўлиб ўтган воқеалардан яна бири бундай эди. Ало-
вуддин Муҳаммаднинг катта қизларидан бири Хон-Сул-
тон тоторлар томонидан Туркон хотун билан бирга асир
олинганди.² Уни Душихон ўзига хотинликка олган, ўрта-

да фарзандлар ҳам дунёга келганди. Кейин Душихон ва-фот этди. У эса акаси Султонга тоторлар ҳақида, уларнинг ҳаётидаги янгиликлар, улар аҳволи тўғрисида маълумотлар жўнатди. Хон Султон Жалолиддин Ҳилотни Қамал қилиб турган пайтда отасининг феруза кўэли узугини жўнатди. Узукнинг кўзининг устига султон Муҳаммаднинг номи ўйиб ёзилганди. Бу узукни олиб келувчи чопар унинг одами эканлигини билдиради. У акасига бундай деб ёзганди: “Ал-Ҳоқон болаларимга Куръонни ўргатишни буюрди. Сенинг мардлигинг, кўшинларингнинг яхши қуролланганлиги, куч-қудратинг ва қўл остингдаги давлатнинг катталиги ҳақидағи хабар бу ерларга, ҳоқонга ҳам етиб келди. Шу учун у сен билан қариндош бўлишга қарор қилиб, мулкларингиз чегарасини Жайхун дарёси бўйича ўтказиш ҳақида келишиб олмоқчи: сенга дарёгача бўлган ҳамма ерларни бериб, ўзига дарёдан буёғидаги ерларни олиш ниятида. Шунинг учун агар сен уларга қарши турадиган куч йиға олсанг, улар билан жанг қил, қасос ол! Агар ғолиб бўлсанг, хоҳлаганингча иш тутасан. Агар енгишингга кўзинг етмаса, фурсатдан фойдаланиб уларнинг истаги бўйича сулҳ тузгин!”

Аммо Султон ўзини Ҳилот қамали билан банддай қилиб кўрсатди ва бунга эътибор бермади. У синглисига аниқ жавоб бермади, ўзи учун зарур бўлган тинчлик эшигини очмади. Муваффакиятлар келтирувчи ва яхшиликлар сари етакловчи бу масала хусусида бир оғиз ҳам сўз айтмади:

Тухумини ташлаб кетган бебош қуш мисол,
Ёхуд ўзга қуш тухумин босиб ётгандай³.

Бўлиб ўттан воқеалардан яна бири қуйидагича эди: Арzon ар-Румнинг ҳукмдори Рукниддин Жаҳоншоҳ ибн Туфрул Султон саройига келди⁴. У кўпдан бери мулкида ал-Малик ал-Ашраф номига хутба ўқитар, унга итоат этиб, хизматини қилас, шу билан бирга Хоразмшоҳлар давлатига душман бўлган ва унга нафрати тўлиб-тошган ҳожиб Али билан орқаваротдан тил бириктирган эди. У буларнинг ҳаммасини ўз амакивачаси ар-Румнинг ҳукмдори Аловуддин Қайқубод ибн Қайхусровга қаршилиги сабабли қилганди. Шу билан бирга унинг Жалолиддин давла-

нишбатан муносабатида ҳам аввалдан гуноҳлари бор у шу гуноҳлар натижасидан қўрқарди. Яъни, у аввал зафулмулкка қарши кураща ҳожиб Алига ёрдам қилиб тагарларнинг Султон қароргоҳига келишига йўл берди, Хоразмшоҳнинг ар-Румдан қайтаётган элчисининг эди. ас-Сайдни ўлдирирган эди.

Чекин кейин у Султон давлатининг офтоби ўткирроқ сочиб, унинг қудрати тобора ошиб бораётганини, хотнинг ҳам тез орада Хоразмшоҳ қўл остига ўтишибилиб, Жалолиддиндан раҳм-шафқат қилишини илмос қилиб мактуб йўллади. Султон мактубни олиб келалчини унинг илтимоси қондирилганини айтиб орқага штарди.

Элчи сифатида Шамсиддин ал-Ҳаким ал-Боғодий шриф буюрганди. У билимли, сўзга чечан, ақлии, илфотли одам эди. У бир неча байтларни менга ёддан тиб ёздири ва булар ўз шеърлари эканини айтди. Мана, мурдан айримлари:

Агар мени қул деб билса, у ноҳақдир барибир,
Маломат тошларини улоқтирар худа-бехуда.
Мен билан баҳлашади, сўзларимас, кўзлари,
Юрагимдир бехато нишон, ўқ эса — киприклар.

Қаҳрланса, қаҳрининг чаёнлари чақсинлар,
Менга лаззат бахш этар чаёнлари ниш урса.
Хоҳласа, заҳар дамин кесар шаффофф нафаси,
Барча ранжу азобдан халос айлар хоҳласа...

Кейин Рукниддин келаётгани хабари келди. Султон Шарафулмулкка девон мулозимлари билан бирга уни бир кундик йўлга чиқиб кутиб олишини буюорди. У уни кутиб олди. Улар Ҳилот ва Маназжирд оралиғидаги Нозик кўли бўйидаги ал-Манзилда учрашиб, бир кечада биргаликда дам олдилар⁵. Ўша тунда улар Рукниддин чодирида шаробхўрлик қильдилар. Шунда Рукниддин Шарафулмулкка қиймати ўн минг динордан кўпроқ турадиган микдордаги совға берди.

Хонлар уни Ҳилот яқинида ўз мавқеига қараб кутиб олдилар. Султон эса уни майдонда гулдор қимматбаҳо чодир остида кутарди. Жаҳоншоҳ майдонга шошилиб кириб келди ва ерни ўпди. Кейин бир неча қадам юрган-

ди, уни ал-ҳожиб ал-хасс Бадриддин Дудоғ ибн Инонж-хон қаршилади. У Султон номидан Жаҳоншоҳга отга минишни буюрди. У отга минди ва Султон ҳузурига етгунча одатдаги хизмат расм-русларига кўра таъзим қилиб келди. Султон уни бағрига босди, Жаҳоншоҳ эса унинг кўлини ўпди. Султон унга гулли қимматбаҳо чодир остидан жой кўрсатди. У Султоннинг ўнг томонида тик турди. Шу пайтда гулли қимматбаҳо чодирнинг таянчлари дарз кетди. Чодир ёғочлари билан бирга қулақ тушди. Одамлар чодир йиқилишини улар иккаласига ҳам тегишли ёмонлик аломатига йўйдилар.

Уларнинг учрашуви иккаласининг ҳам ўлимига сабабчи бўлган эди, бу ҳақда мавриди билан тўхталамиз.

Шундан кейин Жаҳоншоҳ Султон хизматида бир неча кун бўлди. Султон у билан дўстлашди ва яқинларига икки юзга фахрий кийимбош, ўн саккизта тўла ясатиғлиқ от берди. Сўнг мамлакатига қайтишга рухсат этди. Ҳилот қамали учун ишлатиладиган куролларни юборишни буюрди. У “Қора Буғро” деб номланган катта манжаниқни, матарисларни, кийиладиган ҳимоя анжомларини ва кўплаб камон ўқларини юборди.

Яна бир воқеа қуйидагича бўлиб ўтди: Султоннинг ўғли Қоймақаршоҳ вафот этди. Унинг онаси туркманларнинг ал-Иваййа қалъасининг малиги Шиҳобиддин Сулаймоншоҳнинг синглиси эди.⁶

Султоннинг унга уйланиш сабаби бор эди. Жалолиддин олти юз йигирма биринчи йицда (1224—1225 йиллар) Боғдол атрофларини талон-тарож қилиб келаётганда, бу ҳақда аввалроқ баён қылган эдик, Шиҳобиддиннинг қалъаси атрофида тўхтайди⁷. Унинг ҳарами орқада қолган, атрофида ҳам одам кам эди. Султон Шиҳобиддин ҳузурига одам жўнатиб, ундан талабини қондирадиган, тўшаги учун ярайдиган аёллардан бирини юборишни илтимос қиласди. У бу илтимосини ҳарам оғаси Сирожиддин Маҳфуз орқали етказади. Аммо орадан кўп ўтмай ҳарам оғаси Шиҳобиддиннинг “Бу ерда Султон тўшаги учун ярайдиган менинг синглимдан бошқа қиз йўқ”, деган жавобини олиб келади.

Султон, Оллоҳ уни раҳмат қилсин, аёлларга ўч эди, бу борада тартиб-қоидаларга қараб ўтирмасди. Шунинг учун

Унинг синглиси билан кўнгилхўшлиқ қилишга рози бўлди
уни Султонга тортиқ этилди. Кейин Султон уни қол-
жаб, ўзи жўнаб кетди. Орадан бир қанча вақт ўтгач Ши-
ддиннинг синглисининг хизматкори келиб, унинг
тиладор эканлиги ҳақидаги хабарни етказди. Султон
ўз-хузурига чақиритиб олди ва ундан Қоймақаршоҳ
мадди. Бода уч йил яшади. У ниҳоятда зеҳнли, нозик-
ла, ёқимтой, ҳамма учун арзанда бола эди. У Султон
лот атрофида турганда вафот этди. Унинг ўлимида
Султоннинг қизининг эмизувчисини айбдор деб топиши
Султоннинг бу қизи унинг Форс ҳукмдорининг қизи
лган хотинидан туғилганди. Эмизувчи энагани болага
и нарса ичириб, шу тариқа ўлдирган дейишид⁸. Яна
им билади дейсиз. Бу ёлғиз Оллоҳга аён, ундан билгув-
ироқ йўқдир!

Бўлиб ўтган яна бир воқеа бундай эди: Душхон ибн
Аҳашмалик ҳам бу дунё билан хайрлашади. Аҳашмалик
Султоннинг тоғасининг ўғли эди, у Исфаҳон атрофидаги
кангда мардларча олишди ва шаҳид бўлди. Султон Душ-
тонни ўз ўғли сингари тарбия қилди. Одамлар уни Сул-
тоннинг ўғли деб ўйлашарди. Баъзилар Султон Душхон-
нинг онасини Аҳашга ўзи тортиқ қилган, кейин у Душ-
тонни тўққиз ойга етмасдан тукқан деб ҳам айтишарди.
Нима бўлмасин, Султон уни ўз ўғлидай кўтарди ва фар-
зандлари орасида биринчиси деб ҳисобларди. Унга ало-
ҳида меҳр кўйганди. Душхон ҳам Султон Ҳилот атрофи-
да пайтида касал бўлди ва вафот этди. Султон мусибат
туфайли ҳатто белгиланган тартиб-қоидаларни ҳам буз-
ди, унинг ўз чодиридан чиқиб тобут турган чодирга кир-
ганини кўрганман.

Бўлиб ўтган воқеалардан яна бири: Сайдаддин ибн
ал-Ҳасан ал-Ҳожиб Олий девондан (халифаликдан) элчи
сифатида ташриф буюрди⁹. У бир қанча илтимосларни
айтиш учун келганди. Агар унинг илтимослари қонди-
рилгудек бўлса, элчи Олий девонга Султоннинг яқинла-
ри ва юксак мартаба эгалари бўлган одамлари билан бир-
га қайтиши керак эди. Улар халифаликда олий унвонлар
бериш маросимида қатнашиб, қайтишда халифанинг Сул-
тон учун берадиган фахрий кийим-бошларини олиб ке-
лишлари мўлжалланганди.

Халифалик девонининг илтимослари орасида қўйидагилар бор эди: Султон Мўсул ҳукмдори малик Баҳриддин Лўйлудан, Ирбил ҳукмдори Музаффариддин Кўк Бўридан, Ивайя ҳукмдори Шихобиддин Сулаймоншоҳдан, Жибал ҳукмдори И момиддин Паҳлавон ибн Хазораспдан ўзига бўйсунишни талаб қўлмаслиги сўраларди¹⁰. Улар халифа тарафдорлари ва унинг хизматидагилар ҳисобланарди.

Ўша пайтда бўлиб ўтган воқеалардан яна бири бундай эди: илгари Улуғ султон (Аловуддин Муҳаммад) Боғоддога юриш қилиб, лекин мақсадига эришолмай Ҳамадон тофларидан орқасига қайтгач, кўл остидаги мамлакатларда халифанинг номини хутбага қўшиб ўқитишни тўхтаттанди. Бу таъкиқ то шу кунгача ўз кучини йўқотмаганди. Фақат Арон ва Озарбайжон, шунингдек, янги босиб олинган мулклар хатиблари одатдагидай халифа номини хутбаларга қўшиб ўқишида давом этарди. Чунки бу мамлакатларни Султон отаси вафотидан кейин босиб олганди. Унинг кўл остига аввалдан қарам бўлган мулкларда эса одамлар хутбада халифа номини тилга олмасди.

Султон ўз ишлари билан банд бўлиб бунга эътибор бермаганди. Юқорида айтганимиз Олий девон элчиси Султон билан маслаҳатлашгандан, илтимос қилгандан кейин Жалолиддин кўл остидаги барча мулклари ва вилоятларида Амир ал-мўминин имом Абу Жаъфар ал-Мансур ал-Мустансир биллоҳ (Оллоҳ ундан ва унинг улуғ аждодларидан рози бўлсин!) номини хутбага қўшиб ўқиши тўғрисида фармойиш берди.

Ҳамма ишлар элчи қандай ҳоҳлаган бўлса шундай амалга оширилди. Султон халифа номини хутбаларга қўшиб ўқитишга рози бўлди. Одатта кўра бу ердаги мусулмонлар яна халифанинг табааларига айланди. Шундан кейин Султон ҳожиб ал-хасс Бадриддин Дудоғ ибн Инонжхонни элчига ҳамроҳ қилиб Олий девонга жўнатди. Султон мулозимларӣ орасида заковатлилик ва закийликда, донолик ва хушмуомаликда, хаттотлик ва форсий ғазалларни тушунишда, яхшини ёмондан ажратади олиш, ниҳоят, саройдаги одоб-ахлоқ қоидаларини, мансаблар расм-русларини билишда унга тенг келадиган йўқ эди. Айни пайтда, у бундай хусусиятларни ёшлиқ кучи барқ уриб турган пайтда эгаллаганди.

Султон менга улар хузурида туриб Олий девон номига штаманома ёздириди. Бу эслатманома бир неча бўлимдан иборат бўлиб, охирги бўлимда Султон ўз номидан тан шахсий ҳожибга Олий девонда бошқа ҳукмдорга нисбатан иззат-хурмат, эътибор кўпроқ бўлишини имос қилганди. Унинг илтимоси қондирилди.

Менга Султоннинг шахсий ҳожиби (ҳожиб ал-хасс) ий девонга бориш тафсилотларини бундай ҳикоя қилиб қанди: “Султон менга “Агар девонга борсанг, вазир айнициддин ал-Кумийнинг қўлини ўпмайсан ва унга ҳурмат-иззат кўрсатмайсан!” деб буйруқ берди.”¹¹ Бу унинг фим ишларига нисбатан жавоб эди. Мен буйруқни тўла-тича адо этдим. Боғоддага борганимиздан кейин бир неча йи ўтгач, бир кун кечкурун мен турган уйнинг олдида мигр дарёси қирғоғида кема тўхтади. Менинг хузуримга Саъдаддин ибн ал -Ҳасан ал-Ҳожиб кириб “Амир ал-Ўмминин хизматига тайёрлан!” деди.

Кейин мен Саъдаддин билан бирга кемага чиқдим. У нарқобчи билан мен тушунмайдиган қандайдир тилда гап-нашди. Сўнг у мени бу кемада ёлғиз қолдириб бошқа кемага сакраб ўтиб олди. Мен ундан бунинг сабабини сўрағанимда у “Мен биринчи кема сенинг ҳурматинг учун юборилган алоҳида кема эканлигини билмабман”, деди. Мен ўрнимдан турдим, таъзим қилдим ва миннатдорлигимни билдиридим. Ўтириб duo ўқидим. Биз дарёда катта тарвозага етиб боргунча суздик. Мен ичкарига кирдим, Саъдаддин тўхтаб, шу ерда қолди. Мен ундан: “Сен мен билан ичкарига кирмайсанми?” деб сўрадим. У: “ҳар биримиз учун белгиланган жой бор, менинг бу осто надан ичкарига киришим мумкин эмас”, деб жавоб берди.

Эшик ортида мулозим турган экан, у мени бошқа бир царвоза олдига олиб борди ва уни тақиллатди. Дарвоза очилиб мен ичкарига кирдим. Бу ерда ўриндиқда кекса мулозимни кўрдим. Унинг олдида шам, Куръон суралари ёзилган қофозни кўрдим. У менга салом берди, ёнига ўтқазиб ҳол-аҳвол сўрай бошлаган эди, яна бир мулозим — Муҳаммад ал-Аббосий -- оқ юзлик, хушмуомала, хушрўй қиёфалик одам пайдо бўлди. У менга қўлини узатди ва илтифот юзасидан форсийда сўзлаша бошлади. Кейин қўлимдан ушлаб менга бундай деди: “Сен хузурига кир-

моқчи бўлган одам кимлиги ва унинг қандайлиги, албатта, сир эмас. Унинг улуғлиги ва юксак мавқенини сенга бирма-бир таърифлаб бериш ҳам шарт эмас. Лекин Амир ал-мўминин ҳузурида хизматтага лаёқатингни намоён қилмоқчи бўлсанг, менинг хатти-ҳаракатларимга зътибор бер ва мен кўрсатган жойда ерни ўтгин”.

Унинг мен билан гаплашишга ва бундай маслаҳатлар беришига Олий девонга кираверища билмасдан хизматчилик русумларини бузиб қўйганлигимни сезганлиги сабабчи бўлган экан. Мен унга бундай дедим: “Мени ўзингча ҳеч нарсадан хабари йўқ оми одам ҳисобламагин! Мен гарчи туркий бўлсан ҳам адаб қондалари қандайлигини, уларни қаерда ва қачон қўллаш кераклигини биламан. Қаерда камтарлик қилиб, қаерда мақтаниш мумкинлигини ҳам яхши биламан. Агар мен юзимни олий остоналар тупроғига минг марта булғасам ҳам ўзимни барибири, хизмат бурчини беҳафсала бажарувчи деб ҳисоблайман. аслида хизматдан манфаат — олий мартабалар тез келади, лекин унинг пировард оқибати, ҳақиқий савоби нариги дунё учун қолади!”

Султоннинг шахсий хожиби (ҳожиб ал-хасс) Боғодд тафсилотларини ҳикоя қилинча яна давом этди: “Менинг сўзларим унга маъкул келди, мени мақтov сўзлар билан алқади. Бизлар баланд жойга кўтарилидик, кўз олдимда қора дарпарда пайдо бўлди. Мен мулозим айтмасдан олдин тиз чўкиб ерни ўпдим. Бунинг учун ҳам ундан мақтov эшитдим. Кейин мен катта боғни ва кўплаб шамларни кўрдим. Бу тун қўйнидаги осмоннинг сувдаги аксига ўхшарди. Мен ёпиқ юпқа парда ортида турган вазирни кўрдим. Мулозим келиб пардан кўтарди. Ичкарига кириб яна ерни ўпдим. Кейин вазирга яқинлашиб тўхтадим.

Шундан кейин бирдан таҳтда ўтирган Амир ал-мўминга кўзим тушди. Халифа вазир билан арабча гаплашди, сўнг вазир унга томон бир неча қадам юрди. менга эса аввал ўзи турган жойда туришни буюрди. Мен олдинга юриб ерни ўпдим ва унинг ўрнида турдим. Амир ал-мўминин “Шаҳоншоҳ жаноб олийларининг аҳволи қандай?” деб сўради. У Султонни назарда тутаётган эди. Унинг мактубларидаги Султонга нисбатан расмий мурожаати ҳам ана шундай бўларди.

Кейин мен яна ер ўлдим. Халифа эса сўзида давом ҳадиси. У Султон ҳақида яхши фикрда эканлигини, муноноти жиддийлигини, унга ғамхўрлик кўрсатиш ниятигини айтди. Унинг ўз даврининг ҳукмдорлари, ўз онининг султонлари орасида мавқеи юксак эканлиги билдириди. Бунга жавобан ҳеч нарса демадим, яна ишни ўлдим. Кейин у Султон учун битилган ишонч ёрлига (китоб ал-аҳдга) муҳрини босди ва вазир уни менга рди. Мен бу ишонч ёрлигини бошимга кўйиб ер ўлдим қайтиб келдим".

Ҳа, юқорида номини эслаттанимиз Бадриддинга бошсан-оёқ фахрий кийим ва ўн минг динор берган дейиша-ди. Аммо ундан бу ҳақда бирор сўз эшиттаним йўқ.

Қайтища унга амирлар Фалакиддин ибн Сункур ат-Тавил ("Узун") ва Саъдаддин ибн ал-Ҳасан ал-Ҳожиб замроҳ бўлиб келишди. Халифа улар орқали Султонга совғалар ҳам юборганди. Улар Ҳилотта қишида, Султон унинг камали билан банд бўлган пайтда кириб келди. Фалакиддин эҳтиром билан кутиб олинди, у отда келиб, ундан тушиётган пайтда кутиб олувчилар иштирокида ўзига хос "даҳлиз" ташкил қилинди ва карнай чалиниб турди. Саъдаддин ибн ал-Ҳасан ал-Ҳожиб эса Олий девонда юксак мавқега эга бўлса ҳам унга ҳожиблик мансаби доирасида-ги амаллар, тартиблар асосида хурмат кўрсатилди.

Улар олиб келган совғалар ва кийимлар қуйидагилардан иборат эди:

1. Султон учун икки сидра фахрий кийим-бош. Унинг бир сидраси жубба, салла, банди ясатиғлиқ ҳинд қиличидан иборат эди. Иккинчи сидраси таркибида чакмон (қабо), бош кийим (кумма), устки кўйлак (фаржийа), -тилло билан безатилган Қоражул қиличи, динорлар ва ҳар хил қимматбаҳо тошлар қадалган камар ҳам бор эди.

2. Эгар-жабдуқ, афзаллари ва туғи билан биргаликда ясатилган энг чиройли, бақувват иккита аргумоқ, уларнинг ёнига ҳар қайсиси юз динор турадиган саккизта тақа ҳам кўшилган эди.

3. Ноёб ярқираб турадиган ҳар хил тошлар қадаб ишланган олтин қалқон. Унга жами қирқ битта тош нақшланган: шундан йигирматаси лаъл, йигирматаси Бадахшон ақиқи ва битта катта феруза тош эди.

4. Ўттизта арабий аргумоқ отлар, уларнинг ёпинчиқлари Рум атласларидан бўлиб, унинг остидан Боғдод атласлари тўқим ўрнида ишлатилган эди. Ҳамма отларнинг тизгини ипакдан тайёрланганди ва ҳар бирига ҳалифалик динорларидан олтмиштаси шода қилиб осилганди.

5. Куролланган, ўз отларига эга ўттизга мамлук.

6. Атлас ёпқич ёпилган ва олтин шодаси тақилган ўнта чита (гепард).

7. Кичкина марварид қадалган қалпоқча кийдирилган ўнта лочин.

8. Юз эллик дона бўғча, бу бўғчаларнинг ҳар бирида 10 сидра кийим-бош.

9. Олтин гардишли, кулранг тусдаги муаттар ҳидли бешта шар.

10. Беш ёки олти тирсак келадиган сабур (уд) дарахти. Уни икки одам олиб келди.

11. Ҳонлар учун ўн тўртта фахрий совға. Буларнинг ҳаммаси эгар-жабдуқлар, туғлар билан ясатилган, олтин Қоринбоғлар боғланган ва Тифлис илгаклари осилган отлар эди. Ҳалифа бу совғанинг айримлари ажралиб турсин деган ниятда илгакларни бўятган эди. Фақат Дойихон, Улуғхон. Утурхон ва Тўғонхонга аталган отларнинг илгаклари бўялмаганди.

12. Амирлар учун ўттиз сидра кийим-бош: унинг ҳар бир сидраси чакмон ва бош кийимдан иборат эди.

Шарафулмулкка атаб юборилган сидра кийимлар қора салла, чакмон, устки кўйлак жамламаси эди. Бундан ташқари, унга ҳинд қиличи, элликта кўйлак, муаттар ҳидли икки шар, урғочи хачир ҳам жўнатилганди.

13. Султон девонидаги акобирлар учун йигирмата сидирға кийимлар. Ҳар бир сидирға кийимлар жубба ва салладан иборат эди.

Менга девонидаги бошқа акобирлардан фарқли ўлароқ кулранг урғочи хачир, йигирмата кўйлак атаб берилганди. Кўйлакларнинг аксарияти Рум ва Боғдод шоҳи, атласларидан эди.

Ҳалифалик девонидан Султонга келган рўйхат қўидаги тартибда эди: дастлаб “Шоҳаншоҳ жаноби олийлари” (ал-жаноб ал-аъли аш-шаҳиншах) тилга олинган, кейин “Муҳтарам Шарафулмулк” исми битилган, сўнг

нинг номим ёзилганди. Девондаги бошқа акобирларин бирортасининг на номи, на унвони эслатилмаганди. Уларниң номи ўрнига ал-муставфи, ал-мушриф, ал-ариид, ал-назир ва шу тарзда мансаблари кўрсатилганди. Уларни халифаликдан биттадан жубба ва салла юборилганди.

Бу пайтда Шарафулмулк менга зътибор бермасликка аракат қиласарди. У менинг ҳақ-хукуқларимга нисбатан фикрини тез-тез ўзгартириб туарди. Унинг фикрининг звариши кайфиятига боғлиқ бўларди, шу билан бирга дар хил миш-мишлар, туҳмат, бўхтонларга ҳам дарров ишонарди. Шу сабабли у халифаликка юбориладиган вомада лавозимларнинг ёзилишидаги нозик бир нуқтани топди.

Мен Султонга бу номани ўқиб бераётганимда у (Шарафулмулк) сўради: “Нима учун девон бошлиқларидан бирортасининг номи номанинг юқори қисмida тилга олинмаган? Бу уларни фаҳрий кийимлар ва совғалар беришда бошқалар билан тенглаштириб кўймайдими?” Унинг бу саволига Султоннинг ўзи жавоб берди: “Бунинг сабаби аён. Гап шундаки, у (яъни, ан-Насавий) улар билан расмий равища қандай муроса қилиш қоидаларини яхши билади ва ёзишмаларда уларнинг тартиботларига, талабларига амал қиласди. Бундан ташқари, элчилар келишганда қабул пайтида унинг маслаҳатчи сифатида қатнашганини яхши билишади. Ўша пайтда девон соҳиби қабулда йўқ эди. Бунинг устига унинг (девоннинг) бошқарув ишларига ҳеч қандай алоқаси йўқ. Девон бошлигининг вазифаси олинган фойдани йиғиш, кирим, чиқум ҳаражатларини ҳисоблашдан иборат. Бунинг эса юқоридаги ишларга, умуман, алоқаси йўқ”. Бу гапдан кейин Шарафулмулк жим бўлди, у кўзлаган ниятига етолмади.

Халифанинг элчиси Султон бойликлар, совға-саломлар билан тўлган чодирга киради ва ўзи учун ҳадя қилинган фаҳрий кийим-бошларни кийиб кўради, деб кутди. Лекин Султон бу ишни қилмади. У чодирни ўз хонаси ёнига ўрнаттирди ва олиб келинган кийимларни ҳам шу ерга олдириди. Султон кун давомида бу чодирга икки марта борди ва иккала фаҳрий кийим-бошни ҳам кийиб кўрди. Шундан кейин бошқалар ҳам ўзларига совға қилинган кийимларни кия бошладилар.

Кейин иккала элчи ҳам Султонга Ҳилот тақдирি бўйича мурожаат қилди. Уни қамал қилишни тўхтатиши, қамалдагиларга эркинлик беришини илтимос этди. Султон уларнинг илтимосига жавоб бермади. Лекин улар ўз турар жойларига қайтганларидан кейин мени улар ҳузурига йўллаб, ўз танбехини етказиши буюрди. Уларга жавобан Султон бундай дейишимни айтди: “Сизлар иккалангиз ҳам сўзларингизда Амир ал-мўминин номидан яхши ниятлар билдириб, унинг истакларини менга етказдингизлар. Бу истакларида у “Биз сенинг ишларинг доимо муваффақиятли бўлишини, куч-қудратинг янада ошишини, хурмат-эътиборинг юксалишини, ўз даврингдаги барча мулкларнинг ҳукмдорига айланишингни истаймиз”, деб ният билдиради. Энди эса сизлар менга ғалаба нашидаси яқинлашган, муваффақиятлар кўзга ташланга бошлаган пайтда Ҳилот қамалини тўхтат, деб маслаҳат берасизлар. Сизларнинг бу маслаҳатингиз Амир ал-мўмининнинг менга билдирган ниятларига қарама-қарши эмасми?”

Улар Жалолиддиннинг сўзларига бундай деб жавоб берди: “Агар ҳозир аҳвол Султон айтгандай бўлса, у ҳақ. Биз бу гапни, агар қалъани босиб олиш қийин ва қамалдагилар қаршилиги узоқ давом этадиган бўлса, Султон Халифа девонининг бирор маслаҳатисиз ҳамда воситачилигисиз ҳам уни юқорида айтганимиздай ҳал қилиши мумкин деган маънода сўзлаган эдик. Агар қамални тўхтатиш зарурати туғилса, бу Халифа девонининг аралашуви туфайли амалга оширилса, у ҳолда бу иш Султон кўшинининг кучсизлиги деб эмас, ғалабаси деб баҳоланишига сабаб бўлади”.

Султон уларнинг узрини қабул қилди ва қамални давом эттирди. Ҳилот аҳолиси элчилар келган кунларда Султонни ҳақорат қилишдан ўзларини тийдилар. Бироқ улар Султоннинг элчилар воситачилигини рад қилганлигини, қамални давом эттиришини ва элчиларнинг ҳеч бир иш чиқара олмасдан кетиш ҳаракатига тушганлигини билганларидан сўнг Хоразмшоҳни янада ёмон сўзлар, сўкишлар билан ҳақоратлашда давом этдилар.

Яна куйидаги воқеа ҳам юз берди: Амиднинг ҳукмдори ал-Малик ал-Маъсуднинг элчиси ҳам Султон ҳузурига келди¹². Элчи Аъламиддин Қосаб ас-Суккар (“Шакар-

"миш") номи билан машхур одам эди. Унга ал-Малик Мансурнинг элчиси, Мордин ҳукмдори, ҳарам оғаси йиган қора танли одам ҳамроҳлик қилиб келди.¹³

Иккала ҳукмдор ҳам номасида Султонга хизмат қилиш унга бўйсуниш ниятини билдиришганди. Султон ҳам арга нома йўллаб, мулкларида номини хутбага қўшиб ўтишни буюрди. Уларнинг таклиф қилган иттифоқи ва уносабатлари холис эканлигини билиш учун элчиларга з элчисини ҳам қўшиб жўнатди. Унинг икки элчи билан еттан элчиси факиҳ Нажмиддин ал-Хоразмий эди. Аммо у элчи уларнинг мамлакатида Султон ар-Румдан мағлұмиятга учраб қайтиб келгунча қолиб кетди.

Бўлиб ўтган воқеалар орасида яна бири қўйидагича кечди: қамал туфайли Ҳилот бошига катта ташвишлар ғущди. Маҳсулотларнинг нархлари ошди, пуллар қадр-сизланди, шаҳарда итлар ва кучуклар ҳам ейилди. Шундай кунларнинг бирида шаҳардан йигирма мингта яқин одам чиқди. Очлик туфайли уларнинг қиёфалари шундай ўзгарган эдик, ака укани, ота болани таний олмасди. Шарафулмулк улар учун кунига бир неча молларни сўйдирив, едириб-ичирди. Лекин бу уларнинг дармонесиз қолган гавдаларига, руҳсиз кўнгилларига мадад бўлолмади. Уларнинг аксарият қисми вафот этди, “бошқалари эса Сабо қўйнида тарқаб кетди”.*

Ўша кунлари мана бу воқеа ҳам бўлиб ўтди: Улуғ султон (Аловуддин Муҳаммад), аввал баён қилганимиздек, Оллоҳ уни бу дунёдагӣ умри якунланиб, ўз хузурига чорлаганидан кейин оролга дағн этилган эди. Султон Ҳилотни қамал қилиш пайтида хаёлига Исфаҳонда отаси хоти-раси учун бир мадраса Қурдириш ва унинг хокини оролдан шу мадрасага кўчириш нияти туғилди.

У Исфаҳонга Улуғ султон ётоқхонасининг бошлиги бўлган, эндиликда мирохурлик қилаётган Муқарробиддинни жўнатди!¹⁴ Бу Улуғ султонни ўлганидан кейин юв-

* “Сабо қўйнида тарқаб кетди”, деган матал бўлган. Бу матал Мағриб тўғонининг бузилиши ва сув босиши туфайли Сабо қабиласи одамларининг тарқаб кетишига нисбат бериб араблар томонидан VI асрда айтилган.

ган одам эди. Унга Исфахонда мадраса қурдириш, сағана устига гумбаз барпо этиш буюрилганди. Шу билан бирга уларнинг ёнига яна зарур бўлган бинолар: кийимлар, кўрла-тўшаклар, оёқ кийимлар хоналари ва таҳоратхоналар тиклатиш ҳам айтилганди. Султон қурилиш бошлиниши учун ўттиз минг динор юбортириди. У Ироқ вазирига нома юбориб, унга қурилиш ишлари битиши учун девонга келадиган маблағ ҳисобидан пул юборишини тайинлади. Мадрасанинг барча асбоб-анжомларини — шамдонлар, лаганлар, идиш-товоқлар, кўзаларни олтиндан тайёрлашни, унинг эшиги олдида барча жиҳозларга эга бўлган отлиқ қоровул туришини буюрди.

Ал-Муқарробиддин Исфахонга жўнаб кетди ва қурилиш ишларига киришди. Мен орадан тўрг той ўтгандан кейин у ерга бордим ва мадрасанинг деворлари одам бўйи тикланганлигини кўрдим.

Султон Сория ҳукмдори бўлган аммаси Шоҳ хотунга мактуб ёzáди. Сория Мозандорондаги жойлардан бири эди (Шоҳ хотунни отаси Такиши Мозандорон малиги Ардашер ибн ал-Ҳасанга эрга берганди, у эса вафот этганди¹⁵). Мактубда аммасидан шахсан ўзи Мозандороннинг машхур кишилари, маликлар, амирлар ҳамкорлигида оролга бориб, отасининг хокини Ардахн қальясига келтиришини илтимос қиласди. Ардахн ниҳоятда мустаҳкам, душман босиб ололмайдиган қальъалардан бири ҳисобланарди. Отасининг хоки Исфахондаги мадраса ва сағана куриб бўлингунча шу ерда туриши, қурилиш тугагандан кейин ўша ерга кўчирилиши мўлжалланганди.

Ҳаётим ҳақи қасам ичиб айтаманки, мен бу ҳақдаги ёрлиқни ўзим истамаган ҳолда ёздим. Уларнинг бу борадаги ишлар нотўғри деб ҳисобладим. Ал-Муқарробга бу хусусдаги айрим фикрларимни айтдим, уни баъзи сирлардан огоҳ қилдим. Маълумки, тоторлар қаерга босиб бормасинлар султонлар хилхоналаридан уларнинг суюклирини, хоклашини олиб ўтда ёққанлар. Улар барча султонларнинг келиб чиқишилари бир деб ҳисоблаганлар ва улардан шу тариқа ўч олганлар. Улар ҳатто Фазнада Ямин ад-Давлат Маҳмуд ибн Собуктегиннинг (Оллоҳ ундан рози бўлсин!) қабрини очиб, унинг суюкларини ҳам оловда ёқдилар. Тоторлар Улуғ султоннинг хокига тегмаганди-

бунинг сабаби бор эди. Уларнинг оролга боришли-
бу ердаги қальяга киришлари қийин эди.

Бироқ менинг бу гапларим Муқарробиддинга ёқмади,
учун бу ҳақда ортиқча сўзламадим. Аммо бу ишнинг
тариҳи худди мен ўйлагандай бўлиб чиқди: тоторлар Амид
расида сulton (Жалолиддин) фаолиятига барҳам бер-
ди, бу ҳақда кейинроқ ҳикоя қиласмиш, юқорида айтгани-
из Ардаҳи қальясини қамал этдилар. Бу ердан Сulton
хўдаммад хокини олиб ҳоқонига жўнатдилар. Ҳоқон эса
ни ёкишни буюрди.

Бўлиб ўтган яна бир воқеа бундай эди: Мужириддин
Ауб ибн ал-Малик ал-Одил Абу Бакр ибн Айуб кун-
ганинг бирида Сultonни музокарага чақириб Ҳилот де-
врини ура бошлади.¹⁶

Сulton у бизнинг ниятларимизни ушалтирадиган
хўйни, Ҳилотни топшириш ҳақида) гапни айтса керак деб
эрталаб, бу музокарага рози бўлди. Сulton бу ерга келгани-
да Мужириддин бундай деди: “Ҳамманинг бошига оғир
кулфат тушди, бир-бирларимизга нафратларимиз ҳам
намоён бўлди. Икки томон ҳам кўп кучини йўқотди. Энди
бу ишни ниҳоясига етказиш учун мен билан яккама-якка
курашишни истамайсанми?” Сulton ундан “Қачон кура-
шишни хоҳлайсан?” деб сўради. “Эртага эрталаб”, деб
жавоб берди у.

Сulton эртасига эрталаб совутини кийди. Шарафул-
мулк бу ҳақда эшиттанидан кейин Сulton ҳузурига тез
етиб келиб, деди: “Мужириддин сизга тенг эмас, сиз би-
лан яккама-якка курашишга арзимайди ва ярамайди. Агар
сиз уни ўлдириб шаҳарни босиб олиш мақсадингизга
эришганингизда эди бу олишувга рози бўлсангиз арзир-
ди. Лекин шунга ишончим комилки, бу олишув билан
мақсадга эришилмайди. Бунинг устига у гарчи хукмдор-
лар оиласидан ҳисобланса ҳам, куллардан бири холос”.

Сulton унга бундай деди: “У худди сен айтгандай.
Лекин у курашга чақириб турса, қандай қилиб бундан
бош тортишим мумкин? Менинг курашни рад қилишга
сабабим борми? Қолаверса, майдонга биринчи бўлиб мен
эмас, у чиқади”. Кейин у отига миниб, ёлғиз ўзи Ҳилот-
нинг Битлис дарвозаси томон йўл олди. Бу ерга белги-
ланган вақтда этиб келиб, рақибига хабар берди. Лекин

Ҳилот аҳолиси уни лаънатлаб, сўкиб, устига камондан ёмғир мисол ўқ ёғдира бошлади. Мужириддин олишгани чиқмади, Жалолиддин қайтиб келди.

Яна шундай воқеа ҳам бўлиб ўтди: бир кун тунда Султон мени ҳузурига чақирди. Унинг ёнида айёр ёлғончи кампирни кўрдим. У Ҳилотдан, гёй аз-Заки ал-Ажамий номидан мактуб олиб келганди. Заки ал-Ажамий ал-Малик ал-Ашрафнинг эътиборли одамларидан бири бўлиб, унинг ҳузурида таржимонлик қилас, султоннинг сўзларини элчиларга, элчиларнинг сўзларини султонга турк, форс, арман тилларига таржима қиласарди.

Закиаддин мактубида Султондан беш минг динор беришни илтимос қилинди. У бу пулни Ҳилот қўшинидаги ҳинд лашкарларига бўлиб бериб, уларни шу тариқа Султон томонга оғдириш ва шаҳарни унга топшириш учун кўндириш ниятидалигини билдирганди. Шундан кейин эртаси куни тонгда шаҳарнинг Водий дарвозаси очилиб, Султон ундан ичкарига кириши режалаштирилганди.

Султон бу ҳақда мен билан маслаҳатлашгач ушбу режага ишончим йўқлигини Англади. У “Нима учун бу ишга шубҳаланаяпсан?” деб ҳайрон бўлиб сўради. Султон Ҳилотни тезроқ босиб олишга зўр ҳафсала билан киришганди, шу сабабли кампирга талаб қилинган миқдордаги пулни беришга ҳам тайёр эди. Унга бундай деб жавоб бердим: “Мен сизнинг қулингизман. Бу борада бирор номаъкул гап айтсан, узримни қабул қилинг. Закиаддин билан у ўз ҳукмдори номидан ҳузурингизга элчи бўлиб келганида учрашганман. У билан ҳар хил ишлар ҳақида гаплашганман. Аз-Заки ўз даврининг энг ақдли, иқтидорли ва фаросатли одамларидан бири. Унга ёлғонни яшириб, ҳақиқатни ошириб айтиб бўлмайди. Унга монанд одамлар бундай шубҳали ва хавфли ишлар билан шуғулланмайдилар, ундан йироқ бўладилар. Бундан ташқари, у сизга маъкул бўладиган бу ишни қилиши учун сизнинг қўл остингизга ўтиб, ўзининг (собиқ) ҳукмдорига нисбатан дарров душманлик қилимоги керак. Бунинг устига у қарама-қарши фикрдаги ва ҳар хил ниятдаги бир гуруҳ одамларнинг талабларини қондириш учун пулдан фойдаланиб ёки уларга орзиқтирувчи ваъдалар бериб ўзини хавф-хатарга кўярмиди? Бу одамлардан бирортаси ушбу

рни ошкор қиласлигига ва оқибатда унинг йўқ қилин-
слигига ким кафолат бера олади? Агар у пулларни бош-
лар учун сўраётган бўлса, шундай деб ўйлаш мумкин.
Агар кампир, у пулларни ўзи учун сўраётибди, деб айти-
ган бўлса, бу гапнинг ёлғонлиги янада аниқ. Чунки у
хилотни сизга топширадиган бўлса, унга бериладиган сов-
лар, икто олдида ҳозир талаб қилинаётган пул арзимас
яка бўлиб қолади”.

Султон менинг фикрларимни эшиттанидан кейин бу
юрадаги қарорини сал бўлсада ўзгартирди. Аммо унда
Хилотни босиб олиш истаги зўр эди. Шу сабабли кам-
пирдан минг динорни аямади. Афсуски, бу фойдасиз сарф
эди. Султон унга: “Агар сенинг айтганларинг бирор йўл
 билан исботланса, қолган тўрт минг динорни ҳам бера-
миз”, деди.

Шунда у Хилотга қайтиб кетди, унинг гаплари мут-
тақо асоссиз эди. Бу гап қўшинилар ўртасида тез тарқалди
ва ҳилотликлардан айримларининг ҳам қулогига етиб
борди. Иззиддин Ойбекка аз-Заки Султон билан хат ёзиш-
моқда деган маълумотни етказиши. Ойбек эса уни ҳеч
бир айбисиз ўлдирилтириди.

Султон Хилотни эгаллаганидан кейин бир неча сар-
ханглар бу кампирни эри — мункиллаган чол билан бир-
галиқда тери ишлайдиган жойдан тутиб келтиришди.
Кампир тиллонинг бир қисмини олиб келди. У берилган
пулдан уч юз динорни сарфлаб бўлганди. Айтишларича,
у бўғиб ўлдирилган. Унинг ёлғони оқибатида ўзи ҳам ўлим
топди, Закиаддин ҳам курбон бўлди.

Бу вақтда яна қуийдаги воқеа ҳам рўй берди: Иззид-
дин Ойбек ал-Малик ал-Ашрафга сирли мактуб йўллади,
худди шундай хат Иззиддиннинг ўзига Мужириддин Ёкуб
томонидан юборилди. Ҳар иккала хат ҳам йўлда қўлга
олинди. Султон уларни менга берди. Иккала хатнинг сир-
синоатидан воқиф бўлиб, ўқишим лозим эди. Номаларда
улар бошига тушган мусибатлар ва қийинчиликлардан,
оғир синовлардан шикоят қилгандилар. Иккала хатда ҳам
душманнинг сеҳр-жодуси туфайли бу йил Хилот ва унинг
атрофига қор ёғмаганлиги айтиларди.

Ўша пайтда яна бир мактуб тутиб олинди. Бу ал-Ма-
лик ал-Ашрафдан Хилот мутаваллиси Иззиддинга ёзил-

ган эди. Унда бундай сўзлар битилганди: “Сенинг душманлар сеҳр-жодуси ва ҳавонинг очиқлиги ҳақидаги сўзларинг кўнгилларингизни кўркув ҳамда ваҳима қамраб олганлигини кўрсатади. Бошқа нима дейиш ҳам мумкин, чунки бундай ишлар ёлғиз Оллоҳ томонидан амалга оширилади! Қишда эса аҳвол ҳар хил бўлиши мумкин: баъзан қор одатдагидан кечикиб, айрим ҳолларда эса кутилмагандা эртароқ ҳам ёғади. Биз яқин кунлар ичида қўшинларимиз билан етиб борамиз, мусибатларни бартраф этамиз, тушкунликка барҳам берамиз. Биз уларни (хоразмликларни) Жайхуннинг нариги тарафига қувиб юборамиз”.

Бўлиб ўтган воқеалардан бири бундай эди: соҳибдевон Шамсиiddин Муҳаммад ал-Муставфий ал-Жувайний вафот этди¹⁷. У насл-насаби улуг одамлардан эди. Агар у бирор жабҳада комилликка интилса, унга эришмасдан қўймасди. Унинг номачилик услуби бошқаларнинг номачилик услубига солиштириб кўрилганда, у бу борада (санъятнинг бу турида) бошқалардан анча устун эканлиги намоён бўлди. Вақт уни синовлардан ўтказди, ҳаёт унга турфа тўнларни кийдирди. У Улуғ султон (Аловуддин Муҳаммад) ҳаётининг сўнгги йилларида девон бошлиғи (соҳиб ад-девон) қилиб тайинланди. Жалолиддин саройига келгач, Султон ҳам уни девон бошлиғи лавозимига тайин қилди. У бу лавозимда ўзига губор юқтирмай ишлади. Унинг сўзи билан ёзганлари ўртасида фарқ бўлмасди. У шубҳа уйғотувчи йўлларга кирмади.

У Оллоҳнинг меҳр-саҳоват тўла уйига Султон Ҳилот қамали билан банд бўлган пайтда “кўчиб ўтди”. Жувайний мени васий қилиб тайинлаб, етимларига ғамхўрлик қилишимни тайинлаган эди. У майитини ўзи туғилиб ўсган жой Хурросоннинг қасабаларидан бири Жувайнга олиб бориб кўмишимни васият қилганди. Унинг васиятини адо этдим.

Султон ундан қолган меросга тегмади. Мен унинг бойликларини ўзим ва у учун ишончли бўлган одамлар орқали меросхўрларига етказдим.

Ундан кейин девон бошлиғи лавозимини Жамолиддин Али ал-Ироқий эгаллади. У аввал Ироқ вазири Шарифиддиннинг ўрнига девондаги бавзи ишларни қилиш

шун қўйилганди. Шундай бўлдики, у бу ерга ўз хожасинг бир иш бўйича топшириги билан девон бошлиғи лими пайтида келиб қолди. Айни шу вақтда Султон ҳам азирини бепарволик ва уқувсизлик туфайли хатоларга ўл қўйишда айблади. У мушрифнинг ўғирлик билан шу-улланаётганилигини, хазиначининг ёлғончилигини биларди. Шу сабабли у уларнинг қаттиққўл, беандиша, қайсар одам кўл остида қандай ишлашини синаб кўрмоқчи бўлди.

Шундай қилиб ал-Жамол девон бошлиғи лавозимини эгаллади. Бу хурматли акобир ўрнига ҳамма ёқса даҳшат солувчи арслон келгандай ёки ёрқин нур таратиб турувчи юлдуз ўрнини учар юлдуз эгаллагандай бўлди. У сабабли тартибсизлик ва баҳслар бошланди, қарама-қаршилик ва ихтилоф кучайди. Орадан кўп ўтмай девон аъёнлари ўз мансабларидан фориғ бўлиш учун кўплаб пул сарфлай бошлади. Авваллари эса одатда пулни бирор мансабни эгаллаш учун беришарди.

Унинг девондаги фаолиятининг ўзига хос жиҳатлари шу бўлдики, аввалдан бериб келинаётган ёрдам пулларини (тасвиқат) тўхтатилди, нафақалар (идрагат) кечиктириб бериладиган бўлди, “ҳақлар” (хукуқ) тўлаш чеклаб қўйилди.¹⁸

Шу учун ҳам айтишадики, тарбия кўрганнинг ҳаммаси ҳам одобли бўлавермайди, ҳар қандай одам ҳам нома ёзиш хунарини эгаллайвермайди, мушкни сақлаш учун ҳар қандай тери ҳам ярайвермайди. Яна айтишадики, қошга суртганинг ҳаммаси сурма бўлмас. Дунёдаги энг фойдасиз нарсалар эса тўнғиз бўйнига осилган тақинчоқ, кўрнинг кўлига тутқазилган қилич, ёвуз фосиқ бармоғидаги узук дейишади. Куйидаги мисралар ҳам шу ҳақда:

Ануширвон қандай одил шоҳ эди!
Сезса гар бироннинг пасткашлигини,
Агар шу пасткашга тегишли бўлса,
Ҳатто қаламни ҳам шарт синдиради!

Унинг сурбетлигини, тубанлигини кўрсатувчи биринчи ножӯя иши қуйидагича бўлди: ҳожиблар уни девонга, марҳумнинг ўрнига ўтқазини учун олиб боришади. Бу пайтда Шамсиддин ат-Туроий девонда бўлади, Шарафулмулк билан суҳбатлашиш учун ёнма-ён ўтиради. Ал-Жамол бу

ерга келгач Шамсиддиннинг қўлидан ушлаб уни вазирдан нарироққа олиб бориб ўтиргизади ва улар орасига ўзи ўтиради. Шунда ат-Турой ундан: “Бундай қилишга уялмайсанми?” деб сўрайди. У унга: “Бу менинг мансаб ўрним, бу ўрин учун ким рақиб бўлмоқчи бўлса, унга қарши курашаман”, деб жавоб беради.

Бу вақтда яна қуйидаги воқеа ҳам бўлиб ўтди: Аламут хукмдори Аловуддин (Муҳаммад III) нинг вазири асир қилиб олинди. Унинг сабаби бундай эди: ҳар йили одатга кўра алмутликлар бир гуруҳ эрксиз, қарам одамларни олиб Қазвін яқинидаги тоғлар ёнбағрида қишлоқ учун харакат йиғишга келишарди.¹⁹

Ироқ амирлари исмоилийлар ваъдасига вафо қилиб Жалолиддиннинг укаси Фиёсиддинни унинг хизматига қайтариб юбормагани учун Султоннинг улар ҳақидаги фикрлари ўзгарди, деб ўйлагандилар. Шу учун Сава муқтоси Баҳовуддин Соқур харакат йигаётган исмоилийлар томон йўл олди. Тоғда вазирга хужум қилиб, уни асир олди ва Ҳилотга жўнатди. Бу ердан у Дизмар қалъасига олиб келинди.²⁰

У бу ерда пешонасига азалдан ёзилган кунгача турди, унинг муддати қачон тугаши ҳақида маълум қилишмади. У орадан тўрт ой ўтгач ўлдирилди.

Яна бир воқеа эса бундай кечди: ар-Румдан элчилар келди. Султон Аловуддин Қайқубод ибн Қайхусров сultonга (Жалолиддинга) ўз жашнгири Шамсиддин Олтин Оба ва Арзинжон қозиси Камолиддин Камёс ибн Исҳоқни совғалар ҳамда қимматбаҳо ҳадялар билан юборди. У Султоннинг кўнглини олишга интиларди.

Унинг совғалари орасида атласлар, хитойи матолар, кундузлар, сувсарлар мўйналари ва бошқа юклар ортилган ўттизта хачир, бошдан-оёқ қуролланган ҳамда ўз отларига эга бўлган ўттизта мамлук, эгар-жабдуқли юзта от, элликта хачир бор эди.

Улар Арзинжонга келганларида Султон ҳузурига этишиш амримаҳол эканлигини англадилар. Негаки, Арzon ар-Румнинг хукмдори Рукнииддин Жаҳоншоҳ ибн Тўгрул ал-Малик ал-Ашрафга итоат этиб, икки хукмдорга (Жалолиддин ва Аловуддин Қайқубодга) очиқдан-очиқ душманлик йўлига ўтган эди.

Ушбу совғалар Ҳилот қамали пайтида Арзинжонда олиб кетди. Бу нарсалар кейин Арzon ар-Румнинг ҳукмдори Султон хизматига қайтгунга қадар ҳам шу ерда тури. Шундан кейин элчилар барча ҳадялар ва совғаларни олиб Султоннинг ҳузурига келдилар. Аммо улардан олиб келган совғаларини Султонга унинг қўл остидаги амиршар ва бошқалар қандай қилиб берсалар, шундай тарзда топширишни талаб этдилар.

Шамсиддин Олтин Обадан ҳожиб ал-хасс билан биргаликда арзгўйлар жойида тиз чўккан ҳолда туриш талаб этйди. Шу ҳолда ҳожиб атрофга тўплланган одамлар кўз ўнгида олиб келган совғаларини бирма-бир айтиб берди. Улар элчининг ҳукмдорининг ҳурматини жойига қўймадилар, унинг дўстона ва садоқат билан хизмат қилишга интилаётганини эътиборга олмадилар. Улар унга нисбатан муносабатда адаб доирасидан чиқдилар, элчидан расм русмда белгиланганидан кўпроқ нарса талаб қилдилар. Бунинг устига улар ўртасидаги низомларга барҳам бериш ва дўстликни мустаҳкамлаш мақсадида ўз ҳукмдорининг ўғли учун Султоннинг (Жалолиддиннинг) қизининг қўлини сўради. Султон тарафдорлари эса бунга рад жавобини беришли.

Шундан кейин ар-Рум ҳукмдорининг элчилари Арzon ар-Рум ҳукмдори билан ўzlари ўргасида пайдо бўлган душманлик ҳақида эслатдилар. Улар Султондан Арzon ар-Румни унинг ҳукмдори қўлидан тортиб олишни ва бу ҳукмдорни унга нисбатан қаҳр-газабларини, нафратларини қондириш учун ўzlарини қўлларига топширишни илтинос қилдилар. Султон бу таклифдан асабийлашди ва бундай деди: “Бу номини эслатганингиз ва қўлга олмоқчи бўлганингиз одам, гарчи мен билан муносабатни узиб, одоб доирасидан чиқиб, ҳурматсизлик кўрсатган бўлишига қарамай ҳузуримга худди араблар сингари нажот истаб келди. Бундай одамни ҳуқуқларидан жудо қилиш ва уни қонига ташна бўлганлар қўлига топшириш мен учун энг қабиҳ иш бўларди”.

Бир гал Шарафулмулк ҳузурига кирганимда унинг ёнида ар-Румнинг элчилари ўтирганини кўрдим. У улар билан кўпол муомала қилиб бундай деди: “Агар Султон менга рухсат берса, сизларнинг мамлакатингизга ўзим қўшин

тортиб бориб, лашкарларимнинг кучи билан уни босиб олган бўлардим”. Унинг сўзлари кейин ҳам шу оҳангда давом этди. Улар кетганидан кейин мен вазирдан: “Бундай кўпол мумалангизнинг сабаби нима, ахир уларнинг ҳукмдори ўзининг дўст ва тобе эканлигини билдираяптику! Шу учун изма-из элчиларини юбормоқда”, деб сўрадим. У саволимга бундай деб жавоб берди: “Уларнинг менга олиб келган совғаларининг ҳаммаси икки минг динор турмайди!”

Султон Аловуддиннинг элчилари ишни ҳал қилолмай, ҳожасини қаноатлантирадиган жавоб ололмай қайтиб кетдилар. Султон улар ёнига таштдор Жамолиддин Фараж ар-Румийни, амир-шикор Сайфиддин Дорд Обани ва Рукнииддин лақаби билан машхур бўлган хоразмлик фақиҳни ҳамроҳ қилиб жўнатди.²¹

Ҳамроҳлик қилувчилар ар-Рум мамлакатининг ўртасига боргандарида Аловуддиннинг элчилари уларга нисбатан тезроқ юриб ҳукмдори олдига эртароқ етишди. Элчилар унга (ҳукмдорига) дўстликнинг асосини мустаҳкамлаш ҳақидаги ташвишлари, битимларини янгилаш, ўзаро бир-бирини қўллаб-куватлаш ва ёрдамлашиш тўғрисидаги интилишлари — ҳамма-ҳаммаси гўё қиздирilmagan temirga bolғa urishdek gap bўlganligi ҳақida maъlumot bеришди.

Шундан сўнг Аловуддин ал-Малик ал-Ашрафга рағбат билдириди ва унинг хузурига Камолиддин Камёсни йўллади. У унга дўстлик ва ўзаро ҳамкорлик истаб борган одами бу нарсаларни хоҳламаганини, ҳеч бир умидворлик қолдирмай ҳаммасини барбод қилганини хабар этиш учун борди. Ва у (Аловуддин)нинг умидсизланган ҳолда Султонга нисбатан ишончлари барҳам топганлигини билдириди. Аловуддин ал-Маликка бундай деб ёзди: “Жалолиддинни қиличсиз тўхтатиб бўлмайди, унга хушомад-гўйлик қилиш бефойда. Эндиликда сўз ва иш бирлигига Эришмоғимиз ва шу тариқа мамлакатимизни ҳимоя қилмоғимиз қолди, холос!”

Бу фикрлар ал-Малик ал-Ашраф кўнглидаги гаплар бўлди ва улар ўзаро битимга тайёрлик тўғрисида келишдилар. Султон элчилари эса ар-Рум ҳукмдори Аловуддин хузурига Камолиддин Камёс ал-Малик ал-Ашраф ёнига

бориб келганидан кейин, икки ҳукмдор ўртасида итти-фоқдошликка содикликлари тасдиқланганидан сўнг етишилар.²²

¹ *Нусратиддин Ҳазораст (1203—1253 йиллар)* — Отабеклар сулоласидан, Луристоннинг иккинчи ҳукмдори.

² *Хон Султон* — Самарқанд ҳукмдори Усмоннинг собиқ хотини. Бу ҳақда 18-бобга қаранг.

³ Халифа ал-Мансурнинг сарой шоири Иброҳим ибн Харманинг (710—780 йиллар) шеъридан олинган. Ан-Насавий бу ўринда Султоннинг ўз синглиси мактубини эътиборсиз қолдирганидан, синглиси айттан имкониятлардан фойдаланмаганидан афсусланади. Келтирилган шеърий парчадан кўриниб турибдики, асар муаллифи Султонга ўз яқинларига эътиборсизлиги учун таъна қиласди.

⁴ Арzon ар-Румнинг ҳукмдори Рукниддин Жаҳоншоҳ ибн Тўгрулшоҳ ибн Қилич Арслон II Жалолиддин Ҳилотни босиб олганидан кейин у томонга ўтди. Унинг мақсади амакивачча-си, Қўниё султони Қайқубоднинг юртини босиб олиш эди. Унинг Қайқубод билан муносабатлари хусусида ал-Ҳамавий асарида кенгроқ маълумотлар берилган.

⁵ Ҳозирги пайтда Нозик кўли Ҳилотдан 20 километр шимолий-ғарбда жойлашган.

⁶ Шиҳобиддин Судаймоншоҳ ҳақида 42, 55-бобларда маълумотлар берилган.

⁷ Султон ўшанда Ҳамадон яқинидаги Баҳор қалъасида тўхтаган.

⁸ Тарихчи Ибн Биби малик Қоймақар Жалолиддин Ёssi Чаманда мағлуб этилганида 627 йилнинг рамазонининг 28 кунида (1230 йилнинг 10 августида) асир олинган, деб ёзди.

⁹ 88-бобда халифа ал-Мустансир томонидан Жалолиддин ҳузурига икки одам — Саъдаддин ибн Ҳасан ал-Ҳожиб ва Фалакиддин ибн Сунхур ат-Тавил элчи қилиб юборилгани ҳақида гап боради. Ибн ал-Фуватий эса элчиларни Шайхул-машойих Абул Баракат Абдураҳмон, Фахриддин Абу толиб Аҳмад ибн ад-Дамғоний, амир Фалакиддин Муҳаммад ибн Сунқур ат-Тавилдан иборат эди, деб ёзди.

¹⁰ *Бадриддин Лўъли ибн Маҳмуд (1233—1259 йиллар)* — Мўсул ҳукмдори. У зангийлар сулоласининг сўнгги ҳукмдори вафотидан кейин Мўсулни босиб олади.

Музаффариддин Абусаид Кўк Бўри ибн Али Кучак (1168—1233 йиллар) Ирбил ва Харранинг ҳукмдори.

Имодиддин Абул Музаффар Паҳлавон ибн Нусратиддин ибн Ҳазорасп — Лурлар мамлакатининг тоғлиқ томонининг ҳукмдори.

¹¹ Муайидиддин Муҳаммад ибн Муҳаммад ибн Абулкарим ал-Қумий халифа ан-Носирнинг ва халифа ал-Мустансирнинг вазири. У 1200 йилдан бошлаб вазирлик қила бошлаган. 1231 йилда вафот этган.

¹² Амид ва Хисн Кайфийнинг ҳукмдори ал-Малик ал-Масъуд Рукниддин Маудуд ибн Носириддин Маҳмуд (1222—1233 йиллар) эди. У ортухийлар сулоласининг Диёрбакрдаги йўлбошлиларига мансуб эди.

¹³ Мордин ҳукмдори Носириддин Ортиқ Арслон Мансур (1201—1239 йиллар). У ҳам ортухийлар сулоласидан эди.

Иккала ортухий ҳам Жалолиддин томонга ўтишдан аввал сulton Аловуддин Қайқубод I га сифиниб борган ва унга содикликка қасамёд қилган эдилар.

¹⁴ Бу ҳақда 21-бобга қаранг.

¹⁵ Ҳусом ад-Давла Ардашер ибн Аъло ад-Давла (Шарафулмулк) Ҳасан (1172—1206 йиллар) Табористон ва Филон ҳукмдори. Бувандийлар сулоласидан.

¹⁶ Аййубий шаҳзода ал-Малик ал-Муизз Мужириддин Ёкуб ибн ал-Малик ал-Одил 1256 йилда вафот этган.

¹⁷ Шамсиддин Жувайний ҳақида 82-бобга қаранг.

¹⁸ Ҳақ (қўплиги ҳуқук) — маълум бир ишни бажаришда тўланадиган пул, иш юзасидан бориш ва келиш, ишни бажариш учун сарфланган маблағ учун бериладиган пул. (Ҳозирги хизмат сафари учун тўланадиган пулга тўғри келади.)

¹⁹ Эрксиз, қарам одамлар — айбордлиги учун ишлаб беришга мажбур қилинадиган одамлар, мажбурий хизмат.

²⁰ Дизмар — Табриз яқинидаги қалъа.

²¹ Амир-шикор — Сulton овчиларининг ва ов ишларининг бошлиғи.

²² Қўниё сultonи Аловуддин Қайқубод I Хоразмшоҳнинг хатти-ҳаракатларидан ўз мамлакати учун хавф-хатар туғилиши мумкинлигини ўйлади. Шу учун у билан битим тузишга, бу битим орқали ўз мамлакатини Хоразмшоҳ босқинидан асраб қолишига интилди. Аловуддин элчилари орқали Ҳилот қамалини тұхтатишин талаб қилди. Жалолиддинга мӯғуллар билан музокарага киришишини, отаси сингари хатоларга йўл қўймаслики маслаҳат берди.

Бироқ Аловуддин Қайқубод I Хоразмшоҳга таъсир кўрсата олмаслигини ҳам биларди. У бу ишларни вақтдан ютиш ва Жалолиддинга қарши Аййубийлар билан иттифоқ тузишга эришиш учун қиларди.

Аловуддин Қайқубод I нинг элчиларининг эътиборсиз кутиб олиниши Хоразмшоҳнинг дипломатия соҳасидаги ҳатоларидан бири ҳисобланарди. Бу хато Султоннинг кейинги фаолиятига таъсирини кўрсатди. Аммо тадқиқотчи X. Готтшалк Аловуддин ва Жалолиддин ўртасидаги муносабатларни таҳлил қиласар экан, Аловуддиннинг мақсади вақтдан ютиш, бошқалар билан ҳамкорликни мустаҳкамлашга уриниш эканлигини тасдиқлайди. X. Готтшалк бу фикрининг исботи учун бир қанча фикрларни келтиради. Масалан, у Жалолиддиннинг Рукниддин Жаҳоншоҳни қўллаб-кувватлаб, уни Кўниё таҳтига ўтказиш нияти бўлганлигини айтади. Бунинг устига Аловуддин билан ал-Малик ал-Ашраф ўртасида ўзаро ҳамкорлик битими шу даражада тез амалга оширилади, элчиларнинг Жалолиддиндан қизини бериш ва Рукниддинни ўзларига топшириш ҳақидаги талабномалари ҳам ҳийла эканлиги маълум бўлади. Ан-Насавий бу масалаларни Аловуддин элчиларининг ҳурматсизланиши, Шарафулмулкка совға-саломнинг кам текканлиги кабилар билан боғлади. Нима бўлмасин, ан-Насавий бир ҳақиқатни эътироф этади: Аловуддин билан Жалолиддин ўртасида ҳамкорлик битими тузилмаганлиги аниқ.

Камолиддин Камёс — Арзинжон қозиси. У 1238 йилда ўлдирилади.

86-БОБ

СУЛТОННИНГ ОЛТИ ЮЗ ЙИГИРМА ОЛТИНЧИ ЙИЛНИНГ ОХИРИДА (1229 ЙИЛНИНГ НОЯБРЬ – ДЕКАБРЬ ОЙЛАРИДА) ҲИЛОТНИ БОСИБ ОЛИШИ БАЁНИ

Ҳилот қамали чўзилгач, қимматчилик кучайди, шахар аҳолиси нобуд бўла бошлади. Ажал сояси одамларни бир-биридан узоқлаштириб юборди. Очлар иложисизликдан мушук ва итларни ея бошладилар, динор ҳамда дирҳамларнинг қадри қолмади. Шу сабабли Ҳилотни ким босиб олса унинг устига юқ бўлиб тушиши, уни ким эгалласа, баҳтсизлик шаробидан тотиб кўриши аниқ эди. Шу учун И smoил Иваъий тунда ўз тарафдорларидан бир қанчасини девор орқали туширди. Улар Султонга И smoил Иваъий Озарбойжондан иқто сўраётганини, агар бу иқто берилса, шаҳарни топшириш нияти борлигини хабар қилдилар. Султон унга Салмосни ва Озарбойжоннинг турли жойларидан яна бошқа мулкларни иқто қилиб бериш

ҳақида қасам ичди, буни ўз муҳри билан тасдиқлайдиган бўлди. Элчилар шаҳарга қайтдилар ва иш амалга оширила бошланди¹.

Одамлар бошдан-оёқ қуролландилар. И smoil тунда девордан арқонларни туширди. Бундан пиёда лашкарлар ва байроқлар тепага кўтарили. Қолган лашкарлар эса хужумга тайёргарлик кўрдилар.

Тонг отгач, лашкарлар манжаниқлар тешган девордағи раҳналардан хужумга ўтдилар. Ҳилотда Қоймур қўшинларининг қолдиқлари қолганди, улар билан шиддатли жанг бошланди.² Ҳилотликлар Султон қўшинларини шаҳардан қувиб чиқаришига оз қолди. Шунда улар девор устига ва минораларга ёрдам умидида назар ташладилар. Лекин бу ерни ҳам Султон лашкарлари эгаллаб олганини, Хоразмшоҳ байроқлари хилпираб турганини кўрди. Миноралардага лашкарлар ҳилотликларнинг орқа томонидан хужум қилдилар, натижада улар чекина бошладилар. Амирларнинг ҳаммаси асир олинди, улар орасида ал-Асад ибн Абдуллоҳ ал-Қоймурий ҳам бор эди. Улар шаҳар девори устида Султон лашкарлари билан шиддатли жанглар олиб бордилар. Иzzиддин Ойбек ал-Ашрафий ва ал-Малик ал-Одил Абу Бакр ибн Айубийнинг ўғиллари — Мужириддин ва Тоқиаддин шаҳар аркига кириб ҳимояландилар.³

Султон Ҳилотни талон-тарождан асраб қолиш ниятида эди, аммо бунга эриша олмади. Унинг ҳузурига хонлар, асиrlар ташриф буюриб, бундай дейиши: “Қамалнинг ҳаддан ошиқ чўзилиши қўшинни кучсизлантириди, лашкарлар отлари ва қўл остидаги юқ ташийдиган ҳайвонларидан ажралдилар. Агар сиз уларга талон-тарожга рухсат бермасангиз, кучсизлиги сабабли душманга қарши курашишдан бош тортишлари мумкин. Агар қўшинингиз ҳаракат қилса, бу кучсизлик яққол кўзга ташланиб, уларнинг тарқалиб кетишига сабаб бўлади ва оқибатда лашкарларингизнинг амрингизга бўйсуниши қийинлашади”.

Улар ўзларининг таъқиқ қилинган нарсаларга нисбатан очкўзликларини ана шундай сўзлар билан ниқоблашга интилардилар. Натижада у талон-тарожга рухсат берди. Улар шаҳарни уч кун таладилар. Бу ярани тирнаб, унга

туз сепиш билан тенг эди. Улар шаҳар аҳли яширган нарсаларнинг ҳаммасини — гоҳ ноҳақ йифимлар тарзида, гоҳ куч ишлатиш йўли билан тортиб олдилар. Агар уларнинг қўлига ҳилотликлардан кимdir тушиб қолса, уни турли усуллар билан азобларди. Одамлар ўртасида Султон шаҳарни босиб олиш пайтида бу ерда ким қолган бўлса ҳаммасини ўлдиришга буйруқ берибди, деган миш-миш тарқалди. Бу ёлғон эди, аммо кўп одамлар ноҳақ берилган жазо туфайли ўлим топди, бошқалари эса очлик туфайли ҳалок бўлдилар.

Мужириддин ва Тоқиаддин арқдан тушдилар, Иzzиддин Ойбек учун омонлик сўрадилар. Султон унинг ҳам гуноҳидан ўтди. У ҳам кейинги кун арқдан чиқиб келди. Бироқ Султон унга қўлини ўпишга рухсат бермади. Шу тариқа уни хўрлади ва ўзининг унга нафратини билдириди. Бир неча марта қилинган илтимослардан кейин, унга оёғини ўпишга рухсат этди.

Иzzиддин Ойбекнинг тарафдорларидан бири Султонга Мужириддин ва Тоқиаддан ҳам унинг (Ойбекнинг) қўли остида, хизматида бўлганлигини, аммо Султоннинг қўлини ўпишга мусассар бўлганини айтди. Шунда Султон унга бундай деди: “Ҳақиқатан, мамлакат ҳукмдорининг Иззиддинга нисбатан эҳтироми юксаклиги туфайли ўз укалари устидан ҳукмронликни ҳам унга бериб кўйибди. Мен эса уни ҳурмат қилмайман. Шу учун уларга нисбатан муносабатда азалдан мавжуд бўлган тартиботларга риоя қиламиз, яъни ҳар кимга мавқеига қараб марҳамат кўрсатамиз. Бошқаларнинг кимни ҳурмат қилиши эса уларнинг ўзларига ҳавола”.⁴

Уларни ҳар куни Султон ҳузурига олиб келишарди, Мужириддин ва Тоқиаддин ўтираси, Иzzиддин эса тик турар эди.

Кейин ал-Малик ал-Ашраф Мусонинг асир тушган амир жондори (шахсий соқчиларининг бошлиғи) Аъламиддин Санжар ёнидаги қўриқчилардан бири орқали Султонга шундай хабар етказди: “Эшитишимча, Султон қўшинларини Ҳилот атрофларига, бу ердаги қалъаларни қамал қилиш учун юбораётган экан. Уларнинг аксарияти Беркри, Маназжирд, Бидлим, Ван, Валашжир, Остон ва бошқа жойларга жўнаб кетибди. Бунинг учун ҳеч қандай

зарурат йўқ эди... Бу билан Султон ортиқча чиқимдор бўлади, ташвиш кўпаяди, вақтини сарфлайди. Чунки Иzzиддин Ойбек билан Ҳилот атрофидаги қамал қилинганд жойларнинг волийлари ўртасида махфий белги бор. Агар Иzzиддин бу белгини Султонга маълум қилса, Хоразмшоҳ ушбу жойларни ҳеч бир қийинчиликсиз ва азият чекмасдан эгаллаган бўларди. Иzzиддин улар билан ҳамон номалар битишиб туради, уларни ҳимояда мардлик ва қатъиятлиликка даъват этди. У волийлар кўз ўнгига Султонни кучсиз деб таърифлайди ва уларни аш-Шомдан қўшинлар ҳимоя учун ёрдамга келади, деб ишонтиради".

Султон унинг хабаридан огоҳ бўлгач Иzzиддин Ойбекдан бу махфий белгиларни талаб қилди. Лекин Иzzиддин қандайдир махфий белгилар борлигини рад этди. Султон бунга ишонмали ва уни волийларга жойларни лашкарларига сўзсиз топшириш ҳақида нома ёзишга мажбур қилди. Ойбек уларга таслим бўлиш тўғрисида буйруқ юборди, бироқ улар таслим бўлишдан бош тортдилар.

Султоннинг бу жойларни номалар юбориш билан кўлга киритиш умиди йўққа чиқди. Шундан сўнг у уни (Ойбекни) туттириб, кишанбанд қилдирди ва Дизмир қалъасига жўннаттирди. У бу ерда зинданда Султон лашкарлари ар-Румдан тарқоқ ва заифлашган ҳолда қайтиб келгунча ётди.

Ал-Малик ал-Ашрафнинг элчилари бирининг кетидан иккинчиси тинчлик битими таклифи билан кела бошладилар. Шунда Султон Ойбекни зинданда ўлдиришга буйруқ берди. У бу ишни уни озод қилиш тўғрисида гап бўлмасин, уни кишанлардан ҳалос этиш имкони туғилмасин, у ўлим сиртмоғидан чиқиб кетмасин деган ниятда амалга оширди. Ойбек Султонни очиқдан-очиқ ҳақорат қилгани, Жалолиддинга ва унинг отасига монанд тарзда ўзига Зулқарнайн навбасини танлагани учун Хоразмшоҳ нафратига учради. Буларнинг ҳаммаси учун ундан қасос олди. У қатл қилинди.

Хусомиддин ал-Қоймурий асир олиниб, ўзининг шаҳардаги уйига қамалган эди.⁵ У кишанбанд қилинмаганди. Хусомиддин бир гал соқчилардан уйнинг аёллар жойлашган қисмига ўтишга рухсат сўради. Унга рухсат бе-

ришди ва у соқчиларни эшик олдида қолдириб, аёллар бўлмасига кирди. Бу орада унинг дўстлари уйнинг орқа деворини бузиб, ташқарига йўл очиб, от тайёрлаб қўйганди. У отта минди ва ал-Малик ал-Ашраф ҳузурига қочиб, асирикдан халос бўлди. Ҳусомиддин қочганидан кейин ал-Асад ибн Абдуллоҳ ал-Қоймурий қатл қилинди.

Арzonнинг Диёр Бакрдаги ҳукмдори бўлган Ҳусомиддин Тўғрул эса соқчилар орқали Султондан энг ишончли одамларидан бирини ҳузурига юборишни илтимос қилди⁶. Султон унинг олдига мени юборди. Унинг ҳузурига бориб сұхбатлашдим. У менга бундай деди: “Султон ҳузурига бориб мен учун ерни ўпгин ва номимдан шундай дегин: “Мен бу ерларда мусофириман, шарқдан келганман. Давр тақозосига кўра аждодларим бу мамлакатга келиб қолишган. Аждодларим сингари мен ҳам жон сақлаш умидида бу уруғга, яъни Айубий ҳукмдорларга яқинлашишга ҳаракат қилганман. Мен улар билан зим-зиё туналарни бирга ўтказганман, аммо машриқдан күёш нурлари порлаб, омад кулиб боқишини орзиқиб кутганман. Нихоят, куш чиқиб ер юзини ёритди, аммо мен учун маскан, барибир, зим-зиё тун бағри бўлиб қолаверди.⁷ Менинг арзанда жияним бор. У ақли ноқис, енгил табиат, бемулоҳаза йигит. Агар у Султоннинг менга эътибор бермаётганини эшитса, уйимни арзимас пулга бўлса ҳам сотиб юборади, деб ўйлайман. Мабодо, Султон менинг молмулкларимни ўзиники қилиб олишни ўйлаётган бўлса, унинг учун бошқа нарсаларга нисбатан мана шу уй кўпроқ арзийди. Шу учун Султон бу уйни душманлардан бирортаси ўзиники қилиб олмасдан аввал, ишлар чалкашмасдан бурун ўз одамини юбориб, унга эгалик қилишни топширса, маъкул бўларди. Агар Султоннинг бундай нияти бўлмаса, менинг кўнглимни хотиржам қилиш учун шундай бир ёрлик чиқарсингки, унда Хоразмшоҳнинг қадами бу ерларга етиб боргач, Арzon ва унинг атрофидаги ерларга бир ҳукмдор тайин қилсин. Бу ҳукмдор эса кўл остидаги ерларни Султон мулкларига қўшиш мажбуриятини зиммасига олсин”.

Мен ундан эшитган бу гапларимни Султонга айтиб берганимдан ва бу сўзларнинг мазмунидан уни огоҳ қилганимдан сўнг у бу ишларни қилишга рози бўлди. Сул-

тон уни соққидан озод қилдирди. У ҳар куни Султон ҳузурига келадиган ва унинг умумий қабул маросимида қатнашадиган бўлди. Қабул маросими пайтида унинг бир томонидан Мужириддин, иккинчи томонида Тоқиаддин тик туради. Шундан кейин Султон уни бошдан-оёқ кийим-бош билан тақдирлади ва Арzonга қайтариб юборди. Унинг кўлига Арzonга ҳукмдорлик қилувчи ёрлиқ (маншур) берилди. Номини эслатганларимиз Мужириддин ва Тоқиаддиннинг кейинги тақдиди ҳақида мавриди билан баён қиласиз.

Султон Ҳилотни эгаллаганидан кейин кўл остидаги барча шаҳарларга фатҳнома юбориш тўғрисида фармойиш берди.⁸ Мен фатҳномада Жалолиддин муҳрини (турросини) унинг отаси — Улуг султон тугроси каби битиш ҳақида кўрсатма олдим. Унинг отасининг тугроси қўйидагича шаклда битиларди: “Энг улуг султон, Такишининг ўғли, Оллоҳнинг ердаги сояси, Амир ал-мўъминин курратининг яқъол намунаси султон Абул Фатҳ Муҳаммад”.

Аммо Султон ўзига нисбатан берилган бу туғрони рад қилди, бу хусусда норозилик билдириб шундай деди: “Мен ҳам қўшиналарим сонининг кўплиги ва ҳазинамдаги бойлигимнинг мўллиги жиҳатдан Улуг Султоннинг катта мамлукларидан бири даражасига етганимда, умуман, катта мавқега эришганимда ёрлиқларга битиладиган муҳримни унинг тугролари сингари ёзишга рухсат этаман. Ҳозирча эса йўқ!” Менинг уятдан тилим танглайимга ёпишиб қолди. Унинг айтган гаплари ҳақ эди. Чунки у отасига насиб этган олий даражанинг ўндан бирига ҳам эриша олмаган эди. У Улуг султон эришган шон-шуҳрат чўққисининг чанг-тўзонидан ҳам юқорироқ кўтарилмаганди.

¹ Ҳилот шаҳри бир ярим йиллик қамалдан кейин 1230 йилнинг 14 апрелида босиб олинади.

² Қоймур — Ҳилот ва Мўсул орасидаги қалъалардан бири.

³ Ал-Малик ал-Амжад Тоқиаддин Абул Фадоил ибн ал-Одил 1271 йилда вафот этади.

⁴ Султон бу ўринда Иzzиддин Ойбекка хизмат мансабидаги одам сифатида қарайди. Унга бу мансабни ал-Малик ал-Ашраф берган. Мужириддин ва Тоқиаддин эса Ойбек кўл остида-

ги одамлар бўлса ҳам, насли аййубийларга бориб тақалади. Шу учун уларни Ойбекка нисбатан мавқеини улуғроқ деб баҳолайди. Унинг уларга “мавқеига қараб ҳурмат кўрсатиши” сабаби ҳам шундан.

⁵ Хусомиддин ал-Қоймурий ал-Ҳасаний ибн Абул Фаворис 1259 йилда вафот этган. Кейинчалик аййубийлар вакили сифатида Халибда ҳукмдорлик қилган.

⁶ Арzon ҳукмдори Хусомиддин Тўгрул ал-Малик ал-Ашрафнинг иттифоқдоши эди. У Арзонда ҳукмдорлик қилган Тўғон Арслон авлодларидан.

⁷ Бу ўринда номаълум шоирнинг шеъридан икки мисрасининг мазмуни келтирилмоқда. Айни пайтда, Хусомиддиннинг Жалолиддинга ялтоқланиши ҳам бор. Яъни, сен машриқдан қўёш янглиғ келдинг, ҳамма ёқقا нур таратдинг, аммо мен сенинг қўлингда банди бўлиб, зим-зиё тун бағрида қолавердим.

⁸ Ҳилотнинг қамал қилиниши ва босиб олиниши Жалолиддин ҳаёти ҳамда фаолиятида сўнгти муваффақият бўлиб қолди. Шундан кейин аййубийлар томонидан ташкил этилган иттифоқдошлар қўшини Жалолиддин қўшинига зарба беради, натижада Султон қўшини бошқа ўнглана олмайди.

Жувайний асарида Жалолиддин Ҳилотни босиб олиши мунносабати билан ёзилган фатҳнома матни келтирилади. Бу фатҳномада Ҳилот қамали ва унинг босиб олиши вақти 8 ой деб берилади. Яъни 1229 йил августидан 1230 йил апрелига қадар давом этганлиги айтилади. Баъзи манбааларда бу бир ярим йил деб кўрсатилади. Бу ўринда тўгрироги фатҳномада кўрсатилган вақт деб ҳисоблаш мумкин. Айни пайтда, шаҳар мудофааси учун Диёр Бакр, Евфрат, Миср, Сурия, туркман қабилалари ва яна бир қанча машриқ давлатларидан лашкарлар ёрдамига келганилар. Ҳилот жангидаги кўплаб лашкарбошилар, амирлар, маликлар, хонлар асир олинган.

Шу билан бирга Ҳилотда ал-Малик ал-Ашрафнинг хотини, Иване Мхаргрдзелининг қизи Тамтъ ҳам асир олинган. У бир қанча фурсат Хоразмшоҳ Жалолиддинга ҳам хотин бўлган. Жалолиддин мўгуллар томонидан енгилганидан сўнг Тамтъ улар қўлига асир тушган. Узоқ йиллар давомида у Мўгулистанда асириклида бўлган. Малика Русуданнинг илтимосига мувофиқ у юртига қайтарилиган. Мангухон қооннинг буйруғига мувофиқ Ҳилот атрофидаги мулклар, ерлар унга қайтарилиб берилган. Бу ҳақда Киракос Гандзакеци битикларида ҳам маълумотлар берилган.

**ҲИЛОТ БОСИБ ОЛИНГАНИДАН ВА ТАЛАНГАНИДАН КЕЙИН
СУЛТОННИНГ БҮЕРДАГИ ФАОЛИЯТИ, ШАҲАР АТРОФИДАГИ
ЕРЛАРНИНГ ИҚТО ҚИЛИБ БЎЛИБ БЕРИЛИШИ БАЁНИ**

Маълумки, Ҳилот Султон томонидан босиб олинганидан кейин, у унинг лашкарлари истагига кўра талонтарож қилинди. Шундан сўнг Султоннинг кўнглида шаҳарни қайта тиклаш истаги туғилди. У бузилганларни қайта қуриш, тарқаб кетганиларни қайта йигиш иштиёқида ёнар, талон-тарож ва бузишга рухсат берганига афсусланарди. Аммо афсус-надомат ва тавба билан тупроқ остидан мангаликка ўрин олганларни, умри забун бўлганларни ҳаётга қайтариб бўлармиди!

У манжаниқлар билан бузилган деворларни қайта тиклатиш учун хазинасидан тўрт минг динор ажраттириди. Деворлар тез фурсат ичида қайта қурилди. У Ҳилот атрофидаги ерларни хонлар ва амирларга иқто қилиб бўлиб берди. Урхон ўзига Сурмарини иқто қилиб берилишини талаб этди. Султон бунга рози бўлди. Чунки Жалолиддин унинг ҳукмдорларидан бири Шарафиддин Уздарани ёмон кўриб қолганди.

Унинг Уздарани ёмон кўришига сабаб бор эди. У Султон ҳузурида хизмат мажбуриятини ёмон адо этганди. Ҳилот қамали пайтида зиммасидаги ишларни уддалай олмай, уни бажаришдан ўзини олиб қочганди. У қамалнинг дастлабки кунларида иштирок этганди, аммо орадан бир неча кун ўтганидан кейин ўз мулкига қайтишга рухсат сўраганди. Ўшанда унинг мулкига қайтишига норозилик ва ички бир нафрат билан рухсат беришганди.

Уздаранинг амакиваччаси Ҳусомиддин Хидир эса қамал пайтида бошдан-оёқ Султон хизматида бўлди. У ўшанда Аржиш шаҳрига борди.¹ Шаҳарни қамал қилиб, аҳолисини Султонга тобеликка ундиши. Аржишликлар Султон Ҳилотни босиб олмасдан бурун унга садоқат билан хизмат қилишга тайёрликларини билдирилар. Султон кўшинлари ўша оғир пайтларда бу ердан озиқ-овқат борасида ёрдам оддилар. Ҳусомиддиннинг бу хизматларидан Султон миннатдор бўлди.

Сурмарини Урхонга иқто қилиб бериш тўғрисида ёрник ёзиш вазифаси менга топширилганда Ҳусомиддин идир туфайли кўнглим алланечук беҳузур бўлди. Чунки изларнинг орамизда ниҳоятда самимий ҳамкорлик ва чин ўстлик бор эди. Ўша куни мен Урхон номига иқто ёзиш опширигини бажармасликка ҳарақат қилдим. Девондан сайдтанимдан кейин Ҳусомиддин ёнига бориб унга аҳволни тушунтирудим. У менинг бу хабаримдан таҳлиkkага тушиб йиғлаб юборишига оз қолди. “Бу жойларда менинг аждодларимнинг хоки ётибди. Бир пайтлари ташландик бўлган бу ерларга аждодларим жон бағишлаган. Энди мен кима қиласай?” деди у алам билан. Унга бундай дедим: “Сен Султонга куч-кудратинг етгунча салоқат билан хизмат қилдинг. Ишончим комилки, у сендан хурсанд, сенга ёрдам беришга ҳам тайёр. Агар ўз уйингта ўзинг эгалик қилмоқчи бўлсанг, буни ундан илтимос қилгин, у илтимосингни рад қиласаса керак”. У узоқ ўйлади ва бундай деди: “Мен сен айтгандай йўсинда иш тутолмайман, чунки бу мулкка менга нисбатан Шарафиддин Уздаранинг ҳақ-хукуқи кўпроқ. У мени меҳрибон ота, гамхўр тарбияси сифатида тарбиялади. Аммо шунга қарамай мен бу кеча ўйлаб кўраман ва бир қарорга келаман. Бу қарорим натижасини сенга эртага айтаман!”

Биз шундан кейин хайрлашдик. У эртасига эрталаб ҳузуримга келиб, ўз мақсад ва ниятларини баён қилди. У ёлгончи дунёнинг домига илинганди: мулк учун бошқалар олдидаги мажбуриятларини унугтан ва яхшиликка ёмонлик билан жавоб қайтариш йўлини тутган эди. Унинг мулкка эгалик қилиш нияти кучли эканлигини англағанимдан кейин бу иш Шарафулмulkни миннатдор қилиш эвазига амалга ошиши мумкинлигини айтдим. У бу ишга тўғри ёндошли ва бу иш қуйидаги ҳолда амалга ощи: Ҳусомиддин Сурмарини эгаллаганидан кейин ушбу иш учун Шарафулмulk хазинасига ўн минг динор барбари жўнатиш учун тилхат ёзib берди. Шарафулмulk унга ёрдам беришга киришди. Султон ҳузурига у билан бирга мен ҳам бордим. Ишни муваффақиятли ҳал қилдик. Сурмари шаҳри атрофидаги ерлар, қалъалар билан биргаликда Ҳусомиддинга иқто қилиб бериш тўғрисида фармойиш эълон қилинди. Бу борада унинг

олдига битта шарт қўйилди. Шарафиддин Уздара ва унинг ўғли Ҳусомиддин Исони айёллик билан қўлга тушириш талаб этилди.

У Султон саройидан чиқиб, ўзининг аввал иқто қилиб берилган мулки Қўноқ қатъасига йўл олди.²

Шароит шундай бўлдики, бу воқеадан бир неча кун кейин Султон мени Ироққа муҳим масалаларни ҳал қилиши учун юборди. Бу хусусда кейинроқ баён этилади. Мен Ироққа бораётисб уни (Хидирни) Кўноқда учратдим. У мени яхши кутиб олди, отлар, хачирлар, газламалар берди, мамлук ва лочин совға қилди. Кейин у Султон шартига кўра, Шарафиддин Уздара ва унинг ўғлини ушлаш учун уларни фарзандларининг суннат тўйига таклиф қилганини, бироқ улар келмаганлигини айтди. Шундан сўнг у менга бундай деди: “Эндиликда бу ишни ниҳоясига етказиш учун сенинг ёрдаминг керак”.

Мен бу ерда Шарафулмулк одамларини ҳам кўрдим. Улар тилхатда кўрсатилаган миқдордаги пулни талаб қилиб келганилар. Ҳусомиддин уларга ваъда қилган пулни берди. Аслида бу пулни Ҳусомиддин Сурмарини эгаллаганидан кейин бериши шартлашилганди. Лекин бу пул йиғувчилар хурмат-иззатни биладиган, шароит билан ҳисоблашадиган даражадаги виждонли одамлар эмас эди.

Мен Шарафиддин Уздара ва унинг ўғли ҳузурига одамларимдан бир нечтасини юбориб, бундай дейишни бўйдим: “Сизлар ҳақингизда Султоннинг фикри ўзгарди. Чунки сизлар унга ёрдам бермай қўйдингизлар ва хизматини адо қилмаётисизлар. Шу сабабли аҳволни яхшилаш, Султоннинг сизларга муносабатини ўзгартириш, камчиликларни бартараф этиш борасида амир Ҳусомиддин Хидир билан маслаҳатлашдим. Шунинг учун иккаплангиз ҳам унинг ҳузурига келинглар, ундан мен айтган маслаҳатни эшитинглар, Султон ишончини қозониш мақсадида у билан биргаликда ҳаракат қилинглар”.

Шундан сўнг мен Ироққа кетдим. Улар мен йўлланган номани олгач Хидирнинг ҳузурига келибди. У эса ота-болани ҳибсга олдирибди ва шу тариқа Сурмарини эгаллабди. Бу ҳақдати хабар Табризда пайтимда етиб борди.

¹ Аржиниши — Туркиядаги шаҳар, Ван кўлининг шимолий қирғозида жойлашган.

² Қўноқ — Сурмарининг жанубий-шарқ қисмидаги қалъа. Туркияниң ҳозирги Қора қалъа харобаларининг ўрнида бўлган.

88-БОБ

ҲИЛОТ БОСИБ ОЛИНГАНИДАН КЕЙИН ОЛИЙ ДЕВОНДАН ЭЛЧИЛАР КЕЛГАНИ БАЁНИ

Султон Олий девон (халифалик)нинг элчилари Фалақиддин ва Саъдаддин олиб келган фахрий кийим-бошларни кийиб кўрганидан кейин, ўз навбатида, улар ёнига иккита элчисини қўшиб, халифаликка жўнатди. Бу ҳамроҳ элчилар амир-охур Нажмиддин Ўдоқ ва Жамолиддин Али ал-Ироқий эди. Улар Олий девонга бориб, юборилган совға-саломлар, фахрий кийим-бошлар учун Султон номидан миннатдорлик билдиришлари керак эди. Айни пайтда, Султон ҳам халифаликка улар орқали тотор отларини совға қилиб юборди. Бу отлар, Султон назарида, ҳар қандай бойлик ва совғалардан қадрлироқ ҳисобланарди.

Боғдоддан қайтишда бу элчиларга Олий девондан Муҳйиддин ибн ал-Жавзий ва Саъдаддин ибн ал-Ҳасан ал-Ҳожиб ҳамроҳлик қиллилар.¹ Улар йўлда келаётганда икки гурӯҳга ажралишлари буюрилганди. Султон элчилари Озарбайжон орқали йўлдан Жалолиддин ҳузурига қайтиб келишлари, халифаликнинг элчилари эса Харронга ал-Малик ал-Ашраф ҳузурига боришлари мўлжалланганди. Элчилар буюрилгандай иш тутишди.

Олий девон элчилари Султон Ҳилотни босиб олганидан кейин ташриф буюрдилар. Бу пайтда шаҳарда ғамлаб кўйилган ҳеч нарса йўқ эди, гёё ҳамма нарсани ялмоғиз ямлаб кеттандай шип-шийдам эди. Элчилар учун ейишга ҳам озиқ-овқатлар етарли эмасди. Ана шу қийинчилик сабабли биз Султонга маслаҳат солдик. Меҳмондўстлик мажбуриятларини ҳам амалга оширолмаслигимизни тан олдим. Султон шу сабабли бундай деди: “Биз уларни шундан кейин уйларига қайтариб юборамиз. Шу учун уларни қабул қил-

ган пайтимизда сахиийлик кўрсатинглар ва хазинамиздан олтинларни аяманглар¹. Элчиларнинг бу ерда бўладиган пайтига сарфланадиган маблағ таҳминан икки минг динор атрофида белгиланди. Султон эса уларга икки ярим минг динордан маблағ беришни буюрди. Бу динорларни элчиларга мен ва Султоннинг Ироқдаги ноиби Мухтасиддин ибн Шарафиддин олиб бориб бердик.

Султон уларнинг ишини етти кундан ҳам олдинроқ ҳал қилиб берди. Икки элчи ҳам Султон билан ал-Малик ал-Одил Абу Бакр ибн Аййубнинг ўғиллари — Мужириддин ва Тоқиаддин тақдири ҳақида маслаҳатлашдилар. Элчилар Мужириддин ва Тоқиаддинни ўзлари билан ҳамроҳ қилиб Боғододга олиб кетиш таклифини айтдилар. Султон улар илтимос қўйган талабларнинг ҳаммасига рад жавобини беришни ўнгайсиз деб ҳисоблади ва улар билан Тоқиаддинни бирга қўшиб жўнатишни лозим топди.² Жалолиддин улар билан хайрлашганидан кейин Маназжирд томонга от сурди. У бу шаҳарни қамал қилишни Шарафулмулкка ва Ироқ ҳамда Мозандорон қўшинарига буюрган эди.

¹ Мұхәйиддин Абу Мұхаммад Юсуф ибн ал-Фараж Абдурахмон ибн Али ал-Жавзий (1184—1258 йиллар. Мұгуллар томонидан ўлдирилган). Халифа ал-Мустасимнинг саройида устоздорлик қылган (1242—1258 йиллар). Боғод мұхтасиби бўлган. Ал-Мустансирия мадрасасида фақиҳлик қылган.

² Тоқиаддин Боғододга кишанлаб юборилган. Халифа уни эҳтиром билан кутиб олган. У Боғододда Хоразмшоҳнинг мағлуб бўлгучи қолган. Мужириддин эса Хоразмшоҳ билан ниҳоятда яқин бўлган ва у акалари хузурига 1231 йилда жўнатилган.

89-БОБ

СУЛТОННИНГ АР-РУМГА ЮРИШИ ВА БУ ЕРГА ЁЗДА ЕТИБ КЕЛИШИ БАЁНИ. УНИНГ ҚЎШИННИНГ АШ-ШОМ ВА АР-РУМ ҚЎШИНЛАРИДАН МАҒЛУБ БЎЛИШИ

Султон Ҳилотни босиб олганидан сўнг Маназжирдга йўл олди ва уни қамал қилишга тайёргарлик кўрди¹. Шу пайт унинг хузурига Арzon ар-Румнинг ҳукмдори Рук-

идин Жаҳоншоҳ ибн Тўргул иккинчи бор ташриф бу-
ди. У Султонга аш-Шом ва ар-Рум ҳукмдорларининг
яга қарши итифоқ тузганилигини маълум қилди ҳамда
нидай деди: “Бизлар уларга қарши юришни улар тўплан-
инга қадар бошласак, ақллироқ иш қилган бўламиз.
Пундай қилсак ишончлироқ ҳам бўлади. Уларнинг ҳар
тайисисига алоҳида-алоҳида ҳужум қилсак, яъни улар бир-
иридан узоқда пайтда, ҳали тайёргарлик вақтида бости-
риб борсак, ғалаба қўлга осонгина киради. Бу уларнинг
мақсадини, биргаликда ҳаракат қилиш ниятини амалга
oshiришга имкон бермайди”.

Султон унинг фикрини қўллаб-қувватлади ва унинг
ғизига содиқ эканлигига ҳам ишонч ҳосил қилди. Кели-
шувга мувофиқ Рукниддин тезлик билан Арzon ар-Румга
қайтиб кетадиган ва юришга тайёргарлик кўрадиган, Сул-
тон эса унинг кетидан беш кундан сўнг етиб борадиган
бўлди. Шундан кейин улар қўшинлари билан Хартберд
қасабасига бориб тўхтайдиган бўлиб, ва аш-Шом ҳамда
ар-Рум қўшинларини кутиб туришга келишдилар. Бу ер-
дан туриб душманларнинг биринчи етиб келган қўшини-
га зарба берадиган, уларнинг қўшилишига имкон қол-
дирмайдиган бўлдилар.

Бундай қарор қабул қилинганидан кейин Султон мени
хузурига чақириб шундай деди: “Мен биродарим Рукнид-
дин номига Хартберд вилоятининг Каъбан ва Харсин (Ха-
ришин) қасабаларини бериш тўғрисида ёрлиқ ёзгин!”² Мен
ёрлиқни ёзиб Султонга узатдим. У унга муҳрини қўйди.
Рукниддин ўрнидан туриб Султон қўлини ўпди ва тезлик
билан хайрлашиб йўлга равона бўлди.

Султон ўз човуцлари ва паҳлавонлари орқали қўшин-
лар амирларига қизил ўқларни юборди. Бу уларга юриш
бошлаши ва тўпланиши учун Султон томонидан берил-
ган буйруқ белгиси эди. Кейин у Хартбердга томон йўл
олди ва бу ерда туриб қўшини йиғилишини кута бошла-
ди. Хартберда у оғир қасалга чалинди ва тўшакка мих-
ланиб қолди. Унинг соғайиб кетишига умид қолмади.
Амирлар ва хонлар ҳар куни эрталаб раият юзасидан унинг
эшиги олдida тўпланишарди. Агар бирор кор-ҳол юз бер-
гудек бўлса, улар мамлакатнинг турли жойларига тарқаб
кетишига тайёр эдилар. Чунки Султон ўлими ҳақидаги

хабар эълон қилингудек бўлса, улар мамлакатнинг бирор томонига йўл олиб, уни эгаллашга, ҳукмдорлик қилишга интилишлари аниқ эди.

Арzon ар-Румнинг ҳукмдори Рукниддин номидан эса кетма-кет мактуб келарди. У мактубларида Султонни йўлга чиқишига ундар, душманнинг иккала қўшини ҳам қўшилиш мақсадида юриш бошлаганидан огоҳ этарди. Аммо Султон бу мактубларни ўқишига ҳам, унинг мазмуни билан танишишига ҳам мадори йўқ эди. У сал соғайганидан кейин, душман қўшинлари ўзаро қўшилганидан сўнг йўлга тушди. Лекин аввал бўлганидек, бу гал ҳам душманга қарши зарур тадбирларни амалга оширмади.³ Зотан, қўйида-ти гапни ким айтган бўлса ҳам топиб айтган:

Омад кулиб бокдими, демак, барча тарафдан
зафарлар шабадаси елади тинмай.
Омад юз ўгирса энг осон иш ҳам
ранжу риёзатдек туюлар оғир.

Султон Шарафулмulkни ўз ва Ироқ қўшини билан биргаликда Маназжирдда қолдирди, Хой иқтосининг эгаси Тегинни Беркрига қўшини билан жўнатди. Бунгача у Аррон, Озарбойжон, Ироқ, Мозандорон қўшинларидан айримларига мамлакатларига қайтиб кетишга рухсат берганди. Кейин ҳам уларни эътиборсизлик қилиб, ўз сафига чақирмади. У қисқа йўллардан тезлик билан олга юрди. Қўшиннинг илғори сифатида Утурхонни икки минг лашкар билан олдинга юборди.

Утурхон Яssi Чаманда Арзинжон ва Хартберд қўшинлари билан тўқнашди.

Кутиб олди ул қаҳр ила беаёв тифдор,
Кув оқарди юзлар гўё оппоқ туз мисол,
Заҳар шимган найзаларга кўкраклар нишон,
Жанг бошланди, жангки қонли ҳамда беомон.

Румликлар мағлуб бўлиб қочдилар ва қочганларнинг ҳаммаси қиличдан ўтказилди.⁴

Мен ал-Малик ал-Музаффар Шиҳобиддин Фози ибн ал-Малик ал-Одилдан қуйидаги сўзларни эшийтдим: “Султон Аловуддин Қайқубод ҳузурида тўпланганимизда у

изларга бундай леди: “Мен жўнатган қўшин душман билан тўқнашганда мағлуб бўладиганлардан эмас. Чунки улар менинг одамларим, менинг қаҳрамонларим ва сарангандан қўшиним. Улар менинг таянчим ҳисобланади. Улар ашриқнинг атанган лашкарлари, улар ҳали ғолиб бўлиб айтадилар!”

Аммо унга қўшинларининг мағлуб бўлгани ҳақидаги соҳуҳ хабар етиб келди. Шунда у ўзини йўқотиб қўйди, индаги вазминликдан асар ҳам қолмади. Бизлар уни ташвишили ва ғамгин ҳолатда кўрдик. Кўлидан мадор кетди, руҳан кучсизланди. У орқага қайтишга қарор қилди. Унинг зиммасига орқада қолган тоғ йўлларини ҳимоя қилиш разифаси юклантган эди. Биз уни изтироблардан ҳалос этишга, иродасини мустаҳкамлашта ҳаракат қилдик. Лекин унинг кўнгли безовта эди. Бизлар унинг хузуридан жангта тайёргарлик кўриш мақсадида тарқалдик. У эса жанг тез орада бошланиши ҳақида ўйламас ҳам эди. Бироқ эртасига бизни тонг қолдирган нарса унинг (Жалолиддиннинг) қўшинининг бетўхтов қилган ҳужуми бўлди. Биз тўсатдан қилинган ҳужум олдида ғафлатда қолдик. Унинг қўшини эса етиб келиб ўз жойини эгаллай бошлади. Агар улар келиши билан бирдан ҳужум қилгандарида борми, аҳволимиз тузалмайдиган касалнинг ҳолидан ҳам баттар бўларди, уларга қарши туришимиз қийин кечарди. Барчамизни мусибат қамраб олган бўларди. Аммо бундай бўлмади, бизлар ҳам отларимизга миниб қўшинларимизни сафладик”.⁵

Шундай қилиб иккала қўшин тўқнашли, Султон қўшинининг ўнг қаноти душман қўшинининг чап қанотини мағлуб этди ва жанг майдонида муҳим аҳамиятга эга бўлган тепаликни босиб олди. Душман чекинаётган чап қанотига ёрдам учун лашкарлар юборди. Натижада улар Султон қўшинининг ўнг қанотини тепаликдан кувиб, водий томонга суриб ташлади. Улар ҳужумни давом эттиридилар, Султон лашкарлари бунга чидаш бера олмай қоча бошладилар. Уларнинг бу қочиши чавандозлар томонидан қўрқитилган, бўриларнинг ўткир тишларига нишон бўлган кийиклар тўдасининг қочиши сингари эди. Куваётганлар Султон қўшинининг қочишининг ҳақиқийлигига ишонмадилар. Улар бу аввалдан ўйланган айёр-

лик, леб ўйладилар. Бироқ Султон мағлубияти аниқ бўлди, асиirlар ҳам пайдо бўлди. Мағлубиятдан кейин ўлжалар ҳам оқиб кела бошлиди. Кўшин қочаётганларни таъқиб этди. Найзалар қочаётганлар баданларига аёвсиз санчилар, қиличлар қонга бўлган ташналигини қондиради, атроф, бирор марта туғлар илинмаган, оёқлар ва туёқлар етиб бормаган жойлар ҳам ўликлар билан тўлди.

Бу аҳвол қуёш уфқقا бош кўйиб, унинг ўрнини сўнг эгаллаганига қадар давом этди.⁶ Лашкарлардан кўпчилиги хийла домига илиндилар, улар туркий ва арабий отларнинг беадад чопишлари, тўқнашувларидан, жанг тўзонларидан ҳолсизландилар. Улухон, Атлас Малик сингари таникли лашкарбошилар асиirlаридан. Ар-Рум ҳукмдори Аловуддин буйруғига кўра уларнинг бошлари танларидан жудо қилинди.

Арzon ар-Румнинг ҳукмдори ҳам душман ўрамидек қолиб асирга тушибди. У мардларча олишибди. Аловуддин уни кишанбанд қилишни ва хачирга миндириб олиб келишни буюрди. У вақт отлиғ ҳакам туфайли қисматнинг аччиқ шаробидан сипқоришга мажбур бўлди, тақдир бошига нени солса, шуни кўрди. У ноҳақ ўлдирилди ва Оллоҳ марҳаматига сазовор бўлган ҳолда дағн этилди.

Ҳа, бу замон ана шундай: унинг бизга ҳадя этадиган баҳтсизликларидан ҳайратга тушиб ҳам, мусибатларини бартараф этиб ҳам бўлмайди. Аслида бу бизга берилган бир совғадир. Бу совға бизга бир шарт, қайтиб олиш шарти билан берилган. Яъни, унга эга бўлишнинг ўзи ундан маҳрум бўлиш билан омухталашгандир. Чунки инсонга бирор нарса, у қайтиб олинмас экан, берилмайди. Инсон ҳам бирор нарсани бузилмасдан аввал қуриши керак бўлади. Шу сабабли фаросатли, ақлли одам ўз бошига тушадиган ташвишни ўзига берилган муддатнинг дастлабки дақиқаларидан бошлаб яққол англайди. Яъни, у бирор бойликка эта бўлган пайтдаёқ уни йўқотишини ҳам теран ҳис қиласди.

¹ *Маназжирд* -- Туркияда жойлашган. Ҳозирги номи Малазгирдт. Бу ерда 1071 йилда салжуқ султони Алп Арслон Византия императори Роман Диогенни мағлуб этган.

Каъбан — Туркияда жойлашган. Хартберддан фарб томонда. 100 километр узоқликда жойлашган.

³ Ҳилотнинг босиб олиниши сulton Жалолиддиннинг шу ерга якин вилоятлар ҳукмдорлари ўртасида сиёсий мавқенини кучайтиради, аксинча у бу ердаги гирдоб бағрига чуқурроқ чўқди ва воқеаларга ўралашиб қолди. Жалолиддин билан тинчлик, ҳамкорлик борасида музокаралари муваффақиятсиз якунлангач, Кўниё сulton Аловуддин Қайқубод I аййубий сultonлар билан иттифоқ тузишга киришади. Бунда унга амакиваччаси Рукнидин Жаҳоншоҳнинг сотқинлик қилиб Хоразмшоҳ томонга ўтиб кетиши оғир таъсир қиласи. Тарихчи Ибн Восил Рукнидиннинг хоинлиги Қайқубод I нинг Хоразмшоҳга нисбатан муносабатни ўзгартиришга кучли таъсир кўрсатди, деб ёзди.

Рукнидин Хоразмшоҳга унга қарши тузилган иттифоқ тўгрисида маълумот берар экан, душманларнинг ўзаро кўшилишига қаршилик кўрсатиш хусусида маслаҳат солади. Уларнинг ҳар қайсисига қарши алоҳида юриш бошлаш зарурлигини айтади. Аммо Хоразмшоҳнинг касаллиги бу режани амалга оширишга ҳалакит қиласи. Вакт эса бой берилади. Иттифоқдошлар кўшинлари Сивосда тўпланишиб Арзинжон томонга қараб юрадилар. Шарқ томондан худди шу йўлдан Жалолиддин кўшинлари уларга қарши бордилар.

⁴ Ясси Чаман тоғи этагидаги (Арзинжон яқинида) жанг 627 йилнинг рамазоннининг 25 кунида (1230 йил 7 августида) бўлиб ўтади. Жанг тафсилотлари Ибн Биби, Сибт ибн ал-Жавзий асарларида ҳам берилган.

⁵ Хоразмшоҳ мағлуб бўлган душманни таъқиб қилмади. Ясси Чамандаги жангдан кейин Жалолиддиннинг бамайлихотир ҳаракат қилиши иттифоқдошлар кўшинини мағлубиятдан асраб қолди.

⁶ Жалолиддин ва иттифоқдошлар кўшинлари ўртасидаги асосий жанг 627 йил рамазоннининг 28 кунида (1230 йил, 10 августида) бўлиб ўтди. Хоразмшоҳ, кўшинлари тор-мор этилди ва бўлиб ташланди. Жалолиддин кўшинини ташлаб Ҳилотга қараб кетди. Орадан кўп вақт ўтмай у кўшинининг қолган-қутганини олиб Озарбайжон томонга қараб йўл олди.

Жангда Жалолиддин кўшинига қарши Аловуддин Қайқубод I ва ал-Малик ал-Ашраф кўшинларидан ташқари Ҳимса ҳукмдори ал-Мансур Иброҳим Ширкуҳ (1246 йилда вафот этган), Хартабирт ҳукмдори Нуриддин Уртуқшоҳ, Халаб ҳукмдори Шамсиддин Савоб (1243 йилда вафот этган), Майафориқин сultonи ал-Музаффар Шиҳобиддин Фозий (1247 йилда вафот этган), Баниас сultonи ал-Азиз Усмон (1232 йил вафот этган) лашкарлари ҳам курашганлар.

Жалолиддиннинг жангдаги мағлубияти ҳақида Ибн ал-Асир, ибн Биби, Сибт ибн ал-Жавзий, ибн Восил, ал-Макризий, Рашидиддин, Абул Фидо сингари тарихчилар асарларида баттағасыл маълумотлар берилган.

90-БОБ

АЛ-МАЛИК АЛ-АШРАФНИНГ ҲИЛОТГА САФАРИ. УНИНГ СУЛТОНГА ТИНЧ-ТОТУВ ЯШАШ ТҮРРИСИДА НОМА ЙЎЛЛАШИ БАЁНИ

Шундан кейин ал-Малик ал-Ашраф Аловуддин билан хайрлашди, уни бу ерда қолдириб кўшинининг бир қисмини олиб Ҳилот сари йўл олди. Султон эса жанг майдонидан кеттанидан кейин аввал Маназжирдга келди. Бу ерда Шарафулмулк билан учрашди. У Маназжирдни қамал қилиб бир неча манжаниқлар ўрнатган эди. Лекин шаҳар аҳли кутимаган кувончили воқеадан хабардор бўлишиди, Султон Шарафулмулкни кўшинлари билан бирга Ҳилотга олиб кетди.

Улар бу ерга келганиларидан кейин Султон олиб кетиш мумкин бўлган бойликларнинг ҳаммасини олдириди. Юк ташибидиган ҳайвонлар етишмаслиги сабабли қолган бойликларни оловга ташлаттириди. Шаҳарда қолиб бўлмасди, вақт оз қолганди. У Ҳилотни тарқ этиб Озарбойжонга йўл олди.

Султон Суқмонободга етгач, Шарафулмулкни қўл остидаги лашкарлари ва ироқликлар билан бирга кўшиннинг илғори сифатида шу ерда қолдириди. Булар Султон билан уни таъқиб этаётганлар ўртасида тўсиқ бўлиши лозим эди. Жалолиддиннинг ўзи Хойда тўхтади.

Бир пайтлари содиқ ва ишончли ҳисобланган хонлар, таниқли аъёнардан бирортаси на ўзаро ҳамкорлик қилдилар, на улар биргалашиб Султон қанотига кирдилар. Аксинча, улар йўлларда оғирлик қилган нарсаларини ҳам ташлаб қочдилар, қўркув ва жон талвасасида Муқонга бордилар. Улар ҳатто ўз Султонини ҳам йўлдаги ҳар бир муттаҳам ва оч қолган қароқчи учун ўлжа сифатида ташлаб кетдилар.

Ал-Малик ал-Ашраф Шарафулмулкнинг Суқмонободда эканлигидан хабар топгач, нома йўллаб, унга нисба-

ған алоҳида илтифотли муносабатда бўлди. У номасида бундай деб ёзди: “Ҳақиқатан, сенинг Султонинг исломнинг ва мусулмонларнинг сultonидир. Уларнинг асосий гаянчи ҳисобланади. У мусулмонлар ва тоторлар ўртасидаги тўсик ҳамда девордир. Бизга сир эмаски, унинг отасининг ўлими туфайли исломнинг қудратига ҳамда мусулмонларнинг бирлигига зарар етди. Биз унинг кучсизлиги исломнинг кучсизлиги эканлигини, унга етказилган зарар барча одамларга етказилган зарар бўлиб чиққанлигини ҳам биламиз. Сен эса даврнинг барча синовларини бошдан кечиргансан, унда нима фойдали, нима заарли эканлигини биласан, унинг қувончларидан ҳам, аламларидан ҳам баҳраманд бўлгансан. Наҳотки, сен унинг кўнглида “интилишларимизни бирлаширийлик, бу энг тўғри йўл ва энг тўғри сўздир”, деган истакни уйғота олмасант?” “Ва сен нима учун уни ҳамкорликка даъват этмайсан, ахир бу Оллоҳга яқинлашиш йўлида аввалида ҳам, охирида ҳам фойдали ишлардан эмасми?”*

Мана, мен Султон ҳузурига Аловуддин Қайқубод ва акам ал-Малик ал-Комил номидан юборилган вакилман. Мен унга қандай ёрдам берсак, уни қай даражада қўллаб-қувватласак қаноатлантира олишимизни билмоқчиман. Ҳар қандай ҳолатда ҳам унинг кўнглидан ёмон ниятларни чиқариб ташлашга эришмоғимиз зарур. Нифоқ келтириб чиқарувчи сабабларни бартараф этиш, кўнгилларни низолардан тозалаш учун ҳам узоқда бўлсин, хоҳ яқинда бўлсин ҳар қандай ишни қилишга тайёрман”.

Шундан кейин ҳам у илтифот кўрсатишда давом этди. Ҳа, Оллоҳ унинг ризқини мўл қилсин. Яхшилик шароби туфайли кўнгли қувончга тўлсин, унинг караҳтилигидан ҳиммати янада ошсин, у дилдан олижаноблик байроқдори бўлиб қолсин! Унинг номасидаги сўзлар Султонга маъқул бўлди. Орада тинчлик, ҳамкорлик сулҳи тузилгунча элчилар алмашишда давом этдилар.

Ал-Малик ал-ашраф томонидан Султон ҳузурига тинчлик ҳақидаги битимни якунига етказиш мақсадида сўнгги элчи сифатида аш-Шом ат-Тикритий келди.¹

Айни шу пайтда мен ҳам Ҳилотдан қайтиб келдим. Бу ерга бაъзи масъулиятли ишларни бажариш учун боргандим, бу хусусда мавриди келганда тўхталиб ўтаман. Мен

ат-Тикритийни Табризда учратдим. У бу пайтда Султоннинг ал-Малик ал-Ашраф билан ҳамкорлик қилиши тўғрисидағи қасамини олган эди. Бу қасам билан бирга Ҳилот ва унинг атрофидаги ерлар ҳақидаги баҳслар ҳам ўз якунини топганди. Бироқ Султон Аловуддин Қайқубод билан ҳамкорлик қилиш борасида қасам ичишдан бош тортди. Шу сабабли ат-Тикритийнинг қайтиб кетиши орқага суриди. Орадан бир ой ўтди, лекин Султон ўзининг рад жавобида қаттиқ туриб олди. У бу ҳақда шундай деди: “Мен сизга ўзингиз хоҳлаганингиз бўйича қасамёд қилдим. Эндиликда мен билан ар-Рум ҳукмдори орамизда турманг”. Ат-Тикритий яна бир марта Қайқубоднинг номига қасам ичишини илтимос қилди, лекин Султон қасам ичмади. Бу ҳол тоторлар Ироққа етиб келгани ҳақидаги маълумот келгунча давом этди. Шундан кейин Султон ар-Рум ҳукмдори номига қасам ичди ва унинг мамлакатига ҳужум қиласлик шартини қабул қилди. Султон ал-Малик ал-Ашраф номига қасам қабул қилганда Ҳилот ва унинг атрофидаги ерларни унга қайтариб беришга кўнганида Сурмарини ўз қўлида олиб қолишга интилди. Чунки бу шаҳар қадим-қадимдан Озарбойжоннинг қасабаларидан бири ҳисобланарди.

Ат-Тикритий Сурмарини қайтариб бериш тўғрисида қатъий туриб олди. Негаки унинг ҳукмдори ал-Малик ал-Ашрафга бўйсунарди. Ҳукмдор буни Шарафулмулкнинг солиқларидан кутилиш, унинг ўз билганча иш тутишларидан ҳимояланиши учун шундай қиласли.

Султон битта шарт билан бунга кўнди, яъни у Сурмарини ал-Малик ал-Ашрафга бериш тўғрисида ўзи фармон чиқарадиган бўлди. Ат-Тикритий ҳам бунга розилик билдириди. Фармонни унинг қўлига тутқазишганда у Султон ҳузурида ер ўпди.

¹ Элчининг тўлиқ исми Шамсиддин Муҳаммад ибн ал-Ҳасан ибн Карим ат-Тикритий. У 1240 йиода ўлган.

**ИРОҚҚА ТОПШИРИҚЛАРНИ БАЖАРИШ
УЧУН БОРИШИМ БАЁНИ**

Менга бир қанча топшириқлар юкланган эди. Шулардан биринчиси қуйидагича эди: Аламут ҳукмдори Алоуддиннинг Фалакиддан лақабли элчиси Ҳилот босиб олинганидан кейин Султон саройига ташриф буюрди. Элчи ўзи билан бирга улар учун белгиланган ўлпоннинг бир қисмини, йигирма минг динорни олиб келганди. Аслида улар йилига ўтгиз минг динор беришлари талаб этиларди ва улар зиммасида икки йиллик қарз бор эди. Улар юқорида айтганим миқдордаги пулни олиб келган, қолганини бермаслик учун ўзларини оқлаб, бир қанча сабабларни рўкач қилишганди.

Шу сабабли мен улар юртига бориб, қолган пулларни талаб қилишим ва уларнинг баъзи хатти-ҳаракатлари учун огоҳлантиришим керак эди.

Берилган топшириқлардан яна бири бундай эди: мълумки, Султон Олий девон олдида ал-Жибал ҳукмдори Имодиддин Паҳдавон ибн Ҳазорасп ва Иваъийа йўлбошчиси Шиҳобиддин Сулаймоншоҳни халифаликка бўйсунувчи ҳукмдорлар сифатида тан олган, уларга ҳукмфармолик қиласлиқ, улардан ёрдам сўрамаслик ҳақида сўз берганди. Кейинчалик у ўзининг бу ишидан афсуслана бошлади. Негаки, Ироқ ноиби Шарафиддин Олий девоннинг бу икки ҳукмдорни ўзиники қилиб олиш ҳақидаги илтимосини қондириш борасида Султонга берилган маслаҳатни нотўғри деб ҳисоблади. Бунда асосий маслаҳатчи Шарафулмулк бўлган эди. У (ноиб) Султонга агар бу икки ҳукмдор унга бўйсунмайдиган бўлса, унинг Ироқ устидан ҳукмдорликни саклаб қолиши қийин кечишини уқтириди. Шундан кейин Султон уларни аввалгидек ўзига бўйсундириб, хизматига қайтариш истагини билдириди. Аммо у халифаликка бу ҳақда нома йўллашдан олдин бу ҳукмдорларнинг фикрларини, ўзига бўйсунадими ёки йўқми эканлигини билмоқчи бўлди.

Султон уларнинг кимга бўйсунишини исташини яхши билмагани сабабли булар билан ҳам мактуб ёзишиш йўли-

ни мъқул топмади. Шу сабабли Исфахонга одам жўна-тишга қарор қилди. Бу юборилган одамга улар ҳам ишо-ниши, у билан ўз номаларидан бемалол музокара олиб боришлари керак эди. Бу одам эса уларнинг Султонга нисбатан муносабатини аниқлаши зарур эди.

Бу ишни бажариш масъулияти менинг зиммамга тушди. Мен Ироққа жўнадим. Султон менга дастлаб Исфа-хонга боришни ва у ерда Ироқ ноиби билан учрашишни буюрди. Шу ерда туриб иккала ҳукмдорга мактублар ёзи-шим керак эди. Агар улар иккаласи ҳам айбларини бўйнига олган ҳолда Султон хизматига қайтиш истагини билди-салар, шундан кейин улардан, Ёзд ҳукмдори, Ироқ нои-бидан ҳарбий ёрдам олган ҳолда Қазвин томон юришим талаб этиларди. Сўнг мен Аламутга боришим, Аловуд-диндан Султон номини хутбага қўшиб ўқитишини талаб қилишим ҳамда товон пулининг қолган қисмини оли-шим керак эди. Агар у товон пулини тўлашдан бош тор-тадиган бўлса, унинг вилоятига қўшин кириши, бу юрт-ни талаб, мулкларга ўт қўйиб, қон тўкиб, мамлакатни босиб олиши мўлжалланганди.

Мен Аламут сафарига шу тариқа ўзим истамаган ҳолда йўл олдим. Қазвинга борганимда Ироқ ноиби Шарафид-диннинг ҳожибларидан бири кутиб олди. Унинг қўлида Шарафиддиннинг мамлакатнинг барча вилоятлари но-ибларига йўллаган мактуби бор эди. Ҳожиб жойларда мени иззат-хурмат ва меҳмондорчилик билан кутиб олиш иш-ларини ташкил қилди. Жойлардага ноиблар унинг буй-руқларини сўzsиз бажардилар ва улар ҳатто меҳмондор-чиликда сахийликни ошириб ҳам юбордилар. Уларнинг бош ноиби Шарафиддин эса бу борада ўз даврининг бар-ча аъёнлари ва таниқли садрларидан ҳам ошиб тушди.

Мен Исфахонга бир қўним йўл қолганда, Син қишло-ғида эканимда унинг бир қанча ҳожиблари хузуримга ке-либ, тўхтаб туришимни маслаҳат беришди. Негаки, Ис-фахон аҳолиси мен билан учрашувга тайёрланиб улгур-маган экан. Аммо мен улар айтгандай қилмадим, отимга миниб, уни чоптириб шаҳар томон йўл олдим. Шундан сўнг уларнинг одамларидан бири келиб отимнинг юга-нидан тутиб тўхтатди ва мени тезроқ юришга ундаdi. Мени шаҳар қозиси, раислар, амирлар, садрлар ва кўп

минг сонли оломон билан биргаликда Шарафиддинни тушиб олишга шоширди.

Мен шаҳарга олти юз йигирма еттинчи йил рамазонининг 28 кунида (1230 йилнинг 10 августида) келдим ва бу ёрда ал-Жибал ҳамда ал-Иваъийя ҳукмдорлари ҳузурига юборилган чопарлар қайтиб келгунча турдим. Чопарлар ҳар иккала ҳукмдор ҳам Султонга бўйсунишга тайёр эканликларини билдирилар. Ҳукмдорлар ҳатто ўзларининг исм-шарифлари Султоннинг умумий рўйхат дафтаридан тушириб қолдирганидан хафа ҳам бўлибдилар.

Бир неча кундан кейин улар ёрдамга юборган лашкарлар ҳам етиб келдилар, Ёзд ҳукмдори Маҳмудшоҳ ҳам ташриф буюрди.¹ Кейин унинг хотини Кирмон ҳукмдори Бароқнинг қизидан мактуб келтиришди. У мактубида отаси Ёзд ҳукмдори йўқлигидан фойдаланиб, бу вилоятга юриш бошлаганини, унинг кўнглидаги ёмон ниятларни, нафснинг қулига айланганини маълум қилганди.

Шарафиддин билан маслаҳатлашиб, Маҳмудшоҳнинг орқага қайтишига рухсат бердик ва уни оқибати ёмонлик билан тугаши мумкин бўлган воқеалардан огоҳлантиридик. Бу сўзларимиз учун Маҳмудшоҳдан, вазири Сафиулмулк орқали минг динор пул, отлар ҳамда газламалар олдик. Шундан кейин мен Ироқ ноиби ва қўшин билан бирга Аламутта яқин бўлган шаҳар — Қазвинга йўл олдим. Ноиб ва қўшин Қазвина қолди, мен эса Аламутта жўнаб кетдим.

¹ *Маҳмудшоҳ ибн Абу Мансур (1219—1231 йиллар)* — Ёзд отабеги, Қоқваҳийлар сулоласидан.

92-БОБ

АЛАМУТГА БОРИШИМ ВА СУЛТОН ТОПЦИРИГИНИ ҚАНДАЙ БАЖАРГАНИМ БАЕНИ

Султон Аламут ҳукмдори Аловуддиндан дарғазаб бўлди. Бунинг сабаблари кўп эди, шуларнинг ичидаги энг асосийси Аламут ҳукмдорининг ваъдасига вафо қилмагани, Султонга укаси Фиёсиддинни қайтариб бераман деб бермади.

гани бўлди. Бунинг устига унинг Фиёсиддинни керакли миқдорда отлар ва қуроллар билан таъминлаб, ҳамма томонини бутлаб Алимутдан чиқариб юборгани оловга ёт куйгандек таъсир қилди.

Менинг Аламутга бу ташрифим намойишкорона талабнома эди. Султон мени бу ерга юборища бир неча талаблар қўйганди, яъни мени Аловуддиннинг ўзи кутиб олмаса, Аламутга кирмаслигим, у билан учрашганда қўлини ўпмаслигим тайинланганди. Бунинг устига менинг музокаралар ва ўзаро суҳбатлар пайтида элчилик раиятларига амал қилмаслигим, уни бузишим, уларга хурматсизлик билан муносабатда бўлишим шарт қилиб қўйилганди.

Мен зиммамга юклangan бу талаблар хусусида Ироқ ноibi Шарафиддинга айтдим, шунда у бундай деди: “Сен улардан Султон буюрган шартлардан ҳаммасини бажаришини талаб қилишга ҳақлисан. Улар сенинг бу шартларингни рад қиломасликлари аниқ. Лекин улар бу борада бир нарсага қўнмайдилар: Аловуддин сени кутиб олишга чиқишига рози бўлмайди. Бунга қўнмаслигининг сабаби бор: уларнинг ҳукмдорлари учун от миниш борасида ёш белгилangan, яъни улар маълум ёшга еттандагина отга минишга рухсат этилади. Уларнинг ҳозирги ҳукмдори эса ҳали от миниш ёшига етгани йўқ. Агар сен улар олдига бу талабни қўйсанг ва бу шарт бажарилмагунча қальяга кирмайдиган бўлсанг, уларни қийин аҳволга солиб қўясан ҳамда элчиликдан ҳеч қандай манфаат кўрмайсан. Лекин мен улар ҳузурига одам йўллайман, у Султон буйруғида кўрсатилгандек кутиб олишга алоҳида эътиборни қаратади. Сен эса менинг чопарим ортидан эргашиб борасан ва уларнинг розилигини кутиб ўтирмасдан ҳузурига кирасан. Агар улар кутиб олишга рози бўлсалар, бунга ишонмайман, биз учун айни муддао бўлади, агар кутиб олишга рози бўлмасалар, сен улар ҳузурида элчилик фаолиятингни давом эттираверасан”.

Мен у айтгандай қилдим. Қальяга кириб бордим, мени давлат акобирлари кутиб олдилар. Қолган ишлар ҳам Шарафиддин айтганидай давом этди. Дастлаб мен ҳузуримга вазир Имодиддин ал-Муҳташам келди ва номани беришимни сўради. Ундаги саволларга ҳукмдори номидан ўзи

жавоб бериш истагини билдириди. Аммо мен у айтгандай ғилмадим. Уч кундан кейин тунда тоғ тепасида Аловуддин билан учрашдик. Мен унга номани унда битилган қиддий талаблар асосида топширдим. Талаблар бир неча сисмдан иборат эди. Жумладан, унда Улуғ султон (Аловуддин Мұхаммад) давридаги сингари Султон номини бу ерда хутбага құшиб үқитиши шарт қилиб қўйилғанди.

Мен улар Султон номини хутбага құшиб үқитишини ҳад қилишларини олдиндан билар эдим. Лекин Улуғ Султон томонидан Аловуддин Мұхаммад III нинг отаси Жатолиддин ал-Ҳасан ҳузурига юборилган одам қози Мужириддин ҳали тирик эди. У ўшанда ал-Ҳасан ҳузурига Улуғ султон номини хутбага құшиб үқитиши ҳақидаги буйруқ билан келиб, бунинг амалга ошишига эришган эди. Мен бу ҳақдаги Мужириддиннинг мактубини ҳам олгандим. Унинг мактубини бу ерадагиларга кўрсатганимда улар қозини алдамчилликда ва инсофизликада айблайдилар.

Вазир Имодиддин ал-Мұхташам Аловуддиннинг ўнг томонига ўтириди, мен эса унинг чап томонидан жой олдим. Вазир номадаги ҳар бир саволга жавоб берар, Аловуддин эса унинг жавобларини дикқат билан тинглар, кейин ундан бирор сўзни тушириб қолдирмасдан ва унга қўшмасдан эшитганларини такрорлар эди. Хутба ҳақида гап борганды, улар Султон буйругини рад қилишдан бошқа бирор сабаб топа олмадилар. Султон номининг хутбага құшиб үқилиши кундай равшан ва аввалдан маълум бўлган иш эди: буни ҳамма, хоҳ тоғда бўлсин, хоҳ боғда бўлсин, дуч келган ҳар қандай одамдан сўрасангиз ҳам биларди. Бундан ташқари, ҳар йили Султон ҳазинасига юз минг динор миқдорида товон пули юборилишидан ҳам ҳамма хабардор эди.

Номадаги сўз юритилган масалалардан яна бири қуидагича эди: Аловуддиннинг сафдошларидан бири Бадриддин Аҳмад ҳукмдори номидан Мовароуннаҳрда турган тоторлар ҳузурига элчи қилиб жўнатганди.¹ Шу учун Султон номасида бундай деганди: “Аловуддин юқорида номини эслатганимиз одамни тоторлар ҳузурига жўнатган. Мен йўлланган мактубнинг мазмунини билишим керак. У ҳақдаги холосамни шундан кейин айтаман”.

Улар бу ҳақдаги гапларга жавобан бундай дейищди: “Султон яхши биладики, бизнинг мамлакатимиз тоторлар билан чегарадош. Шу сабабли улар томонидан келадиган оғатларни бартараф этиш учун музокаралар олиб боришимизга тўғри келади. Агар Аловуддиннинг тоторлар хузурiga элчи юбориши Султон давлатига зарар келтирувчи хатти-ҳаракат бўлиб чиқса, бу борада Жалолиддин эмас, бизнинг айбдор бўлишимиз аниқ. Шунда Султон бизнинг айбдор эканимизни исботлаш имконига эга бўлади ва ўшандада у бизни хоҳлаган йўсинда жазолаши мумкин”.

Номада яна бир масала — белгиланган товон пулининг қолганини тўлаш ва уни тўла ҳолда Султон хазинасига олиб бориб топшириш шарт қилиб кўйилганди.

Шунда улар Ферузшоҳ қатъасининг ҳукмдори (волийси) Аминиддин Рафиқ ал-Ходим Кўҳистондан Аламутга келаётган юкларни тортиб олинганини, бу юклар орасида ўн беш минг динор бўлганини исботлашга тушдилар.² Мен уларга эътиroz билдириб, Аминиддиннинг юкларни тортиб олиш воқеаси икки ўртада тинчлик ўрнатилиб, ҳамкорлик битими тузилганга қадар бўлиб ўтганини айтдим. Улар бунга жавобан бундай дейищди: “Наҳотки, бизлар бирор-бир жойда Султон давлатига душманлик қилган, унга бўйсунмаган ёки у билан ҳисоблашмаган бўлсак? Наҳотки, Султон бизни ҳар икки шароитда ҳам — қувончили ва мусибатли кунларимизда ҳам, тўқчилик ва йўқчилик пайтимизда ҳам муносабатларимизни синовлардан ўтказмаган бўлса? Ахир Султон Ҳиндистонда пайтида, Синд дарёсидан кечиб ўтганидан кейинги оғир шароитда бизнинг одамларимиз ҳам унга хизмат қилмадими? (Султон бу ҳақда кейинчалик эшитанидан кейин уларнинг ўша вақтда ўзига сидқидилдан хизмат қилганини тан олди.) Ахир Улуғ султонга содиклигимиз ва унга бўлган муҳаббатимиз туфайли унинг душмани Шихобиддин ал-Фурийни бизлар ўлдирмадикми?”

Мен уларга жавобан дедим: “Ҳақиқатан, Шихобиддин ал-Фурийни сизлар ўлдирдингизлар, лекин бу ишни унинг мамлакатингизни хонавайрон қилиб, халқингизни қирғинбарот этгани учун қилмадингизми? Бироқ нима бўлмасин, юқорида айтилган сабаблар сизларнинг товон пулини тўлашдан холос бўлишингизга асос бўлолмайди”.

Шундан кейин улар ўзлари учун белгиланган товон тулини Шарафулмулк ўн минг динорга туширганини йтди. Бунинг учун мен ёзган ва Шарафулмулк муҳр боссан хужжатни кўрсатдилар. Шунда мен уларга бу пуллар Султоннинг ўзига тегишли эканлигини, унинг маълум ҳисмини чегириб ташлаш учун Жалолиддиннинг ўзининг ёзма топшириғи бўлиши лозимлигини билдирам.

Улар бунга жавобан: “Султоннинг барча пуллари Шарафулмулк фармойишига мувофиқ у хоҳлаган нарсага, исаган одамга сарфланиши мумкин. Бу борада ҳеч ким унга норозилик билдиrolмайди ва уни айбдор қилолмайди. Унинг пулни ўз истаклари ва ҳузур-ҳаловати йўлида ишлатиш ҳақидаги топшириқлари ҳам сўзсиз бажарилади. Бас, шундай экан, унинг бизга алоқаси бўлган иш хусусидаги ёзма фармойиши инобатга олинмайдими?”, дейишиди.

Бу савол-жавоблардан кейин улар йигирма минг динорни санаб топширадиган, қолган ўн минг динорни эса Султон билан маслаҳатлашиб олгунча тутиб турадиган бўлишди. Улар белгиланган йигирма минг динорни Фиёсiddин ал-Фурийнинг олтин танглари бўйича ўлчашиди. Бу танглар ар-Рукннинг тангларига нисбатан афзалроқ эди.

Бу учрашувда Султон номасида кўрсатилган бошқа масалалар бўйича ҳам сўз юритилди, кўплаб баҳслар, тортишувлар, келишмовчиликлар бўлди. Уларнинг ҳаммаси ҳақида сўз юритишнинг зарурати йўқ.

Ироқ ноиби Шарафиддин менга ҳамроҳликка Камолиддин ал-Муставфий номи билан машхур бўлган кишини кўшиб берган эди. У ноиб ҳузурида вазир Сулаймоншоҳ ўрнини эгаллаган бўлиб, Ироқ масалалари билан шугуланарди. У учрашувда гапиришга рухсат сўради. Рухсат берилганидан кейин нима дейишини билмай дудукланиб қолди. Аслида у фикри теран, сўзга чечан, нотиқлиги билан машхур одам эди. Бу ердан чиққанимиздан кейин унга “Сенга нима бўлди, тилинг калимага келмай қолди? Шу сенмисан, ахир?” дедим. У бундай деди: “Сенинг Аловуддин билан суҳбат пайтидаги кескин гапларингдан ваҳимага тушдим ва қалтироқ босди. Ахир у Хусравларнинг додини берган, қанчадан-қанча зўравонларни пи-

чоқ дамига тортирган сулоланинг вакили бўлса. Яратганга беадад шукурлар бўлсинким, мен бу ердан тирик кутилиб чиқаман деб ўйламагандим”.

Аммо иш натижаси Камолиддин ўйлагандан бутунлай бошқача бўлиб чиқди. Аловуддин менга Султоннинг бошқа элчиларига нисбатан кўпроқ хурмат-иззат ва самимият кўрсатди. У сахийлик кўрсатиб, менга одатдагига нисбатан совға-саломлар, фахрий кийим-бошларни икки ҳисса кўпроқ бердири ва бундай деди: “Бу ҳақиқатгўй одам, унга кўрсатиладиган сахийлик самарасиз кетмайди”.

У менга совға қылган буюмлар ва пулнинг жами миқдори уч минг динор миқдорида эди. Совғалар орасида икки сидра фахрий кийим-бош бўлиб, уларнинг ҳар бир сидраси атлас чакмон, алвон кийим, мўйнали пўстин, фаржия (унинг биттаси атласдан, иккинчиси хитой испидан тикилганди), қиймати икки юз динор туродиган иккита камардан иборат эди. Булардан ташқари, етмишта ҳар хил кўйлак, эгар-жабдуқ ва барча анжомлари билан безатилган иккита тулпор, минг динор пул, устига ёпинчиқлари ташланган тўртга от, туялар учун занжирлар ўрами, сафдошларим учун ўтгиз сидра фахрий кийим-бош ҳам берилганди.

Мен Хуросондаги қальзамда хонақо қурдиргандим. Шу хонақо вақфи учун Аламутдан кўйлар сотиб олишни ният қилдим. Негаки, Хуросонда тоторлар босқини туфайли кўйларнинг кўпи қирилиб кетганди. Бу ниятимдан Аловуддин хабар топғач, ҳузуримга одам юбориб, куйидаги сўзларини етказдирди: “Менга хонақо учун кўйлар сотиб олаётганинг ҳақидаги хабар етиб келди. Биз ҳам сенинг бу савобли ишингта бош қўшиш ниятидамиз. Шунинг учун сенга қанча кўй керак бўлса, шунчасини биз ўзимиз юборамиз”. Мен кўйлар сотиб олмадим, лекин у ўзининг ваъдасининг устидан чиқишига ҳам ишонмадим. Шу сабабли унинг Аламутдан кўй сотиб олишимга қаршилик қилишининг сабаби нима экан, деб кўп ўйладим.

Бу ердан кетганимдан кейин бир неча кун ўтгач, Қазвина эканлигимда бир неча жавония (Аловуддиннинг мамлуклари) тўрт юзта семиз кўйларни ҳайдаб келиб қолицди.³ Мен уларни ўз қальзам томонга юборттирдим. Лекин улар нотинчилклар алғов-далғовлар туфайли қатъага етиб бордими ёки йўқми, билолмадим.

Улар томонидан элчи сифатида мен билан Асадиддин Маудуд кўшиб юборилганди. Бу ҳақда Султон менинг огоҳлантириб бундай деганди: “Агар улар сен билан бирга биз томонга Асадиддин Маудудни кўшиб юбормоқ и бўлса, уни рад қил ва ўзинг билан бирга олиб келад!”

Мен бу огоҳлантиришнинг сабаби нима эканлигини илмадим, лекин Султоннинг айтганларини уларга етаздим. аммо улар элчисини орқага қайтармадилар, бунинг устига Асадиддиннинг ўзи ҳам Султон хузурига боришига иштиёқманд эди. Шоир айтганидек:

Аллоҳ ўзи яратдими не истаса қиласди,
Ақл-заковат эгаси бўлсангда, фойдаси йўқ барибир.
Қисмат кўндаланг кўйган барча кўнгилсизликларни,
Етти ўлчаб, бир кесиб ўтиб кета билсанг ҳам.
У истаса оқилни айлантирасар нодонга
Тола сочни юлгандек тортиб олар ақдни.

Аслида Асадиддиннинг бу ерга келишидан кузатган ўз мақсади бор эди: у Султонга Шарафулмулк устидан шикоят қилди. Улар назарида, Шарафулмулк исмоилийларни Султонга ёмон отлиқ қилиб кўрсатадиган, шу тариқа Хоразмшоҳни ҳам ўзларига нисбатан қайрайдиган, хулас, икки ўртадаги муносабатларни чигаллаштирадиган одам эди. Шарафулмулк ҳам ундан бу иши — чақимчилиги учун ўч олди.

Воқеа шундай кечди. Султон кутимаганда тоторлар Занжонга етиб келгани ҳақида хабар олди ва тезлик билан Табризни тарк этди. Асадиддин эса бу пайтда Табризда қолди. Султон Муқонга етиб келганида Шарафулмулкдан мактуб олди. Унда бундай дейиларди: “Аламут элчиси тоторларга бир неча қисмдан иборат мактуб ёзибди. У мактубида тоторларни бу ерга тезроқ етиб келишга ундаиди. Мен бу мактубни кўлга кирийтдим ва элчини ёнидаги одамлари билан бирга ўлдиртирдим”.

Тақдир ҳукми шу бўлди, яъни Ибн Доро айтганидек, “қилич бир сирпанди, ҳаммани нариги дунёга жўнатди”.⁴

¹ Бадрииддин Аҳмад ҳақида 60-бобга қаранг.

² Ферузкуҳ — Дамованд тоғи этагидаги қалъа.

³ Жавония — Аламутда ҳукмдорлик қилган исмоилийларнинг мамлуклари.

⁴ Салим ибн Доро — Фотфон қабиласидан етишиб чиқсан шоир. Унинг шеърларидан аччиқ киноя, заҳархандалик етакчилик қилган.

93-БОБ

ИЗЗИДДИН БАЛБОН АЛ-ХАЛХОЛИЙ ВА УНИНГ ҮЛИМИ БАЁНИ

Балбон ал-Халхолий ҳақида, Султон уни Ферузобод қалъасида қамал қилгани, сўнгра ўзининг мард ҳамда довюрак лашкарларини унга қарши жангда курбон қилмаслик мақсадида Иzzиддинга омонлик ваъда эттани, унинг гуноҳларидан ўтиб, кечиргани тўғрисида аввал ҳам сўз юритган эдик.¹

Балбон маълум муддат Султон хизматида бўлди. Жалолиддин Тугтобода тўхтаганида у тунда унинг хизматидан қочиб Ҳилотга, ҳожиб Али ал-Ашрафий хузурига борди. Ҳожиб унга бошпана берди, хавфсизлигини таъминлаб, зарур нарсаларнинг ҳаммасини муҳайё қилди. Шундан кейин уни Озарбойжонга жўнатди. Балбон Занжон тоғларига йўл одди, бу ерда у йўловчиларни кўрқтиш, карвонларни талаш билан шуғуланди. Султон мени Ироққа жўнатар экан, Балбоннинг кўнглини ўзига оғдириб олиш, шу тариқа унинг талончиликларига бардам бериш мақсадида унинг номига ёрлиқ ёздирди. Шу билан бирга унга куйидаги мазмунда нома ҳам юборди: “Агар сен Ироқда туришни истасанг, марҳамат, биз ўзимизнинг у ердаги ноибимизга сенга ва одамларингта мулк икто қилиб беришни буюрдик. Ўйлаймизки, бу сенинг ҳамма талабларингни қондиради”. Султон менга эса бундай деб тайинлади: “Сен Занжон тоғларига борганингда, унинг хузурига одамларингдан бирини мана шу ёрлиқ билан жўнат. Ўша одаминг уни бу ёрлиқка ишонтиурсин ва Исфахонга боришга кўндиурсин”.

Балбонга аввал ҳам панд-насиҳат қилиб кўришган, лекин бу ўгитларнинг бирортаси унга таъсир қилмаганди. Уни яхшиликка чорловчи кўп сўzlар айтишган, бироқ

ўуларнинг ҳеч қайсиси унинг кўнглини ром эта олмагани. Аммо Яратганинг унга ўлчаб берган фурсати битиб, бир ёрлиққа алданди. Тўғри, дастлаб у бу ёрлиққа ҳам шонқирамади, лекин тунда тонггача дайдишлар, хавфшатар билан юзма-юз келишлар, бир жойдаң иккинчи койга кўчишлар, қилинган ишлар олдидаги виждоний изоблар ва умумий аҳвол унинг ҳам жонига теккан эди. Шунинг учун у эндиликда ором олишни ва бундай марҳаматдан фойдаланишни истади. Унинг истаклари қайсаригидан ғолиб келди:

Эвоҳ! Алдамчи экан-ку тишининг оқини кўрсатгани ҳам Арслон эркалашни ортига яширган каби қаҳри, ғазаби.²

Балбон мен юборган одамнинг сўзига ҳам ишонди ва Исфаҳонга йўл олди. Султон эса Шарафиддинга нома йўллаб, агар Балбон Исфаҳонга боргудек бўлса, калласини олиб ўзига юбориш тўғрисида фармойиш берди. Ноиб Султон айтганидек қилди.

¹ Бу ҳақда 74-бобга қаранг.

² Ал-Мутанаббийнинг шеъридан ўзлаштириб олинган. Аслида бу икки мисра “Арслоннинг иржайган тишлари унинг хурсанҷчилигидан нишона эмас” деган мақолга айланниб кетган мисраларнинг бошқачароқ шаклла ифодаланганидир.

94-БОБ

ЖАҲОН ПАҲЛАВОН ЎЗБЕКТОИЙНИНГ ҲИНДИСТОНДАН ИРОҚҚА КЕЛИШИ БАЁНИ

Юқорида биз Султон қўшиналарининг Ҳиндистондаги йўлбошлиси Жаҳон Паҳлавон Ўзбек Тоий ҳақида эслатиб ўтган эдик.¹ Султон Ҳиндистонни тарқ этганида уни ўз мулкларининг бу ердаги ноиби сифатида қолдирган эди. У бу ерда кўп йиллар давомида турди, мамлакатни яхши бошикарди. Шунинг учун унинг хурмат-иззати нафақат мамлакати теграсида, мулкидан четдаги ўлкаларда ҳам ошди. Унинг мавқеи Лаҳор, Дехли ва Кашмирнинг тоғ йўлларига қадар чўзилган вилоятлари ҳўкмдори Шам-

сиддин Элтутмиш устига қўшин тортиб келгунга қалар юксак бўлиб келди. Элтутмиш уни (Жаҳон Паҳлавонни) Хиндишондан қувиб чиқарди.

Султонга хизмат қилишга астойдил бел боғлагани учун саройига етишиш мақсадида унинг ҳузурига йўл олди. Султоннинг бошқа лашкарбошилари, жумладан, Вафо Малик лақаби билан танилган ал-Ҳасан Қорлук ва яна бир қанчалари эса бу ерда қолди ҳамда Элтутмиш тарафаға ўтдилар.²

Жаҳон Паҳлавон Ироққа мен Қазвинда туриб Аламут ишлари билан шуғулланаётган пайтда келди. У менга ва Ироқ ноibi Шарафиддинга нома йўллаб келганини билдириди. У билан бирга ўлимлардан омон қолган, уруш гирдобидан халос бўлган етти юзта лашкар бор эди. Шарафиддин унинг талабларини қондириш ва харажатларига ёрдам учун Ироққа хазинасидан беш минг динор юбориш нияти тўғрисида менга маслаҳат солди. Бироқ, мен Шарафиддинга у юбормоқчи бўлган пул миқдори кам эканлигини айтдим. Жаҳон Паҳлавоннинг Султон олдида мавқеи юксаклигини ва Жалолиддин ҳам унга эътибор билан қарашини англатдим. Бир нарса аниқ эди, Жаҳон Паҳлавон Султон ҳузурига борса, Хоразмшоҳ уни ҳаммадан устун қўярди.

Шундан кейин унга йигирма минг динор юборилди. Орадан бир неча кун ўтганидан кейин Султон номидан Жаҳон Паҳлавонга Ироқ хазинасидан йигирма минг динор юбориш тўғрисида фармойиш келди. Шу билан бирга унинг қишини Ироқда ўтказиши, одамлари дам олиб, отлари кучга кириши учун имкониятлар яратилиши хусусида буйруқ берилганди. Шундан кейин у баҳорда Султон хизматига бориши таъкидланганди.

Унинг Ироққа келиши Султоннинг юқорида айтиб ўтганимиз ар-Румдан қайтиши даврига тўғри келди. Жаҳон Паҳлавоннинг қайтиши билан хотиржамлик учун ишонч пайдо бўлади, деган умид уйғонди. Аммо такдир чеки биз истагандек тушмади. Тоторлар Султон ва Жаҳон Паҳлавон ўртасидаги мақсадларга тўсик бўлди.

Бу воқеалар тоторлар олти юз йигирма сakkизинчи йил (1230—1231 йиллар) Суқмонободга келиб тушгандан қейин рўй берди.³

¹ Бу ҳақда 40-бобга қаранг.

² Ҳасан Қорлук ҳақида ҳам 40-бобнинг изоҳида маълумот берилган.

³ 40-бобда воқеалар санаси ҳижрий 627 йил деб берилган.

95-БОБ

ИРОҚ НОИБИ ШАРАФИДДИН БИЛАН ҚАЗВИНДА АЖРАЛИШИМ ВА ИМКОНСИЗ ҲОЛДА ОЗАРБОЙЖОНГА БОРИШИМ БАЁНИ

Аламутда берилган пулларни олиб Қазвинга қайтдим. Аламут хукмдорининг элчиси ал-Асад Маудуд ҳам мен билан бирга Султонга мўлжалланган беҳисоб совғалари ни олиб бу ерга келди.¹ Худди шу пайтда тоторлар Ҳурросоннинг вилоятларидан бири Исфароинга келганликлари ҳақидаги хабар етиб келди. Бу лаънатилар Султон қўшинининг ар-Румда мағлуб бўлганини ва тарқалиб кетганини эшитган заҳотиёқ унинг кучсизлигидан фойдаланиб устига юриш бошлаган эди. Шарафиддин бу ҳақда эшитганидан кейин мен билан хайрлашиб, Рай томонга кетди. Унинг мақсади вақтдан унумли фойдаланиб, шаҳарда тартиб ўрнатиш ва унинг мудофаасига тайёрланиш эди. У менга Ироқда пайтимда ҳимоя қилувчи одамлар юборишни ваъда этди. Чунки бу пайтда йўлларда юриш ниҳоятда хавфли бўлиб, ўғрилар кўпайган ва йўлтўсралар ҳар қадамда пистирмадан чиқиб қолиши ҳеч гал эмасди.

Аммо тоторлар ундан илдамроқ ҳаракат қилдилар, улар Райга тунда ҳужум уюштирилар. Шарафиддин тун корон-филигида отта миниб, тяқуш сингари қўрқоқлик қилиб, Исфахон томонга қочди.

Бу ҳақдаги хабар менга Қазвинда пайтимда етиб келди. Бундан гё ќёш нури кўз олдимда зулматга айланди, менинг бу ерда туришим ҳам, ҳаётим ҳам хавф остида қолди, бамисоли тик қирғоқда турибману у ҳар дақиқада ўприлиб тушадигандек эди. Негаки, мен ҳақимдаги маълумот ва Аламутда олган пул тўғрисидаги хабар бутун Ироқ бўйлаб тарқалганди. Бунинг устига менинг

шахсий бойликларим ҳам Султон ҳазинасига топшириладиган пулдан кам эмасди. Бироқ мен шунга қарамай ҳаётимни хавф-хатарга кўйиб бўлса-да, Холбор, Жулдиз ва бошқа жойлардаги қароқчилик масканларини оралаб ўтувчи йўл орқали Ироқдан Озарбайжонга боришга чоғландим:

Жинлар анжумани бу. Улар орасига Сулаймон
алайхиссалом
Тушса, тушунмасди таржимонсиз бу жинларнинг
тилини.²

Менинг ёнимга Низомулмулк Носириддин Мұхаммад ибн Солиҳнинг укаси, ўша вақтда Мозандоронда вазирлик қилаётган Нусратиддин ҳам қўшилди.³ У ўзи билан бу вилоятнинг йиллик фойдадан тўплаган маблагини олиб бораёттанди. Унинг ёнида Султон саройидан Мозандорондаги аҳволни кузатиш учун юборилган мулозим Сафиаддин Мұхаммад ат-Турой ҳам бор эди.⁴

Биз йўлни ҳаммом, овқат нималигини унугиб, муздай сув билан жон сақлаб босиб ўтдик ва ниҳоят, Султон ҳузурига, Табризга етиб келдик. Биз келганимизда ал-Малик ал-Ашрафнинг элчиси Шамсиддин ат-Тикритий саройда эди. Шунда Султон менга Аламут элчиси олиб келган пул ва совғаларини ўзига ат-Тикритий иштирок этётган анжуманда киритиб беришини ташкил қилишимни буюрди. Мен у айтгандай қылдим. Ўзим ҳам олиб келган юкларни гувоҳ ёрдамида Султонга топширдим. Ат-Тикритий бу анжуманда қатнашиб, ушбу воқеаларни кўрди ва айтилган гапларни эшилди.

¹ Асадиддин Маудуд ҳақида 71-, 92-бобларда ҳам маълумотлар берилган.

² Ал-Муганаббийнинг форс ҳукмдори Адалуддавла Абу Шужа Ҳусровга (949—983 йиллар) бағишлиланган қасидасидан олинган байт.

³ Низомулмулк Носириддин Мұхаммад ибн Солиҳ ҳақида 11, 12, 13, 18, 62, 82-бобларда ҳам маълумотлар берилган.

⁴ Сафиаддин Мұхаммад ат-Турой ҳақида 64, 67-бобларда ҳам маълумотлар мавжуд.

**ТОТОРЛАР ҚҮШИНИ ИЛГОРИНИНГ ОЗАРБОЙЖОН
ЧЕГАРАСИДА ПАЙДО БҮЛИШИ ВА СУЛТОНИНИНГ ТАБРИЗДАН
МУҚОНГА КЕТИШИ**

Султон пахлавонларидан бири Йилон Буғуни Ироққа тоторлар ҳақида маълумот тўплаш учун отлантириди.¹ У Занжон ва Абхор оралиғидаги Шарвиёз водийсига етганида тоторлар қўшинининг илгорига дуч келиб қолди.² Йилон Буғ ёнида ўн тўрт одами бор эди. Шундан фақат унинг ўзи қочиб кутилди ва Табризга ваҳимали хабар билан қайтди.

Султон тоторлар Ироқда қишлиайди ва Озарбойжонга баҳорда хужум қиласи, деб ўйлаганди.³ Аммо у ўзини шундай алдамчи хаёллар, ҳақиқатдан йироқ ўйлар билан овунтирган эди. Аслида бу ёмон хабар унга у ар-Румдан қайтганидан кейин, мағлубиятдан сўнг ҳали қўшин талофатини бартараф этиб улгурмаган, ҳар томонга тарқалиб кетган лашкарларни йигишга фурсат етмаган, бошқа ишларни ҳам тартибга солиб бўлмаган пайтда этиб келганди. Султон шу сабабли Табриздан Муқонга, қўшинари қишлиаш учун тарқалиб кетган масканга кўчиб ўтди. У ат-Тикритий билан хайрлашди ва унга ўз томонидан элчи сифатида Ироқ ноиби Мухтассиддин ибн Шарафиддин Алини қўшиб юборди.

Хавф шунчалик тез яқинлашиб келардики, Султон яқин одамлари ва ҳарамидагиларнинг тақдири ҳақида ўйлашга, уларни қўл остидаги хатарсиз, мустаҳкам қальялардан бирига жўнатишга ҳам имкон тополмасди. У уларни Табризда қолдирди ва ўша кунни ўзига яқин бўлган одамлар билан охирги учрашув деб ҳисоблади. У Шарафулмулкни ҳам Табризда қолдирди ва фақат шахсий мулоғимлари билан бирга Муқонга йўл олди. Султон йўлда бир зум бўлса ҳам тўхтамади, унинг мақсади тарқалиб кетган қўшиналари ва лашкарларини тўплаб улгуриш эди.

Ўша кунлари девон хизматчилари орасидан фақат мени ёнига олди. Йўл давомида у билан бир одам ажралмас сұхбатдош бўлиб борди — бу Мужириддин Ёкуб ибн ал-Малик ал-Одил эди. У билан ёнма-ён юриб бир нарсани

англадимки, агар Мужириддин Султон ёнида бўлмаса, унинг кўзларидан ёш оқиб, юзларини юварди. Назаримда, Султон ҳокимияти қулаётганини ҳис қила бошлаган, ўлими яқинлашаётганини англаб етганди. У яқинлари ва оиласидан ажралаётгани хусусида ўйлар, уларни бошқа кўра олмайман деб қайфурарди. Уларни очиқ осмон остида, душман билан юзма-юз ҳимоясиз қолдириб кетаётганидан афсусланарди.

Орминан қишлоғига етганимизда Султон отдан тушди.⁴ Уни қаергадир олиб кетиши ва бирордан кейин у мени ҳузурига чақирди. Мен унинг ёнига борганимда Занжон қасабасининг Ёлдуқ қатъаси ноибидан олинган номани қўлимга тутқазди.⁵ Унда бундай дейилган эди: “Тоторлар Абхор ва Занжон оралиғида Йилон Буғу билан тўқнашганидан кейин Марж Занжонга келди. Мен улар тарафга одам юбориб қанча эканлигини аниқлатдим. Улар етти юзта отлиқ лашкар экан”.

Султон бу хабарни эшитиб елкасидан тоғ ағдарилган одамдек хурсанд бўлди. Ва бундай деди: “Бир нарса аниқки, улар қўшинининг бу қисмини юбориш билан Занжонни эгаллаш ва унда мустаҳкам ўрнашиш мақсадини кўзлашган”. Мен эса унга бу лашкарлар тоторлар қўшинининг илғори (ёзок) бўлса керак, асосий қўшин эса унинг кетидан келса керак, дедим. Аммо менинг бу гапим унга ёқмади. Гапимга жавобан у бундай деди: “Тоторлар биз томонга қўшин илғорини юбормоқчи бўлса, етти юз одамини эмас, етти мингдан ортиқ лашкарларини юборган бўлардилар”. Бу вақтда Султон билан ҳақиқий аҳвол хусусида баҳслашиб ўтириш мавриди эмасди. У билан, айни пайтда, унинг кўнглидаги дард-аламларни енгиллаштирадиган гапларни гаплашиш мумкин эди.

Султон Орминандан Муқонга йўл олди ва орадан кўп ўтмай бу ерга келди. У бу ерда қўшинларининг тарқалиб кетганини билди: унинг бир қисми Муқонда жойлашган бўлса, яна бир қисми қишлаш учун Ширвонга кетганди, ҳатто баъзи бир хазора, сада ва даҳалари Мулонқургача бориб етганди. Султон уларнинг кетидан паҳлавонларининг қўлига қизил ўқ бериб жўнатди, бу қўшинларни ҳузурига тўплаш ва жангга ҳозирлик кўриш учун хабар эди. Бироқ тоторлар унинг лашкарларига улар тўплангунга

адар ҳужум қилдилар. Шу учун Султоннинг қўшинни уплаш ҳақидаги нияти ушалмади, режаси барбод бўлди. Оллоҳ бирон қавмга ёмонлик — бало юборишни ирода дилса, бас, уни қайтариб бўлмас. Ва улар учун ундан ўзга оқим йўқдир".*

Бир гал Султон Муқонда овга чиқар экан, олдиндаги тепаликни менга кўрсатиб бундай деди: "Хов, анови тепаликка мендан олдин етиб ол! Ва менинг номимдан Артобил ноиби Шарафулмulkка ҳамда Ферезобод қалъаси доиби Ҳусомиддин Тегинтошга ёрлиқ ёз! Ёрлиқда биз Ҳурросон шихнаси, амир Йўғон Сункур ва Мозандорон шихнаси, амир Арслон Паҳлавонни қўшинлари билан тоторлар юришларини кузатиш учун ёзоқ сифатида юбораётганимизни билдири! Биз улар иккаласига ҳам Ардо-Бил ва Ферузободда бу ёзоқ қўшин учун отлар тайёрлашни, уни ҳамда лашкарларга зарур бўладиган бошқа нарсаларни етказиб беришни буорамиз".

Мен тепалик устига от чоптириб чиқдим ва бу ёрлиқларни ёздим. Султон тепалик устига келганда ёрлиқлар тайёр бўлган эди. Мен уларни Султонга бердим ва у ёрлиқларги муҳрини босди. Юқорида номларини айтганим амирлар ёрлиқларни жўнатиш учун олдилар. Аммо кейинчалик менга келган хабарларга кўра иккала амир ҳам тоторлар Муқонда Султонга тўсатдан ҳужум қилиб, уни оғир аҳволга солгунларигача уйларида бўлган эканлар. Султон эса ёзоқ қилиб юборилган иккала амиридан ҳам душмани хусусида маълумот кутар эди.

¹ Йилон Бугу кейинчалик султон Аловуддин Қайқубод I хизматига киради.

² Шарвиёз номи ёнида асар матнида "Ширвон" номи ҳам мавжуд.

³ Ибн ал-Асир асарида мўгулларнинг Озарбойжонга ҳужумини 628 йилда (1230 йил сентябридан — 1231 йил октябригача) рўй берди, деб ёzádi. У айни пайтда, мўгуллар юриши ҳақида кўйидагиларни ҳам маълум қиласди: "Жалолиддин Аловуддин Қайқубод I ва ал-Аирафдан мағлуб бўлиб қочди. Шундан кейин исмоилийлар йўлбошчилари тоторларга Жалолиддиннинг жанг майдонидан қочтани, кучсизлиги ҳақида маълумот юбориб, уларни унга, кучсизланган қўшинга қарши

тезроқ юриш бошлашга ундаиди ва ғалабанинг нақд эканлигини таъкидлайди.

Жалолиддин бадхулқ одам эди, у мамлакатни ҳам ёмон бошқарди. У кўшини ҳукмдорлардан бирортаси билан келишмасди, уларнинг ерларини босиб олиб, душманига айланганди. Жалолиддин улар учун оқибатсиз, кўнгилсиз қўшини эди. Шу сабабли уларнинг ҳаммаси у билан ҳамкорлик қилмадилар ва унга ёрдам қўлини чўзмадилар”.

Ибн ал-Асир Хоразмшоҳларга нисбатан ёмон муносабатда бўлган. У кўпроқ Чингиз қўшинлари ва ғалабаларини улуғлашга мойил бўлган. Шу сабабли барча Хоразмшоҳларнинг фаолиятини, жумладан, Жалолиддин ҳукмдорлигининг айrim жиҳатларини салбий баҳолаб, уни бўрттириб кўрсатган. Жалолиддиннинг ёнида юрган муншийси ан-Насавийнинг асарини ўқир эканмиз, Султон ҳақиқидаги бор ҳақиқатдан огоҳ бўламиз. Кўшини ҳукмдорларнинг Жалолиддинга нисбатан муносабатига келсак, бу кўрқоқларнинг ботирга нисбатан ҳасадгўйлигидан бошқа нарса эмаслиги аён бўлади.

⁴ Орминан — Табриз ва Ахор оралигидаги йўл бўйидаги қишлоқ.

⁵ Ёлдуқ (Болдуқ) — Табриз ва Ахор оралигидаги қалъя. Орминан қишлоғи ва Ёлдуқ қалъаси ҳақида Қазванийнинг асарида ҳам маълумот берилган.

97-БОБ

ТОТОРЛАРНИНГ СУЛТОНГА ШИРКАБУТ ЧЕГАРАЛАРИДА ҚИЛГАН ҲУЖУМИ БАЁНИ

Султон айғоқчиларини маълумотлар йифиш, паҳлавонларини эса лашкарларини тўплаш учун жўнатганидан кейин ов билан машғул бўлди. Унинг атрофида одам кам қолганди: шахсий лашкарларидан мингта яқин отлиқ бор эди.

Бир гал тунда у Ширкабут яқинига чодир тиктириди. Ширкабут Муқондаги энг баланд тепаликлардан бирига курилган қалъя эди. Қалъанинг атрофини катта ва чуқур хандақ ўраб турарди. Бу хандақдан сув оқиб чиқар ва у атрофдаги ерларни сугоришга сарфланарди. Қалъага кириш учун ҳандақ устидаги кўприкдан ўтиш керак бўларди. Кўприк керак бўлган пайтда кўтариб ҳам кўйиларди. Қалъани тоторлар бу ерларга биринчи марта бостириб

келганида бузган эдилар. Аммо уни Шарафулмулк Араксанан канал қаздириб, унга ўз номини берган пайтларда қайта курдирганди.

Султон Ҳилотни қамал қилиб турган пайтда силаҳдор Декчакни Хоразмга айгоқчилар сарханги қилиб жўнатганди.¹ Уни жўнатишдан мақсад тоторлар ҳақида маълумот йиғиш эди. Декчак Хоразм теграсида бир неча тоторларни банди қилиб олди. У улардан кўпчилигини ўлдириди ва қолганларини Ҳилотга олиб келди.

Олиб келинганлар орасида битта тотор бор эди, Султон факат унигина ўлимдан олиб қолди. Султон Ширкабут қальасига келгач, уни тутишни буюрди. У бу ишни эҳтиёткорлик юзасидан, тотор қочиб кетмасин ва ўзиникилар олдига бориб бу ердаги аҳволдан, қўшиннинг тарқоқлигидан хабар бермасин, деган мақсадда қилдирди. Бу тоторнинг оиласи ва болалари Хоразмда тоторлар кўл остида эди.

Султон уни менга топширар экан, бундай деди: “Уни Ширкабут қальасига олиб чиққин ва у ерда занжирбанд қилиб кўй. Сўнгра уни Шарафулмулк томонидан бу қальага тайинланган волийга топшир!” Мен Султоннинг бу буйругини бажардим. Лекин кун кеч бўлгани сабабли тушнада учун қалъада қолдим. Менинг одамларимдан ёнимда учтаси бор эди. Қолган йўлдошларим ва бу сафарга олиб чиққан нарсаларимнинг ҳаммаси — бойлигим, отларим, чодирим Султон қароргоҳида қолганди.

Тонг отгач, хизматни давом эттириш учун қароргоҳга қайтдим. Аммо не кўз билан кўрайки, чодирлар бўм-бўш, барча буюмлар сочилиб ётар, чита (гепард)лар боғланган, лочинлар қафасга қамалган эди.

Яъни:

Ҳеч кас бўлмагандек гўё ал-Хужун ва ас-Сафо оралиғида,
Макка оқшомларида ҳеч ким сұхбат қурмаган гўё.

Шунда мен биз доим хавотир ила кутган воқеа рўй берганини англадим: Султонга тунда хужум қилишган эди. Мен унга нима бўлганини билмадим. Айни пайтда, мен Ширкабут қальаси тоторларнинг қамалига чидаш бера олмаслигини яхши билардим. Шу сабабли Султон кетган йўлдан ва уни таъқиб этаётган тоторлар кетидан боришга қарор қилдим.

“Менга кенг ер торлик қилиб қолди”* ва мен нимаини нарсам бўлса, ҳаммасини ташладим. Мен борарканман бир нарсага ишончим қатъий эди: Султонни таъқиб этиб бораётган тоторлар олдимда, уларнинг беҳисоб сонли қўшинлари эса орқамдан келарди.

Шундан кейин “Султон жўя” канали бўйига этиб келдим. Бу канални Шарафулмулк Аракс дарёсидан Султонга бағишилаб қаздирганди. Унинг кўпригидан туркманларнинг қўйлари ўтаётган эди. Улар шу даражада кўп, беҳисоб эдик, кўприкдан ўтишга имкон тополмадим. Мен таваккал қилиб отимни дарёга солдим. Оллоҳ насибамни кўпроқ берган эканми, ҳар қалай, ундан сузуб ўтдим. Шундан сўнг Бойлаконга этиб келдим. Шаҳарга киришдан олдин бу ерда Шарафулмулк борлигини билдим. Султон ҳарамидагилар ва хазина бойликлари ҳам унинг ҳимоясида эди. Улар билан учрашиб дард ва ташвишларимни кўпайтирмаслик, муносабатларни кескинлаштирмаслик мақсадида шаҳарга кирмасликни мъякул кўрдим.

Бойлаконда бир неча отларим ва кийим-кечакларим бор эди. Уларнинг ҳам баҳридан ўтиб, тунда ҳам йўлимда давом этдим ва ниҳоят, Ганжага этиб келдим.

Тоторлар бу ерга мендан икки кун кейин этиб келди. Бу пайтда Шарафулмулк билан ҳамроҳлик қилиб келаётган девон мулозимлари, акобирларининг вазир ҳақида, худди мен каби, фикрлари бутунлай ўзгарган эдилар. У тоторларнинг босқини кучаяётгани ва уларнинг бу ерларда мустаҳкам ўрнашаётганини кўриб, Султонга нисбатан очиқдан-очиқ исён кўтарибди. Шарафулмулк қўл остидагилардан пул талаб қилибди, уларни чилвирга боғлатиб, ертўлаларга ташлатиб, яна турли усуллар билан қийноққа солибди. Агар Шарафулмулкнинг Хайзон қальасидан чиқиши пайтида бу ерда Султон пайдо бўлиб, Оллоҳ вазир қўл остидаги одамларнинг умрини узун қилмаганида эди, улар бу ҳаёт билан видолаштган бўларди.²

¹ Декчак — силаҳдор. У ҳақда 7-бобда маълумот берилган.

² Хайзон — Аррон вилоятидаги қальъа. Бойлаконга яқин ерда жойлашган.

**СУЛТОН МУЖИРИДДИН ЁҚУБНИ УНИНГ
АКАСИ АЛ-МАЛИК АЛ-АШРАФ МУСО ҲУЗУРИГА ҚАНДАЙ
ЖҮНАТИШИ БАЁНИ**

Юқорида баён қылганимиздек, Султон Табриздан Мұқонга борганида ўзи билан бирга Мужириддинни ҳам олиб кетди. У иштирок эттан давраларда Султон хурсанд бўларди. Султон қароргоҳга келган пайтларида Мужириддин у билан бирга овга чиқар, кун чиқишидан ботишигача унга қамроҳлик қиласр эди. Ўз навбатида Султон ҳам уни даврасига шаробхўрлик қылгани чақираради. Бу аҳвол тоторлар уларга Ширкабут яқинида ҳужум қилиб, қочиб қутилганларига қадар давом этди. Шундан кейин Султон унга тоторлар босқини туфайли юз берган оғат нафақат ўзининг ва қўл остидаги мамлакатнинг, балки ҳамманинг бошига тушган ташвиш эканлиги хусусида айтди. Агар уларга (тоторларга) қаршилик кўрсатилмай фурсат бой берилса, барча ислом мамлакатлари қирғин остида қолиши мумкинлигини билдириди. Шунинг учун Мужириддин акаси ал-Малик ал-Ашраф ҳузурига борадиган ва унга зулм чақмоқлари чақилиб, оғат олови аллангаланганини, буларни барча мусулмонларнинг биргаликдаги ҳаракати, ўзаро иттифоқчиликдаги кураши бартараф этиши мумкинлигини тушунтирадиган бўлди.¹ Ҳа, бу айни ҳақиқат эди. Ахир бу “дуо ўқиб қўйгувчи бирон киши борми деб сўраладиган, шунинг ўзи ажralиш эканини англатадиган, оёқ оёқда чалишадиган бир пайт эмасми?”²*

Лекин шуниси ғаройиб эдики, Султон ёрдамни ракибидан — қалбини найза билан яралагандан сўраётганди, учкур қанотларини қўли билан синдирганга илтижо этаётганди.

Шундай қилиб Мужириддин Султон хизматидан жўнаб кетди.² Султон унинг Шарафулмулк ҳузурига боришини тайинлади ва одамларидан қўшиб берди.

Султон Шарафулмулкка Мужириддин билан бирга элчи қўшиб жўнатишни, элчини жўнатишдан олдин унга нималарни айтиш зарурлигини тушунтиришни буюрган эди. Шарафулмулк у билан ўз акобири Муиниддин ал-

Кумийни бирга қўшиб жўнатди. Унинг кўлига бергага мактубда эса Султон мақсадларига қарама-қарши тарзда ўз истакларини билдириди. Гап шунда эдикি, Шарафул-мулк яхшиликка ёмонлик, нокаслик билан жавоб бериш йўлига ўтганди. У ор-номусни унуган, шайтоний вассаларга учиб, хиёнаткорлик йўлига кирганди. Унинг бошида қора ниятлар чарх уради.

Шу сабабли у нафрат оловини янада кучайтириш мақсадида унга ўтин қалаш билан банд эди. Бу билан у дўстлик ипларини узди, ҳамжиҳатликка барҳам берди. Аммо Оллоҳнинг каромати, тақдирнинг иноятини қарангки, у муваффақиятларга эриша олмай ўзи ёқдан оловда ўзи қоврилди.

¹ Ибн ал-Асир ёзишича, 1231 йилда мўғуллар Марогани босиб олганлар ва ўз одатларига кўра шаҳар аҳолисини қирғинба-рот қылганлар, талаганлар. Ибн ал-Асир бу ҳақда бундай деб ёзади: “Мусулмон мамлакатларнинг ҳукмдорлари орасидан биронтаси тоторларга қарши муқаддас уруш — жиҳод қилишга қодирини кўрмадим. Бундай истак уларнинг ҳеч қайсисида йўқ эди”.

² Мужириддин Ёқуб Жалолиддин кўлида асирикда пайтида Султон билан жуда яқин бўлиб қолди. Айниқса, бу яқинлик Султон Ясси Чамандаги маглубиятдан кейин янада кучайди. Мўгулларнинг навбатдаги босқинидан кейин Жалолиддин унга Дамашққа, акаси ал-Малик ал-Ашраф ҳузурига кетишга рухсат беради. Айни пайтда, у акасига мўгулларга қарши курашда иттифоқдошлик зарурлигини тушунтириши, Жалолиддинга ёрдам беришга кўндириши ҳам керак эди.

Шу билан бирга Жалолиддин атрофдаги ҳукмдорларнинг ҳаммасига ёрдам сўраб чопар жўнатади. Чопарлардан юборилган номада бундай дейилганди: “Бу галги тотор қўшинлари аввалгиларга қараганда бир неча баробар кўп, ушбу мамлакатларнинг лашкарлари эса уларга қарши ўзлари курашишга қўрқмоқдалар. Агар сизлар лашкарлар ва қурол-аслаҳалар билан ёрдам бермасангизлар, бу ерда уларга қарши девор мисоли турган менга қийин бўлади. Мен мағлуб бўлганимдан кейин эса сизларда уларга қарши курашиш имкони қолмайди. Ўзингизга, болаларингизга ва барча мусулмонларга раҳм қилиб, ҳар бирингиз бир гуруҳ лашкарларни түғинギз билан бирга ёрдамга юборинглар. Зоро, тоторларга бизнинг ўзаро келишувимиз ҳақида хабар етса, улар бундан оз бўлсада зарба оладилар. Айни

пайтда, бизнинг лашкарларимиз ҳам бу далдадан кучга кирадилар. Агар бунда сал бўлса-да бепарволикка йўл қўйилса, бошингизга нима тушишини ўзингиз кўрасиз”.

Рашидиддиннинг асарида келтирилган бу номада Жалолиддиннинг мақсадлари ёрқинроқ намоён бўлган.

99-БОБ

ТОТОРЛАР МУҚОНГА ҲУЖУМ ҚИЛГАНИДАН КЕЙИН СУЛТОННИНГ АҲВОЛИ БАЁНИ

Юқорида айтиб ўтганимиздек, тоторлар Султонга Муқонда ҳужум қилдилар. Шундан кейин Султон Аракс дарёси томонга қараб кетди ва тоторларни алдади. Тоторлар Султон дарёдан кечиб ўтиб Ганжага кетди, деб ўйлашди. У эса йўлда Озарбойжонга томон айланди ва Махонда тўхтади.¹ Бу ерда ов учун парранда ва даррандалар кўп эди. У шу ерда қишлиди.

Шоҳи қалъасининг хукмдори Иzzиддин унга бўйсунишни истамасди. Бунинг сабаби бор эди: бир неча йил илгари Шарафулмулк Дарбанда бўлган пайтида одамлари билан бирга тунда унинг қалъасига ҳужум қилган, вилоятини эса талон-тарож этганди. Шунга қарамай у Султонга Махонга келган пайтида садоқат билан хизмат қилди. Уни керакли озиқ-овқат маҳсулотлари ва бошқа зарур нарсалар билан таъминлади, Султонга тоторлар ҳакида маълумотлар юбориб турди. Султон ундан ниҳоятда миннатдор бўлди ва бу ҳақда шундай дерди: “Агар бизнинг ишимиз яхшиланиб, тоторлар хуружидан қутила олсан, мен уни хизматлари ва маслаҳатлари учун олий даражада катта мукофот билан тақдирлайман ҳамда унга шундай марҳаматлар кўрсатаманки, замондошлари, тенгдошларига унга ҳавас билан қарайдиган бўладилар”.

Киш ўтгач Иzzиддин Султонга тоторлар Учондан чиқиб ўзи томон келаётгани хабарини етказди.² Тоторлар Султоннинг Махонда эканлигига қатъий ишонган эдилар. У Султонга Арронга қайтишни маслаҳат берар экан, унинг тоғлари ва даралари бағрида кўшиннинг қайтадан куч-куват тўплаганлигини айтди. Бундан ташқари, бу ерда туркманлар ҳам кўп эди. Агар улар йиғилса, чумолилар тўдалари сингари ҳамма ёқни эгаллашини, чигирт-

калар булути мисоли атрофини босиб кетишини эслатди. Султон Аррон томон йўл олди ва кўп ўтмай Хайзонга яқинлашди. Шарафулмулк Хайзонни қайта курдирган ва унинг арки учун ниҳоятда кўп пул сарфлаганди. Унга сарфланган маблағ шу даражада кўп эдикӣ, ҳатто шоҳлар ҳам бунча пул сарфлашдан ўзини тийган бўларди. Бу қалъа қадимда заминдаги энг мустаҳкам қўрғонлардан бири ҳисобланган. Аммо вақт, даврлар ўтиши билан у вайронга ҳолига келганди. Унинг одамсиз хувиллаб қолганига ҳам кўп ойлар ва йиллар бўлган эди. Шарафулмулк Султоннинг оиласига мансуб одамларни ва унинг газнасини хазина бонлари билан бирга туркманларнинг Аррондаги бош амири Ҳусомиддин Қилич Арслон қўл остидаги қальяларга бўлиб юборди. Султон оиласи учун эса Синд Саворих қальясини танлади. Бу қалъа ичида баланд тоғ чўққиси бағрида катта фор бор эди. Фор ичидаги булоқ бўлиб, унинг суви тегирмонни айлантиради. Бу тегирмон қалъа ичидаги бўлгани сабабли қадим замонлардан бери сакланниб келинарди.

Айтишларича, бу фор узоқ тарихга эга бўлиб, худди шу ерда форс шоҳи Қайхусров ўзининг она томондан бобоси, туркийлар шоҳи Афросиёб устидан ғалаба қозонган эмиш.

Шарафулмулк Султон оиласи ташвишларидан халос бўлгач, хувиллаб ётган Хайсон қальяси томон йўл олди. У қалъани қайта тиклатди ва Султонга очиқдан-очиқ бўйсунмаслик йўлига ўтди. Унинг Султонга қарши исён кўтаришининг бир неча сабаблари бор эди: аввало, Султон кейинги икки йил давомида сарф-харажат борасида уни жиловлаб олган эди. Чунки унинг сарф-харажатлари ҳаддан ошиб кетганди. Бойликни совуриш борасидаги фаолиятини ҳеч нарсага тенглаб бўлмасди. Лекин Шарафулмулк учун тарки оdat амри маҳол эди, ортиқча сарф-харажат қилишдан ўзини тия олмас, бунинг учун бутун бойликни ўз қўлига тўплашни истарди. Бунга эса Жалолиддин халақит берарди. Қолаверса, у тоторларнинг Султонга Муқондаги ҳужуми уни бу ерлардан узоқ Ҳиндистонга итқитиб ташлайди, шу тариқа у билан кўшин ўртасидаги алоқалар узилади, бу ерлар эса менга қолади, деб ўйлаганди. Шу учун Шарафулмулк катта мулк

эгалари бўлган ҳукмдорларга номалар йўллаб, уларга ўзининг Арон ва Озарбайжонга ҳукмдор бўлиб қолаётганини билдири ҳамда бу ерда хутбани улар номи билан ўқитишига вайдалар берди. Шундай қилиб, шайтон унинг ақл-хушини эгаллаб олди, қалбига васвасалардан иборат уруғ ташлади ва бу уруғ ўз самарасини берди. Шарафулмулк ёвуз ниятларини амалга оширишга киришди. У Аловуддин Қайқубод ва ал-Малик ал-Ашрафга мактуб юбориб, бу иккала ҳукмдорга ҳам тобе эканлигини билдири. Ўз Султонини эса мактубда ҳимоясиз қолган ёвуз деб атади.

Бу мактубларнинг айримлари чекка ўлкаларнинг ноиблари йўллаган хатлар билан биргалиқда Султон қўлига келиб тушди. Бу ишларнинг охир-оқибати шу бўлдики, ўша ғала-ғовур пайтда Шарафулмулк қатъаси яқинидан ўтган Султон одамларини тутишга буюрди. Тутилган одамлар қаттиқ сиқувга олинди, ҳар хил азобларга дучор қилинди, натижада улар бор бойлигидан ажралиб, унинг хузуридан куруқ гавда билан шўппайиб чиқдилар.

У (Шарафулмулк) Ҳусомиддин Қилич Арслонга нома юбориб, унга қўл остида бўлган Султон ҳарамидагиларни ва хазинаси бойликларини эҳтиёткорлик билан сақлашни буюрди. Уларни ҳатто Султоннинг ўзига ҳам бермасликни тайинлади. У бу хатида ҳам Султонни ҳимоясиз қолган ёвуз деб атади.

Бу мактубларнинг ҳаммаси Султон қўлида тўпланди.

Айни пайтда, барча ўлкалар, мулкларнинг ҳукмдорлари, амирлари, вазирларига Султоннинг мактуби юборилди. У мактубида уларни Шарафулмулкнинг ҳатти-ҳарачатларидан огоҳлантиради ва унинг буйруқларини бажармасликка чақиради. Султон уни мактубларида “Билдиричин” деб атайди.³ Бу ҳақоратомуз лақаб Шарафулмулкка у ҳали ҳеч кимга танилмаган пайтларда берилган эди. Шундан кейин улар ўртасида душманлик янада кучайди.

Султон у турган қатъага яқинлашар экан, унинг хузурига одам йўллаб, унга бу ердан чиқишини тайинлаб, куйидаги гапларни айтишни буюрди: “Сен қандай сабабга кўра менинг хузуримга имиллаб ва кечикиб чиқаяпсан?” Султон бу билан ўзини гўё у қиласида ишлардан бенади.

хабардай, ҳаммага маълум қилмишларини билмайдигандай, бошқа ишлар билан бандлиги сабабли унинг ёвузликларини англамагандай кўрсатишга ҳаракат қилди.

Шарафулмулк шу заҳотиёқ нодонлиги ва аҳмоқлиги туфайли, қалъадан пастга тушди. Аслида унинг кафани елкасига осилган эди. Шуниси гаройиб эдики, Шарафулмулк аввал садоқатли одамдан қанчалик тез исёнчига айланган бўлса, эндиликда охир-оқибатни, бошига тушадиган оғатни ўйламай шунчалик тез даражада исёнчидан Султонгә тобе кимсага айланганди. Агар у ўша куни ўз сўзида туриб, Султон ҳузурига тушмаганида, қалъа эшникларини очмаганида, эртасига эрталаб Султон тоторлар таъқибидан холос бўлиш ниятида бу ерлардан узоқлашиб кетган бўларди.

У қалъадан пастга тушганида Султон одатига хилоф равишда унга шароб тўла қадаҳ узатди: гарчи Хоразмшоҳлар вазирлари шаробхўрлик қиссалар ҳам, одатда сultonлар даврасида ичмас эдилар. Шарафулмулк эса Султоннинг бу ишидан хурсанд бўлди ва унинг қўлидан қадаҳни олар экан, бу иш менинг қадр-қимматимни оширади, унга яқинлик шуҳратимни, обрўйимни улуғлайди, деб ўйлади. Лекин, узоқ йиллик тажрибалардан шу нарса маълум эдики, шоҳ, султон қўлидан шароб олиб, уни ичган вазир кейинчалик унинг қўл остида вазир бўлиб ишламаслиги аниқ эди.

Шарафулмулк қаъладан чиққанидан кейин Султон Аррон томонга йўл олди. Лекин Жалолиддин олдида қандайдир бир муҳим муаммо туғилса, вазирини маслаҳатга чақирмайдиган, сирларини унга ишонмайдиган бўлди.

¹ *Махон* – Ўрта асрда курилган қалъа. Эрон Озарбойжонининг Қоратоғга яқин жойида жойлашган.

² *Учон* – Шу номдаги дарёнинг юқори қисмида жойлашган, ўрта асрда барпо этилган қалъа.

³ Шарафулмулкнинг бу лақаби манбааларда икки хил ёзилган: “Билдиричин” ва “Юлдузчи”. “Билдиричин” деб бедананинг макиёнинг айтилган. “Юлдузчи” мунахжимликни англатади. Ах-Насавий асарида “Билдиричин” дейилган.

**ШАМСИДДИН АТ-ТУГРОЙНИНГ ТАБРИЗДАГИ
ФАОЛИЯТИ БАЁНИ**

Юқорида таъкидлаганимдек, Шамсиддин ат-Тугрой табризликларнинг нафақат кундалик ишлари, мол-мулклари, бойликларини ҳал қилишда, ҳатто уларнинг ҳаёт йўлларини белгилашда ҳам фаол иштирок этарди.¹ Улар эса унинг ажоддларига бўлган эҳтиром, оиласига нисбатан ҳурмат, ўзига бўлган содиклик туфайли ҳукмфармалигига сидқидилдан қулоқ осишарди. Одамлардан ҳатто инсоғ ва диёнат кетган, ўзаро ҳурмат йўқолган, кўнгилларда ёмон ниятлар кўпроқ намоён бўла бошлаган пайтларда ҳам ҳалойиқ (омма) унинг эшигига юкиниб келиб топшириқ ҳамда буйруқларини сўзсиз бажаарди.

Табриз аҳли тоторларга яхши кўриниш, ўзларини уларнинг ғазаб ва нафратидан омон сақлаб қолиш ниятида шаҳарда хоразмликларга шерик бўлганларни (атба) ўлдириш ҳаракатига тушдилар. Оломоннинг бу фикрига ат-Тугрой мансабидан туширилганидан кейин Султон томонидан вазир қилиб тайинланган Баҳовуддин Муҳаммад ибн Башир Ёрбек ва бошқа вазирлар ҳам кўшилдилар. Баҳовуддин ҳам қора ҳалқ орасидан етишиб чиққанлардан бири эди. Лекин ат-Тугрой уларга бундай қилишга йўл бермади, айрим кимсалар ўйлаб топган бу жирканч ишнинг амалга ошишига тиши-тирноғи билан қарши чиқди. У бирорларнинг қонини тўкмоқчи бўлган, яхшиликни бадном этишга уринган қора кучларга қарши чиқди, хоразмликларни ҳимоясига олди. Бир гал оломон ғалаён кўтариб илгари аҳолига ёмонлик қилган хоразмликини ўлдирганида, унинг ўзи майдонга чиқиб, қора кучларнинг иккита етакчисининг бошини кесдириб, уларнинг маъйтларини кўчага ташлашни буюрди. У буни ҳалқ ҳимоячиси ва валинеъмати Султонга қарши, яхшиликка қарши қаратилган иш деб эълон қилди. У шу тариқа катта хунрезликнинг олдини олди. Бошқа шаҳарларда эса қондарё сингари оқди, пул ва бойликлар беадад таланди.

У асосий кучини Табриз ҳимоясини мустаҳкамлашга қаратди. Шаҳарни ҳимоя қилиш учун соқчи лашкарларни кўпайтирди.

У Султонга тинимсиз равишда мактублар йўлларди. Султоннинг эса унга муносабатлари беқарор эди: гоҳ уни улуғласа, гоҳ эътибор бермасди. У мактублари, бу ишлари туфайли Султон олдида янада ҳурмат-иззатли бўлди. Султон эса у ҳақдаги тухмат-бўхтонларга ишониб унга марҳамат кўрсата олмаганидан уялар, сиқиларди. У Оллоҳ ҳузурига чорловчи чопар келиб, ўлим хабари бошига келгунча шундай ишлар қилди. У тақдир инъом этган ҳаётни яхшилик билан якунлади ва ўлим кафанини осойишталик билан кийди.

Унинг ўлимидан кейин ноиб ва қора ҳалқ Табризни, худди бошқа шаҳарлар сингари тоторлар қўлига топширди.²

¹ Шамсиддин ат-Туроий ҳақида 47-, 49-, 52-, 85-бобларга қаранг.

² Ибн ал-Асир Табризнинг мўгуллар қўлига топширилиши воқеасини бундай баён қиласди: “Тоторлар ҳукмдори қўшини билан Табриз яқинига жойлашгач, шаҳар аҳлига бўйсунишни, акс ҳолда қаттиқ ўч олиш нияти борлигини билдиради. Улар ундан омонлик сўрашди ва унга кўп пул, совғалар, ҳар хил ипак кийимлар, турли буюмлар, шароблар юборищди. У уларга миннатдорлик билдиради ва йўлбошчилари ҳузурига келишини талаб қилди. Унинг ҳузурига шаҳар қозиси, раиси ва яна бир қанча атёйлар борищди. Шамсиддин ат-Туроий эса кўп нарса ўзига боғлиқ эканлигини билгани ҳолда боришини истамади. Унинг боришининг имкони йўқ эди. Шаҳар йўлбошчилари тотор ҳукмдори олдига боргандада у ат-Туроий келмагани сабабини сўради... Улар “У бу дунёнинг одами эмас, энди унинг шаҳар раҳбарлигига ҳеч қандай алоқаси йўқ, асосий раҳбарлар бизлармиз!” деб жавоб беришди”.

101-БОБ

ГАНЖАДАН КЕТИШИМ ВА СУЛТОН ХИЗМАТИГА ҚАЙТИБ БОРИШИМ БАЁНИ

Юқорида айтилганидек, мен Муқонда Султон хизматидан маълум муддат кетишга ва Ганжага боришга мажбур бўлдим. Мен бу ерда уч ой яшадим. Лекин шу муддат

ицида менинг киприкларим уйқу учун юмилмади, бир жойда ором олиб ўтиrolмадим десам хато бўлmas. Доимо Султон хизматига шошардим. Аммо унинг хизматига етишиш мен учун қийин эди. Чунки Аррон тоторлар билан тўлиб тошганди.

Киш ўтиб баҳор келгач, ҳамма ёқ яшиллик бағрига бурканиб, гўзаллик тароватини ёйгач, Султондан хизматига тез етиб боришим ҳақида топшириқ олдим. Тоторлар кўплиги туфайли Аррон орқали ўтиб боришим қийинлиги эслатилиб, бундай дейилганди: “Иване ал-Куржи ҳузурига бор, унга нома йўллаб, сени бизнинг хизматимизга ўтказиб юборишни тайинлаганмиз”¹. Мен ўйлай-ўйлай гуржилар томонга бормасликка қарор қилдим. Уларнинг аҳдига вафо қилмаслигидан хавфсирадим. Бу пайтта келиб ҳатто Ганжга аҳли орасида ҳам хоразмликларга нисбатан душманлик кучая бошлаган эди. Мен агар аҳвол шу ҳолда давом этса Ганжада давлат одамларининг кўпчилиги ўлимга юз буришини яқдолроқ англаб етдим.

Ганжага келган кунимдан бошлаб ёвуз ниятли одамларнинг фалаёнидан қўрқиб Султоннинг қалъя ицида жойлашган саройларидан бирида турдим. Шу билан Куръони каримда айтилганидек, “сизлардан фақат золим кимсаларнинг ўзигагина етмай, балки барчага етадиган балодан сақландим”.

Ганжадан кетганимдан кейин мен аввалдан ўйлаб, ҳадиксираб, қўрқиб юрганим воқеа рўй берди. Бу ерда яшаёттан мусофиirlардан бир неча киши ўлдирилди ва уларнинг бошлари тоторларга жўнатилди. Ганжаликлар ўзларининг Султонга бўйсунмасликларини эълон қилди. Оломон, тўда устидан тартиб-интизом, қаттиқўллик ўрнатилмас экан, уларнинг турфа томонларга оғиб кетишилари, ўз одатларига кўра ёмонлик йўлларини тутишлари шубҳасиздир. Шу учун Оллоҳ Куръони каримда “Эй, мўъминлар, аниқки сизлар мунофиқларнинг дилларида Оллоҳдан кўра қўрқинчлироқдирсизлар. Бунга сабаб, улар Оллоҳнинг кудратини англамайдиган қавм эканликларидир”, деганида ҳақ. Бу айтилган гапларга Умар ибн ал-Хаттобнинг (Оллоҳ ундан рози бўлсин) сўзларини ҳам қўшиш мумкин. “Оллоҳ куч-кудратини Куръондан кўра хукмдор, давлат орқали кўпроқ намоён қиласди”, дейди у.

Мен Оллоҳнинг ёрдамидан умидвор бўлиб Дара қальасига етиб боргунча кундуз кунлари яшириниб ётиб, тунлари йўл юрдим². Бу қальада Султоннинг ўғли Манкаташоҳ, Доя хотун, ходим Сирожиддин Маҳфуз ва мушриф ал-мамалик Тожиддин бор эди. Султон ҳақида маълумот олиш учун аркка чиқдим. Улар менга Шарафулмулкнинг ушбу қалья ҳукмдори Ҳусомиддин Қилич Арслонга йўллаган, Султонга хоинлик руҳида ёзилган мактубини берди. Улар мендан ушбу хатни олиб кетишими ва Султонга беришимни илтимос қилди. Мен уларнинг илтимосини рад қилиб, дедим: “Шарафулмулкнинг умри поёнига етмоқда, унинг ҳаётидан саноқли кунлар қолди. Шу учун у қилаётган ишлар, ғалаён кўтаришлари, бошқаларга хиёнаткорона хат ёзишлари — ҳаммаси аҳамиятсиз нарсалар. У бу ишлари учун азобларга гирифтор бўлиши, жабр тортиши аниқ, у бундан қочиб кутулмайди. Лекин мен унинг ўлеми учун заррача бўлсин сабабчи бўлишни истамайман. Шу сабабли бу хатни Махондаги Султонга бирор бир гулом орқали жўнатинглар”.

Шундан кейин мен Султонни Зарис қалъаси атрофидан учратдим³. Унга Арон тоторлар билан тўлиб-тошгани, кофирлар ниҳоятда кўп экани ҳақида гапириб бердим. Тунда мен келар эканман, уларнинг гулханлари йўл ёқасида бенихоя кўп эди. Оловдан ҳамма ёқ ёришганди, мени, тунги йўловчини тутиб олишларига оз қолганди.

Султон бу янгиликларни эшитар экан, қатъяти сўниб, ниятлари пучга чиқиб, отдан тушиб катта чодирга кирмади, кичик чодир тиклаттириди. У бу чодирга кириб мендан Арон воқеаларини суриштира бошлади. Бу оғир кунларда рўй берган хуфя воқеалар ва одамлар қалбидан кечган ўй-фикрлар билан қизиқди. Кейин менга турли жойларнинг ҳукмдорларига ёрлиқлар ёзишни ва уларнинг баъзиларида Шарафулмулк хиёнаткорлиги ҳақида эслатиб ўтишни буюрди. Мен мактубларда, ёрлиқларда унинг номини Фахриддин ал-Жандий деб тилга олдим. Кейин бу ёрлиқлар ва хатлар Султонга муҳр босиш учун киритилди.

Сўнг Султоннинг яқин одамларидан бири унинг ҳузуридан чиқиб, менинг олдимга келиб деди: “Сен Шарафулмулкнинг “Билдиричин” деган лақаби борлигини бил-

майсанми? Султон уни айни кунларда шу лақаб билан атаётганидан хабаринг йўқми?” Мен унга шундай дедим: “Икки сабабга кўра унинг номини шундай деб ёзмадим. Биринчи сабаби: у қальъадан чиқиб, хизматга қайтиб келди ва эндиликда Султоннинг менга муносабати яхши, ўтган гаплар ўтиб кетди, деб ўйлади. Шу учун агар у ўзини “Билдиричин” лақаби билан атаётганимизни билса, ҳеч шубҳа йўқки, душманлардан бири томонга қочиб ўтади ва яна ғаламисликларини бошлайди. Иккинчи сабаби: агар унинг бу лақабини бошқалар эшигаса, Султон уни бундай ҳақоратмуз лақаб билан атагани ҳолда қандай қилиб ўзига вазир қилиб олди экан?”, деб ҳайрон бўлмайдими?».

Менинг бу гапларимни Султонга айтишганда у индамасдан тайёрлаган хатлар ва ёрлиқларга муҳр кўйиб берди. Кейин ўша куни кечқурун атрофига энг яқинлари йиғилган пайтда мени хузурига чақирди. Жалолиддин яқинлари мени Арронга жўнатиб, тарқалиб кетган қўшинни бир байроқ остига тўплашим учун буйруқ беришга Султонни кўндиради. Мен у ерда қўшин билан бирга туркманларни ҳам йиғишим керак эди.

Мен улар хузурига кирганимда Султон бу хусусда фикрим қандайлигини сўради. Мен унга ҳаммасини сиз ҳал қиласиз, деб жавоб бердим. Шунда у бундай деди: “Биз Арронга одам юбориш масаласини ҳал қилганимиз. Бу одам қўшинни ва туркманларни тўплаши лозим. Улар тўпланганидан кейин биз Ганжага юриш бошлаймиз. Унинг яқинида бу лаънатилар (тоторлар) билан жангта киришамиз. Шунда ё тақдир бизга кулиб боқади, ё омад биздан юз ўтиради. Лекин биз ўша қўшин ва туркманларни йиғишига борадиган одам, нима бўлмасин, пул биланми, совғалар биланми уларнинг кўнглини топа оладиган бўлишини истаймиз. Атрофимдаги одамлар орасидан бирор тасини бу ишни қилишга қодир дея олмайман!” У бу гапларни яна такрорлай бошлади, шунда Султон бу хавфли ишни мен ўз зиммамга ихтиёрий равишда олишимни истаётганини тушундим. У мени бу ишни бажаришга хоҳиши йўқ, деб ўйлаётганди. Унга бундай деб жавоб бердим: “Дарҳақиқат, хукмдорлар кўл остидаги хизматкорлар ва қуллар куролга ўхшайдилар, улар гоҳида хожасига

узоқ йиллар яхши хизмат қиласылар, гоҳида эса бир зарбадаёқ ишдан чиқади”.

Шундан сүнг менинг номимга ёрлиқ битилди ва тунда йўлга чиқдим. Бир гурӯҳ ҳоилар, амирлар, туркман отликлари қошидан иккинчисининг ёнига ўтдим. Тоғлар, боғлар ошдим, туркман уруғларидан кўпчилигини бу ишга даъват этдим. Султон хизматига бир неча кундан кейин қайтиб келдим. Шунда Султон қароргоҳи одатдагидан жонланганини, бу ерда минглаб янги лашкарлар пайдо бўлганини, қўшинлар сафи кучайганини кўрдим.

Аррондаги тоторлар Султон қўшинлари йиғила бошлаганини эшифтгач, Учонга, беҳисоб кучлари тўпланган жойга қайтиб келдилар. Тоторлар аллақачон Фахриддин Ҳамза ан-Нишопурыйга ва Бойлаконнинг султонига элчи юбориб, уларни ўзларига бўйсунишга даъват этган эди. Султон водийдаги Каркар (Farqar) дарёси бўйида тўхтаганида, Фахриддин тотор элчисини унинг ҳузурига юборди⁴. Элчининг тақдирни Султон эътиборига ҳавола этилди. Бу элчи лаънати Ётмаснинг вазири, ўз динидан қайтган ат-Тоҳир эди⁵.

Элчи байроқлар остига келтирилгач, Султон у билан гаплашиши, лаънати Чормағун бошчилигига келган қўшиннинг сони, улардан қанчаси тажрибали, жанг кўрган лашкарлар эканлигини сўрашни менга буюрди. Султон унга “Агар сен тўғри гапирсанг, ҳақиқатни айтсанг, ҳаётингни сақлаб қоламан”, деди. Ундан бу ҳақда сўрадим, у бундай деб жавоб берди: “Чормағун Султонга қарши курашга тайёр гарлик кўраётган, юришга ҳозирланалётган пайтда Бухорода лашкарларни кўриқдан ўтказди. Шунда қайд дафтарига йигирма минг лашкарнинг номи битилди, булардан ташқари, катта микдорда кўнгиллилар ҳам бор эди”. Унинг айтганларини Султонга тақрорлаганимдан кейин Жалолиддин менга: “Уни тезлик билан йўқ қилинглар, бизникилар тоторларнинг сони қанча эканлигини билиб, кўрқиб қочиб кетмасинлар” деди.

⁴ Жалолиддин ҳақиқатан ҳам бу хусусда Иване Мхаргрдзе-лига мактуб йўллаган. Бу мактубни Иване ал-Малик ал-Ашрафга юборган.

² Ан-Насавий асарида қалъанинг номи “Зибатра” деб ёзилан. Бу номдаги қалъа юқорида айтилган жойда бўлмаган. У Сичик Осиёда жойлашган. Бу ерда эса ўша шайтда “Қалъа ғара” бўлган. Унинг харобалари ҳозирги Шуша яқинидан.

³ Зарис қалъаси ҳам Шуша яқинидан жойлашган.

⁴ Каркар (Farpap) дарёси Ағдам тоғларидан бошланган.

⁵ Ётмас нўён ҳақида 61-бобга қарант.

102-БОБ

ШАРАФУЛМУЛКНИНГ СУЛТОН ТОМОНИДАН ЖАРБАРД ҚАЛЪАСИДА БАНДИ ҚИЛИНИШИ ВА БИР ОЙДАН КЕЙИН ЎЛДИРИЛИШИ БАЁНИ

Султон Аррон теграсида бўлган Жарбард қалъасига иқинлашгач Шарафулмulkни кўлга олишга қарор қилди. Қоразмшоҳ қалъанинг ахволини кўздан кечириш ниятида унга томон йўл олди. Бу ерга келгач Шарафулмulkning қалъада эканлигини билди. У билан бирга қалъа геласига кўтарилди. Кейин Султон қалъа волийси Сахлан Соликбек билан учраши. Бу ёвуз ниятли, қаттиқўй, кекса одам эди. Султон унга қалъадан чиқаётган пайтда Шарафулмulkning олдини тўсиш, уни қўлга олиб, занжирбанд қилиб қалъага қамаб қўйиш ҳақида хуфя тарзда буйруқ берди.

Султон, агар уни тутиб банди қилишолмаса аҳвол оғирлашади, у бирор томонга қочиб кетади ва яна ғалаёнларни келтириб чиқаради, деб ҳадиксиради. Жалолиддин кўнглида унинг кейинги тақдирини ҳам ўйлаб қўйган, бу ҳақда шундай дерди: “Ҳозирча, тоторлар тинчигунга қадар бандиликда сақланиб турсин. Кейин уни озод қиласиз ва вазирлик ишини топширамиз. Лекин у мамлакатнинг ушр, солиқ ишларига аралашмайдиган бўлади. Унга ойига минг динор ҳақ тўланади. У халифа вазири сингари чиқим харажатларининг ҳисоб-китобини қиласи, холос!”.

Волий уни (Шарафулмulkни) қалъага қаматтириди. Бундан кейин, бир неча кундан сўнг волийни қалъа ташқарисидаги йигинга таклиф этишиди. Қалъа ташқарисида одамлар худди уяси бузилган қушлар, ҳаждан қайтаётган карвондаги зиёратчилар сингари бақириб-чақирадилар. Унинг устидан беҳисоб шикоятлар йигилганди. Султон

эса сукут сақлар, шикоятчилар гапларига қулоқ тутмас, бу золим, лекин кекса волийни ўша пайтда қандай сақлаб қолиш йўлини ўйларди. Кекса волий эса Султон мени волийликдан олиб ташлаб, ўрнимга бошқани қўймоқчи деб ўйлаб, ҳеч кимдан ижозат сўрамасдан қальяга қайтиб кетди.

Султон Шарафулмулкни тутқунликка ташлаттирганидан кейин унинг мамлукларини Утурхон қўлига топшириди. Унинг мамлукларининг бошлиғи Носириддин Куштемир эди. У бир кун Утурхон хузурига Шарафулмулкнинг узугини олиб келди. Бу узукни қалья ҳукмдори кекса волий берганлигини таъкидлади. Кекса волийнинг сўзларини ҳам унга етказди: “Мен сенинг ҳукмдоринг (Шарафулмулк) билан уни озод қилиш ҳусусида келишдим. Бизлар гуржилар билан тил топишиб, тинчлик битими туздик. Улар унга (Султонга) қарши ғалаён кўтарадиган, жанг қиласидиган ва ундан аламларини оладиган бўлди. Бу ишда ким Шарафулмулкка ёрдам бермоқчи бўлса, қальга келсин”.

Султон бу ҳақда эшитганидан кейин бунга қарши нима қилишини, нима тадбир белгилашини билмай боши қотди.

Кекса волийнинг ўели Султон паҳлавонлари ва жамақдорлари сафида хизмат қиласиди². Султон уни хузурига чақирди ва отасини ёмон ниятлардан, хоинлик йўлидан қайтариш учун унинг ёнига юборди. У отасига Султоннинг қилган яхшиликлари, саховати, муруввати ҳусусида эслатди. Отасининг қилаётган ишлари яхшилика ёмонлик, дўстликка душманлик эканлигини, бундай аҳволнинг юзага келишига ҳеч қандай сабаб бўлмаганлигини таъкидлади.

Шундан сўнг бу гулом Султон хузурига келиб отасининг ўз ниятларидан қайтганлигини, адашиб, ўлимга маҳкум этувчи ёмон йўлларга кириб қолганлиги учун афсус чекаётганлигини етказди. Агар Султон бу гуноҳкор банданинг айбини кечирса, уни волийлик давозимида қолдирса, унга содик кул бўлиб хизмат қилишини айтди. У қилган барча гуноҳлари учун кечирим сўради. Султон унга чопар юбориб бундай деди: “Агар сенинг гапларинг, тавба-тазарруъларинг рост бўлса, менга Шарафулмулкнинг

бошини юбор". У чопар билан бирга унинг ўғлини ва бешта сипоҳсоларни кўшиб қалъага жўнатди.

Ҳақиқатан, улар уни боқий дунёга жўнатдилар, у машхур одамлар сингари ўлим топди. Шарафулмulkнинг хос мулозими, унинг ҳаётининг охирги дақиқаларигача ёнида бўлган Муҳаммад Оҳий бу ҳақда менга бундай ҳикоя қилиб берганди: "Улар унинг олдига кирганиарида у ўз жаллодлари келганини билди. У таҳорат олиш ва икки ракаат намоз ўқишга рухсат сўради.

Кейин мен унга сув иситиб бердим. У сувнинг ниҳоятда тоза бўлишига эътибор берарди. Бу гал ҳам, гарчи унинг бошига ўлим соя ташлаб турган бўлса ҳам сувни текшириб кўрди. Кейин у таҳорат олди ва икки ракаат намоз ўқиди. Сўнгра Куръондан бир парча қироат қилди. Кейин уларга киришга рухсат берди ва бундай деди: "Мендан олинаётган бу қасд кофиirlарнинг сўзига ишонган одамнинг ишидир!". Улар ундан: "Бўғиб ўлдирайликми, қиличда чопайликми, сенга қайси бири маъкул?", деб сўрашди. У: "Қилич билан ўлдирганингиз яхши", деб жавоб берди. Шунда улар: "Амалдорларни қилич билан ўлдиришмайди, бўғиб ўлдириш сен учун осон" дейишли. У: "Билганларингизни қилинглар!" деди.

Улар уни бўғишли ва танаси совисин деб ташқарига чиқишли. Кейин улар унинг калласини кесиб Султонга олиб кетиш учун қайтиб киришли. Лекин улар киришгач унинг ўлмаганини, ўзига келиб, ўтирганини кўришли. Шундан сўнг унинг калласини олишли. У шу тарика Яратганинг ҳузурига йўл олди, қилич уни гуноҳларидан, хиёнаткорона ишларидан халос этди. Ҳақиқатан ҳам, унинг ўлимидан кейин давлат, сарой ишлари бироз бўшаши. Муъаййиддин Абу Исмоил ат-Туроий қуйидаги мисраларни гўё унга атаб ёзгандек эди³.

Шавкатли салтанат барбод бўлди шу тахлит,
Ўз-ўзини кўз-кўзлаб чарчаб қолди саковат.
Аллоҳ марҳаматига умид боғлаб кутдингиз,
Кажрафтор дунё асло сизга вафо қилмади.
Сизга сабоқ бўлмадими Бармоқйлар қисмати?
Гугурт чўпидек осон синдирилар уларни.
Бошин эгиг, Эзгулик кетди белгисиз ёқка,
Ўлимтиклар тулага кирди тун ёлинчиғи.

Агарда шу тун сизни бағрига олиб яна
Хавф-хатар шарпасини маҳв этиб олса эди,
Аввалги улуғворлик тикланар эди тақрор,
Саховатда сизга тенг келолмас эди ҳеч ким.
Буюклик ва қабиҳлик тенгдир вақт қошида
Бу фано оламининг у якка ҳукмдори.
Бироннинг кўли билан йўқотади биронни,
Кушандасиз ҳеч нарса мавжуд эмас оламда.
Чиқмоққа чора йўқдир андуҳ комидан гарчанд,
Сиз ҳақда хотиралар яшаб қолди барибир.

¹ Жарбард — ўрта аср қальаларидан бири.

² Жамақдор — Султон девон ал-хассининг хизматчиларидан бири. Султоннинг шахсий мамлуги ёки шахсий қўшини лашкари.

³ Мўйайийиддин Абу Исмоил ат-Тугроий (1061—1121 ишлар — салкуқий султонларнинг сарой шоири.

⁴ Бармоқийлар — Аббосий халифалар ас-Саффоҳ, ал-Мансур, Хорун ар-Рашид даврида уларнинг вакиллари вазирлик қилган. Хорун ар-Рашид даврида бармоқийлар сулоласининг ҳаммаси ўлдирилган.

⁵ Жувайнний, Рашидиддин маълумотларига кўра, Шарафулмulkни вазирликдан четлаштириб, уни қатъ қилганларида Жалолиддин бундай деган: “Мен Билдиричинни хор-зорлиқдан улуғворликнинг юксак нуқтасига қадар кўтардим, унга яхшиликлар қилдим, у эса менга бу учун ёмонликлар қайтарди”.

103-БОБ

ШАРАФУЛМУЛҚНИНГ ҲАЁТИ ВА ФЕЙЛ-АТВОРИДАН АЙРИМ ЛАВҲАЛАР

Шарафулмулк олийхимматли ва сахий одам эди. Унинг учун пул қадрсиз бир нарса ҳисобланарди. У пулни олиш имкони бўлмаган жойдан олиб, сарфлаш лозим бўлмаган жойга сарфларди. У олимларни ва дарвишларни хурмат қиласди, улардан ҳеч нарсасини аямасди, уларга нафақалар (ал-идрагат) белгилар, совға-саломлар улашарди. У кўнгли юмшоқ, ҳакимтабиатли одам эди, Куръонни ўқиса ёки бирор диний вазъ эшитса, ҳўнграб йиғлашдан ўзини тия олмасди. Унинг вазирлиги даврида нафақалар миқ-

дори доимий күпайиб борди. Агар Султон уни бу лавозимдан четлаштирганида девоннинг барча даромадларини нафақалар учун сарфлаган бўлар эди.

Хоразмшоҳлар даврида нафақа тўлашда бир одат бор эди: улар ўзлари белгилаган нафақалардан ташқари қадим замонлардаги ҳукмдорлар, ҳатто душманлари томонидан жорий этилган нафақаларни ҳам тўлардилар. Шу учун Хоразмшоҳлар қўл остидаги мамлакатда салжуқий сultonлар, ҳатто ундан олдин ҳукмдор бўлган Маҳмуд ибн Собуктегин давридаги белгиланган нафақалар ҳам ҳисобга олинарди¹. Улар белгиланган нафақани тўламаслик мамлакат учун ёмон иш, ҳукмдор учун уят деб ҳисобларди.

Юқорида айтганимиздек, Шарафулмулк вазирлиги даврида нафақа миқдори олдинги пайтлардагига нисбатан бир неча баравар ошди.

Бир гал унинг ҳузурига совға олиш учун шайх фақиҳ Зайнiddин Абу Ҳамид ал-Қазвиий келди. Бу воқеа Бойлаконда бўлиб ўтганди. Мен шайхни вазир ҳузурига у дўстлари билан ўтирган пайтда олиб бордим. Ал-Қазвиий улар ҳузурида ваъз ўқиб, шундай сўзларни айтдики⁶, Шарафулмулк буларни эшишиб йиғлади. Кейин шайх бундай деди: “Менинг хотиним Ироқда энг билимдан фақиҳ ҳисобланган, Рафъон номи билан танилган, “Шарҳ ал-важиз” асарини яраттан Имомиддиннинг қизи. У менга бешта фарзанд ато қилди². Учта қизим, иккита ўғлим бор. Улар балогат ёшига етай деб қолди. Аммо уларга берадиган маблагим йўқ”.

Шунда Шарафулмулк Қазвииин девони орқали унинг ҳар бир қизига икки юз, ўғиллари учун юз динордан пул тайинлади. Бу ҳақда ёрлиқ ёздириди. Улар бу пулни ҳар йили нафақа сифатида оладиган бўлди.

Шайх унинг кўли очиқ ва саҳий эканлигини кўргач, қўшимча қилди: “Биз кексалар — ота-онанинг айбимиз нима эканки, бундай муруватдан четда қолсак?”. Вазир уларга ҳам йилига юз динордан йиллик нафақа тайинлади.

Ха, аҳвол ана шундай эди. Бу девон маблағларини аёвсиз сарфлаш эди, у узоқ келажакни кўра олмасди, ўзу кунги кун талаби билан яшарди. Аслида унга мамлакатдаги амирларни бошқариш вазифаси юқлатилганди. Леп-

кин у саҳоватлилги билан ном чиқарган, бу борада кўп ишларни қилиб улгурганди. У ҳужжатларни тайёрлашни билмасди, ахлоқий жиҳатдан ҳам етарли тарбия топган деб бўлмасди. Ҳисоб-китоб ишларига, умуман, ақли етмасди. Аслида, бу вазирлар ва котиблар учун энг керакли соҳа ҳисобланарди. Агар у форсийда бир қатор гап ёзса, ўнлаб хатоларга йўл қўярди.

Унинг кайфияти тез-тез ўзгариб туарди: дўстга ҳам, душманга ҳам муносабатда қатъий эмасди, гоҳ дўстга душманлик қилса, гоҳ душмани билан дўст бўлиб ҳам кетаверарди. Туркийларга нисбатан ҳурмати юксак эди ва туркийда ниҳоятда яхши гапиравди. У бировга таъна қилмасди.

Унинг султонларга йўллайдиган мактубларига, номаларига қўядиган тамғасида “Улуг Оллоҳга ҳамду санолар бўлсин!” деган сўзлар бор эди. Девон буйруқлари, қарорларига эса “Бунга ишон!” деган сўзлар битилган тамғасини босарди. Шахсий мулклари ноиблари, бошқарувчиларига йўллайдиган топшириқларидағи тамғада “Ишон!” (Иътиmod конид!) сўзи форсийда ёзилган бўлиб, унинг тепасида “Абулмакарим Али ибн Абулқосим Амир ал-Мўмининнинг содиқ қули” деган сўзлар битилганди. У рўйхатлар, ҳисоб-китобларга “Бу тўғри!” (Саҳиҳун залика) сўзли тамғасини босарди.

Султон дастлаб унга ишонди, сўзларига қулоқ солди, маслаҳатларини қабул қилди, ишларни унинг таклифлари асосида амалга оширди. Девонни бошқаришда унга рақиблик қилғувчи бўлмади. Султон узоқ вақтгача унинг таъсири остида бўлди. У нимани хоҳласа, Султон орқали шуни қилдирди. Агар у интилган мақсади йўлида, фикр юритишда бачканаликлардан халос бўлиб, ўз куч-қудратини давлат зўммасига юклаган вазифаларни бажаришга қаратганида эди, чинакам бахтга мушарраф бўларди. Бунинг учун унда барча иқтисодий имкониятлар мавжуд бўлиб, бу имкониятлар уни шер каби қудратли, бургут мисол баландпарвоз қила оларди. Бу ҳолда, аҳвол бутунлай бошқача кечарди. Аммо унга Оллоҳ инъом этган тақдир бошқача бўлиб чиқди, азалий битик ўз ишини қилди: “Дарҳақиқат, фазлу марҳамат Оллоҳнинг қўлида бўлиб, уни фақат ўзи хоҳлаган кишиларгагина ато этади”. “У истаган нарсасини амалга оширгувчи”**.

¹ Яминаддавла *Маҳмуд ибн Собуқтегин* — ғазнавийлар сулоласининг еттинчи султони, 998—1030 йилларда ҳукмронлик қилган.

² *Имомиддин Рафъон* — Абул Қосим Абукарим ибн Муҳаммад ал-Қазваний (1160—1227 йиллар) — шофиъия мазҳабидаги таникли фақиҳ. У ал-Фаззолий асарига “Китаб фатҳ ал-азиз фи шарҳ ал-важиз” деб номланган 16 та жилдан иборат шарҳлар китобини яратган.

104-БОБ

СУЛТОННИНГ ГАНЖАГА ЖЎНАЩИ ВА УНИ ИККИНЧИ БОР БОСИБ ОЛИШИ БАЁНИ

Ганжалик бир гурӯҳ ярамас, разил одамлар (авбошлар) шаҳардаги хоразмликларни ўлдирганликларидан кейин ғалаённи кучайтириб, ўзларининг ёмон ниятларини намоён қила бошладилар. Уларга Бандар номи билан танилган одам бошчилик қиласарди, қора ниятли авбошлар унга қулоқ соларди. У бошқаларнинг яхшиликларига ёмонлик билан жавоб қайтарди, одамларни жарималар тўлашга мажбур қилди. Ўзига ҳамроҳ бўлмаганларни қаттиқ жазолади. Манманлигидан қалбига қулоқ солмади. “Оқибатда ҳалокатни зиёда қилди”*.

Султон мени ва ҳожиб ал-хасс Ҳонбердини улар хузурига йўллар экан, шундай буйруқ берди. Бизлар Шутур қишлоғига, уларга яқин жойга бориб тўхташимиз, уларни итоатгўйликка чақиришимиз, бўйин эгмасликнинг оқибати ёмонлик билан тугашидан огоҳлантиришимиз керак эди. Бир неча кун давомида Ганжа атрофида бўлдик, улар билан музокарапар олиб бордик, адолатсизлик эшигини очиш ёмон оқибатларга сабаб бўлишини тушунтирдик ва огоҳлантиридик. Ҳақиқатан, кураш йўлига кирган одам сабр-тоқатли бўлмоғи керак. Ким курашда тинчлик йўлини тополмаса, унинг ўйлашга ва йўл танлашга имкони бўлса, қийинчиликлар билан тўқнашув, жанг бошлаш олдидан бошқа йўлларни ҳам излаб кўриши зарур. Шу сабабли итоат қилмайдиганлар охир-оқибатда қандай ёмонликларга дуч келишлари ҳақида ўйлашлари лозим. Низолар ҳамиша кўздан уйқуни, танадан қалбни,

инсондан мол-мulkни ажратишга қаратилган. Шунинг учун хавфли ишларга қўл урмаслик, кўнгилсиз воқеаларга интилмаслик керак.

Бизлар уларнинг ҳузурига борганимизда “улар бармоқларини кулоқларига тикиб, кийимларига ўралиб-чирмалиб олдилар, оёқ тираб турдилар ҳамда кибру ҳаво қилдилар”.*

Бизнинг ҳузуримизга раис Жамолиддин ал-Кумий болалар билан бирга чиқди, бизлар бу разил одамлар билан тил топишишдан умидимизни уздик. Шундан кейин Султон одамлари билан бирга келди ва Ганжанинг боғларидан бирида тўхтади. Султон галаёнчилар ёнига изма-из чопарлар жўнатди, исёнчилар низоларни тўхтатса қилмишларини кечиришга, уларга яхшиликлар қилиб, омонлик беришга ваъдалар берди. Унинг берган ваъдаларини эшитса, қоялардаги музлар эрир эди, аммо бу ғаламисларнинг кўнгли юмшамади. Уларнинг ақл-хушларини бошқа нарса эгаллаб олган эди. Уларнинг йўлбошчиси Бандар ўз ғаламислигини давом эттирди. Яъни, “Улар Ерда мутакаббирлик қилди ва ёмон макр-ҳийла этишди. Ёмон макр-ҳийла эса фақат ўз эгаларини ўраб ҳалок қилур”.*

Авбошлар шунинг ўзи билан ҳам қаноатланмади. Удар бизни ҳақорат билан кутиб олдилар, ҳатто жанг қилиш ниятини ҳам билдирилар. Улар боғ деворлари ёнига келиб, Султон чодирига қарата бир неча ўқ ҳам уздилар. Султон шу заҳотиёқ ўз яқинлари билан уларга қарши от миниб чиқди. У бу авбошларни яхшилик, панд-насиҳат, ҳақиқаттўйлик билан тартибга келтириб, қон тўкишнинг олдини олиб бўлмаслигини англаб етди. Улар панд-насиҳатни тушунишдан йироқ кимсалар эканлиги маълум бўлди.

Айтишадики:

Ҳақ гап: ёмон ҳузурида ортиқча мўмин-қобиллик —
нодонлик¹.

Султон кетидан унинг шахсий лашкарлари, хос мулошимлари ҳам авбошлар устига ташланишди. Бу лашкарлар ёш, тоғни урса талқон қиласидиган, ҳеч нарсадан Қўрқмайдиган ва қайтмайдиган, Султон учун жонини курбон қилишга тайёр туркӣ ўғлонлар эди. Улар аёвсиз

жанг қилдилар, авбошлар устига ўлим ёғдирдилар. Улар ҳам Султон лашкарларига ташландилар. Лекин орадан кўп ўтмай мажакланган гавдалар ва узилган каллалардан авбошларнинг чекинаётгани мъълум бўлди. Улар кўз етган жойга, гёё бўрилардан қўрқан қўйлар тўдаси, бургутлар ҳужумидан эсанкираган қушлар галаси сингари қочдилар. Отлиқлар лиёдалар билан, ҳужум қўлувчилар ҳимоячилар билан аралашиб кетдилар.

Султон улар билан бирга қўшилиб шаҳар ичига бостириб кирди. Исёнчилар дарвоза олдида кўплаб тўдаланиб қолдилар, бундан фойдаланган Султон уларнинг дарвозани ёпиб олишига имкон бермади. Лашкарлар шаҳарни таламоқчи бўлдилар, аммо Султон бунга йўл қўймади.

Шундан кейин Султон шаҳарнинг бойлари ва таниқли кишиларини ҳузурига чақирирди. У уларга бу ғалаёнларни келтириб чиқаргандар ва унда иштирок этган йўлбошчиларнинг исми шарифларини ёзиб беришни талаб қилди. Улар ўтизта одамнинг номини ёзиб беришди. Аслида исёнда кўплаб одамлар қатнашганди, исёнчилар сафид яхшилар ҳам, ёмонлар ҳам бор эди. Фаламислар ўз сафига давлатга зиён етказганларни ҳам, унга фойда келтирганларни ҳам қўшиб олгандилар. Бу оломон эди, у подага ўхшарди. Бу оломондан биттаси қолган мингтасини орқасидан эргаштириши мумкин эди.

Султон номлари ёзилган ўтизтасини арк дарвозаси олдида каллаларини чопишни буюрди. Уларнинг оёғидан судраб шаҳар дарвозаси олдига олиб келишди, Султоннинг айттанини қилишди.

Исённи кучайтирган ва унга раҳбарлик қилган, Мұхаммад ибн Маликшоҳ даврида қурилган ҳамда ўрнатилган Султон тахтини буздирган Бандар эса халқ кўз ўнгигда қатл қилинди². Унинг танаси майда бўлакларга бўлиб ташланди.

Султон Ганжада воқеалар кейинчалик қандай кечишини кутиб ўн етти кун турди. Шундан кейин бу ердан кетиш ҳақида қарор қабул қилинди. Айни пайтда, тоторларга қарши курашда ал-Малик ал-Ашраф Мусодан ёрдам сўрашга келишилди. Султонга бу хусусда Утурхон ва яна бир гуруҳ қўрқоқ хон ҳамда амирлар маслаҳат беришди. Султон уларнинг маслаҳатига ташқаридан қара-

ганда кўнгандай бўлиб кўринса ҳам, кўнглида бунга қарши эди. Жалолиддин Килокун орқали Ҳилотга қараб йўл олди, йўл-йўлакай гуржилар мамлакатига ҳужум қилди, шаҳар ва қалъаларида қолган бойликларни ўзи билан олиб кетди.

Султон ал-Малик ал-Ашрафга ёрдам сўраб изма-из чопарлар жўнатди. Аслида бундай ҳолатда ёрдам сўраш бефойда эди. Чунки одамлар кўнглига бир марта мухрланган ёмонлик уларни тарк этмаслиги ва ҳатто бу ёмонлик аждодлардан авлодларга мерос бўлиб ўтиши ҳам мумкин эди. Бунинг устига душманга қарши кураща ўзига нисбатан ёмонлик билан қаровчилардан ёрдам сўраш жазирама иссиқдан қочиб оловга тутилишдек гап эди.

Ал-Малик ал-Ашраф душманга қарши кураща ёрдам бериш талаби билан ўз хузурига чопарлар жўнатилганини эшиттагч, Мисрга кетди ва ўша ерда қолди³. Султон элчилари эса Дамашқдан нариги томонга ўта олмадилар. Уларга ал-Малик ал-Ашраф мактуб йўллаб, “биз яқин кунлар ичida Мисрдан кўшинлар билан бирга йўлга чиқиб, Султон хизматига етиб борамиз”, деган хабарни етказди:

Жимираган саробга ўхшар эди ширин ваъдалар,
Бу ҳол шу алфозда куну ойлар этар эди давом.

Ҳа, аҳвол худди шундай эди. Султон эса йўлида давом этиб, Иване ал-Куржининг ўғли Авак жойлашган Бжни қалъасига етиб келди. У қалъя яқинида бир соат тўхтади. Бу вақтда Авак қалъадан чиқди ва узоқда туриб ерни ўпди. Шундан кейин у қалъага қайтиб кетди ва Султонга совғалар юборди.

Кўшин Валашжирдга етганида одамлар кун иссиклиги ва ёмғир ёғмаганидан нолий бошладилар⁴. Бунинг устига пашшалар одамлар ва ҳайвонларни чақиб қийнадилар. Шунинг учун улар бу ердаги тошлар ёрдамида ёмғир ёғдиришга қарор қилдилар⁵. Дастреб биз ёмғир ёғдириувчи тошлар борлигига, унинг ёмғир ёғдиришига ҳам ишонмадик. Лекин уларнинг ёмғир ёғдириши учун ҳаракатлари тақдир шарофати туфайли амалга ошганига бир неча бор гувоҳ бўлдик. Эҳтимол, бу бир ҳийла ёки афсундир. Аммо бу афсун остидаги ишлар ҳақиқат эди. уни кўрган одамлар ҳайратдан ёқасини ушлар эдилар.

Валашжирд яқинида турган пайтимизда ёмғир ёғди-рувчи тошларни Султоннинг ўзи ҳаракатга келтирди. Шундан кейин ёмғир ёди, ҳатто шу даражада ёғдикси, бир неча кун кечасию кундузи тинмади, ёмғир өдамларнинг жонига тегиб кетди. Одамлар тошларнинг ҳаракатга келтирилиб, бу даражада ёмғир ёққанидан афсуслана бошлади. Атроф сув ва лой бўлиб кетганидан Султон чодирига бориш ҳам қийинлашиди. Ўша кунлардаги ёғингарчилик хусусида Доя хотуннинг айтган қўйидаги сўзларини эшитдим: “Мен султонга “Сиз ҳақиқатан ҳам худованди оламсиз! (Одамлар ҳақиқатан ҳам унга шундай деб мурожаат қилишарди.) Аммо ёмғир чақиришда Сиз мөҳир эмас экансиз. Чунки Сиз ёмғирни кўп ёғдириб одамларни қийнаб ташладингиз. Сиздан бошқалар эса керакли микдорда ёмғир ёғдиришарди, холос” дедим”.

Шунда Султон менга: “Бу иш сен ўйлагандай осон эмас. Тошлар воситасида ёмғир ёғдириш инсондан астойдил ҳаракат ва иштиёқни талаб этади. Албатта, менинг бу борадаги ҳаракатим ва иштиёқимга қўл остимдаги одамларнинг ҳаракати ва иштиёқини тенглаштириб бўлмайди. Уларнига қараганда менинг иштиёқим юксакроқ”, деди”.

Ўша кунларда ал-Малик ал-Ашраф хузурига жўнатилган асосий элчи Мухтассиддиндан мактуб келди. Бу мактуб Жалолиддиннинг ал-Малик ал-Ашрафдан кутаётган ёрдам борасидаги умидини йўққа чиқарди. Элчи ал-Малик ал-Ашраф Мисрдан Султоннинг тоторлар билан муносабати, кураши у ёки бу томон бўлганидан кейин: ё Султон тоторларни енгиб кудратли давлатга айлангач, ё душман билан курашда мағлуб бўлиб, унинг давлати барҳам топганидан сўнг бориш нияти борлигини ёзган эди. Шу билан бирга у Султон эндиликда элчиларидан жавоб кутмай ўз ишлари билан банд бўлиши зарурлигини ҳам таъкидлаганди.

Султон шундан сўнг мени ал-Малик ал-Музаффар Шиҳобиддин Фозий ибн ал-Малик ал-Одил Абу Бакр ибн Аййуб хузурига юборди. Менинг зиммамга уни ва унга чегардош мулклар — Амид ҳамда Мардин ҳукмдорлари бўлган амирларни қўшинлари билан ёрдамга чақириш вазифаси юкланган эди. Мени улар хузурига йўллар экан, бундай

деди: “Агар улар хизматимизга етишадиган бўлса, ал-Малик ал-Ашрафнинг ёрдамига ҳожат қолмайди”. Шундан сўнг қўшимча қилиб деди: “Менинг номимдан ал-Малик ал-Музаффарга куйидаги гапларимни етказ: “Менинг хузуримга ёрдам бериш учун шошилгил, тоторларга ҳужум қилишда мени қўллаб-куватла! Дарҳақиқат, агар Оллоҳ, у ҳамма нарсага қодирдир, менга тоторлар устидан ғалаба ато қилса, мен сенга аканг доимо орзу қиласидиган энг яхши мулкни — Ҳилот ва унинг атрофидаги ерларни ҳадя қила-ман. Аслида бу мулк мен сенга берадиган нарсалар олдида арзимас нарса бўлиб қолади”.

У барча хон ва амирлар олдида менинг зиммамга ушбу масъулиятли ишни юклади. Маъваратда иштирок эттандар кетганларидан кейин Султон иккаламиз қолганимиздан кейин у менга бундай деди: “Уларнинг бизга ҳеч қачон ёрдам қиласлигига ва бошқалар устидан ғалабага эришишимизга имконият бермаслигига бирор марта бўлсин шубҳаланмаганмиз. Бизга ёрдам бермайдиганлардан гина-кудурат қилиб ўтирамаймиз. Яна шуни ҳам айтиш керакки, баъзилар (Султон бу ўринда ўз сафдошларидан — амирлар, лашкарбошилари, акобирларининг айримларини назарда тутмоқда) четдан ёрдам келса, оғир жангга кирмаймиз, ўлим билан юзма-юз бўлмаймиз деган пуч умидлар билан ўзларини овунтироқдалар. Улар бундай алдоқчи орзулар билан бизнинг ҳам асл мақсадларимизга эришишимизга халақит бермоқдалар. Шу сабабли мен сени элчи қилиб танладим. Сен белгиланган юртга бориб, у ердан афсус-надомат билан, умидсиз ҳолда қайтиб келасан. Натижада ҳавойи орзулар барҳам топади. Шундан кейин биз Исфахонга борамиз ва ўша ердагина кучимизни тўплаб, мадад олишимиз мумкин”.

Мен элчи сифатида йўлга отланганимга қадар Султон олти минг отлиқ лашкарини Хартбард, Арзинжон, Малатия шаҳарларини талаш учун юборганди. Натижада бу лашкарлар ушбу шаҳарларни талон-тарож этиб, катта ўлжа билан қайтдилар. Шундан кейин мол нархи ниҳоятда арzonлашиб кетди, йигирмата қўйни бир динорга пулладилар. Султон бу ишни Аловуддин Қайқубоддан жаҳли чиққани, унинг мактублар ёзиб Ҳилотни қайтариб бериш ҳақида доимий равишда илтимос қиласи, ўзи эса

унга ёрдам бермай ал-Малик ал-Ашрафга ён босгани учун қилганди.

Бу воқеалардан кейин ҳам ал-Малик ал-Музаффар ҳузурига бордим ва унга номани топширдим. У номани олганидан сўнг бундай деди: “Ҳақиқатан ҳам, мен Султонга содик бўлиш ҳақида қасам ичганман. Лекин Аловуддин Қайқубод ҳузурида ҳам шундай қасамёд қилганман. Мен яқинда Султон лашкарларининг Қайқубод мамлакатига хужум қилганини ва ўлжа олинган бойликларнинг Султон қароргоҳига олиб борилганини билдим.

Бундай хужум бизга ҳам бўлмаслигига кафолат борми?

Тўғри, мен ҳар иккала қасамимга ҳам содикман! Аммо ҳар қандай ҳолда ҳам мен ўз фикримни мустақил равишда айтиш имкониятига эга эмасман, чунки бу ерда мен акаларимнинг тайинлаб кўйган бир ноибиман, холос. Шундай экан, мен уларнинг рухсатисиз Султонга қандай қилиб ёрдам бераман? Қолаверса, менинг кўшиним Султон лашкарлари олдида дентиздан бир томчи, кўплаб чаандозлар олдида ёлғиз чавандоз кабидир.

Амид ва Мардин ҳукмдорларига келсак, улар менинг буйруқларимни эшитмайди ҳам, бажармайди ҳам. Уларнинг Султон билан мактублар ёзишиши бизга сир эмас. Шундай экан, Султон уларни ўз хоҳишлирага кўра сафига кўшиб олсин, ўзига нисбатан садоқатини тоторларга қарши биргаликда қурашда синааб кўрсин. Улар иккаласининг содиқлик ҳақида онтлари ёлгон, ўzlари иккижузламачи, дини ислом йўлидаги ниятлари холис эмаслигини Султон ҳам билиб қўйсин. Ал-Малик ал-Ашраф эса Султонга хизмат қилиш ниятида ҳаракат қилмоқда. У ўз сўзида турадиган одамлардан. Унинг Мисрга кетиш сабаби эса Миср кўшинларини Султон хизматига олиб келишдан иборатдир”.

¹ Ал-Мутанаббийнинг ал-Файюм ҳукмдори Абу Шужа Фатакка бағишинган қасидасидан. (Абу Шужа 960 йилда вафот этган).

² Фиёсиддин Муҳаммад I ибн Маликшоҳ I (1106—1118 йиллар оралиғида ҳукмронлик қилган) — салжуқий султонларнинг еттинчи авладига мансуб.

³ Ал-Малик ал-Ашраф Дамашқдан Мисрға 628 йил жумади аввал ойининг 10 кунида (1231 йилнинг 16 марта) кетган.

⁴ Валашжирд (Валашгирд) — Туркиядаги шаҳар. У Харпудан шимол томонда жойлашган.

⁵ Ёмғир ёғдирувчи тошлар ҳақида Жувайний, Рашидиддин ҳам маълумотлар берганлар.

105-БОБ

ТОТОРЛАРНИНГ БЕРКРИГА СУЛТОННИ ИЗЛАБ ДАРЁДАН КЕЧИБ ЎТГАНИ ҲАҚИДАГИ ҲИЛОТДАН МАЙАФОРИКИНГА КЕЛГАН МАЪЛУМОТНОМА ВА МЕНИНГ АЛ-МАЛИК АЛ- МУЗАФФАР ҲУЗУРИДАН ҚАЙТИШИМ БАЁНИ¹

Мен ал-Малик ал-Музаффар билан хайрлашишим арасида унга Беркридан маълумотнома келди. Унда тоторлар Султон қаердалигини билиб, уни изма-из таъкиб этиш мақсадида дарёдан кечиб ўтиб шаҳарга йўл олганини эслатиларди. Ал-Малик ал-Музаффар бу маълумотномани менга йўллар экан, чопарига бундай дейишни буюрганди: “Ёғий (тоторлар) Ҳилот атрофига бориб Султонни изламоқдалар. Яқин кунлар ичida уларнинг тўқнашуви муқаррар. Шу учун балким сен бу ерда қоларсан. Кейин нима қилишни қандай воқеалар рўй беришига қараб ўйлаб кўрардик”.

Мен чопарга Куръони Каримдаги “Оллоҳ жиҳод қилгувчиларни ўтириб олувчилардан улуг мукофот — Ўз томонидан бўлажак юксак даражалар, мағфират ва марҳамат билан афзал қилди”, деган сўзларни эслатдим. “Менинг ҳаётим Султонникига нисбатан қадрлироқ эмас ва мен ундан кейин жонимни асраб қолувчилар тоифасидан эмасман”, дедим. Бу гапларни ҳукмдорига етказишни тайинладим.

Унинг (ал-Малик ал-Музаффар) ҳузурига хайрлашиш учун кирганимда сұхбатимиз бундай давом этди: “Султоннинг аҳволи эндиликда ё ундан, ё бундай кечиши аниқ — у ё ғолиб бўлади, ё мағлуб бўлади. Лекин бу ҳол қандай кечишидан қатъий назар, унинг ғалабаси ҳам, мағлубияти ҳам сизлар учун қийинчиликлар келтириб чиқаради”, дедим. “Нима учун ҳар икки ҳолатда ҳам бизга қийин бўлади?” деб сўради у. “Агар у ғолиб бўладиган

бўлса, ўз вақтида ёрдам бермаганларингиз учун унинг кўнглини олиш мақсадида барча бойликларингизни оёгининг остига сочганларингизда ҳам муддаоларингизга эриша олмайсизлар. Агар у мағлуб бўлса, тоторлар билан қўшничилик зарбаларини тотиб кўриб, уни эслайсизлар, афсуски, унда афсус-надоматлар сизларга ёрдам бера олмайди”, дедим. “Бу сўзларингнинг ҳақлигига шак-шуҳба йўқ, аммо нима ҳам қила олардим, ахир мен ўзим бирорларга қарам бўлсан”, деди.

Шундан кейин мен у билан хайрлашиб Хони томонга от чоптириб кетдим². Чунки бу ерларга узлуксиз келиб турган мълумотлар Султон байроқлари Жабаҳжур чегараларида пайдо бўлганлиги ҳақида хабар берарди³. Күёш ботиш арафасида мен Мағора деб номланган Қишлоқда тўхтадим. Бу ерда тўхтадан мақсад, отларга дам бериб, уларни тўйдириб олишим, кейин кечаси билан йўл юришим керак эди. Шу жойда кўзим илиниб, туш кўрибман. Тушимда каллам тиззаларим устида эмиш; сочим ва соқолим худди куйган каби йўқ эмиш. Шундан сўнг тушимда бу тушнинг таъбирини ўзимга ўзим айтиб бундай дермишман: “Бошим — бу Султон: у ҳалок бўлади, уни ўлимдан асраб қолиш имконияти йўқ. Соқолим — бу Султон хотинлари: улар асир қилиб олинадилар, тутқинликда сақланадилар. Сочларим — бу бойликлар, улар талонтарож қилинадилар”. Кўрган бу тушимдан даҳшатга тушдим, шу учун кўрқиб уйғондим. Мен йўлимда давом этдим, қайғумнинг чеки йўқ эди. Тун бўйи бир оғиз ҳам гапирмадим, шу тариқа Хонига этиб бордим. Бу ерда водийда кўшин юклари ва лашкарлар хотинларини ортган араваларга дуч келдим. Шу ерда Султон Жабаҳжурда пистирмада ётганлиги ҳақида эшитдим. Унга тоторларнинг яқинлашиб келаётгани ҳақида хабар беришган экан. Бундан оддин тотор амирларидан бири, ҳазора — минг отлиқ лашкарнинг бошлиги Кўкэ Бижкэм бир айб иш қилиб қўйиб, ўз ҳаётини сақлаб қолиш учун лашкарлари билан тоторлар сафини тарқ этиб, Султон кўшинига келиб қўшилган. У тоторларнинг отларини тақалиб, сафар учун жiddий тайёргарлик кўришганини, Султонни қаерда бўлишидан қатъий назар таъқиб этиб, тутиш нияти борлигидан огоҳ қилган. У Султонга тоторлар учун йўлда ўлжа қол-

диришни, ўзи эса пистирмада туришни, улар ўлжани та-лаш билан банд бўлиб турган пайтда бирдан ҳужум қилиб, қириб ташлашни маслаҳат берган. Бу тўғри маслаҳат, оқилона тадбир эди. Щу учун Султон Утурхонни тўрт минг отлик лашкарга бош қилиб қўшиннинг илгори си-фатида отлантириди. Жалолиддин Утурхонни ўзига яқин олар, унинг мардлик ва садоқатига ишонар, бошқаларга нисбатан унга меҳр билан қарапди. Султон Утурхонга то-торлар яқинига бориб уларни ортидан эргаштириб, пис-тирма яқинига — ўлим сиртмоғига бошлиб келишни бу-юрган эди. Бироқ Утурхон қайтиб келиб Султонга, то-торлар Маназжирд чегараларидан орқага чекиниб кетибди, деган хабарни етказди. Бу алдов эди. Ҳа, бу Утурхоннинг кўрқув олдидағи ожизлиги, олчоқлиги туфайли туғилган ёлғон эди.

Султон ҳақида, унинг Жабахжурда пистирмада экан-лиги тўғрисидаги хабарни эшитганимдан сўнг унинг хиз-матига шошилдим. Мен уни юқ аравалари томон келаёт-ган пайтда йўлда учратдим. У биринчи бўлиб сўз бошла-ди ва номасига қандай жавоб беришгани хусусида сўради. Мен унга ·ал-Малик ал-Музаффардан нима эшитган бўлсам ҳаммасини айтиб бердим, шундан кейин тотор-ларнинг дарёдан кечиб Беркрига келганлиги ҳақидаги маълумотнома тўғрисида эслатдим.

У менга Кўкэ Бижкэмнинг лашкарлари билан сафига келиб қўшилиши, унинг тоторлар ўзига ҳужум қилишга тайёргарлик кўраётгани ҳақидаги маълумоти, маслаҳат асосида пистирма қурдиргани, лекин душманни авраб олиб келиши керак бўлган қўшин илфорининг куруқ қай-тиши, тоторларнинг Маназжардан чекингани хусусида-ги хабар — бу ерда бўлиб ўтган ҳамма воқеалар тўғрисида гапириб берди. Мен унга: “Тоторларнинг бу ерга жанг қилиш учун келиб, жангта кирмасдан орқага қайтиб ке-тишига ишониб бўлмайди, бу фалати ҳол!”, дедим. Сул-тон бунга жавобан: “Бунда ҳеч бир фалатилик жойи йўқ. Тоторлар биз билан жанг қилгани Ҳилотга келган, лекин бизларнинг аш-Шом мамлакатининг марказида эканли-гимизни билганидан кейин, улар бу мамлакатлар ҳукм-дорлари биз билан қўшилиб иттифоқ тузибди, деб ўйла-ган ва натижада орқага қайтиб кетишган”, деди. Мен Сул-

тоннинг бу фикрига қўшилмадим. “Тоторлар жанг қил-
масдан қайтиб кетиши мумкин эмас!”, дедим. Бу айни
ҳақиқат эди!

¹ *Майафориқин* — Туркиядаги шаҳар.

² *Хони (Хон)* — Туркиядаги шаҳар, у Хорпуддан шарқ томонда жойлашган.

³ *Жабахжур* — Диёр Бакрдан шимолий-ғарб томонда, Хонидан жанубда жойлашган вилоят. Ёқутнинг асарида унинг номи “Жабал Жур” деб ёзилган.

106-БОБ

**ЖАЛОЛИДДИННИНГ АМИД ҚАСАБАСИДА ТЎХТАШИ, УНИНГ
ИСФАХОНГА ЖЎНАШ ҲАҚИДА ҚАРОР ҚИЛИШИ, АМИД
ХУКМДОРИ АЛ-МАЛИК АЛ-МАСЬУДНИНГ ЭЛЧИСИ
КЕЛГАНИДАН КЕЙИН УНИНГ БУ ФИКРДАН ҚАЙТИШИ,
ТОТОРЛАРНИНГ СУЛТОНГА ҲУЖУМ ЭТИШИ БАЁНИ**

Султон Хони шаҳрида тўхтаганида чодирига хонлар ва амирларни тўплади, кейин менга элчилигим натижаси ҳақида, юборган номасига берилган жавоб қандай бўлса, шундайлигича такрор айтиб беришимни буюрди. Мен уларга умидсизлик руҳидаги ғазаллардан ўқиб бердим. Яқин-атрофдан ёрдам ҳам, кўмак ҳам бўлмаслигини, уларнинг умидворлик билан ёрдам кутиши қиздирилмаган темирга болға урушдай гап эканлигини англатдим. Шундан сўнг улар юклар ортилган араваларни Диёр Бакрда қолдириб, хотинлари ва болаларини ўзлари билан олиб тезроқ бу ердан Исфахонга кетишга келишиб олдилар. Уларнинг бундан кузатган мақсади бор эди: илгарилари ҳам улар ё мағлуб бўлиб, ё ҷарчаб-толиқиб Исфахонга келганларида бу ерда куч йиғиб, лашкар тўплаб, кудратли қўшинга айланардилар, бу гал ҳам шундай бўлади, деб ўйлагандилар. Бу воқеадан икки кун кейин Султон ҳузурига Амид хукмдорининг лақаби “Касаб ас-Суккар” (“Шакарқамиш”) бўлган Аламидин Санжар исмли элчиси мактуб олиб келди¹. Мактубда хукмдор ўзининг Султонга хизмат қилиш ва унга тобе бўлиш нияти борлигини бил-

дирган эди. Бунинг учун у Султонни ар-Румга қарши юриш қилишга, бу мамлакатни босиб олишга даъват этиб, бундай деб ёзганди: “Ҳақиқатан, ар-Рум сизнинг мақсадларингиз ушаладиган мамлакат, бу ўлкага юриш қилсангиз бас, уни ҳеч қандай қаршиликка учрамай босиб олишингиз аниқ. Унга ҳукмронлик қилишда ҳам сизга тўсқинлик этувчи бўлмайди. Агар сиз ар-Рум малиги устидан ғолибликни қўлга киритсангиз қипчоқларнинг дўстона муносабатларидан ҳам баҳраманд бўласиз. Улар ҳам сизга хизмат қилиш ниятидалар. Қипчоқлар билан бирлашганингизни эшитса, тоторлар ҳам сизга ҳужум қилишга ботина олмайдилар. Бу эса ғалаба деган гап!”.

Шу билан бирга Амид ҳукмдори мактубида, агар Султон бу ишга қарор қиласа, унинг ўзи тўрт минг отлиқ лашкари билан Хоразмшоҳ хизматига келиши, бу давлат унинг кўлига бутунлай ўттунга қадар хизматида бўлиши тўғрисида эслатган эди.

Бунинг сабаби бор эди: ар-Рум ҳукмдори шу йили Амид ҳукмдори ал-Малик ал-Масъуднинг кўл остидаги бир неча қалъаларни босиб олиб, унда ўзига нисбатан газаб уйғотганди.

Султон унинг сўзларига ишонди ва Исфахонга бориш тўғрисидаги илгариги қароридан қайтди. У Амид томонга қараб юрди ва шаҳар яқинидаги кўприк ёнида тўхтади. Уни суза олмаслиги туфайли хасга ёпишиб чўкаётган одамга қиёслаш мумкин эди. У ўша куни тунда (628 йилнинг шавволи ўргасида — 1231 йилнинг 17 августида) шаробни кўп ичиб маст бўлиб қолди. Мастлик туфайли боши айланаб ўзини ўнглай олмай қолди, нафас олиши оғирлашди. Унинг кайфи тарқаб, хушёр тортиши қиёматта қолди.

Ярим тунда Султон ҳузурига бир туркман келиб бундай деди: “Мен сенинг кеча турган жойингда бошқа қўшинни кўрдим, уларнинг кийимлари сенинг лашкарларинг кийимига ўхшамайди. Уларнинг отларининг аксарияти кулранг тусда эди”. Бироқ Султон уни ёлғончиликда айблаб, “Бу бизнинг ушбу мамлакатта келишимизни истамаётганларнинг ўйлаб топган ҳийласи”, деди. У бутун тун бўйи то тонггача базмни давом эттирди. Эрталаб эса уни ва қўшинини тоторлар ўраб олдилар. Айтишадики:

Хайрлик тун тилади. Чўзидди пардек юмшоқ тўшакка,
Тонг отар-отмас қаттиқ ерда ётгандек бўлди гўё.
Рўёдек эди бу: найза тутган қўллар кўтарилиди-ю
Хинога бўялгандек бармоқлар кўринди элас-элас?

Султон қўшини гулларнинг хуш ифори тонг еллари туфайли тарагиб кетгани, афсоналар оғиздан-оғизга ўтиб халқлар орасида ёйилгани каби турли томонларга тарқалиб кетдилар.

Мен ўша куни тунда узоқ ўтирдим, мактубларни тартибга солдим. Тун ярмидан оққандада ухладим. Тонгда қаттиқ ухлаган эканман, гуломлардан бирининг: “Отлан! Қиёмат қўпди!” деган қичқириғидан уйғониб кетдим. Гезда кийиниб, шошиб ташқарига чиқдим. Ҳамма бойликларим, кийимларим, нарсаларим чодир ичида қолди. Ўз-ўзимга дедим:

Биз агар яхши ниятни йўлдош қилиб қайтаётган бўлсак,
Яхшиликка умид боғласагу аммо ишончимиз саробдек бўлса,
Шунда энг улкан ўлжа ўз қалбимиз бўлар. Негаки,
Қалб аслига қайтади — гурур ва шармисорликни ўзига
жойлаб.

Отимга минганимдан сўнг тоторларнинг бир гурӯҳ лашкарларининг Султон қароргоҳини ўраб олганини кўрдим. Султон эса бу пайтда маст ҳолда ухлаб ётар эди. Шунда бирдан кутилмаганда лашқарлари ва туғи билан Урхон пайдо бўлди. У тоторларга ҳужум қилиб, уларни Султон қароргоҳидан узоқлаштириди. Султоннинг бир неча мулоғимлари чодирга кириб, уни қўлларидан ушлаб олиб чиқдилар. У оқ яктақда эди. Уни отга миндириб, отни чоптириб олиб кетдилар. Жалолиддин эса бу пайтда фақат битта одам — отабек Саъднинг қизи, форс маликаси — хотини ҳақида ўйларди. У Темур Қийик ва амир-шикор Дўрт Обага бу қочишдан кейин малика (хотини) қаерда бўлишидан қатъий назар ўша ерда ўнинг хизматида бўлишни буюрди.

Султон тоторлар қўшини ўзларини таъқиб этаётганини кўрганидан кейин Урхонга лашкарлари билан сафдан ажралиб чиқишга буйруқ берди. Бу билан Султон тоторлар уни (Урхонни) таъқиб этишни давом қилдиради, мен

эса қутилиб қоламан, деб ўйлаганди. У лашкарларидан ёлғизланиб, бир неча одами билан ажралиб кетди, бу унинг хатоси эди. Урхон ундан ажралганидан сўнг сафига катта куч келиб қўшилди. У Ирбилга етиб борганида сафида тўрт мингдан ортиқ отлиқ лашкарлар бор эди³. Бу қўшин билан у кейинчалик Исфахонга йўл олди. Бу шаҳарни босиб олиб, то тоторлар унга хужум қилганга қадар хукмронлик қилиб турди. Шундан сўнг Урхон то мана шу йилгача, яъни олти юз ўттиз тўққизинчи йилгача (ушбу асарга тартиб берилган пайтгача, 1242 йилнинг ёзигача) Форсда асирикда сақланди.

Султон Урхондан ажралишганидан кейин унинг ёнида Утурхон, амир-охур Талсоб, шахсий отбоқари Маҳмуд ибн Саъдаддин кабилар қолган эди. Улар кейинчалик менга ўша пайтда Султон бошидан кечган воқеалар ҳақида сўзлаб бердилар. Шундай қилиб, Султон Урхондан ажралишганидан сўнг ҳимояси мустаҳкам ҳисобланган Амид томонга йўл олади, тоторлар эса уни таъқиб этадилар. Амидда бу пайтда алғов-далғов бошланган, шаҳар аҳолиси хоразмликлар хужум қилиб келаётганниш деб таҳлика га тушған эдилар. Шунинг учун улар Султонга қарши бош кўтариб чиқадилар. Шаҳар деворлари устидан туриб Султонга қарши тошлар отадилар, уни бу ердан кеткизишга ҳаракат қиласидар.

Унинг шаҳарга кириш умиди қолмаганидан кейин, Амиддан чап томонга қараб йўлга тушади. Содиқ одамлардан юзга яқин отлиқ лашкарлар унинг сафига қўшилади. Кейин улар тоторлар таъқибидан қутилиши учун Жазира чегараларига қадар боришади⁴. Бу ерда йўллар мустаҳкам кўриқланарди, у томонга ўтишга имкон беришмайди. Бундан ташқари, дараларда, жарликлардаги йўллар, сўқмоқларда ҳам Султонни кўлга тушириш ниятидаги кимсалар уни кутиб ётишарди. Шундайлардан бири қанчаси Ҳамадон шихнаси Сарир Маликни тутиб олиб ўлдиришади.

Кейин Утурхон Султонга орқага қайтишни маслаҳат беради, “Бугунги кунда биз учун энг хавфсиз йўл бу тоторлар бизни таъқиб этиб келган йўл”, дейди. У унинг маслаҳатига амал қилган ҳолда ўша йўлдан орқага қайтади. Бундан келиб чиқиб, Султоннинг ўлими ҳамма жиҳатдан Утурхон ишлаб чиқсан режа асосида амалга ошган

дэйиш мумкин. Султон орқага қайтиб, Майафориқиннинг қишлоқларидан бирига етиб келади. Қишлоқнинг фалла йигиладиган хирмонларидан бирида тұхтайди. Отларини үтлатиш учун яйловга қўйиб юборади, кейин яна йўлида давом этмоқчи бўлади. Шу ерда Утурхон олчоқлиги ва қўрқоқлиги туфайли Султонни ташлаб кетади. У (Утурхон) ал-Малик ал-Музаффар Шихобиддин Фозий билан мактуб олишиб, ҳамкорлик қилишга келишган эди. Бу ҳамкорлик улар ўртасида ўзаро хурмат-эътибор, садоқат асосида мустаҳкамланиши керак эди, аммо унга дарз кетди, дўстликка путур етди. Кейинчалик Утурхон асир олинади ва занжирбанд ҳолда сақланади. Ал-Малик ал-Комил Амидни босиб олганидан кейин ал-Музаффардан уни ўзига талаб қилиб олади. Уни ҳузурига Мисрға чақиради. Утурхон ўша ерда томдан йиқилиб ўлади.

Султон ўша тунда хирмонда қолади, тун уни душманлари кўзидан яширади. Тонгда эса яна тоторлар пайдо бўлади. У отига миниб улар кўзидан йироклашади. Лашкарларининг бир қисми отларига минишга улгуролмай қолади, тоторлар уларни¹ қириб ташлашади.

¹ Амид ҳукмдори ал-Малик ал-Масъуд ва унинг элчиси Ала-миддин Санжар ҳақида 85-бобда ҳам маълумот берилган.

² Бу мисралар ал-Мутанаббийнинг қасидасидан олинган. Унинг дастлабки икки мисраси 33-бобда ҳам берилган.

³ Ирбил — Шимолий Ироқдаги шаҳар.

⁴ Жазира — Тигр ва Эвфрат дарёларининг оралиғида, унинг шимолий қисмida жойлашган ўлка.

107-БОБ

СУЛТОН БОШИДАН КЕЧГАН ВОҚЕАЛАР ВА УНИНГ ҲАЁТИНИНГ СҮНГГИ КУНЛАРИ БАЁНИ

Тоторлар ҳужуми натижасида Султон билан ажralишганимдан сўнг мен уч кун давомида форда яшириниб жон сақладим. Кейин қўркув аралаш Амидга бордим. Икки ой давомида Амиддан ташқарига чиқмай яшадим. Сўнг Ирбилга кетдим. Бу ердаги кўплаб мусибатлар ва ташвишлардан кейин Озарбойжонга ўтдим. Шундан сўнг бир қанча

каймачиликларни бошдан ечириб, пулсиз ва маблағсиз ярим яланғоч ҳолда Майафориқинга етиб бордим. Мен Султон мамлакатларидағи қайси уйда бўлмай, қайси жойда яшамай, ҳамма ёқда халқ Султоннинг ҳаёт экани, кўшинларини йигитгани, тоторлар устига юриш бошлашга тайёрланаётгани ҳақида гапираётганини эшигдим. Бу гаплар ёлрон, у ҳақдаги умидлар сароб эди. Булар Султонга бўлган мұхаббат, эътиқод, садоқат туфайли туғилганди. Мен бу гапларни Майафориқинга етиб келгунга қадар эшигтандим. Бу ерга келгач Султоннинг ўлганига ишондим. Шунда унинг ўлими учун тақдирни азалнинг ёзғитларидан, ҳаётнинг бевағоликларидан нолидим. Оғир нафас олар эканман, алам билан дедим: “Оҳ, агар Мұхаммад (пайғамбар)нинг яратувчиси Мұхаммад (муаллиф)ни яратмаганича эди!” Агар унинг ўлим фурсатини қандайдир тарзда орқага суриш имкони бўлганда эди, мен ўз умримнинг бир қисмини унга берган, унга отилган ажал ўқини ўзимга олган бўлардим. Аммо мен буларни ўйлаётган пайтимда ажал уни жиловладиган қудратли қўлдан чиқиб, нишонга бориб урилган эди. Эндиликда кўнгилдаги аламларни мисраларга тизилган дардлардан оламан, шу тариқа юракни камлардан бўшатаман, зеро, бўлак иш қолмаганди:

Каромат қилгандим, сендан сўнг авж олишин олов,
Сен кетдинг, о Кулайб, анжуманлар бағри тўлди,
Бахс майдонида улар донолик либосин кийди.
Сен бўлсайдинг, улар бўлар эдилар соқов¹.

Юқорида айтганимиздек, тоторлар Жалолиддинга қишлоқда хужум қилишади. Унинг асир қилиб олинган сафдошлари тоторларга, қочтанлар орасида Султон ҳам борлиги ҳақида маълумот беришади. Тоторлар унинг кетидан таъқиб этиш учун ўн бешта отлиқни юборади. Булардан иккитаси унинг кетидан қувиб етади, лекин Султон уларни ўлдиради, бошқалари эса уни тутишдан умидини узиб орқага қайтишади.

Шундан сўнг Султон тоққа кўтарилади. Тоғ йўлларида эса курдлар талончилик мақсадида пистирмалар курган бўлади. Улар, одатдаги деқ, Султонни ҳам тутиб олишади ва худди башқаларни талагани каби унинг ҳам борйгини тортиб слишади. Улар Жалолиддинни

ўлдиришмоқчи бўлганда, у йўлтўсар босқинчиларнинг бошлиғига махфий равишда бундай дейди: “Мен, ҳақиқатан ҳам Султонман, тақдиримни ҳал қилишга шошма, сен учун бир қанча имкониятлар бор: хоҳласанг мени ал-Малик ал-Музаффар Шиҳобиддин хузурига олиб бор, у сени тақдирлайди, хоҳласанг мен билан қўл остимдаги мамлакатлардан бирига юр, энг бадавлат өдамлардан бирига айланасан”.

Босқинчилар йўлбошчиси уни Султон мамлакатларидан бирига олиб боришига кўнади. Шу учун у Султонни уруғ-аймоқлари яшайдиган чодирга олиб боради ва уни хотини ёнида қолдиради². Ўзи эса тоқقا от олиб келиш учун кетади.

Бу одам чодирда йўқ пайтида бу ерга бошқа бир галамис, ифлос, кўлига найза ушлаган курд кириб келади. У аёлдан: “Бу хоразмлик ким? Нега уни ўлдиришмади?” деб сўрайди. Аёл унга: “Унинг кимлигини айтишмади, аммо эrim уни Султон деб раҳм-шафқат қилиді”, дейди. Шунда курд унга: “Сизлар унинг Султонлигига ишондингизларми? У султон эмас. Ҳилотда менинг бундан юз чандон яхши бўлган укам ўлиб кетди. Бу нима бўлибди”, дейди ва найзасини унга шундай санчадики, бошқа найза санчишга зарурат қолмайди. Шу тарика унинг жонини боқий дунёга йўллади.

Шундай қилиб бу ёвуз кимса сўз билан ифодалаб бўлмас жиноятта кўл урди, заминни улуғ инсоннинг қони билан бўяди. У бу қилмиши билан барча қалбларда оғриқ уйғотди, гёё ҳаёт отлиғ шарбатни тўкиб нобуд қилди. У туфайли ислом биноси вайрон бўлди, имон байроғи туширилди. Имон ўлонлари аслида само бағрини тилиб ўтадиган чақмоқ мисол эдилар, уларнинг шамширларидан коғирлар ҳам, қора ниятили кимсалар ҳам қўрқардилар.

У қанча ўлкалар, қанча мамлакатларда аёвсиз жангларда қатнашди, ўлимларга чап берди, мусибатлардан халос бўлди. Аммо ҳаёт билан видолашиб мавриди келганда бу қудратли арслон ичор тулки панжалари остида жон берди. Ҳа, нима ҳам дейиш мумкин. Бу дунё, бу замоннинг қувончу кулфатлари, тақдир ўйинлари – ҳамма-ҳаммаси қудратли Оллоҳдан, улуғ Яратувчининг марҳаматидандир! Ҳа, худди шундай!

Орадан бироз вақт ўтгач ал-Малик ал-Музаффар одамларини тоқقا юборди. Улар Султоннинг буюмлари — оти, эгар-жабдуғи, машхур қилич ва сочини солиб юрадиган найчасини топадилар. Бу буюмлар ал-Малик ал-Музаффар ҳузурига олиб келиниб, ўша кунлар бу ерда ҳозир бўлган Султон мулозимларига, шунингдек Утурхон, амир-охур Талсоб ва бошқа яқян кишиларга кўрсатилганда, улар ушбу нарсалар Султонники эканлигини тасдиқлайдилар. Ал-Малик ал-Музаффар шундан кейин одамларини Султон майитини олиб келишга юборади. Улар Султон майитини Майафориқинга олиб келиб кўмишади³.

Ҳақиқатан, бу ифлос, разил кимса ўз қилимиши билан энг катта баҳтсизлик келтириб чиқарди, оламни Жалолиддинсиз етим қолдириди:

Эй, сен, ғанимлар бўғзидан қон тирқиратувчи!
Ўзингку ўлдинг, оқиздинг ёш ўрнига қон.
Чархи кажрафтор унинг маҳобатини намоён қилса,
Ислом олами, давлатлар ҳолига бир боқ энди,
Англарсан не ҳол: ислом таянчидан мосуво,
Давлатлар кун-паяқун, шухрат юлдузи сўнди.

¹ Исломгача бўлган давр араб шоири ал-Мухалхил ибн Робиъанинг шеъридан. У машхур Имрул Қайснинг тогаси. Ал-Мухалхилнинг аксарият шеърлари акаси Кулайб ибн Робиъага багишланган.

² Бу ўринда сўз Майафориқин яқинидаги Айн Дор қишлоғи ҳақида бормоқда. Султон Жалолиддин Мангуберди мана шу қишлоқда 628 йилнинг шаввол ойи ўртасида (1231 йил августининг ўртасида) ўлдирилган.

³ Шиҳоббиддин Гозий Хоразмшоҳнинг тогаси Утурхондан: “Ҳақиқатан ҳам ўлдирилган Жалолиддинми?” деб сўради. У майитнинг кимники эканлигини билди ва “Ҳа, бу Жалолиддин” деб йиғлаб юборди. Улар Султонни тунда Майафориқин яқинига кўмишади ва унинг қабрини мӯғуллар Султон хокини хўрламасин деган мақсадда текислатиб юборищади.

Ал-Малик ал-Ашрафга Жалолиддиннинг ўлими ҳақида хабарни хурсандчilik билан етказишганда у бундай деди: “Сизлар мени унинг ўлими билан кутляяпсизларми? Бироқ энди сизлар бунинг самарасидан баҳраманд бўласизлар. Оллоҳ номи билан қасам ичиб айтаманки, унинг ҳалокати тоторларнинг

ислом мамлакатлари ерларини босиб олишларига йўл очиб беради. Энди Йаъжуж ва Майжуж билан бизнинг ўтамиизда девор бўлиб турадиган Хоразмшоҳдек инсон йўқ”. (Бу сўзлар Сибр ибн ал-Жавзий, ибн Тагриберди, ал-Айний асарларида ҳам келтирилган.) Шиҳобиддин Фозий Жалолиддин ўлдирилган қишлоқнинг ўзини ёкиб юборишга буйруқ беради.

Жалолиддиннинг ўлими ҳақида Киракос Ганзакеци, Вардан, Себастаци, Ибн ал-Ибрий, Абул Фидо, Жувайнин, Рашидиддин, ал-Умарий, шунингдек, грузин, албан, арман, араб ва бошқа ҳалқлар тарихчиларининг асарларида ҳам маълумотлар берилган.

Ибн ал-Асир машхур “Солнома”сини (“Комил ат-тарих” асарини) Яқун Шарқ мамлакатлари ҳамда вилоятларининг биринкетин тоторлар истилосига дучор бўлаёттани ҳақидаги ғамгин тасвирлар билан якунлайди. Ибн ал-Асирнинг бу ғамгин тасвирлари ортидаги воқеаларнинг давомини уйдан 50 йил кейин яшаб ўтган бошқа бир тарихчи Ибн Восил ўз кўзи билан кўрди. У 1258 йилда мўгуллар Боеодони истило қилиб, уни вайрон этганликларининг гуводи бўлди. Шу сабаб Жалолиддинни қоралаб, бундай деб ёzáди: “Шубҳасиз, Оллоҳ Жалолиддинни гуноҳдари учун жазолади, унга айбларини ювиш учун муҳлат бермади, аксинча, уни ҳалокатта маҳсум қилди. Аммо унинг ҳалокати мусулмонлар мамлакатларининг тоторлар томонидан истило қилинишига сабаб бўлди. Унинг отаси Аловуддин Мухаммаднинг ўлимидан кейин, тоторлар мамлакатларни вайрон қилиб аҳолисини қиргандаридан сўнг Жалолиддин Ҳиндистонга қочди, кейин орқага қайtdi. Унинг куч-қудрати ошиб, давлати мустаҳкамланди. У Кирмон, Ироқ ал-Ажам, Озарбойжон, Арронни забт этди, қудратли қўшининг эга бўлди. Агар у тартибли ҳаёт кечирганида, адолат билан иш юритиб, кўп қон тўкмаганида тоторларга қарши жанг қылган бўларди. Чунки у мусулмон давлатларини тоторлардан ҳимояловчи тўсик эди. Аммо унинг бу ердаги ҳаёти ёмон кечди, гуноҳлар қилди, қўшниларига нисбатан душманлик, адолатсизликни кучайтирди, ўзини ёмон тутди, норозиликларни кеттириб чиқарди. Бу унинг ўлимига ва қўшинининг ҳалокатига сабабчи бўлди. Шундан кейин тоторларнинг истилоси ва уларнинг ислом давлатлари устидан ғалабаси бошланди. Агар Оллоҳ бирор нарсани хоҳласа, у унинг сабабларини ҳам тайёрлайди”.

Ушбу сўзлардан Ибн Восилнинг ҳам, Ибн ал-Асир каби Хоразмшоҳларга ғайирлик билан қараганини кузатиш қийин эмас. Акс ҳолда мусулмон ўлкаларининг, Боеодонинг мўгуллар томонидан босиб олинишида, ан-Насавий ёзганидек, халифа ан-Носирнинг Чингизхон билан Хоразмшоҳларга қарши тил

бириктирганини, хоинлик қилганини, Жалолиддин кўшнила-ри бўлган ҳукмдорлар ҳам мўгулларга хизмат қилиб, Султонга сотқинлик қилганларини англаган бўлар эди. Лекин нима бўлма-син, Хоразмшоҳларга қарши бўлган тарихчилар ҳам уларнинг тарихдаги буюк ролини, хусусан, Жалолиддиннинг қурратини, мардлиги, мўгулларга қарши курашда ислом давлатлари олди-даги хизматларини эътироф этишга мажбур бўладилар.

108-БОБ

ЖАЛОЛИДДИННИНГ ФЕЪЛ-АТВОРИ, УНИНГ ЎЗИГА ХОС ХУСУСИЯТЛАРИ, МУҲРЛАРИ ҲАҚИДА, ШУНИНГДЕК, УНИНГ ҲАЛИФАГА, БОШҚА ДАВЛАТЛАР ҲУКМДОРЛАРИГА ВА АЙНИ ПАЙТДА УЛАРНИНГ СУЛТОНГА НИСБАТАН МУНОСАБАТЛАРИ ТЎРРИСИДА

У буғдойранг, ўрта бўйлик, туркий қиёфалик ва тур-кийда гапирадиган одам эди, шу билан бирга форсийда ҳам сўзлаша оларди. Унинг мардлиги, жасурлигига кел-сак, юқорида ҳикоя қилганим жанглардаги фаолиятини эслаб ўтишнинг ўзи кифоя қиласди. У шерлар орасида энг зўр шер эди, қўрқмас чавандоз, лашкарлар орасида энг ботир эди. У ювош, мулойим одам эди, жаҳлдор эмасди, ҳақоратомуз сўзларни айтмасди. У ниҳоятда жиддий эди, кулмасди, фақат жилмайиб кўярди, кам гапиради. У ҳақ-гўйликни, адолатни улуғларди, аммо у яшаган даврдаги ғалаёнлар, алғов-далғовлар феъл-атворини ўзгартирди. У кўл остидаги одамларнинг оғир ҳаётини енгиллаштиришни хоҳларди, аммо у яшаган давр қонунлари уни зулм қилишга мажбур этарди.

Жалолиддин Ҳиндистондан келганидан кейин ҳалифага йўллаган дастлабки мактубларида, гарчи бу пайтда Олий девон билан унинг ўртасида худди отаси давридагидек муносабатлар яхши йўлга қўйилмаган бўлса ҳам нома охирига: “Сизнинг итоатгўй хизматкорингиз султон Санжарнинг ўғли Мангуберди” деган сўзларни ёздиради. Ҳалифа уни Ҳилотда пайтида султонлик фахрий кийимлари билан сий-лаганидан кейин, бу ҳақда олдинроқ баён қилганимиз, Султон унга йўллайдиган номаларида “Сизнинг кулингиз” деб ёздирадиган бўлди. Шу билан бирга унга (ҳалифага) мурожаати куйидаги сўзлардан иборат бўларди: “Бизнинг муҳтарам жанобимиз ва ҳомийимизга, Амир ал-мўъмининга,

муслимлар имомига, олам ҳукмдорининг эълиси вориси-га, Машриқ ва Мағрибнинг имомига, Мўъаййн ибн Ғойлиб сулоласининг энг улуғига".

Жалолиддин Аловуддин Қайқубодиа. Миср, аш-Шом ҳукмдорларига нома йўллаганда ўзининг ва отасининг номларини тўлиқ ёздирар, ўзини Султон деб атар эди. Уларда мактубларда битиладиган одатдаги "хизматкорингиз", "дилдан севувчи", "акангиз ва укангиз" каби сўзлар ёзилмасди.

Унинг фармонлари, ёрлиқларидаги тамғасида "Ёрдам фақат ягона Олоюҳдан" деган сўзлар битилганди. Агар у Мўсул ҳукмдори Бадриддин ёки шу кабилар билан ёзишмалар олиб борадиган бўлса юқоридаги сўзлар чиройли қилиб битилган тамғасини босарди¹. Тамғадаги сўзлар чиройли битилиши учун қалам учи иккита ажратилган бўлиб, бунда ёзилган ҳарфлар йирик кўринарди.

У Ҳиндистондан қайтиб келган пайтларда халифа унга йўллаган дастлабки номаларида "Мұхтарам жаноб ҳоқон!" (ал-жаноб ар-рафиъ ал-Ҳоқони) деб мурожаат қилганди. Жалолиддин улардан ўзига доимо фақат Султон деб мурожаат қилишларини илтимос этарди. Аммо Олий де-вондагилар унинг бу илтимосини қабул қилмадилар. Чунки ундан олдин ўтган бирорта улуғ ҳукмдорга бундай мурожаат этилмаганди. Жалолиддин буни талаб қилиб туриб олганидан кейин халифа уни фахрий кийимлар билан тақдирлаганидан сўнг "Мұхтарам жаноб шоҳаншоҳ!" (ал-жаноб ал-али аш-шахиншоҳ) унвонини ҳам бериб, унга шу унвон билан мурожаат қила бошлади.

У олти юз йигирма саккизинчи йил шаввэл (1231 йил август ойи)нинг ўртасида ҳалок бўлди. Бу ниҳоятда оғир йўқотиш, баҳтсизлик эди. Бундай йўқотишдан агар тоңг шафаги ўзининг қонталаш ёпинчигини йиртса, ой юзи-ни юлиб, бағрини доф қиласа, само азалик кийимини кийса, юлдузлар ёниб кулга айланса арзирди. Негаки, бу уларни шундай куйларга солишга арзийдиган энг оғир мусибат, фожиа эди. Ўйлайманки, булар тоңг маҳали бир жойга тўпланиб ушбу мусибат учун алам билан бўзлайдиган бўлсалар, ҳар қандай тош қалбларга ҳам оғир қайғу индирган бўлардилар. Абу Таммомнинг қуйидаги мисрлари ҳам худди ана шу ҳолатта бағишлаб ёзилгандек:

Нур ярқ этди, бу дара сўқмоги битди,
Паймона тўлиб Оллоҳ йўлига етди.
Бўз йигит умрига нукта қўйди шамшир,
У ўлди, ўлим эса галабага тенг эрур.
Гарчи ғолиблик уни четлаб кетди.
Ажалга тик боқди, мерос қолди найза,
Тим қора найза унга ташломас соя.
Ўлим ботқогига оёгини аста қўяркан,
Деди: “Қиёмат оёғинг остида, қара”.
Тонгда кетди ул, дуолар либосга айланган маҳал.
Йўлидан адашмади, мукофот бўлди кафан!²

Оллоҳнинг марҳамати туфайли унинг охирати обод бўлсин, қабри нурга тўлсин, руҳи ором олсин. Оллоҳ йўлидаги хизматлари, динни ислом ҳимояси ва уни равнақ топтиришдаги интилишлари ижобат бўлсин. Оллоҳ ундан рози бўлиб, у дунёда ҳам марҳаматини аямасин. Мен чин кўнгилдан, ҳурмат-эҳтиром ва садоқат билан кўзда ёш ила ўқиган дуоларимни унга бағишладим. Бу дуоларим Оллоҳ хузурида унинг бошига соябон бўлсин.

Оҳ дўсттинам, абадий, мангур!
Бу андух, чексиз изтироб тарқ этмас мени!
Биз бор-будимииздан ажралдик, бошқалар эса
Кечагина имомлик рутбасига эга бўлиб бойиди.
Қайга ҳам беркинардинг? Фақат қабрми,
Кофирилардан ҳимояловчи энг сўнгги маскан ...
Ахир у салтанат безаги эди,
Ҳаммадан устун эди ақлда, заковатда.
Қаро ер қанча салтанатларни ютиб юборди,
Даҳшатлар ичиди энг даҳшатлиси шу³.

Еру самони ва дунёдаги барча нарсаларни яратган, марҳамати билан буюк ишларни мукаммал даражада амалга оширган, меҳрибон ва раҳмдил бўлган Оллоҳга ҳамду санолар бўлсин. Оллоҳ бизнинг жаноби пайғамбаримиз Муҳаммаддан ва унинг авлодларидан қиёмат кунигача рози бўлсин, бу дунёдаги яхшиликларини у дунёда ижобат қўлсин. Унинг умматларидан то қиёматтacha илтифотини аямасин!

Битди! Асарнинг асл қўлёзмаси олти юз олтминш олтинчи йил сафар ойида (1267 йил 22 сентябрь — 21 октябрь оралиги) ёзилди (?).

¹ *Бадриддин Лўму (1233—1259 йиллар ораси)* — Мўсулнинг хукмдори. У ҳақда 85-бобда ҳам маълумот берилган.

² Абу Таммомнинг халифа ал-Мўтасимнинг лашкарбошиси Муҳаммад ибн Ҳумайда ат-Тусийга бағишланган қасидасидан парча. Бу лашкарбоши 829 йилда Бобак билан бўлган жангда ҳалок бўлган.

³ Султон Жалолиддин ўлимидан кейин ҳар хил мишишлар тарқалди. Гўё ўлган Хоразмшоҳ эмас, унинг яроқбардори деган гаплар айтилди. Ибн ал-Иброй, жумладан, бундай деб ёзади: “Баъзилар айтишича, ўлган Жалолиддин эмас эмиш. Ҳалок бўлган унинг яроқбардори (силоҳдор) дейишиди. Унинг ўзи сўфийлар кийимини кийиб вилоятма-вилоят кезиб юармиш. Одамлар Хоразмшоҳни фалон мамлакатда, фалон шаҳарда кўрдик, деган гапларга ишона бошлишди. 652 йилда (1254—1255 йиллар оралиги) бир гурӯҳ савдогарлар Жайхун (Амударё)-нинг кечиши жойидан ўтаётганда соқчилардан бири ўтаётганлар орасидан номаълум бир одамни тўхтатади. Соқчи ундан кимсан деб сўраганида, у Хоразмшоҳ Жалолиддинман деб жавоб беради. Соқчилар уни уриб, қийнаб ҳақиқий исмини айтишини талаб қиласди. Аммо у айтган сўзидан қайтмайди ва қийноқлар остида ҳалок бўлади. Аммо у Хоразмшоҳ эмас эди, унинг сўзларига ишониб бўлмасди. У ўзини Жалолиддин номи билан атаб юрганлардан бири эди”. (Бу маълумотни Рашидиддин ҳам келтиради).

Жувайний ҳам шундай воқеалардан бирини келтирап экан, бу воқеани султон Жалолиддиннинг Ироқдаги вазири Шарафиддин Али ат-Тафирий махсус текширганини маълум қиласди. Жувайний бунга кўшимча қилиб 633 йилда (1235—1236 йиллар оралиги) Устундараада (Мозандорон) ўзини султон Жалолиддинман деб атаган одам галаён кўтарганини айтади: “Чин Темур хукмронлиги пайтида тотор амирлари бир қанча одамларини ўша томонга юбордилар. Улар ўша одамни кўрдилар ва унинг Султонга ўхшаш эканлигини билдилар. У ўз ёлғони, алдови туфайли қатл этилди”.

Султон Жалолиддин ўлимидан кейин унинг қўшинининг деярли ҳаммаси султон Аловуддин Қайқубод хизматига ўтди. Аммо Қайқубод ўлимидан кейин унинг вориси Қайхусров ўзига суиқасд тайёрлашда айблаб хоразмликлар қўшинининг лашкарбошчиси Баракатхонни асир олдириди. Шунда амирлар Соруҳон, Қирхон, Кушлихон ва Бердихон хоразмлик лашкарларни унинг мамлакатидан олиб чиқиб кетдилар. Улар чиқиб кетаётib йўлида учраган барча жойларни талон-тарож қилиб, ёндириб кетдилар.

624 йил (1236—1237 йиллар оралиғи)да хоразмликларни ал-Малик ал-Комилнинг Амид, Ҳусн Кайф ва Харондаги ноиби, унинг ўели ал-Малик ас-Солиҳ ўз хизматига қабул қылди. Бироқ кейинги йили хоразмликлар унинг хизматидан чиқдилар ва мамлакатини тарқ этдилар. Бундан фойдаланган Мұсул ҳукмдори Бадриддин Лўйлу ал-Малик ас-Солиҳ устига юриш уюштириди, ас-Солиҳ яна хоразмликларга ёрдам сұраб мурожаат қылди. Хоразмликлар Мұсул ҳукмдори қўшинини мағлуб қилдилар, бунинг эвазига ас-Солиҳдан Ҳаррон ва ар-Рохуни бошқариш ҳуқуқини олдилар.

633 йил (1240—1241 йиллар оралиғи)да хоразмликлар Ҳалаб теграсига ҳужум уюштирилар. Дамашқ ҳукмдори ал-Малик ал-Муъззам Туроншоҳ уларга қарши чиқди. Аммо унинг қўшини хоразмликлар томонидан мағлуб этилиб, ҳукмдорнинг ўзи асир олинди.

638 йилнинг рамазони (1241 йилнинг март-апрель ойлари)-да ар-Ракки яқинидаги жангда Ҳомс, Дамашқ, Ҳалаб ҳукмдорларининг бирлашган қўшинлари хоразмликлар устидан ғалаба қозондилар.

640 йилнинг сафар ойи (1242 йилнинг июль-августи)да хоразмликлар ва унинг иттифоқдоши — Майафориқин ҳукмдори ал-Малик ал-Музаффар ғозий лашкарлари Ҳалаб ва Ҳомс қўшинидан енгилади.

642 йил (1244—1245 йиллар оралиғи)да хоразмликлар Зоҳир Бойбарс билан ҳамкорликда Фози қасабасида Дамашқ, Ҳомс ва салбчилар қўшинларига қарши жанг қиласди. Жангда хоразмликлар душманларини мағлуб қиласдилар ва Дамашқни қамал этади. Кейинги йили Дамашқ босиб олинади ва таланади. Ал-Малик ас-Солиҳ хоразмликлар учун ваъда қилган иқто ерларни бермайди. Оқибатда хоразмликлар унинг хизматидан кетишади. Аммо орадан күп ўтмай хоразмликлар қўшини ҳукмдорларнинг бирлашган қўшинидан мағлуб бўлади. Баракатхон ўлдирилади ва қўшинининг қолган қисми тарқалиб кетади. Хоразмликларнинг бир қисми Каракка йўл солади ва ал-Малик ан-Носир хизматига киради. Куштихон бошчилигидаги яна бир қисм лашкарлар мӯгуллар хизматига ўтади. Баракатхоннинг ўели бошчилигидаги хоразмлилар лашкарлар халифага хизмат қилишга қасамёд қиласдилар.

Бу ҳақдаги маълумотлар ал-Мокин, Абул Фидо, Рашидицдин, ибн Шаддод, ал-Мақризий, ас-Сулук, Ибн Тагриберди кабиларнинг асарларида ҳам учрайди.

МУНДАРИЖА

Сўзбоши. Камол МУҲАММАД ЁҚУБ. Султон тарихининг тадқиқи	5
Муқаддима	17
1-БОБ. Лаънати тоторлар, улар Ватани ва ишларининг илк баёни ..	24
2-БОБ. Чингизхон ва унинг икки дўсти кўзегон кўтаганидан кейин бунинг оқибати нималарга олиб келгани баёни.....	27
3-БОБ. Кушлухоннинг Чингизхондан ажралганидан кейинги таҳдири баёни	28
4-БОБ. Кушлухоннинг Чингизхон ўғли Душикон кўлида олти юз йигирманчи йилда ўлим топиши баёни.	32
5-БОБ. Султоннинг олти юз ўн тўртинчи йилда Ироқ мамлакатига қандай юриш қилгани баёни.	36
6-БОБ. Султоннинг Ироққа юриши ва бу ерда бўлиб ўтган воқеалар баёни.	41
7-БОБ. Отабек Ўзбекнинг ишлари, унинг Исфаҳондан кетиши ва ҳаётига хавф түгдирган асирилик тўридан кутулиши баёни..	43
8-БОБ. Нусратиддин Муҳаммад ибн Пиштегиннинг асир олингандан кейинги таҳдири қандай кечганлиги баёни.	47
9-БОБ. Форс ҳукмдори отабек Саъд ибн Зангининг бандилиқдан кутилиши баёни.	49
10-БОБ. Султоннинг Боғоддога юриши ва ундан қайтиб келиши баёни.	51
11-БОБ. Султон Ироққа юриш қилишдан олдин қонуний жиҳатдан ва эҳтиёткорлик юзасидан қандай тадбирларни амалга ошириб ултургани баёни.	54
12-БОБ. Султоннинг Ироқдан қайтиб келганидан кейинги воқеалар баёни.	64
13-БОБ. Низомулмулкнинг вазирликдан четлаштирилганидан кейинги аҳволи баёни.	70
14-БОБ. Султоннинг Мовароуннаҳрга қайтиб келганидан кейин рўй берган воқеалар баёни.	74
15-БОБ. Савдогарлар ўлдирилганидан кейин Чингизхон элчиларининг Султон ҳузурига келиши баёни.	77
16-БОБ. Чингизхон қўшинлари хужумини билгандан кейин Султон уларга қарши қандай нотўри тадбирлар кўллагани баёни..	79
17-БОБ. Чингизхон фойдасига ва Султон зарарига ишлатилган бир айёрилик натижасида Хоразмшоҳнинг ўз амирларидан шубҳаланиши, уларни ташлаб кетишга мажбур бўлиши хамда ажралтиши баёни.	83
18-БОБ. Туркон хотуннинг олти юз ўн олтинчи йилнинг охирги кунларида Хоразмни ташлаб чиқиши баёни.	85
19-БОБ. Туркон хотун ҳаётининг баъзи бир жиҳатлари ва унинг фөъл-автори.	91

20-БОБ. Султоннинг Чингизхон Бухорони эгаллаб олганини эшитанидан кейин Калифдан кетиши баёни.	92
21-БОБ. Султоннинг Кулзум денизидаги оролда вафот этганига қадар қандай ташвишларни ва мусибатларни бошидан кечиргани баёни.	96
22-БОБ. Шихобиддин ал-Хивақийнинг Хоразмдан Насара келиши, тоторларнинг уни ўлдириши ва Наса аҳолисини кириши баёни.	102
23-БОБ. Султон қочганидан кейин Хурросонда рўй берган воқеаларнинг қисқача тафсилоти.	108
24-БОБ. Султоннинг ўғли Жалолиддин Мангубердини таҳт ворисн қилиб белгилashi ва Кутбиддин Ўзлогшоҳни таҳт ворислигидан четлатиши баёни.	111
25-БОБ. Туркон хотуннинг Хоразмдан кетиши ва ундан кейин бу ердаги аҳвол баёни.	112
26-БОБ. Жалолиддин ва унинг укалари Ўзлогшоҳ, Оқшоҳнинг Хоразмга қайтиши ҳамда уларнинг низо сабабли икки қарама-қарши гурухга бўлинган ҳолда бу ердан жўнаб кетиши баёни.	113
27-БОБ. Низомиддин ас-Самъоний ва унинг Ҳурандизга вақтинча ташриф буюриши ҳамда қўрқув туфайли уни тезлик билан тарж этиши баёни.	115
28-БОБ. Жалолиддиннинг Хоразмдан кетиши ва бунинг сабаблари баёни.	118
29-БОБ. Жалолиддин кетганидан кейин Кутбиддин Ўзлогшоҳ ва унинг укаси Оқшоҳнинг Хоразмдан қочиши, бунинг сабаблари ҳамда улар иккаласининг кейинги тақдирни баёни.	120
30-БОБ. Жалолиддиннинг Нишопурга келиши ва шаҳардан чиқиб Фазнага Йўл олиши баёни.	123
31-БОБ. Бадрилдин Инонжхоннинг Бухородан қутилиб чиққанидан кейин Хурросонда ва бошқа жойларда бошига тушган ташвишлар ҳамда Солмон дарасида ҳалок бўлишига қадар кечган аҳволи баёни.	127
32-БОБ. Султоннинг ўғли, Ироқ ҳукмдори Рукниддин Гурсанжтий аҳволи ва у билан рўй берган воқеалар баёни.	132
33-БОБ. Фиёсiddиннинг аҳволи ва унинг Кирмонга юриши баёни.	137
34-БОБ. Фиёсiddиннинг Форсга юриши, бу вилоятдаги босқизичиликлари ва қўшиниларнинг бу ерда қилгани жинояткорона ишлари баёни.	142
35-БОБ. Жалолиддин Фазнага келгунча бу ерда рўй берган воқеалар баёни.	145
36-БОБ. Жалолиддин Фазнага қайтиб келганидан кейинги воқеалар баёни.	148
37-БОБ. Жалолиддин ва Чингизхон Ўртасида Синҷ дарёси бўйида бўлиб ўтган энг оғир ҳамда жуда кўп фам-кулфатлар келтирган даҳшатли жанг баёни.	153

38-БОБ. Жалолиддиннинг Синл дарёсидан ўтиши ва 619 йил воқеалари баёни	156
39-БОБ. Жалолиддин билан Кубача ўртасицаги ҳамкорлик на низолар баёни	159
40-БОБ. Жалолиддин Кубачани мағлуб этганидан кейин улар ўртасида бўлиб ўтган воқеалар ва унинг Ҳиндистондан кетиш арафасида Шамсиддин Элтутмиш билан муносабатлари баёни	164
41-БОБ. Тоторларнинг Хоразмни 617 йил зулқаъдасида қамал қилиши ва уни 618 йил сафар ойида босиб олиши баёни	168
42-БОБ. Жалолиддиннинг Ҳиндистондан чиқиши, олти юз йигирма биринчи йилда Кирмонга кириб келиши ва унинг Ироқни босиб олгунича бўлиб ўтган воқеалар баёни	172
43-БОБ. Фиёссаидиннинг ўз мамлакатидаги ҳаёт тарзи ҳақида	179
44-БОБ. Фахриддин Али ибн Абул Қосим ал-Жандийнинг вазирликкача бўлган фаолияти ва унинг вазир бўлиши, Шарафулмулк Хожа Жаҳон лақабини олиши баёни	183
45-БОБ. Султон (Жалолиддин) саройига келишим сабаби ва хизматта киришим баёни	187
46-БОБ. Султоннинг укаси устидан галаба қозонганидан кейин Ҳузистондаги ҳарбий юришлари баёни	193
47-БОБ. Султоннинг Озарбойжонни босиб олиши баёни	196
48-БОБ. Султоннинг гуржиларни қандай мағлуб қыргани баёни	201
49-БОБ. Султоннинг Двіндан Табризга қайтиши ва олти юз йигирма иккичи йилнинг ражабида кўшиннинг баронгорининг гуржилар мамлакатида қолдирилиши баёни	207
50-БОБ. Султоннинг Ганжани ва Арроннинг бошқа шаҳарларини қандай босиб олгани баёни	212
51-БОБ. Султоннинг Тўтрул ибн Арслоннинг қизи билан никоҳдан ўтиши баёни	213
52-БОБ. Табриз қозитигидан Қавомиддин ал-Жидарийнинг четлатилиши ва Иzzиддин ал-Қаевинийнинг бу мансабга тайинланishi сабаби баёни	215
53-БОБ. Султоннинг гуржилар мамлакатига қайтиши ва Тифлисни босиб олиши баёни	219
54-БОБ. Султоннинг Кирмонда Бароқ Ҳожибга хужум қилишга интилиши ва Кирмонни кўлга киритолмай қайтиши баёни	223
55-БОБ. Султон йўқ пайтида гуржилар мамлакатида қолган қўшинлар бошидан кечтан воқеалар баёни	225
56-БОБ. Олти юз йигирма учинчи йилда Магриб элчиси Шамсиддиннинг келиши баёни	232
57-БОБ. Олти юз йигирма тўртинчи йилда Султоннинг Бойлакон ва Ардебилини ҳамда уларга яхин бўлган жойларни Шарафулмулкка мулк қилиб бериши баёни	235

58-БОБ. Отабек Ўзбекнинг ўғли Малик Хомуш ва унинг Султон хизматига келиши баёни.....	236
59-БОБ. Ироқ акобирларининг Султоннинг Ироқдаги вазири Шарафиддин Али эт-Тафирий устидан шикояти баёни.	238
60-БОБ. Уржоннинг исмоилийлар томонидан Ганжада ўлдирилиши баёни.	240
61-БОБ. Султоннинг олти юз йигирма тўртинчи йил Ироқда юриши ва унинг тоторлар билан Исфаҳон остоналарида юзма-юз келиши баёни.	244
62-БОБ. Султон билан укаси Фиёсiddин Пиршоҳ ўртасидаги бўлиб ўтган низолар ҳамда унинг Султон хузуридан кетгандан кейинги тақдирли баёни.	252
63-БОБ. Аламут ҳукмдори Аловуддиннинг Султонга дўстона муносабат билан фидойилар юборган баёни.	260
64-БОБ. Сафнаддин Муҳаммад ат-Туроийнинг Хуросон вазири-гидан четлаштирилиши ва унинг ўрнига Тожиддин Муҳаммад ал-Балхий ал-Муставфийнинг тайинланиши баёни.	261
65-БОБ. Менинг Наса вазири этиб тайинланишим ва натижада Диёулмулк билан орамизда бўлиб ўтган воқеалар баёни ..	265
66-БОБ. Султоннинг қози Мужириддинни бир сехринг остида нима борлигини аниқлаш учун Боғоддог'а юборгани баёни.	267
67-БОБ. Аррон ва Озарбойжондаги воқеалар баёни.	269
68-БОБ. Тўғрулнинг қизи Маликаннинг аҳволи ва унинг тақдирли баёни.	271
69-БОБ. Ар-Румдан элчи Имодиддиннинг келиши баёни.	274
70-БОБ. Султон Ироқда пайтида Шарафулмулк томонидан Озарбойжон ва Арроннинг босиб олиниши баёни.	276
71-БОБ. Султон Ироқда пайтида Шарафулмулкнинг Озарбойжонда исмоилийлар савдогарларини ўлдириши баёни.	278
72-БОБ. Олти юз йигирма тўртинчи йилда ал-Хожиб Али ал-Ашрафийнинг Хуршида Шарафулмулкка қилган ҳужуми, унинг Арронда ўз бойликларини ташлаб қочиб кутилиб қолиши, одамларининг тарқалиб кетиши баёни.	281
73-БОБ. Ал-ҳожиб Али ал-Ашрафийнинг Озарбойжоннинг айrim вилоятларини босиб олиши ва Шарафулмулкнинг унга ҳужум қилганидан кейин ораларида бўлиб ўтган воқеалар баёни.	286
74-БОБ. Иzzиддин Балбон ал-Холхолий ва унинг ҳаётининг якуни баёни.	294
75-БОБ. Имом аз-Зоҳир биъамриллоҳнинг элчилари Нажмиддин ар-Розий ва Рукниддин ибн Атторнинг келиши баёни.	299
76-БОБ. Султоннинг Озарбойжонда қишлоши, бу ерда Шарафулмулкнинг хатоларидан оғоҳ бўлиши ва у ҳақда Фикрларининг ўзгариши баёни....	300
77-БОБ. Гурхоннинг Султон хизматига келиши баёни.	302

78-БОБ. Шарафулмұлк Султоннинг ўзига ииебатан муносабати үзгартаранини билганидан кейин Мұқонда қылган ишлари баёни.	305
79-БОБ. Ширвоншоҳ Афридун ибн Фарибурзнинг келиши баёни.	307
80-БОБ. Султоннинг гуржилар мамлакатидаги Лори шахрига юриши баёни.	309
81-БОБ. Баҳром ат-Куржининг қалъаларининг Султон томонидан қамал қелиниши баёни.	312
82-БОБ. Султон устоздор Ихтиериддинни қандай банди қылгани баёни.	313
83-БОБ. Султоннинг Нахичевонга йўл олиши ва мол-мулкларини кatta қўшин билан биргаликла Қагизон орқати Ҳилот томонига жўнатиши баёни.	316
84-БОБ. Султоннинг Ҳилотта томон юриши, уни қамал қилиши ва босиб олиши.	318
85-БОБ. Ҳилотни қамал қилиш пайтида бўлиб ўтган воқеялар баёни.	320
86-БОБ. Султоннинг олти юз йигирма олтинчи йилнинг охирида Ҳилотни босиб олиши баёни.	345
87-БОБ. Ҳилот босиб олинганидан ва таланганидан кейин Султоннинг бу ердаги фаолияти, шаҳар атрофидаги ерларнинг икто қилиб бўлиб берилиши баёни.	352
88-БОБ. Ҳилот босиб олинганидан кейин Олий девондан элчилар келгани баёни.	355
89-БОБ. Султоннинг ар-Румса юриши ва бу ерга ёзда етиб келиши баёни. Унинг қўшинининг аш-Шом ва ар-Рум қўшинларидан мағлуб бўлиши.	356
90-БОБ. Ал-Малик ал-Ашрафнинг Ҳилотта сафари. Унинг Султонга тинч-тотув яшаш тўғрисида нома йўллаши баёни.	362
91-БОБ. Ирокқа топширикларни бажариш учун боришим баёни.	365
92-БОБ. Аламутта боришим ва Султон топширигини қандай бажарганим баёни.	367
93-БОБ. Иззиддин Балбон ал-Халхолий ва унинг ӯзими баёни.	374
94-БОБ. Жаҳон Паҳлавон Ўзбек Тоийнинг Ҳиндистондан Ироққа келиши баёни.	375
95-БОБ. Ироқ ноиби Шарафиддин билан Қазвина ажралишим ва имконсиз ҳолда Озарбойжонга боришим баёни.	377
96-БОБ. Тоторлар қўшини илғорининг Озарбойжон чегарасида пајдо бўлиши ва Султоннинг Табриздан Мұқонга кетиши.	379
97-БОБ. Тоторларнинг Султонга Ширкабут чегараларида қылган хужуми баёни.	382
98-БОБ. Султон Мужириддин Ёқубни унинг акаси ал-Малик ал- Ашраф Мусо хузурига қандай жўнатиши баёни.	385
99-БОБ. Тоторлар Мұқонга хужум қылганидан кейин Султоннинг аҳволи баёни.	387
100-БОБ. Шамсиддин ат-Тугройнинг Табриздаги фаолияти баёни.	391

<i>101-БОБ.</i> Ганжадан кетишим ва Султон хизматига қайтиб боришим баёни.....	392
<i>102-БОБ.</i> Шарафулмulkнинг Султон томонидан Жарбард қальасида банди қилиниши ва бир ойдан кейин ўлдирилиши баёни.....	397
<i>103-БОБ.</i> Шарафулмulkнинг ҳаёти за феъл-авторидан айрим лавҳалар.....	400
<i>104-БОБ.</i> Султоннинг Ганжага жўнаши ва уни иккинчи бор босиб олиши баёни.....	403
<i>105-БОБ.</i> Тоторларнинг Беркрига Султонни излаб дарёдан кечиб ўтгани ҳақидаги Ҳилотдан Майафориқинга келган маълумотнома ва менинг ал-Малик ал-Музаффар хузуридан қайтишим баёни.....	410
<i>106-БОБ.</i> Жалолиддиннинг Амид қасабасида тўхташи, унинг Исфаҳонга жўнаш ҳақида қарор қилиши, Амид хукмдори ал-Малик ал-Масъуднинг элчиси келганидан кейин унинг бу фикридан қайтиши, тоторларнинг Султонга ҳужум этиши баёни.....	413
<i>107-БОБ.</i> Султон бошидан кечган воқеалар ва унинг ҳаётининг сўнгги кунлари баёни.....	417
<i>108-БОБ.</i> Жалолиддиннинг феъл-автори, унинг ўзига хос хусусиятлари, муҳрлари ҳақида, шунингдек, унинг халифага, башқа давлатлар хукмдорларига ва айни пайтда уларнинг Султонга нисбатан муносабатлари тўғрисида....	422

Адабий-бадиий нашр

Шихобиддин Муҳаммад Ан-Насавий

СУЛТОН ЖАЛОЛИДДИН МАНГУБЕРДИ ҲАЁТИ

Муҳаррирлар *P. Парфи, M. Аҳмедов*

Рассом *Ю. Габзалиев*

Баланӣ муҳаррир *Ю. Габзалиев*

Техник муҳаррир *Г. Смирнова*

Мусахидлар *Ш. Жумабоева, Ф. Ортикова*

Компьютерла табёрловчи *Э. Ким*

Теришга берилди 10.08.99. Босишига руқсат этилди 27.09.99. Бичими 84x108'/₂. Тип. Таймс гарнитураси. Шартнома № 49-99 ("Ёзувчи" нашрияти), № 169-99 ("Ўзбекистон" нашриёти). Офсет босма. Шартли б.г. 22,68. Нашр т. 22,99. Нусхаси 5000. Буюртма № 376. Баҳоси шартнома яосида.

Ўзбекистон Республикаси Давлат матбуот кўмитасининг "Ёзувчи", "Ўзбекистон" нашриётлар, 700129. Тошкент. Навонӣ кӯчаси, 30-ий.

Ўзбекистон Республикаси Давлат матбуот кўмитасининг Тошкент китоб-журнал фабрикасида босилди. 700194, Тошкент, Юнусобод даҳаси, Муролов кӯчаси, 1 уй